









XVII-1-8

JUS NATURÆ

METHODO SCIENTIFICA

PERTRACTATVM

PARS SEXTA

DE

DOMINIO VTILI,

IN SPECIE DE FEVDO,

ACCEDIT DOCTRINA

DE INTERPRETATIONE,

DE JURE EX COMMVNIONE PRIMÆVA

RESIDVO,

DE OFFICIIS ERGA MORTVOS,

NONDVM NATOS ET POSTEROS

NEC NON ERVDITORVM

AVTORE

CHRISTIANO L. B. DE WOLFF,

POTENTISSIMI BORVSSORVM REGIS CONSILIARIO INTIMO, FRIDERICIANÆ CANCELLARIO, IVRIS NATURÆ AC GENTIVM ATQVE MATHEMATVM PROFESSORE ORDINARIO, PROFESSORE PETROPOLITANO HONORARIO, ACADEMIÆ REGIÆ SCIENTIARVM PARISIÆ, BRITANNICÆ ATQVE BORVSSICÆ MEMBRO.

CVM PRIVILEGIIS.

HALÆ MAGDEBVRGICÆ MDCCXLVI

PROSTAT IN OFFICINA LERARIA RENGIERIANÆ



SERENISSIMO AC POTENTISSIMO
PRINCIPI
AC DOMINO
DOMINO
FRIDERICO

REGI BORVSSIÆ, MARGGRAVIO
BRANDENBVRGENSI, SACRI ROMANI IMPERII
ARCHI - CAMERARIO ET PRINCIPI ELECTORI, SVPREMO
SILESIE DVCI, PRINCIPI SVPREMO ARAVSIONENSI, NOVI
CASTRI ET VALENGIÆ, NEC NON COMITATVS GLACENSIS,
GELDRIÆ, MAGDEBVRGI, CLIVIÆ, JVLII, MONTIVM, STE-
TINI, POMERANIÆ, CASSVBIORVM, VANDALORVM ET ME-
GAPOLIS, NEC NON CROSNÆ DVCI, BVRGGRAVIO NORIM-
BERGENSI, PRINCIPI HALBERSTADII, MINDÆ, CAMINI, VAN-
DALII, SVERINI, RACEBVRGI, OSTFRISIÆ ET MVRsii, CO-
MITI HOHENZOLLERÆ, RVPPINI, MARCÆ, RAVENSBERGI,
HOHENSTEINI, TECKLENBVRGI, SVERINI, LINGÆ, BVRÆ ET
LEERDAMI, DOMINO RAVENSTEINI, ROSTOCHII, STAR-
GARDIÆ, LAVENBVRGI, BVTОВIÆ, ARLAYÆ
ET BREDÆ

&c. &c. &c.

REGI AC DOMINO MEO LONGE
CLEMENTISSIMO

REX AUGUSTE,



uamvis vix quisquam reperia-
tur, qui non exploratum ha-
beat, inter arma filere leges,
sub regimine tamen MAJE-
STATIS TVÆ, prorsus
singulari, quemadmodum alia multa,
quæ certa ac comperta existimantur,
ita

DEDICATIO.

ita quoque effatum istud exceptionem habet. Non siluerunt Musæ nostræ, cum Mars atrocissimas minas jactaret. Cum flammis jam toti induerentur fines nostri; nostræ tamen Musæ minime rebantur tum suam rem agi, cum paries proximus ardet. Quæcunque rumor indies narrabat de crudelissimo ac luctuosissimo exitio sedi Musarum nostrarum comparando, ea nequaquam impedire potuerunt, quo minus eadem loquerentur ac avidis auribus audirentur. Nullus terror panicus invadebat animos eorum, qui discendi causa ad nos accesserunt, ut tempestive sibi fuga consulerent, & docentes quieto ac tranquillo animo labores suos consuetos

DEDICATIO.

tam publicos, quam privatos non interrupta serie continuabant. Nimirum Te, Heros Inviſſime, providentia divina orbi datum eſſe intelligebant omnes, ut pacem reſtitueres, & Muſis otia faceres, ac conſervares. Ex virtute igitur tua veloci præſidium ſibi petebant, nec ſpes quenquam fefellit. Hoſte enim ultima audente veniebas, videbas, vincebas &, antequam expectari poterat, feliciter perfeceras, quod generoſo animo TIBI propoſueras, ſcilicet ut Germaniæ tot belli calamitatibus jam deſeſſæ pacem dares ac diſcordiam tolleres. MAJESTATI TVÆ ego quoque acceptum fero, quod turbulento hoc rerum ſtatu incæptum opus

DEDICATIO.

pius destituere non fuerim coactus, sed
 ejus Tomum Sextum nunc in publicum
 proferam, qui cum antea jam Tuus sit,
 nunc nova ratione Tuus factus est. Pa-
 teré igitur, ut cum non tantummodo
 mente venerabunda sicuti anteriores,
 verum etiam grata & gratulabunda an-
 te pedes MAJESTATIS TVÆ de-
 ponam. Ceterum Tu quoque, REX
 PHILOSOPHE, qualem optavit an-
 tiquitas, ut beata foret Resp. sed non
 vidit, inter medios armorum strepitus
 aditum facilem ad Te dedisti Musis, &
 consiliis bellicis maxime intentus, ut de
 rebus ad illas pertinentibus cogitares
 minime molestum accidit. Rerum te-
 stimonio

DEDICATIO.

stimonium domesticum mihi est, idque fatis luculentum, ut ad alia provocare mihi non sit opus. Cum enim Serenissimus Bavariae Elector in administrando Vicariatu Imperii suam in Musas propensionem orbi erudito demonstraturus me nihil tale cogitantem unacum posteris meis ad dignitatem Liberi Baronis S. R. I. proprio motu evexisset, & postquam hoc mihi significatum fuerat, ego rem omnem ad MAJESTATEM TVAM referrem, illo ipso tempore, quo hostem in Bohemia profligabas & de exercitu in Silesiam reducendo cogitabas, ut, quemadmodum debebam, in honoribus mihi decretis

DEDICATIO.

cretis totus a voluntate Tua dependerem, Tu REX INDVLGENTISSIME, non modo hoc vehementer probasti, verum etiam confirmasti & summis negotiorum publicorum Administris eam curam statim demandasti, ut in terris tuis ac in specie in Fridericiana tua inter Professores amplissima hac dignitate emerem. Taceo cetera, quæ modestia reticere iubet. Quantum, REX SAPIENTISSIME, Musis faueas, sicuti aliis jam antea multis documentis, ita etiam hoc prorsus singulari probasti, quod adeo publice grato animo prædicari & posterorum memoriæ commendari debebat. Deus T.

b

O. M.

DEDICATIO.

O. M. qui hactenus omnibus Tuis
consiliis & actis eventum respondere
juslit, eodem nunquam in posterum
illa destitui velit ! Ita vovet

AVGVSTÆ
MAJESTATI TVÆ

Subjectissimus ac fidelissimus
CHRISTIANVS DE WOLFF.



PRÆFATIO.

CUm anno superiori Tomum quintum Juris Naturæ publici juris facerem, monui me in Tomum Sextum rejicere coactum fuisse ea, quæ de dominio utili demonstranda adhuc erant, antequam omnia jura, quæ a dominio descendunt, absoluta essent. Ea igitur in præsentî volumine primo loco comparent. Præcipuæ species dominiî utilis sunt emphyteusis atque feudum, & illi agnatum est jus libellarium; census ac jus superficiarium. De hisce igitur singulis ea demonstravimus, quæ Juri naturæ consentanea sunt. Inprimis prolixa est de feudo tractatio, cum nihil prætermittendum esse duxerimus, quod ad hoc Jus intime perspicendum fa-

PRÆFATIO.

cit. Quamvis enim facile largiamur jus istud a Germanis originem suam deducere; non tamen propterea existimandum est, quasi idem ignoret Jus naturæ, ac æterna ista & immutabilis lex, quæ a voluntate hominum minime dependet, nihil de eodem præcipiat ac prohibeat. Quemadmodum ea regit omnes actus humanos; ita quoque eidem subest feudum. Jus hoc possibile fuit, antequam de eodem cogitarent mortales, nec id introducere potuissent, nisi possibile fuisset. Etsi adeo homines eodem uti cœperint, cum antea ignoraretur; lege tamen naturæ ab æterno jam sancitum fuerat, quod in eo constituendo & exercendo observari debeat, vel liceat. Neque hoc singulare est in feudo: vidimus enim id obtinere in aliis quoque actibus humanis, & porro videbimus, quando ea tradituri sumus, quæ ad imperium tam privatum, quam publicum pertinent. Jura homines acquirunt per pacta & sese invicem ad certas præstationes obligant per promissa. In pactis vero atque promissis pro vero habetur quod dictum est, vel alio modo sufficienter

PRÆFATIO.

enter indicatum. Quamobrem ut certum sit, quodnam jus ab altero acquisiveris, vel quantum eundem sibi, aut tu te ipso obligaveris; omnis tandem quæstio huc redit, quid per verba aut signa alia indicatum fuerit. Opus igitur est interpretatione, ac id habetur pro vero, quod recta interpretatio suggerit. Quænam vero recta sit, lex naturæ docet, quippe quæ præcipit, quomodo ea fieri debeat. Postquam igitur de pactis, seu contractibus egimus, regulæ quoque interpretationis demonstrandæ erant, quibus cavetur, ne quis pro lubitu fidem datam fallere possit absque perfidiæ nota. Tuetur nimirum jus naturæ jura hominum etiam per ea, quæ de interpretatione præcipit, ut adeo doctrina de interpretatione haud postrema Juris naturæ pars sit. Facile autem patet, quæ de pactorum & promissorum interpretatione dicuntur, de legum quoque interpretatione accipiendæ esse. Sunt enim pacta & promissa leges singulares, quibus ad certos actus personæ singulares obligantur & earum libertas quoad eos ita restringitur, ut alterius juri sint

b 3

sub-

PRÆFATIO.

subjecti, quam pactorum & promissorum cum
 legibus convenientiam in ipso opere demonstra-
 vimus. Supererant vero etiam adhuc alia non-
 nulla, de quibus in anterioribus commode dici
 non poterat, quæ tamen prætermittenda non
 erant. Ea igitur in præsentī volumine addere vi-
 sum fuit. Pertinet huc Jus ex communione pri-
 mæva residuum, quod eadem sublata & domi-
 niis introductis tacite reservatum est, cum hæc si-
 ne illius reservatione introduci haud quaquam
 permiserit Jus naturæ. Eminent hic jus necessi-
 tatis, quod ut penitus perspicī posset, de Jure
 quoque necessitatis in genere nobis agendum
 fuit. Ad jus istud necessitatis referendus est ja-
 ctus navis levandæ causa in mari factus, ut com-
 mune periculum evitetur. Quæ igitur lege Rho-
 dia de jactu præcipiuntur, hic quoque ad nor-
 mam Juris naturæ exiguntur. Neque hic opus
 est, ut lex Rhodia ad casus similes extendatur,
 quemadmodum ab interpretibus Juris civilis fieri
 solet, cum de iisdem casibus ipsa lex naturæ
 præcipiat, quid fieri debeat, aut facere liceat.
 Ad

PRÆFATIO.

Ad jura ex communione primæva residua pertinet quoque Jus innoxie utilitatis, quæ plura particularia sub se continet, de quibus singulis dictum est, quatenus iisdem locus est, antequam imperia introducta supponantur. Quæ enim ab hisce dependent, suo demum loco demonstrabuntur. Equidem officia potissimum debentur vivis, cum vivus vivo utilis sit, mortui autem ope ac auxilio nullius habeant opus; sunt tamen quædam adhuc officia, quæ etiam mortuis præstari possunt ac debent. Nostrium adeo fuit nec hæc intacta relinquere. Debemus mortuis officium laudis, debemus etiam post fata gratiam benefactoribus, ita ut non modo gratias agere iisdem teneamur, verum etiam gratiam rependere in aliis. Cumque dominia & alia jura ab illis pendentia ab hominibus amittantur, quamprimum moriuntur, morte tamen eorundem cum iisdem adhærentibus obligationibus non extinguantur; de eorum quoque transmissione in alios generalia principia tradenda fuerunt. Quamvis vero hic locus videri poterat
agen-

PRÆFATIO.

agendi de successione ab intestato & testamentis ; nostra tamen methodus hoc argumentum in alium differri jussit. Quid enim lex naturæ cum de testamentis, tum de successione ab intestato præcipiat ; ea tum demum intelligi poterunt , ubi de imperio privato in personas fuerit actum : ex hoc enim deducendum est , quid juri naturæ tum quoad testamenta , tum quoad successionem ab intestato conveniat. Amor quoque universalis , quo promiscue homines omnes prosequi debemus , morte non extinguitur , danturque actus , quibus etiam erga mortuos eundem demonstrare valemus. Est etiam honoris quoddam officium , quod mortuis adhuc deferri potest & huc quoque referendus honor humanitatis , qui in actibus consistit , quibus significamus nos agnoscere , quod alter æque homo sit, ac eundem a brutis & aliis rebus distinguimus. In hoc rationem sufficientem agnoscit jus sepulturæ universale , quod determinationes particulares sortitur ab officiis ceteris erga mortuos. Quamvis adeo *Grotius* jus sepulturæ ad

PRÆFATIO.

ad jus istud gentium voluntarium retulerit, quod nonnisi moribus introductum, nos tamen idem altius repetere ac ex genuino suo fonte naturali deducere volumus, non neglectis iis, quæ de ceremoniis ac ritibus funebribus tenenda sunt, ne in hisce quoque ab ea rectitudine recedamus, quam Jus naturæ imperat. Cum denique promiserimus, nos in præsentì volumine de officiis ac jure eruditorum ex instituto acturos; fidem quoque nostram liberavimus. Equidem non alia sunt eruditorum officia, quæ lex naturæ ab iisdem exigit, quam quæ homines ceteri sibi invicem debent; ea tamen eruditi etiam qua eruditi applicare tenentur in iis, quæ ipsis agenda sunt. Quoniam vero vulgo hoc fieri non solet, ita ut dudum in proverbium abierit, quous eruditior est, eo perversior eundem esse; tanto magis e re esse videbatur in præcipuis saltem capitibus ostendere, quomodo officiis, quæ humanitati debentur, sit satisfaciendum, nisi in æternam istam ac inviolabilem legem delinquere velis. Ostendimus enim eruditum quo-

c

que

PRÆFATIO.

que qua eruditum ad perficiendum voluntatem obligari, ita ut, quo quis eruditior, eo virtuosior esse debeat. Dedecet maxime mores præposterius ac perversi eruditos, iidemque gravius peccant, quando a tramite virtutis recedunt, quam alii, quos infirmitas humana & alia magis excusant. Dolendum vero, quod qui studiis literariis operam navant, de voluntate emendanda ac perficienda parum solliciti sint, quasi virtus sua sponte in animis hominum nascatur, vel imperari possit. Eruditorum est veritatem latentem detegere, detectam ab aliis cognoscere, cognitam applicare ad utilitatem generis humani & ad alios propagare. Unusquisque in hisce tantum præstare debet, quantum potest, cumque immensus sit rerum, quæ cognosci possunt, numerus, unusquisque agere debet, quod suum esse natura voluit. Non omnia possunt omnes, atque ideo nihil absurdius cogitari potest, quam si quis suam adeo amet Minervam, ut, qui eandem non colunt, eos contemnat, quasi generi humano satis consultum sit, si unica saltem scientia excolatur, ceteræ desertæ jaceant atque incultæ. Unicuique sua tribuenda

PRÆFATIO.

enda est laus, uniuscujusque agnoscenda atque prædicanda sunt merita diversi licet generis, & qui personam suam, quam ipsi natura atque fortuna tuendam tribuit, recte gerit, in eo, quod reprehendas, non invenitur. Orbis quoque eruditus veluti theatrum est, in quo materia laudis non desumitur a persona, quam quis tenet, sed a modo, quo eam fert, ita ut ei, qui mendicum bene exprimit, magis applaudatur, quam illi, qui Regem male, & si uterque personam suam recte gerit, æquali, quamvis diversa condecoretur laude. Stolidus autem fastus est, si quis sese extollere velit supra alios ob ea, quæ naturæ ac fortunæ accepta ferre debet, & magna laudum diversarum confusione affectare eam, quæ ipsi non debetur, vel alteri invidere suam, quam ipse meretur. Si cui decernitur honor ob merita in genus humanum, vel in Remp. eundem ob ingenii præstantiam & acumen sine ratione prætendit alius, adeoque vesanæ sunt querelæ, quas hic movet, quod alter honoribus & præmiis amplissimis condecoretur, quibus ipse non ornatur.

PRÆFATIO.

Improbum vero est, ubi quis ea de causa alterius famæ detrahere, aut eandem prorsus laceſſere non erubeſcat, quaſi inde propriæ famæ accederet illuſtre incrementum. Vere eruditus is demum habendus, qui virtutem cum rerum cognitione conjungit & in eo vitæ genere, quod ſequitur, perſonam ſuam bene gerit. Sed hoc non ante capient eruditi, nec perverſis ac præpoſteris eorum moribus erit finis, quam ubi ſtudioſam juventutem eo perduxeris, ut cum cultura facultatum cognoſcendi culturam voluntatis conjungant. Nobis virtus & veritas æque chara eſt, & ut omni erudito ſit vehementer optamus. Placet veritas omnis, ſed non eodem modo cenſetur atque æſtimatur, quando ad uſum facultatum animæ refertur, ſine quo inveniri aut inventa cognoſci nequit, vel quando ad utilitatem, quam aſſert generi humano. Nihil proſecto abſurdius cogitari poteſt, quam ſi quis prætendat, ut omnes eruditi, qui bene de humano genere mereri volunt, idem agant, vel etiam ut qui aliud agit, in eo genere

PRÆFATIO.

nere scientiarum , quod ipse colit , paria præstare debeat , aut si contemnat eum , qui diverso studio se dedit. Cum eruditi , quemadmodum ceteri homines in universum omnes non sibi, sed aliis vivere debeant, unusquisque eorum ad commodum, utilitatem ac felicitatem generis humani symbolum suum conferre tenetur. Sunt veluti membra unius corporis, quorum unumquodque propriam sibi habet functionem, & dum unumquodque agit, quod suum est, toti consulitur corpori. Alia oculi, alia prorsus ventriculi functio est, sed illa non minus, quam hac indiget homo. Et vel abjectissimarum partium, quæ vulgo putantur, functiones non minus necessariae sunt, quam illarum, quæ nobiliores habentur. Ita quoque genus humanum, ut salvum ac felix sit, non minus indiget opera eruditi, qui hoc vitæ genus sequitur, quam qui aliud. Quodsi ergo omnes vel in lineis & calculis algebraicis ætatem omnem consumere vellent, vel in literis, quas elegantiores appellare sueverunt, tempus implere; parum

PRÆFATIO.

profecto consuleretur generi humano, quamvis stupenda & prorsus inexpectata præstarent. Fieri autem non potest, ut, dum hoc agis, aliud quoque agas, etsi ad utrumque paratus. Quamobrem absolum est, si quis sibi persuadeat, quasi alter paria secum præstare non potuisset, si studium suum eidem scientiæ impertire voluisset, quod in alio genere collocat. Immo censuram potius merentur, qui, ubi jam plures sunt, qui scientiæ alicui totos sese consecrant, quam e re generis humani esse videtur, ipsi quoque ad eandem multum studii adhibent, quod ad alia utilius convertere poterant, quæ deserta adhuc & inculta jacent. Non est eruditi, ut eo tendat, quo sua eum trahit voluptas, vel fortuna ducit. Æterna illa ac inviolabilis lex, cui subsunt omnes omnino hominum omnium actiones, præcipit, ut unusquisque agat id, ad quod maxime aptus est &, ubi ad plura æque aptus fuerit, quo maxime indiget genus humanum. Ast de hisce apertius dicendum erit in Philosophia morali. Ceterum nunc absolvimus, quæ ad officia

PRÆFATIO.

officia hominum , quæ humanitas exigit , & jura inde atque a dominio descendencia pertinent, si ea excipias , quæ imperium privatum supponunt , veluti successionem in bonis defuncti , de qua in Tomo sequente acturi sumus. Ex iis nimirum , quæ hæcenus demonstravimus cum in parte prima Philosophiæ practicæ universalis, tum in integris sex Tomis de Jure naturæ , qui hæcenus prodierunt , patet , hominem per ipsam essentiam atque naturam suam obligari ad certa officia erga se , erga alios & erga ipsum Deum. His ut satisfieri possit , natura nobis tribui certa jura tum ad res , tum ad certos actus. Ea ab initio fuisse communia , sed legi naturæ convenienter propria fuisse facta , ita ut tam res , quam actiones liberæ subjæctæ fuerint singulari juri , quod dominium appellatur. Dominium officiis convenienter esse exercendum , & ea de causa opus fuisse , ut dominia vel plena , vel particularia quædam jura sub iis contenta in alios transferrentur. Atque ita a dominio descendisse multa jura , de quibus abunde dictum est. Quemadmodum adeo ostend-

PRÆFATIO.

stendimus , quomodo dominia fuerint orta ac inde omnia jura rerum , quæ privatis competunt, deduximus; ita nunc porro demonstrandum erit, quomodo jura in personas acquirantur, cum homines omnes natura liberos esse constet , nulli prorsus juri alterius subjectos , ut adeo quoque jura personarum in aprico constituentur. De his igitur agendum erit in sequentibus, ac iis absolutis tandem constabit , quam pulchro nexu omnia jura & omnes obligationes hominum inter se cohæreant , & istiusmodi Institutiones Juris Naturæ ac Gentium adornare dabitur , quales in præfatione Tomi quinti promissimus. Halæ d. 9. Aprilis A. 1746.





JURIS NATURÆ

PARS SEXTA.

DE

DOMINIO UTILI ET JURIBUS AC OBLIGATIONIBVS NONNVLLIS MISCELLANEIS.

CAPVT I.

De Dominio utili & ejus Speciebus quibusdam.

§. 1.

Dominium utile dicitur, in quo jus utendi fruendi prorsus liberum, seu nullo modo restrictum, proprietas utile quod-
vero aliquo modo restricta est ad alium. Idiomate nam dicatur.
patrio dicitur das Nuzbahr Eigenthum, item Minder-
Eigenthum.

Continet nimirum dominium proprietatem, jus utendi &
jus fruendi (§. 136. part. 2. Jur. nat.), & si plenum fuerit, ei-
dem inest proprietas, ac jus utendi fruendi nulla ex parte de-
minutum (§. 137. part. 2. Jur. nat.). Quodsi ergo quis habu-
erit jus utendi ac fruendi prorsus liberum, ast proprietatem non
(Wolffii Jur. Nat. Pars VI.) A prorsus

prorsus libetam, sed ex parte ab alio quodam pendente, qui quidpiam ejus participat; dominium erit utile, ac ita dicitur, quia qui id habet, omnem ex recipit utilitatem, quæ ex ea quomodo-cunque percipi potest, solus.

§. 2.

Dominus utilis quinam sit & jus ejus.

Qui dominium utile habet, *dominus utilis* appellatur. Quamobrem cum in dominio utili jus utendi fruendi sit prorsus liberum, proprietas vero aliquo modo restricta ad alium (§. 1.); *dominus utilis de usu & fructu rei pro arbitrio suo disponere potest, de ipsa autem substantia non prorsus pro arbitrio suo disponere valet* (§. 118. part. 2. Jur. nat.); consequenter *re uti ac frui potest, non modo sicuti est, verum etiam prouti vult, quamdiu non nocetur juri alterius, ad quem proprietas restricta est, omnemque ex re utilitatem solus capit.*

Nimirum ex modo, quo restringitur proprietas, judicium sumitur de eo, quod facere non licet domino utili (§. 910. part. 1. Jur. nat.). Naturaliter nulla adest necessitas, ut proprietas certo modo restringatur; sed pendet restrictio a voluntate eorum, qui quicquam juris sui in alium transferunt. Originarie enim dominium plenum est, nec ullo modo restringitur; at quando dominia rerum in alios transferri ceperunt, cum modus transferendi vi ipsius dominii pendeat a voluntate transferentis (§. 111. part. 3. Jur. nat.), transferentium quoque voluntas dedit legem restrictionis proprietatis. Quamobrem in genere definiri nequit, quomodo in dominio utili restringenda sit proprietas. Non tamen propterea jura & obligationes, quæ ex dominio utili descendunt, arbitraria sunt: posita enim lege restrictionis, necessario resultant ac ideo inde demonstrari possunt, & quæ hinc demonstrari possunt, ea sunt juris naturalis, quamvis ab hominibus, non invito Jure naturæ, pro arbitrio immutari queant, si ita visum fuerit. Quæ enim in origine sua pendent ab hominum voluntate, cui ipsa lex naturæ eadem subjecit; ea quoque eidem non subducit lex naturæ in progressu, quoad ea scilicet, quæ ex prima voluntate conse-

consequuntur, modo nemini invito auferatur jus semel acquiritum (§. 336. part. 2. Jur. nat.), nec quicquam committatur, quod contra idem est (§. 910. part. 1. Jur. nat.).

§. 3.

Dominium directum est pars proprietatis, quæ per ejus *Dominium* restrictionem domino utili adempta ad alium pertinet. *Idio-directum* mate patrio dicitur das Grund-Eigenthum, item Mehrer-*quid sit* Eigenthum.

Nimirum proprietatis restringi potest vel quoad exercitium, ita ut de substantia rei vel prorsus non disponi possit, vel certo modo disponi nequeat, tumque ipsum dominium in se minime mutatur; vel quoad ipsum jus, ita ut facultas quædam disponendi de substantia rei prorsus adempta sit, & alii subjecto inhæreat, tumque dominium in se mutatur. Atque ideo dominium minus plenum, quod latius pater dominio utili, dividitur in utile ac directum non sine ratione: sit ita, quod interpretes nonnulli Juris Romani distinctionem hanc tanquam ineptam rejiciant & flammia cremendam chimæram appellent, quamvis negare nequeant, eam in foro ac communi loquendi usu receptam esse. Hoc nobis sufficit, ut terminos istos in Jure naturæ retineamus. Sane aliud est restringere exercitium juris; aliud ipsum jus. Si exercitium juris restringitur, jus quidem habes, sed non prorsus pro arbitrio tuo idem exercere vales: ast si ipsum jus restringitur, pars quædam ejus auferitur, ut non tibi, sed alteri competat.

§. 4.

Qui dominium directum habet, *Dominus directus* voca- *Dominus di-* tur. Quamobrem cum dominium directum sit pars proprie- *rectus qui-* tatis (§. 3.), proprietatis vero sit jus disponendi de ipsa sub- *nam sit & e-* stantia rei (§. 131. part. 2. Jur. nat.); *dominus directus pro ea jus jus.* *parte proprietatis, quæ ipsius est, de ipsa substantia rei disponere potest, & quando ipso incio ac invito dominus utilis disponere audeat, actus ipso jure nullus est.*

A 2

E. gr.

E, gr. Ad proprietatem spectat jus alienandi (§. 664. *part. 2. Jur. nat.*). Quodsi ergo hoc domino directo competit, dominus utilis rem alienare nequit sine ipsius consensu. Quando enim consensum requisitum impetrat; dominus directus exercet jus suum per dominum utilem. Si vero hic alienare audet proprio motu, alienatio ipso jure nulla est, adeoque per se subsistere nequit.

§. 5.

Quanam *Proprietas non continet nisi jus rem alienandi & eam, quæ jura proprie-utru non consumitur, præsertim si immobilis fuerit, immutandi; si tas contine-vero usu consumitur, jus utendi a proprietate inseparabile.* Etenim rem in Jure facit usus, quem ea habere potest (§. 495. *part. 1. Jur. nat.*), adeoque tam simplex, quam cum fructu conjunctus. Quamobrem si de re ipsa, vel substantia ejus disponere velis, necesse est, ut vel omne jus tuum, quod in ea habes, adeoque dominium rei, qualis est, in alium transferas, ut tua esse desinat, ac sit alterius (§. 124. *part. 2. Jur. nat.*), vel ut eam retineas, ac alii usui aptam efficias, quam quem nunc habere potest, id quod in rebus immobilibus facilius succedere videmus. Quamobrem cum translatio domini, quod in re habes, alienatio sit (§. 662. *part. 2. Jur. nat.*), & quando res alii usui, quam quem nunc habet, apta efficitur, immutatio ejusdem (§. 657. *part. 2. Jur. nat.*); qui de substantia rei, quæ usu non consumitur, disponere vult, aut eam alienare, aut immutare debet. Quoniam itaque proprietas est jus disponendi de ipsa substantia rei (§. 131. *part. 2. Jur. nat.*); de substantia vero aliter disponi nequit, quam ut vel alienetur, vel, si usu non consumitur, alii usui destinetur, quam quem habere potest, seu immutetur *per demonstrata*; proprietas non continet nisi jus rem alienandi & eam, quæ usu non consumitur, præsertim si immobilis fuerit, immutandi. *Quod erat unum.*

Enim-

Enimvero si res usu consumitur, per se patet, quod qui de usu rei disponit, de ipsa etiam substantia disponat. Quoniam itaque proprietatis est de ipsa substantia rei disponere (§. 131. *part. 2. Jur. nat.*); jus utendi a proprietate inseparabile est. *Quod erat alterum.*

Nimirum quæcunque ex proprietate fluunt, ea vel ex jure alienandi, vel ex jure rem immutandi derivantur. Quoniam vero diversi sunt alienandi modi, quemadmodum ex iis intelligitur, quæ de modo transferendi dominium cum in genere, tum in specie in partibus præcedentibus demonstrata sunt, diversis quoque modis res, quæ usu non consumuntur, immutari possunt; jus alienandi ac rem immutandi in varias abit species pro diversitate casuum. Ceterum notandum, res, quæ usu successive consumuntur, æquiparari rebus, quæ usu non consumuntur, quatenus ex materia, qua constant, alia fieri potest species, alii usui apta, veluti si ex pallio fiat vestis.

§. 6.

Quoniam proprietatis non continet nisi jus alienandi & *Quot modis* jus rem immutandi (§. 5.); *si proprietas restringitur, aut ea re-restringi* *stringitur quoad jus alienandi, aut quoad jus rem immutandi, aut possit proprietas.*

Obtinet hoc, sive proprietas restringatur quoad exercitium, sive restrictio insit ipsi proprietati. E. gr. Ponamus, me piscinam tibi donare ea lege, ne in agrum convertas. Cum jus alienandi tibi non sit ademptum, nec jus piscinam in agrum immutandi mihi reservaverim; proprietas piscinæ utique tibi competit, sed quoad exercitium jus piscinam immutandi restrictum est. Similiter si tibi dono agrum ea lege, ne vendere possis, liberum tamen tibi relinquo, ut alii donare valeas; proprietas restringitur quoad exercitium juris alienandi, quoniam jus vendendi agrum, vel titulo oneroso alio dominium ejus transferendi, nec mihi reservatum, nec alii concessum. Quodsi donem ea lege, ut, si vendere velis, eam vendere debeas Sempromio, aut hæredibus ejus; proprietas denuo restricta est quoad exercitium juris alienandi.

§. 7.

*Quomodo
restringatur
proprietas
ad alium
quoad jus a-
lienandi.*

Si proprietati inest restrictio quoad jus alienandi, aut dominus utilis per se rem prorsus alienare nequit, aut nonnisi certa lege alienare potest. Etenim si proprietati inest restrictio quoad jus alienandi, necesse est ut jus alienandi totum ademptum sit domino utili, aut ut nonnisi certa lege concessum, adeoque ad dominum directum vel totum pertineat, vel quatenus lege definitum (§. 3.). In priori itaque casu dominus utilis per se rem prorsus alienare nequit, in posteriori autem nonnisi certa lege alienare potest.

Nimirum si jus alienandi restringitur ad alium, ut restrictio inest ipsi proprietati; necesse est ut jus alienandi inhæreat vel duobus subjectis, vel saltem uni, cui dominium utile non competit. Accidit prius, in eo casu, quo nonnisi certa lege alienatio permittitur dominio utili, veluti si alienatio fieri nequit nisi certo hæredum numero existente, aut cum onere præstandi certi canonis annui, aut alterius præstationis: posterius vero in hoc casu, si alienatio simpliciter prohibita, adeoque fieri nequit, nisi impetrato consensu domini directi, ut ipse rem per dominum utilem alienare censetur.

§. 8.

*De inutilitate
re restrictio-
nis juris im-
mutandi si-
ne jure alie-
nandi ad ali-
um.*

Jus immutandi sine jure alienandi inutiliter restringitur ad alium. Ponamus enim mihi competere jus alienandi prorsus irrestrictum, tibi vero jus immutandi ac præterea nihil. Quoniam mihi jus alienandi prorsus irrestrictum est, ego pro arbitrio meo te inconsulto ac invito rem alienare possum, & quia vi domini utilis omnem utilitatem ex ea solus capio, tua parum refert, quamnam utilitatem ex eadem capiam, consequenter num huic, an alii usui res sit apta. Quamobrem cum res immutetur, si alii usui apta efficiatur (§. 657. part. 2. Jur. nat.); jus immutandi sine jure alienandi ad alium inutiliter restringitur.

E. gr.

E. gr. Si tibi competat dominium utile in piscina, salvo omni jure alienandi, mihi vero jus immutandi fundum; tu piscinam in agrum convertere nequis sine meo consensu, ast ego hoc facere possum te invito, seu te cogere, ut convertas. Mea autem parum interest, sive piscina, sive agro utaris fruaris, cum nullam ex piscina, nullam ex agro percipiam utilitatem, nec mihi spes aliqua supersit fore, ut dominium utile ad me redeat, quippe alienandi facultate prorsus libera. Proprietas adeo quoad jus immutandi fundum prorsus inutiliter ad me restringitur. Aliud est, si certo casu alienare non possis, ut dominium utile ad me redire queat, & ego malim piscinam habere, quam agrum, aut in genere rem huic potius usui, quam alii aptam. An vero fundi immutationem certo casu prohibere possit Rector civitatis, alia quaestio est, quæ huc non pertinet: pendet enim hoc a dominio eminente, quod eidem competit, de quo suo loco agemus.

§. 9.

Jus immutandi una cum jure alienandi utiliter ad alium restringi potest. Etenim si jus alienandi ea lege ad te restringitur, ut certo casu dominium utile ad te pervenire possit; immutandi tua interesse potest, ut res huic potius usui apta sit, quam utiliter fiat. alii: id quod per se patet. Quamobrem cum res immutetur, si alii usui apta efficiatur, quam nunc est; cum jure alienandi jus immutandi utiliter ad te restringi potest.

Exemplum, quod modo dedimus (not. §. 8.), propositionem præsentem quoque illustrat.

§. 10.

Qui dominium plenum habet, vel dominium directum in alium transferre potest sub ea, qua visum fuerit; lege, reservato sibi vel alii dominio utili, vel dominium utile, reservato sibi vel alii directo sub lege quacunque. Etenim qui dominium plenum habet, ei competit proprietas ac jus utendi fruendi nulla ex parte diminutum (§. 137. part. 2. Jur. nat.), & omnes proprie-

proprietate, jure utendi ac jure fruendi excludit (§. 138. *part. 2. Jur. nat.*), consequenter idem tam de proprietate, quam de jure utendi fruendi prorsus pro arbitrio suo dispo-
nere potest (§. 118. *part. 2. Jur. nat.*). Quamobrem ab ipsi-
us unice arbitrio pendet, num jus utendi fruendi plenum
cum proprietate certo modo restricta in alium transferre,
partem vero proprietatis reliquam sibi reservare, an vero hanc
transferre in alium, istud sibi reservare velit. Qui adeo do-
minium plenum habet, directum in alium transferre potest
ea, qua visum fuerit, lege, utili sibi reservato, vel utile trans-
ferre in alium, directo sibi reservato (§. 1. 3.).

§. 11.

Quomodo dominium utile ac directum acquiratur. *Dominium utile, vel directum ab eo, qui plenum habet, ac-*
quiritur pactione. Etenim qui dominium plenum habet, pro
arbitrio suo vel directum, vel utile in alium transferre potest
(§. 10.). Quoniam vero nemo jus quoddam ab alio requi-
rere valet sine acceptione sua (§. 7. *part. 3. Jur. nat.*), nec ea
plus juris ab altero acquiritur, quam is transferre vult (§. 382.
part. 3. Jur. nat.); necesse est ut de modo transferendi dominium
utile vel directum inter se conveniant, ac ad legem, qua restrin-
gitur proprietas (§. 1.), servandam sese invicem sibi obligent.
Quoniam itaque istiusmodi conventio pactio est (§. 793. 794.
part. 3. Jur. nat.); dominium utile vel directum ab eo, qui
plenum habet, acquiritur pactione.

Nimirum loquimur hic de originaria domini utilis vel dire-
cti acquisitione. Quemadmodum enim dominium utile ac di-
rectum concipi nequit, antequam supponatur dominium ple-
num, ut adeo utrumque ab hoc ortum suum ducat; ita ori-
ginarie quoque dominium plenum vel directum acquiri nequit
nisi ab eo, qui plenum habet, dum scilicet is jus suum dividit
in partes potentiales, quas habet, & unam in alium transfert,
alteram sibi vel alii reservat. Unde ipsa originaria acquisitio
dominii

dominii utilis, vel directi supponit pactiōem, sine qua concipi minime potest. Modus autem, quo dividendum dominium plenum in partes potentiales, & legem, qua transferri debet pars una in alium, altera vero reservari transferenti aut alii, ista pactio definit. Natura hic nihil definit, sed libertati paciscentium relinquit, quomodo inter se convenire velint, nisi quod intra terminos possibilitatis divisionem proprietatis contineat nec extra terminos utilitatis eam vagari permittat.

§. 12.

Emphyteusis est dominium utile in re immobili sub conditione certæ pensionis annuæ in recognitionem dominii directi præstandæ concessum, cum proprietate certa lege restricta. Idiomate patrio dicitur *Erbzins-Recht*, item *Erbseihe*. *Emphyteusis quid sit.*

In concessione dominii utilis duo inprimis spectanda sunt, nimirum lex, seu conditio, sub qua id conceditur, & lex, sub qua proprietas restringitur inter dominum directum ac utilem divisa. Lex, sub qua dominium utile conceditur, diversas ejus species constituit, atque adeo emphyteusi proprium est, ut id concedatur sub conditione certæ pensionis annuæ in recognitionem dominii directi solvendæ: qua ipsa lege, tanquam differentia specifica, distinguitur ab aliis speciebus dominii utilis. Unde in Jure naturæ sumitur concessio dominii utilis sub conditione pensionis in recognitionem dominii directi solvendæ, quia possibilis est, cum domino competat facultas dere sua omni possibili modo disponendi (§. 118. part. 2. *Jur. nat.*). Quoniam vero dominium utile non concipitur sine restrictione proprietatis, quæ ipsi proprietati inest, inter dominum utilem ac directum certo quodam modo dividendæ (§. 1. 3.), hæc vero omni possibili modo fieri potest a domino (§. 118. part. 2. *Jur. nat.*); consensu domini directi ac utilis naturaliter definienda est lex, qua proprietas restringenda (§. 11. b. & §. 11. part. 3. *Jur. nat.*). Atque adeo in Jure naturali sumi nequit, nisi quod placuerit paciscentibus, quamvis in Jure civili proprietas saltem restringatur quoad jus alienandi & certa huic restrictioni.

(*Wolffii Jur. Nat. Pars VI.*)

B

strictio-

striktioni lex detur. Sufficit itaque naturaliter proprietatem ita restringi, ut inter dominum directum & utilem sit quodammodo divisa, lex autem, qua restringitur, pro arbitrio paciscentium constitui potest, nec diversitas ejus diversam parit Juris speciem, cum præter necessitatem alias res multiplicarentur.

§. 13.

Emphyteutica res, em- sica, vel emphyteuticaria, seu bonum emphyteuticarium, vernaculo sermone Erbzins-Gut. Is, qui emphyteusin in re habet, *dominus em- Emphyteuta* vocatur, idiomate patrio *der Erbzins-Mann: phyteuseos.* is vero, a quo emphyteusin habet, *Dominus emphyteuseos* appellatur, nostro sermone *der Erbleihe-Herr, vel Erbzins-Herr.*

Nimirum qui in genere dicitur dominus utilis (§. 2.); in emphyteusi speciali nomine emphyteuta appellatur; & qui in genere Dominus directus audit (§. 4.), in emphyteusi Dominus emphyteuseos vocatur.

§. 14.

Canon quid sit.

Pensio, quæ in recognitionem domini directi solvitur, *Canon* appellatur, & cum addito *Canon emphyteuticus.*

Differt adeo canon a mercede, seu pensione, quæ solvitur in locatione conductione pro usu rei, cum is nullo modo respiciat rei usum, ut adeo nec hujus in eodem determinando habenda sit ratio.

§. 15.

Contractus emphyteuticus quoniam sit.

Contractus emphyteuticus vocatur, quo emphyteusis constituitur & acquiritur, consequenter quo dominium utile sub conditione canonis certi in recognitionem domini directi præstandi in alterum transfertur, cum proprietate certa lege restricta (§. 12.).

Nimirum dominium utile acquiritur ab eo, qui plenum habet, pactione (§. 11.). Atque adeo quando emphyteusis constituitur

stituenda & acquirenda, pactioem inire debent dominus emphyteuseos & emphyteuta, quæ speciali nomine contractus emphyteuticus appellatur. Quoniam in Jure Romano contractus hic constitutione Zenoniana demum introductus est atque formam suam accepit; in Jure civili inter contractus innominatos referri solet. Sed cum differentiam inter contractus nominatos ac innominatos ignoret Jus naturæ, quippe quæ Juri Romano propria est (*not. §. 879. part. 4. Jur. nat.*); nec ad contractum emphyteuticum applicanda sunt, quæ contractibus innominatis in Jure Romano propria sunt, nisi quatenus ipso jure naturali omni contractui insunt. Facile quoque apparet, formam a Zenone præscriptam esse mere civilem, quamvis valeat jure naturali, siquidem in eandem consenserint expresse emphyteuta & dominus emphyteuseos, consequenter emphyteusis Zenoniana tantummodo casus particularis est emphyteuseos naturalis. Nobis adeo demonstrandum est, quid jure naturæ de emphyteusi constitutum.

§. 16.

Canon in emphyteusi mutuo consensu emphyteuta ac domini Quomodo emphyteuseos definiendus, nec ejus quantitas proportionanda utilitati, quam ex re emphyteutica percipit emphyteuta. Etenim canon niendus in datur in recognitionem dominii directi (§. 14.), adeoque emphyteusi, non solvitur in compensationem usus cum fructu conjuncti, qui totus ad emphyteutam pertinet (§. 12. 13.). Quamobrem a sola voluntate domini emphyteuseos pendet, sub quanti canonis solvendi conditione emphyteusin constituere velit, & a voluntate emphyteutæ, num sub ea emphyteusin accipere velit (§. 15.). Canon igitur in emphyteusi mutuo consensu emphyteutæ ac domini emphyteuseos definiendus. Quod erat unum.

Et quoniam non solvitur in compensationem usus cum fructu conjuncti, *per demonstrata*; hujus quoque in ejus quantitate definienda nulla habenda est ratio, consequenter nec

quantitas utilitati proportionanda, quam ex re emphyteutica percipit emphyteuta. *Quod erat alterum.*

Solutio canonis, quæ fit in recognitionem dominii directi, tantummodo probare debet. emphyteutam agnoscere, quod is, cui eundem solvit, fit dominus emphyteuseos, adeoque ipsi competat in re emphyteutica dominium directum. Obtinetur hoc ipsa canonis solutione, nec quicquam huc confert canonis quantitas. Ejus adeo determinatio prorsus arbitraria est, atque ea de causa, cum pactione acquiratur emphyteusis (§. 11. 12.), mutuo consensu paciscentium definiendus. Quoniam Jus Romanum ad essentiam emphyteuseos requirit solutionem canonis in recognitionem dominii directi; quæ in præsentī propositione demonstrantur, isto quoque Jure valent.

§. 17.

De inaequalitate canonis a diversis emphyteutis solvendi.

Quoniam canon in emphyteusi mutuo emphyteutæ ac domini emphyteuseos consensu definitur, prouti placuerit, nec ejus quantitas utilitati proportionanda, quam ex re emphyteutica percipit emphyteuta (§. 16.); *canon exiguus solvi potest, etiamsi magna ex re emphyteutica percipiatur utilitas, nec aequitati adversatur, si emphyteuta exiguam utilitatem ex re emphyteutica percipiens multo majorem canonem solvat, quam alius qui multo majorem utilitatem percipit.*

Nihil scilicet interest, utrum in multo, an in modico canon consistat. Sufficeret adeo pro canone vel unicus nummus, etsi reditus mille thalerorum ex prædio emphyteuticario perciperetur. Quodsi enim emphyteuta exiguum istum canonem solvit, factio suo non minus eum, cui solvit, dominum directum agnoscit, quam si centum solveret thaleros. Atque adeo quantitas nihil facit ad finem, cujus gratia canon solvitur, obtinendum (not. §. 16.).

§. 18.

An canon

Similiter quia quantitas canonis nullum respectum habere possit ad utilitatem, quæ ex re emphyteuticaria percipitur (§. 16.);

(§. 16.); canon augeri minime debet ob meliorationem, seu redditum ob meliorationem incrementum.

Initio fundi inculti ac steriles in emphyteusim dabantur, ut colerentur, ac meliorarentur. Poterant igitur dari gratis; sed ad conservandam memoriam dominii directi opus erat canonem, qui cum sufficeret, quantuluscunque esset, nec ulla ratio suadebat, ut ob meliorationem factam augeretur.

§. 19.

Denique quia canon ab emphyteuseos domino & emphyteuta definiri potest, prouti visum fuerit (§. 16.); idem consistere potest tam in pecunia, quam in rebus quibuscunque, veluti frumento, vino, oleo, ovibus, vitulis, gallinis, anseribus, ovis, butyro ac ita porro.

Solutio probat dominii directi recognitionem, adeoque nihil huc facit qualitas ejus, quod solvitur, modo quod solvitur solvatur in recognitionem dominii directi, seu tanquam canon emphyteuticus. Qui rem quamcunque solvit in recognitionem dominii directi, eo ipso confitetur se esse emphyteutam & eum, cui solvitur, dominum emphyteuseos. Atque sic obtinetur finis, cujus gratia canonis solutio ad essentiam emphyteuseos requiritur (not. §. 16.).

§. 20.

Emphyteuta obligatus est ad canonem quotannis solvendum & De solutione domino emphyteuseos competit jus eum ad solutionem adigendi. Naturaliter vero emphyteusim ob solutionem neglectam, vel detrectatam, non amittit, nisi expresse ita f. erit conventum. Etenim emphyteutis conceditur sub conditione canonis præstandi (§. 12.) & ab emphyteuta acquiritur ex contractu (§. 15.). Quamobrem cum ex contractu oriuntur obligationes perfectæ (§. 793. part. 3. Jur. nat.); emphyteuta obligatus est ad canonem quotannis solvendum. Quod erat primum.

Enimvero quando solutio non fit eo die, quo quid de-

betur, eodem præterlapso debitor compelli potest ad solvendum debitum (§. 667. *part. 5. Jur. nat.*), consequenter si emphyteuta canonem quorannis non solvit, dominus emphyteuseos cum ad solutionem compellere potest. Competit igitur eidem jus emphyteutam ad solutionem adigendi (§. 156. *part. 1. Phil. præd. univ.*). *Quod erat secundum.*

Quoniam itaque ex obligatione solvendi canonem non nascitur naturaliter nisi jus adigendi emphyteutam ad solutionem *per demonstrata*; naturaliter emphyteusin non amittit emphyteuta, si canonemolvere negligit, vel detrectat. *Quod erat tertium.*

Enimvero si expresse ita convenitur, ut, si certo tempore non solvatur canon, emphyteusis amissa esse debeat, contractui emphyteutico adjicitur pœna (§. 606. *part. 3. Jur. nat. & §. 15. h.*). Quamobrem cum contractus sint adimplendi (§. 789. 794. *part. 3. Jur. nat.*); emphyteuta emphyteusin amittit, ob solutionem canonis neglectam, vel detrectatam. *Quod erat quartum.*

Quod in Jure Romano emphyteusis amittatur, si canon intra triennium non solvatur, pœnale ac mere civile est. Quamvis enim jure naturali etiam valeat pœna conventionalis; non tamen præcise ad triennium restringitur, sed tempus caducitatis pro arbitrio paciscentium determinari potest: quodsi vero nullum fuerit determinatum, nec de pœna expresse conventum, ea quoque locum habere nequit.

§. 21.

An canon fructibus re- hoc in casu locatio præsumitur. Etenim canon mutuo consensu spondere potest emphyteutæ ac domini emphyteuseos definitur, prouti visit, & quid sum fuerit (§. 16.), & emphyteuta obligatur ad canonem con- in dubio in- ventum solvendum (§. 20.), sive in multo, sive in modico de præsuma- consistat (§. 17.). Quodsi ergo consentiatur in canonem, qui fructibus

fructibus ex re emphyteuticaria percipiendis respondet; emphyteuta quoque ad hunc canonem solvendum obligatur. Patet itaque non repugnare, ut canon fructibus respondeat.

Quod erat unum.

Enimvero si canon respondet fructibus, quantitas ejus proportionatur utilitati, quam ex re emphyteuticaria percipit emphyteuta. Quamobrem cum non opus sit, ut hoc fiat (§. 16.), sed etiam in modico consistere possit canon, quamvis magna ex re emphyteutica percipiatur utilitas (§. 17.); ordinarium non est, ut canon fructibus respondeat. Quoniam vero in locatione conductione is animus esse videtur contrahentibus, ut servetur æqualitas, nisi rationes fortes in contrarium prostant (§. 1219. *part. 4. Jur. nat.*), adeoque ordinarium est, ut quantitas mercedis proportionetur utilitati ex re locata percipiendæ, seu ut ea fructibus respondeat, ordinarium vero præsumitur, non quod rarius sit (§. 248. *part. 2. Jur. nat.*); si canon fructibus respondeat, in casu dubio non emphyteusis, sed locatio præsumitur. *Quod erat alterum.*

Ut canon excedat fructus, seu utilitatem ex re emphyteuticaria percipiendam, emphyteusi repugnat, quippe emphyteuta, tanquam dominus utilis (§. 12.), omnem ex re utilitatem solus percipere debet (§. 2.), canone in recognitionem domini directi (§. 14.), adeoque non in compensationem ususfructus soluto. Quodsi vero canon excederet fructus, seu utilitatem perceptam, emphyteuta non modo nullam ex re emphyteuticaria caperet utilitatem, verum insuper continuo damnum pateretur. Facile adeo apparet, in istiusmodi canonem non consensurum emphyteutam, aut si forsan contingat eum per errorem consensisse, eum emphyteusin derelicturum: quod ipsum facere posse postea ostendetur. Emphyteusi non satis convenit, ut canon respondeat fructibus, quamvis hoc eidem non repugnet; magis convenit, ut ab iis deficiat (*not. §. 17.*), & quo minorem rationem ad eos habet, eo magis emphyteusi respondet,

respondet, præsertim si ea meliorationis causa constituta, quemadmodum initio obtinebat apud Romanos, quando agri incolti aut steriles in emphyteusin dabantur.

§. 22.

An canon remittendus ob utilitatem cessantem.

Emphyteuta canonem annuum solvere tenetur, etiamsi eo anno parum aut nihil ex re emphyteuticaria perceperit utilitatem, nisi de remittendo aut minuendo certo casu canone expresse fuerit conventum. Etenim emphyteuta canonem solvit in recognitionem dominii, non vero in compensationem usus rei emphyteuticæ, seu ad communicandum utilitatem rei (§. 14.). Quamobrem cum ratio solvendi canonis subsistat, quamdiu emphyteusis subsistit, nec per hoc tollatur, quod casu quodam contingat, ut parum aut nihil utilitatis ex re in emphyteusin data percipiatur, veluti ob sterilitatem, aut incurSIONem hostium; emphyteuta canonem annuum solvere tenetur, etiamsi eo anno parum aut nihil ex re emphyteuticaria perceperit utilitatem (§. 18. *Ontol.*). *Quod erat unum.*

Eninvero cum emphyteuta ultra voluntatem suam domino emphyteuseos non obligetur (§. 382. *pars. 3. Jur. nat.*); si in contractu emphyteutico, quo emphyteusis constituta & acquisita (§. 15.), expresse fuerit conventum de canone certo casu remittendo vel minuendo, emphyteuta quoque casu isto existente canonem non solvere tenetur, aut de eodem detrahere potest, quantum fuerat conventum. *Quod erat alterum.*

Conventio istiusmodi superflua foret, si in modico consistat canon, ita ut utilitate per alios annos percepta aut percipienda abunde compensetur modicum istud, quod solvitur absque ulla utilitate. At si in multo idem consistat, ut, quod in recognitionem dominii directi datur, censeretur etiam possit ad communicandam utilitatem dari; conventio de canone remittendo vel minuendo, prout casus tulerit, æquitati minime adversatur, quæ damnum commune esse suadet, quando commodum com-

commune est: quod ut clarius appareat, propositionem sequentem addere lubet.

§. 23.

Si canon in multo consistat; jure interno dominus emphyteutice eundem remittere debet, quando nullam ex re emphyteutica non totus percipit utilitatem, aut partem remittere, si exiguam tantummodo vel ex parte do utilitatem capere potuerit. Etenim si canon in multo con-remittendus jure interno. modum accedat; quamvis in recognitionem dominii directi stipuletur ac promittatur (§. 15.), in eo tamen definiendo contrahentes respexisse intelliguntur ad utilitatem, quæ ex re emphyteutica percipitur (§. 17.). Quamobrem etli expresse non fuerit conventum, ut canon solvi non debeat, quando nulla ex re emphyteutica percipitur utilitas, aut ut minuatur, si parum utilitas percipitur; cum tamen unusquisque non minus ab altero, quam a se damnum avertere debeat (§. 493. 495. part. 2. Jur. nat.), dominus emphyteuseos canonem remittere debet, si emphyteuta nullam ex re percipere potuit utilitatem, aut partem remittere, si exiguam utilitatem tantummodo capere potuerit & benigna mentis interpretatione hoc, cum contraherent, voluisse intelliguntur.

Cessat ratio, si canon in modico consistit, quemadmodum patet per ea, quæ modo annotavimus (not. §. 22.), & unusquisque per se facile assequitur. In hypothefi autem propositionis præsentis emphyteusis quodammodo accedit ad locationem, ut, quæ de mercede vel integra, vel pro rata remittenda demonstrata sunt (§. 1294. part. 4. Jur. nat.), ad emphyteusin quoque applicari debeant. Etenim canon major mixtum quid est ex canone emphyteuticario & mercede, ut detur quidem in recognitionem dominii directi primario, sed simul ad communicandam utilitatem secundario. Quod si enim non nisi recognitio dominii directi intenderetur, sufficere poterat canon valde exiguus, veluti unicus nummus (not. §. 17.).

(Wolffii Jur. nat. Part VI.).

C

§. 24.

§. 24.

*Quale jus
sit jus exi-
gendi cano-
nem.*

Jus exigendi canonem, quod domino emphyteuseos competit, est jus in re. Etenim canon solvitur in recognitionem domini directi (§. 14.), consequenter domino emphyteuseos competit vi domini directi, adeoque vi proprietatis, quam in re emphyteutica habet (§. 3). Quamobrem cum proprietatis sit jus ad dominium pertinens (§. 136. part. 2. Jur. nat.), dominium vero sit jus in re (§. 779. part. 3. Jur. nat.); jus exigendi canonem, quod domino emphyteuseos competit, est jus in re.

Non adeo demum nascitur ex contractu emphyteutico, etsi ex eo emphyteuta obligetur ad præstandum canonem, quem jure suo exigere poterat dominus de re sua pro arbitrio disponens (§. 118. part. 2. Jur. nat.), & quantitas canonis mutuo consensu determinetur (§. 16.). Aliud est jus exigendi mercedem in locatione, ubi nihil proprietatis transit in conductorem, sed res tota maneat locatori propria. Tum enim fieri non potest, ut ratione mercedis pro usu præstandæ ex ipsa re satisfiat locatori, consequenter is non nisi conductorem sibi obligatum habere potest. Enimvero in emphyteusi omnis utilitas ad emphyteutam pertinet, adeoque ex ipsa re satisfieri potest domino emphyteuseos, si canon non fuerit solutus. Immo ob hanc rationem civiliter constitui potuit, ut, canone non soluto per certum tempus, emphyteusis amittatur; id quod ex sequentibus uberius elucescet.

§. 25.

An canonem

Canonem ab emphyteuta non solum dominus emphyteuseos non solum exigere potest a quocunque possessore. Etenim jus exigendi canonem, quod domino emphyteuseos competit, est jus in re (§. 24.), adeoque in rem ipsam eidem competit (§. 778. part. 3. Jur. nat.). Quodsi ergo canon ab emphyteuta non fuerit solutus, rem ipsam pro eodem sibi obligatam habet, quæ adeo eundem debere intelligitur (§. 170. part. 1. Phil. pract.

pract. univ.). Quicumque itaque rem possidet, is canonem ex re solvere tenetur, consequenter dominus emphyteuseos eundem exigere potest a quocunque possessore.

Videbimus mox, emphyteusin posse alienari, adeoque rem emphyteuticam jure possideri ab alio, quam ab emphyteuta originatio. Quodsi ergo hic canonem non solvit, quemadmodum debebat, novus emphyteuta eundem solvere debet, nec dominus emphyteuseos ad solvendum compellere tenetur emphyteutam priorem tanquam debitorem.

§. 26.

Quomodo restricta esse debeat proprietas, mutuo consensu emphyteuta ac domini emphyteuseos in contractu emphyteutico defini-
end. Etenim a sola domini, qui emphyteusin constituit, restrictio voluntate pendet, quomodo dominium utile in emphyteu-
proprietas tam conferre velit (§. 11. *part. 3. Jur. nat.*), adeoque pro-
in emphy- prietatem restringere, utpote per essentiam emphyteuseos *tenet*. non definita restrictione (§. 12.). Quoniam tamen nemo alterum sibi obligare potest ultra voluntatem suam (§. 382. *part. 3. Jur. nat.*); necesse est ut in restrictionem consentiat emphyteuta (§. 658. *part. 1. Phil. pract. univ.*). Quamobrem cum in contractu emphyteutico determinetur lex, qua proprietas restringenda (§. 15.); quomodo ea restricta esse debeat, mutuo consensu emphyteutæ ac domini emphyteuseos in contractu emphyteutico definiendum.

Contractu emphyteutico opus est, ut jura & obligationes tam emphyteutæ, quam domini emphyteuseos definiantur, quippe quæ per naturam rerum definita non sunt, sed quorum definitio a constituentis & primi acquirentis voluntate potissimum pendet. Neque enim solum agitur de eo, utrum quis emphyteusin acquirere velit, nec ne; verum etiam de quantitate ac qualitate canonis solvendi, & lege solutionis ejusdem ac proprietatis restringendæ, nec non de modo concessionis emphyteuseos.

C 2

§. 27.

§. 27.

Unde meti- Quoniam mutuo consensu emphyteutæ ac domini em-
endum fit phyteuscos in contractu emphyteutico definiendum, quo-
ius emphy- modo restricta esse debeat proprietas (§. 26.), ex contractu
teusæ ac do- autem nascuntur obligationes (§. 793. part. 3. *Jur. nat.*), adeo-
mini emphy- que etiam jura contrahentium (§. 23. part. 1. *Jur. nat.*); *jus*
senscos quo- emphyteutæ & domini emphyteuscos quoad proprietatem ex contra-
ad proprie- ctu emphyteutico metiendum.
tatem.

Loquimur hic de eo, quod naturaliter valer. Jus enim ci-
 vile, quod formam dare potest emphyteusi, etiam legem restri-
 ctionis proprietatis præscribere potest, a qua recedere neque-
 unt contrahentes, nisi hoc fuerit permillum, &, quando hoc
 permittitur, non recessisse intelliguntur, siquidem de eo in con-
 tractu emphyteutico nihil fuerit expresse dictum. Ratio pate-
 bit suo loco, quando de theoria legum civilium naturali a-
 gemus.

§. 28.

Unde con- Similiter quia mutuo consensu emphyteutæ ac domi-
stet, quale ni emphyteuscos in contractu emphyteutico definien-
fit jus em- da est proprietatis restrictio (§. 26.), proprietas vero restrin-
phyteuscos in gi potest cum quoad jus alienandi, tum quoad jus rem im-
re alienanda mutandi (§. 6.); *quale jus competat emphyteutæ in re alienanda*
& immutan- & immutanda, ex contractu emphyteutico asstimandum.
da.

Valent hic eadem, quæ ad propositionem præcedentem mo-
 do annotavimus (not. §. 27.).

§. 29.

De modo, quo Emphyteusis concedi potest ad certum tempus, aut in perpetu-
emphyteusis um sive simpliciter, sive determinative, nominatis personis, ad quas
conceditur. transmitti queat. Etenim a sola domini emphyteusin con-
 stituentis voluntate pender, quomodo dominium utile in
 emphyteutam conferre velit (§. 11. part. 3. *Jur. nat.*), nec
 plus juris acceptatione sua ex contractu emphyteutico acqui-
 rere

rere valet emphyteuta, quam in eum conferre voluit dominus (§. 382. part. 3. Jur. nat.). Quamobrem cum in se non repugnet, ut emphyteusis constituatur vel ad certum tempus, vel in perpetuum, & si in perpetuum constituatur, ut aut simpliciter constituatur, aut saltem pro certis personis, ad quas ea transmitti possit; emphyteusis utique concedi potest tam ad certum tempus, quam in perpetuum, sive simpliciter, sive determinative, nominatis illis personis, ad quas transmitti debeat.

Clarius hæc evadent ex jure hæreditario, de quo suo loco dicemus: neque enim doceri potest, quænam naturaliter de jure hæreditario tenenda sint, antequam de imperio privato actum fuerit.

§. 30.

Si alienandi potestas emphyteuta adempta, alienatio ab eo facta nulla est: naturaliter tamen jus emphyteuticum non amittitur, alienandi nisi expresse ita fuerit conventum. Consensu vero domini emphyteutæ etiam in hoc casu emphyteuta emphyteusin alienare potest. adempta. Etenim cum ex contractu emphyteutico non plus acquireret emphyteuta, quam in eum conferre voluit constituens (§. 382. part. 3. Jur. nat.); si alienandi potestatem eidem ademit, nec emphyteusin alienare licet (§. 170. part. I. Phil. pract. univ.). Quodsi ergo hoc non obstante alienare is audeat, alienatio nullo fit jure, adeoque nulla est. *Quod erat primum.*

Enimvero etsi alienatio subsistere non possit, ut nullum sit jus ejus, in quem jus suum transferre voluit emphyteuta; ex eo tamen minime sequitur, quod jus suum amittat, sed tantummodo quod ad eum redire debeat, aut, si ipse habere nolit, ad eos, ad quos transmitti potest ex contractu. Naturaliter itaque jus emphyteuticum non amittitur, si alienatio fiat, alienandi potestate per contractum adempta. *Quod erat secundum.*

C 3

Quodsi

Quodsi vero expresse ita fuerit conventum, ut emphyteusis amitti debeat, si alienetur; poena contractui adjecta est (§. 606. *part. 3. Jur. nat.*). Quamobrem cum dandum sit, quod poenæ nomine promissum (§. 611. *part. 3. Jur. nat.*); si emphyteutæ alienandi potestas sub poena caducitatis ademta & is nihilominus emphyteusin alienet, ea amittitur. *Quod erat tertium.*

Denique cum quilibet jus suum remittere possit, quando nil facit contra jus tertii (§. 117. *part. 3. Jur. nat.*); dominus quoque emphyteuseos jus suum prohibendi aut irritam faciendi alienationem emphyteuseos remittere potest, si voluerit. Quamobrem cum hoc faciat, si in alienationem consentit (§. 658. *part. 1. Phil. pract. univ. & §. 95. part. 3. Jur. nat.*); quin consensu domini emphyteuseos ea alienari possit, etiam si in contractu emphyteutico jus alienandi emphyteutæ fuerit ademptum, dubitandum non est. *Quod erat quartum.*

Perinde est, siue dominus emphyteuseos in alienationem consentiat nondum factam, an in jam factam: casu enim priore eam permittit, casu autem posteriore ratihabet. Utroque modo jus suum remittit, seu declarat, emphyteutam ad non alienandum sibi non esse debere obligatum (§. 95. *part. 3. Jur. nat.*).

§. 31.

*De potestate consensu domini emphyteuseos; in casu priori alienatio sine consensu alienandi domini facta invalida, in posteriori novum emphyteutam invitus emphyteusin suscipere tenetur, nisi quid committatur jurisprout adversum. Etenim si alienandi potestas non permessa emphyteutæ nisi cum consensu domini emphyteuseos; emphyteutæ non competit jus alienandi sine ejusdem consensu (§. 382. *part. 3. Jur. nat.*), consequenter cum alienatio nullo jure fiat, quæ fit absque consensu domini directi, absque ejusdem consensu facta nulla est. *Quod erat primum.**

At

Ast si alienandi potestas absque consensu domini emphyteutæ permiffa, in hujus arbitrio positum est, in quemnam jus suum transferre velit. Quoniam itaque domino emphyteuteos nullum competit jus contradicendi (§. 29.), novum emphyteutam is invitus suscipere tenetur. *Quod erat secundum.*

Quoniam vero nemo quicquam facere potest, quod est contra jus alterius (§. 910. *part. 1. Jur. nat.*); si emphyteusis in eum transferri nequit, in quem eam transferre vult emphyteuta, nisi dominus emphyteuseos admittere debeat, quod juri suo adversatur, novum emphyteutam suscipere non tenetur. *Quod erat tertium.*

Civile adeo est, non naturale, quod domini consensus semper sit requirendus; si tamen is intra duos menses consentire nolit, etiam ipso dissentiente alienare liceat. Videtur equidem consensus domini semper requirendus, si eum cum nonnullis a dominio directo, seu parte proprietatis domino competente (§. 3.) derivare velis: quoniam tamen proprietates hæc restricta est (§. cit.), restrictio vero in contractu emphyteutico definienda (§. 26.), & ex hoc æstimandum est jus emphyteutæ ac domini emphyteuseos (§. 27.); naturaliter standum est eo, quod conventum fuerit (§. 789. *part. 3. Jur. nat.*). Et; si vel maxime detur, quod tamen dari minime potest, ex dominio directo fluere, necessitatem consensus ad alienationem requirendi; cum tamen quilibet jus suum remittere possit (§. 117. *part. 3. Jur. nat.*), illud non obstat, quo minus conveniri possit, absque consensu domini licitam esse debere emphyteuseos alienationem.

§. 32.

Emphyteuta se obligare tenetur, quod dominum emphyteuseos De dominio pro domino superiori recognoscere velit. Etenim emphyteuta se superiori re-obligat domino emphyteuseos ad canonem in recognitio- *recognoscendo.* nem domini directi solvendum (§. 20. 14.). Quamobrem
etiam

etiam sese obligare tenetur, quod cum pro domino directo seu superiori recognoscere velit.

Nimirum emphyteuta recognoscit dominium directum, quatenus agnoscit, rem emphyteuticam non prorsus sibi propriam esse, adeoque sibi standum esse contractui emphyteutico, nec quicquam faciendum, quod eidem adversatur (§. 28.), consequenter in iis, quæ in eodem contractui sibi reservavit, vel in sui commodum pactus est dominus emphyteuteos, sequendam esse hujus voluntatem,

§. 33.

De contractu emphyteutico cum novo emphyteuta renovandus.
Etenim novus emphyteuta se obligare tenetur, quod dominus emphyteuteos pro domino superiori recognoscere velit (§. 32.), adeoque huic competit jus ab illo exigendi, ut hoc faciat (§. 23. part. 1. Jur. nat.). Quoniam itaque hoc jus invito auferri minime potest (§. 336. part. 3. Jur. nat.); necesse est, ut etiam novus emphyteuta se obliget domino emphyteuteos, quod cum pro domino superiori recognoscere velit, consequenter nil quicquam facere, quod contractui emphyteutico adversum. Necesse igitur est, ut contractus emphyteuticus cum ipso renovetur (§. 393. 788. part. 3. Jur. nat.).

Non est quod inde inferas, consensum domini semper requirendum esse ad alienationem emphyteuteos: renovatio enim contractus emphyteutici fieri potest, etiamsi absque consensu domini emphyteutis fuerit translata, quippe qui novum emphyteutam suscipere tenetur (§. 31.), consequenter contractum emphyteuticum etiam invito renovare debet.

§. 34.

Laudemium quid sit. Honorarium, quod pro renovatione contractus emphyteutici domino directo solvendum, dicitur *Laudemium*, idiomate patrio *Lehnwahr*, vel *Lehngeid*.

Quoniam laudemium vocabulum barbarum est; honorarium

um istud Latinius dici quidam existimant laudativum, ad imitationem donativi. Enimvero cum plura sint vocabula barbara in Jure recepta, quæ ex eo extirpare velle ridiculum foret; ideo nulla quoque ratio suadet, cur vocabulum laudemium rejicere velimus (§. 147. *Disc. pralim.*). Immo quamvis laudativum adjective usurpetur, non tamen substantive in eo significatu occurrit apud Autores Latinos, quem vi definitionis habere debet, ut adeo non sine ratione dubitetur, num Latinus loqui putandus sit, qui vocabula in sermone Latino recepta in alio significatu adhibet, quam quem in eodem habent. Absolutum vero est in verbis esse nimis scrupulosum, ubi soli veritati litatur. Sunt qui relevium, seu relevamentum, aut etiam foriscapium appellare malunt, quod nomina hæc magis convenire videantur honorario nostro. At quis hanc legem terminis imponet, ut nomina vi derivationis convenire debeant rebus suis? Acquiescendum igitur est in terminis receptis, qualescunque tandem fuerint.

§. 35.

Quoniam laudemium honorarium est, quod pro renovatione contractus emphyteutici domino directo solvendum (*In quo laudemium con-* §. 34.), honorarium vero donum pecuniarium, quod remunerandi animo datur (§. 731. *part. 4. Jur. nat.*); laudemium sine constituto in pecunia numerata consistit, consequenter si dominus emphyteutatus sit, seos velit, ut novus emphyteuta sibi solvat laudemium, ex proprietate, quam retinet, commodum quoddam percipere vult, quoties emphyteutis in alium transferitur, seu alienatur.

Si laudemium a novo emphyteuta solvendum, & canon quotannis solvendus non in modico consistat; dominium directum non prorsus sterile est, sed lucrosam, etiam si non eadem sit domini utilis ac directi utilitas.

§. 36.

An laudemium dari debeat & quando ac quantum dari debeat. Quomodo at, mutuo consensu domini emphyteutici constitutis primi ac-quis ad laudemium. (Wolfii Jur. Nat. Pars VI.) D

mium ac- *quirentis in contractu emphyteutico determinandum.* Quoniam
quiratur & enim laudemium commodum est, quod ex proprietate, quam
ejus quanti- retinet dominus emphyteuseos, percipit, quando ea aliena-
tas determi- tur, seu in aliam personam transfertur (§. 35.); an dari de-
neatur. beat laudemium & quando ac quantum dari debeat, ad eam
 legem pertinet, qua proprietas in emphyteusi restringitur (§.
 12.). Quamobrem cum mutuo consensu emphyteutæ ac
 domini emphyteuseos in contractu emphyteutico, quo em-
 phyteusis constituitur & acquiritur (§. 15.), definiendum sit,
 quomodo proprietates restrictæ esse debeat (§. 26.); an laude-
 mium dari debeat & quando ac quantum dari debeat, mu-
 tuo consensu domini emphyteusini constituentis ac primi ac-
 quirentis in contractu emphyteutico determinandum.

De essentia igitur emphyteuseos non est, ut laudemium a
 nova emphyteuta solvatur, cum unice pendeat a voluntate con-
 stituentis ac primi acquirentis. Quamobrem locorum quoque
 consuetudines variant, ut alibi laudemium saltem solvatur in
 translatione in extraneum, alibi vero etiam si in liberos vel ali-
 os hæredes emphyteusis transmittitur, immo alicubi nullum
 solvatur, nisi ex partium conventionione. Similiter quantitas lau-
 demii variat civiliter. Olim erat pars quinquagesima pretii,
 l. ult. C. de jur. emphyt. hodie regulariter pro singulis centenis
 pretii præstantur quinque, alicubi vero decem. Naturaliter
 cum laudemium omne sit conventionale, *vi prop. præf.* quan-
 titas quoque arbitraria est.

§. 37.

De obligati- *Si laudemium solvendum, emphyteuta nonnisi sub hac condi-*
one novisem- *tione emphyteusini alienare potest, ut novus emphyteuta solvat.*
phyteuta, ut Potest tamen cum eo convenire, ut laudemium pro rata inter se ac
landemium *novum emphyteutam dividatur; vel ut ipse solvat: sed non ob-*
solvat. *stante hac conventionione dominus emphyteuseos habet sibi obligatum*
novum emphyteutam ad laudemium præstandum. Etenim cum
 in contractu emphyteutico conveniatur, quod laudemium
 sol-

solvi debeat & quantum debeat solvi (§. 36.); dominus emphyteutam sibi obligat ad non transferendum emphyteusin in alium nisi sub conditione laudemii præstandi. Quamobrem nonnisi sub hac conditione alienare potest (§. 118. *part. 1. Phil. pract. nrrv.*). *Quod erat primum.*

Enimvero cum domino emphyteuseos perinde sit, siue laudemium ipsi solvatur ab emphyteuta novo, siue a vetere, siue ab utroque simul, modo ipsi solvatur; nil quoque obstat, quo minus inter utrumque ita conveniri possit, ut laudemium vel totum, vel pro parte solvatur a transferente. *Quod erat secundum.*

Quoniam tamen vi contractus emphyteutici alienatio fieri nequit nisi sub hac conditione, ut novus emphyteuta laudemium solvat *per demonstrata*, adeoque ex eodem jus habet dominus emphyteuseos exigendi ab hoc laudemium (§. 27.), quod invito auferri nequit (§. 336. *part. 2. Jur. nat.*); non obstante conventionem de laudemio vel parte ejus a transferente solvenda novum emphyteutam sibi obligatum habet ad solvendum laudemium integrum. *Quod erat tertium.*

Aliud est accipere solutionem ab alio, aliud est non habere sibi obligatum ad solvendum eum, qui debet, sed alium. Conventio de laudemio vel parte ejus a transferente solvenda pertinet tantummodo ad transferentem & novum emphyteutam, qua convenitur ut ille pro hoc solvat, non vero ad dominum emphyteuseos, ut is non novum emphyteutam, sed transferentem sibi habeat obligatum vel in solidum, vel pro parte: quæ obligatio nasci nequit sine ipsius consensu (§. 393. *part. 3. Jur. nat.*), etsi novus emphyteuta liberetur, si vetus solvat (§. 716. *part. 5. Jur. nat.*), nec ulla addit ratio, cur solutionem accipere recuset emphyteuseos dominus, consequenter irritam faciat conventionem. Ipsi nimirum non interest, quomodocumque de solutione laudemii inter se conveniant transferens ac novus emphyteuta (§. 622. *part. 3. Jur. nat.*); conventio

tamen ista fieri nequit, nisi salvo jure domini, ne debitor invitus ipsi obtrudatur.

§. 38.

Jus exigendi laudemium quale sit. *Jus exigendi laudemium est jus in re.* Quoniam enim dominus emphyteuseos laudemium sibi solvi vult, ut commo- dum aliquod percipiat ex proprietate, quam retinet (§. 35.); jus id exigendi a novo emphyteuta ipsi competit vi proprietatis, quam in re habet (§. 3.). Unde porro patet, ut supra de canone (§. 24.), jus exigendi laudemium esse jus in re.

Jus adeo hoc non nascitur ex contractu emphyteutico, sed in eodem tantummodo reservatur domino emphyteusin constituenti, qui vi proprietatis jus in re sibi reservare potest, quodcumque visum fuerit (§. 131. *part. 2. Jur. nat.*). Unde etiam hinc sequitur, novum emphyteutam manere obligatum ad solvendum laudemium, etiamsi transferens onus ejus subeat, vel conventionione inter transferentem ac novum emphyteutam idem dividatur. Equidem vulgo jus exigendi laudemium non habetur pro reali ab interpretibus Juris civilis: sunt tamen inter eos, qui dissentiunt. Nec contrariatur propositioni præfenti, quod quibusdam in locis, teste *Franzko* de laud. c. 23. n. 3. venditor laudemium solvere cogatur, & teste *Knichenio* de pact. investit. p. 2. c. 4. n. 190. moribus Fuldensibus idem inter emtorem ac venditorem dividatur, jure enim positivo tam scripto, quam non scripto jus quoddam adimi potest, quod naturaliter competere debebat.

§. 39.

Laudemium quando exigendum. *Laudemium statim exigi potest, quando contractus emphyteuticus renovatur.* Datur enim pro renovatione contractus emphyteutici (§. 34.), consequenter eodem renovato statim debetur. Quamobrem cum debitor ad solvendum statim compelli possit; die præterlapso, quo quid debetur (§. 667. *part. 5.*

part. 5. Jur. nat.) ; laudemium statim exigii potest, quando contractus emphyteuticus renovatur.

§. 40.

Naturaliter laudemium debetur, domino emphyteuseos muta- An laudemio, si ita fuerit conventum: non debetur, si expresse ita conven- um debeatur tum non fuerit. Etenim in contractu emphyteutico determi- mutato donandum, quando solvi debeat laudemium (§. 36.) & ex eo mino emphy- jus domini emphyteuseos metiendum (§. 27.). Quodsi er- tuseos. go ita conventum fuerit, ut laudemium debeatur, domino emphyteuseos mutato, casu existente debetur: sin vero ita conventum non fuerit, nec debebitur.

Neque vero absurdum est, ut laudemium debeatur, domino emphyteuseos mutato. Datur enim pro renovatione contractus emphyteutici, qua opus est, si dominus emphyteuseos muretur.

§. 41.

Si dominus emphyteuseos mutatur, contractus emphyteuticus An domino renovandus, nisi in eodem expresse contineatur, quod non modo do- emphyteu- minum presentem pro domino superiori recognoscere velit, verum seos mutato etiam futurum alium quemcunque, seu quemcunque successorem ejus contractus legitimam. Etenim emphyteuta se obligare tenetur, quod emphyteuti- dominum emphyteuseos pro domino superiori recognoscere cus reno- velit (§. 32.). Quamobrem si dominus emphyteuseos mu- vandus. retur, necesse est ut huic quoque sese ad hoc obliget emphy- teuta, consequenter ut cum eodem contractus emphyteuti- cus renovetur (§. 393. 788. part. 3. Jur. nat.). Quod erat unum.

Enimvero si in contractu emphyteutico vetere emphy- teuta sese jam obligaverit, quod non modo dominum præ- sentem pro domino superiori recognoscere velit, verum et- iam futurum alium quemcunque, seu quemcunque ejus suc- cessorem legitimum; non opus est, ut domino novo se de-

nuo obliget, consequenter nec necesse est, ut contractus emphyteuticus renovetur. *Quod erat alterum.*

Nimirum si emphyteuta promittit, quod etiam successorem legitimum quemcunque alium pro domino superiori recognoscere velit; promissio fit sub conditione, si contingat dominium directum in alium transferri. Conditione igitur hac existente, obligatio statim sese actu exerit (§. 482. *part. 3. Jur. nat.*), neque adeo opus est, ut tum demum contrahatur. Hoc tamen non obstante, cum novo domino contractus non inutiliter renovatur, quoniam obligatio, quæ ab eventu suspensa nunc fit valida & ad personam certam restringitur, contractus renovato confirmatur. Quodsi ergo non inutile videatur obligationem, quæ jam adest, juramento confirmari (§. 902. *part. 3. Jur. nat.*); nec inutile existimari potest in casu præsentis obligationem confirmari expressa promissione in eam personam collata, cui obligatus esse debet emphyteuta: ita scilicet perinde ac per juramentum arcentur omnes tacitæ exceptiones ac conditiones (§. 908. *part. 3. Jur. nat.*).

§. 42.

An dominium directum sensus emphyteutæ. *Ad transferendum dominium directum non requiritur consensus emphyteutæ.* Etenim dominus emphyteuseos, cui consensus petit dominium directum, jus suum habet, non dependenter ab emphyteuta, quemadmodum hic dominium utile (§. 13.), cum proprietas per se ad eundem spectet (§. 32.). Quamobrem nulla ratio est, cur sine consensu emphyteutæ de jure suo disponere minime possit (§. 851. *Ontol.*). Ad dominium adeo directum transferendum consensus emphyteutæ minime requiritur.

Quodsi dicas, non repugnare, etsi rarius, aut forsan nunquam contingat, ut quis dominium directum in alium transferat, ac utile sibi reservet, adeoque dominus emphyteuseos jus suum habeat ab emphyteuta; dubium hoc nullum est. Etenim si tale quid fieri ponamus, dominium plenum sub conditione emphyteuseos constituendæ in alterum transfertur, cum alias pro domino superiori agnosci

gnosci minime posset, atque adeo tum quoque emphyteuta jus suum habet a domino emphyteuseos, hic vero jus suum possidet independentem ab eodem. Hæc nimirum tantummodo differentia est, quod emphyteuta legem præscribere possit, sub qua emphyteusin sibi constitui velit, cum alias potior in eo sit voluntas constituentis.

§. 43.

Emphyteusis est jus in re. Est enim dominium utile (§. *Quale jus* 12.), adeoque continet jus utendi fruendi prorsus irrestrictum *emphy-*ctum una cum parte quadam proprietatis (§. 1.). Enimvero *tenus*, jus utendi fruendi & proprietas domini partes sunt (§. 136. *part. 2. Jur. nat.*), dominium vero est jus in re (§. 779. *part. 3. Jur. nat.*). Emphyteusis itaque jus in re est.

Dominium inter emphyteutam & dominum emphyteuseos dividitur in partes potentiales, ita ut quoad commodum emphyteutæ jus sit potius, quoad proprietatem vero domini emphyteuseos, qui ideo etiam dominus superior audit. Habet adeo uterque jus in re; non tamen commune, sed separatum, quia dominium in partes potentiales actu divisum, ita ut aliud jus sit emphyteutæ, aliud domini emphyteuseos,

§. 44.

Si emphyteusis conceditur ad certum tempus, tempore elapso Quando *extinguitur.* Etenim si emphyteusis conceditur ad certum *emphyteusis* tempus, veluti ad decem, vel viginti annos, per se patet, *temporaria* constituentem noluisse, ut ultra hoc tempus jus emphyteutæ *extingua-*duret. Quamobrem cum acceptione sua plus juris in re *jur.* emphyteutica acquirere non potuerit emphyteuta, quam in eum conferre voluit constituens (§. 382. *part. 3. Jur. nat.*); nec ultra hoc tempus jus emphyteutæ durare valet. Tempore igitur, ad quod emphyteusis fuit contracta, elapso, eadem extinguitur.

Emphyteuta jus suum habet ex contractu emphyteutico (§. 11, 15.), adeoque ex eo æstimanda ejus duratio. Si igitur

tu

ru emphyteusin non contraxisti nisi ad decennium, decennio elapso tibi amplius competere nequit.

§. 45.

Quando emphyteusis ad certas personas restricta extinguitur. Si emphyteusis conceditur pro certis personis, his omnibus extinctis & ipsa extinguitur. Etenim si emphyteusis conceditur pro certis personis, evidens est, constituentem non modo voluisse, ut ea, cum qua contraxit, persona emphyteusin habeat, verum etiam in personas alias, quæ nominantur, successive transmittatur. Quamobrem primus acquirens non modo sibi eandem acquirit, dum cum constituyente contrahit (§. 11. 15.), verum etiam ceteris, quæ nominantur, personis, in quas ea successive transmittenda, quemadmodum contractum fuit. Quoniam vero ultra personas nominatas nemini jus quoddam acquirere potuit primus acquirens (§. 382. part. 3. Jur. nat.); si emphyteusis conceditur pro certis personis, his omnibus extinctis & ipsa extinguitur.

E. gr. Si emphyteusis acquiritur pro te & omnibus descendibus tuis; emphyteusis successive transmittitur ad descendentes, quamdiu tales existunt. Quodsi ultimus descendendum moriatur, cum nemo amplius sit, pro quo emphyteusin acquisiverit primus acquirens; ea cum ultimo descendente extinguitur. Quodsi emphyteusis contracta tantummodo pro descendentibus masculis, cum ultimo masculo ipsa extinguitur; si promiscue pro omnibus descendentibus, non extinguitur, quamdiu feminæ a primo acquirente descendentes supersunt.

§. 46.

Quando emphyteusis simpliciter in perpetuum contrahitur. Si emphyteusis in perpetuum simpliciter contrahitur; pro omnibus personis contracta intelligitur, ad quas jus aliquod in re ab acquirente transmitti potest, nec extinguitur, quamdiu istiusmodi persona existit. Etenim si emphyteusis in perpetuum simpliciter contrahitur, cum certæ personæ non nominantur, pro quibus contracta esse debeat, neque ad solam personam primi acquirentis

quirentis ea restringatur; necesse omnino est, ut pro omnibus personis contracta intelligatur, ad quas jus in re, quale est emphyteusis (§. 43.) ab acquirente transmitti potest.

Quod erat unum.

Quoniam itaque emphyteusis vi contractus emphyteutici ab acquirente successive transmittitur in eas personas, in quas jus in re ab ipso transmitti potest (§. 11. 15.); ea extinguui nequit, quamdiu persona istiusmodi extat. *Quod erat alterum.*

Jus in re, quod habemus, transmitti ad personas alias, nobis mortuis, suo ostendetur loco, quando de jure hereditario acturi sumus. Quoniam vero de hoc jure nondum agere licuit, principiis, a quibus dependet, nondum demonstratis; hæredum quoque mentionem facere nolimus, in quos transmittitur jus omne defuncti, quod ex dominio descendit, nec mere personale est. Sufficit itaque hic supponi transmissionem juri in re in personas alias, nobis mortuis, tanquam possibilem, etsi suo demum loco constare possit, hoc recte sumi. Facile autem pater, si tanquam nota supponere velis, quæ alio demum loco demonstrari possunt, propositionem præsentem hunc habere sensum, quod emphyteusis in perpetuum simpliciter contracta transeat ad omnes ab intestato hæredes, nec extinguatur, quamdiu hæres ab intestato existit, qui cognatione primum acquirentem quocunque gradu attingit.

§. 47.

Si emphyteusis pro certis personis constituitur, & alienandi potestas conceditur; naturaliter ita conveniri potest, ut ad alienationem requiratur consensus eorum, ad quos transmitti debebat, seu eos pro emphyteuta mortuo, vel ut eorum consensu non sit opus. Etenim quale jus competat emphyteutæ in re alienanda, ex contractu emphyteutico æstimandum (§. 28.). Quamobrem cum a voluntate constituentis pendeat, quomodo jus, quod erat

De alienatione emphyteusis constituta.

(Wolffii Jur. Nat. Pars VI.) E suum,

suum, in emphyteutam conferre velit (§. 11. *part. 3. Jur. nat.*), consequenter num is sine consensu eorum, ad quos mortuo emphyteuta emphyteusis transmitti debebat, an vero nisi cum horum consensu alienandi potestatem habere debeat, nec emphyteuta acceptatione sua plus juris acquirere possit, quam in eum conferre vult constituens (§. 382. *part. 3. Jur. nat.*): quin naturaliter ita conveniri possit, ut ad alienationem requiratur consensus eorum, ad quos emphyteusis transmitti debebat, emphyteuta mortuo, vel ut horum consensu ad eandem opus sit, si emphyteusis pro certis personis constituitur cum alienandi potestate, dubitandum non est.

Civile adeo est, quod ad alienationem nunquam requiratur consensus eorum, pro quibus contracta erat.

§. 48.

Quid in casu dubio præsumendum.

Si de consensu eorum in alienationem, ad quos transmittenda erat emphyteusis, in contractu emphyteutico nihil expresse dictum; naturaliter præsumtio est contra consensum, præsertim si alienandi potestas sine consensu domini emphyteuseos concessa. Etenim si ad alienationem requirendus est consensus eorum, ad quos emphyteusis transmitti poterat, constituens jus alienandi magis restringere voluit, quam si alienatio absque illorum consensu permessa, quod per se patet. Quodsi ergo de consensu eorundem ad alienationem requirendo nihil expresse dictum in contractu emphyteutico, nec ita constituens potestatem alienandi restringere voluisse videtur, ut consensu isto ad alienationem sit opus. Quamobrem naturaliter præsumtio est contra consensum. Quod erat unum.

Quodsi alienandi potestas sine consensu domini emphyteuseos concessa; constituens quam minimum eandem restringere voluit, consequenter multo magis præsumitur, nec ita restringere voluisse eandem, ut consensu eorum, ad quas

ab

ab eo transmitti poterat, sit opus. *Quod erat alterum.*

Quomodo restricta esse debeat proprietas, mutuo consensu emphyteutæ ac domini in contractu emphyteutico definiendum (§. 26.). Quod adeo voluntarium est, de eo expresse conveniendum, consequenter nec admittendæ sunt restrictiones, de quibus expresse nil dictum. Sane si tibi simpliciter conceditur alienandi potestas, libera tibi concessa intelligitur, ita ut domini emphyteutes ad alienationem consensu non sit opus: si enim velit constituens, ut sine suo consensu alienatio fieri non possit, id expresse indicandum. Eodem igitur modo si alienandi potestas tibi conceditur, quæ pro certis personis contracta, libera tibi concessa intelligitur, ut harum consensu ad alienationem non demum sit opus. Quodsi ponamus fundos steriles meliorationis causa in emphyteusim datos, aliæ adhuc præsumptionis rationes dari poterant, de quibus tamen ut dicamus opus non est.

§. 49.

Si emphyteusis ad certum tempus concessa, mortuo emphyteuta transmittitur ad eum, qui in bonis defuncti succedit, & moriens teuta mortuam pro suo arbitrio in alium transferre potest in eventum mortis, ante nisi obstat jus tertii. Et enim si emphyteusis ad certum tempus, ad pus contracta, antequam id præterlapsum fuerit, jus hoc emphyteutæ auferri invito nequit (§. 336. part. 2. Jur. nat.), tenus condeoque in bonis ipsius est (§. 451. part. 2. Jur. nat.). Quamobrem qui succedit, emphyteuta mortuo, in bonis ipsius, is etiam succedit in emphyteusi, seu emphyteusis ad eum transmittitur. *Quod erat unum.*

Et quoniam emphyteusis ad certum tempus concessa non conceditur pro certis personis, ad quas adeo emphyteuta mortuo transferri debeat; liberum est emphyteutæ, in quem eam in eventum mortis transferre velit, quatenus id salvo jure tertii fieri potest (§. 910. part. 1. Jur. nat.). Moriens itaque emphyteusin pro arbitrio suo in alium transferre

in eventum mortis potest, nisi obftet jus tertii. *Quod erat alterum.*

Quando de jure hæreditario acturi sumus, ostendemus, quatenus libera sit in eventum mortis disponendi de bonis suis potestas. Accidere quoque potest, ut moriens ex ære alieno laboret, neque adeo in præjudicium creditorum de emphyteusi, etsi temporaria, disponere possit. Ne igitur sciolis cavillandi ansam demus, restrictionem addere libuit in altera propositionis præsentis parte.

§. 50.

Qua lege emphyteusis alienatur, sub qua primum contracta fuit, vel in alium transmittit, seu talis alienatur aut transmittitur emphyteusi, qualem ex contractu emphyteutico acquisivit primus acquirens. Potest tamen in alienatione adjicere legem, quæ priori, qua contracta, non contrariatur, seu eadem salva adjici potest. Jus enim tam emphyteuta, quam emphyteuseos domini metiendum est ex contractu emphyteutico (§. 27.), quo emphyteusis constituta & acquisita (§. 15.), seu contracta fuit. Quamobrem cum per se pateat, non aliud jus ab emphyteuta in alium transferri, aut transmitti posse, quam quod habet; emphyteusis talis alienatur aut transmittitur, qualem primus acquirens ex contractu emphyteutico acquisivit, seu sub ea lege alienatur, aut transmittitur, sub qua primum contracta fuit. *Quod erat primum.*

Et quoniam domino emphyteuseos jus suum, quod ex contractu emphyteutico sibi reservatum, auferri nequit (§. 336. part. 3. Jur. nat.); in alienatione emphyteuseos adjici nequit lex, quæ legi, sub qua primum contracta fuit, adversatur. *Quod erat secundum.*

Quia vero emphyteuta de jure suo disponere potest pro suo arbitrio, quamdiu nil facit, quod est contra jus domini emphyteuseos (§. 11. part. 3. & §. 910. part. 1. Jur. nat.); dum emphyteusin

teufin in alium transfert, seu alienat (§. 662, part. 2. Jur. nat.), ei legem novam adjicere potest, quæ priori, sub qua contracta, non contrariatur. *Quod erat tertium.*

E. gr. Si quis emphyteufin vendit, eam vendere potest sub pacto retrovenditionis, quia retrovenditio non est contra jus domini emphyteuseos.

§. 51.

Quoniam emphyteufis alienari nequit nisi sub ea lege, *De tempore*, sub qua primum contracta fuit, seu talis, qualis ex contractu ad quod emphyteutico primum acquisita (§. 50.); *Si emphyteufis ad cer-phyteufis tuum tempus concessa, ultra istud tempus in alium transferri, vel temporaria transmitti nequit, consequenter tempore isto elapso, novus emphy- alienatur. senta eandem amittit (§. 44.).*

Nimirum emphyteufis temporaria alienando converti nequit in perpetuam nec ad certum annorum numerum restricta ad plures annos ultra extendi potest.

§. 52.

Ex eadem ratione *si emphyteufis in perpetuum simpliciter Quomodo contracta, vel determinative pro certis personis concessa; in pri- emphyteufis ori casu simpliciter, in posteriori determinative pro istiusmodi perso- perpetua, si nis, quales nominata fuerant in prima acquisitione, alienatur, con- alienatur, sequenter in quales personas transmitti poterat a primo acqui- transmitti rente, in tales etiam eodem ordine transmitti potest ab emphyteu- possit. ta novo.*

E. gr. Si emphyteufis contracta pro liberis cujuscunque gradus alienatur; a novo quoque emphyteuta transmitti potest in liberos suos. Quodsi illa contracta fuerit pro omni hærede ab intestato; ab emphyteuta quoque novo in eum transmittitur, qui ab intestato hæres ipsi existit. Nimirum emphyteufis contracta in perpetuum simpliciter, transmissibilis est ad quemlibet successorem ab intestato. Ea igitur etiam transfertur in alium tanquam transmissibilis ad quemlibet ipsius successorem.

Similiter emphyteusis contracta pro liberis cujuscunque gradus transmissibilis est ad liberos cujuscunque gradus. Quamobrem etiam ut transmissibilis in liberos cujuscunque gradus transfertur in alium. Facile apparet, si rem penitus inspicere libuerit, quando emphyteusis constituitur in perpetuum, vel pro quolibet successore ab intestato, vel pro certis personis, veluti descendantibus masculis, aut masculis & foeminis simul, non intelligi præcise successores, vel descendentes primi acquirentis; sed potius eos, qui emphyteutæ morienti extituri sunt successores ab intestato, vel ab eo descendentes. In alienatione itaque lex, juxta quam transmitti debet ab emphyteuta moriente emphyteusis in alium, minime mutatur. Atque hoc modo intelligitur, quod in alienatione emphyteutæ nihil committatur ab emphyteuta, quod sit contra jus eorum, qui ipsi ab intestato succedunt. Quamdiu enim emphyteusis non alienatur, nonnisi spem conditionatam habent succedendi in eadem, si ante mortem ea alienata non fuerit, quæ adeo non ante in jus erigitur, quam emphyteuta mortuo & emphyteusi non alienata. Quamprimum vero ea alienatur, spes incerta, quam habebant, evanescit, nec jus suscitare potest.

§. 53.

An laudemium solvendum ab eo, qui in emphyteusi succedit.

Si emphyteuta mortuo emphyteusis transmittitur in alium, novus emphyteuta laudemium solvere tenetur. Idem fieri debet, si adhuc vivens emphyteusis in eum transfert, in quem post mortem ipsius transmitti debebat. Etenim in utroque casu novus emphyteuta succedit in locum anterioris, quod per se patet. Quamobrem cum contractus emphyteuticus cum novo emphyteuta sit renovandus (§. 33.), pro renovatione autem contractus emphyteutici solvendum sit laudemium (§. 34.); in utroque etiam casu propositionis præsentis laudemium solvendum.

Aliud est, si expresse in contractu emphyteutico laudemium ad eum casum fuerit restrictum, quo in extraneum transfertur emphyteusis: quod fieri utique potest (§. 36.).

§. 54.

Si emphyteusis alienata modo quocunque iterum ad te redeat; An laudemium quando eam denuo acquirit, laudemium solvere teneris. Etenim *um solven-* si emphyteusis quomodocunque alienatur, qui alienat emphy- *dum*, si em- teuta esse desinit, & qui eam acquirit, emphyteuta fit; quod *phyteusis a-* si vero ad eum, qui alienaverat, iterum redit, is jam rursus *alienata* fit emphyteuta (§. 53.). Quamobrem cum novus emphy- *redere ad a-* teuta laudemium solvere teneatur, quicumque fuerit (§. 37. *lienantem-* 53.); non modo is laudemium solvere tenetur, qui a te em- phyteusin acquirit, sed tu etiam solvere teneris, si alienata quocunque modo ad te iterum redit.

E, gr. Ponamus te emphyteusin vendere Titio cum pacto de retrovendendo. Quodsi eandem a Titio rursus emis, laudemium solvere teneris, quemadmodum solverat Titius, cum a te emisset. Similiter ponamus te emphyteusin transferre in filium tuum, in quem te mortuo transmitti debebat; Ponamus porro, filio tuo mortuo emphyteusin ad te redire. Tu solvere teneris laudemium, quemadmodum solverat filius tuus; eum illam a te acciperet. Nimirum si laudemium solvendum, emphyteusin vendere nequis Titio nisi sub hac conditione, ut laudemium solvat (§. 37.), nec pactum de retrovendendo quicquam detrudere potest juri domini emphyteuseos, sed ejus respectu pro non adjecto habetur (§. 50.). Quodsi ergo emphyteusin iterum a Titio emis, quoad dominum emphyteuseos perinde est, sive is ad vendendum tibi fuerit obligatus, sive ultro faciat, & utrum tibi, an alii vendat. Quoniam itaque ipse tanquam emphyteuta emphyteusin alienare nequit, nisi sub conditione, ut novus emphyteuta, seu qui emphyteusin ab eo acquirit, laudemium solvat (§. 37.); tu utique laudemium solvere teneris. Similiter quando in filium tuum emphyteusin transfers, in quem te mortuo transmitti poterat, si eam ad finem usque vite retinuisse (not. §. 52.); in eum transferre nequis, nisi sub hac conditione, ut laudemium solvat (§. 53. 37.). Quodsi vero eodem mortuo emphyteusis in te transmittitur,

tu ad laudemium solvendum obligatus es (§. 53.). Neque transferri potest sub hac conditione, ut si ad te redire contingat emphyteusin laudemium, non denuo sit solvendum, cum tale pactum alienationi adjici repugnet (§. 50.). Equidem non ignoro, dissentire inter se quoad propositionem præsentem interpretes Juris civilis; sed cum lege positiva nil sit definitum, standum est eo, quod naturali ratione constitutum, adeoque verior est eorum sententia, qui nobiscum sentiunt.

§. 55.

*Quid fiat
emphyteusis
finita.*

Si emphyteusis finitur, seu nemo amplius est, cui ea competere possit, dominus emphyteuseos fit rei, quæ emphyteutica fuerat, pleno jure dominus. Etenim quando emphyteusis constituitur, ea vel constituitur ad certum tempus, vel in perpetuum, sive simpliciter, adeoque pro omni successore, vel determinative pro certis, quæ nominantur, personis (§. 29.), & tempore elapso, vel nullo successore existente emphyteusis extinguitur (§. 44. & seqq.). Quamobrem constitui nequit nisi ea lege, ut, quando emphyteusis finitur, dominium utile, quod in emphyteusis constitutione separatur a directo (§. 12. 3.), non amplius separatum esse debeat. Quoniam itaque dominium utile continet jus utendi fruendi cum parte quadam proprietatis (§. 1.), directum vero partem proprietatis reliquam (§. 3.), plenum autem dominium jus utendi fruendi ac omnem proprietatem continet (§. 136. part. 2. Jur. nat.); quando emphyteusis finitur, qui erat dominus directus, adeoque partem tantummodo proprietatis habebat (§. 4.), dominium plenum ipso jure habet, consequenter pleno jure rei, quæ emphyteutica fuerat, fit dominus.

Proprie dici nequit, jus emphyteutæ conjungi cum jure domini emphyteuseos, quoniam illud extinctum est, ac ideo quia extinguitur, dominium, quod erat divisum, plenum iterum est, quodque divisum in duobus subjectis existebat, jam indivisum in uno subjecto subsistit. Acquiritur vero plenum domini-
um

um ab eo, qui directum habet, ex lege constitutionis. Quodsi emphyteusis non exstingueretur, sed subsisteret, nullo successore existente, nec ea esset lex constitutionis, ut, qui dominium directum habet, jam pleno jure sit dominus; emphyteusis evaderet res nullius, quemadmodum suo loco constabit, quando de successione ab intestato acturi sumus: quod tamen disikaudquaquam potest.

§. 56.

Quoniam emphyteusis finita dominus emphyteuseos sit rei, Quale jus quæ emphyteutica fuerat, pleno jure dominus (§. 55.); idem ad rem em-
jus conditionatum ad rem emphyteuticam habet pleno jure possiden-
dam, aut si mavis spem rem emphyteuticam pleno jure possidendi, habeat do-
minus em-
que emphyteusis finita in jus erigitur.

Non repugnat, ut dominus emphyteuseos habeat & jus in
re, & simul jus ad rem: jus enim in re habet, quatenus ipsi
competit proprietas, etsi restricta, in re emphyteutica, jus ve-
ro ad rem, quatenus eam pleno jure possidere debet, emphy-
teusis finita, seu plenum dominium rei, quæ emphyteutica fue-
rat, ipso jure acquirere, quod dominium directum, quod jam
habet, absorbet. Jus autem hoc nonnisi conditionatum est,
cum suspendatur a casu, quo nemo existit, cui emphyteusis com-
petere possit.

§. 57.

Si emphyteusis finitur, seu nemo amplius est, cui ea compe-
tere possit; consolidatio fit. Etenim si emphyteusis finitur, ut
nemo amplius sit, cui ea competere possit, dominus emphy-
teuseos sit rei, quæ emphyteutica fuerat, pleno jure dominus
(§. 55.), seu dominium plenum acquirit ex lege constitutio-
nis (not. §. cit.). Quoniam itaque dominium plenum con-
tinet proprietatem omnem cum jure utendi fruendi (§. 136.
part. 2. Jur. nat.), eam quoque partem proprietatis, quam
dominus emphyteuseos ante habebat, & in qua dominium
(Wolffii Jur. nat. Par. VI.), F dico.

An emphy-
teusis finita
consolidatio
fit.

directum consistebat (§. 12. 13. 3.), idem continet. Quamobrem cum consolidatio fiat, si jus acquiris, quo id, quod jam ex alia causa habes, continetur (§. 136. *part. 5. Jur. nat.*); quando emphyteusis finitur, ut nemo amplius sit, cui ea competere possit, consolidatio fit:

Equidem vulgo dicitur, consolidatione finiri emphyteusin, quando moritur emphyteuta sine successore, ut adeo consolidatio allegetur tanquam ratio emphyteuseos finitæ, non vero extinctio emphyteuseos tanquam ratio consolidationis. Qui vero ita sentiunt, emphyteuta sine successore mortuo emphyteusin ad dominum emphyteuseos reverti & ita dominium utile cum directo in uno subjecto conjungi putant, ut adeo emphyteusis, quæ duo subjecta requirit, in quibus dominium directum & utile separatim existunt, subsistere amplius nequeat, consequenter necessario finiri debeat. Nobis vero convenientius visum, rem paulo aliter concipi. Nimirum emphyteusis constituitur & acquiritur contractu, quo contrahentes conveniunt in separationem domini directi ac utilis (§. 15.), vel ad certum tempus, vel in perpetuum sive simpliciter, pro quolibet scilicet successore, vel determinative, pro certis personis (§. 29.). Quando itaque nemo existit, cui ex contractu emphyteutico emphyteusis debetur, ea utique extinguitur, aut, si mavis, vi ipsius contractus finitur. Quamobrem contractui emphyteutico non tam tacite inest ea lex, quod illo casu emphyteusis ad dominum directum reverti, quam quod hic pleno jure dominus esse debeat. Neque enim dominus emphyteuseos succedit in jus emphyteutæ, ut cum dominio directo jungatur; sed emphyteusi extincta dominium plenum acquirit, quod directum, ut ante diximus (*not. §. 56.*), absorbet. Quod si vero rem ita concipias, quod jura ista, quæ dominium directum ac utile constituiebant, simul sumta constituent dominium plenum, adeoque si in uno subjecto coalescant, dominium, quod erat deminutum in uno subjecto, jam redintegretur; dici quidem potest, emphyteuseos constitutioni tacite inesse debere hanc legem, ut emphyteusi extincta, dominium utile revertatur ad dominum

dominium directum, consequenter hoc modo fieri consolidationem (§. 1509. *part. 5. Jur. nat.*), non tamen satis apte dicitur, consolidatione finiri seu extinguí emphyteusim: neque enim emphyteusis revertitur ad dominium directum & quia cum dominio directo conjungitur, extinguitur, sed potius jus, quod in emphyteusis constitutione ac dominio pleno fuerat separatum, ad jus, quod constituenti aut ab eo alii reservatum fuerat, revertitur, quia emphyteusis extinguitur. Atque hoc modo conjunctione jurium separatorum fit consolidatio, quæ efficit dominium plenum, quod ex lege constitutionis acquirere debet, qui erat dominus directus. Non inanes fingimus subtilitates, cum sine iis non satis intelligantur, quæ dicuntur, nec quæ dicuntur, satis inter se cohæreant, si ad distinctas notiones revocentur. Atque hinc patet, quo sensu admitti possit, consolidationem fieri conjunctione jurium (§. 1509. *part. 5. Jur. nat.*), quo sensu autem ista conjunctio magis spectanda sit tanquam consequens consolidationis (*not. §. 136. part. 5. Jur. nat.*). Eo utique animo contrahitur emphyteusis, ut, si nemo sit, cui vi contractus emphyteutici competere queat, jura, quæ dominium directum & utile separatim constituiebant, iterum dominium plenum efficere debeant, sed vel ideo hac ipsa lege, ut dominium plenum tum sit ejus, qui habuerat directum. Eadem voluntate, qua jura a se invicem separata fuerunt, itidem conjunguntur, cum utrumque pendeat a contractu emphyteutico, adeoque a voluntate emphyteusim contrahentium proficiatur.

§. 58.

Si emphyteusis alienatur, jus protimiseos naturaliter non competit domino emphyteuseo, nisi expresse ita fuerit conventum. *An dominus emphyteuseus habeat jus protimiseos, si emphyteusis alienatur.*
 Quale enim sit jus emphyteutæ, ex contractu emphyteutico disjudicandum (§. 28.). Quodsi ergo expresse non fuerit conventum, ut domino emphyteuseo jus protimiseos competere debeat, si emphyteusis alienatur, nec hoc jus eidem competere potest. Quamobrem patet, naturaliter domino

non competere jus protimiseos, si emphyteusis alienatur, nisi expresse ita fuerit conventum.

Quando ita convenitur, ut dominus emphyteuseos habeat jus protimiseos, potestas alienandi magis restringitur, quam si libere alienare possit, cuicunque voluerit. Quomodo igitur restricta esse debeat potestas alienandi emphyteutæ concessa, ex contractu emphyteutico utique æstimandum, neque magis restringi potest, quam in eodem fuerat restricta. Civile adeo est, quando absque speciali conventione jus protimiseos tribuitur domino emphyteuseos, quando in extraneum alienatur, sive simpliciter, sive tantummodo quando venditur.

§. 59.

De remissione emphyteuseos.

Emphyteuta in gratiam domini emphyteuseos emphyteusim remittere potest. Et quando hoc facit, dominus emphyteuseos fit jure pleno dominus rei emphyteuticæ: remissio tamen hæc fieri nequit, domino emphyteuseos invito. Quilibet enim jus suum remittere potest, quando nil sit contra jus tertii (§. 117. part. 3. Jur. nat.). Quoniam ergo emphyteuta in gratiam domini emphyteuseos, adeoque voluntate ipsius, emphyteusim remittens, nihil facit, quod est contra jus ejusdem, ex iis autem, quæ de emphyteusi demonstrata sunt, abunde patet, nec quicquam fieri, quod sit contra jus tertii cujusdam; quin emphyteuta in gratiam domini emphyteuseos emphyteusim remittere possit, dubitandum non est. *Quod erat primum.*

Enimvero quando emphyteuta emphyteusim remittit, eadem extinguitur (§. 97. part. 3. Jur. nat.). Quamobrem cum dominus emphyteuseos, rei emphyteuticæ pleno jure dominus fiat, quando ea extinguitur (§. 55.); quando emphyteuta in gratiam domini emphyteuseos emphyteusim remittit, hic rei, quæ emphyteutica fuerat, pleno jure fit dominus. *Quod erat secundum.*

Denique

Denique cum emphyteuta emphyteusin acquisiverit ex contractu (§. 15.), quem servare obligatur (§. 789. 794. part. 3. Jur. nat.), consequenter a quo recedere nequit, domino emphyteuseos invito, nec eodem invito emphyteusin remittere potest. *Quod erat tertium.*

Vulgo emphyteuta jus suum cedere dicitur domino emphyteuseos, vel etiam eidem renunciare: at prius non satis convenit notioni cessionis (§. 81. part. 3. Jur. nat.), posterius rite explicandum, nimirum ut intelligatur jus a dominio pleno separatum ad constituendum dominium utile, non vero in specie emphyteuticum (§. 103. part. 3. Jur. nat.). Ut igitur rectius omnia inter se consentiant, dicere malimus, quod emphyteuta jus suum remittat, hoc est, quod declaret, nolle sese, ut dominus emphyteuseos patiatur, se omnem utilitatem ex re emphyteutica percipere, seu eadem uti frui, & de eadem disponere, quemadmodum vi contractus emphyteutici disponere poterat.

§. 60.

Quando emphyteuta in gratiam emphyteuseos domini emphyteusin remittit, consolidatio fit. Quando enim emphyteuta emphyteusin in gratiam domini ejus remittit, hic rei, quæ emphyteutica fuerat, fit pleno jure dominus (§. 59.). Unde consolidatio porro eodem modo, quo ante (§. 57.), patet, consolidatio fit. nem fieri.

Relegenda hic sunt, quæ paulo ante (nos, §. 57.) annotavimus. Notandum vero remissionem fieri posse vel gratis, vel pro certo pretio. Quando enim dicitur emphyteuta jus suum donare domino, id intelligendum est de remissione gratuita; quando vero dicitur vendere, de remissione pro certo pretio facta. Unde jus protimiseos, quod domino emphyteuseos competit, aliter explicari non potest, quam quod emphyteuta remittere velit emphyteusin, si solvat pretium, quod alius emptor offert, aut si det pretium donatario, quod solveret emptor,

liquidem vendi deberet, aut quod vulgo dicitur, pretium æquum. Ceterum etsi nobis accurate sit loquendum, qui terminis singulis determinatum tribuimus significatum, cum methodus nostra non ferat inconstantiam loquendi; in verbis tamen non sumus scrupulosi, ut propterea alios erroris redarguere, vel cum iis serram contentionis reciprocare velimus. Patet vero etiam non in hoc casu emphyteusin finire, quia consolidatio fit; sed potius ex adverso consolidationem fieri, quia emphyteusis extinguitur. Interpretes Juris Romani in eo non consentiunt, num emphyteusis cedi, aut, ut nos loqui amamus, remitti debeat domino emphyteuseos jure protimiseos, quando extraneo donatur; ast naturaliter utrumque conveniri posse patet, prouti visum fuerit contrahentibus (§. 28.).

§. 61.

*De dominio
directo ad
utile acce-
dente.*

Si emphyteuta dominium directum acquirit; pleno jure rei, qua emphyteutica fuerat, fit dominus & emphyteusis extinguitur. Quodsi enim emphyteuta dominium directum acquirit, eam partem proprietatis acquirit, quæ cum in constitutione emphyteuseos dominium utile accepisset (§. 12.), eidem fuerat adempta (§. 3.). Quoniam itaque dominium utile accedente directo efficitur plenum, quale erat ante emphyteuseos constitutionem; emphyteuta pleno jure rei, quæ emphyteutica fuerat, fit dominus. *Quod erat unum.*

Quoniam itaque dominium non amplius divisum est, nec divisum in duobus subjectis subsistit, ut alius sit dominus directus, alius utilis, quemadmodum emphyteusis requirit (§. 12.); nec ea amplius subsistere potest, adeoque per se extinguitur. *Quod erat alterum.*

Dominium directum cum dominio emphyteuseos confundendum non est: etenim dominium emphyteuseos est dominium directum qualificatum per contractum emphyteuticum (§. 27.), & ipsam naturam emphyteuseos (§. 12.). Nimirum vi naturæ emphyteuseos ad proprietatis partem, in qua consistit

fit dominium directum (§. 3.), accedit jus exigendi canonem, & per contractum emphyteuticum jus exigendi præcise tantum canonem atque laudemium, una cum jure sub certa conditione emphyteutam privandi emphyteusi, si ita visum fuerit, aliisque juribus conventionalibus, quæ pro arbitrio contrahentium variare possunt. Abunde igitur patet dominium emphyteuseos, quod domino ejusdem competit, plurimum differre a dominio directo, ac multo latius patere. Omnia autem ista jura, quæ ad dominium directum accedunt, ut in emphyteuseos constitutione certam acquirat formam, quam per se non habet, respectiva sunt, nec sine emphyteusi, ad quam referuntur, concipi possunt. Jus adeo domini emphyteuseos, quod in dominio directo qualificato consistit, in emphyteutam transferri nequit; sed cum in eum transfertur aut transmittitur dominium directum, quale per se est, hoc est, quatenus consistit in ea proprietatis parte, quæ dominio utili adhuc deest, ne sit plenum, omnia ista jura, quæ ad dominium directum accesserunt, ut dominium emphyteuseos prodiret, expirant, cum non habeant subjectum, in quo subsistere possunt. Extinguantur autem vel voluntate domini, qui, dum dominium directum in emphyteutam transfert, ea remittere tenetur (§. 97. part. 3. *Jur. nat.*), vel voluntate legis, quæ successionem in dominio directo emphyteutæ defert, quemadmodum suo loco constabit. Alia igitur est ratio domini directi ad utile, quam utilis ad directum accedentis, quando emphyteuta moritur nullo successore relicto, prouti abunde patet ex iis, quæ supra annotavimus (*not.* §. 57.). Dum vero omne jus, quod dominus emphyteuseos qua talis habet, extinguitur; omnis quoque extinguitur obligatio emphyteutæ (§. 97. part. 3. *Jur. nat.*), ex qua illud ortum suum habet (§. 23. part. 1. *Jur. nat.*). Quando vero dominium utile liberatur ab istis obligationibus, jus emphyteuticum esse definit, ac contractus emphyteuticus finitur (§. 13.). Quod si ea perpendas, quæ passim annotamus; haud difficulter apparet, si singula minutim persequi vellemus, multo majore prolixitate opus fore, non invita methodo nostra, quam usi sumus, ut adeo non habeant, quod de eadem conquerantur, qui
regiam

regiam ad scientiam viam desiderant, qualem non dari recte jam olim dixit *Euclides*.

§. 62.

De domino emphyteuseo Si dominus emphyteuseos moritur sine successore, dominium directum non accedit ad emphyteutam, nisi expresse ita fuerit conventum sine successore; sed dominium emphyteuseos res nullius evadit. Etenim cessore mor-
140. emphyteutæ-jus metiendum est ex contractu emphyteutico (§ 27.). Quando emphyteusis constituitur, dominium saltem utile sub conditione certi canonis in recognitionem domini directi præstandi cum proprietate certa lege restricta, quæ scilicet contrahentibus placuerit, in emphyteutam confertur (§. 15.). Quodsi ergo in contractu emphyteutico non fuerit dictum, quod dominium directum ad utile accedere debeat, si dominus emphyteuseos moriatur sine successore; nec hoc jus sibi arrogare potest emphyteuta. *Quod erat primum.*

At si expresse ita fuerit conventum, ut dominium directum ad utile accedere debeat, domino emphyteuseos sine successore mortuo; cum jus ex contractu acquiritum emphyteutæ auferri minime possit (§. 336. part. 2. Jur. nat.); mortuo domino emphyteuseos sine successore, dominium directum statim accedit ad emphyteutam. *Quod erat secundum.*

Quoniam vero in casu primo dominium directum ad emphyteutam non accedit, per demonstrata, adeoque ab utili separatum manet, nemo tamen existit, in quem transmittatur, per hypoth. cum subsistente emphyteusi dominium emphyteuseos quoque subsistat, hoc evadit res nullius (§. 6. part. 2. Jur. nat.). *Quod erat tertium.*

§. 63.

Quinam cum domino Quoniam domino emphyteuseos sine successore mortuo dominium emphyteuseos fit res nullius (§. 62.), res nullius
vero

vero acquiritur occupando (§. 174. part. 2. *Jur. nat.*); domini emphyteutici sine successore mortuo, dominium emphyteuticum tenent occupando acquiritur ab eo, qui occupandi jus habet, consequenter cum jus occupandi naturaliter promiscue competat omnibus (§. 179. part. 2. *Jur. nat.*), domino emphyteutico, sine successore mortuo, dominium emphyteuticum occupare potest, qui voluerit, & qui occupat, statim fit dominus emphyteuticus; Quod si vero emphyteuta idem occupet, cum non possit habere animum nisi acquirendi dominium directum, sine quo cetera jura ad dominium emphyteuticum spectantia subsistere nequeunt (not. §. 61.), dominium directum acquirit, ceteris nimirum juribus, quæ ad dominium emphyteuticum spectant, evanescentibus, atque emphyteusis extinguatur (§. 61.).

Hæc quidem ita sese habent naturaliter: civiliter vero vel disponi potest, ut dominium directum accedat ad utile, sicque emphyteusis extinguatur, vel dominium emphyteuticum accedat fisco, aut alii, cui jus lege tributum, prouti suo loco clarius eluceſcet.

§. 64.

Si emphyteuta emphyteusin alienat, id domino denunciandum Circa alienationem, & quidem ante alienationem perfectam, si absque consensu ejusdem fieri nequit, vel eidem jus protimiseos competit, aut etiam ea observanda, jam perfecta, si consensu domini ad alienandum non sit opus, nec domino jus protimiseos competit. Etenim si emphyteusis alienatur, dominus novum nanciscitur emphyteutam, cum quo contractus emphyteuticus renovandus (§. 33.), & qui canonem emphyteuticum eidem solvere posthac tenetur (§. 20.). Necesse igitur est, ut dominus emphyteuticum norit, quemnam emphyteutam sit habiturus, consequenter si emphyteuta emphyteusin alienat, id domino denunciandum. Quod erat primum.

(Wolffii *Jur. Nat. Pars VI.*)

G

Quod si

Quodsi emphyteuta emphyteusin alienare nequit sine consensu domini, per se patet, quod ipso inscio alienari non possit. Atque adeo cum alienatio sine consensu domini foret invalida (§. 31.); necesse omnino est, ut emphyteuta domino denunciaret se alienare velle & consensum ejus ad alienationem requirat, consequenter denunciatio fieri debet, antequam eadem fuerit perfecta. *Quod erat secundum.*

Quodsi jus protimiseos domino emphyteuseos competit, si is idem pretium emphyteutæ dare velit, quod alius emptor offert, alienatio in extraneum fieri nequit (§. 1108. part. 4. Jur. nat.). Idem intelligitur, si pretium æquum dare velit, quando emphyteuta emphyteusin extraneo donare vult. Patet adeo denuo alienationem fieri debere, antequam alienatio perficiatur. *Quod erat tertium.*

Enimvero si consensu domini ad alienationem non sit opus, nec jus protimiseos eidem competat; cum denunciatione tantummodo opus sit, ut norit dominus, quem habiturus sit emphyteuta novum, per demonstrata n. 1. ea utique fieri potest alienatione jam perfecta. *Quod erat quartum.*

Potest tamen etiam ita conveniri, ut in omni casu denunciatio fieri debeat ante alienationem perfectam honoris causa, ita ut eam irritam facere possit dominus, si illa fuerit amissa (§. 28.).

§. 65.

De denunciatione fraudulenta. Non licet in denunciatione pretium minus nominare, quam dedit emptor, ut laudemium minus solvatur; nec majus, quam emptor offert, ut dominus nolit uti jure protimiseos. Etenim utrumque fit animo fraudandi dominum emphyteuseos (§. 147. part. 5. Jur. nat.). Quamobrem cum nemo alterum fraudare debeat (§. 148. part. 5. Jur. nat.); nec in denunciatione nomi-

nominare licet pretium minus, quam dedit emtor, ut laudemium minus solvatur (*not. §. 36.*), neque etiam majus, quam emtor. offert, ut dominus nolit uti jure protimiseos.

§. 66.

Ob denunciationem fraudulentam, quā vel ad diminuendum Effectus de laudemium pretium minus, vel ad impediendum exercitium juris nunciacionis protimiseos pretium majus nominatur, quam offert emtor, emphyteusis fraudulenta naturaliter non amittitur, nisi expresse ita fuerit conventum: alias in casu priori tantummodo laudemium supplendum, in posteriori dominus alienationem rescindere potest, si verum pretium offerre velit. Etenim si pretium minus fuerit nominatum in denunciatione, ut laudemium minus solutum fuerit, quam solvendum fuerat; emphyteuta damnum dat dolo suo domino (§. 488. *part. 2. Jur. nat.*). Quamobrem cum damnum dolo datum sit refarciendum (§. 580. *part. 2. Jur. nat.*); emphyteuta non obligatur nisi ad damnum datum refarciendum, consequenter naturaliter emphyteusis ob denunciationem fraudulentam ad diminuendum laudemium factam non amittit. *Quod erat primum.*

Quoniam vero damnum refarcitur, si defectus laudemii suppletur (§. 572. *part. 2. Jur. nat.*); emphyteuta quoque ex denunciatione fraudulenta ad diminuendum laudemium facta non tenetur, nisi ad laudemium supplendum. *Quod erat secundum.*

Quando in denunciatione fraudulenta pretium majus nominatur, quam offert emtor, ad impediendum exercitium juris protimiseos; denunciatio fit contra jus domini emphyteuseos (§. 239. *part. 1. Phil. pract. univ.*). Sed ex eo, quod emphyteuta quid facit, quod est contra jus domini, veluti quod impedire conetur, ne jure protimiseos utatur, minime sequitur, quod emphyteusis amittere debeat, cum hoc ratio

sufficiens amissionis non sit (§. 56. *Ontol.*). Naturaliter itaque emphyteusin non amittit emphyteuta ob denunciationem fraudulentam, quæ tendit ad impediendum exercitium juris protimiseos. *Quod erat tertium.*

Quoniam vero dominus errore inducitur, ut nolit jure protimiseos uti; nonnisi sub hac conditione declarasse intelligitur, se eodem uti nolle, si tantum pretium offeratur ab emptore. Quamobrem cum conditionate tantummodo renunciet juri protimiseos (§. 103. *part. 3. Jur. nat.*), idem vero invito auferri minime possit (§. 336. *part. 2. Jur. nat.*); hac denunciatione non obstante idem adhuc saluum manet. Quodsi ergo fraude detecta eodem adhuc uti velit, uti potest, adeoque alienationem rescindere, si verum pretium dare velit (§. 1108. *part. 4. Jur. nat.*). *Quod erat quartum.*

Quodsi denique expresse ita conveniatur, ut emphyteusis amissa esse debeat ob denunciationem fraudulentam, eodem modo patet eam amitti, quo supra (§. 20.) ostendimus in simili casu amitti emphyteusin ob canonem non solum. *Quod erat quintum.*

Non inutiliter ita convenitur, ut emphyteusis ob fraudulentam denunciationem amittatur: quoniam hoc modo impeditur, ne facile fraus committatur. Neque enim pœna conventionali in genere, ac caducitatis hic in specie aliud intenditur, quam ut magis securi simus, ne alter defit obligationi suæ.

§. 67.

An jus protimiseos alii tenim cedere possit. Dominus emphyteuseos jus protimiseos alii cedere nequit. Etenim jus domini emphyteuseos metiendum est ex contractu emphyteutico (§. 27.). Quodsi ergo in eodem expresse fuerit conventum, quod domino emphyteuseos jus protimiseos competere debeat; cum hoc pacto potestas alienandi restringatur, jus protimiseos domino emphyteuseos qua domino reservatum ad personam ejus ita restrictum intelligitur, ut

ut in alium transferri minime possit. Quamobrem cum cessione in alium transferatur (§. 81. *part. 3. Jur. nat.*); dominus emphyteusos jus protimiseos alii cedere nequit.

Aliud omnino est in hoc consentire, ut, si dominus emphyteusos idem offerat pretium, quod alius emtor extraneus, vel si donatario pretium æquum solvere velit, emphyteusis in extraneum transferri non possit; aliud vero, ut, si dominus emphyteusos alium emtorem nominet, qui idem pretium solvere, aut donatario pro re pretium solvere velit, is sit præferendus. Quodsi dominus jus protimiseos alii cedere possit, cum cessionarius acquirat jus cedentis (§. 84. *part. 3. Jur. nat.*), perinde omnino foret, ac si præferendus esset emtor, quem dominus habet, emtori, qui est emphyteutz. Quamobrem dici nequit, dum domino emphyteusos in contractu emphyteutico reservatum fuit jus protimiseos, id actum esse, ut etiam idem jus competere debeat ei, cui dominus idem cedere voluerit. Equidem non nego, naturaliter nil ob stare, quo minus ita conveniri possit; sed tacite hoc conventum fuisse, dum jus protimiseos domino emphyteusos reservatum, pernego.

§. 68.

Si ad alienationem emphyteusos consensus domini requiren- De alienatione; sub clausula: salvo consensu domini alienari potest. Etenim si alienatur sub clausula: *salvo consensu domini*; alienatio teneos salnon fit nisi sub conditione ratihabitionis, ut scilicet subsistat, *vo consensu* si dominus eam ratihabuerit, seu in jam factam consentiat, *domini fa-* si vero noluerit consentire, aut jure protimiseos ipsi compe- *ta.* tente uti, alienatio non valeat. Quoniam itaque alienatione sub hac clausula facta domino jus suum non adimitur, nec ullo modo diminuitur, adeoque nil committitur, quod est contra jus ipsius (§. 239. *part. 1. Phil. pract. univ.*), quod facere non licet (§. 910. *part. 1. Jur. nat.*); nil sane obstat, quominus emphyteusis alienari possit sub hac clausula: *Salvo con-*

sensu domini, etiamsi fuerit conventum, seu emphyteusis sub hac lege contracta, ne alienatio fieri possit sine consensu domini.

Si domino competit jus protimiseos; salvo ejus consensu, saluum etiam est jus istud. Etenim si jure protimiseos uti voluerit, alienationem jam factam non ratihabet, dissenso suo declarato, atque adeo alienatio non subsistit & ipse jure protimiseos utitur.

§. 69.

*An alienatio
ista liberet a
pœna com-
missi.*

Quoniam emphyteusis alienari potest sub clausula: *salvo consensu domini*, si ad eam ejus consensus requirendus (§. 68.); ubi alienatio sine consensu domini sub pœna caducitatis fuerit prohibita, emphyteusim non committit, seu in pœnam commissi non incidit emphyteuta, siquidem alienatio fiat sub clausula: *salvo consensu domini*.

Pœna commissi supponit violationem juris, quod alter respectu rei, quæ amittitur, habet. Si vero in casu præsentis alienatio fit salvo jure domini, jus ejus non violatur, consequenter pœnæ commissi locus non est, etsi fuerit conventa.

§. 70.

*Dere ab em-
phyteuta
non deterio-
randa.*

Emphyteuta rem emphyteuticam deteriorare non debet. Proprietas enim in emphyteusi inter dominum emphyteuseos & emphyteutam divisa (§. 12. 3.), consequenter jus disponendi de ipsa substantia rei inter utrumque divisum (§. 131. part. 2. Jur. nat.). Quoniam vero emphyteusis ita concessa, ut dominus emphyteuseos certo casu pleno jure rem emphyteuticam habere debeat (§. 55.); ipsius interest, ne res deterioretur (§. 622. part. 3. Jur. nat.). Quamobrem cum nemo quicquam facere debeat, quod est contra jus ipsius (§. 910. part. 1. Jur. nat.), nec rem alienam deteriorare liceat (§. 647. part. 2. Jur. nat.); nec emphyteuta rem emphyteuticam deteriorare debet.

Res

Res emphyteutica etsi sit quodammodo sua, non tamen prorsus suam dicere potest emphyteuta, cum ea etiam sit domini emphyteuseos, cujus jus quoad proprietatem potius jure emphyteutæ. Quando itaque emphyteusis concessa, in emphyteutam equidem translatum est jus omnem utilitatem ex re emphyteutica percipiendi, nec eam participat dominus emphyteuseos, & hic canonem accipit conventum, sive majorem, sive minorem utilitatem percipiat emphyteuta (§. 18. 22.); non tamen jus utendi fruendi liberum prorsus ac irrestrictum in emphyteutam collatum intelligitur, nisi salva substantia, adeoque sub hac lege, ne res emphyteutica ab emphyteuta deterioretur. Quoniam ab initio fundi steriles ac inculti meliorandi causa in emphyteusim dabantur; tam per se patebat, quod emphyteutæ non liceat fundum deteriorare, quam quod meliorare debeat. Quamobrem posthac etiam lege positiva cautum, ut ob deteriorationem insignem emphyteusis committatur.

§. 71.

Naturaliter dominus emphyteuseos pati non debet, ut emphy- De jure do-
teuta rem emphyteuticam deterio- reddat; ob deteriorationem muni, si res
samen jure suo non cadit emphyteuta, nisi expresse ita fuerit con- emphyteusi-
ventum: tenetur tamen domino ad id, quod interest. Etenim cadeteriore-
emphyteuta rem emphyteuticam deteriorare non debet (§. sur.
70.). Quamobrem cum ex obligatione emphyteutæ nascatur jus domino emphyteuseos (§. 23. part. 1. Jur. nat.); dominus pati minime debet, ut emphyteuta rem emphyteuticam deterio- reddat. *Quod erat primum.*

Enimvero quoniam ipsi competit jus non patiendi, ut emphyteuta rem emphyteuticam deterio- reddat, *per demonstrata*, adeoque eum adigendi, ne faciat (§. 235. part. 1. Phil. pract. univ.); ex eo minime sequitur, quod jure suo cadere debeat emphyteuta, si rem insigniter deterio- reddat. Naturaliter itaque ob insignem rei deteriorationem emphyteuta suo jure non cadit. *Quod erat secundum.*

Quodsi

Quodsi vero expresse ita fuerit conventum, ut ob insignem rei deteriorationem emphyteusis committatur; contractui emphyteutico pœna adjecta est (§. 606. *part. 3. Jur. nat.*). Quamobrem si res insigniter ab emphyteuta deterioretur, emphyteusis committitur, seu emphyteuta eam amittit (§. 611. *part. 3. Jur. nat.*). *Quod erat tertium.*

Denique si emphyteuta rem deteriore reddat, obligationi suæ non satisfacit (§. 70.). Quamobrem cum certo casu res emphyteutica ad dominum pleno jure redire debeat (§. 55.), ex re autem deteriorata minor utilitas percipitur, quam percipi poterat, si deteriorata non fuisset, ipsaque res minoris pretii fiat, quod per se patet; damnum utique incurrit dominus ac lucrum, quod ad ipsum pervenire poterat, cessat, si emphyteuta rem deteriore reddat, quia hic obligationi suæ non satisfacit. Tenetur itaque emphyteuta domino emphyteuseos ad id quod interest (§. 629. *part. 3. Jur. nat.*). *Quod erat quartum.*

Quoniam molestum est adigere emphyteutam, ne rem deteriore reddat, & sicubi reddiderit, ut interesse præstet; consultum est ut pœna conventionalis adjiciatur, five ut emphyteusis amittatur, five ut in alium voluntate domini sit transferenda, prouti circumstantiæ particulares æquitatem pœnæ definiverint.

§. 72.

Si fundus meliorationis causa in emphyteusim datur, emphyteuta tamen eundem meliorem non reddit, sed potius deteriore;
nis causa in dominus emphyteuseos eidem jus suum auferre potest.
emphyteusim fundus meliorationis causa in emphyteusim datur, inter emphyteutam & dominum emphyteuseos convenitur, quod is fundum meliorare, & propterea in eodem emphyteusis ipsi constituta esse debeat, ut adeo unica ratio sit, cur omnem utilitatem solus percipiat, quia fundum meliorem reddit, ac reliqua

Si fundus meliorationis causa in emphyteusim datur, emphyteuta tamen eundem meliorem non reddit, sed potius deteriore;
nis causa in dominus emphyteuseos eidem jus suum auferre potest.
emphyteusim fundus meliorationis causa in emphyteusim datur, inter emphyteutam & dominum emphyteuseos convenitur, quod is fundum meliorare, & propterea in eodem emphyteusis ipsi constituta esse debeat, ut adeo unica ratio sit, cur omnem utilitatem solus percipiat, quia fundum meliorem reddit, ac reliqua

reliqua jura consequatur, quæ ex contractu ad emphyteusin spectant. Enimvero si pacta mutuas præstationes continent, & unus paciscentium præstare nolit, quod debet, nec alter ad id præstandum tenetur, quod ipse debet (§. 827. *part. 3. Jur. nat.*). Quamobrem si emphyteuta fundum meliorem reddere negligat, immo potius eundem prorsus deteriore reddat; nec dominus emphyteuseos concedere tenetur, ut ipse dominium utile in fundo habeat. Jus igitur suum emphyteutæ auferre potest (§. 12.).

Quoniam apud Romanos primum fundi steriles meliorationis causa in emphyteusin dabantur; ideo ipsa naturæ lege ob deteriorationem fundi jure suo privari poterat emphyteuta: id quod deinde universaliter receptum, etiam ubi fundi non steriles in emphyteusin dari coeperunt.

§. 73.

Si meliorationis causa emphyteusis constituta, & fundus immutatione melioretur; cum immutare licet, nisi expresse fuerit conventum, ne immutetur: ex adverso cum immutare non licet, emphyteusi si immutatione deteriores, nisi quid de immutatione specialius ei fuerit conventum. Etenim si meliorandi fundi causa emphyteusis constituta, emphyteuta obligatur ad dandum operam, ut fundum pro virili meliorem reddat, quod per se patet. Quod si ergo fundus immutatione meliorari possit; quin hoc naturaliter facere liceat dubitandum non est (§. 159. *part. 1. Phil. p. 28. univ.*). *Quod erat primum.*

Quoniam tamen jus emphyteutæ metiendum est ex contractu emphyteutico (§. 28.); si expresse fuerit conventum, ne fundus immutetur, nec hoc facere licet. *Quod erat secundum.*

Ex adverso cum emphyteuta rem emphyteuticam deteriorare non debeat (§. 70.), si fundus immutatione deteriores, emphyteuta cum immutare nequit. *Quod erat tertium.*

(Wolffii Jur. Nat. Pars VI.)

H

Si

Si vero de immutatione fundi specialius quid fuerit conventum; eodem standum esse, patet ut ante (n. 2.). *Quod erat quartum.*

E. gr. Naturaliter non repugnat, ut solius immutandi fundi causa emphyteusis constituatur, veluti si piscina, vel sylva in agrum convertenda, non habita ratione, utrum major utilitas ex agro, quam ex piscina, vel sylva percipiatur. Ex adverso etiam si meliorandi fundi causa emphyteusis constituta, & major utilitas ex agro, quam ex piscina, vel sylva percipi possit; conveniri tamen potest, ne piscina, vel sylva immutetur, quamvis piscinam vel sylvam qua talem, quantum tibi datur, meliorare debes.

§. 74.

Cujusnam sit fructuum periculum.

Periculum fructuum omne ad solum emphyteutam spectat. Etenim emphyteuta competit dominium utile (§. 12.), adeoque ex re emphyteutica omnem utilitatem percipit solus (§. 2.). Quod si ergo damnum in fructibus contingat, nulla ratio est, cur id participare debeat dominus emphyteuseos, ad quem nihil fructuum pervenit. Periculum adeo fructuum omne ad solum emphyteutam spectat.

Canon nimirum solvitur in recognitionem dominii directi (§. 14.), minime autem pro usu rei (not. §. cit.). Quid tamen juri interno conveniat, si canon in modico non consistat, ut quidem primario detur in recognitionem dominii directi, secundario autem simul ad communicandam utilitatem; supra jam demonstravimus (§. 23.).

§. 75.

De oneribus ad emphyteutam spectantibus.

Emphyteuta omnia onera ferre debet. Etenim omnem utilitatem ex re emphyteutica solus percipit (§. 12. 2.) & tanquam dominus utilis (§. 12.) proprietatem quoque in re habet, etsi certa conventionione restrictam (§. 1. 26.), consequenter fructus ex re percipit tanquam sua. Quamobrem si qua onera

onera præstanda sint sive ratione fructuum, sive ratione rei ipsius; ea ferre debet emphyteuta.

Emphyteuta dominus est rei emphyteuticæ, etsi dominium habeat dependens ab alio, quo facultas ejus disponendi de substantia rei certo modo restringitur, quemadmodum ex hætenus demonstratis abunde patet. Ex re igitur sua omnia sentit tam incommoda, quemadmodum commoda percipit. Pars proprietatis, quæ dominum directum facit dominum superiorem, minuit quidem proprietatem, non tamen utilitatem, ut adeo quoad usum rei ac pretium, quod propter eum eidem statuitur, perinde sit, ac si res prorsus esset emphyteutæ propria, cum ab alienante dominus directus eandem acquirere non possit, nisi soluto pretio, quod alius emtor offert. Nulla igitur foret ratio, cur ullum onus imponendum sit domino directo. Quodsi dicas, id fieri posse respectu canonis, si is non consistat in modico; cum canon mutuo consensu contrahentium constitatur (§. 16.) & quantumlibet exiguus sufficiat (§. 17.), absolum utique foret magnum solvi canonem & respectu hujus dominum directum obligatum esse ad onera participanda. An vero juri interno conveniat & quando, ut canon, vel pars ejus remittatur ob onera extraordinaria, quæ omnem propemodum utilitatem consumunt, dijudicandum est ex iis, quæ supra demonstravimus (§. 23.).

§. 76.

Si res tota interit, emphyteusis extinguitur. Si enim res *De totali rei interit*, dominium, quod in ea habemus, interit (§. 352. *emphyteutici- parti. 2. Jur. nat.*), adeoque nec alius utile, alius directum in ea inseritur. ea amplius habere (§. 1. 3.), consequenter nec in recognitionem directi, quod nullum est, canon aliquis solvi potest. Quoniam itaque emphyteusis est dominium utile in re immobili sub conditione certæ pensionis annuæ in recognitionem domini directi præstandæ, qui canon dicitur (§. 14.), concessum (§. 12.), emphyteusis utique extinguitur, si res tota interit.

H 2

Interit

- Interit cum re & directum, & utile dominium, quoniam utrumque sine ea consistere nequit. Quamobrem tam dominus directus, quam emphyteuta jus suum amittit, nec ulla amplius subsistere potest obligatio ex contractu emphyteutico enata.

§. 77.

*De particu-
lari rei em-
phyteutica
interitu.*

Si pars rei emphyteutica perit, damnum sentit emphyteuta, nec de canone propterea quicquam remittendum, nisi is fructibus respondeat, quibus diminutis & ipse diminuendus, vel in specie circa casus fortuitos in contractu emphyteutico quid fuerit conventum. Etenim emphyteuta habet dominium utile (§. 12.), cui tantummodo deest pars quædam proprietatis, ne sit plenum (§. 1.), & dominium directum, quod in hac proprietatis parte consistit (§. 3.), domino emphyteutæ tantummodo tribuit spem, plerumque admodum incertam, fore ut res emphyteutica pleno jure ad ipsam revertatur (§. 56. & §. 44. & seqq.). Quoad emphyteutam adeo res emphyteutica parum differt a re prorsus propria. Quodsi ergo pars rei perit, adeoque damnum in re contingit; hoc utique ad emphyteutam spectare debet, cum ratio nulla sit, cur cum domino emphyteutæ communicari debeat. Quod erat primum.

Quodsi igitur canon fructibus non respondeat, sed in modico consistat; is unice datur in recognitionem dominii directi (§. 12. 17.). Quamobrem cum parte rei emphyteuticæ percunte emphyteutis subsistat in ea, quæ superest parte; canon adhuc solvendus erit in recognitionem dominii directi, nec propterea minuendus, quanvis minorem jam percipiat utilitatem emphyteuta (§. 17.). Quod erat secundum.

Enimvero si canon fructibus respondeat, non unice in recognitionem dominii directi, sed & ad communicandam utilitatem ex re emphyteutica percipiendam dari intelligitur (§. 17.). Quamobrem cum parte rei emphyteutica intereun-

tereunte minorem utilitatem percipiat emphyteuta, quam ante perceperat; in hoc omnino tacite consensisse videntur contrahentes, ut, si pars rei emphyteuticæ intereat, nec tanta amplius ex eadem utilitas percipi possit, quanta ex integra percipiebatur, canon pro rata minuatur. Parte igitur intereunte, canon, qui fructibus respondet, diminuendus. *Quod erat tertium.*

Quodsi denique in contractu emphyteutico circa casus fortuitos expresse quid fuerit conventum, cum ex eodem metiendum sit omne jus emphyteutæ ac domini emphyteuscos (§. 15.); quod erit conventum, id valebit. *Quod erat quartum.*

Nihil in hisce difficultatis est, modo ea ad animum revoces, quæ paulo ante uberius annotavimus (not. §. 75.). Si ædificia, veluti horrea aut stabula, in prædio emphyteutico deflagrent; damnum hoc utique sentit emphyteuta, nec ulla ratio suadet, cur ad dominum quoque directum aliquo modo id pertinere debeat propter eam proprietatis partem, quæ ipsi nonnisi spem incertam prædium istud aliquando obtinendi pleno jure tribuit. Nimis remota est ista utilitas, quam ut propter eam præsens damnum participare debeat. Si canon fructibus non responder, nec habetur ratio magnitudinis rei emphyteuticæ, sive adeo casu quodam diminuatur, sive augeatur, canon propterea nec augetur, nec diminuitur. Quemadmodum vero jura istiusmodi pendent originarie a voluntate constituentium; ita mirum non est, quod hominum quoque voluntate per pacta pro lubitu immutari possint. Et hoc modo dici potest, homines sibi constituere jura pro utilitate sua: ut tamen licite ita constitui possint, a jure immutabili omnino arcessendum. Sed de his apertius dicemus suo loco.

§. 78.

Si emphyteuta rem emphyteuticam sine consensu domini emphyteuscos alienare possit, sine ejus consensu eandem etiam oppignorare potest. Quodsi enim res oppignoratur, seu hypotheca in ea dem ca.

dem constituitur; in creditorem confertur jus rem oppignoratam vendendi sub ea conditione, nisi statuto tempore solvatur (§. 1145. *part. 5. Jur. nat.*) & creditor, nisi debitum solvatur statuto tempore, rem oppignoratam vendere potest (§. 1144. *part. 5. Jur. nat.*). Quodsi ergo emphyteuta rem emphyteuticam sine consensu domini emphyteuseos alienare potest, nil sane obstat, quo minus etiam eandem sine illius consensu oppignorare possit: quodsi vero sine consensu domini alienare nequit, nec sine ejusdem consensu jus vendendi conditionatum in alium transferre, consequenter nec rem emphyteuticam sine illius consensu oppignorare potest.

Equidem interpretes Juris civilis vulgo simpliciter affirmant, emphyteutam rem emphyteuticam sine consensu domini emphyteuseos oppignorare posse, etsi jure civili alienatio sine consensu domini facta pœnam caducitatis adjunctam habeat; hæc tamen inter se minime cohærent, adeoque mirum videri minime debet, quod in Jure naturæ, in quo una concordia, una consequentia locum habet, in diversam sententiam abeamus, nec desint inter illos, qui jure civili consensum domini ad oppignorationem requirunt. Ceterum non nego, in Jure civili oppignorationem, sine consensu domini cum alienatione absque consensu domini sub pœna caducitatis prohibita conciliari posse. Nimirum jure civili consensus domini directi potissimum requiritur honoris gratia, & ut deliberare queat, num jure promitiseos uti velit, consensum autem sine justa causa denegare minime valet, sed invitus novum emphyteutam suscipere tenetur. Oppignoratio itaque jure civili, si rem penitus inspicias, fieri potest sine consensu domini, ut nihil committatur, quod est contra jus ipsius. Etenim si contingat, rem emphyteuticam vendi debere, antequam venditio perficiatur consensus domini honoris gratia requiri & spatium deliberandi lege definitum concedi potest, num ipse pretium solvere velit, quod offert emtor alius. Naturaliter vero consensus, de quo in contractu emphyteutico conventum, ad alienationem necessario requiritur,

quiritur, ut sine eo alienatio non sit valida: si vero nihil de eo fuerit conventum, libertas alienandi prorsus irrestricta competit emphyteutæ, cujus jus quoad alienationem naturaliter unice ex contractu emphyteutico metiendum (§. 27.). Contractum autem naturaliter quoad ea, quæ eidem tacite insunt, aliter interpretari non licet, quam ut principiis Juris naturalis consentiat. Id vero notari adhuc meretur, quamvis admittatur, jure civili oppignorationem sine consensu domini emphyteuseos fieri non debere; non tamen hinc sequi, quod pœna caducitatis, cui subest alienatio absque consensu domini emphyteuseos facta, etiam ad oppignorationem absque ejusdem consensu factam trahenda sit: neque enim aliud inde sequitur, quam quod oppignoratio, tanquam nullo jure facta, sit ipso jure nulla, ita ut nec pœna pecuniaria coërceri possit, nisi expresse ita fuerit lege constitutum, quemadmodum sancitum est in Ordinat. provinc. Württemberg. tit. 16. §. 1. 2.

§. 79.

Si dominus emphyteuseos in oppignorationem consentit; eo ipso An consentit juri protimiseos, quod ipsi competit. Quando enim dominus emphyteuseos in oppignorationem consentit, eo ipso declarat, se consentire, ut, nisi emphyteuta debito tempore solvat, inde satisfiat creditori (§. 1143. part. 5. Jur. nat.), adeoque res emphyteutica vendatur (§. 1144. part. 5. Jur. nat.). Enimvero hoc ipso nondum declarat, quod, siquidem contingat rem oppignoratam vendi, ipse pro eo, quod emtor offeret, pretio eandem habere nolit. Quoniam itaque jus protimiseos in hoc consistit, ut dominus emphyteuseos præteratur alii emtori, si idem pretiumolvere velit, quod est offert (§. 1108. part. 4. Jur. nat.), nec juri suo renunciat, qui non sufficienter significat, se in gratiam alterius jus quæsitum habere nolle (§. 103. part. 3. Jur. nat.); dominus emphyteuseos non renunciat juri protimiseos, quod ipsi competit, si in oppignorationem consentit.

Tantum

Tantum abest, ex consensu in oppignorationem colligi posse animum renunciandi juri protimiseos, ut potius hoc ipsum jus motivum esse possit, cur dominus directus in oppignorationem consentiat, quando nimirum rem emphyteuticam pleno jure habere mallet, ac facile prævidet fore, ut emphyteuta rem emphyteuticam vendere cogatur, siquidem debitumolvere velit. Quamvis adeo consensus in oppignorationem contineat consensum in alienationem conditionatam; hic tamen consensus differt a consensu in alienationem puram præsentem; nimirum in casu præsentis alienatio conditionata non certam supponit personam, quemadmodum præsens pura, consensus autem in alienationem non continet renunciationem juris protimiseos, nisi consentias, ut in hanc personam, vel saltem in genere in personam aliam quamcunque res alienetur.

§. 80.

Differentia inter oppignorationem juris & rei emphyteuticæ. Si jus emphyteuticarium oppignoratur; creditori non competit jus nisi in jure emphyteuticæ: ast si res emphyteutica oppignoratur, eidem competit jus in ipsa re emphyteutica. Etenim si jus emphyteuticarium oppignoratur, jus creditori constituitur in jure, quod in re emphyteutica habet emphyteuta; ast si res emphyteutica oppignoratur, jus eidem constituitur in ipsa re emphyteutica (§. 1142. part. 5. Jur. nat.). Quamobrem cum creditor plus juris acquirere non potuerit, quam in eum contulit oppignorans (§. 382. part. 3. Jur. nat.); si jus emphyteuticarium oppignoratur, creditori non competit jus nisi in jure emphyteuticæ, ast si res emphyteutica oppignoratur, eidem competit jus in ipsa re emphyteutica.

Non inanis est distinctio inter oppignorationem juris emphyteuticarii & rei emphyteuticæ, qua etiam utuntur Dd. Etenim jus emphyteuticarium extinguí potest salva ipsa re, præsertim jure civili, quo non una de causa committitur, atque tum non parum refert nosse, utrum jus emphyteuticarium oppignoratum fuerit, an vero res emphyteutica ipsa, prouti ex sequentibus elucescit.

§. 81.

§. 81.

Quoniam creditori non competit jus nisi in jure emphyteuticæ, nihil autem juris in ipsa re emphyteutica, quando pignoratius emphyteuticum oppignoratur (§. 80.); si emphyteusis exstinguitur, jus quoque creditoris in jure emphyteuticario sibi oppignorato exstinguitur, seu pignus solvitur (§. 1240. part. 5. Jur. nat.). vii.

Nimirum si jus emphyteuticarium oppignoratur, & hoc exstinguitur, res oppignorata perit, adeoque pignus solvitur (§. 1255. part. 5. Jur. nat.).

§. 82.

Similiter quia creditori competit jus in ipsa re emphyteutica, quando eadem ipsi oppignoratur (§. 80.); si emphyteusis exstinguitur, jus creditoris in re emphyteutica sibi oppignorata saltem manet, adeoque eandem sibi adhuc obligatam habet.

Patet adeo, plurimum referre, utrum res emphyteutica oppignorata fuerit, an saltem jus emphyteuticarium, cum in priori casu cum emphyteusi non exstinguatur jus pignoris, vel hypothecæ, exstinguatur vero in casu posteriori.

§. 83.

Si dominus emphyteuscos tantummodo consensit in oppignoracionem juris emphyteuticarii; emphyteusi finita, vel amissa, debitorum creditor solvere non tenetur; ast si consensit in oppignoracionem res emphyteuticæ, solvere tenetur. Quando enim jus emphyteuticarium oppignoratur, extincta emphyteusi jus quoque creditoris in eodem exstinguitur (§. 81.). Quodli ergo dominus emphyteuscos tantummodo consensit in oppignoracionem juris emphyteuticarii, dum finita, vel amissa emphyteusi res emphyteutica pleno jure ad ipsum revertitur (§. 55.), nulla sane ratio est, cur res emphyteutica pro debito obligata esse debeat, pro quo tantummodo obligatum fuerat jus emphyteuticarium. Dominus adeo emphyteuscos

(Welfsi Jur. Nat. Pars VI.) I pro-

propterea quod jam pleno jure rei, quæ emphyteutica fuerat, dominus fit, creditori ad nihil tenetur, consequenter nec solvere debitum, pro quo ipsi obligatum fuerat jus emphyteuticarium. *Quod erat unum.*

Enimvero quando ipsa res emphyteutica oppignoratur, emphyteusi licet extincta, jus tamen suum in eadem retinet creditor (§. 82.). Quamobrem si dominus in oppignoracionem rei emphyteuticæ, quæ sine consensu ipsius oppignorari non poterat *per hypoth.* consensit, quando amissa, vel finita emphyteusi rei, quæ emphyteutica fuerat, pleno jure dominus fit (§. 55.), jus creditoris, cui oppignorata fuit, in eadem adhuc subsistit. Dominus itaque creditori debitum, pro quo ea obligata fuit, solvere utique tenetur. *Quod erat alterum.*

Utrumque clarissime percipitur, si consensum in oppignoracionem utramque distincte expendere velis. Etenim si dominus emphyteuseos non consentit nisi in oppignoracionem juris emphyteuticarii, hoc ipso declarat, se consentire, ut, nisi debitum statuto tempore solvatur, ex jure emphyteuticario creditori satisfiat (§. 1142. *part. 5. Jur. nat.*), consequenter emphyteusis vendatur, ut de ejus pretio creditori satisfieri possit (§. 1145. *part. 1. Jur. nat.*). Quoniam vero emphyteusis extincta vendi nequit; per se patet, creditori ex jure emphyteuticario satisfieri non posse. Ast non minus liquet, consensum in oppignoracionem juris emphyteuticarii non producere posse obligationem debitum solvendi, quando ex jure emphyteuticario creditori satisfieri impossibile est. Quod si enim dominus consentiens hunc animum haberet, in oppignoracionem rei emphyteuticæ ipsius, non vero saltem juris emphyteuticarii consensisset. Si is in oppignoracionem rei emphyteuticæ consensit, tum declarat, se consentire, ut, nisi debitum statuto tempore solvatur, ex ipsa re satisfiat creditori (§. 1142. *part. 5. Jur. nat.*): quæ adeo cum voluntate ipsius obligata fit pro debito, etiamsi extincta emphyteusi pleno jure redeat ad dominum emphy-

emphyteuseos, non tamen redit nisi pro debito isto obligata, adeoque dominus debitum solvere tenetur. Quoniam civiliter emphyteusis multis modis amitti potest; ideo consultum est, ut dominus emphyteuseos in oppignorationem consentiens expresse declaret se non consentire nisi in oppignorationem juris emphyteuticarii, ne scilicet emphyteuta oppignoret, nisi quod suum est, non vero simul eidem oppignorare liceat, quod est domini directi.

§. 84.

Naturaliter sine consensu domini emphyteuseos jus quidem De consensu emphyteuticarium oppignorari potest; sed res ipsa emphyteutica op- domini *ad pignori nequit.* Etenim si jus emphyteuticarium oppigno- *oppignorati-* ratur, finita vel amissa emphyteusi, dominus emphyteuseos *onem requi-* non tenetur solvere debitum, pro quo jus istud obligatum *sit.* fuerat (§. 83.). Quando itaque emphyteuta jus emphyteuticarium, adeoque jus suum, alteri oppignorat; eo ipso nihil facit, quod est contra jus domini emphyteuseos (§. 236. *part. 1. Phil. pract. univ.*). Quamobrem nil obstat, quo minus sine consensu domini naturaliter jus emphyteuticarium oppignorari possit. *Quod erat alterum.*

Enimvero si res ipsa oppignorari debet, cum nemo oppignorare possit, quod est alterius (§. 1165. *part. 5. Jur. nat.*), necesse utique est, ut etiam dominus emphyteuseos, qui non minus jus in eadem re habet, quam emphyteuta (§. 12. 13.), in oppignorationem consentiat, alias enim non res per se, sed saltem qua emphyteutica pro debito obligata erit, consequenter re vera non ipsa res, sed saltem jus emphyteuticarium: quod est contra hypothesein. Atque adeo patet, repugnare naturaliter, ut sine consensu domini emphyteuseos ipsa res emphyteutica oppignoretur. *Quod erat alterum.*

Quando itaque emphyteutæ conceditur potestas absque consensu domini alienandi emphyteusin; jus ipsi non est nisi jus emphyteuticarium absque ejusdem consensu oppignorandi, seu

rem qua emphyteuticam. Atque ita intelligendam esse propositionem superiorem de oppignoratione rei emphyteuticæ (§. 78.), patet. Ceterum vix est, ut moneamus, hæc ita sese habere, si in contractu emphyteutico non aliter fuerit conventum, utpote ex quo metiendum est jus emphyteutæ (§. 28.). Nil enim obstat, quo minus etiam ita conveniri possit, ut emphyteutæ liceat rem ipsam oppignorare absque consensu domini emphyteuseos, cujus alias intererat, ne fieret (§. 83.).

§. 85.

De oppignoratione rei emphyteuticæ absque consensu domini. Quoniam absque consensu domini emphyteuseos non nisi jus emphyteuticarium, nequaquam vero res ipsa oppignorari potest (§. 84.); si emphyteuta rem, in qua emphyteusis habet, absque consensu domini oppignoret, non nisi jus emphyteuticarium oppignorasse intelligitur, consequenter cum emphyteusi jus pignoris extinguitur (§. 81.).

Nimirum oppignoratio rei emphyteuticæ absque consensu domini factæ subsistere nequit tanquam rei simpliciter, subsistere tamen potest tanquam emphyteuticæ, seu quoad jus emphyteuticarium (§. 84.). Quamobrem cum contrahentes noluerint nihil egisse; contractus ipforum subsistere debet, quantum valere potest. Emphyteuta igitur rem oppignorans, jus, quod in ea habet, oppignorasse censetur.

§. 86.

De servitute ab emphyteuta sine consensu domini emphyteuseos servitutem in re emphyteutica constituere potest; hac tamen servitus cum emphyteusi extinguitur. Quando enim servitus constituitur in re emphyteutica, hæc vicino prædio, vel personæ cuidam utilitatem quandam præstat (§. 1267. 1270. *part. 5. Jur. nat.*). Quamobrem cum omnis rei utilitas ad emphyteutam, tanquam dominum utilem (§. 12.), solum spectet (§. 2.), quin de ea sine consensu domini, contra cujus jus nihil fit (§. 236. *part. 1. Phil. pract. univ.*), disponere pro lubitu suo, adeoque quam-

quamdiu jus emphyteuticarium durat servitutem in re emphyteutica constituere possit, dubitandum non est. *Quod erat unum.*

Enimvero si emphyteusis extinguatur, vel finitur, dominus emphyteuseos fit rei emphyteuticæ pleno jure dominus (§. 55.) & durante emphyteusi jam jus conditionatum habet pleno jure rem emphyteuticam possidendi (§. 56.). Quoniam igitur servitus omnis dominium diminuit (§. 1274. *part. 5. Jur. nat.*), nemo vero contra jus alterius, quidpiam facere potest (§. 910. *part. 1. Jur. nat.*); emphyteuta quoque servitutem prædio emphyteutico imponere nequit ultra tempus, quo emphyteuticarium jus subsistit, duraturam. Quamobrem quando servitutem imposuit, ea cum emphyteusi extinguere omnino debet. *Quod erat alterum.*

Non est quod objicias, prædium servitute deteriorari (§. 1275. *part. 5. Jur. nat.*), emphyteuta vero prædium emphyteuticum deteriorare (§. 70.), consequenter servitutem eidem imponere non posse. Etenim dum servitus expirat, quando emphyteusis finitur; dominus directus rem emphyteuticam a servitute liberam accipiens minime deterioratam accipit, nec utilitati ejus ideo quidpiam decedit, quod solum durante emphyteusi servierit. Servitute ab emphyteuta prædio emphyteutico imposita, si rem penitus inspicias, non ipsum prædium, sed jus emphyteuticarium deterioratur.

§. 87.

Emphyteuticatio vocatur constitutio emphyteuseos in re *Emphyteu-* adhuc libera ab emphyteusi: at *subemphyteuticatio* appella- *ticatio* & tur constitutio emphyteuseos in re, in qua emphyteusis ha- *subemphy-* bet constituens. Et emphyteusis in emphyteusi constituta *teuticatio* *subemphyteusis* appellatur. *quid sit.*

Quemadmodum nimirum sublocatio dicitur locatio rei sibi locatæ, quæ fit a conductore (§. 1208. *part. 4 Jur. nat.*); ita

etiam subemphyteuticatio vocatur emphyteuticatio rei, in qua quis emphyteusin habet, quæque adeo sit ab emphyteuta.

§. 88.

An subemphyteuticatio naturaliter licita.

Subemphyteuticatio naturaliter licita, seu emphyteuta alteri emphyteusin constituere potest in re, in qua ipse emphyteusin habet. Cum enim dominium utile emphyteutæ proprium sit (§. 12.), atque adeo eodem, quemadmodum ceteros omnes, ita quoque ipsum dominum directum excludat (§. 119. part. 2. Jur. nat.); nil sane obstat, quo minus emphyteuta de dominio utili, tanquam re sua, prouti sibi visum fuerit, disponat. Quod si itaque dominium utile alteri cuidam eadem lege concedere velit, ut se dominum directum agnoscat, a quo nempe jus suum habet, & in recognitionem domini directi quotannis certum canonem solvat; quin naturaliter hoc facere possit, dubitandum non est. Quamobrem cum istiusmodi concessio domini utilis emphyteusis sit (§. 12.); naturaliter emphyteuta emphyteusin constituere potest in re, in qua ipse emphyteusin habet, adeoque subemphyteuticatio naturaliter licita (§. 87.).

Quemadmodum conductor ædes, quas conduxit, vel integras, vel partem earundem sublocare; ita quoque emphyteuta rem, in qua ipse emphyteusin habet, vel integram, vel partem ejus subemphyteuticare potest. Affinis quodammodo est emphyteuticatio locationi, atque adeo non mirum, quod hanc etiam imitetur quoad sublocationem.

§. 89.

Quomodo fieri debeat.

Subemphyteuticatio aliter fieri nequit, nisi salvo jure domini emphyteuseos. Etenim nil facere licet, quod est contra jus alterius (§. 910. part. 1. Jur. nat.), adeoque nec emphyteuta in subemphyteuticatione quicquam facere potest, quod est contra jus domini emphyteuseos. Quamobrem subemphyteuticatio

teuticatio aliter fieri nequit, nisi salvo jure domini emphyteuseos.

Permissum est emphyteutæ de jure suo disponere pro arbitrio suo, sed ita, ut nil committat quod est contra jus domini emphyteuseos, quippe quod facere non licet. Quando vero lex prohibitiva & permissiva inter se colliduntur, permissiva cedit prohibitivæ (§. 211. *part. 1. Phil. pract. univ.*), ut adeo jam fieri non possit, quod alias licitum fuerat (§. 208. *part. 1. Phil. pract. univ.*).

§. 90.

Quoniam subemphyteuticatio aliter fieri nequit, nisi *Contractus* salvo jure domini emphyteuseos (§. 89.); *contractus*, quo subemphyteuticatio fit, nihil continere debet, quod contrarietur *conventicationis* tractui emphyteutico, quo emphyteusis primum constituta ac postea qualis esse *renewata* debeat.

Quando res emphyteutica subemphyteuticatur, contractu perinde opus est, ac si emphyteusis primum perficitur. Ast cum emphyteuta nec seipsum ab obligatione, quam contraxit, liberare (§. 674. *part. 3. Jur. nat.*), nec jus ex contractu emphyteutico quæsitum domino emphyteuseos auferre possit (§. 336. *part. 2. Jur. nat.*); quando de subemphyteuticatione contrahitur, nihil conveniri potest, quod vel juri domini emphyteuseos, quod ex contractu acquisivit, vel obligationi emphyteutæ, quam contraxit, seu quæ ex isto contractu descendit, repugnat.

§. 91.

Quoniam *contractus subemphyteuticus* nil continere debet, quod contrarietur contractui emphyteutico (§. 90.); *is subsistat*. *Quatenus* quoad id, quod juri domini emphyteuseos ex contractu emphyteutico quæsito, vel obligationi emphyteutæ ex eodem contractu descendenti repugnat, non subsistit, subsistit tamen quoad reliqua.

Naturaliter negotium quodlibet subsistit, in quantum subsistere potest. Qui enim voluerunt, ut subsistat totum, illi

etiam

etiam voluerunt, ut subsistat quoad quamlibet partem, consequenter etiam quoad ea, quæ quo minus subsistunt nihil impedit. Nulla vero ratio est, cur negotium totum irritum esse debeat, quia unum vel alterum subsistere nequit. Plura sunt, quæ simul promittuntur & ad quæ promittendo te obligas (§. 393. *part. 3. Jur. nat.*). Quodsi eorum quædam ita sint comparata, ut ad ea præstanda te obligare non potueris; hæc quidem valide promittere non potuisti, ast hinc tamen minime sequitur, quod nec ad ea te obligare poteris, quæ quominus valide promitteres, nihil obstabat. Contractus adeo subemphyteuticus subsistit, in quantum contractus emphyteuticus hoc permittit.

§. 92.

Quando solus nullus.

Quoniam contractus subemphyteuticus subsistere nequit quoad ea, quæ contractui emphyteutico repugnant (§. 91.); si in contractu emphyteutico expresse dictum, ne subemphyteuticare liceat, contractus subemphyteuticus totus nullus est, nec valet subemphyteuticatio.

Nimirum in casu præsentem emphyteuta sese obligavit, quod subemphyteuticare nolit, & dominus emphyteuseos sibi reservavit jus non patiendi, ut subemphyteuticaretur. Emphyteuta igitur subemphyteuticans facit, quod dominus emphyteuseos irritum facere potest, ipse autem nullo jure facit.

§. 93.

De canone facta subemphyteuticatione adhuc solvendo.

Cum subemphyteuticatio aliter fieri nequeat, nisi salvo jure domini emphyteuseos (§. 89.), huic autem emphyteuta obligetur ad canonem quotannis solvendum (§. 12. 14.); non obstante subemphyteuticatione emphyteuta domino emphyteuseos canonem quotannisolvere tenetur, ac si subemphyteuticatio facta non fuisset.

Subemphyteuticatio negotium est, quod emphyteutam saltem respicit, nullo autem modo ad dominum emphyteuseos pertinet, adeoque respectu hujus perinde est, ac si nulla esset sub-

subemphyteuticatio, consequenter emphyteuta præstare tenetur, ad quod ex contractu emphyteutico obligatus est. Canon, quem solvit subemphyteuta, solvendus est emphyteutæ, quem is pro domino directo suo agnoscit, quemadmodum sublocatione facta conductori tanquam locatori suo pensionem solvit, qui a conductore rem denuo conduxit; conductor autem pensionem, quam debet ex contractu locationis conductionis, locatori solvere tenetur, nulla habita ratione sublocationis.

§. 94.

Similiter quia subemphyteuticatio aliter fieri nequit, *An emphyteuta, teuticatio non obstante subemphyteuticatione, manet respectu domini emphyteutæ quicquam immutat in*

Quemadmodum sublocatio nihil immutat in locatione, sed ea inter locatorem ac conductorem eodem modo subsistit, ac si sublocatio nulla facta fuisset; ita etiam subemphyteuticatio in emphyteusi primum constituta nihil immutat, sed emphyteusis inter emphyteutam & dominum emphyteuseos eodem modo subsistit, ac si subemphyteuticatio facta non fuisset.

§. 95.

Quoniam non obstante subemphyteuticatione emphyteusis inter dominum emphyteuseos & emphyteutam eodem modo subsistit, quo ante (§. 94.); *De translatione juris* quando emphyteuta ex contractu emphyteutico emphyteusis in alium transferre, vel transmitti potest, jus suum quod ex contractu subemphyteutico ipsi quasi subemphyteutum in alium transfert, vel transmittit, cum in hac translatione nil fieri possit contra jus subemphyteuticarium (§. 910. part. 1. Jur. nat.), respectu domini autem emphyteuseos ipsa emphyteusis translata, vel transmissa intelligitur.

Nimirum sicuti dominus emphyteuseos jus suum retinet, facta subemphyteuticatione; ita quoque emphyteuta jus suum
(Wolff Jur. Nat. Pars VI.) K. integrum.

integrum manet, quod ex contractu emphyteutico habet, nisi quatenus de eo in gratiam alterius disposuit in subemphyteuticatione. Respectu domini emphyteuseos perinde est, ac si in jure emphyteutico nihil prorsus fuisset immutatum, quæ enim in subemphyteuticatione accidit mutatio tantummodo emphyteutam & subemphyteutam respicit.

§. 96.

*Quomodo
subemphy-
teusis peri-
minat.*

Si emphyteusis quomodocunque finitur, cum eadem ipsa quæ subemphyteusis perimitur: subemphyteusis vero ex propria lege finiri potest, stante adhuc emphyteusi. Quando enim emphyteusis quomodocunque finitur, dominus emphyteuseos fit rei, quæ emphyteutica fuerat, pleno jure dominus (§. 55.). Quoniam itaque subemphyteuticatio fieri nequit nisi salvo jure domini emphyteuseos (§. 89.); jus subemphyteuticarium subsistere nequit in re, quæ emphyteutica fuerat, emphyteusi finita, adeoque cum emphyteusi perimitur ipsa subemphyteusis. *Quod erat unum.*

Enimvero quando subemphyteuticatio fit, emphyteuta emphyteusin alteri constituit in re, in qua ipse emphyteusin habet (§. 87.), & jus ipsius tanquam domini directi & subemphyteutæ ex contractu proprio, nimirum subemphyteutico, metiendum (§. 27.). Quamvis adeo ex lege propria, quæ ex contractu subemphyteutico est, subemphyteusis finitur, ut adeo subemphyteutæ jus extinguatur; non tamen propterea extinguí potest jus emphyteutæ, quod ex contractu sibi proprio habet, siquidem vi ejusdem adhuc subsistit. Subemphyteusis itaque ex lege propria finiri potest, stante adhuc emphyteusi. *Quod erat alterum.*

Nulla in hisce difficultas est, modo emphyteusin originariam & subemphyteusin tanquam duas res diversas separatim consideres, nisi quatenus emphyteuta duplicem personam repræsentat, nimirum personam emphyteutæ quoad emphy-

emphyteusin originariam, seu primitivam, personam vero domini emphyteuseos quoad subemphyteusin, seu emphyteusin derivativam. Quando jus emphyteutæ extinguitur, quod in re emphyteutica habet; nullum quoque jus in eadem alteri concedere valet. Nihil adeo magis naturale est, quam ut emphyteusis derivativa cum primitiva, seu originaria simul perimatur, seu subemphyteusis cum emphyteusi finiatur. Enimvero quamvis jus definat, quod in subemphyteuticatione alteri concessit emphyteuta; non tamen propterea jus, quod ipse in re habet, emphyteuticarium interire debet, cum jus suum minime dependeat a jure subemphyteutæ, quemadmodum dominus directus non amittit propterea jus suum in re emphyteutica, quod jus emphyteutæ in eadem expirat, quia illud ab hoc minime dependet.

§. 97.

Si subemphyteusis extinguitur, seu finitur emphyteuta jure emphyteuticario integro, quod in re emphyteutica habet, ipse frui subemphyteuticario integro, quod in re emphyteutica habet, ipse frui debet. Etenim quando subemphyteusis finitur, nemo amplius subemphyteusis finitur. Quamobrem cum respectu subemphyteutæ emphyteuta representet personam domini emphyteuseos, tanquam eam constituentis (§. 13. 87.), finita autem emphyteusi dominus directus fiat rei, quæ emphyteutica fuerat, pleno jure dominus (§. 55.), adeoque eodem jure fruatur, quod ante concessionem emphyteuseos ipsi competebar; emphyteuta quoque finita subemphyteusi jure emphyteuticario integro, quod in re emphyteutica habet, ipse frui debet.

Nimirum in subemphyteuticatione jus emphyteuticarium originarium responder dominio pleno, quod habet concedens in originaria emphyteuseos constitutione. Jus, quod concedens in constitutione emphyteuseos in alterum transfert, juri suo demitur: hac igitur extincta, cum non amplius ademptum sit, tale erit, quale fuerat ante emphyteuseos constitutionem.

K 2

Quem-

Quemadmodum itaque finita emphyteusi originaria, dominus emphyteuseos, qui vel ipse concedens est, vel in locum ejus successit, plenum dominium habet; ita emphyteuta, finita subemphyteusi, jus suum emphyteuticarium integrum habet.

§. 98.

Contractus libellarius quinam dicatur.

Contractus libellarius dicitur, quo dominus alteri rem suam certo interveniente pretio ea lege dat, ut quotannis certum canonem solvat, ac stato tempore, possessore licet non mutato, contractum certo pretio vel arbitrario numerato renovet. *Jus*, quod ex isto contractu acquiritur, *libellarium* vocari solet.

In Jure feudali vero *contractus libellarius* appellari solet, quando emphyteuta vel Vassallus dat rem emphyteuticam vel feudalem alteri in emphyteusin vel feudum & subemphyteuticatio, quam supra diximus, *libellaria concessio* vocatur. Videatur *Schardius* in Lexico Juridico. Exemplum in eo significatu, qui vocabulo tribuitur in definitione, esto tale. Vendo tibi domum meam pro pretio mille thalerorum, ea lege, ut quotannis in festo Johannis Baptistæ mihi solvas canonem decem thalerorum & exacto quolibet quinquennio contractus renovetur, soluto pretio quinquaginta thalerorum. Convenit hoc jus in eo cum emphyteusi, quod quotannis certus canon sit solvendus, & contractus certo pretio numerato renovandus; differt tamen ab eadem, quod dominus jus libellarium alteri concedens nihil proprietatis in re retineat, ac renovandus sit contractus non murato possessore.

§. 99.

Quodnam pretium interservire debeat in contractu libellario.

Quoniam dum *jus libellarium constituitur* præter pretium, quod domino pro re solvitur, solvendus etiam quotannis canon non est ac solvendum præterea pretium pro contractu statim tempore renovandum (§. 98.); *pretium*; quod pro re solvitur, *contractu libellario* debet pro ratione canonis ac pretii in renovatione contractus statim tempore solvendi.

Nimis

Nimis ab æqualitate in contractibus naturaliter observanda, nisi aliter visum fuerit, recederetur, si quis vero pretio rem emeret, ac hoc non obstante non modo canonem annuum, verum etiam certum pretium statò tempore pro contractu renovando solvere teneretur. Facile adeo apparet, si æqualitas observari debet, quantum datur, summam, quæ prodit; si canon quotannis solutus, donec statò tempore renovetur contractus, per numerum annorum elapsorum multiplicetur & factum addatur pretio solvendo, quando contractus renovatur, non superare debere usuras legitimas sortis, quæ deficit pretium pro re numeratum a pretio vero, per tantum annorum intervallum percipiendas. E. gr. Si domum tibi vendo pro pretio mille thalerorum, cum pretium verum sit 1400; deficit illud a vero 400, adeoque perinde est, ac si tibi domum ementi 400 thaleros credidissem, ut domum emere posses. Intervallò quinque annorum ego perciperem usuras 100, quotannis nempe 20. Quoniam vero mihi tantummodo singulis annis solvuntur 10, iniquum non est, si quinquennio elapso solvantur præter decem in fine anni quinti adhuc quinquaginta. Quoniam vero naturaliter usuræ legitimæ determinandæ sunt ex utilitate, quam debitor ex usu pecuniæ percipit (§ 1411. *part. 4. Jur. nat.*); ideo si æquitatem naturalem spectes, quantitas canonis & pretii in renovatione contractus numerandi proportionanda est pensioni, quæ pro tanta utilitate solveretur, deducta rata pretio pro juris constitutione soluto conveniente. E. gr. ponamus, si agrum loces, te pensionem annuam accipere centum thalerorum. Pretium verum agri esse 2500, & me emptorem tibi solvere 1000 ea lege, ut canon quidam annuus constituatur & anno quovis quinto contractus certo pretio numerato renovetur. Cum perinde sit ac si tu solvisses pro agro communi 1500; tibi competent quasi socio quotannis 60, consequenter intra annos quinque accipere debes 300. Quodsi ergo canon annuus determinetur 20 thalerorum, in fine anni quinti tibi adhuc defunt 200. Quamobrem æquitati maxime convenit, ut in fine anni quinti præter canonem tibi solvantur thaleri 200, dum contractus renovatur. Ab æquitate adeo ne discedat

contractus, consultius est ut eundem ad quasi societatem reducas, præsertim si usurarum quantitas civiliter determinetur.

§. 100.

Dominus juris libellarii. & pretium pro renovando contractu libellario solvendum. *Dominum juris libellarii* appellare lubet eum, cui canon

Ita appellare lubet ad imitationem domini emphyteuseos (§. 13.): sicuti enim se habet dominus emphyteuseos ad emphyteusin, ita etiam sese habet dominus juris libellarii ad jus libellarium. Uterque nimirum est constitutor juris in re sua, & propterea ab eo, qui rem possidet, certam percipit pensionem annuam ac propter contractum renovandum pretium certum. Immo apte etiam dominum juris libellarii vocamus, cum jus exigendi canonem ac pretium pro renovatione juris sit res incorporalis, quæ est in dominio ipsius, ei autem, qui rem ex contractu libellario habet, inhæret obligatio solvendi canonem ac pretium pro renovatione juris, ex qua jus istud oritur (§. 23. part. 1. Jur. nat.).

§. 101.

Res libellaria. *Rem libellariam* vocare lubet, quæ ex contractu libellario habetur, seu in qua jus libellarium constitutum.

dicatur.

Fit hoc denuo ad imitationem rei emphyteuticæ.

§. 102.

*Quale sit
jus domini
juris libel-
larii.*

Dominus juris libellarii jus in re libellaria habet. Etenim onus solvendi canonem & pretium pro renovando contractu inhæret ipsi rei libellariæ, adeoque dominus juris libellarii rem libellariam ad hanc solutionem sibi quasi obligatam habet, & obligatio solvendi canonem ac pretium dictum a re derivatur in possessorem. Quamobrem cum ex hac obligatione nascatur jus domini (§. 23. part. 1. Jur. nat.); is utique jus in re libellaria habet (§. 778. part. 3. Jur. nat.).

§. 103.

§. 103.

Quoniam jus exigendi canonem & pretium pro reno- *De re alien-*
vatione contractus, quod competit domino juris libellarii nata, ubi
(§. 100.), est jus in re (§. 102.), adeoque, utpote rei inhæ- *canon non*
rens ac invito minime auferendum (§. 336. *part. 2. Jur. nat.*), fuit solutus,
cum re transit ad quemlibet possessorem; si *canone non soluto nec contra-*
nec contractu tempore stato renovato, res libellaria alienatur, novus *Etus renova-*
possessor canonem non solum ac pretium, quod pro renovando con- *tus.*
tractu solvendum fuerat, ipse adhuc solvere tenetur.

Nihil hic singulare est: idem enim obrinet in omni jure in
re, quoties nimirum ex re tibi quidpiam præstandum, ut hanc
tibi obligatam habeas, & ex hac obligatio derivetur in posses-
sorem ejus. Aliud omnino est habere sibi obligatam perso-
nam per se, aliud vero habere sibi eandem obligatam per rem. Ibi
persona est certum individuum physicum; hic vero eadem de-
signatur per rem, quam possider, adeoque quilibet ejus pos-
sessor est, qui præstare tenetur id, ad quod rem tibi obligatam
habet.

§. 104.

Qui rem ex contractu libellario habet, pleno jure dominus Quale sit
est. Etenim dum de jure libellario contrahitur, dominus *dominium*
rem suam alteri dat pro certo pretio ea lege, ut quotannis *in re libella-*
certum canonem solvat, ac stato tempore, possessore licet non *ria.*
mutato, contractum certo pretio vel arbitrario numeratore-
novet (§. 98.). Patet adeo in hoc contractu dominium trans-
ferri cum onere quodam, nequaquam vero ullo modo re-
stringi. Quoniam itaque dominium nullo modo restrictum
plenum est, quod per se patet; qui rem ex contractu libella-
rio habet, pleno jure dominus est.

In jure igitur libellario nullum est dominium *directum*, nec
in hujus recognitionem solvitur canon, quemadmodum in em-
phyteusi.

phyteusi. Est porius contractus libellarius species quædam, aut, si mavis casus quidam particularis emtionis venditionis, quæ ob pretium justo multo minus res emta perpetuo quodam onere afficitur, seu res cum onere venditur, quod cum eidem inhærere debeat, pretium ejus imminuit, prouti ex iis abunde claret, quod supra annotavimus (not. §. 99.).

§. 105.

An de libellaria re sine Quoniam qui rem ex contractu libellario habet, pleno jure dominus est (§. 104.); *sine consensu* quoque, immo *in scio ac in consensu do-* viso domino juris libellarii de re libellaria prouti visum fuerit *disponi* juris *nere* potest (§. 118. part. 2. Jur. nat.); adeoque etiam eandem libellarii *dis-* alienare ac *immutare* sine illius consensu potest (§. 665. 660. part. sponi possit. 2. Jur. nat.).

Nihil enim fit contra jus domini libellarii juris, cui jus suum saluum manet, quomodocunque res immutetur, & in quemcunque ea transferatur. Ab onere enim, quæ rei inhæreret, eandem nemo liberare potest (§. 336. part. 2. Jur. nat.), nisi dominus juris libellarii, qui jus suum remittere potest (§. 117. part. 3. Jur. nat.).

§. 106.

Effectus remissionis juris libellarii. Quoniam dominus rei libellariæ pleno jure dominus est (§. 104.), *quand* dominus juris libellarii *jus suum remittit*, nihil dominio accedit, quod in re habet ejus dominus, sed cum hac remissione jus libellarium extinguatur & dominus rei ab obligatione sua liberetur (§. 97. part. 3. Jur. nat.), *res libellaria ab onere suo libera evadit ac libellaria esse desinit.*

Parum refert, utrum remissio ista fiat gratis, an pro certo pretio: nec in casu posteriori dici potest, si accurate loquendum, dominum juris libellarii jus suum vendere domino rei libellariæ. Hoc enim jus huic foret inutile. Non aliud agi potest inter dominum juris libellarii & dominum rei libellariæ, si hic liberari velit ab onere solvendi canonem & renovandi statim tempore contractum pro certo pretio, quam ut jus libellarium

rium extinguatur & res ab onere suo liberetur. Hoc autem fit, quando jus suum remittit dominus juris libellarii, non vero per hoc, quod id acquirat dominus rei libellariæ. Equis acquirere vult jus, quod sibi non modo prorsus inutile, sed quod ne quidem exercere potest? Immo si ponamus jus, quod erat domini libellarii, a domino rei libellariæ acquiri; per hanc ipsam acquisitionem non definit esse jus a dominio rei diversum, ut adeo, qui erat dominus rei libellariæ, nunc etiam sit dominus juris libellarii, adeoque duplicem repræsentet personam: quod quam sit absurdum facile intelligitur, si animum advertere velis ad ea, quæ hinc porro consequuntur.

§. 107.

Si dominus juris libellarii rem libellariam acquirit; jus libellarium extinguitur. Etenim quando rem libellariam acquirit, in locum ejus succedit, qui eam ex contractu libellario habebat. Quamobrem cum hic sit pleno jure dominus (§. 104.); plenum dominium in re, quæ libellaria fuerat, consequitur. Quoniam itaque jam omnem ex re percipit utilitatem vi dominii (§. 136. part. 2. Jur. nat.); impossibile est ut ex ipsa re ipsi quid præstetur, consequenter obligatio solvendi canonem ac renovandi pretio certo numerato contractum per se expirat. Jus igitur libellarium extinguitur (§. 98.).

De jure libellario extincto, re libellaria a domino illius acquisita.

Onus rei impositum in gratiam tui subsistere nequit, quando res tua evadit. Absonum enim est rei suæ imponere onus in gratiam sui, dum manet sua. Quod ex re tibi præstandum foret, jam tuum est, neque adeo opus est, ut tibi des, quod jam habes. Ita absurdum foret, si quis obligatus sibi metipsum esse deberet ad solvendum canonem ex re sua, ex qua omnem utilitatem solus percipit, & ad renovandum cum seipso jus percipiendi canonem a seipso. Jus adeo libellarium sua sponte ruit, quamprimum dominus ejus pleno jure rem acquirit.

§. 108.

Census quid sit.

Jus censiticum est jus annui redditus ex re aliena immobili recipiendi: ipse autem redditus *Census* vocatur. Quando rem immobilem vendens dominus per pactum adjectum censum in eadem sibi reservat, *Census reservativus* appellari solet: quando autem quis censum in re aliena sibi emit, aut sibi donatum accipit, *Census constitutus* vocatur.

Distinctio inter censum reservativum & constitutum parum utilitatis habet. Sive enim eundem in re a te alienata tibi reserves, sive eundem in re aliena aut oneroso, aut lucrativo titulo acquiras, in ipsa substantia juris propterea nihil mutatur. Quod enim vulgo dicitur, censum reservativum solvi in memoriam pristini domini, aut constitutum non item, nullum habet effectum juris. Per inconstantiam loquendi jus censiticum quoque *census* vocari solet.

§. 109.

Quale jus sit jus censiticum.

Quoniam census præstat ex re (§. 108.); *jus censiticum* cum ipsi rei inhaeret, consequenter qui *jus censiticum* habet, *jus in re* habet (§. 778. part. 3. *Jur. nat.*), atque adeo rem ipsam ad præstandum censum sibi obligatam habet, quæ adeo censum debet (§. 170. part. 1. *Phil. præd. univ.*).

Ex re adeo obligatio solvendi censum derivatur in ejus possessorem, a quo igitur exigitur, quicumque tandem fuerit.

§. 110.

Bona censitica, Censu-tica, ein Zinsgut, Dominus censiticum possidet, Censualis, ein Zinsmann, appellatur. census.

Res immobilis, quæ censum debet, dicitur *Bona censitica*, *Censu-tica*, ein *Zinsgut*: Qui censumolvere tenetur, seu bonum censiticum possidet, *Censualis*, ein *Zinsmann*, appellatur. Qui vero *jus censiticum* habet, *Dominum census*, den *Zins-Herrn*, vocare lubet.

E. gr. Erro redditum annuum quadraginta thalerorum mihi præstandum ex prædio tuo pretio mille thalerorum. Reditus hic

hic erit census, mihi in prædio tuo competit jus censiticum, prædium tuum erit bonum censiticum, tu censualis es, ego dominus census sum. Enimvero possum etiam tibi constituere liberaliter jus quotannis percipiendi ex prædio meo quadraginta thaleros, tumque prædium meum efficio bonum censiticum, & redditus annuus quadraginta thalerorum erit census.

§. 111.

Censualis est pleno jure dominus. Censuum enim est redditus *Censualis* annuus, quem censualis ex re sua præstare tenetur alteri, vel *quale habeas* quia is hunc sibi reservavit, dum dominium in illum trans-*dominium,* tulit, vel quia ipse censualis tanquam dominus sive liberaliter, sive pro certo pretio in re sua eundem constituit (§. 108.). Patet adeo præstationem census non esse nisi onus, quod vel alienationi, veluti venditioni, fuit adjectum, vel quod ipse dominus rei suæ, quam retinuit, ultro imposuit (§. 585. *part. 3. Jur. nat.*). Enimvero per hoc, quod onus rei imponitur, vel adjicitur, seu possessor ejus ad aliquid præstandum alteri obligatur (§. *cit.*), minime impeditur, quo minus is de ipsa re, & usu ac fructu ejus pro arbitrio suo disponat. Quamobrem cum dominium plenum habeat, qui de substantia, usu ac fructu rei suæ pro arbitrio suo disponere potest (§. 131. 135. 136. *part. 2. Jur. nat.*); censualis utique plenum dominium habet, adeoque pleno jure dominus est (§. 124. *part. 2. Jur. nat.*).

Atque in eo differt census ab emphyteusi, quod emphyteuta habeat tantummodo dominium utile, dominus vero emphyteuseos directum; censualis autem & utile, & directum, scilicet plenum. Melior adeo est censualis, quam emphyteutæ conditio, præsertim jure civili, quo multis modis emphyteusis committi potest. Bonum etiam censiticum præstat libellario, quoniam hic non opus est renovatione onerosa contractus, quemadmodum in jure libellario (§. 98.).

§. 112.

*Contractus
censualis.*

Contractus censualis appellatur, quo de censu convenitur.

Etenim census vel reservatur a domino rem suam alienante, aut alteri in re sua, quam retinet, constituitur (§. 108.). Utrobique censualis promittere debet se hunc censum præstare velle, & in alterum jus eum exigendi transferre. Conveniendum quoque est de quantitate census & de aliis huc spectantibus. Istiusmodi autem conventiones utique pactum sunt (§. 788. *part. 3. Jur. nat.*), vel, quod naturaliter perinde est, contractus (§. 793. *part. 3. Jur. nat.*). Atque adeo patet sine contractu nec acquiri jus censiticum, nec bona effici censitica, nec obligationem contrahi censualis.

§. 113.

*Census in
quonam con-
sistat.*

Census consistere potest tam in pecunia numerata, quam in re quacunque alia corporali mobili. Etenim census definitur conventionione inter dominum in re alienata eundem sibi reservantem & censualem, cui res alienatur, vel inter dominum in re sua alteri censum constituentem & alterum, cui constituitur (§. 108.). Quamobrem cum inter se convenire possint, quomodo ipsis visum fuerit; census tam in pecunia numerata, quam in re quacunque alia corporali mobili consistere potest, prouti scilicet placuerit contrahentibus.

Valer hic idem, quod de canone diximus superius, qui ab emphyteuta solvendus (§. 19.). Nimirum etiam census consistere potest in frumento, vino, oleo, ovibus, vitulis, gallinis, asinibus, ovis, butyro ac ita porro. Cum pretia rerum variant, utilius est accipere res, quibus indigemus, quam pecuniam paratam, & censuali quoque haud raro commodius est solvere res alias, quas habet, quam paratam pecuniam. Sed hæc attenduntur in deliberationibus de censu definiendo; nullum autem in jure momentum habent.

§. 114.

§. 114.

Si quis alteri censum constituit liberaliter in re sua, a constituto- Quomodo
entis voluntate unice pendet, qualem & quantum constituere ve- census desti-
lit. Idem intelligitur, si quis sibi censum in re alteri donata re- niendus,
servat. Quodsi census ematur, intra limites usurarum licitarum
contineri, vel utilitati ex re percipienda proportionari debet in ra-
tione pretii, quod solvitur, ad pretium verum rei. Quodsi vero
venditor sibi reservet censum in re vendita, pretium imminui de-
bet, quod ab emitte solvitur, detrakendo pretium æquum census
reservati. Si quis enim liberaliter, hoc est, gratis alteri cen-
sum constituit in re sua, cum jus censiticum donetur (§. 48.
part. 4. Jur. nat.), a constituentis utique voluntate pendet,
qualem & quantum constituere velit censum (§. 130. part. 4.
Jur. nat.). Quod erat primum.

Quodsi quis rem alteri donet ac censum sibi reservet,
cum a donatoris unice voluntate pendeat, qua lege donare
velit (§. 130. part. 4. Jur. nat.); denuo patet, ab ejus volun-
tate unice pendere, qualem & quantum censum sibi reserva-
re velit. Quod erat secundum.

Si quis censum emat, perinde est, ac si quis pecuniam
in perpetuum credat sub usuris in rem immobilem alterius,
ut adeo, quod quotannis solvendum, sit loco usurarum. Quan-
obrem patet censum intra limites usurarum licitarum conti-
neri debere. Quoniam itaque in hoc casu usuræ naturaliter
licitæ sunt, quæ habent ad mercedem fundi locati eam ratio-
nem, quam habet quantitas pecuniæ creditæ ad pretium
fundus (§. 141. part. 4. Jur. nat.); quod tunc intra hunc
modum contineri debeat census patet. Quod erat ter-
tium.

Quoniam denique si venditor sibi reservat censum in
re vendita, perinde est ac si in eadem sibi emeret censum,
postquam vendidit; omnino liquet, pretium census per

modo demonstrata n. 3. determinandum detrahendum esse a pretio vero rei venditæ. *Quod erat quartum.*

Quod supra annotavimus, cum de jure libellario ageremus (not. §. 99.), ad illustrandum quoque partem alteram propositionis præsentis applicari potest. Quodsi census proportionetur utilitati ex re percipiendæ; non præcise observanda est ratio pretii, quod solvitur, ad pretium verum rei, quando multum periculum sustinendum censuali, a quo liber est dominus census, quamvis hoc non obstat, quo minus ira possit contrahi, ut census habeat ad utilitatem ex re percipiendam eam rationem, quam habet pretium pro censu solutum ad pretium rei (not. §. 1411. part. 4. Jur. nat.). In contractibus rigor geometricus observari nequit, multo minus contractus pro invalido declarandus, qui eidem parum convenit, cum unicuique liberum sit de re sua statuere, prouti sibi visum fuerit (§. 118. part. 2. Jur. nat.), modo absit animus defraudandi alterum (§. 149. part. 5. Jur. nat.).

§. 145.

De duratione juris censitici.

Jus censiticum perpetuum est, nisi expresse aliter fuerit conventum, ut vel in certum tempus, vel pro certis personis census constitutus esse debeat. Etenim census redditus annuus est ex re aliena percipiendus, vel quia in re alienata sibi reservatur ab alienante, vel quia eundem sibi quis emit, aut liberaliter constitutum ab alio accipit (§. 108.). Quodsi ergo nihil dicatur in contractu censuali, quo de censu convenitur (§. 112.), quod tantummodo in certum tempus, vel pro certis personis constitutus esse debeat; is utique animus contrahentium fuisse videtur, ut census iste ex re perpetuo præstetur. Quamobrem jus censiticum perpetuum est, si non expresse aliter fuerit conventum. *Quod erat unum.*

Enimvero quoniam a voluntate domini pendet, qua lege dominium rei suæ in alterum transferre (§. 11. part. 3. Jur.

Jur. nat.), vel jus quoddam in re sua alteri constituere velit (§. 984. *part. 3. Jur. nat.*); quin in contractu censuali ita conveniri possit, ut vel in certum tempus, vel pro certis personis census constitutus esse debeat, dubitandum non est. *Quod erat alteram.*

In certum tempus constituitur census, si is solvendus per annos quinquaginta, quibus elapsis bonum, quod fuerat censiticum, liberum evadit. Pro certis personis constituitur, si census solvendus ei, pro quo constituitur, & omnibus ex eo descendentibus masculis, vel omnibus hæredibus ab intestato. Etsi enim in hoc conveniat jus censiticum cum emphyteusi (§. 29.), non tamen propterea bonum censiticum efficitur emphyteuticum, cum emphyteusis in hoc potissimum differat a jure censitico, quod in illa dominium directum ac utile a se invicem sint separata, in hoc autem dominium plenum sit penes censualem. Naturaliter valent pacta, prouti fuerit conventum, modo nihil contineant, de quo ita conveniri non licebat.

§. 116.

Si dominus census jus suum remittit, sive hoc faciat gratis, Quomodo sive pro certo pretio; bonum censiticum fit liberum, seu censiticum bonum censu esse desinit. Quoniam enim dominus census jus censiticum *ticum liberum evadat.* habet (§. 110.), adeoque jus censum exigendi (§. 108.); quando jus suum remittit (sive hoc faciat gratis, sive pro certo pretio, parum refert), jus censum exigendi extinguitur & censualis ab obligatione censum solvendi liberatur (§. 97. *part. 3. Jur. nat.*). Quoniam adeo bonum, quod censiticum erat, censum non amplius debet (§. 170. *part. 1. ibid. pract. jur.*), bonum autem censiticum non est, quod censum non debet (§. 110.); si dominus census jus suum remittit, bonum censiticum tale esse desinit, adeoque liberum fit.

Jus censiticum censuali nec donari, nec vendi potest: utrumque enim requirit translationem ejus in censualem (§. 48. *part.*

4. *§. 675. part. 2. atque §. 939. part. 4. Jur. nat.*). Ast repugnat censuali jus exigendi censum e re sua & eundem sibi-
metipfi obligatum esse ad eundem ex re sua solvendum. Quam-
obrem dominus census in gratiam censualis tantummodo de-
clarare potest; quod nolit censualem sibi esse obligatum ad
censum solvendum, seu ex re ista censum sibi deberi, quod
dum facit, jus suum remittit (*§. 95. part. 3. Jur. nat.*). Neque
etiam aliud intenditur, dum bonum censiticum liberum esse
vult censualis, vel etiam dominus census. Censualis enim li-
berari debet ab obligatione solvendi censum, quæ ex re sua
in ipsum derivatur. Ut ab ea liberetur, non opus est, ut jus
censiticum acquirat, sed sufficit, ut extinguatur: id quod fit
remissione juris (*§. 97. 99. part. 3. Jur. nat.*). Quoniam in
cessione juris id itidem in alterum transfertur (*§. 81. part. 3. Jur.
nat.*); ideo nec dominus census jus suum censuali cedere pot-
est. Equidem per inconstantiam loquendi, quæ ubivis regnat,
quando termini non accurate definiuntur, nec in fixo constanter
significatu adhibentur, dici etiam solet, jus censiticum cedi cen-
suali: non tamen propterea in re a nobis dissentiunt, qui ita
loquuntur. Quodsi enim mentem suam distincte explicare
debeant, tandem utique constabit, quod cessio juris non aliud
significare debeat quam juris remissionem. Nobis vero non
modo recte sentiendum, verum etiam recte loquendum, unum-
quodque proprio suo nomine efferendo.

§. 117.

*De pretio
pro remissio-
ne census
solvendo.*

*Si jus censiticum pro certo pretio remittitur; censualis idem
pretium solvere tenetur, quod solveret emtor census.* Etenim quoad
dominum census perinde est, sive jus suum vendat, sive re-
mittat pro certo pretio. Quamobrem cum æquum sit, ut
pro eo pretio vendatur, quod solvendum foret emtori, si
hunc censum in re aliena sibi constituendum emere vellet;
si jus censiticum pro certo pretio remittitur, censualis uti-
que solvere tenetur pretium idem, quod solveret emtor
census.

Jus

Jus censiticum aliquid æstimabile est (§. 114.), ac ideo emi potest constituendum, vendi quoque eodem pretio potest constitutum. Et quia repugnat censualem emere jus censiticum (not. §. 116.), quoad dominum census vero, qui gratia jure suo carere non vult, perinde est, siue pretium accipiat pro jure in alterum translato, siue pro eodem censuali remisso, idem omnino pretium solvendum, quando jus censiticum remittitur, quo æstimatur, quando in re aliena constituendum. Ita nimirum observatur in contractu, quo de remissione juris censitici convenitur, æqualitas, ut dominus census tantum recipiat, quantum lucratur censualis. Contractus vero, quo de remissione convenitur, est contractus do ut facias, seu facio ut des (§. 160. 163. *part. 5. Jur. nat.*). Nec obstat, contractum do ut facias spectari posse tanquam emtionem venditionem (§. 176. *part. 5. Jur. nat.*): etenim in eo factum merx est, quæ emitur, adeoque in præsentī casu, remissio juris. Quamvis vero absolum sit censualem emere jus censiticum, seu jus exigendi censum e re sua; non tamen absurdum est, eundem emere remissionem juris. Atque in eo differt cessio juris censitici a remissione: quando enim contractus, quo de illa convenitur, & qui est contractus do ut des (§. 145. *part. 5. Jur. nat.*), spectari debet tanquam emtio venditio, merx est jus censiticum, quæ emitur, non factum, seu cessio juris. Videmus adeo, quam apte omnia inter se cohæreant, si terminorum significatum fixum tuemur, ita ut una sit concordia.

§. 118.

Si dominus census bonum censiticum acquirit; jus censiti- De jure cen-
cum extinguitur. Etenim si dominus census bonum censiti-
cum acquirit, tum fit pleno jure ejus dominus, quemadmo-
dum fuerat censualis (§. 111.), hujus nimirum jure in ipsum
translato. Quoniam itaque omnem ex re jam percipit uti-
litatem (§. 135. 136. *part. 2. Jur. nat.*), jus censiticum ve-
ro consistit in jure annuum quendam redditum ex re percipi-
endi (§. 108.); evidens omnino est jus censiticum cum ple-
(*Wolffii Jur. Nat. Pars VI.*) M no

no dominio, quod quis in eadem re habet, consistere non posse. Illud igitur ab hoc perimitur, atque adeo jus censiticum extinguitur, si dominus census acquirit bonum censiticum.

Vidimus jam ante, jus censiticum & plenum dominium in eodem subjecto consistere non posse (*not. §. 116.*). Perinde nimirum est, siue utrumque conjungi debeat in persona domini census, siue in persona censualis, cum in utroque casu unusquisque sibi deberet ex re sua, quod jam suum est. Quemadmodum itaque jus censiticum extinguendum, ut liberum possideatur a censuali; ita dominium plenum per se perimit jus censiticum, quando illud acquirit dominus census, atque ideo ab eodem possidetur liberum. Non est quod dicas, dominum census bonum censiticum, quod acquirit, iterum qua tale alienare posse, salvo jure censitico, quod habet. Etenim jus censiticum ut in alienatione sibi reservet, non opus est, ut bonum, quod alienatur, sit vel fuerit censiticum, sed hac ipsa reservatione censiticum efficitur, cum antea non esset (§. 108.). Pendet nimirum a voluntate alienantis, utrum sub lege censuali rem alienare velit, nec ne (§. 11. *part. 3. Jur. nat.*), et si censitica non fuerit,

§. 119.

Extinctio Si res censitica interit, jus censiticum extinguitur. Etenim
juris censiti- si res interit, ea non amplius existit (§. 541. *Ontol.*). Quo-
ciper interi- niam itaque in re non existente jus nullum habere potes,
sum rei. quod per se patet; jus quoque censiticum in re non amplius existente habere nequis. Cum re igitur censitica ipsum jus censiticum interit, seu illa intereunte extinguitur.

Si res censitica interit, nemo amplius est, qui dominium in ea habet (§. 352. *part. 2. Jur. nat.*), consequenter nec est amplius, qui tibi obligatus sit ad censum solvendum. Inhaeret jus censiticum ipsi rei, ex qua obligatio in possessorem ejus derivatur (§. 109.). Quid ergo mirum, cum re interire jus, quod
idem

eidem inhæret, & qui possessor esse definit, liberari ab obligatione, qua tanquam possessor tenetur?

§. 120.

Jus superficiæ seu superficiarium est jus habendi suo *jus superfici-*
sumtu ædificium in solo alterius. Per inconstantiam *cui quid sit*,
loquendi vocatur etiam *Superficies*, quod est ædificium solo *quid superf-*
impositum absque solo spectatum (§. 400. *part. 2. Jur. nat.*). *ciarius*.

Germanice dicitur *Platz-Recht*, & in oppositione domini-
um, quod in solo seu fundo retinet alter, *das Grund-*
Recht. A nonnullis tamen vocabula *Platz-Recht* & *Grund-*
Recht pro jure superficiæ promiscue usurpantur. Qui jus
superficiæ habet *Superficiarius*, *der Boden-Zinsmann* appel-
latur; is qui dominium fundi habet, nomen *Domini fundi*,
der soli retinet, idiomate patrio *der Grund-Herr*.

In definiendo Jure superficiæ non prorsus conveniunt inter-
pretes Juris Romani. Nos retinemus eam, quam dedit *Stru-*
wtus in Jurisprud. Romana Germ. for. lib. 2. tit. 12. §. 17. &
in hoc significato demonstrare lubet, quid jus naturæ de eodem
disponat. Neque etiam anxie in hoc Jure laborandum est de
definitione. Sufficit enim tale jus, quale hic definitur, consti-
tui posse, adeoque non sumi, quod repugnat; denominatio
vero arbitraria est.

§. 121.

Quoniam superficiario, dum jus superficiæ in eum con- *De ædificio*
fertur, conceditur, ut habeat ædificium suo sumtu in solo al- *in solo ex-*
terius (§. 120.); *si in solo nullum adhuc extat ædificium, ipsi tante, vel*
competit jus ædificium suo sumtu in solo alterius extruendi: si ve-
ro ædificium in eodem jam extat, necesse est ut dominium su-
dum jus su-
perficiæ in eundem transferatur a domino, retento dominio in solo. perficiæ con-

Uterque casus attenditur etiam in Jure Romano: neque *constituitur*.
nim opus est, ut propterea jura a se invicem distinguantur, si
superficiarius vel ipse ædes extruat in solo alterius, vel jam ex-

tractas a domino soli accipiat. Habet nimirum in utroque casu ædificium suo sumtu in solo alieno.

§. 122.

*Quale jus in
solo compe-
tat superfi-
ciario,*

Quoniam ædificium seu superficies est superficiarii, solum vero, cui impositum domini fundi (§. 120.); *dominus fundi non concedit superficiario nisi usum fundi sui*, seu, cum dominus fundi eodem uti non possit, *jus utendi in eum transfert, ipse autem in superficie, seu ædificio imposito jus nullum habet* (§. 120. part. 2. Jur. nat.).

Ædificium alias non intelligitur sine fundo, cui coheret, ita ut solum, cui impositum, spectetur tanquam pars ædificii, & qui ædificium emit, emisit quoque intelligitur solum, cui coheret, nisi expresse conveniatur, quemadmodum in præfenti, ut dominium in solo retinere debeat venditor (§. 121.). Enimvero in casu præfenti dominium in superficie distinguendum est a dominio in solo, ita ut duo sint dominia, quæ in diversis subjectis subsistunt, & propterea ædificium hic intelligitur sine fundo, etsi eidem ita cohareat, ut, salva substantia ab eodem separari nequeat. Quoniam vero dominus fundi fundo suo uti nequit, quamdiu alius ædificium in eo habet; ideo jus utendi, quod alias domino competit (§. 136. part. 2. Jur. nat.), in superficiarium utique conferre tenetur, quamvis ea lege, ut non aliter utatur, nisi ut ædificium in eo habeat. Equidem non ignoro, interpretes Juris Romani jus superficiarii non appellare dominium, sed jus dominio simile; nulla tamen ratio est, cur dominium superficiæ superficiario tribui nolis, utpote qui ipsis non dissentientibus instar domini de superficie disponere potest. Non est dominus ædificii, quatenus ædificium complectitur & superficiem, & solum, cui coheret, quemadmodum vulgo intelligitur: ast si spectatur tanquam a solo discretum, etsi actu ab eodem separari nequeat ac alium in locum dimoveri, quemadmodum hic fieri debet, non minus dominus superficiæ est, quam si etiam dominus fundi esset.

set. In se autem non repugnat, cum superficies & solum, cui ea imposita, sint res duæ diversæ, ut alius sit dominus superficiei, alius dominus fundi.

§. 123.

A domini fundi voluntate pendet, utrum jus superficiei su-
perficiario gratis concedere, an vero vendere, aut pro certa pensio-
ne annua concedere velit. Etenim dominus fundi superficia-
rio constituit jus in solo suo (§. 120.). Enimvero a domini
voluntate unice pendet, quale jus alteri constituere velit in
re sua (§. 984. part. 3. Jur. nat.). Quamobrem ab ipsiusquo-
que voluntate pendet, utrum jus superficiei alteri gratis, an
pro certo pretio, aut pro certa pensione annua concedere
velit.

Dum dominus soli jus superficiei concedit superficiario, re-
vera ipsi non concedit, nisi perpetuum soli sui usum. De u-
su vero rei suæ dominus pro arbitrio disponere potest (§. 118.
part. 2. Jur. nat.). Potest eum concedere gratis, potest con-
cedere pro certa annua pensione, potest etiam concedere pro
certo pretio. In casu primo donat eundem (§. 48. part. 4.
Jur. nat.), in secundo locat (§. 1194. part. 4. Jur. nat.), in
tertio denique vendit (§. 937. part. 4. Jur. nat.) Hinc vulgo
dicitur, jus superficiei constitui vel gratuita concessione, vel me-
diantē venditione, aut locatione conductione.

§. 124.

Pensio annua, quam superficiarius domino fundi pro u. Solarium
su ejus solvit, vocatur *solarium*, idiomate patrio *Boden-Zins*, quid sit.
a nonnullis etiam *Grund-Zins*.

Solarium adeo non solvitur in recognitionem domini, quem-
admodum canon in recognitionem domini directi in emphy-
teusi (§. 14.), quamvis juri superficiei maxime conveniat, ut
ad conservandam memoriam domini in solo solarium solva-
tur, & retentio domini in solo inutilis videatur domino, nisi

solvatur solarium, siquidem jus superficiei perpetuum esse debet, quale utique est, nisi pacto immutetur & duratio ejus modo quocunque restringatur.

§. 125.

*Quinam jus
superficiei
constituere
possit.*

Nemo jus superficium alteri constituere potest nisi dominus soli. Etenim jus superficium est jus in solo alieno alteri constitutum (§. 120.). Sed nemo præter dominum alteri jus quoddam in re aliqua constituere potest (§. 983. part. 3. Jur. nat.). Ergo etiam nemo jus superficium alteri constituere potest nisi dominus.

Jus igitur superficiei a non domino constitutum invalidum est, nec diutius durat, nisi quamdiu dominus non contradicit. Quodsi vero ædificium extructum fuerit in alieno fundo, consensu non domini, qui jus superficiei concedere minime poterat; tunc obtinet jus communionis (§. 402. part. 2. Jur. nat.).

§. 126.

*De ædibus in
solo jam ex-
tructis, in
quo jus su-
perficiei con-
stituuntur.*

Si jus superficiei conceditur in solo, in quo ædes jam extructæ sunt, necesse est ut ædes superficiario ante donentur, vel vendantur. Etenim si jus superficiei conceditur in solo, in quo ædes jam extructæ, dominium superficiei transferendum in superficiarium a domino, retento dominio in solo (§. 121.). Quoniam itaque dominium transferri potest vel gratis, vel pro certo pretio, adeoque superficies vel donari (§. 48. part. 4. Jur. nat.) vel vendi (§. 937. part. 4. Jur. nat.); si jus superficiei conceditur in solo, in quo ædes jam extructæ sunt, necesse est ut ædes superficiario ante donentur, vel vendantur.

Non obstat, quod translatio domini in superficie & constitutio juris superficiei in solo fiat simul, adeoque uno quasi actu: hoc enim non obstante manent duo distincti actus, quorum unus etsi non tempore præcedat alterum, per naturam tamen utriusque præcedere intelligitur. Contractui enim emptionis venditionis ædium adjicitur pactum de retinendo dominio

nio in solo, quod cum ad contractum accedit, hoc ille prior natura sua intelligitur. Atque adeo nisi emptione venditione perfecta jus superficiei constitui intelligitur, quippe cui demum locus est superficiei sine solo vendita. Idem valet de donatione. Nihil in hisce difficultatis est, modo singulos actus, quos negotium præsens continet, accurate a se invicem distinguas: id quod in jure naturæ fieri utique debet.

§. 127.

Jus superficium naturaliter constituitur pacto. Est enim *Quomodo* jus in solo alieno alteri constitutum (§. 120.). Sed natura- *jus superf-*
liter jus in re aliena constituitur pacto (§. 988. *part. 3. Jur. nat.*). *ciarium con-*
Ergo etiam jus superficium naturaliter pacto constitui *statuitur.*
debet.

Nimirum de jure superficario inter se convenire debent superficarius & dominus soli (§. 123.), & quomodo inter ipsos conventum fuerit, jus superficiei subsistet.

§. 128.

Contractus superficarius appellatur, quo de jure superfi- *Contractus*
ciario, quod constituitur, inter se conveniunt superficarius *superficiari-*
& dominus superficiei, seu quo jus superficiei constituitur & *us quinam*
acquiritur. *fit.*

Constitutio juris superficiei peculiare utriusque negotium est (§. 120.), quod cum non perficiatur nisi pacto (§. 127.), peculiarem quoque, quemadmodum alia negotia, quæ jura & obligationes producant, requirit contractum (§. 793. *part. 3. Jur. nat.*). Trahit autem contractus nomen a negotio, quod eodem perficitur.

§. 129.

Quoniam jus superficium contractu superficario con- *Unde meti-*
stituitur & acquiritur (§. 128.), a constituentis autem volun- *endum jus*
tate pender, quomodo jus aliquod alteri in re sua constitue- *et obligatio*
re velit (§. 984. *part. 3. Jur. nat.*), nec superficarius plus *in superficarii*

§ domini
soli.

ris acquirere potest, quam in eum transferre vult constituens, neque hic illum ultra voluntatem suam sibi obligare potest (§. 382. part. 3. Jur. nat.); *omne jus omnisque obligatio tam domini soli, quam superficiarii metiendum est ex contractu superficiario.*

Naturaliter ea, quæ non uno modo fieri possunt in aliquo negotio, conventionem contrahentium determinantur, ac ideo contrahentes legem dare contractui dicuntur. Aliter sese res habet in Jure civili, in quo quædam, quæ voluntati contrahentium permittit Jus naturæ, legis auctoritate determinantur, quæ adeo certam contractui formam præscribere dicitur. Valent naturaliter omnia, quæ non pugnant cum jure tertii, aut naturaliter illicita sunt.

§. 130.

De jure su-
perficiarii.

Superficiarius superficie in solo alieno posita pro arbitrio uti frui, eamque sine consensu, inmo inscio ac invito domino soli, alienare, immutare, ac oppignorare, nec non servitutem eidem imponere potest. Etenim domino soli jus nullum in superficie competit (§. 122.), adeoque superficiarius dominium plenum in ea habet. Quamobrem cum dominium plenum contineat proprietatem ac jus utendi & fruendi (§. 136. part. 2. Jur. nat.), & qui dominium plenum habet rem suam pro arbitrio suo alienare (§. 665. part. 2. Jur. nat.), immutare (§. 660. part. 2. Jur. nat.) & oppignorare (§. 1164. part. 5. Jur. nat.), eidemque servitutem imponere potest (§. 1267. part. 5. & §. 982. part. 3. Jur. nat.). Quamobrem superficiarius superficie pro arbitrio uti frui, eamque sine consensu, inmo inscio ac invito domino soli, alienare, immutare, oppignorare, eidemque servitutem imponere potest.

Interpretes Juris Romani jus hoc omne tribuunt superficiario, consequenter jus omne, quod dominium continet; eidem tamen tribuere nolunt dominium in superficie, sed saltem quasi

quasi dominium, ac ideo superficiarium quasi dominum vocant. Enimvero cum jus sit facultas moralis agendi (§. 156. *part. 1. Phil. pract. univ.*); qui omnia agere pro arbitrio suo potest, quæ vi domini agere potest dominus, prorsus independentem ab alio, is utique dominium habere, adeoque dominus esse debet. Non igitur ulla ratio obstat, quo minus in Jure naturæ dominium in superficie tribuamus superficiario cum exclusione domini soli omnimoda, quippe cujus consensu ad nullum actum opus habet, quo de substantia; usu vel fructu superficie disponit. Ceterum dominium, quod superficiarius in superficie habet, non pertinet ad jus superficiarium: hoc enim in eo consistit, quod superficiem, quæ sua est, habere possit in solo alieno (§. 120.), adeoque non suo. Dominium vero in superficie & jus habendi superficiem in solo alieno sunt utique duo jura separata, nec eodem modo acquiruntur. Etenim quamprimum convenitur, quod superficiario ædificium in solo alterius habere liceat, jus superficiarium ipsi competit, etiamsi nullum adhuc ædificium fuerit extructum, & ex jure superficiario fuit jus extruendi ædificium in solo alterius. Dominium adeo superficiario in ædibus competit, quia eas extruxit suo sumtu. Et quamvis eas extruxerit in solo alieno, non tamen propterea jus quoddam in ædificio habet dominus soli (§. 402. *part. 2. Jur. nat.*), quia ædificium extructum est concessione domini soli, qui hoc ipso, dum concessit, juri suo renunciavit (§. 103. *part. 3. Jur. nat.*). Quodsi ædes jam sint extructæ, ante donandæ sunt, vel vendendæ superficiario, quam jus superficiem concedi possit (§. 126.), ut adeo dominium in superficie acquiratur, antequam jus superficiarium concipi possit (*not. §. cit.*). Hæc satis manifesta sunt per principia juris naturæ. Enimvero cum in Jure Romano superficies in fundo alieno extructa sit domini soli; tum jus superficiarium, quod conceditur superficiario a domino, respicit ipsam quoque superficiem, ut adeo instar domini de superficie disponere liceat superficiario nonnisi jure a domino soli sibi concessio, atque hoc respectu superficiarius tantummodo est quasi dominus superficiem.

§. 131.

*Ædes superficia-
riae quæ
nam sint.*

*Ædes superficia-
riae dicuntur, quas habere licet in solo
alieno.*

Facile autem patet, quomodo ædes superficia-
riae differant ab aliis. Nimirum ad ædes pertinet etiam fundus, seu solum,
cui imponuntur, cum sine solo existere nequeant. Unde com-
muniter ædium dominus est etiam dominus soli, cui impositæ
sunt. Enimvero ædes superficia-
riae spectantur sine solo, ita
ut earum dominus non sit simul dominus soli, sed id reco-
gnoscere debeat ab alio, prouti jam supra annotavimus (not.
§. 122.). *Gajus* eas definit l. 2. ff. de superfic. quod sint eæ,
quarum proprietas & civili, & naturali jure ejus est, cujus est
solum. Sed quod ædes in conducto solo naturali jure sint e-
jus, cujus est solum, in eo falluntur Jcti Romani (§. 402. part.
2. *Jur. nat.*). Atque hæc ratio est, cur in Jure naturali a
Jure civili discedamus in Jure superficiario, quamvis non
negemus, quemadmodum deinceps videbimus, jus super-
ficiarium, prouti a Jctis Romanis concipitur, effectum quen-
dam particularem, quo jus istud per pactum immutatur. Re-
legenda hic sunt, quæ modo ad paragraphum præcedentem an-
notavimus & quæ annotavimus supra (not. §. 122.). Quia
jure Romano ædes superficia-
riae sunt domini soli, & super-
ficiarius in iis non habet nisi dominium utile, solum vero condu-
ctum intelligitur; ideo superficiarius dicitur etiam quasi inqui-
linus esse, cum habitet in ædibus quasi conductis, non tamen
proprie loquendo inquilinus est, quia instar domini de super-
ficie disponere potest ac ideo pro quasi domino habetur.

§. 132.

*De ædibus
superficiari-
is per inten-
dium vel
ruinam sub-
latis.*

*Si ædes superficiaria collabantur, vel conflagrent; superficia-
rio novas extruere licet in solo. Etenim superficiario compe-
tit jus habendi ædificium suo sumtu in solo, cui impositæ sunt
ædes suæ (§. 120.), quod adeo, quamdiu solum extat, aut
tempus, in quod concessum, non præterlapsum, aut personæ
non*

non deficiunt, pro quibus constitutum fuit jus, siquidem in certum tempus constitutum, aut pro certis personis supponatur, invito auferri nequit (§. 336. *part. 2. Jur. nat.*). Quamvis adeo ædes collabantur, vel conflagent, nulla tamen ratio est, cur jus amitti debeat, quippe quod non ædibus istis inhæret, quæ per incendium vel ruinam fuerunt sublata, sed solo, in quo constitutum. Quamobrem si ædes superficialiæ collabantur, vel conflagent; superficialiario novas in solo extruere licet.

Non ignoro dari Doctores, qui statuunt, jus superficialium extinguï, sublato per incendium vel ruinam ædificio. Enimvero hi perperam jus superficialium comparant cum usufructu in ædibus alienis concesso, quod tamen ab hoc prorsus diversum esse ex anterioribus abunde constat. Quamobrem nec desunt, qui contrariam sententiam amplectuntur, quam hic adstruximus. Aliud est, si expresse in contractu superficialiario ita fuerit conventum, ut sublato per casum quemcunque ædificio non liceat novum extruere. Tum enim dominus soli ex conventionem liberatur ab obligatione patiendi, ut alius habeat ædificium in solo suo.

§. 133.

Superficialiarius obligatur ad solvendum solarium conventum. De solaris
Etenim cum in contractu superficialiario de jure superficialiario *convento* conveniatur (§. 128.); in eodem quoque convenitur, num *solvendo* præstandum sit solarium, & quale ac quantum sit præstandum. Quamobrem cum pacta sint servanda (§. 789.); superficialiarius quoque obligatur ad solvendum solarium conventum.

Nimirum obligatio superficialiarii metienda ex contractu superficialiario (§. 129.). Quodsi ergo de certo solaris præstando in eodem fuerit conventum, superficialiarius utique obligatus est ad id præstandum, utpote qui contrahens promittendo ad idem præstan-

præstandum sese obligavit (§. 789. 393. *part. 3. Jur. nat.*). Facile intelligitur, ita etiam conveniri posse, ut per certum tempus non præstetur solarium, eodem vero elapso præstari debeat, vel ut solarium non præstetur, quamdiu ædes possidentur a certa persona, præstari tamen debeat, quamprimum jus superficiarium transfertur in aliam, ædibus alienatis, vel dominio earundem in aliam transmissio. Tum vero standum erit eo, quod fuerit conventum (§. 129.).

§. 134.

*Quale sit
jus solarii
exigendi.*

Naturaliter dominus soli superficiarium tantummodo sibi obligatum habet ad præstandum solarium, non vero ipsam superficiem, nisi in contractu superficiario hypotheca in eadem expresse fuerit constituta. Etenim dominus soli in superficie nullum jus habet (§. 122.). Quamobrem etsi superficiarius eidem obligatus sit ad præstandum solarium conventum (§. 133.); ejus tamen nonnisi personam ad solvendum istud obligatam habet, minime autem eidem pro debito hoc ipsa superficies obligata est. Quod erat unum.

Enimvero si in contractu superficiario hypotheca in ipsa superficie domino soli expresse fuerit constituta, cum hypotheca in re aliqua constituta eadem obligetur pro debito debitoris (§. 1163. *part. 5. Jur. nat.*); superficies pro solario domini soli utique obligata erit. *Quod erat alterum.*

Lege positiva utique tacita hypotheca concedi potest domino soli in superficie, quemadmodum suo loco constabit. At cum naturaliter jus domini soli metiendum sit ex contractu superficiario, non erit hypothecæ locus in superficie, nisi expresse.

§. 135.

*Idem porro
expenditur.*

Quoniam naturaliter dominus soli superficiarium tantummodo sibi obligatum habet ad præstandum solarium, non vero ipsam superficiem, nisi in contractu solario hypotheca

in

in eadem expresse fuerit constituta (§. 134.); si superficiarius non solvis solarium, & jus superficiarium alienatur, novus superficiarius solarium præteritum solvere non tenetur: quoniam vero jus hypothecæ cum re transit ad quemlibet possessorem (§. 1154. part. 5. Jur. nat.), si in contractu superficiario pro solario hypotheca in superficie expressa fuerit constituta, novus superficiarius solarium præteritum solvere tenetur.

Jus domini soli naturaliter aliunde nasci nequit nisi ex contractu (§. 127.). Quodsi ergo ex eodem tibi non obligatam habes nisi personam, nec ab alia nisi ab eadem debitum exigere potes. Quodsi vero res obligata sit, cum ex eadem tibi satisfieri debeat, tum qui rem possidet tibi solvere tenetur debitum, pro quo obligatur.

§. 136.

Superficiarius superficiem possidet, sed non fundum, cujus possessor est dominus soli. De possessione superficiarii. Etenim superficiarius plenum domini-um habet in superficie, nihil juris in eadem competit domino soli & vice versa superficiarius non habet nisi usum fundi, proprietas vero tota manet penes dominum soli (§. 122.). Quamobrem superficiarius superficiem detinet tanquam suam, non vero detinet tanquam suum etiam fundum (§. 124. part. 2. Jur. nat.), sed hunc recognoscit a domino soli. Quoniam itaque rem possidet, qui eam detinet tanquam suam, non autem possidet qui eam detinet tanquam alienam (§. 150. part. 2. Jur. nat.); ideo superficiarius superficiem quidem possidet, sed non fundum, hujus vero possessor manet dominus, cui competit jus possidendi (§. 157. part. 2. Jur. nat.).

Non est, quod excipias, cum domino soli ademta sit potentia physica disponendi de fundo pro arbitrio suo, quamdiu superficies solo imposita, consequenter solum non sit in potestate ipsius (§. 461. part. 2. Jur. nat.), cum fundum non possidere (§. 463. part. 2. Jur. nat.). Enimvero ipsa concessio

usus soli est actus possessorius, cumque hoc modo disponat de eodem dominus & ad hoc modo disponendum superficiario sese obligavit, fieri non potest, ut disponat modo alio. Dici adeo nequit, domino soli ademptam esse potestatem physicam disponendi de solo, etsi eandem ipse libere restrinxerit ad certum actum, aut ita restrictam ab alio acceperit. Si solarium præstatur, solum conductum intelligitur (§. 1194 part. 4. *Jur. nat.*). Quamvis vero conductori jus suum, quod ex contractu habet, auferre minime possis (§. 336, part. 2. *Jur. nat.*), non tamen propterea conductor rem detinet tanquam suam, consequenter eam possidet, tu vero possessionem amittis. Dissentiunt in eo interpretes Juris Romani, num superficiarius superficiem possideat: id vero inde est, quod isto jure dominium superficiæ ei tribui non possit (not. §. 131.).

§. 137.

De jure superficiario extincto per conjunctionem dominiorum soli & superficiæ.

Si dominus soli dominium superficiæ acquirat, vel contra superficiarius dominium soli; jus superficiarium extinguatur. Etenim si dominus soli dominium superficiæ acquirat, ædificium proprium habet in solo proprio, ac similiter si superficiarius acquirat dominium soli, ædificium itidem proprium in proprio solo habet (§. 121. 122.). Quamobrem cum jus superficiarium in eo consistat, ut quis suo sumtu habeat ædificium in solo alieno (§. 120.); jus superficiarium utique extinguere debet, siue dominus soli acquirat dominium superficiæ, siue dominus superficiæ dominium soli.

In neutro casu juris superficiarii quidpiam transfertur ab uno in alterum, siue respicias jus, quod habet superficiarius, siue jus, quod habet dominus soli: sed quicquid juris ex contractu superficiario venit, id totum expirat, quia facta conjunctione dominiorum soli ac superficiæ inutile non modo efficitur, verum etiam subsistere amplius nequit. Quoniam vero tam solum est domini ejus, quam superficies superficiarii; conjunctio dominiorum fieri nequit, nisi unus acquirat dominium alterius titulo vel lucrativo, vel oneroso.

§. 138.

§. 138.

Si superficiarius ædes superficiarias alienat, eadem alienantur De adibus cum jure superficiario, & si dominus soli fundum alienet, idem superficies alienatur salvo jure superficiarii & cum jure adversus superficiarium & solo, nm. Etenim si superficiarius ædes superficiarias alienat, cum cui *imposita*, ædes sine solo subsistere non possunt, ipsi autem competat *alienatis*. jus eas habendi in solo alieno, cui *impositæ* sunt (§. 120.); necesse utique est, ut ædes alienentur cum jure superficiario. *Quod erat unum.*

Similiter si dominus alienet fundum, sive solum, cum in eodem dominium retinuerit, dum jus superficiarium concessit (§. 122.), jus tamen habendi in eodem ædificium superficiario invito adimere nequit (§. 336. *part. 2. Jur. nat.*). Quodsi vero pro jure, quod superficiario concessum, is ad certas præstationes obligatur, veluti ad solarium solvendum (§. 133.); idem adhuc obligabitur novo domino. *Quod erat alterum.*

Equidem cum nemo quicquam facere possit, quod est contra jus alterius (§. 910. *part. 1. Jur. nat.*), absolute necessarium est, ut salvo jure superficiarii alienetur solum; non tamen eadem necessitas est quoad jus adversus superficiarium. Quoniam enim quilibet jus suum remittere (§. 117. *part. 3. Jur. nat.*), adeoque debitorem ab obligatione sua liberare potest (§. 97. *part. 3. Jur. nat.*); nil sane obstat, quo minus dominus soli quoad obligationem superficiarii, consequenter quoad jus suum inde pendens (§. 23. *part. 3. Jur. nat.*), in gratiam superficiarii quid immutet, veluti ut eum liberet ab onere solvendi solarium, vel ut solarium imminuat. Hoc vero non præsumitur ob alienationem factam, consequenter nisi de eo expresse quid fuerit dictum, novo domino soli adversus superficiarium idem jus competit, quod competebat domino pristino.

§. 139.

§. 139.

De dominio Si ita conveniatur, ut quis aedes suo sumtu in solo alterius utili in adi-exstruat & conservet ac in iis habeat dominium utile ad certum tempus, vel pro certis personis, veluti pro se & liberis suis primiciarius com- aut etiam secundi gradus; vel tale etiam concedatur in aedibus successo.

superficiarius jam extructis ea lege, ut certum solarium praestetur; tempore finito, vel personis, pro quibus concessum ius superficiarium, extinctis, aedes solo imposita sunt pleno iure ejus, cuius est solum. Etenim si in aedibus solo alterius impositis tibi tantummodo competit dominium utile, dominium directum erit penes dominum soli (§. 1. 3.), qui adeo omnem proprietatem in fundo, seu solo (§. 120.), partem autem proprietatis in superficie habet (§. 3.). Quoniam vero superficiarius plus juris in superficie acquirere non potuit, quam in eum conferre voluit dominus soli (§. 382. part. 3. Jur. nat.); si ita conventum fuerit, ut dominium utile habeat ad certum tempus, vel id concessum fuerit pro certis personis, veluti pro primo acquirente ac liberis ejus primi, vel etiam secundi gradus, tempore elapso vel personis mortuis, quibus hoc jus competere poterat, jus omne superficiarium utique extinguitur. Enimvero quia dominus soli in superficie retinet dominium directum, dum superficiario utile concedit, nec hoc concedit nisi ad certum tempus, vel pro certis personis, *per hypoth.* ea omnino lege jus superficiarium constitutum intelligitur, ut tempore elapso, vel nulla amplius persona existente, cui jus illud vi contractus superficiarii competere poterat, superficies pleno jure sit domini soli. Jure superficiario itaque extincto pleno jure superficies ad dominum soli pertinet.

Naturaliter hoc obtinere nequit eo in casu, in quo dominium plenum superficiarii est penes superficiarium, nisi in contractu superficiario expresse fuerit dictum, ut mortuo superficiario, nec ullo successore existente, superficies esse debeat domini

ni

ni soli. Alias enim idem valebit, quod dictum est de dominio directo in emphyteusi (§. 62. 63.). Convenit in casu propositionis præsentis jus superficarium cum jure emphyteutico in superficie saltem constituto (§. 12.). Atque adeo ex iis, quæ de emphyteusi demonstrata sunt, facile intelligitur, quid de jure superficario in hoc casu tenendum. Hæc verò est hypothæsis juris Romani, ut jus superficarium spectetur veluti emphyteusis in sola superficie constituta, ut adeo inter emphyteusin in ædibus constitutam & jus superficarium non alia intercedat differentia, quam quod emphyteuta habeat quoque dominium utile in solo, superficarius vero in eodem nihil prorsus juris habeat, consequenter quæ in fundo latent, veluti si thesaurus inveniat, si metallifodina, aut salina detegatur, ea quidem ad emphyteutam, minime tamen ad superficarium pertineat. Variat vero non parum jus superficarium, si superficario competat dominium plenum in superficie, & si tantummodo is dominium utile in eadem habeat. Sed quamvis jure Romano jus superficarium tantummodo intelligatur de casu posteriori, id tamen minime obstat, quo minus per pactum redigatur ad formam casus prioris. Ceterum cum hoc jus naturaliter metiendum sit ex contractu superficario, quo constituitur (§. 129.); non opus est, ut de singulis, de quibus conveniri potest in eo contractu in utroque casu, figillatim diserte dicamus. Quoniam enim pacta sunt servanda (§. 789. part. 3. Jur. nat.); rata erunt ea omnia, de quibus conventum fuerit, modo non sint physice, vel moraliter impossibilia.

§. 140.

Superficiarius nullum habet jus in solo; sed tantummodo ad De jure su-
usum soli. Etenim dominus soli in superficarium tantum *pe ficiarii*
modo transfert usum fundi (§. 122.), eumque determinatum, *quoad solum.*
nimirum ut liceat habere ædes suo sumtu in fundo isto (§.
120.). Nullum itaque superficario concedit jus in ipsum
fundum, sed eidem saltem sese obligat ad patiendum, ut is
habeat ædes suo sumtu in solo ipsius. Quoniam itaque jus
(Wolffii Jur. Nat. Pars VI.) in

in re non habet is, cui nullum jus in rem ipsam competit (§. 778. *part. 3. Jur. nat.*), habet vero jus ad rem, ad quam præstandam alius ipsi obligatus est (§. 781. *part. 3. Jur. nat.*); superficiarius utique nullum habet jus in solo, sed tantummodo ad usum soli.

Vulgo equidem dicitur, superficiario competere jus ad solum, quod sibi obligatum habeat dominum ad patiendum, ut habeat ædes suo sumtu in solo ipsius; accuratius tamen dicitur, superficiario competere jus ad usum soli, quippe ad quem tanquam rem incorporalem ipsi præstandam dominus soli obligatur. Ast in verbis sumus faciles, quando in re ipsa convenimus.

§. 141.

De locatione Superficiarius ædes superficiarias vel integras, vel earum
adium su- partem alteri pro lubitu locare potest, nisi expresse fuerit conven-
perficiaria- tum, ut ipse solus eas inhabitare debeat. Etenim superficiarius
rum. vel est pleno jure dominus superficiæ, ita ut nihil juris in eadem habeat dominus soli (§. 122.), vel dominium utile in superficie habet, si ita fuerit conventum (§. 129.), consequenter de usu ac fructu rei tanquam dominus utilis pro arbitrio suo disponere potest (§. 2.). Quamobrem cum domino (§. 1207. *part. 4. Jur. nat.*), adeoque etiam ei, qui de usu ac fructu rei instar domini pro arbitrio suo disponere potest, competat jus rem alteri locandi (§. 1194. *part. 4. Jur. nat.*), quin superficiarius ædes superficiarias vel integras, vel earum partem alteri pro lubitu locare possit, dubitandum non est. *Quod erat unum.*

Enimvero quoniam jus superficiarii metiendum est ex contractu superficiario (§. 129.); si expresse ita fuerit conventum, ut superficiarius solus eas inhabitare debeat, consequenter earum usum alteri concedere nequeat, jus locandi
per

per conventionem ipsi ademptum (§. 1194. *part. 4. Jur. nat.*), adeoque locare ædes neque integras, neque partem earundem potest (§. 1156. *part. 1. Phil. præf. univ.*). *Quod erat alterum.*

Fieri potest, ut conveniatur, ne superficiarius ædes superficiarias, vel earum partem locare possit, si dominium utile conceditur in ædibus jam extantibus liberaliter, cæsi pro usu fundi, seu soli solvendum sit solarium quoddam, nec conceditur nisi determinative personis certis nominatis, quibus jus superficiarium competere debet. Alias nulla fere ratio est, cur locatio ædium superficiariarum sit prohibenda, vel prohibitio prorsus pugnat cum jure superficiario.

§. 142.

Si ad ædes superficiarias non datur ire nisi per fundum domini soli; cum jure superficiario concessum intelligitur etiam iter. Idem intelligitur de via, si usus ædium superficiariarum eam ex-um comprehendat. Qui enim jus superficiarium concedit alteri, is eidem hendat iter, concedit, ut in solo suo habeat ædes (§. 120.). Quoniam *vel viam.* igitur necesse est, ut qui ædes inhabitat ad ædes quoque ire possit; si ad superficiarias ire non datur nisi per prædium domini soli, necesse utique est, ut superficiario quoque concedat jus eundi per prædium, vel fundum suum, ad ædes suas, quas in solo ipsius habet. Atque adeo patet, cum jure superficiario concessum quoque intelligi iter (§. 1327. *part. 5. Jur. nat.*). *Quod erat unum.*

Quodsi usus ædium superficiariarum exigit viam; eodem modo patet, viam quoque in concessione juris superficiarii contineri (§. 1340. *part. 5. Jur. nat.*). *Quod erat alterum.*

E. gr. Ego tecum convenio, ut in solo tuo horreum meo sumtu habere liceat. Quodsi ad horreum non pateat via, nisi per

per prædium tuum; ecquis dubitabit, te pati debere, ut per prædium tuum non modo ad horreum eatur & agatur, verum etiam vehatur, ducatur, feratur, trahatur, quicquid in horreum, vel ex eo vehi, duci, ferri aut trahi debet. Per se hoc intelligitur, neque adeo necesse est, ut expresse de eo conveniatur. Quodsi enim dominus soli viam concedere nollit, nec poterat concedere, ut horreum extruam & extructum habeam in solo ipsius: alias enim horreum nullius esset utilitatis. Facile autem intelligitur, jus superficiarium non continere viam, si aliunde, quam per prædium domini soli, ad horreum perveniri possit, quamvis commodius accederet, si pateret via per prædium domini soli. Neque enim quod tibi utilius, id cum onere suo tibi tacite concessisse præsumitur dominus soli (§. 428. 328. *part. 3. Jur. nat.*).

§. 143.

Quando potestas alienandi ædium superficiarium esse debeat; naturaliter potestas alienandi concessa non intelligitur, nisi expresse in contractu superficiarii fuerit permessa. Si dominum saltem utile in superficiariis ædibus conceditur superficiario determinative, nominatis certis personis, pro quibus constitutum jus superficiarium esse debeat; naturaliter potestas alienandi concessa non intelligitur, nisi expresse in contractu superficiarii fuerit permessa. Etenim si in superficiariis ædibus dominum saltem utile fuerit concessum superficiario determinative, nominatis certis personis, pro quibus jus superficiarium constitutum esse debet; dominus soli ædium superficiariarum pleno jure sit dominus, si nulla amplius extet persona, pro qua constitutum jus istud (§. 139.). Plurimum adeo interest, utrum personæ nominatæ referantur ad primum acquirentem, an vero ad quemcunque alium, in quem jus superficiarium alienatum fuerit (*not. §. 52.*). Quodsi ex verbis contractus pateat, personas nominatas ad primum acquirentem referri, veluti si dicatur, jus superficiarium competere debere ipsi & ejus liberis primi, vel etiam secundi gradus; tum dubium non est, quin potestas alienandi non sit concessa. Quodsi vero ex verbis contractus non satis pateat, utrum

utrum personæ nominatæ ad primum acquirentem referantur, nec ne; ea tamen mens fuisse intelligitur domini soli, à cujus voluntate pendet lex constituendi jus superficiarium (§. 984. part. 3. Jur. nat.), ut intelligantur personæ in relatione ad primum acquirentem sic nominatæ, cum nulla adsit necessitas, ut à naturali hac interpretatione verborum recedamus, consequenter nec in hoc casu alienandi potestas intelligitur superficiario concessa. Atque adeo patet, in hypothefi propositionis præsentis alienandi potestatem naturaliter competere non posse, nisi in contractu superficiario, ex quo metiendum est jus superficiarii (§. 129.), fuerit permiffa.

In Jure naturæ sumitur, dominum soli concedere alteri, ut suo sumtu habeat ædes in eodem. Quicquid ex eo necessario sequitur, id juris naturalis est, si nihil præterea fuerit conventum. Enimvero quicquid conveniri potest de ista concessione, id naturali Jure valet, quatenus pacta eodem jure sunt servanda (§. 789. part. 3. Jur. nat.). Et per hæc pacta etiam immutari possunt, quæ alias forent juris naturalis, quatenus naturaliter de jure proprio unicuique permiffum est dispo- nere pro lubitu suo. Quodsi hæc probe perpendas, facile intelliges, quomodo reperire liceat, quæ de negotio quocunque valeant jure naturali.

§. 144.

Naturaliter etiam ita conveniri potest, ut superficie alienata An laudemius superficiarius cum domino soli contractum superficiarium renovare & laudemium certum solvere teneatur. Quoniam enim vendum, à domino soli jus superficiario constituit in solo suo (§. 120.); debus super- ab ejus voluntate pendet, quæ lege idem constituere velit ficiariis alie- (§. 984. part. 3. Jur. nat.). Quodsi ergo aliter constituere natis. nolit, nisi ut superficie alienata novus superficiarius cum do- mino soli contractum superficiarium renovet ac laudemium

O 3

certum

certain solvat; quin ita conveniri possit, quando de jure superficiario contrahitur (§. 128.), dubitandum non est.

Novum superficiarium ad præstandum laudemium alicubi adstringunt mores, quemadmodum observat *Frantzkius* de Laudem. c. 3. n. 3. c. 4. n. 45. & c. 13. n. 1. Nil enim obstat, quo minus jus superficiarium constituatur ad imitationem juris emphyteutici, cum jus emphyteuticum constitui possit in sola superficie, ita ut dominus emphyteuseos maneat dominus soli pleno jure. Et revera jus superficiarium, quale agnoverunt Romani, non differt a jure emphyteuticario in sola superficie constituto. Quamobrem nec dubitandum, quod huc respexerint, qui mores solvendi laudemium pro susceptione novi superficiarii introduxerunt, quia novus emphyteuta regulariter juxta Jus civile laudemium solvit. Quodsi animo recolas, quæ modo dicta sunt (not. §. 144.); nihil supererit circa propositionem præsentem difficultatis.

§. 145.

De canone præterito a novo superficiario solvendo. Si superficiario tantummodo dominium utile in superficie concessum; novus superficiarius solarium præteritum non solummodo solvere tenetur. Quodsi enim superficiario tantummodo dominium utile in superficie concessum, solarium non modo is solvit pro usu fundi seu soli tanquam conductor (§. 1195. part. 4. Jur. nat.), verum etiam in recognitionem dominii directi, quod habet dominus soli in ipsa superficie (§. 1. 3.). Jus igitur, quod habet superficiarius in superficie, convenit cum jure emphyteuticario (§. 12.). Quamobrem cum novus emphyteutaolvere teneatur canonem præteritum nondum solutum (§. 25.); novus quoque superficiarius solarium præteritum nondum solutumolvere tenetur.

Nimirum quando tantummodo dominium utile conceditur superficiario in superficie, ad jus emphyteuticarium animum attingisse intelliguntur contrahentes. Quamobrem in eo casu

ex

jure emphyteutico statuendum quoque est de jure superficario, nisi contractus superficiarius aliud aperte loquatur.

§. 146.

Naturaliter superficario competit jus superficiem vindicandi De jure vindicandi *adversus quemlibet possessorem, etiam adversus ipsum dominum dicendi soli.* Etenim naturaliter superficiarius est dominus superficiem *perficiem.* pleno jure, nec quicquam in ea competit domino soli (§. 120. 122.). Quamobrem cum domino competat jus rem suam vindicandi adversus quemlibet possessorem (§. 544. *part. 2. Jur. nat.*); naturaliter superficario competit jus superficiem vindicandi adversus quemlibet possessorem, etiam adversus ipsum dominum.

Quodsi dominium utile tantummodo sit concessum in superficie, dominio pleno non deest nisi pars quædam proprietatis (§. 1.), domino directo, hic domino soli, reservata (§. 3.). Quamobrem cum dominus utilis omnem ex re utilitatem percipiat solus (§. 1.), adeoque hoc jure excludat omnes ceteros, jure autem suo uti frui non possit, quamdiu rem alius detinet, nec ipse eandem in potestate sua habet (§. 461. *pa t. 4. Jur. nat.*); rem, in qua dominium utile habet, utique exigere potest a quocunque possessore, & si eam restituere nolit, ipsum vi adigere, ut restituat, consequenter jus rem vindicandi habet (§. 543. *part. 2. Jur. nat.*). Atque adeo patet, naturaliter quoque superficario competere jus superficiem vindicandi adversus quemlibet possessorem, ipsum etiam dominum soli, etsi tantummodo dominium utile in superficie habeat.

§. 147.

Superficiarius superficiem factam tectam servare debet suis Quinam sumptibus. Etenim jus superficarium in hoc consistit, ut *li-des* *superfi-* *ciarius* *factam* suo sumtu in solo alieno habere ædificium (§. 120.); *five*

tas testas five igitur superficiarius ædium superficiariarum sit pleno iure dominus, five saltem dominus utilis; necesse est, ut suis sumptibus superficiem factam testam servet.

Est nimirum de essentia juris superficiarii, ut omnes sumtus in superficiem impendendi fiant a superficiario, adeoque jus superficiarium minime foret, si ita conveniretur, ut dominus soli præstaret ædes ad usum eum aptas, quem intendit superficiarius. Id locatoris est, qui cum pro usu accipiat pensionem, ædes quoque præstare debet eidem usui aptas. Neque etiam illud æquitati contrariatur. Cum enim omnem utilitatem ex ædibus superficiariis percipiat superficiarius, nihil vero dominus soli, nisi solarium pro usu soli; æquum omnino est, ut qui commodum habere vult etiam faciat sumtus, sine quibus id haberi nequit.

§. 148.

De jure superficiario extenso. Jus superficiarium naturaliter extendi potest etiam ad alias superficies, quam ædes, veluti ad habendum hortum, vineam, sylvam, piscinam immo arborem, suo sumtu in solo alieno. Neque enim repugnat, ut alius sit dominus five jure pleno, five dominus utilis superficiesi alterius cujusdam, quam ædium, alius vero dominus five solius soli, five etiam directus superficiesi, ut adeo tanquam dominus pleno jure, vel tanquam dominus utilis habeat superficiem ab ædibus diversam in alieno solo suo sumtu. Quamobrem cum tunc jus, quod habet, conveniat cum jure superficiario (§. 120.); naturaliter utique jus superficiarium extendi potest etiam ad alias superficies, quam ædes, veluti ad habendum hortum, vineam, sylvam, piscinam, vel etiam arborem suo sumtu in solo alieno.

Quicquid conveniri potest de ædibus superficiariis; idem etiam conveniri potest de horro, vinea, sylvâ, piscinâ & arbore superficiariis. Facile hoc intelligitur, modo ea, quæ antea demonstrata fuerunt de ædibus superficiariis, ad alias superficies applicare velis.

§. 149.

§. 149.

Naturaliter non repugnat ita conveniri, ut certo casu jus su- *An jus su-*
perficiarium committatur & superficies pleno jure a domino soli ac- *perficiari-*
quiratur. Quod si enim ita convenitur, poena adjicitur in con- *um possit*
 tractu superficiario (§. 606. part. 3. Jur. nat.). Quamobrem *committi.*
 cum a voluntate domini jus superficiarium constituentis u-
 nice pendeat, qua lege id constituere velit (§. 984. part. 3.
 Jur. nat.), & ex contractu superficiario metienda sit obliga-
 tio superficiarii & jus domini soli (§. 129.); dubium non est,
 quin naturaliter ita conveniri possit, ut certo casu jus super-
 ficium committatur & superficies pleno jure a domino so-
 li acquiratur.

Quamvis adeo jure Romano jus superficiarium non amit-
 tatur, si solarium solvere cesser, vel nolit superficiarius; nil ta-
 men obstat, quo minus poena hæc conventionalis adjici possit
 contractui superficiario, præsertim si dominium utile saltem
 concessum in superficie jam extante vel liberaliter, vel pro exi-
 guo pretio, ac solarium non respondeat utilitati ex superficie
 percipiendæ. Neque enim diffiteri possumus, poenam com-
 missi in jure superficiario posse esse iniquam, veluti si quis æ-
 des suo sumtu extruxerit & solarium ului fundi, cui impositæ
 sunt, respondens solvatur. Ast rum nec facile qui sapit in
 poenam commissi consentiet.

§. 150.

Cui jus conceditur habendi certam quandam superficiem in so- *An superfi-*
lo alterius suo sumtu; is ejus loco aliam habere nequit. Etenim *ciarius jus*
 cum plus juris tibi arrogare nequeas, quam in te conferre *sum ad ali-*
 voluit dominus jus superficiarium in solo suo tibi constitu- *am superfi-*
 ens (§. 382. part. 3. Jur. nat.); extemplo patet, si tibi con- *ciem, quam*
 cessum est hanc in solo alterius tuo sumtu habere superfici- *conventam*
 em, te quidem hanc superficiem in eo habere posse, non ve- *extendere*
 ro aliam. *possit.*

(Wolffii Jur. nat. Pars I. 7.).

P

E. gr.

E. gr Si tibi concedo habere ædificium tuo sumtu in solo meo, non tibi licet loco ædium, quas extruere nolis, in eo condere hortum. Quamobrem et si naturaliter destructo ædificio ædes alias excitare liceat (§. 132.); non tamen licet in solo plantare arbores, ædificio collapsio. Non alium tibi arrogare potes usum soli alieni, quam qui tibi concessus.

§. 151.

An superficiarius usumfructum superficiei alteri concedere possit.

Superficiarius usumfructum superficiei alteri concedere potest. Etenim superficiarius superficiei in solo alterius posita pro arbitrio uti frui potest (§. 130.). Quamobrem cum nihil fiat contra jus domini soli, siue superficiei ipse utatur fruatur, siue alii concedat, ut eadem utatur fruatur (§. 239. *part. 1. Phil. pract. univ.*); nil sane obstat, quo minus alteri concedere possit, ut superficiei utatur fruatur (§. 910. *part. 1. Jur. nat.*). Quamobrem cum ususfructus alteri concedatur, si quis patitur, ut alius re sua utatur fruatur, salva substantia (§. 1420. *part. 5. Jur. nat.*); superficiarius utique ususfructum superficiei alteri concedere potest.

Nimirum superficiei vel pleno jure superficiarii est, vel saltem dominium utile in eadem habet: in utroque igitur casu de ususfructu rei tanquam dominus pro arbitrio suo disponit.

§. 152.

De pena ob non solutam pensionem annuam.

Naturaliter tam in contractu emphyteutico, quam censitico & superficiario ita conveniri potest, ut, nisi in ipso termino solvatur canon, census vel solarium, propter moram certa lege augeatur. Etenim si ita convenitur, ut, nisi in ipso termino solvatur canon, census vel solarium, propter moram certa lege augeatur; in contractu emphyteutico, censitico & superficiario poena adjicitur, si emphyteuta, censuarius vel superficiarius in termino præcise non solvit pensionem annuam (§. 606. *part. 3. Jur. nat.*). Quamobrem cum poena non alio
fine

fine adjiciatur, quam ut pensio in certo termino solvenda præcise solvatur (§. 288. *part. 1. Phil. pract. univ.*), ad præcise autem solvendum canonem, censum & solarium emphyteuta, censuarius & superficiarius obligentur (§. 665. *part. 5. Jur. nat.*); naturaliter minime repugnat in contractu emphyteutico, censitico & superficiario ita conveniri, ut, nisi in ipso termino solvatur canon, census & solarium, propter moram certa lege augeatur.

Augere pensionem, quæ solvenda, ob moram & in augenda pensione pergere ob moram continuatam in se nec iniquum, nec absurdum est, præsertim in statu naturali, cum hoc modo adigatur debitor ad solvendum, modo pœna ipsa aut potius lex, qua pensio non soluta ob moram augeri debet, nihil iniqui in se habeat. Accedit, quod dominus emphyteuseos, census & soli pœnam remittere possit, ubi videt nullam adesse emphyteutæ, censualis & superficiarii contumaciam (§. 117. *part. 3. Jur. nat.*), immo jure interno remittere debeat, si emphyteuta, censuarius & superficiarius de mora se purgare possit (§. 653. *part. 3. Jur. nat.*), allegando scilicet impedimentum inevitabile ac insuperabile (§. 650. *part. 3. Jur. nat.*). Lex, juxta quam ob moram continuatam incrementum capere debet quod solvendum, cum natura non definiatur, a consensu contrahentium pendet. Olim jure Saxonico pœnæ loco census singulis diebus, quibus censualis cessabatolvere, in progressionem geometrica dupla crescebant, ita ut si hodie non solveretur census, cras solvendus esset duplus, si cras non solveretur, tertio die solvendus esset quadruplus ac ita porro. Vid. Landrecht lib. 1. art. 54. Durum hoc videtur: ast facile intelligitur, cum censualis non incideret in pœnam commissi ob censum non solutum, talem legem pœnæ esse constitutam, quæ tendit ad jus censiticum committendum. Quando igitur pœna commissi iniqua censeretur nequit, nec pœnalis conventio, de qua hic sermo est, iniqua pronunciari potest. Suo autem loco ostendemus, ubi paciscentibus relicta est naturaliter libertas determinandi ea, de quibus convenitur; ibi etiam in civitate Ro-

atori ejusdem competere potestatem præscribendi, quomodo determinari debeant.

§. 153.

Pensiones promobiles non facta, postea ob moram certa lege continuo augeantur, *quamam sint. Pensiones promobiles*, idiomate patrio Rützscher Zinsen, appellantur.

Monet *Carpzovius* in Jurispr. for. Romano-Saxon. part. 2. const. 38. def. 25. hoc genus pensionum in foro Saxonico quondam frequentius fuisse, hodie autem rarius esse. Observat vero, iis in locis, ubi consuetudine ac usu adhuc receptæ sunt, legem progressionis geometricæ mutatam esse in legem progressionis arithmeticæ numerorum naturalium, ita ut, nisi statò die solvatur pensio, secunda die solvendum sit duplum, tertia triplum, quarta quadruplum ac ita porro. Ita gradu multo lentiori proceditur ad privationem, quam si progressioni geometricæ locus sit. Immo tum pœna hæc non solux pensionis multo mitior est pœna privationis. Notandum vero non esse de essentia pensionum promobilium, ut vel secundum numerum dierum, quibus debitor in mora est, crescant, vel diebus progredientibus in ratione arithmetica ipsæ progrediantur in geometrica dupla; sed legem incrementi, quamvis in ea determinanda semper respiciendum sit ad tempus moræ, infinitis modis variari posse, ut pensionum hoc genus ab æquitate tanto minus recedat. E-gr. Ita conveniri potest, ut, nisi intra mensem solvatur pensio, in fine mensis primi a termino solutionis elapsi solvi debeat duplum, elapsis duobus mensibus triplum, tribus elapsis quadruplum ac ita porro. Immo eodem modo crescere possunt pensiones juxta quadrantes anni. Quæ enim a libertate contrahentium pendent, ea omni possibili modo determinari possunt, ac contrahentium est eligere eum, qui placuerit. Quamobrem ita etiam conveniri potest, ut pensiones tantummodo crescant usque ad certum terminum, quem ubi attigerunt, is, cui solvenda, uti debet suo jure vi adigendi

gendi contumacem ad solvendum debitum, quod mora contraxit. Nemo non videt dari theoriam juris naturalis de pensionibus promobilibus, ut ad æquitatem reducantur, ne jus externum, quod ex contractu derivandum, degeneret in iniquitatem ac juri interno adversetur: ast nostrum non est talia jam fusius profequi, quæ non multum habent usum.

CAPUT II.

De Feudo.

§. 154.

Fidelis alteri dicitur, qui ad officia quævis humanitatis, *Fidelitas* ea præsertim, quibus damna quævis avertuntur ac *quid sit.* commoda promoventur, præstanda & si qua specialiter conventa fuerint, promptus est. Promptitudo officia ista præstandi, vel etiam complexus istorum officiorum *Fidelitas* vocatur.

Definitionem hanc fidelitatis derivavimus ex forma fidelitatis, qualis describitur II. f. 6. Ibi enim legitur: Qui domino suo fidelitatem jurat, ista sex in memoria semper habere debere, 1. *incolumem*, ne sit damno domino de corpore suo; 2. *tutum*, ne sit ei in damno in secreto suo, vel de munitionibus suis, per quas tutus esse potest, 3. *honestum*, ne sit ei damno de sua justitia, vel de aliis causis, quæ ad honestatem ejus pertinere videntur: 4. *utile*, ne sit ei in damno de suis possessionibus: 5. *facile*, ne id bonum, quod dominus suus facere leviter poterat, faciat ei difficile: 6. *possibile*, ne id, quod possibile ei erat, faciat impossibile. Additur vero, quod in sex prædictis consilium & auxilium domino quoque præstare debeat. Disertius idem exponitur in nova forma jurisjurandi fidelitatis, quod præstat vassallus domino, tit. seq. Jurare enim debet, se nunquam scienter fore in consilio, vel in facto, quod dominus amittat vitam, vel membrum aliquod; vel quod recipiat in persona aliquam læsionem, vel injuriam, vel con-

tumeliam; vel quod amittat aliquem honorem, quem nunc habet, vel in antea habebit, & si sciverit, vel audierit de aliquo, qui velit aliquid istorum contra ipsum facere, pro posse suo, ut non fiat, impedimentum præstaturum. Et si impedimentum præstare nequiverit, auxilium suum præstaturum. Et si impedimentum præstare nequiverit, quam cito poterit, illi nuntiaturum, & contra eum, prout poterit, auxilium suum præstaturum. Et si contigerit, dominum rem aliquam, quam habet, vel habebit, injuste vel fortuito casu amittere, ut eam recuperare se juvaturum, & ut recuperatam omni tempore retineat. Et si sciverit, dominum velle iuste aliquem offendere, & inde generaliter, vel specialiter fuerit requisitus, suum se ipsi, sicut poterit, præstaturum auxilium. Et si aliquid sibi de secreto manifestaverit, illud sine ipsius licentia nemini se pandere velle, vel per quod pandatur facere, & si consilium sibi super aliquo facto postulaverit, se illud ipsi daturum consilium, quod sibi videbitur magis expedire eidem, & nunquam ex persona sua aliquid facturum scienter, quod pertineat ad domini vel suorum injuriam vel contumeliam. Quod si hæc perpendas & cum iis, quæ de officiis erga alios demonstravimus in parte prima Juris naturæ ac passim etiam in secunda conferre volueris; facile patebit, in jure feudali ad fidelitatem requiri omnia humanitatis officia, ea præsertim, quæ ad damna avertendum & comoda promovendum requiruntur, ut adeo dubitandum non sit, nos terminum fidelitatis accipere in significato recepto. Per inconstantiam vero loquendi Fidelitas dicitur jusjurandum, quod a vasallo præstatur domino, II f. 4. quia scilicet eodem se obligat vasallus domino ad fidelitatem. In nostro autem Jure inconstantia loquendi locum non habet, adeoque ab hoc significato abstinemus. Præmittenda autem erat definitioni feudi definitio fidelitatis, quia illa sine hac intelligi nequit. Quamobrem ne quis dubitet, nos feudum sumere in eodem præcise significato, quo accipitur; perspicue doceri debebat, nos terminum fidelitatis sumere in significato recepto.

§. 155.

Feudum vocatur dominium utile in re sua alteri a domino concessum sub conditione fidelitatis mutuae. *Feudum quid sit.*

Notionem hanc feudi analytice adstruximus in Horis subsecivis Marburgensibus A. 1729. n. 2. §. 2. & eam non recedere a significatu vocabuli recepto ostendimus. Equidem definitio hæc videri poterat tantummodo convenire feudo dato, minime autem oblato; nullum tamen esse hoc dubium deinceps patebit, quando differentiam inter feudum datum & oblatum declaraturi sumus.

§. 156.

Res infendari dicitur, in qua feudum constituitur. Unde *Infendatio* de *Infendatio* est constitutio feudi in re aliqua. Quamobrem cum feudum sit dominium utile in re sua alteri a domino concessum sub conditione fidelitatis (§. 154.), dominium vero plenum contineat & utile, & directum (§. 1. 3. h. & §. 137. part. 2. Jur. nat.); *si res infendatur, dominium plenum dividitur in utile ac directum inter duas personas sub conditione mutua fidelitatis.* *quid sit.*

Pater adeo feudum convenire cum emphyteusi, quod utrobique dominium utile a directo separatur, & illud alicui competat sub conditione certæ præstationis; in eo autem duo hæc jura a se invicem differre, quod in emphyteusi dominium competat sub conditione præstandi canonis, seu certæ pensionis annuæ, in feudo autem sub conditione præstandæ fidelitatis. Atque hinc intelligitur emphyteusiu atque feudum tanquam duas species substatere eidem generi, ac quomodo infeudatio discernatur ab emphyteuticatione.

§. 157.

Res feudalis dicitur, in qua feudum est constitutum. Idiomate patrio vocatur ein Lehngut. *Res feudalis quamam sit.*

Per

Per inconstantiam loquendi vocatur ea etiam feudum: sed ab ea nobis abstinendum est in Jure naturæ, quæ non admittit homonymiam, sed fixum requirit terminorum significatum, quemadmodum sæpe monuimus,

§. 158.

Domini feudi & vassalli dominus feudi, seu dominus simpliciter.

Qui dominium directum in re feudali habet, dicitur *dominus feudi*, seu *dominus simpliciter*: qui utile habet, *vassallus* vocatur.

Nimirum quando feudum constituitur, dominium utile ac directum dividitur, inter duas personas, quarum altera fit dominus utilis, altera directus (§ 156.). Qui adeo nomine generali vocatur dominus utilis, hic in specie vocatur Vassallus, quemadmodum emphyteuta in emphyteusi, & qui nomine generali dominus directus appellatur, hic in specie dominus feudi audit, quemadmodum dominus emphyteuseos in emphyteusi. Quando autem in utroque casu dominus directus simpliciter dominus dicitur, id fit brevitatæ gratia per ellipsin, ut in priori casu subintelligatur ex substrata materia feudum, in posteriori emphyteusis, tanquam res, cujus autor est dominus superior.

§. 159.

Jus vassalli in re feudali.

Quoniam vassallus dominium utile in re feudali habet (§. 158.), dominium vero utile continet jus utendi fruendi nullo modo restrictum, proprietatem vero certo quodam modo ad alium restrictam (§. 1.); vassallo competit jus utendi fruendi re feudali prorsus irrestrictum, atque proprietatem nonnisi restrictam habet, consequenter is de usu ac fructu rei feudalis pro arbitrio suo, non autem prorsus pro arbitrio de ipsa substantia disponere valet (§. 2.).

Vide, quæ supra de jure domini utilis annotavimus (not. §. 2.).

§. 160.

§. 160.

Similiter quia dominus feudi dominium directum habet *Jus domini* in re feudali (§. 158.), dominium vero directum consistit in *feudi in ge-* parte proprietatis, quæ per ejus restrictionem domino utili *vere* adempta (§. 3.); *dominus feudi partem proprietatis*, adeoque *juris disponendi de ipsa substantia rei feudalis* (§. 131. part. 2. *Jur. nat.*), quod *vasallo ademptum, in re feudali habet*, & hinc *pro ea parte proprietatis, quæ ipsius est, de ipsa substantia rei disponere potest*, & quando ipso *inscio ac invito vasallus disponere audeat, actus ipso jure nullus est* (§. 4.).

Relegenda hic sunt, quæ supra annotavimus (not. §. 3.4.).

§. 161.

Substantialia feudi vocamus determinationes essentielles, *Substantia-* per quas feudum in genere concipitur. Quoniam itaque *ge-* *lia feudi* nus ea continet, quæ speciebus omnibus communia sunt *quænam di-* (§. 234. *Ontol.*); *substantialia feudi omni feudo insunt, nec ab eo cantur.* *abesse possunt.* Et quoniam feudum est dominium utile in re sua alteri a domino concessum, cui adeo directum competit (§. 1. 3.), sub conditione mutux fidelitatis (§. 155.); *sub-* *stantialia feudi sunt respectu vasalli dominium utile in re feudali,* & *fidelitas domino directo præstanda, respectu autem domini seu-* *di dominium directum & fidelitas vasallo præstanda.*

Fidelitas a domino directo vasallo præstanda requiritur etiam II. f. 6. Diserte enim legitur: Dominus quoque in his omnibus vicem fideli suo reddere debet; quod si non fecerit, merito censetur malefidus. Quamvis adeo vulgo in definitione feudi tantummodo mentio fiat fidelitatis a vasallo præstandæ, non tamen propterea negatur, dominum quoque vasallo fidelitatem debere. Equidem ad substantialia quidam etiam referre solent attributa, quæ non minus constanter insunt (§. 150. *Ontol.*). Sed cum ea per essentialia determinentur (§. 146. *Ontol.*), adeoque ex definitione exulare debeant (§. *Wolffii Jur. Nat. Pars VI.*)

Q

(§.

(§. 950. *Log.*); nobis placet substantialia in significato strictioni accipere, ubi ea consideramus, quæ ad feudum tanquam jus quoddam peculiare concipiendum requiruntur, & ea, quæ ad feudum in genere concipiendum requiruntur, distinguimus ab iis, quæ speciebus diversis constituendis inserviunt. Legi hic possunt, quæ in Horis subsecivis loc. cit. (*not.* §. 155.) uberius eam in rem diximus.

§. 162.

*Naturalia
feudi quan-
tum dicantur.*

Naturalia feudi dicuntur determinationes essentielles, quæ constituunt differentiam specificam feudi communiter autoritate legis vel moribus recepti.

Ita e. gr. inter naturalia feudi in Germania refertur jurata promissio fidelitatis a Vasallo requisita. Etenim in genere ad feudum minime requiritur, ut promissio fidelitatis sit jurata, quemadmodum deinceps videbimus. Sed propterea feudum non definit tale esse, quod vasallus jurato non promiserit fidelitatem. Quando tamen de essentia feudi est, ut jurata sit promissio, nec alias jus hoc subsistere possit; hæc promissio ad differentiam specificam feudi recepti ab aliis speciebus pertinet. Vide quæ alibi, nempe in Horis subsecivis loc. cit. §. 4. uberius exposita sunt. Substantialia unico tantum modo determinabilia sunt, sed naturalia ad ea pertinent, quæ istis manentibus iisdem non uno modo determinari possunt, hoc tamen modo vel autoritate legis, vel moribus ordinarie ita determinantur, nisi per pactum determinentur aliter. Nimirum promissio fidelitatis fieri potest cum juramento, fieri etiam potest sine juramento, & quando non fit cum juramento, fieri potest cum asseratione, vel sine eadem. Quod igitur autoritate legis, vel moribus introducitur, qui vim legis obtinent, illud tanquam naturale ad feudum requiritur.

§. 163.

*Accidental-
ia feudi*

Accidentalibus feudi dicuntur determinationes essentielles, quæ constituunt differentias specificas specierum feudorum

a specie juris autoritate vel moribus communiter recepta *quoniam dicantur* differarum.

E. gr. Inter accidentalia feudi referri solent obligatio vasalli ad officia insolita atque liberatio ab omnibus servitiis, quæ ordinarie præstanda sunt, quia nimirum hæc ordinarie feudo non insunt, quale autoritate legis ac moribus introductum. Juxta naturæ legem non datur feudum ordinarium, nec respectu hujus cetera dicuntur extraordinaria, & libertati uniuscujusque relictum est, quomodo ea determinare velit, quæ in notione generali feudi indeterminata variis modis determinari possunt (§. 984. *part. 3. Jur. nat.*). Quamobrem in Jure naturæ nulla datur differentia inter accidentalialia & naturalia feudi, nec utilitatem ullam habet distinctio substantialium ab accidentalibus & naturalibus. Quoniam vero Feudistæ multa de substantialibus, naturalibus & accidentalibus feudorum loquuntur; terminos hosce vel ideo explicare debuimus, ut pateret, distinctionem istam in Jure naturæ non habere locum & nullius prorsus esse utilitatis, etsi a substantialibus accidentalialia & naturalia communi quodam nomine distinguere velis, ut in illo admitti possit. Ceterum si distinctionem istam penitus inspicere volueris, legenda sunt ea, quæ de notione substantialium, naturalium & accidentalium feudi commentati sumus in Horis subsecivis Marburgensibus A. 1729, trim. æstiv. n. 2, & ad quæ jam ante (*not. §. 155. 160. 161.*) provocavimus. Uruntur interpretes Juris civilis etiam in contractibus distinctione eorum, quæ contractibus insunt, in substantialia, naturalia & accidentalialia, ita ut *substantialia* dicantur, quæ contractui constanter insunt, nec unquam ab eo abesse possunt, *naturalia*, quæ ordinario accedere solent & *accidentalialia*, quæ nec necessario, nec ordinario insunt, inesse tamen possunt, adeoque extraordinarie accedunt. Enimvero hanc ipsam distinctionem in doctrina contractuum insuper habuimus, tum quia in Jus naturæ minime quadrat, tum quia reformata, ut admitti in eo possit, nullam tamen habet utilitatem.

§. 164.

Unde veniens determinatio- nes substantia- bus d.versa. A voluntate feudum constituentis pendet, quas determinationes a substantia- bus d.versa. 984. part. 3. Jur. nat.), a constituentis utique voluntate pendet, qua lege id constituere velit (§. 984. part. 3. Jur. nat.), consequenter quomodo ea determinare velit, quæ in notione generali feudi determinata non sunt. Quamobrem cum determinationes essentielles, quæ insunt notioni feudi in genere, substantialia feudi sint (§. 161.); a voluntate feudum constituentis utique pendet, quas determinationes substantialibus superaddere velit.

Nimirum cum determinationes, quæ substantialibus adji- untur, ita sint comparatæ, ut per hæc non determinentur, alias enim jam feudo inessent, nec demum adjici deberent, nec tamen repugnet, ut cum substantialibus una insint feudo, alias enim adjici non possent; ideo patet, eas in essentialium nume- rum referendas esse (§. 143. Ontol.), adeoque quia generis no- tioni non insunt per hypoth. ad differentiam specificam pertine- re (§. 236. Ontol.), & sic earum adjectione certam feudi spe- ciem determinari. Quamobrem quando voluntate constitu- entis adjiciuntur substantialibus certæ determinationes, hoc perinde est, ac si e multis speciebus feudorum possibilibus eli- gatur una, quæ præ ceteris placuerit, vel cujus nobis notio occurrit. Quoniam adeo vi libertatis naturalis constituens eam eligere potest, quam voluerit (§. 156. part. 1. Jur. nat.); ideo eas quoque determinationes substantialibus superaddere potest, quas voluerit. Et quamvis jus naturæ perfectivum nos obli- geret ad eligendum id, quod in dato casu melius (§. 193. part. 1. Phil. pract. univ.); jure tamen externo non attendenda hæc ob- ligatio (§. 157. part. 1. Jur. nat.). Cumque hæc disquisitio pertineat ad constituentem; de ea ut sollicitus sit alter, cui feu- dum constituitur, opus non est (§. 422. part. 3. Jur. nat.). Jure adeo externo indifferens censetur electio, modo caveatur, ne quid adjiciatur, quod moraliter impossibile. Hactenus di-

Ita probe perpendi velim: libem enim inexpectatam affundunt notionibus entium moralium, modo ea animo comprehendere, quæ de ente in genere docuimus in Ontologia. Quomodo vero entia moralia rite concipi debeant, qui intellexerit, is in omni Jure intimius perspicier, quæ vulgo nonnisi per transennam conspiciuntur, eidemque patebit via, qua sit eundem, ut ad theoriam juris perfectivi perveniat & jus externum interno maxime conformetur.

§. 165.

Nemo alteri feudum in re constituere potest, nisi dominus. Quinam
Quando enim feudum in re constituitur, alteri constituitur *feudum in*
jus in re (§. 155.). Enimvero nemo alteri jus in re consti-*re constitu-*
tuere potest nisi dominus (§. 983. *pari. 3. Jur. nat.*). Quam-*ere possit.*
obrem nemo alteri feudum in re constituere potest, nisi do-
minus.

§. 166.

Quando dominus alteri constituit feudum in re sua, *Feudum da-*
feudum dicitur *datum.* *tum quid sit.*

Etenim tum dominium utile, quod una cum directo in re
sua habet dominus, in alterum transfert (§. 155.), adeoque jus
hoc, in quo consistit feudum (§. *cis.*), alteri dat (§. 675. *part.*
2. *Jur. nat.*).

§. 167.

Dominus rem suam alteri dare potest sub hac conditione, ut De re sua
ipsi feudum in eadem constituatur. A domini enim voluntate *ad infen-*
pendet, quomodo dominium rei suæ in alterum transferre *dandum ob-*
(§. 11. *part. 3. Jur. nat.*), consequenter rem suam alteri dare *lata.*
velit (§. 675. *part. 2. Jur. nat.*). Quodsi ergo rem suam al-
teri dare libuerit sub hac conditione, ut ipsi feudum in ea-
dem constituatur; quin hoc facere possit dubitandum
non est.

Q3

Nimirum

Nimirum quia alteri res datur, is fit ejus dominus. Quoniam vero datur sub ea conditione, ut danti feudum constituatur in re data, adeoque cum onere constituendi feudi, cum non plus juris acquirere is possit, quam in eum transferre voluit dans (§. 382. *part. 3. Jur. nat.*); accipiens obligatur ad feudum in re data danti constituendum, adeoque dominium utile ipsi concedere tenetur sub conditione mutue fidelitatis (§. 155.), consequenter non retinet nisi dominium directum (§. 1. 3.).

§. 168.

Feudum oblatum quid dicitur oblatum.
§.

Quando danti constituitur feudum in re data, *feudum oblatum* dicitur.

Paret adeo, quanam differentia intercedat inter feudum datum & feudum oblatum. Quando enim feudum datur, res infeudata traditur a domino vasallo; quando offertur, res infeudanda offertur ab eo, qui plenum dominium habet, alteri, & infeudata ab eo recipitur. Quando traditur, dominium utile transfertur in alterum, qui nihil juris in re habebat, & transferens retinet dominium directum. Quando res infeudanda offertur, dominium plenum transfertur in alterum sub hac conditione, ut utile recipiatur, directum maneat apud eum, in quem plenum fuerat translatum. Atque adeo in utroque casu dominium utile conceditur vasallo a domino feudi, & vasallus recognoscit eum tanquam dominum directum, a quo feudum habet. Feuda primum appellata fuere *Beneficia*, quia dominium utile gratis concessum in re, in qua quis nihil juris habebat. Qui igitur rem suam infeudandam alteri obtulerunt, ut eandem per modum beneficii ab eo posthac haberent, eam ipsi dare utique debuerunt. Quamobrem non dubitamus feudum oblatum ita esse concipiendum, quemadmodum diximus. Equidem non ignoro, hanc assignari solere differentiam inter feudum datum & oblatum, quod illud constituatur translatione domini utilitatis, reservato sibi directo, hoc vero translatione domini directi, sibi reservato utili; non tamen proprie feudum constitui dicitur translatione domini directi, cum enim in dominio utili consistat (§. 155.), feudum proprie loquendo nonnisi translatione

tionem domini utilitatis constituitur. Quamobrem ut ei, qui pleno jure rem habet, dominium utile in ea constitui possit, necesse est, ut ante constituentis propria fiat, quam feudum constituarur. Verum tamen est, dum res alteri datur sub ea conditione, ut infeudetur, tantum sibi reservare dominium utile, nimirum ut ipsi concedatur. Perinde igitur est, quomodo feudum oblatum concipere velis. Utrobique nimirum qui ante erat pleno jure dominus, tantummodo est dominus utilis, & alter, qui nihil juris in re habebat, dominus directus: quem admodum ex adverso, si feudum fuerit datum, qui pleno jure ante erat dominus, tantummodo fit dominus directus, & alter, qui nihil juris in re habebat, dominus utilis.

§. 169.

Qui rem in feudum offert, conditiones offerre potest, sub quibus id constitui vult, seu significare, quas determinationes substantialibus & casualibus superaddi velit. Etenim qui rem in feudum offert, is *accidentalibus* alteri dare vult rem suam sub ea conditione, ut sibi feudum *feudo oblatum* in ea constituatur (§. 168.). Quoniam itaque a domini *lato adscriptis* voluntate pendet, quomodo dominium rei suae in alterum transferre velit (§. 11. *part. 3. Jur. nat.*); qui rem in feudum offert, conditiones utique offerre potest, sub quibus id constitui velit, seu quod perinde est, significare, quas determinationes substantialibus superaddi velit, ut scilicet certa prodeat feudi species (§. 161. & *seqq.*).

Hoc minime contrariatur ei, quod supra demonstravimus a voluntate feudum constituentis pendere, quas determinationes substantialibus superaddere velit (§. 164.), etsi sumatur feudum quoque oblatum constitui ab eo, cui res infeudanda offertur. Etenim quamvis offerens offerat quoque conditiones feudi constituendi; ab alterius tamen voluntate pender, num conditiones oblatas acceptare velit, an potius in iisdem quid immutare, aut alias offerre, ut adeo nec in hoc casu dici possit constituere feudum nisi sub iis conditionibus, quae placuerint.

Quodsi

Quodsi enim interest offerentis, ut res infeudetur; in eas utique consentire tenerur conditiones, sub quibus infeudationem acceptare voluerit, qui infeudare debet.

§. 170.

*Quomodo
feudum con-
stituatur.*

Feudum constituitur pacto. Quando enim feudum constituitur, alteri jus constituitur in re aliena (§. 135.). Enimvero jus alteri constituitur in re aliena pacto (§. 988. part. 3. Jur. nat.). Ergo etiam feudum naturaliter pacto constitui debet.

Ostenditur etiam hoc modo. Quando feudum constituitur, tum vel dominium utile, vel directum ab eo acquiritur, qui plenum habebat (§. 166. 168.). Enimvero dominium plenum, vel directum pactione acquiritur ab eo, qui plenum habet (§. 11.). Feudum igitur pacto constituitur.

§. 171.

*Contractus
feudalis qui-
nam sit.*

Contractus feudalis vocatur, quo de feudo, quod constituitur, inter se conveniunt dominus feudi & vassallus, seu quo feudum constituitur & acquiritur.

Vide, quæ supra de contractu superficiario annotavimus (not. §. 128.).

§. 172.

*Unde meti-
endum sit
jus obliga-
tio vassalli &
domini.*

Quoniam in contractu feudali de constitutione feudi convenitur (§. 171.), nemo autem plus juris ab altero acceptatione sua acquirere valet, quam in eum transferre voluit, nec ultra voluntatem suam alterum sibi obligare potest (§. 382. part. 3. Jur. nat.); ex contractu feudali metiendum est jus, metienda obligatio tam domini feudi, quam vassalli.

Equidem ex ipsa notione etiam feudi fluunt quædam jura ac obligationes; non tamen propterea nascuntur aliunde, quam ex contractu, quo feudum constitutum & acquisitum. Vi contractus enim tu dominus es, ego vassallus tuus sum, arque adeo tibi competunt jura vi notionis feudi domino competen-
tia,

ria, quemadmodum mihi jura vasalli, & tu mihi teneris ad ea, ad quæ dominus qua dominus obligatur vasallo, ego tibi ad ea, ad quæ vasallus qua vasallus obligatur domino. Cum vero plura sint, de quibus convenitur in contractu, & quæ omni feudo non insunt; hæc unice dijudicanda sunt ex contractu feudali naturaliter. Jure enim positivo feudo inesse possunt, quæ ex lege veniunt, adeoque ex eadem definiuntur.

§. 173.

In contractu feudali definiendæ sunt determinationes, quas De quonam substantialibus superaddere visum est. Quoniam enim præter in contractu determinationes substantiales, quæ omni feudo insunt (§. 161.), feudali addantur adhuc aliæ, quæ differentiam specificam feudorum constituunt (§. 163.), & a voluntate feudum constituentis pendet, quasnam determinationes substantialibus superaddere velit (§. 164.); ideo necesse est, ut, dum feudum constituitur, definiantur determinationes, quas substantialibus superaddere visum est. Quamobrem cum de feudo, quod constituitur, conveniatur inter dominum ac vasallum in contractu feudali (§. 171.); in contractu feudali definiendæ sunt determinationes, quas substantialibus superaddere visum est.

In Jure naturæ non dantur nisi substantialia & non substantialia, nec hæc in naturalia & accidentalia distingui possunt, cum naturalia & accidentalia in eundem sensum sint referenda (not. §. 163.). Quoniam vero non substantialia manentibus iisdem substantialibus variare possunt; necesse utique est, ut de his conveniatur (§. 382. part. 3. Jur. nat.). Quamvis enim a constituentis voluntate pendeat, quasnam determinationes substantialibus superaddere velit; necesse tamen est, ut a vasallo acceptentur. Immo nisi in contractu feudali definiantur, jura domini ac vasalli non forent certa, nec certæ forent obligationes, quæ tamen ex contractu isto metienda veniunt (§. 172.). Omnia igitur confunderentur, nisi determinationes prædictæ in contractu definiantur. Facile apparet, nos hic (Wolffii Jur. Nat. Pars VI.) R loquî

loqui de eo, quod naturaliter valet: lege enim positiva in statu civili si certa feudi forma præscripta, a qua ne latum quidem digitum recedere liceat, ita ut pactis nihil in ea immutari, nec quicquam superaddi possit, tum utique in contractu feudali nihil superaddi poterit, nec tum dantur, nisi substantialia & naturalia feudi, seclufis accidentalibus.

§. 174.

*De feudi
constitutio-
ne lucrati-
væ.*

Feudum constitui potest vel gratis, vel ut aliquid pro eo detur, aut fiat. Etenim vel dominus feudum alteri constituit in re sua (§. 166.), vel alteri datur res sub ea conditione, ut sibi feudum in eadem constituatur (§. 168.). Quoniam itaque a domini voluntate pendet, quomodo jus quoddam in alterum transferre velit (§. 11. part. 3. *Jur. nat.*); feudum quoque constitui potest vel gratis, vel ut aliquid pro eo detur, aut fiat.

Haud difficulter apparet constitutionem feudi tam gratuitam, quam onerosam esse posse tum ex parte domini feudi, tum ex parte vassalli, prouti feudum vel datum, vel oblatum est. De origine feudorum historica non sumus solliciti in Jure naturæ, multo minus ejus in definiendo feudo habenda ratio est, cum facta in Jure naturæ non sumantur, nisi quatenus possibilia sunt. Quamvis adeo ponamus, feuda ab initio fuisse data loco solarii pro servitiis præstandis; hoc tamen non attenditur in definitione feudi. Neque enim propterea feudum est jus aliquod possibile, sed quia istiusmodi jus possibile, hunc facere libuit ejus usum. Omne jus possibile fuit in ideis rerum, antequam de eo cogitarent homines, vel ejus aliquem usum facerent. In Jure naturæ perinde est, si feuda ab initio fuerint data, si oblatæ, & quæcunque de causa constituta. Quæ enim ad historiam pertinent, ex illo exulare debent.

§. 175.

*De modo,
quo feudum
petuum
conceditur.*

Feudum constitui potest vel ad certum tempus, vel in perpetuum, sive simpliciter, sive determinative, nominatis certis personis,

personis, ad quas transmitti queat. Ostenditur eodem prorsus modo, quo idem de emphyteusi demonstratum (§. 29.).

Emphyteusis, & feudum in eo conveniunt, quod dominium utile alicui in re concedatur: in eo autem differunt, quod idem non concedatur utrobique sub eadem conditione, cum emphyteusis constituatur sub conditione solvendi canonis, feudum vero sub conditione mutue fidelitatis (§. 12. 155.). Immo naturaliter emphyteusis non minus esse potest tam data, quam oblata, quemadmodum feudum. Quemadmodum enim ostendimus (§. 167.), dominum alteri rem suam dare posse sub hac conditione, ut ipsi feudum in eadem constituatur, unde oritur feudum oblatum (§. 168.); eodem etiam modo ostenditur, posse dominum rem suam alteri dare sub hac conditione, ut emphyteusis ipsi in eadem constituatur, unde emphyteusis erit oblata, quippe quæ danti constituitur in re data. Facile patet, generalem dari theoriam emphyteuseos ac feudi, quippe quæ duo jura sub eodem genere continentur, quamvis id ipsum peculiari nomine destituatur. Neque enim dici potest genus hoc esse dominium utile, cum non tam sit dominium utile simpliciter spectatum, quam sub certæ cujusdam præstationis conditione concessum alteri: sit ita quod communiter emphyteusis & feudum pro speciebus domini utilitis tanquam generis remotioris habeantur. Nimirum naturaliter non repugnat, ut quis dominium utile, alter directum habeat absque ulla conditione, ita ut neque canon præstandus sit, neque fidelitas; sed utilitas in eo tantum consistat, ut dominus directus certo casu fieri possit pleno jure dominus, ne separatio domini directi ab utili sit actus temerarius (§. 277. *part. 3. Jur. nat.*), in Jure naturæ non admittendus (§. 278. *part. 3. Jur. nat.*), nec jura extendantur ad casus non facile dabiles.

§. 176.

Quoniam naturaliter feudum constitui potest in perpetuum determinative, nominatis certis personis, ad quas transmitti potest (§. 175.); *feudum naturaliter constitui potest tum nis constitu-*

R 2

pro so.

pro masculis solis, tum pro solis feminis, tum promiscue pro masculis & feminis. Et eodem modo patet, idem constitui posse tum pro solis descendens, tum etiam pro agnatis & cognatis collateralibus.

Supponimus hic discrimen inter descendentes & collaterales, itemque inter agnatos & cognatos, quia termini hi satis noti. Suo autem loco, quando de agnatione & cognatione acturi sumus ex instituto, eos distincte explicaturi sumus. In Jure naturæ valet, quod possibile, modo idem non sit moraliter impossibile, nec quicquam refert, si vel maxime tale jus nulli adhuc unquam fuerit receptum.

§. 127.

De feudo ad certum tempus. Similiter quoniam *feudum* constitui potest ad certum tempus, *vel constitui potest ad dies vita, vel ad certum annorum numerum.*

In utroque casu certum est, quamdiu feudum durare debeat, quod non ita obtinet, si pro certis personis in genere nominatis constituatur, quoniam constare nequit, quamdiu istiusmodi personæ sint exituræ. Et quamvis etiam dies mortis certus non sit, certum tamen est, eum esse adventurum, neque ultra terminum aliquem removeri posse.

§. 128.

De servitiis a vasallo præstandis. Naturaliter ita etiam conveniri potest, ut *vasallus* certa præstet servitia, veluti *militaria*. Etenim naturaliter a voluntate feudum constituentis pender, quas determinaciones substantialibus superaddi velit (§. 164). Quod si ergo velit, ut *vasallus* obligatus sit ad certa præstanda servitia, veluti *militaria*; naturaliter quoque ita conveniri potest, ut *vasallus* certa præstet servitia, veluti *militaria*.

Hoc in primis locum habet in feudis datis, ubi conditiones offert constituens, quamvis non ante valeant, nisi ubi fuerint acceptæ.

acceptata: id quod ex eo abunde patet, quod feudum constituitur pacto (§ 170.), atque ideo ex contractu feudali metiendum sit jus domini & obligatio vassalli (§. 172.).

§. 179.

*Ex adverso quoque ita conveniri potest, ut dominus vassallo De præstatio-
et quedam præstanda obligatus sit.* Etenim si quis alteri rem *dis a domino*
offert ea conditione, ut ipsi feudum in eadem constituatur; *vassallo.*
is etiam conditiones offerre potest, sub quibus id constitui
vult (§. 169.). Quodsi ergo eidem visum fuerit rem in feu-
dum dare alteri sub ea conditione, ut is ad quasdam præ-
stationes ipsi sit obligatus; nil sane obstat, quo minus ita
conveniri possit. Immo etiam rationes esse possunt domi-
no, cur ad certas præstationes sponte sua se obliget.

Principio hoc suo loco utemur, quando de infeudatione
imperit agetur. Ex quamvis propositio præsens conveniat po-
tissimum feudo oblato; non tamen prorsus impossibile est, ut
etiam in dato, ubi dominus conditiones offert, adjiciat condi-
tionem a se præstandorum, ut vassallus acceptet feudum sub
conditione servitiorum ab ipso præstandorum.

§. 180.

Naturaliter feudum quoque revocabiliter constitui potest. Quo- *De feudo re-*
nam enim si feudum fuerit datum, dominus alteri feudum *vocabiliter*
constituit in re sua (§. 166.), adeoque dominium utile rei *constituit.*
sua, in qua nihil juris competebat vassallo, in hunc transfert
(§. 155.), quilibet vero in alterum jus aliquod etiam revo-
cabiliter transferre potest (§. 16. *part. 3. Jur. nat.*); si feudum
fuerit datum, id revocabiliter constitui potest. Quodsi feu-
dum fuerit oblatum, dominus rem suam alteri dat sub hac
conditione, ut feudum sibi in ea constituatur (§. 168.). Quo-
nam itaque res alteri dari potest revocabiliter (§. 16. *part. 3.*
Jur. nat.), consequenter ut danti reservetur jus alterum, cui
res data, jure suo iterum excludendi (§. *cit.*); non repugnat.

R 3

ut

ut alteri rem des sub ea conditione, ut feudum tibi in ea constituat, tibi vero integrum sit ipsum excludere dominio directo, quod feudo constituto ipsi superfuit, consequenter ut res iterum pleno jure tua sit, quando tibi visum fuerit. Atque adeo denuo patet, feudum quoque revocabiliter constitui posse, si fuerit oblatum. Quoniam itaque feudum omne vel datum est, vel oblatum (§. 166. 168.), quatenus nimirum necesse est, ut vel in re, in qua feudum constituitur, antea nihil juris habueris, vel eadem pleno jure ad te pertinerit, feudum vero revocabiliter constitui potest, siue fuerit datum, siue fuerit oblatum, *per demonstrata*; ideo patet, feudum in genere revocabiliter constitui posse.

Quando feudum oblatum revocabiliter constituitur, ita omnino convenitur, ut dominus directus obligatus sit ad feudum revocandum, quo facto erit pleno jure dominus, tumque tibi jus sit revocandi dominium plenum, quod in ipsum transuleras sub conditione feudi constituendi. Quando enim feudum amplius habere non vis, sed rem pleno iterum jure possidere; necesse est ut ante acta omnia revocentur. Quod si dicere velis, hisce ambagibus non esse opus, sufficere enim ut revocetur dominium directum, ac tunc consolidatione effici dominium plenum: tum dici nequit feudum revocabile, sed dominium directum, & dominio directo revocato feudum consolidatione extinguitur. Atque adeo patet nos minime inanes fingere subtilitates, sed feudum oblatum revocabile concipere, quemadmodum concipi potest.

§. 181.

*De feudo
pure vel sub
certa condi-
tione revo-
cabili.*

Quoniam jus aliquod revocabile esse potest vel pure, vel sub certa conditione, ut scilicet hac existente, liceat revocare, antequam vero ea existat, vel si non existat, revocare non liceat, feudum vero etiam revocabiliter constitui potest (§. 180.); *feudum revocabiliter constitui potest vel pure, vel sub certa conditione.*

Quando

Quando feudum revocabiliter constituitur pure, tum revocari potest, quandocunque libuerit: quodsi vero revocabiliter constituitur sub certa condicione, tum condicione existente revocari quidem potest, sed ut revocetur necesse non est, postquam extitit conditio, revocari potest, quando visum fuerit.

§. 182.

Quodsi ita conveniatur, ut canon certus etiam præstetur; Quando feudum miscetur cum emphyteusi. Etenim in emphyteusi feudum minimum utile conceditur sub condicione canonis præstandi *scatur cum* (§. 12. 14.). Quamobrem cum feudum in eo differat ab *emphyteusi*, emphyteusi, quod constituatur sub condicione mutæ fidelitatis (§. 155.); si ita conveniatur, ut canon etiam certus præstetur, feudum cum emphyteusi miscetur.

Nimirum in hoc casu substantialia feudi & emphyteuseos conjunguntur (§. 161.), adeoque utrumque jus miscetur, ut prodeat mixtum ex emphyteusi & feudo. Quoniam enim non repugnat, ut is, cui dominium utile conceditur sub condicione mutæ fidelitatis, etiam certum canonem præstet; sub utraque condicione simul ut concedatur fieri utique potest. Jus adeo feudi & emphyteuseos ad constituendum jus aliquod mixtum concurrere possunt (§. 142. *Ontol.*). Hæc distinctius exponere visum fuit, cum faciant ad intelligendum originem entium moralium.

§. 183.

Vasallus obligari potest ad continuam quandam præstationem De onere in gratiam tertii. Etenim constituens in contractu feudali determinationes substantialibus pro lubitu adicere potest (§. *iii adjecto*, 164. 173.). Quoniam itaque promissor, consequenter etiam is, qui aliquid actu dat, onus quodcunque pro arbitrio adicere potest (§. 586. *part. 3. Jur. nat.*); feudum quoque constituens onus in gratiam tertii adicere potest. Quamobrem cum onus adjiciatur in gratiam tertii, si vasallus aliquid

quid tertio cuidam præstare debeat (§. 585. *part. 3. Jur. nat.*); vasallus quoque obligari potest ad continuam quandam præstationem in gratiam tertii.

Ita e. gr. conveniri potest, ut vasallus tertio cuidam censum quendam sive in pecunia numerata, sive in rebus aliis consistentem quotannis solvat, vel ut tertio cuidam obligetur ad certa servitia, vel ut quotannis certo die eleemosynas certas distribuat pauperibus. Ceterum quod a promissione ad juris constitutionem argumentemur, qua actu jus quoddam in alterum confertur, vel res certo modo datur, nihil difficultatis habet. Promittere enim ac dare non differunt nisi tempore: promissio actus est, qui in futurum prominet, datio autem actus, qui in præsens absolvitur. Quemadmodum itaque quod datur, illud etiam promitti potest, quippe suo tempore dandum; ita etiam eodem modo quid dari, quo promitti potest. Immo jus promittentis fuit ex jure dantis, quia nimirum dare potes, promittere etiam potes. Differt autem canon annuus a vasallo præstandus ab onere tertio cuidam quidpiam dandi vel faciendi. Etenim canon præstatur domino, non tertio, & ille præstatur in recognitionem domini directi, in præstatione autem, quæ fit in gratiam tertii, nullus attenditur finis, sed nuda respicitur obligatio vasalli, quæ pender a voluntate constituentis, ut alia non quaeratur ratio, cur hoc præstandum sit tertio, sed pro ratione fieri voluntas constituentis.

§. 184.

Feudum censuale definitio.

Feudum censuale seu *pensionarium* appellatur, si vasallus loco servitiorum quotannis canonem certum præstare tenetur: immo in Jure naturæ censuale appellare licet, si juxta alia servitia præstandus etiam canon est.

Sunt qui existimant feudum in emphyteusin, vel censum degenerare, si certus canon, vel census quotannis solvendus. Enimvero vidimus in anterioribus (*not. §. 182.*), feudum tum fieri jus mixtum ex feudo & emphyteusi, ut adeo verior sit illorum sententia, qui negant, propter canonem solvendum feudum

dum abire in emphyteusin, vel censum. Quoniam enim feudum prædominatur in hac mixtione, nil obstat, quo minus tanquam feudum improprie sic dictum spectetur, vel etiam pro certa feudi specie habeatur, & sic admodum convenienter feudum censuale, seu pensionarium appelletur.

§. 185.

Feudum francum dicitur, si vassallus ad nulla servitia præ- *Feudi franci*
standa domino obligatur, idiomate patrio *Freylehn*. *definitio.*

Francum hic idem significat quod liberum: descendit enim a voce Germanica obsoleta *Franc*, quod liberum significat. Naturaliter vero non opus est, ut servitia a domino remittantur, cum feudum constitui possit vel sub conditione præstandorum certorum servitiorum, præsertim militarium, vel etiam absque hac conditione (§. 174. 164.), cum ad substantialia feudi non requiratur præstatio servitiorum (§. 161.), naturalia vero ignoret Jus naturæ (not. §. 163.). Quamobrem quoque feudum francum naturaliter referri nequit ad feuda improprie sic dicta, sed species quadam est feudi proprie sic dicti.

§. 186.

Servitia feudalia vocantur, quæ vassallus domino ex *Servitia*
contractu feudali præstare tenetur. Idiomate patrio *Lehn* *feudalia*
Dienste dicuntur. Pertinent huc imprimis servitia militaria, *quænam sint.*
de quibus specialiter conventum est, eo modo præstanda, de quo fuerit conventum. Militaria nobis *Ritterdienste*
appellantur.

Referri communiter solent ad fidelitatem, quatenus inter naturalia locum habent: sed hoc juris positivi est, prouti modo insinuavimus (not. §. 185.). Et in contractu feudali servitia specialiter determinantur, qualia præstanda.

§. 187.

Quodsi vassallus domino servitia præstare tenetur con. *Feudi ligii*
tra omnes, *Feudum* vocatur *ligium*: si vero quidam exci. *non ligii* dif-
(*Wolfii Jur. Nat. Pars VI.*) S *pian-ferentia.*

piantur, contra quos illa præstare non tenetur, *Feudum non ligium* appellatur.

Subinde necesse est, ut quidam excipiat, contra quem servitia, militaria præsertim, præstanda non sunt, veluti, si quis jam feudum aliquod habet, & deinde aliud acquirat ab alio domino, tunc enim ipsa fœdilitas exigit, ut antiquior dominus excipiat (not. §. 154.). Distinctio igitur feudi in ligium & non ligium juri naturæ etiam convenit.

§. 188.

Feudi novi & antiqui differentia. *Feudum novum* vocatur, quod vassallus primum acquisivit: *antiquum* vero, quod ex lege contractus feudalis ab alio in ipsum delatum fuit.

Ita novum feudum est, quod alicui constituitur in re, quæ nondum feudalis fuerat: novum etiam est feudum, quod quis ab alio emit, in quem ex lege contractus feudalis delatum minime fuisset. Ast si in filium deferatur post mortem patris feudum ex lege contractus feudalis, aut in descendantem aliquem remotiorem a primo acquirente, feudum erit antiquum. Distinctio hæc feudi venit a modo acquirendi.

§. 189.

Feudum emptum quodammodo dicitur. *Feudum emptum* dicitur, quod pro certo pretio per contractum emtionis venditionis fuit comparatum.

Ita feudum emptum erit, si cum domino contrahas, ut pro certo pretio tibi dominium utile sub conditione mutæ fidelitatis concedat in re sua, seu feudum in ea tibi constituat.

§. 190.

De feudo masculino, femineo & mixto. *Feudum masculinum* vocari solet, quod masculus; *femineum*, quod foemina; *mixtum*, quod mas & foemina simul primum acquisivit. Ast in Jure naturæ rectius diceretur *Feudum masculinum*, quod pro solis masculis constitutum, ita ut ex lege contractus in foeminam nunquam deferri possit: *femineum* ve-

ro, quod pro solis fœminis constitutum: *mixtum* denique, quod pro masculis & fœminis simul constitutum.

Nimirum naturaliter feudum constitui potest vel pro solis masculis vel pro solis fœminis, vel pro masculis & fœminis simul (§. 176.). In Jure feudali positivo ignorantur feuda pro solis fœminis constituta. Unde divisio eo sensu, qui Juri naturæ apprimè convenit, in Jure positivo locum minime habet.

§. 191.

Feudum pignoratitium, idiomate patrio, Pfandlehn, vo- *Feudum pignoratitium*, quando dominus, cui pecunia creditur, loco pignoris quodammodo feudum in re constituit sua. Quamobrem cum pignus *nam sit*, constituatur in securitatem crediti (§. 1142. part. 5. Jur. nat.); *feudum pignoratitium constituitur in securitatem crediti*. Quoniam itaque feudum est loco rei in securitatem crediti traditæ; *feudum est quasi res oppignorata* (§. 1143. part. 4. Jur. nat.). Ceterum cum dominus rem suam oppignorare possit (§. 1164. part. 5. Jur. nat.), *dominium quoque utile* tanquam rem incorporalem suam, *naturaliter oppignorare potest*, consequenter patet *feudum pignoratitium esse quoque juris naturalis*.

Notio feudi pignoratitii probe perpendenda venit, cum huic speciei feudorum conveniant vi ejusdem, quæ aliis feudis minime conveniunt. Non tamen propterea hoc feudum dici potest improprium, cum in Jure naturæ non minus proprium sit, quam ceteræ feudorum species, quippe cui notio feudi in genere non minus convenit, quam ceteris speciebus. A differentia autem specifica est, quod hæc feudi species longe alia habeat jura, quam quæ ceteris feudi speciebus conveniunt. Et hac ipsa de causa in Jure naturæ a ceteris feudis peculiari nomine distinguendum, cum aliis appellationibus feudorum in eodem facile carere possemus, quales antea commemoravimus. Sane cum non definitus sit feudorum numerus, quæ Jus naturæ probat, fieri non potest, ut singulæ species peculiaribus nominibus insigniantur.

§.

§. 192.

§. 192.

*Res allodialis
quanam sit.*

In oppositione ad rem feudalem *Res allodialis*, idiomate patrio *Allodial*: Gut vocatur, in qua quis plenum dominium habet. *Allodium* adeo significat possessionem alicujus propriam, seu universa, quæ quis pleno jure possidet, was einem erb- und eigenthümlich zugehört.

De etymologia vocabuli non multum sumus solliciti, quamvis facile appareat, id perinde ac feudi vocabulum ex antiqua lingua Germanica descendere. Nobis sufficit nosse, quid eodem denotetur.

§. 193.

*Quomodo
definiatur
restrictio
proprietatis
in emphy-
teusi.*

Quomodo restricta esse debeat proprietas, mutuo consensu domini ac vasalli in contractu feudali definiendum. Vasallus nonnisi proprietatem restrictam habet (§. 159.), cumque dominium directum consistat in proprietatis parte eidem ademta (§. 3.); quod restricta esse debeat proprietas ad substantialia feudi pertinet (§. 161.). Quoniam vero non uno modo restringi potest proprietates, prouti abunde patet ex iis, quæ de emphyteusi demonstrata sunt, ac per se quoque facile intelligitur; quomodo proprietates restricta esse debeat, ad eas determinationes pertinet, quæ substantialibus superaddendæ, dum feudum constituitur. Quamobrem cum in contractu feudali definiendæ sint determinationes, quas substantialibus superaddere visum fuerit (§. 173.), & in eodem de feudo constituendo inter se conveniunt dominus atque vasallus (§. 171.); in contractu etiam feudali mutuo domini ac vasalli consensu distinguendum, quomodo proprietates restricta esse debeat.

Ostendi idem potest eo modo, quo supra idem de emphyteusi demonstravimus (§. 26.).

Quando de feudo constituendo agitur, non solum de eo agitur, utrum quis feudum acquirere velit, nec ne, verum etiam de

de eo, quomodo restringi debeat proprietas, ut dominium directum determinetur, quale esse debeat, & ususfructus vertatur in dominium utile determinatum, quippe quod differre potest pro diversitate restrictionis proprietatis, jure utendi fruendi nullo modo restricto (§. 1. 3.).

§. 194.

Quoniam in contractu feudali definiendum, quomodo restricta esse debeat proprietas (§. 193.), ad proprietatem vero spectat etiam jus alienandi (§. 664. part. 2. Jur. nat.); in contractu feudali definiendum, utrum vasallo competere debeat sem. jus alienandi, an ipsi ademptum esse debeat, & ubi alienatio permessa, qua lege permessa esse debeat, veluti an consensus domini, vel personarum ad eam requirendus, an eodem non sit opus.

Nimirum quando proprietas restringitur, tum vel jus quoddam ad eam pertinens, veluti jus alienandi, adimitur vasallo, vel idem quoad exercitium restringitur, ut non maneat liberum, sed intra terminos conventionis contineatur. Quale ergo jus vasallo competat in alienando feudo, naturaliter aliunde dijudicari nequit, quam ex contractu feudali.

§. 195.

Similiter quoniam in contractu feudali definiendum, De restricta quomodo proprietas restringenda (§. 193.), ad eam vero one juris immutandi pertinet jus fundum immutandi (§. 657. part. 2. Jur. mutandi nat.); in contractu etiam feudali definiendum, quale jus confundum. petere debeat vasallo in fundo immutando, an vero nullam competere debeat.

Tenenda hic eadem, quæ de jure alienandi modo annotavimus. Ita e g. vasallo permitti potest quælibet immutatio, qua res feudalis melioratur, aut prohiberi ea, qua eadem deterioratur. Similiter prohiberi potest, ne sylva excindatur

tur & fundus vertatur in agrum, vel ne piscina in agrum, aut vice versa ager in piscinam mutetur.

§. 196.

De potestate alienandi vasallo ademta. Si alienandi potestas vasallo ademta, alienatio ab eo facta nulla est: consensu tamen domini directi alienare potest. Eodem modo utrumque ostenditur, quo idem de emphyteusi demonstratum fuit (§. 30.).

Nimirum quando potestas vasallo ademta, domino competit jus non patiendi, ut feudum alienetur, &, si hoc fecerit vasallus, alienationem irritam faciendi. Hoc jus dominus remittere potest, quamdiu nil committitur, quod est contra jus tertii (§. 117. part. 3. Jur. nat.). Atque adeo vasallus, qui vi contractus feudalis feudum alienare non poterat, hoc tamen alienare potest vi remissionis juris a domino directo factæ, consequenter consensu ejusdem. An vero datur casus, in quo dominus in alienationem consentire nequit, obstante jure tertii, de eo in presenti non disquirimus. Ceterum per se intelligitur, si nihil obstat, quo minus jus alienationem prohibendi remittere possit dominus, perinde esse sive consensum impertiatur ad alienandum, sive alienationem factam, quam irritam facere poterat, ratihabeat, quemadmodum simili in casu jam annotavimus (nos. §. 30.).

§. 197.

De alienatione cum consensu domini. Si alienandi potestas non permixta nisi cum consensu domini; sine consensu facta irrita est. Etenim si alienandi potestas non permixta nisi cum consensu domini, vasallo non competit jus feudum alienandi sine ejus consensu (§. 382. part. 3. Jur. nat.). Quoniam itaque alienatio sine consensu domini nullo jure facta; ea utique irrita est.

Nimirum alienatio sine consensu domini facta ipso jure nulla est. Sed quia dominus jus suum remittere potest, ab ipsius voluntate pendet, utrum jure suo usus eam irritam facere, an ratihabendo validam efficere velit.

§. 198.

§. 198.

*Si alienatio feudi non permiffa, nifi cum confenfu eorum, ad De aliena-
quos transmitti debebat, vafallo mortuo; fine eorum confenfu alie- tione fine
natio irrita eft. Ostenditur eum in modum, quo propositio- confenfu eo-
nem præcedentem demonftravimus. rum, ad quos*

Eadem quoque propositionem præsentem notanda, quæ ad transmitti
præcedentem annotavimus (not. §. 197.). Nimirum iis, qui *poteft.*
ex lege contractus feudalis in eo succedere possunt, jus suum
invitis auferri nequit, aut, si mavis spes jus aliquando forsan
excitatura (§. 474. *part. 3. Jur. nat.*). Alienatio igitur sine eo-
rum consensu facta subsistere nequit, nisi eam ratihabere vo-
luerint.

§. 199.

*Si de consensu eorum, ad quos transmitti debebat feudum, Quid in ca-
nihil expresse dictum in contractu feudali; naturaliter presumitio su debio præ-
est contra consensum, præsertim si nec domini consensus requiratur. sumendum.*
Ostenditur eodem modo, quo idem de emphyteufi demon-
stravimus (§. 48.).

Applicanda quoque sunt ad propositionem præsentem, quæ
in casu simili de alienatione emphyteuficos annotavimus (not.
§. 48.). .E. gr. Si feudum constitutum pro omnibus mascu-
lis a primo æquirente descendantibus, quotquot eo tempore,
quo feudum alienatur, existunt masculi, consentire tenentur,
quamvis omnes simul succedere nequeant, sed certo ordine
succedere debeant. Cum enim non constet, quinam eorum
sit vafallo supervicturus; incertum quoque est, cuinam jus
suum invito auferatur. Immo cum incertum quoque esse pos-
sit, an non nascituri sint ex eo, ad quem feudum mortuo va-
fallo non defertur, ad quos aliquando ex lege contractus de-
ferri debeat, jus transmittendi hoc jus nemini quoque auferri
invito potest. Atque adeo satis apparet, cur illorum, ad
quos successio in feudo ex lege contractus feudalis deferri po-
terat, consensus sit requirendus. Non negamus, naturaliter
ita conveniri posse, ut nonnisi consensus ejus requiratur, cui
proxima

proxima spes est in feudo secundum legem contractus succedendi, & tum nonnisi invalida erit alienatio, si hujus deficiat consensus.

§. 200.

De alienatione sine consensu domini, & eorum, ad quos transmitti poterat, consensus; alienatio cum consensu domini, sed sine consensu horum facta adhuc irrita est. Etenim non minus hisce, quam domino competit jus sine ipsorum consensu que consensu factam alienationem irritam faciendi (§. 198. 199.). Quamobrem cum dominus consensu suo hoc jus ipsis auferre nequeat invitis (§. 336. part. 3. Jur. nat.); alienatio sine eorumdem consensu facta utique irrita esse adhuc debet, etiamsi dominus consenserit.

Sane si consensus domini solus efficere poterat, ut alienatio subsisteret; consensu aliorum non erat opus. Atque adeo inutiliter ita conventum fuisset, quod eorum quoque, pro quibus constitutum fuit feudum, requirendus sit consensus, utpote superfluum.

§. 201.

De vasallo mortuante Si feudum ad certum tempus concessum, mortuo vasallo defertur ad eum, qui in bonis ejus succedit, & moriens id pro arbitrio suo transferre potest in alium, nisi obstat jus tertii. Ostenditur eodem prorsus modo, quo idem in casu simili de emphyteusi demonstravimus (§. 49.).

quod feudum constitutum. Vide quæ de eodem casu de jure emphyteuticario annotavimus (not. §. 49.).

§. 202.

Qua lege Fœdum alienatur & in aliam transmittitur sub ea lege, sub qua primum constitutum, seu tale, quale ex contractu feudali prioretur, vel minus acquirens accepit. Potest tamen in alienatione adjici lex, quæ transmissa salva ea, sub qua primum constitutum, adjici potest. Quoniam jus

jus vasaſſi quoad alienationem perinde metiendum eſt ex contractu feudali (§. 194.); quemadmodum emphyteutæ ex contractu emphyteutico (§. 27.); propositio præſenſe eodem proriſſo modo oſtenditur, quo idem de alienatione & transmissione emphyteuſeos demonſtravimus (§. 50.).

Tertium propositiſonis membrum illuſtratur eodem exemplo, quod de emphyteuſi dedimus (not. §. cit.).

§. 203.

Quoniam feudum in alterum tale tranſfertur, quale ex *De tempore*, contractu feudali accepit primus acquirens (§. 202.); *ſi ſen-* ad quod ſen-
dum ad certum tempus conceſſum, ultra iſtud tempus in alium dum tempo-
tranſferri, vel tranſmitti nequit, conſequenter tempore finito varium alie-
novus vaſallus feudum amiſſit. Eodem modo intelligitur, *maſur.*
ſi feudum ad dies vita conceſſum alienetur, novum vaſallum amiſ-
tere feudum, mortuo eo, qui ad dies vita acquiſſerat.

Novus vaſallus ſuccedit in locum primi acquirentis, dum-
que acquirit jus primi acquirentis, qui aliud, quam quod ha-
bet, in ipſum tranſferre nequit, perſonam ejus moralem induit
(§. 70. part. 1. *Jur. nat.*), ut adeo revera ſit eadem perſona
moralis, licet per alienationem individuum phyſicum mutetur.
Neque enim repugnat, ut eadem perſona moralis, quæ per ſe
ſubſiſtere nequit, ſucceſſive in diverſis individuis phyſicis ſubſi-
ſtat. Cum enim perſona moralis ſit ſubjectum obligationum
atque jurium (§. cit. part. 1. *Jur. nat.*); quamdiu obligatio-
nes ac jura non mutantur, perſona moralis eadem manet. Va-
ſallus, quæ vaſallus, non eſt individuum phyſicum, ſed perſo-
na moralis, quæ ſine individuo phyſico ſubſiſtere nequit. Ab
individuo autem phyſico cum niſiil dependeat, quod ineſt per-
ſonæ morali; quoad hanc perinde eſt, in quonam individuo
phyſico ſubſiſtat, adeoque nec quicquam immutatur, quia in
alio individuo phyſico nunc ſubſiſtit, quam antea ſubſiſtebat.
Qui ea perpenderit, quæ de homine morali demonſtrata ſunt
in parte prima *Juris naturæ* (§. 71. & ſeqq.), hætenus dicta fa-
(*Wolſti Jur. nat. Pars VI.*)

cile

cile capiet. Vivit autem persona moralis, quamdiu durant jura & obligationes, per quæ essentia ipsius constituitur, aut individuum quoddam datur, in quo subsistere potest, adeoque moritur, extinctis juribus ac obligationibus istis, aut nullo amplius existente individuo physico, in quo subsistere potest. Lucem hæc non modo affundunt in doctrinam præsentem, verum etiam in multis aliis argumentis, ubi de personis moralibus sermo est.

§. 204.

De alienatione feudi perpetui.

Similiter quia feudum in alterum tale transfertur, quale ex contractu feudali primum acquisitum (§. 202.); si feudum in perpetuum, vel simpliciter, vel determinative pro certis personis fuerit concessum, in priori casu quoque simpliciter, in posteriori determinative pro istiusmodi personis, quales nominata fuerant in prima acquisitione, alienatur, consequenter in quales personas transmitti poterat a primo acquirente, in tales etiam eodem ordine transmitti potest a visallo novo.

Quæ supra de emphyteusi annotavimus, quatenus perpetua alienatur (not. §. 52.): ea etiam ad feudum applicari possunt ac debent, ut adeo nihil addendum sit, quo præsens corollarium illustretur.

§. 205.

De alienatione feudi masculini, feminei & mixti.

Quoniam si feudum determinative nominatis certis personis constitutum alienatur, ad istiusmodi nonnullas personas transmissibile alienatur (§. 204.), feudum autem naturaliter constitui potest vel pro solis masculis, vel pro solis fœminis, vel pro utrisque simul (§. 176.), & in casu primo feudum masculinum, in secundo fœmineum, in tertio mixtum est (§. 190.), si feudum masculinum alienatur, masculinum manet, si fœmineum, fœmineum manet, si mixtum, mixtum quoque manet.

§. 206.

§. 206.

Immo in genere quia feudum tale alienatur, quale *An feudum*
 primum acquisitum (§. 202.), feuda autem a se invicem dif- *alienando*
 ferunt differentia specifica (§. 236. *Ontol.*); *in alienatione mutari possit*
non mutatur differentia specifica, seu feudum alienatum non mu-
sat speciem.

Hinc inferri poterat, quod modo aliter probavimus (§. 205.),
 feudum masculinum manere masculinum, fœmineum fœmi-
 neum & mixtum mixtum. Inferri etiam potest, temporari-
 um manere temporarium, perpetuum vero perpetuum: fran-
 cum manere francum, ligium ligium & non ligium non ligi-
 um, ac ita porro. Quod si dicas naturaliter non repugnare, ut
 consensu domini feudum alienatum quoad determinationes
 non substantiales immutetur, veluti si masculinum, vel fœmi-
 neum mutetur in mixtum, aut non ligium in ligium vel con-
 tra; tenendum est speciem non mutari per alienationem, sed
 per contractum novi vasalli cum domino initum. Duo adeo
 distincti sunt actus, inter se minime confundendi, nimirum alie-
 natio & feudi alienati immutatio. Hic non quæritur, utrum
 species feudi possit mutari in aliam, nec ne, nexu feudali in
 genere subsistente; sed num species mutetur per alienationem.
 Atque tum patet ex demonstratis, actum alienationis tale quid
 efficere non posse.

§. 207.

Quoniam alienando non mutatur species feudi (§. 206.), *De alienari-*
 feudum vero esse potest revocabile (§. 180.), & quidem vel *one feudi re-*
 pure tale, vel conditionatum (§. 181.); *si feudum revocabi-*
vocabilis.
te purum alienetur, pure revocari adhuc potest, si vero sub condi-
one revocabile alienetur, sub ista conditione revocabile manet.

E. gr. Ponamus feudum constitui hac lege, ut, si nullus tibi
 fuerit filius, qui castra sequi amat, feudum revocari possit, &
 feudum alienetur, tibi vero nullus nascatur filius, aut saltem
 nullus supervixerit, te mortuo, vel quando nulla amplius spes

superest, tibi filium natum iri, feudum adhuc revocari poterit. Nimirum conditio non mutatur per alienationem, ut de filio novi vassalli accipi possint, quæ de filio tuo dicta sunt: hoc enim contrariatur ei, quod modo demonstravimus (§. 202.).

§. 208.

De feudo in perpetuum simpliciter constitutum. Si feudum in perpetuum simpliciter constitutum, pro omnibus personis constitutum intelligitur, ad quas ius aliquod in re simpliciter transmitti potest, nec extinguitur, quamdiu istiusmodi extat per constituto & sona. Ostenditur eodem modo, quo utrumque de emphyteusi demonstratum (§. 46.).

quando extinguitur.

Relegenda hic sunt, quæ supra annotavimus (not. §. cit.). Quodsi de jure hæreditario jam agere darum fuisset, quod suodemum loco trademus, dicendum erat, feudum simpliciter constitutum transire ad quemlibet hæredem ab intestato, seu constitui simpliciter ut transfibile ad hæredem quemlibet ab intestato. Unde intelligitur, etsi jure naturæ valeant etiam testamentæ, quemadmodum suo loco demonstraturi sumus; non tamen hæredes testamentarios hic posse intelligi, nisi expresse in contractu feudali hoc fuerit permillum. Naturaliter enim non repugnat, ut vassallo per testamentum de successione in feudo disponere liceat (§. 164. 169.). Si vero hoc expresse non fuerit conventum, intelligi nequeunt nisi hæredes ab intestato, cum alias disponi posset de successione in feudo in præjudicium domini directi, ad quem res infeudata pleno jure venit, nullo hærede ab intestato existente, prouti deinceps patebit.

§. 209.

De contractu feudali. Si feudum alienatur, vel ex pacto feudali transmittitur ad alium feudalem alium; contractus feudalis cum vassallo novo renovandus. Etenim vassallo nimirum feudum tale alienatur, vel transmittitur in alium, quale primum in contractu feudali fuerat constitutum (§. 202.). Quamobrem vassallus novus domino directo ad eadem obligari debet, ad quæ vassallus anterior ipsi erat obligatus & contra, consequenter vassallus novus & dominus sibi invicem obligati.

obligatur ad præstandam mutuam fidelitatem (§. 155.) & ea, de quibus præterea conventum (§. 172.). Quoniam itaque obligationes nascuntur ex contractu (§. 793. *part. 3. Jur. nat.*); ideo necesse est, ut cum novo vasallo contractus feudalis renovetur.

De hac contractus obligatione tanto minus dubitari potest, si perpendas obligationem vasalli ad præstandam domino fidelitatem esse personalem, quæ ex uno in alium transire non potest. Nimirum nemo sese alteri perfecte obligare potest nisi promittendo (§. 393. *part. 3. Jur. nat.*), adeoque necesse est, ut novus vasallus domino promittat fidelitatem ac præterea ea, ad quæ vi contractus feudalis, quo feudum primitus constitutum & acquisitum, obligatus esse debet. Quodsi objicias, promissionem hanc tacite factam intelligi posse, quatenus alienatio fieri nequit nisi salvis juribus domini directi, ex contractu feudali, quo primum constitutum fuit feudum, eidem competentibus (§. 172.); facilis est responsio, tacitam promissionem expressæ substitui non posse, nisi dominus expressam remiserit, aut ita conventum fuerit, ut ipsi alienationi, vel transmissioni feudi in alium insit tacita promissio, quæ idem operari debeat, quod expressa operatur, seu quod perinde est, ut tantum valeat, quantum valet expressa: per se autem minime inest. Nimirum si feudum alienatur, vel in alium transmittitur, id fit sub ea conditione, ut vasallus novus sese obliget domino ad fidelitatem præstandam, quia feudum subsistere nequit nisi sub conditione præstandæ fidelitatis (§. 155.). Accedit, quod novus vasallus dominum directum & feudum ab eo recognoscere debeat, ac vicissim dominus eundem tanquam vasallum suum recipere: quod etiam in emphyteusi simili modo sese habet. Utrumque vero fit contractu feudali cum novo vasallo renovato.

§. 210.

Quoniam novus vasallus obligatur ad contractum seu *Jus exigentem* renovandum (§. 209.); *domino competit jus compellendi renovandi*

anem contra- *ds vasallum ad contractum renovandum, si eum renovare negligat,*
tratus. *vel detrectet (§. 23. part. 1. Jur. nat.).*

Inutilis foret vasalli obligatio ad contractum feudalem renovandum, si dominus pati teneretur, ut eum non renovaret; adeoque obligationi illius respondet jus coactivum domini.

§. 211.

An contra- *Naturale non est, ut, si vasallus contractum feudalem renova-*
ctm feudali *re nolit, vel negligat, feudum amittat: ita tamen conveniri pos-*
non renova- *est.* Etenim domino competit jus vasallum compellendi ad
to feudum contractum renovandum, si eum renovare negligat, vel no-
committa- *lit (§. 210.).* Enimvero quando feudum amittitur, tum jus
tur. nullum in re feudali retinet vasallus & vasallus esse desinit,
 adeoque contractus feudalis renovatione, quo de feudo fu-
 erat conventum, opus non est, consequenter ex jure vasal-
 lum compellendi ad contractum renovandum minime fuit
 jus eum feudo privandi. Naturale igitur non est, ut, si va-
 fallus contractum feudalem non renovet, feudum amittat.
Quod erat unum.

Quoniam vero a domini voluntate pendet, quas deter-
 minationes substantialibus superaddere velit (§. 164.), & de
 his conveniendum est in contractu feudali (§. 173.); cum
 amissio feudi sit poena contractus non renovati (§. 606. *part.*
3. Jur. nat.), quin ita conveniri possit dubitandum non est.
Quod erat alterum.

Pœna hæc mutuo consensu domini ac primi acquirentis de-
 terminanda naturaliter. Quando autem determinatur, defini-
 endum quoque est tempus, intra quod vasallus novus renova-
 tionem petere debeat, nisi velit feudo privari. Quodsi enim
 nullum esset definitum, mora nulla officeret vasallo, quamdiu
 dominus tacet, modo renovationem adhuc peteret, dum sciens
 filet, vel monitus a domino contractum cum eo statim renova-
 ret. Alias enim sufficeret, ut præstaret quod interest (§. 629.
part.

part. 3. Jur. nat.) Nimirum naturaliter, quando quis non satisfacit obligationi suæ, interesse saltem præstare tenetur: pœna autem, quæ in statu naturali non nisi conventionalis esse potest, non modo in locum hujus præstationis surrogatur, ne de eo, quod interest, multum sit litigandum, cum probatio ple- rumque sit difficilis, verum etiam ut tanto fortius obligetur al- ter ad præstandum, ad quod præstandum ex contractu obliga- tus est, seu ut obligetur ad satisfaciendum obligationi, quæ ex contractu est (§. 288. *part. 1. Pbil. pract. univ.*).

§. 212.

Naturaliter feudum statim acquiritur, quamprimum dominus Quod pri- sufficienter declarat, dominium utile sub conditione præstandæ fide- mum feu- litatis tibi competere in re debere, & tu hoc acceptas ac fidelitatem dum sis ac- promittis. Etenim quando feudum conceditur, jus in re ali- *quisitum.* ena alteri constituitur, sed ea conditione, ut alter ad fide- litatem præstandam sese obliget constituenti (§. 153.). E- nimvero naturaliter jus in re aliena statim acquiritur, quam- primum dominus sufficienter declarat, tibi jus hoc compete- re debere & tu hoc acceptas (§. 987. *part. 3. Jur. nat.*), & quando tibi competere debet sub hac conditione, si te ad fi- delitatem præstandam obligare velis, ubi fidelitatem promit- tis (§. 467. 393. *part. 3. Jur. nat.*). Quamobrem naturaliter feudum statim acquiritur, quamprimum dominus sufficienter declarat, dominium utile in re sub conditione præstandæ fi- delitatis tibi competere debere, ac tu hoc acceptas ac fide- litatem promittis.

Feudum non acquiritur nuda acceptatione, qua alias jus ab altero naturaliter statim acquiri solet (§. 13. *part. 3. Jur. nat.*); sed necesse est ut ad acceptationem accedat promissio fidelita- tis, quia offertur a constituyente sub hac conditione, ut sis fi- delis. Quamobrem nec aliter acceptare potes, quam cum de- claratione quod velis esse fidelis: in hac ipsa autem declaratio- ne promissio fidelitatis consistit (§. 361. *part. 3. Jur. nat.*).
Agitur

Agitur nimirum de obligatione perfecta, quæ aliter produci nequit nisi promittendo (§. 393. *part. 3. Jur. nat.*). In acceptatione non tam verba, quam mens acceptantis inspicienda, qualem requirat præsens negotium.

§. 213.

Quod contractus perfectus acquiritur.

Quoniam dominus in contractu voluntatem suam declarat, & vassallus quod sibi offertur acceptat ac fidelitatem promittit (§. 155. 171.); feudum statim acquiritur, quamprimum contractus feudalis perficitur.

Naturaliter adeo præter contractum feudalem non requiritur alius adhuc actus ad feudum acquirendum: sed quamprimum hic perfectus est, unus contrahentium est dominus feudi, alter vassallus, etsi res feudalis nondum fuerit tradita.

§. 214.

Jus possidendi cum dominio utili conjunctum.

Qui dominium utile in re habet, ei competit jus possidendi. Etenim qui dominium utile habet, cum eidem competat jus utendi fruendi nullo modo restrictum, & proprietas aliquo modo restricta (§. 1.), re uti frui debet tanquam sua, salvo saltem jure domini directi (§. 4.). Necesse igitur est ut ipsi sit potentia physica de re feudali tanquam sua disponendi, seu ut dominium utile exercere possit, consequenter ut rem tanquam suam detineat. Quamobrem cum possessio sit detentio rei tanquam suæ (§. 150. *part. 2. Jur. nat.*); qui dominium utile habet, rem ut possideat necesse est, consequenter jus possidendi eidem competit.

Jus possidendi cum dominio utili cohæret. Dominus enim utilis excludit jure utendi fruendi ipsum etiam dominum directum, adeoque necesse est, ut ipse eam detineat. Quoniam vero non nudum habet jus utendi fruendi, quemadmodum usufructuarius (§. 1420. *part. 5. Jur. nat.*), sed proprietatem quoque restrictam (§. 1.), ut adeo ipsa quoque res sit quodammodo sua; ideo eam quoque detinere nequit, nisi tanquam suam. Possessio itaque nemini competere potest, nisi domino utili,

utili, atque ea de causa jus rem possidendi cum dominio utili ita cohæret, ut ab eo divelli nequeat.

§. 215.

Quoniam dominium utile in re habenti *jus possidendi* *jus possi-* competit (§. 214.), hoc ipsum cum dominio utili statim acqui- *dendi quo-* ritur, consequenter cum feudum dominium utile sit (§. 155.) modo acqui- & statim acquiratur, quamprimum contractus feudalisi perfi- *ratur a do-* citur (§. 213.); cum ipso feudo acquiratur etiam *jus possidendi mino utili* & *rem feudalem*, & hoc *jus statim competit vasallo*, quamprimum con- *vasallo.* tractus feudalisi perfectus.

Distinximus nos jus possidendi ab ipsa possessione, quando de dominio agebamus. Idem vero etiam distinguendum est a possessione in dominio utili. Quamprimum dominus utilis factus, nemini præter te jus possidendi competere potest; non tamen propterea actu rem possides. Hæc satis manifesta sunt per ea, quæ in parte secunda Juris naturæ demonstravimus.

§. 216.

Quoniam vasallo competit jus rem feudalem possiden- *De traditio-* di, quamprimum contractus feudalisi perfectus est (§. 215.), ne & appre- *hensione rei* possessio autem acquiratur rei traditæ apprehensione (§. 23. *hensione rei* 32. *part. 1. Jur. nat.*); contractui feudali perfecto dominus obliga- *feudalis.* tur ad rem feudalem vasallo tradendam & si possessio vacua fue- *ris*, vasallus eam apprehendere, seu propria autoritate possessionem *vacuam ingredi potest*, nisi in specie de ea quid fuerit conven- *tum.*

Cum traditio & apprehensio diversis modis fieri possit, im- mo pro varietate circumstantiarum diverso modo ut fiat conveniens sit, quemadmodum alias fuisse docuimus (§. 25. *Et seqq.* *part. 3. Jur. nat.*); quæ de possessione rei feudalisi acquirenda dici alias poterant, lubenter omittimus, ne alibi dicta repeten- do præter necessitatem prolixiores simus.

§. 217.

Quando traditio & feudalis in vasallum una cum dominio transferre & passurum, ut apprehensio dominium in ea exerceat, vasallus vero hoc acceptat; res feudalis ipsi contra- traditur & apprehenditur, dum contractus feudalis celebratur. Et tui feudali tenim ista declaratione domini possessio transferri (§. 36. *part. insit.* 3. *Jur. nat.*) & ejus acceptatione apprehendi potest (§. 58. *part. 3. Jur. nat.*). Quamobrem cum ista declaratio domini & acceptatio vasalli in contractu feudali fieri possit; prædicto modo res feudalis tradi & apprehendi potest, dum contractus feudalis celebratur.

Obrinet hoc, quando res feudalis a possessione vacua, vel vasallus eam jam detinet physice. Quodsi enim res a possessione vacua nondum fuerit, necesse est ut dominus eam vacuum præster, ut in statu naturali tu ipse eum deicere possis, qui eam tenet. At possessio vix dici potest acquisita, quamdiu tibi integrum non est ipso actu disponere de usu rei (§. 24. *part. 3. Jur. nat.*). Naturaliter non requiritur traditio ad feudum constituendum & acquirendum, adeoque necesse non est, ut in contractu feudali, quo feudum constituitur & acquiritur, res feudalis tradatur & apprehendatur, consequenter traditio non est de essentia contractus feudalis, seu ut vulgo loquuntur ad substantialia contractus minime pertinet.

§. 218.

An traditio Naturaliter ita conveniri potest, ut feudi constitutio non sit ad perfectionem perfecta, antequam res feudalis fuerit tractata. Etenim ex contractu feudali metiendum est jus, metienda quoque obligatio tam domini, quam vasalli (§. 172.). Enimvero pacta seu contractus mutuo consensu perficiuntur (§. 788. *part. 3. Jur. nat.*), adeoque a contrahentium voluntate pender, quandoam ipsorum consensus immotus intelligi debeat, ut jus pure sit acquisitum & obligatio pure contracta. Quodsi er-

go in contractu feudali conveniatur, ut feudi constitutio non habeatur pro perfecta, antequam res feudalis fuerit tradita; nec consensus pro immoto ante haberi, consequenter nec feudi constitutio perfecta intelligi potest, antequam res feudalis fuerit tradita.

Et si adeo naturaliter traditio per se non requiratur ad perficiendam constitutionem feudi, sed ea potius perficiatur contractu feudali perfecto; ad illam tamen requiri potest per conventionem. Idem nimirum hic obrinet, quod de scriptura alibi ostendimus, utrum ad perfectionem pacti requiratur, nec ne. Valet enim pactum naturaliter, antequam in scripturam referatur; conveniri tamen potest, ne ante valeat, quam in scripturam fuerit relatum (§. 847. part. 3. *Jur. nat.*). Ceterum ne dubium oriatur, quasi conventionem mutetur, quod juris naturæ est, scilicet ne feudum statim acquiratur, quamprimum contractus feudalis perficitur (§. 213.); eadem notanda sunt, quæ de scriptura per conventionem ad validitatem contractus requisita annotavimus (not. §. 847. part. 3. *Jur. nat.*). Quemadmodum scriptura per conventionem ad validitatem pacti vel contractus requisita est conditio, a qua suspenditur validitas contractus; ita etiam in casu præsentis traditio habet se per modum conditionis, a qua perfectio constitutionis feudi suspenditur. Quoniam naturaliter paciscentibus etiam conditionate contrahentibus conditionem quamcunque possibilem adjicere licet; ita nec repugnat, ut traditio per modum conditionis adjiciatur. Potest vero ita quoque conveniri, ut quidem feudum sit constitutum, contractu feudali perfecto, sed veluti in diem, ita ut dies, quo traditur, sit terminus a quo juris tibi competentis, prouti idem de scriptura monuimus (not. §. cit.). Neque est, quod objicias, in contractu feudali promittendam quoque esse fidelitatem, qualis tamen nulla est, nisi feudum constitutur. Etenim si feudum vi contractus non ante pro constituto haberi debeat, quam ubi fuerit tradita res feudalis; nec promissio fidelitatis ante valida, adeoque obligationem parit, quam re feudali tradita, quippe sub eadem conditione facta.

U 2

Quod

Quod hic demonstratum & annotatum fuit de constitutione feudi, tanquam translatione domini utilis (§. 155.), idem eodem modo intelligitur de translatione domini pleni, vel juris cuiuscunque alterius, ita ut translatio pro perfecta non habeatur, antequam res sive corporalis, sive incorporalis fuerit tradita, quemadmodum jure positivo introductum. Sane si naturaliter ita conveniri minime posset, nec jure positivo ita constitui æquum fuisset.

§. 219.

*Investitura
quid sit.*

Traditio rei feudalis *Investitura* dici solet, idiomate patrio die *Belehnung*, item die *Lehn-Empfängniß*. In jure naturæ ipsius contractus feudalis celebratio *Investitura* dici poterat, præsertim si in eodem traditio continetur (§. 217.).

Nimirum *Investitura* significatu generali denotat solennem aliquam Juris cujusdam, quod in re conceditur, vel qualitatis, quæ personæ tribuitur, confirmationem vel collationem. Vid. *Struvius* in Syntagm. Jur. feud. c. 8. §. 1. n. 2. Unde & actus solennis, quo feudum conceditur a domino & a vasallo actu acquiritur, investitura vocari suevit. Quoniam vero jure positivo feudum non acquiritur nisi traditione, ideo traditio secundum contractum feudalem facta *Investitura* dicta, eaque *propria*. Jam cum jure naturali ad feudum acquirendum non requiratur traditio, sed id potius acquiratur contractu feudali ab utraque parte perfecto, nimirum mutuo consensu utrinque declarato & promissione fidelitatis ab accipiente facta (§. 213.); nil sane obstat, quo minus in jure naturæ ipsa contractus feudalis celebratio investitura vocari possit. Quod si accedat traditio eo modo facta, quo in contractu celebrando fieri potest (§. 217.); tanto minus a significatu in jure positivo recepto recederetur. Immo tum revera coincidit, cum *Investitura*, quæ *abusiva* dici solet, & quam *Struvius* loc. cit. §. 5. definit per actum, quo dominus signo quodam adhibito co-

ram

ram testibus jus feudi alicui fidem promittenti quasi cedit & in vassallum eum recipit. Si enim ea demamus, quæ ad solennitates pertinent, & quibus symbolica traditio continetur (§ 72. *part. 3. Jur. nat.*), jure naturæ non improbata (§ 73. *part. 3. Jur. nat.*); investitura abusiva non continet nisi quæ contra-ctui feudali insunt, quando cum eo naturaliter res feudalis simul traditur.

§. 220.

Quoniam naturaliter ad feudum acquirendum non re- *An investi-*
quiritur traditio rei feudalis (§ 212.), nisi expresse aliter *tura natura-*
conveniatur (§ 218.), traditio autem rei feudalis investitu- *liter requi-*
ra est (§ 219.); *ad feudum constituendum & acquirendum natu-*
raliter non requiritur investitura, nisi expresse ita fuerit conven-
feudum ac-
tum, ut feudi constitutio non ante perfecta intelligatur, quam ubi
quirendum.
res feudalis fuerit tradita.

Jure naturali perinde est, quomodocunque res feudalis tradatur, adeoque etiam symbolica sufficit, nisi certus tradendi modus in specie fuerit conventus, qui omnino stricte observandus (§ 789. *part. 3. Jur. nat.*). Quodsi modus tradendi non fuerit definitus, dominus eum eligere potest, qui ipsi placuerit, & rationi maxime convenit, ut is eligatur, qui circumstantiis præsentibus maxime convenit: id quod dijudicandum per ea, quæ de diversis tradendi modis demonstravimus alias (§ 25. & *seqq. part. 3. Jur. nat.*).

§. 221.

Naturaliter non requiritur, ut vassallus fidelitatem jura-
promissio
so promissat: quodsi tamen dominus putet, se nude promit-
fidelitatis
tenti non satis tuto credere posse, juramentum a vassallo lici-
jurata esse
te exigit. Quoniam enim feudum vassallo conceditur sub debeat.
conditione præstandæ fidelitatis (§ 155.), vassallus domino ad præstandam fidelitatem se obligare debet. Quamobrem cum nemo alteri sese perfecte obligare possit nisi pro-

mittendo (§. 393. *part. 3. Jur. nat.*); vassallus domino fidelitatem promittere tenetur. Enimvero juramentum non novam producit obligationem (§. 903. *part. 3. Jur. nat.*), nec promissio, quæ per se valida non est, per juramentum valida fieri potest (§. 905. *part. 3. Jur. nat.*). Quamobrem cum nuda promissione contrahat validam obligationem præstandi fidelitatem vassallus; ut eandem jurato promittat, naturaliter minime requiritur. *Quod erat unum.*

Enimvero si tui plurimum interest, ut de veritate dictorum alterius sis certus, asseveranti tamen credere non vis, juramentum licitum est (§. 916. *part. 3. Jur. nat.*). Quamobrem cum omnino intersit plurimum domini, ut de præstanda fidelitate a vassallo securus sit; si asseveranti se non satis tuto credere posse existimet, licitum omnino est juramentum a vassallo exigere. *Quod erat alterum.*

§. 222.

Unde definiendum, an promissio fidelitatis jurata esse debeat.

Quoniam naturaliter promissio fidelitatis a vassallo jurato ut fiat opus non est, dominus tamen, si ita visum fuerit, juratam promissionem ab eo exigere potest (§. 221.); *naturaliter a voluntate domini pendet, utrum promissione nuda fidelitatis contentus esse velit, an vero juratam esse malis*, consequenter cum vassallus fidelitatem promittere debeat, antequam contractus feudalis pro perfecto haberi possit (§. 212. 213.), quid vero videatur domino de jurata promissione, vassallo constare nequit, nisi is mentem suam de eadem declaret, ideo patet *a novo vassallo etiam hoc nomine contractum feudalem esse renovandum.*

Nimirum eo ipso dum vassallus domino jurato promittit, se pro dominio utili, quod sibi in re conceditur, fidelitatem præstaturum, contractus feudalis renovatur (§. 155. 171.). Atque adeo contractus feudalis renovatio cum jurata promissione fidelitatis necessario cohzret.

§. 223.

§. 223.

Si feudum ab uno promittitur, ab altero acceptatur: qui De feudo promissis obligatur alteri ad feudum constituendum: feudum vero ipsum nondum acquiritur. Etenim si quis feudum promittit, is tantummodo declarat, quod alteri feudum in re sua constituere velit (§. 361. part. 3. Jur. nat.). Quamobrem qui feudum acceptat, non aliud declarare potest, quam quod velit sibi ab altero feudum constitui (§. 2. part. 3. Jur. nat.). Quoniam itaque promissio acceptatione efficitur valida, ut scilicet promissorem tibi ad præstandum id, quod se præstare velle dicit, obliges (§. 365. part. 3. Jur. nat.), quando feudum ab uno promittitur, ab altero acceptatur, qui promittit ad feudum constituendum obligatur. *Quod erat unum.*

Enimvero quando feudum acquiritur, jus in re alterius acquiritur (§. 155.). Atat sola promissione nondum acquiritur jus in re alterius (§. 986. part. 3. Jur. nat.). Ergo feudum ipsum nondum acquiritur, etiamsi ab uno promissum ab altero acceptatur. *Quod erat alterum.*

Constitutio feudi est actus, qui in præsens absolvitur; promissio autem actus, qui in futurum prominet. Ille absolvi nequit, nisi fidelitas actu promittatur: ast si promissio acceptatur, sufficit declaratio, quod quando feudum constituetur fidelitatem promittere, seu se ad eam præstandam acceptans obligare velit. Ad fidelitatem adeo præstandam nondum obligatus est, qui feudum promissum acceptavit, nisi specialiter ita fuerit conventum, ut fidelitas jam actu debeatur propter solam promissionem: tum vero etiam promissum acceptari aliter nequit, nisi ut fidelitas simul promittatur, quippe sub hac conditione facta, ut statim promittatur fidelitas, adeoque statim debeatur, etsi feudum ipsum non statim constituatur.

§. 224.

Quoniam promissione feudi acceptata promittens obligatur *Quod sequatur*

dum sit constituendum, gatur ad feudum constituendum (§. 223.), acceptatione autem sua ad id sibi obligatum habet promissarius promissio-
li constitutio rem, quod promisit, nec plus juris ab eo consecutus, quam
promittatur. in eum transferre voluit (§. 382. *part. 3. Jur. nat.*); *si in promissione feudi certæ determinationes substantialibus fuerunt adjectæ*, constituens quoque obligatus ad feudum cum hisce determinationibus constituendum, seu ad constituendum sub ea lege, sub qua promissum.

Quando itaque feudum, quod promissum fuerat, actu constituitur, nec constituens quicquam pro lubitu suo in iis immutare, nec is, cui constituendum, exigere potest, ut determinationes aliæ, quæ sibi placuerint, adjiciantur: cum enim promissa sint servanda (§. 430. *part. 3. Jur. nat.*), nec ultra ea promissario teneatur promissor (§. 361. *part. 3. Jur. nat.*), standum est determinationibus promissis, nisi mutuo consensu quicquam in hisce mutetur. Integrum nimirum est domino, si voluerit, ad alia se obligare, dum feudum constituitur, quam quæ promiserat, & ex adverso is, qui eundem sibi obligatum habet, jus suum remittere (§. 117. *part. 3. Jur. nat.*), adeoque dominum ab obligatione sua liberare potest (§. 97. *part. 3. Jur. nat.*). Atque adeo patet, dum feudum promittitur, conveniri posse de non substantialibus feudi, seu quale feudum sit constituendum. Non tamen propterea contractus feudalis initur, dum de qualitate feudi constituendi convenitur; sed saltem de modo contrahitur, quo contractus feudalis ineundus, ita ut dominus ad hunc contractum feudalem ineundum sit obligatus. Ceterum ex iis, quæ hætenus demonstrata & ad ea uberius declaranda annotata fuerunt, abunde intelligitur, promissionem feudi a constitutione ejusdem non ideo differre, quod ad constitutionem requiratur traditio, cum promissio a constitutione adhuc differat, etiam si sola acceptatione & cum eadem connexa promissione fidelitatis feudum acquiratur. Neque adeo dum feudum, quod sub certa lege constituendum fuerat promissum ex conventionem, quæ per se obligatoria non est (§. 701.

part. 3.

part. 3. Jur. nat.), actu constituitur sub lege conventa, contractus feudalisi tantummodo confirmatur, sed potius ita celebratur, prouti fuerat promissum. Obrinet idem in quovis alio contractu. Ita venditio potest promitti, & conveniri sub qua lege venditio fieri debeat; non tamen propterea venditio jam perfecta; sed potius ex ista promissione venditoris tantummodo obligatio nascitur ad rem lege conventa vendendam.

§. 225.

Quoniam feudum tale constituendum, quale fuerat *An de quali-* promissum (§. 224.); *de feudo, quale sit constituendum, conve-* niri potest, antequam constituatur, consequenter *quando sal-* tem promittitur, adeoque antequam contractus feudalisi cele- *conveniri* bratur. *possit.*

Et hæc conventio necessaria est in statu naturali, ubi nulla feudi forma lege præscripta est, quam promissor supposuisse præsumitur.

§. 226.

Si contractus feudalisi in scripturam redigitur, instru- *De literis* mentum hoc *Breve testatum*, idiomate patrio ein *Lehnbrief* *investitura* appellatur. Subinde etiam *Literas investitura* vocant, quia jure positivo etiam actus investituræ huic instrumento inscribitur.

Contractus feudalisi & pacta adjecta jure positivo a se invicem distinguuntur, quia contractus dicitur de iis, quæ substantialia & naturalia sunt, pacta vero adjecta sumuntur de accidentalibus. Sed quoniam jure naturæ naturalia & accidentalia non differunt (not. §. 163.) & in contractu feudali convenitur de iis, quæ substantialibus adjicienda sunt (§. 173.); ideo nostro jure non opus est ut pacta adjecta contractui feudali contradistinguantur. Quamobrem nec opus est, ut in definiendis literis investituræ seu brevi testato eorundem in specie mentio fiat, cum omnes determinationes, de quibus conventum, ad contractum pertineant feudalem.

(Wolffii Jur. Nat. Pars VI.)

X

§. 227.

§. 227.

*An iis sit o-
pus.*

Quoniam jure naturæ in contractu feudali definiendæ sunt determinationes, quas substantialibus superaddere visum (§. 173.), a voluntate autem contrahentium pender, quas superaddere velint (§. 164. 169.), si vero contractus feudalis in scripturam redigitur facile probari possit, quænam determinationes substantialibus superadditæ fuerint; *juri naturæ apprime convenit, ut contractus feudalis in scripturam redigatur, consequenter super eo breve testatum conficiatur.*

Ex contractu feudali metiendum est jus, metienda obligatio domini ac vasalli (§. 172.), ex literis vero investituræ probatur. Ceterum quæ in Jure feudali positivo, quale apud nos receptum de brevi isto testato traduntur, juris positivi unice sunt, adeoque hic non attendenda. Atque adeo litem illam non nostram facimus, num breve testatum ad solennitatem investituræ requiratur, & an a paribus curiæ tanquam testibus de investitura legitime facta subscribi debeat. Dico juri naturæ convenire, ut breve testatum conficiatur: neque enim necesse est ut per scripturam probetur, quid actum fuerit, cum aliis adhuc modis probari possit, præsertim cum constanter cum novo vasallo contractus renovetur (§. 209.), sed tantummodo instrumentum hoc facit ad faciliorem probationem, simulque apertissime ostendit, quomodo contractus feudalis sit renovandus. Quoniam jus naturæ perfectivum nos obligat ad præferendum id, quod est melius (§. 193. part. 1. *Phil. pract. univ.*): dici utique potest, quod *jure naturæ perfectivo breve testatum confici debeat.* Ex hoc respectu erit necessitatis (§. 170. 118 part. 1. *Phil. pract. univ.*), etsi feudum sine eo constitutur & acquiratur.

§. 228.

*Laudemium
nro quid sit.*

Honorarium, quod pro renovatione contractus feudalis domino solvendum, vocatur *Laudemium*.

Definimus vocabulum, ut supra, cum de emphyteusi ageremus.

mus (§. 34.). *Struwtus* c. 10. §. 12. Synt. Jur. feud. laudemium solvi ait pro investitura, qua scilicet novus vasallus a domino recipitur, seu pro nova investitura. Enimvero cum Jure naturæ ad feudum acquirendum non requiratur investitura (§. 220.), requiratur tamen renovatio contractus feudalis (§. 209.), immo in Jure naturæ ipsa celebratio contractus feudalis investitura dici possit (§. 219.); ideo hic laudemium dari dicendum est pro renovatione contractus feudalis, nisi per investituram hanc ipsam intelligere malis.

§. 229.

Quoniam laudemium honorarium est, quod pro renovatione contractus feudalis domino a vasallo solvendum (§. 228.), honorarium vero donum pecuniarium, quod remunerandi animo datur (§. 731. *part. 4. Jur. nat.*); laudemium in pecunia numerata consistit. *In quonam consistat.*

§. 230.

An laudemium dari debeat & quando ac quantum dari debeat, mutuo consensu domini & primi acquirentis in contractu feudali determinandum. Quomodo enim laudemium præstatur, quando feudum in aliam personam transfertur, seu alienatur (§. 228.), an dari debeat laudemium & quando ac quantum dari debeat ad eas determinationes pertinet, quibus proprietas restringitur (§. 662. 664. *part. 2. Jur. nat.*). Quomodo jus ad laudemium acquiritur & ejus quantitas determinatur. Quamobrem cum in contractu feudali mutuo consensu domini ac vasalli definiendum sit, quomodo restricta esse debeat proprietas (§. 193.); in eodem quoque contractu mutuo domini ac vasalli consensu definiendum, an laudemium dari debeat & quando ac quantum dari debeat.

Quemadmodum itaque ex contractu feudali metiendum est omne jus domini ac vasalli, omnis quoque utriusque obligatio

(§. 172.); ita quoque ex eodem derivandum est jus domini ad laudemium exigendum & similiter inde derivanda est obligatio vassalli ad idem solvendum. Nimirum ex definitione feudi minime fuit, domino pro eo solvendum esse laudemium, quod novum vassallum recipiat & cum eo contractum feudalem renovet (§. 155.). Pertinet adeo ad eas determinationes, quæ substantialibus adjiciendæ. Quamobrem cum eadem adjiciantur in contractu feudali (§. 173.): laudemium quoque in eodem contractu definiendum.

§. 231.

An laudemium mutato do solvendum Quoniam in contractu feudali determinandum, quantum mutato do laudemium solvi debeat (§. 230.); mutato domino laudemium solvendum, si ita conventum fuerit, non solvendum, si ita conventum non fuerit.

Facile intelligitur, conventionem hanc non semper esse expressam, sed etiam tacite conveniri posse, utrum mutato domino solvendum sit laudemium, nec ne, prouti ex eo, quod expresse dictum, alterutrum necessario fuit. E. gr. si ita conveniatur, ut laudemium sit solvendum, quoties contractus feudalis renovatur, vel investitura renovanda, contractus vero feudalis renovandus sit domino mutato, tum etiam solvendum erit mutato domino laudemium; sin vero domino mutato renovari non debeat contractus, nec erit eodem mutato solvendum laudemium. Quod si ita conveniatur, ut laudemium non sit solvendum, nisi quando feudum transfertur in extraneum alienando; id domino mutato solvendum non erit. Sed hæc patent ex iis, quæ de interpretatione pactorum tradenda post hæc sunt.

§. 232.

Quando solvendum a novo vassallo Eodem modo patet, laudemium non esse prestandum a novo vassallo, nisi quando per alienationem ab eo primum acquiritur; novo vassallo non vero, si ex lege contractus per successionem in eum devolvitur, si ita fuerit conventum.

Hæc

Hæc in specie ex principio generali inferenda esse duximus; ut non miremur jure positivo de laudemio non idem esse ubi vis sancitum, sed variari tam leges, quam consuetudines, neque propterea aliorum mores reprehendamus, quod cum nostris minime consentiant, immo etiam ut suo loco pateat, quænam in jure positivo arbitrio legislatoris sint relicta. Neque enim potestatem legislatariam intime perspicere licet, nisi in jure naturæ didiceris, quænam patiscientium arbitrio sint relicta, ut taceam alia de jure positivo notanda, de quibus suo loco dicemus. Inprimis etiam ad talia animum advertere debet, qui intelligere voluerit, quid veritatis subsit, quando dicitur, populos sibi jura pro utilitate sua constituisse, ac constituta mutasse, & cur positiva jura non eadem sint apud omnes gentes, salva æquitate.

§. 233.

Et quoniam in contractu feudali determinandum, an & *Quando* quantum solvi debeat laudemium (§. 230.); si in eodem de laudemium laudemio nihil fueris d æum, nullum quoque præstandum. *nullum præ-*

Etenim tacite conventum nil admitti potest, nisi quod ex iis, *standum.* quæ expresse dicta sunt, colligitur, quando id abesse potest, salvo negotio, quod inter contrahentes gestum, veluti hic salva constitutione feudi, a qua laudemii præstatio abesse potest.

§. 234.

Si laudemium a novo vasallo præstandum; feudum a præ- *De obligati-* sente alienari nequit nisi cum onere præstandi laudemium. Pot- *one novi va-* est tamen is cum novo vasallo convenire, vel ut a se præstandum falli, ut lau- *est tamen is* sis laudemium, vel ut pro rata inter se ac novum vasallum di- *demium sol-* vidatur: hæc conventionem tamen non obstante dominus sibi obli- *vas.* gatorem habet novum vasallum ad laudemium integrum præstan- dum. Etenim si laudemium præstandum novo vasallo, vi contractus feudalis feudum alienari non debet vasallus præ- sens nisi cum hac conditione, ut præstetur a novo vasallo

X 2

laude-

laudemium (§. 230.). Quamobrem cum domino jus quæsitum auferri non possit (§. 336. part. 2. *Jur. nat.*); quando feudum alienatur, nonnisi cum onere præstandi laudemium alienatur. *Quod erat primum.*

Enimvero cum non intersit domini, utrum laudemium solvat novus vasallus, an nomine ejus, qui feudum alienavit, & utrum novus vasallus & qui feudum alienat laudemium inter se dividant, an vasallus novus solus integrum præstet, modo integrum accipiat dominus; nil obstat, quo minus in alienatione ita conveniatur, ut, qui feudum alienat, loco vasalli novi laudemium solvat, vel ut laudemium, quod præstandum, pro rata inter eos dividatur. *Quod erat secundum.*

Denique quia vasallus feudum alienare nequit nisi cum hac conditione, ut præstetur a novo vasallo laudemium, *per demonstrata n. 1.* domino competit jus exigendi ob hoc laudemium. Quamobrem cum hoc jus invito auferri nequeat (§. 336. part. 3. *Jur. nat.*); non obstante conventionem de laudemio solvendo ab alienante, vel divisione ejusdem inter alienantem ac novum vasallum, dominus vasallum novum sibi obligatum habet ad laudemium integrum præstandum. *Quod erat tertium.*

Relegenda hic sunt, quæ in casu simili de emphyteusi annotavimus (*not. §. 37.*). Laudemii solutio onus est, quod feudo impositum, atque adeo eidem inhæret, ut adeo cum feudo transeat ad novum vasallum, consequenter cum in præjudicium domini auferri aut immutari minime possit, nulla valet de eodem sine consensu domini conventio, nisi quatenus ex ea nullum nascitur domino præjudicium. Ita igitur in alienatione conveniri nequit, ne domino sit præstandum laudemium, & quicquid ex conventionem solvendum ab alienante, id non solvitur nisi nomine vasalli novi, cui jus est compellen-

di cum ut solvat, novo autem domino ad nihil obligatus est qui alienavit, sed is non nisi novum vasallum sibi obligatum habet.

§. 235.

Laudemium statim exigi potest, quando contractus feudalis Laudemium fuit renovatus. Datur enim pro renovatione contractus feudalis (§. 228.). Unde porro eodem modo ostenditur, id statim exigi posse, quando contractus feudalis renovatur, quemadmodum idem ostendimus de emphyteusi (§. 39.).

Qui sumunt, laudemium dari pro consensu domini in alienationem; propositionem presentem in sua etiam hypothefi admittere tenentur. Consensum enim dominus declarat, dum contractum feudalem cum novo vasallo renovat, quo eundem suscipit. Ex ista vero hypothefi sequeretur, mutato domino non esse solvendum laudemium, quia tunc non consentitur in alienationem a vasallo factam, nec idem præstandum esse, quando ex lege contractus in feudo succeditur, quia tunc consensu domini nullo opus est. Ratio autem, cur laudemium exigatur, generalis esse potest, nimirum ut dominium directum pariat aliquam utilitatem. Et hæc in Jure naturæ attendenda tanquam motivum, cui adeo definitio laudemii repugnare minime debet. Non vero in nostro Jure quæstio est, quænam fuerit ratio, cur laudemium jure positivo ab initio fuerit introductum.

§. 236.

Naturaliter non repugnat, feudum ex lege offerri, ut dominium directum sit personale, ut constituatur pro certis personis, stringendi nec sit alienabile in extraneum, ut alienari non possit nisi cum consensu vasalli. Etenim qui rem in feudum offert, conditiones offerre potest, sub quibus id constitui vult, seu significare, quas determinationes substantialibus superaddi velit (§. 169.), & hæc in contractu feudali sunt definiendæ (§. 231.).

Quam-

Quamobrem cum dominium directum alicui competere possit vel tanquam jus personale, ut scilicet ad solam feudum constituentis in re ad infeudandum oblata personam sit restrictum (§. 539. part. 3. *Jur. nat.*); vel tanquam transmissibile ad certas personas, quæ nominantur, non vero alienabile, vel tanquam alienabile in quemcunque sive cum consensu vassalli, sive sine eodem, quod per se patet; naturaliter utique non repugnat feudum offerri ea lege, ut dominium directum sit personale, ut constituatur pro certis personis, nec sit alienabile in extraneum, ut alienari non possit nisi cum consensu vassalli.

Quoniam vassallus domino obligatur, ad præstandam fidelitatem (§. 155.), subinde etiam ad servitia militaria (§. 178.); ipsius potissimum interest, cuinam fidelitatem ac servitia militaria præstet. Quamobrem feudum offerenti esse possunt rationes, cur dominium directum certo quodam modo restringatur; nec aliter feudum sibi in re sua constitui velit, nisi dominio directo eo, qui ipsi placuerit, modo restricto. In feudo dato cum domini sit offerre conditiones (§. 164.), vix continget, ut dominium directum, quod sibi in re sua reservat, restringatur, quamvis non prorsus impossibile sit.

§. 237.

De jure domini in feudo dato dominium directum personale esse velis, vel nonnisi transmissibile ad certos successores, vel nonnisi alienabile cum consensu vassalli; in contractu feudali cum vassallo ita convenire licet. Etenim a voluntate domini feudum in re sua alteri constituentis, consequenter si feudum detur (§. 166.), pendet, quasnam determinationes substantialibus superaddere velit (§. 164.). Quamobrem cum determinationes, quibus dominium directum restringitur, ad substantialia minime pertineat (§. 161. 163.); ipsi utique licet eas adjicere in gratiam vassalli, quas voluerit. Quodsi ergo velit

lit ut dominium directum non sit nisi personale, vel ut non sit nisi transmissibile ad certos successores, vel ut non sit alienabile nisi cum consensu vasalli, in contractu autem feudali definiendæ sint determinationes feudi, consequenter etiam eæ, quæ ad dominium directum pertinent, substantialibus superaddendæ (§. 173.); quin cum vasallo in contractu feudali ita conveniri possit dubitandum non est.

Feudum datum & oblatum eodem modo constitui potest, sed cum in oblato offerens, in dato constituens conditiones offerat, determinationes substantialibus superaddendæ aliæ magis conveniunt feudo dato, aliæ autem feudo oblato. Quæ adeo in feudo dato vix placuerint constituenti, in feudo autem oblato facilius locum habent; eas de feudo oblato sigillatim demonstrari consultum duximus: ne tamen quis existimet, quasi eas feudo oblato proprias esse velimus, ostendendum utique erat, non impossibile esse, ut in feudo etiam dato ita conveniatur, etsi casus raro, aut nunquam dabilis existimari debeat. Sufficit enim in Jure naturæ aliquid physice, ac moraliter possibile esse, ut ita conveniatur; de eo autem quæstio non est, quid plerumque fiat, aut quid rarius, vel vix unquam fiat, ut casus tantum non pro eo habeatur, qui dari nequit. Sane jus est domino rem suam in feudum dans dominium directum in gratiam vasalli omni possibili modo restringendi, sed propterea nondum sequitur, quod id hoc, vel isto modo restringere velit. Et vasallus, qui acceptare debet conditiones, quas offert dominus, si feudum acquirere velit; non potest sibi obligare dominum ad feudum sibi constituendum, prouti ipse voluerit, quemadmodum facere potest, si feudum offert.

§. 238.

Dominus directus sine consensu vasalli jus suum alienare De jure ali-
potest, nisi aliter fuerit conventum. Etenim quilibet jus suum enandi do-
 in alium transferre (§. 12. *part. 3. Jur. nat.*), consequenter ali-
 enare potest pro lubitu (§. 662. *part. 2. Jur. nat.*). Quamob-
 rem
 (Wolffii *Jur. nat. Pars VI.*)

rem etiam dominus directus jus suum alienare potest pro lubitu, adeoque sine consensu vasalli. *Quod erat unum.*

Quoniam tamen aliter conveniri potest (§. 236. 237.), contra jus autem vasallo ex contractu feudali quæsitum dominus nil facere possit (§. 910. part. 1. Jur. nat.); si ita fuerit conventum, ut non sit alienabile, vel ut alienari non possit sine consensu vasalli, in priori casu alienari non poterit dominium directum, in posteriori non licet alienare nisi cum vasalli consensu. *Quod erat alterum.*

§. 239.

Quando alienatio domini directi invalida.

Quoniam dominus directus jus suum alienare nequit sine consensu vasalli, si ita fuerit conventum, ut alienari non possit, vel ut ad alienationem requirendus sit vasalli consensus (§. 238.); si dominus dominium directum alienet, quod alienare non poterat, aut si alienet sine consensu vasalli, quod sine consensu ejus alienare non poterat, alienatio invalida, adeoque vasallus eum, in quem jus suum transtulit dominus, pro domino superiori agnoscere non tenetur, neque ad fidelitatem præstandam eidem sese obligare.

Nimirum in uno casu competit vasallo jus non patiendi, ut dominium directum alienetur, in altero ut alienetur sine consensu suo, consequenter alienationem actu factam irritam faciendi. In utroque nimirum casu novus dominus vasallo obtrudi nequit.

§. 240.

*An contra-
ctus feudalis
renovandus
mutato do-
mino.*

Mutato domino contractus feudaliter a vasallo cum eodem renovandus. Etenim vasallus obligari debet novo domino ad præstandam fidelitatem (§. 155.) & ea, de quibus præterea conventum (§. 172.). Quamobrem cum obligationes istiusmodi nascantur ex contractu (§. 793. part. 3. Jur. nat.); ideo

ideo necesse est, contractum feudalem, ex quo metienda est obligatio vasalli, perinde ac domini (§. 172.), a vasallo domino mutato renovari.

Lucem uberiores propositioni præsentī affundunt, quæ supra de renovatione contractus feudalis vasallo mutato annotata sunt (not. §. 209.). Sane novum dominum & feudum ab eo vasallus recognoscere debet, novus vero dominus eundem tanquam vasallum suum suscipere: id quod fit in contractu feudali.

§. 241.

Quoniam mutato domino vasallus contractum feudalem cum eodem renovare obligatur (§. 240.); *domino novo dominus vasallus competit jus ad contractum feudalem renovandum vasallum compellendi* (§. 236. part. 1. Phil. præf. univ.). *ad contrahendum*

Nimirum domini interest, ut de fidelitate vasalli sit securus, & ut se tanquam dominum superiorem is recognoscat: Vasallus autem cum tanquam dominus utilis ex re feudali solus omnem utilitatem percipiat (§. 155. 2.) parum curat, utrum dominum directum habeat, nec ne, nisi ad certas quasdam præstationes, ob quas feudum fuit oblatum, is eidem obligetur (§. 179.). Quamobrem obligatio renovandi contractum feudalem tenet vasallum, dominum autem nonnisi obligatio in contractu feudali, dum renovatur, nil pro lubitu suo immutandi. Jus itaque, quod obligationi contractus renovandi respondet, coactivum ad dominum pertinet.

§. 242.

Quando contractus feudalis renovatur, siue domino, siue vasallo mutato; dominus pro lubitu suo nihil in eo immutare potest. Etenim quando dominus mutatur, dominium directum transit in alium. Quamobrem cum nemo ab altero plus juris acquirere valeat, quam quod ipse habet, quod per se patet; tale crit jus novi domini, quale ex contractu feudali com-

Y 2

petebat

petebat domino anteriori (§. 172.). Quoniam itaque novus dominus plus juris sibi arrogare nequit in vassallum, neque etiam jus ex contractu feudali vassallo quæsitum (§. cit.) eidem adimere potest (§. 336. part. 2. Jur. nat.); si mutato domino contractus feudalís renovatur, novus dominus nihil pro lubitu in eodem immutare potest.

Quodsi vassallus mutetur, feudum alienatur vel transmittitur in alium tale, quale ex contractu feudali accepit primus acquirens (§. 202.). Quamobrem quando contractus feudalís renovandus, cum ex eo metiendum sit jus novi vassalli, ejus etiam obligatio (§. 172.); dominus in contractu feudali, quando renovatur, in gratiam sui ac præjudicium vassalli, consequenter pro lubitu suo nihil immutare potest.

Dico, in contractu a domino nihil pro lubitu immutari posse, quando is renovatur. Quodsi enim ponamus, muruo domini ac vassalli, nec non eorum, quorum interest, consensu quædam immutari; id ad præsentem casum non pertinet, ubi dominus hoc facere velle supponitur parte altera invita.

§. 243.

Quando mutato domino presentem, verum etiam futurum alium quemcumque, vel successorem legitimum pro domino superiori recognoscere velis tractus re- eidemque fidelitatem prestare; mutato domino, renovatio contractus non sit opus. Si in contractu feudali vassallus promittit, quod non modo dominum presentem, verum etiam futurum alium quemcumque, vel successorem legitimum pro domino superiori recognoscere velis tractus re- eidemque fidelitatem prestare; mutato domino, renovatio contractus non sit opus. Etenim cum promittendo perfecte alteri obligemur (§. 363. part. 3. Jur. nat.); si vassallus in contractu feudali promittat, quod etiam domino novo fidelitatem prestare eundemque pro domino superiori agnoscere velit, quoniam contra promissorem pro vero habetur, quod sufficienter indicat (§. 428. part. 3. Jur. nat.), idem quoque domino novo ad fidelitatem præstandam obligatus est, & vi illius

lius promissionis eundem pro domino superiori agnoscere tenetur. Quoniam itaque jam perfecte obligatus est ad fidelitatem præstandam & dominium directum recognoscendum non opus est, ut nova promissione obligationem jam contractam confirmet, consequenter cum eo fine contractus feudalis renovandus foret, ejusdem renovatione opus non est.

Nimirum promissio, quæ fit futuro domino, dum te præsentem obligas, æquipollet conditionatæ, si contingat dominum mutari, te novo quoque domino fidelitatem præstare velle, vel etiam te fidelitatem præstiturum novo domino, si dominium directum in eum transferri, vel transmitti contingat. Existente adeo conditione, hoc est, dominio directo in eum translato seu devoluto, promissio conditionata fit pura (§. 529. *part. 3. Jur. nat.*), atque adeo perinde est, ac si novo huic domino jam pure promississes præstationem fidelitatis ac recognitionem domini directi. Neque est quod excipias, mutato præsertim domino per alienationem, promissionem conferri in personam incertam. Equis enim negaverit promissionem in personam promittenti incertam collatam esse posse obligationem? Sane si lusuris, etiamsi nondum noris, quinam sit victor exiturus, aut quinam lusui sint, promittas, te vincenti daturum nummum aureum; hoc non obstante nemo negare audebit, te victori, ludo finito, obligatum esse ad nummum aureum dandum. Quod si vero conveniatur, ut non obstante hac promissione, quam diximus, contractus tamen feudalis cum novo domino sit renovandus; tunc promissio illa saltem producit obligationem ad contractum feudalem renovandum. Inspecienda nimirum est mens contrahentium, qualem manifestant verba conjunctim sumta (§. 428. *part. 3. Jur. nat.*). Sed talia manifestiora evadent per ea, quæ posthac de interpretatione dicturi sumus.

§. 244.

Fidelitas magno consensu in contractu feudali determinanda. De fidelitate

Y 3

Etenim

determi-
nanda.

Etenim fidelitas complectitur quævis officia humanitatis, ea præsertim, quibus damna avertuntur, ac commoda promoventur (§. 154.). Quamobrem cum horum officiorum non exiguus sit numerus, & domino feudi intersit, ut hæc inprimis ipsi præstentur officia, quorum scilicet respectu feudum constituere alteri voluit in re sua, immo cur feudum oblatum acceptare voluerit; ideo mutuo consensu determinationes fidelitatis definiri debent (§. 382. part. 3. *Jur. nat.*). Quoniam itaque fidelitas in genere spectata ad substantialia feudi pertinet (§. 161.), determinationes vero, quas substantialibus superaddere visum est, in contractu feudali definiendæ sunt (§. 173.); fidelitas in contractu feudali mutuo consensu determinanda.

Obtinet hoc etiam jure positivo, in quo fidelitas ad certa capita reducitur, & in jurata promissione sigillatim enumerantur ea, ad quæ vassallus obligari debet domino (not. §. 154.). Quamvis adeo fidelitas in genere spectata omnia officia humanitatis complectitur (§. 154.); ea tamen ad certa officia restringi in specie potest, quemadmodum proprietas tam quoad dominium utile, quam quoad directum restringitur.

§. 245.

Obligatio
vassalli ad
præstandam
fidelitatem
qualis sit.

Quoniam fidelitas mutuo consensu in contractu feudali determinatur (§. 244.), ex contractu autem obligationes præstæ nascuntur (§. 793. part. 3. *Jur. nat.*); ad fidelitatem conventam præstandam vassallus domino & dominus vassallo perfectæ obligatur, consequenter domino competit jus vassallum compellendi ad fidelitatem conventam præstandam, & ubi non fecerit, vassallus ipsi tenetur ad id, quod interest (§. 629. part. 3. *Jur. nat.*), nisi pæna fuerit conventa, qua tum præstanda (§. 611. part. 3. *Jur. nat.*).

Atque jam clarius adhuc elucescit necessitas fidelitatem mutuo consensu in contractu feudali determinandi. Ea enim genera-

neraliter spectata officia humanitatis quævis complectitur (§. 154.), quæ naturaliter nonnisi imperfecte debentur (§. 436. *part. 3. Jur. nat.*), in perfecte autem debitum abeunt, si ad ea mutuo consensu te alteri obligas (§. 437. *part. 3. Jur. nat.*), hoc est, ea alteri acceptanti promittas (§. 393. 365. *part. 3. Jur. nat.*). Quoniam nimirum ad fidelitatem præstandam perfecte sese obligare debet vasallus, absolum vero foret, vasallum sese promiscue obligare debere ad quævis humanitatis officia præstanda, cum hoc pacto sese obligare in multis, quæ in potestate sua non semper sunt, necesse tamen sit, ut obligationes perfectæ sint certæ; ideo de fidelitate conveniri debet, qualis præstanda sit. Quatenus enim fidelitas conventa, perfecte deberur; quatenus vero non conventa, hoc est, quoad cetera officia humanitatis, nonnisi imperfecte debetur, seu quoad ea naturalis obligatio subsistit, quæ nullum dat domino jus compellendi vasallum ad præstationem. Quamvis vero obligatio perfecta ad officia humanitatis libertati naturali repugnet (§. 660. *part. 1. Jur. nat.*), ut adeo natura nemini competat jus alterum ad officia humanitatis sibi præstandum vi adigendi (§. 236. *part. 1. Phil. præf. univ.*); hoc tamen non obstat, quo minus nos ad officium aliquod humanitatis alicui præstandum perfecte obligemus, ut ipsi competat jus ad id præstandum nos cogendi, atque quoad hunc actum respectu ipsius libertatem nostram naturalem restringamus, immo particulam ejus hoc pacto alienemus. Actus isti cum antea non subessent juri alterius, sed a voluntate tua penderent, accedente obligatione perfecta ex pacto jam subsunt juri alterius, ut is eos imperare, tu vero eosdem denegare non possis.

§. 246.

Quoniam fidelitas mutuo consensu in contractu feuda- *Defidelitate*
li determinanda (§. 244.), feudum vero constituitur sub domini con-
conditione mutue fidelitatis (§. 155.); ita etiam *conveniri ventu-*
potest in contractu feudali, ut dominus vasallo obligetur ad pro-
tectionem præstandam: cumque qui rem in feudum offert,
condi-

conditiones offerre potest, sub quibus id constitui vult (§. 169.); *feudo oblato maxime convenit, ut dominus vasallo ad protectionem præstandam, aut ad præstandum aliud quidpiam eidem obligetur.*

Nimirum si feudum datur, dominus idem vasallo constituit in re sua (§. 166.); quando autem offertur, idem constituitur vasallo in re, quæ antea pleno jure ipsius erat (§. 168.). Quamobrem cum in casu priori vasallus acquirat, quod antea nondum habebat; in posteriori autem jus, quod antea in re habuerat, imminuat; ac præterea dominium utile, quod cum præstatione fidelitatis conjunctum est (§. 155.), oneretur (§. 585. part. 3. *Jur. nat.*); feudo dato utique magis convenit, ut dominus, qui dominium directum acquirat, quod antea non habuerat, ad aliquid vicissim præstandum vasallo obligetur, quam feudo dato, ubi nulla ratio intrinseca est, cur dominus ad aliquam præstationem obligari debeat, sed sponte sua hoc facere debet. Quoniam tamen rationes extrinsecæ adesse possunt sive ex parte dantis, sive ex parte accipientis, cur hoc faciat dominus alteri in re sua feudum constituens; ideo non repugnat feudo dato, ut etiam dominus vasallo ad singularem quandam præstationem sese obliget.

§. 247.

Obligatio domini ad certas præstationes qualis sit.

Ad præstationem conventam dominus vasallo perfecte obligatur, & huic competit jus dominum ad eam compellendi. Etenim in contractu feudali convenitur, utrum dominus ad quædam præstanda vasallo obligatus esse debeat, nec ne (§. 246.). Quamobrem cum ex contractu oriantur obligationes perfectæ (§. 793. part. 3. *Jur. nat.*); ad præstationem conventam dominus vasallo perfecte obligatur. *Quod erat primum.*

Quoniam obligatio perfecta parit alteri, cui obligatus es, jus te cogendi ad præstandum id, ad quod obligatus es (§. 236. part. 1. *Phil. præd. univ.*), obligatio vero domini ad præstationem conventam perfecta est, *per demonstrata*; vasal-

lo quoque competit jus dominum compellendi ad præstandum id, de quo in contractu feudali conventum. *Quod erat a'serum.*

Obligatio perfecta dominio directo minime repugnat. Consistit enim dominium directum in parte quadam proprietatis (§. 3.), in contractu feudali specialibus determinata (§. 173.), ut vi ejusdem de ipsa substantia rei modo convento disponere possit dominus, nec pati debeat, ut pro suo lubitu sine ipsius consensu disponat vasallus. Hoc jus subsistere potest, etiamsi dominus ad quædam facienda vasallo perfecte obligetur, adeoque perfecta obligatio dominio directo minime repugnat. Quæ sibi mutuo repugnant, ea simul in eodem subiecto locum habere nequeunt.

§. 248.

Ita etiam conveniri potest, ut, si dominus non præstet id, Quomodo de quo in contractu feudali conventum, res feudalis pleno jure cessante sit vasalli, & ex adverso, si vasallus non præstet id, de quo conventionem, eadem pleno jure sit domini. Etenim a voluntate convenientia tam feudum constituentis (§. 164.), quam offerentis pen- feudum det, quas determinationes substantialibus superaddere ve- extingua- lint (§. 169.), & hæc in contractu feudali definiendæ (§. 173.), adeoque de his conveniendum (§. 788. part. 3. Jur. nat.). Quoniam itaque per se patet, possibilem esse conventionem, ut, si pars alterutra non præstet id, de quo conventum est in contractu feudali, res feudalis esse desinat & pleno jure fiat partis alterius, cui non præstatur, quod debetur; ita omnino etiam conveniri potest, ut, si dominus non præstet id, de quo conventum, res feudalis pleno jure sit vasalli, & ex adverso, si vasallus non præstet id, de quo conventum, eadem pleno jure sit domini.

Nihil in hac conventionem iniqui. Etenim si vasallus non præstet, ad quod præstandum obligatus, propterea quod ipsi (Wolffii Jur. Nat. Pars VI.) Z domi-

dominium utile conceditur in re feudali, a pacto, quo jus suum acquisivit (§. 171.), recedit. Quamobrem nec dominus obligatur stare pacto & vasallo concedere dominium utile (§. 827. *part. 3. Jur. nat.*). Idem eodem modo intelligitur de vasallo, si dominus præstare nolit id, ad quod præstandum sese ipsi obligavit. In casu adeo priori nihil amplius juris in re feudali habet vasallus, in posteriori dominus, adeoque pleno jure in illo res sit domini, in hoc autem vasalli. Convenit posterius inprimis feudo oblato; prius feudo dato, quoniam scilicet rationes, cur ita conveniatur, facilius sese offerant in uno feudorum genere, quam in altero. Possunt tamen etiam esse rationes, cur utroque modo in utroque genere conveniatur. Rationes istæ cum sint motiva feudi dandi, vel offerendi (§. 887. *Psych. empir.*), ubi de jure quæstio est, quod ex contractu metiendum (§. 172.), in quo ineundo liberum regnat contrahentium arbitrium (§. 164. 169.), minime attenduntur. Ad eas tantummodo animum advertere debemus, ubi judicium fieri debet, num casus aliquis sit facile dabilis & quando detur. Et qui hoc, vel alio modo conveniunt, rationes istas perpendere tenentur, ne imprudenter agant. Pertinent eadem ad animum deliberatum promissoris & promissarii (§. 394. 395. *part. 3. Jur. nat.*). Quamobrem cum de animo deliberato promissoris statuendum non sit promissario, nec de animo deliberato promissarii promissori (§. 424. *part. 3. Jur. nat.*); rationes quoque istæ non attenduntur, ubi de juribus ab alio acquirendis & de obligationibus contrahendis agitur.

§. 249.

De feudo ab alio, quam ut dominium directum competat tertio & vasallus ab eo seu animum constituyente recognoscere debeat. Etenim de re sua quilibet disponere recognoscere potest pro arbitrio suo vi dominii (§. 118. *part. 2. Jur. nat.*). Quamobrem si cui vitium fuerit, ut dominium directum in eadem in unum, utile in alium transferat; quin hoc

hoc fieri possit dubitandum non est. Et quoniam jus quoddam in alium transferre potest sub ea lege, sub qua ipsi visum fuerit (§. 11. *part. 3. Jur. nat.*); dominium quoque utile in alium transferre potest ea lege, ut alteri, in quem dominium directum translatum est, ad fidelitatem præstandam sit obligatus. Quoniam itaque feudum constituitur, quando alteri conceditur dominium utile sub conditione præstandæ fidelitatis (§. 155.); feudum quis in re sua ita constituere potest, ut dominium directum competat tertio, & vassallus ab eodem feudum recognoscere debeat.

Datur nimirum res ea lege, ut sit feudalis & feudum recognoscatur a certo tertio. Quando quis feudum constituit, dominium utile in vassallum transfert, directum sibi reservare solet (§. 155.). Quemadmodum vero directum dominium sibi reservatum in alium transferre potest; ita multo magis idem, quod sibi reservare poterat, statim in alium transferre valet. Cumque vassalli jus & obligatio ex contractu, quo feudum constituitur & acquiritur (§. 171.), metienda sint (§. 172.); vassallus quoque tum dominium directum agnoscere tenetur eum, eidemque ad fidelitatem præstandam sese obligare, cui dominium directum conferre voluit constituens.

§. 250.

Quoniam perinde habendum, siue dominus feudum *De re data*, in re ita constituat, ut dominium directum non sibi re-ut feudum servet, sed tertio cuidam id competat, siue alicui rem in ea tertio suam det ea lege, ut alteri cuidam feudum in eadem constituat, prius autem fieri potest (§. 249.); quilibet quoque iur. rem suam alteri dare potest ea lege, ut feudum tertio cuidam in eadem constituat, consequenter ad feudum constituendum hinc obligatus sit.

Consultius est, ut dominus ipse feudum constituat uni & dominium directum transferat in alterum, cum ita breviori via obtrineatur, quod intenditur: præstat enim aliquid statim acquirere, quam alterum sibi obligatum habere ad id præstandum. Accedit, quod constituens præscribere possit determinationes substantialibus adjiciendas (§. 164.). Quodsi ergo res datur simpliciter sub hac conditione, ut feudum terrio constituatur in eadem; arbitrio ejus relictum videtur, quas determinationes, qui dominium directum sibi reservare debet, adjicere velit, ut adeo vassallus magis onerari possit, quam visum fuerat danti. Tacemus alia, quæ adhuc dici poterant.

§. 251.

An in re aliena feudum constitui possit. In re aliena nemo alteri feudum constituere potest. Etenim quando alicui feudum constituitur, jus eidem constituitur in re quadam (§. 155.). Enimvero cum præter dominum nemo alteri jus quoddam in re aliqua constituere possit (§. 983. part. 3. Jur. nat.), consequenter nemo in re aliena, seu quæ sua non est, alteri jus constituere queat; in re quoque aliena, seu quæ sua non est nemo alteri feudum constituere potest.

§. 252.

Constitutio feudi a non potest. Quoniam in re aliena nemo alteri feudum constituere potest (§. 251.), si putes rem esse tuam, quæ non est, & in ea dominus feuda alteri feudum constituas, constitutio nulla est. Idem etiam valet de male fidei possessore, vel si quis sciens hoc facit.

Quodsi enim constitutio valida esse deberet, domino liceret jus suum auferre: id quod absurdum (§. 336. part. 2. Jur. nat.). Quando itaque dominus rem suam vindicat (§. 544 part. 2. Jur. nat.); vassallus eam restituere tenetur, quia anon domino jus nullum acquirere potuit, siue is bona fide, siue mala fide rem possedit.

§. 253.

§. 253.

Si ignoranti feudum constituitur in re propria; feudum De re pro-
constitutio nulla est. Etenim feudum constituitur per con-*pria igno-*
 tractum feudalem (§. 170. 171.). Quodsi ergo ignoranti *ranti in feu-*
 feudum constituitur, error dat causam contractui, cum per *dum data.*
 se pateat, dominium utile, quale est feudum (§. 155.), in
 dominum transferri non posse, qui plenum dominium ha-
 bet. Enimvero si error dat causam promisso adeoque pa-
 cto (§. 788. *part. 3. Jur. nat.*), pactum invalidum est (§. 569.
part. 3. Jur. nat.). Ergo etiam non valet contractus feuda-
 lis, consequenter feudi constitutio nulla est, si ignoranti feu-
 dum constituitur in re propria.

Ostenditur etiam hoc modo. Si res, in qua alter tibi
 feudum constituit, tua est, cum tu dominium plenum in ea
 habeas (§. 124. *part. 2. Jur. nat.*), nihil juris constituenti
 eadem est (§. 120. *part. 2. Jur. nat.*). Quamobrem cum consti-
 tuens dominium utile in te transterre debeat (§. 155.), ipse au-
 tem hoc non habet, sed id tibi jam competat *per demonstra-*
ta; si tibi ignoranti feudum constituitur in re propria, con-
 stitutio nulla est.

Si tibi in re propria feudum constituitur, dominium di-
 rectum tibi adimitur, nullum vero jus in te contetur.
 Quodsi ergo constitutio feudi subsistere deberet, tibi invi-
 to adimeretur jus & alteri obligareris contra voluntatem
 tuam: quod fieri haudquaquam potest (§. 336. *part. 2. Et* §.
 382. *part. 3. Jur. nat.*).

§. 254.

Si scienti feudum constituitur in re propria; feudum ob- *De feudo*
latum constitutum intelligitur. Qui enim scit rem esse su- *scienti in re*
 am & hoc non obstante in hoc consentit, ut sibi ab al- *propria con-*
 tero feudum in ea constituatur; cum nemo alteri feudum *stituto.*

in re constituere possit, nisi dominus (§. 165.), consequenter in re, quæ sua est (§. 124. *part. 2. Jur. nat.*), is rem suam alteri dare intelligitur, sub hac conditione, ut ipsi feudum in eadem constituatur (§. 167.). Quoniam itaque feudum oblatum est, quod danti constituitur in re data (§. 168.); si scienti feudum constituitur in re propria, feudum oblatum intelligitur constitutum.

Nimirum qui consentit, ut dominium utile in se transferatur ab altero, & is sibi reservet directum, is omnino consentire debet, ut res, quæ sua est, sit alterius, quæcunque tandem sint rationes, cur hoc velit, in præsentī mirime attendendæ (*not. §. 248.*). Quodsi enim nollet, rem, quæ sua est, alterius esse debere, non sibi pateretur feudum in ea constitui, sed dominium plenum retineret, quod in re habet. Ex iis, quæ dicuntur & aguntur, judicandum est, quænam sit mens contrahentium (§. 427. *part. 3. Jur. nat.*). Atque hoc verum est, si is, qui feudum constituit, ignoret, rem esse ejus, cui feudum constituitur, si hoc noverit. De ejus enim mente tantummodo quaeritur, quænam sit, cui feudum constituitur. Quodsi enim constituens rem possideat & alter nollet, eum alterius esse debere; non pati deberet, feudum sibi in re sua constitui, sed eam vindicare (§. 344. *part. 2. Jur. nat.*). Quoniam igitur rem vindicare non vult, sed potius patitur, ut alter de re instar domini disponat (§. 165.); ipso facto declarat, velle sese ut res sit alterius, quod feudum sibi in ea constitui velit: quod omnino idem est ac dare alteri rem suam sub hac conditione, ut feudum sibi in ea constituatur.

§. 255.

De feudo in re communi unus sine consensu ceterorum feudum con-
re communituere nequit, nec eam in feudum alteri offerre potest. Omni-
consensum tamen consensu res communis & in feudum dari, & offer-
ri potest. Quodsi enim res pluribus fuerit communis nul-
lus

Ius actus dominiū validus absque consensu ceterorum, qui in communione sunt (§. 141. *part. 3. Jur. nat.*). Quamobrem cum feudi constitutio sit actus dominiū (§. 165.), & cum rem in feudum alteri offerens eam eidem det sub hac conditione, ut feudum in eadem sibi constituatur (§. 167. 168.), adeoque etiam oblatio in feudum actus dominiū sit (§. 676. *part. 2. Jur. nat.*); unus quoque in re communi sine consensu ceterorum feudum constituere nequit, nec eam alteri in feudum offerre potest. *Quod erat primum & secundum.*

Enimvero cum in communione positiva omnes conjunctim sint dominus (§. 127. *part. 2. Jur. nat.*), adeoque unanimi consensu de re communi pro arbitrio suo disponere possunt (§. 118. *part. 2. Jur. nat.*); quin omnes simul qui in communione positiva sunt, unanimi consensu & rem communem in feudum dare, & offerre possint, dubitandum non est. *Quod erat tertium & quartum.*

§. 256.

Qui in communione positiva est, partem rei communis divisam nec in feudum dare, nec offerre potest. An rei communis pars
 Qui enim in communione positiva est, pro parte indivisa dominiū in ea habet (§. 126. *part. 2. Jur. nat.*), consequenter de parte divisa disponere nequit pro lubitu suo. Quamobrem eum pro parte divisa de re communi disponat, qui eandem vel in feudum dat, vel offert; qui in communione positiva est, partem rei communis divisam in feudum dare, aut offerre nequit. *feudare possit.*

E. gr. Competit tibi dominiū in re indivisa pro parte quinta; non tamen ideo licet alteri in parte quinta rei feudum constituere, vel partem quintam dare alteri, ut tibi feudum in eadem constituat. Antequam enim alterutrum fieri possit, dominiū tibi competere debet in parte quinta a toto separata, quo

quo facto non amplius tanquam pars rei communis consideratur (§. 132. part. 3. Jur. nat.).

§. 257.

*Differentia
dominii re-
parabile: si
vero usu
consumitur
et non
consumitur.*

Si res usu non consumitur, dominium directum ab utili separabile: si vero usu consumitur, inseparabile est. Etenim si res usu non consumitur, re uti frui licet salva rei substantia, quod per se patet. Quamobrem cum jus disponendi de substantia rei sit proprietas (§. 131. part. 2. Jur. nat.), jus vero disponendi de usu ac fructu rei jus utendi fruendi (§. 135. part. 2. Jur. nat.); si res usu non consumitur, proprietas, consequenter etiam aliqua ejus pars a jure utendi fruendi separabilis est. Enimvero jus utendi fruendi cum parte quadam proprietatis dominium utile (§. 1.), pars vero reliqua proprietatis dominium directum est (§. 3.). Quod si itaque res usu non consumitur, dominium directum ab utili separabile. *Quod erat unum.*

Si res usu consumitur, re uti non licet salva substantia, quod per se patet, consequenter nec de usu rei disponi potest, nisi simul disponatur de ipsa substantia rei. Quoniam itaque jus disponendi de usu ac fructu rei est jus utendi fruendi (§. 135. part. 2. Jur. nat.), jus autem disponendi de substantia rei proprietas (§. 131. part. 2. Jur. nat.); nemini competere potest jus utendi fruendi absque proprietate, adeoque proprietas a jure utendi fruendi inseparabilis. Quamobrem cum in jure utendi fruendi cum parte quadam proprietatis dominium utile, in parte proprietatis reliqua dominium directum consistat (§. 1. 3.); si res usu consumitur, dominium directum ab utili inseparabile est. *Quod erat alterum.*

Potest aliquis re uti frui, quamvis non habeat dominium plenum, si ea usu non consumitur; aliter non potest, nisi habeat domi-

dominium plenum, si ea usu consumitur, ut adeo dominium plenum in eum transferendum sit, cui concedendus est usus (§. 503. part. 4. Jur. nat.).

§. 258.

Quoniam dominium directum ab utili separabile, si res *Quanam* usu non consumitur; inseparabile vero est, si ea usu con-*res ad in-*sumitur (§. 257.), quando vero feudum in re constituitur, *feudandum* dominium directum dominus retinet, utile in vasallum trans-*apta, qua-*fertur (§. 156. 158.); *res, quæ usu non consumitur, per se nam non* *apta est, ut feudum in ea constituatur, res vero, quæ usu con-* *sunt.*sumitur, *per se apta non est, ut feudum in ea constituatur, con-*sequenter *res, quæ usu non consumitur, proprie loquendo infeuda-* *ri potest, quæ vero usu consumitur, proprie loquendo infeudari* *nequit* (§. 156.).

Si a fixo termini significatu recedere nolis, vago admissio, quod in Jure naturæ minime licet, in quo ex rerum notionibus de jure ac obligationibus statuendum; in re consumtibile feudum constitui dici nequit, cum feudi definitio in rem consumtibilem minime quadret. Quamdiu itaque proprie loqui volueris, dicendum est in nostro jure, rem consumtibilem infeudari non posse, consequenter non dari feudum in re, quæ usu consumitur, constitutum. Ehimvero cum nec juri naturæ repugnet, ut per fictionem quandam jura quædam aliis, rerum notionibus convenientibus, assimilentur; ideo quæritur, annon fictione quadam admissa res consumtibilis haberi possit pro inconsumtibili, adeoque in illa constitui queat jus quoddam, quod feudum imitatur, ut quasi pro feudo haberi possit, quemadmodum vidimus, quasi usufructum constitui posse in re per se minus apta, ut usufructus in ea constituatur (§. 1511. part. 5. Jur. nat.). Atque ea de causa diximus rem consumtibilem per se minus aptam esse, ut in ea feudum constituatur, ne videamur negasse, quasi arte effici nequeat apta, ut in ea-
(Wolffii Jur. Nat. Pars VI.) Aa dem

dem constituatur jus, quod feudum imitatur, hoc est, quasi feudum.

§. 259.

De rebus, quæ infeudari possunt. Feudum constitui potest in omnibus rebus, mobilibus ac immobilibus, etiam incorporalibus, quæ usu non consumuntur. Etenim si res usu non consumitur, per se apta est, ut feudum in ea constituatur (§. 258.). Quamobrem cum nihil intersit, utrum res sint corporales, an incorporales, utrum mobiles, an immobiles, modo usu non consumantur, ut feudum in iis constitui possit; feudum utique constitui potest in rebus omnibus, in mobilibus ac immobilibus, etiam incorporalibus, quæ usu non consumuntur.

Nimirum res ad infeudandum apta est per hoc, quod dominium directum ab utili sit separabile, adeoque uni competere possit directum, alteri utile (§. 156.). Quamobrem cum hæc separabilitas dependeat ab eo, quod usu non consumatur; per hanc solam quoque ad infeudandum apta est, consequenter in infeudatione attendendum non est, utrum immobilis sit, an mobilis, utrum corporalis, an incorporalis. Atque ideo tam res mobilis, quam immobilis, tam corporalis, quam incorporalis proprie loquendo infeudari posse dicitur, modo sit in rerum non consumtibilium numero. Ita non minus proprium feudum constitui potest in jure venandi, vel piscandi in aliquo districtu, quam in prædio aliquo. Similiter non repugnat, ut feudum constituatur in vasis argenteis aliisque rebus pretiosis nec non in pecoribus, jumentis ac utensilibus. Multum affinitatis habet cum usufructu feudum, cum usufructus in feudum abeat, si quædam pars proprietatis ad eundem accedit (§. 155. b. & §. 1420. part. 5. Jur. nat.), ut adeo feudum contineat usufructum & plus tantummodo juris in re feudali habeat vassallus, quam usufructuarius in re fructuaria. Multa igitur usufructui ac feudo communia sunt.

§. 260.

Quoniam feudum constitui potest in rebus incorpora- *De infeuda-*
libus, quæ usu non consumuntur, seu utendo fruendo non *tione juris*
extinguuntur (§. 259.), in earum vero numero est etiam *percipiendi*
jus percipiendi proventus metallicos, imprimis kuckuum, seu *proventus*
partium metallicarum (§. 459. part. 5. & §. 498. part. 1. *Jur. metallicæ.*
nat.); feudum etiam constitui potest in jure percipiendi proventus
metallicos, vel proventus partium metallicarum.

Tum nimirum non infeudatur fodina, ex qua metalla eru-
untur, ut metalla effossa spectentur tanquam fructus fodinæ;
sed jus percipiendi proventus ex metallis effossis, qui spectan-
tur tanquam fructus istius juris, quemadmodum alibi jam mo-
nuimus (not. §. 1433. part. 5. *Jur. nat.*).

§. 261.

Qui in communione positiva est, jus suum, quod in re De infeuda-
indivisa habet, infeudare, seu in feudum & dare, & offerre *tione juris*
potest. Quilibet enim, qui in communione positiva est, in re *com-*
ratam suam, hoc est, jus suum, quod in re indivisa habet, *muni.*
in alium transferre potest (§. 143. 144. part. 3. *Jur. nat.*).
Quoniam itaque jus istud usu non extinguitur, adeoque
accensendum rebus, quæ usu non consumuntur, quod per se
patet, feudum vero constitui potest, in rebus omnibus, quæ
usu non consumuntur, etiam incorporalibus, adeoque juribus
(§. 498. part. 1. *Jur. nat.*), quæ usu non extinguuntur (§. 259.),
res autem infeudatur, in qua feudum constituitur (§. 156.),
& quando infeudatur, vel in feudum datur, vel offertur
(§. 166. 168.); qui in communione positiva est, jus suum,
quod in re indivisa habet, infeudare, seu in feudum dare
& offerre potest.

Infeudatio juris minus quidpiam est, quam translatio tota-
lis in alium: neque enim in infeudatione jus omne alienatur,

in feudo dato saltem dominium utile, in oblito nonnisi directum, consequenter quando res infeudatur, aliquid juris adhuc remanet apud eum, qui dominium plenum in ea habebat. Quamobrem qui jus totum in alium transferre potest, quin etiam partem ejus in alium transferre possit dubitandum non est.

§. 262.

De jure in re communi indivisa habet, infeudet & res communis postea dividitur; seu infeudato dum constitutum intelligitur in ea parte, quam is accipit, qui divisione illius suum infeudavit. Etenim cum nemo quicquam facere possit, quod est contra jus tertii (§. 910. part. 1. Jur. nat.); nec jus suum, quod quis in re indivisa communi habet, infeudare potest nisi salvo jure ceterorum, qui una cum ipso in communione positiva sunt. Quoniam igitur nemo cogi potest, ut invitus maneat in communione positiva; nisi specialiter prohibetur sit, ne communio tollatur, ab eo, qui prohibendi jus habet (§. 147. part. 3. Jur. nat.), & quando a communione receditur, res pro rata dividenda inter eos, qui in eadem sunt (§. 134. part. 3. Jur. nat.); nec in feudatione juris, quod uni competit in re communi pro parte indivisa tolli potuit jus a communione recedendi & pro rata inter eos, qui in eadem sunt, dividendi. Enimvero quando res communis inter eos, qui in communione sunt, dividitur, qui antea habebat jus in parte indivisa, nunc habet jus in parte divisa, adeoque jus, quod habebat in re communi, jam subsistit in parte divisa, quæ ipsi obtingit. Quodsi ergo quis jus suum, quod in parte indivisa antea habebat, infeudavit; facta divisione, jus infeudatum intelligitur in parte divisa, quæ eidem obtingit. Quoniam itaque nulla amplius ratio est, cur jus a re, cui inhaeret, distinguatur, immo feudum in jure constitutum nemo jam habere possit,

possit, nisi qui rem detinet; feudum omnino in parte ea, quæ infeudanti obtingit facta divisione rei communis, constitutum intelligitur, si qui in communione positiva est, jus suum, quod in re communi habet, infeudet & res communis postea dividatur.

Qui jus suum, quod in parte indivisa rei communis habet, infeudat, animum utique habet partem rei communis sibi debitam infeudandi, adeoque in hoc consentit, ut pars, quæ facta divisione ipsi obtinget, sit infeudata: eam enim statim infeudatet, siquidem posset, quod tamen facere non poterat (§. 256.). Quamvis adeo in contractu feudali non expresse fuerit dictum, quod facta divisione feudum constitutum esse debeat in ea parte, quæ facta divisione obtinget ei, qui jus suum in feudum alteri dat, vel offert; tacite tamen id ipsum contractui inest. Quamobrem cum ex contractu feudali metiendum sit jus vasalli ac domini (§. 172.); feudum constitutum intelligitur in parte divisa facta rei communis divisione, quod antea constitutum erat in parte indivisa. Perinde nimirum est ac si feudum constitueretur pure in parte indivisa, quamdiu subsisteret communio, conditionate autem simul in parte divisa, si rem communem dividi contingat.

§. 263.

Feudum in certa portione vini vel frumenti ex cella, horreo Fundamentum penuario domini ad dies vite præstanda constituitur nequit; Contum feudi stitui tamen potest in jure utendi, certa vini vel frumenti portio de caverna, vine ex cella horreo aut penuario domini ad dies vite præstanda. Etenim vinum ac frumentum sunt res, quæ usu consumuntur, quod per se patet. Enimvero res quæ usu consumuntur, per se aptæ non sunt, ut feudum in iis constituatur (§. 258.). Quamobrem nec feudum constitui potest in certa portione vini vel frumenti ex cella, horreo aut penuario domini ad dies vite præstanda. *Quod erat unum.*

Enimvero jus utendi certa vini vel frumenti portione

ex cella, horreo aut penuario domini præstanda res incorporalis est (§. 498. *part. 1. Jur. nat.*). Quamobrem cum res incorporales infeudari possint (§. 259.); nil sane obstat, quo minus etiam jus utendi certa vini vel frumenti portione ex cella, horreo vel penuario domini sibi præstanda infeudetur. Et quoniam infeudatio fieri potest ad dies vitæ (§. 175.); jus istud ita quoque infeudari potest, ut alicui ex cella, horreo aut penuario domini certa vini vel frumenti portio ad dies vitæ præstetur. *Quod erat alterum.*

Feudum proprie loquendo dici nequit constitui in piscibus, qui natant in flumine; in avibus, qui volitant in aëre; in feris, quæ vagantur in sylvis aut agris; potest tamen constitui in jure piscandi, aucupandi, venandi. Similiter feudum proprie loquendo constitui nequit in certa portione vini ex cella, vel frumenti ex horreo aut penuario domini præstanda; potest tamen constitui in jure utendi ista portione sibi præstanda. Sane dominus cuilibet jus alteri constituere potest in re sua (§. 982. *part. 3. Jur. nat.*), adeoque etiam in jure utendi vino ac frumento suo, cumque constituere possit eo modo, qui placuerit (§. 984. *part. 3. Jur. nat.*), certam quoque vini ac frumenti quantitatem ac tempus, ad quos concessum esse debet, determinare potest, & jus quantitate ista utendi ad tempus concessum in alterum transferre sub conditione fidelitatis mutue præstandæ sibi reservata parte proprietatis hujus juris, hoc est, sub nexu feudali (§. 155.).

§. 264.

*Feudum de
cavena quid
sit. & num
jure natura-
li sit feu-
dum.*

Feudum de Cavena dicitur, quod ita constituitur, ut alicui ex cella domini certa vini, vel ex horreo aut penuario ejus certa frumenti portio ad dies vitæ præstetur. Quoniam naturaliter feudum constitui potest in jure utendi certa vini vel frumenti portione ad dies vitæ præstanda (§. 263.); *feudum de cavena* hoc modo intellectum naturaliter constitui potest.

Quam-

Quamvis adeo dicatur, feudum constitui in certa portione vini ex cella domini, vel frumenti ex horreo aut penuario ejus præstanda, quod proprie loquendo dici nequit (§. 263); ita tamen explicandum est, ut non vinum vel frumentum, quod præstandum, sed jus eodem utendi sit infeudatum, cum hoc modo naturaliter feudum subsistere possit. Sane feudum de cavena constituitur propter usum, qui vasallo competere debet, atque adeo maxime naturale est, ut verba menti constitutis convenienter explicentur, quam res ipsa rite expensa indicat. Quodsi ergo feudum de cavena ita explices, quemadmodum explicari necesse est, ne veritati præjudicium fiat; naturaliter feudum istud erit proprium, minime autem improprium, cum a recepto feudi significatu ne minimum recedatur.

§. 265.

Quoniam *feudo de cavena constituto*, vasallo competit *Obligatio* jus certa vini portione ex cella domini, vel frumenti ex horreo aut penuario ejus utendi (§. 264.); *dominus obligatus est jus vasalli vasallo ad præstandam certam vini portionem ex cella sua, vel in feudo de frumenti ex horreo aut penuario suo ad dies vite & vasallo competit jus eam exigendi.*

Nimirum ut vasallus uti possit vino vel frumento, necesse est ut ipsi tradatur. Atque adeo dominus portionem conventam præstare tenetur, quemadmodum obligatus est ad rem infeudatam vasallo tradendam (§. 216.). Jus enim utendi aliter tradi nequit nisi cum re, qua utendum. Et quoniam res non patitur, ut unico actu tradatur; ita reperita traditione opus est. Ex hac domini obligatione vero nascitur vasallo jus exigendi portionem conventam tempore convento, qua utendi jus habet. Non est quod dicas, non opus esse, ut demum ex feudo deducatur ista obligatio; sed sufficere ad eandem contrahendam & jus inde resultans acquirendum simplicem promissionem acceptatam: etenim non quaeritur, an quis se obligare possit ad præstandum alteri certam vini vel frumenti portionem absque nexu feudali; sed de eo jam quaestio est, qualis hinc resultet domini

domini obligatio & quale inde descendat jus vasalli, si jus utendi certa vini ex cella domini, vel frumenti ex ejus horreo aut penuario portione fuerit infeudatum, cum tale jus infeudari posse demonstraverimus. Quæ igitur differunt, minime confundenda sunt, sed acute inter se distinguenda.

§. 266.

*De feudo de
cavena naturaliter ex-
tensio.*

Quoniam in feudo de cavena vasallo præstatur certa vini vel frumenti portio ad dies vitæ (§. 264.), adeoque rei, quæ usu consumitur, dantur vero aliæ adhuc res consumptibiles, quarum copia est domino, & quæ eodem modo, quo vinum & frumentum præstari possunt, veluti pisces ex piscina domini, ligna ex sylva, feræ in sylvis capiendæ; ideo patet, *naturaliter feudum de cavena extendi posse etiam ad res alias consumptibiles, veluti ut ad dies vitæ præstentur certa portio piscium ex piscina domini, vel lignorum ex sylva, vel ferarum in sylva capiendarum.*

Atque adeo patet, feudum de cavena naturaliter latius parere, quam jure positivo, quo ad vinum ex cella domini & frumentum ex horreo vel penuario præstandum restringitur. Non jam solliciti sumus de ratione etymologica, cur feudum istud feudum de cavena dicatur: in jure enim naturæ non attenditur ratio etymologica, sed natura, seu essentia rei. Ersi adeo ratio etymologica non ferat extensionem ad res alias, quam quæ dictæ sunt; abunde sufficit ad hoc, ut extensio fieri possit, si eidem minime repugnent determinationes essentielles, per quas jus aliquod concipitur (§. 142. Ontol.).

§. 267.

*An mortuo
domino sub-
sistas feu-
dum de ca-
vena.*

Quoniam feudum de cavena constituitur ad dies vitæ vasalli (§. 264.), jus vero ipsi quæsitum invito adimi nequit (§. 336. pars. 2. Jur. nat.); *mortuo domino, successor quoque obligatur ad præstandam quantitatem conventam, quemadmodum obligatus erat constitutus.*

Assimi-

Assimilatur in eo feudum de cavena usufructui ad dies vitæ vel certum tempus constituto (§. 1494. *part. 3. Jur. nat.*). Non addimus alia, quæ feudum de cavena cum aliis feudis communia habet, & in antecedentibus demonstrata, vel in subsequen-
tibus demonstranda ad hanc quoque speciem applicanda veniunt.

§. 268.

Feudum Soldatæ appellatur, quo ex gratia alicui certa *De feudo*
pecunia, vinum, vel annona quotannis præstatur. *Quoni- soldatæ.*
am perinde ac certa pecunia, vinum vel annona, ita etiam
aliæ res consumptibiles, veluti pisces, ligna, feræ, agni, vel
aliæ pecudes, ova, butyrum ac ita porro quotannis præstari
possunt; *naturaliter feudum soldata ad res quasunque consump-*
tibiles extendi potest.

Non est quod existimes, feudum soldatæ, præsertim si ex-
tendatur ad res consumptibiles quasunque, parum differre a feudo
de cavena, præsertim ad res consumptibiles quasunque si-
militer extenso (§. 266.). Etenim ex sequentibus clarius elu-
cescet, feudum soldatæ a feudo de cavena non minus differre,
quam aliæ feudorum species a se invicem differunt.

§. 269.

Quoniam feudum soldatæ ita constituitur, ut alicui cer- *De obligati-*
ta res consumptibilis quotannis præstanda sit (§. 268.); *done domini*
minus obligatur ad certam rem consumptibilem vasallo quotannis *& jure va-*
præstandam *& vasallo competit jus exigendi, ut præstetur.* *falli in feu-*

Atque in eo feudum soldatæ convenit cum feudo de cave- *do soldata.*
na (§. 265.), si in significato latiori, qui Juri naturæ convenit, ac-
cipiatur (§. 266.).

§. 270.

Quoniam in feudo soldatæ dominus obligatur quotan- *De rebus in*
nis ad rem certam consumptibilem vasallo præstandam (§. 269.), *feudo solda-*
non autem definitur, unde præstanda sit (§. 268.); *res con-* *sa præstan-*
(Wolffii Jur. Nat. Pars VI.) *ven- dis.*

venta præstanda vasallo, siue rerum istiusmodi copia domino sit, siue rebus istiusmodi careant, ut eas aliunde comparare necesse habeat.

Atque in eo differt a feudo de cavena, quod præstationem restringit ad certam copiam rerum, quæ domino sunt (§. 264.).

§. 271.

De obligatione domini, quam aductus.

Quoniam in feudo soldatæ ad rem certam præstandam vasallo quotannis dominus obligatur, siue rerum istiusmodi copia abundet, siue iisdem prorsus careat (§. 270.); facile patet, in feudo soldatæ præstationem simpliciter esse restrictam ad personam constituentis, consequenter obligationem non transire in successionem, adeoque domino mortuo extinguï, & propterea feudum quoque amitti a vasallo, mortuo domino.

Atque in eo differt a feudo de cavena, quod mortuo domino non extinguitur (§. 267.). Nimirum qui promittit dare quid alteri quotannis, is non intelligitur promittere, ut detur alteri ad dies vitæ, sed potius daturus intelligitur, quamdiu ipse vivit.

§. 272.

Res in feudis.

Dum feudum soldatæ constituitur, id constitutum intelligitur data in feudis in jure utendi re certa consumptibili quotannis præstanda, seu in usus soldatæ. istius rei. Ostenditur eodem modo, quo paulo ante ostendimus, feudum constitui non posse in certa portione vini cella sua, vel frumenti ex horreo aut penuario suo præstanda, sed in jure re ista utendi (§. 263.).

Nimirum quando feudum soldatæ constituitur, dominus dicit, se feudum constituere in hujus rei consumptibilis quotannis præstandæ usu, ad quam adeo præstandam se obligat, ut usui isti locus esse possit. Possissima differentia inter feudum de cavena & feudum soldatæ in eo consistit, quod in illo vasallus rem apud dominum extantem sibi habeat obligatam, in hoc autem

autem nonnisi personam domini, quemadmodum patet ex collatione utriusque feudi (§. 264. 268. & 270.), ut adeo in priori casu vassallus habeat jus in re, in posteriori autem jus ad rem (§. 778. 781. *part. 3. Jur. nat.*), licet in eadem re incorporali utrobique constitutum sit feudum.

§. 273.

Feudum etiam constitui potest in habitatione, seu jure habitandi in domini ædibus. Etenim jus habitandi in alterius ædibus est res incorporalis, quæ usu minime consumitur (§. 498. *part. habitationis. 1. Jur. nat.*). Quamobrem cum etiam res incorporales infeudari possint, quæ usu minime consumuntur, seu non extinguuntur (§. 259.); feudum etiam constitui potest in jure habitandi in domini ædibus.

§. 274.

Feudum habitationis dicitur, quando jus habitandi in domini ædibus alicui ad dies vitæ conceditur. Quoniam naturaliter quoque feudum in habitatione, seu jure habitandi constitui potest (§. 273.); *feudum habitationis est juris naturæ.*

Refertur vulgo feudum habitationis ad feuda improprie sic dicta: sed si rite explicetur, quemadmodum a nobis factum, non minus feudum proprium dici potest feudum habitationis, quam jus piscandi, aucupandi, venandi proprie loquendo infeudatur. Quamdiu enim juri alicui alteri concessio definitio feudi competit (§. 155.); tamdiu quoque a significato proprio non receditur. Sunt etiam jura tanquam res incorporales in dominio (§. 216. *part. 2. Jur. nat.*), quod adeo in dominium directum & utile dividi potest, quemadmodum feudi constitutio requirit (§. 156.), sive feudum fuerit datum, sive quæsitum (§. 166. 168.). Feudum vero habitationis, quod constituitur in jure habitandi, differt a feudo, quod constituitur in domo, re corporali immobili. Sane si feudum aliquod in domo constituitur, aliquid proprietatis in domo etiam competit vassallo: nihil vero si constituitur in jure habitandi, seu quando feudum habitationis est.

§. 275.

Quomodo

Si pecuniam alteri dans tacitam habeat hypothecam in re immobili seu mobili accipientis, aut accipiens vel per fidejussores, vel per pignus, res consumitur aut hypothecam cavere tenetur; pecunia efficitur quasi res, quæ utilis effici- su non consumitur. Idem quoque valet de rebus aliis, quæ usu consumuntur quasi sumuntur. Etenim si pecuniam alteri dans tacitam habeat hypothecam in re immobili, vel per fidejussores, vel per pignus aut hypothecam cavere tenetur accipiens; si contingat pecuniam restitui debere, ex re, in qua quis hypothecam tacitam habet, vel expressam, aut pignus constitutum, satisfieri potest ei, cui restituenda (§. 1142. 1143. part. 5. Jur. nat.), vel si is eam restituere nequit, qui debet, a fidejussore restituenda (§. 794. part. 4. Jur. nat.).

Quamobrem et si pecunia referatur ad res, quæ usu consumuntur (§. 471. part. 4. Jur. nat.), ut adeo quoad utentem perinde sit, ac si ea amplius non extaret; ob hypothecam tamen tacitam aut cautionem perinde est, ac si finito usu adhuc extaret, utpote quæ in genere adhuc restitui debet (§. 486. part. 4. Jur. nat.). Quoniam itaque res usu non consumitur, quæ post eundem adhuc extat, quod per se patet; pecunia per tacitam hypothecam in re immobili accipientis, vel cautione per fidejussores, pignus aut hypothecam efficitur quasi res, quæ usu non consumitur.

Idem eodem prorsus modo ostenditur de re, quæ usu consumitur, alia.

Nimirum quamdiu tacita hypotheca, vel cautio per fidejussores, pignus aut hypothecam subsistit, tamdiu perinde est ac si pecunia adhuc extaret, atque adeo accipiens eadem usus esset silva substantia. Et si adeo res, quæ usu consumitur, mutare minime possit genus, ut vertatur in rem, quæ usu non consumitur, spectari tamen potest tanquam res, quæ usu consumta non fuit, quando questio est de ejus restitutione, ac ideo quasi res est, quæ usu non consumitur, quamdiu certum est, eam in genere restitui posse.

Cum in Jure etiam naturæ admittant-

mittantur fíctiones ad formandos conceptus universales, quemadmodum alias jam vidimus; nec quicquam obstat, quo minus res, quæ usu consumitur, sub ea conditione, quam diximus, spectetur tanquam res, quæ usu minime consumitur.

§. 276.

Quoniam res, quæ usu non consumuntur, ad infeudandum per se aptæ sunt, quæ autem usu consumuntur ad infeudandum minus aptæ sunt (§. 258.), pecunia autem & aliæ res consumuntur, hypotheca tacita, vel cautione efficiuntur; infeudantur quoque & aliæ res immobiles ad infeudandum aptæ efficiuntur aptæ autem per hypothecam tacitam in re immobili ejus, cui feudum concessantur, vel cautione sive per fidejussores, sive per pignus aut hypothecam.

Nimirum quod aliæ res ad infeudandum aptæ sint, aliæ autem per se minus aptæ, id inde est, quod aliæ post usum extent, aliæ vero post usum non amplius extent. Quamobrem si efficitur, ut quoad jura & obligationes perinde sit, ac si res, quæ usu consumitur, adhuc extaret; nil amplius infeudationi obstat, cum detur quasi dominium directum in re quasi extraneæ a dominio utili separatum, sine qua divisione domini directi ac utilis feudi constitutio concipi nequit (§. 156.).

§. 277.

Si pecunia senebris efficitur, aut ad negotiationem adhibetur, Quando ex rei fructifera comparanda impenditur; manentem ex ea per pecuniam percipere licet utilitatem. Etenim si pecunia fuerit senebris, mens percipere ejus usu solvuntur usuræ (§. 1423. part. 4. Jur. nat.), quæ patur utrum sint redditus ex ea provenientes; qui pecuniam senebris efficit, manentem ex ea utilitatem percipit. Quod erat primum.

Quoniam negotiatio lucri causa exercetur, quod per se notum sumitur; si pecunia ad eam exercendam adhibetur, Bb 3 lucrum,

lucrum, quod ex ea percipitur, spectari potest tanquam fructus pecuniæ ac operæ, quæ impenditur (§. 956. *part. 1. Theol. nat.*). Atque adeo denuo patet, manentem quandam ex pecunia hoc pacto percipi posse utilitatem. *Quod erat secundum.*

Similiter si pecunia res quædam fructifera comparatur, perinde est ac si ex pecunia perciperentur fructus, qui percipiuntur ex re, quam sine pecunia comparare non poterat. Quamobrem in hoc quoque casu ex pecunia manentem quandam utilitatem percipere datur. *Quod erat tertium.*

Patet adeo, non uno modo pecuniam in se sterilem effici posse fructiferam, ita ut æquipolleat rei fructiferæ. Quamdiu nimirum utilitas percipitur, quæ sine pecunia percipi non poterat; tamdiu ex pecunia utilitatem percipere dicendus es, perinde ac si tibi data fuisset res, qua uti frui poterat, salva substantia.

§. 278.

*Quomodo
pecunia effi-
ciatur quasi
res, qua uti
frui datur
salva sub-
stantia.*

Quoniam ex pecunia manentem percipere datur utilitatem, si pecunia fœnebris efficitur, aut ad negotiationem adhibetur, vel rei fructiferæ comparandæ impenditur (§. 277.), eadem vero per hypothecam tacitam vel cautionem efficitur quasi res, quæ usu non consumitur (§. 275.); si pecuniam alteri dans habeat hypothecam tacitam in re aliqua immobili, vel eidem cavetur, siue per fidejussores, siue per pignus aut hypothecam, & accipiens pecuniam fœnebrem efficit, aut ad negotiationem adhibet, vel rei fructifera comparandæ impendit; pecunia efficitur quasi res fructifera, quæ usu non consumitur, consequenter qua uti frui datur salva substantia.

Probe hic singula perpendi velim, ne quis existimet, quasi ingenio abutamur, & quæ a nobis de pecunia demonstrata sunt, magis ingeniose, quam ex vero dicta videantur. Quodsi alicui principium reductionis, cujus in inveniando ac demonstrando

frando usum alias commendavimus (not. §. 472. *Pfych. empir.*), & fictiones a Jētis etiam Romanis jam olim probatas intimius perspexerit; ei in hisce nihil occurreret, quod dubium quoddam movere poterat.

§. 279.

*Si pecunia alteri datur ea lege, ut eandem alicui sub usuris De modo im-
credat, aut eadem utatur ad negotiationem quandam exercendam, feudandi po-
vel rem quandam fructiferam comparandam, danti autem conce-
datur hypothecca tacita in re immobili accipientis, vel caveatur sive
per fidejussores, sive per pignus aut hypotheccam; pecunia infeudari
potest.* Etenim in hypothesi propositionis præsentis pecunia
efficitur quasi res fructifera, quæ usu non consumitur, & qua
adeo uti frui datur salva substantia (§. 278.). Quoniam ita-
que fingere licet, quasi pecunia alteri data semper existeret
& manens ex eadem perciperetur utilitas eadem utendo fru-
endo; nil sane obstat, quo minus concipiamus dominium
plenum ejusdem, quod ex jure utendi fruendi ac proprietate
consistit (§. 136. *part. 2. Jur. nat.*). Neque etiam quicquam
obstat, quo minus dominium plenum concipiatur dividi in
utile ac directum, ita scilicet ut uni competat jus utendi fru-
endi cum aliqua proprietatis parte, alteri vero pars proprie-
tatis reliqua (§. 1. 3.). Enimvero quando res infeudatur,
dominium plenum dividitur in utile ac directum inter duas
personas sub conditione fidelitatis mutæ (§. 156.), quam
semper adjici posse patet (§. 154.). Quamobrem evidens
est, in hypothesi propositionis præsentis pecuniam infeudari
posse.

Non est, quod existimes, si pecunia impenditur rei fructi-
feræ comparandæ, feudum constitui non in pecunia, sed in
re, quæ pecunia comparatur. Neque enim dici potest, rem
esse feudalem, quam neque pecuniam dans, neque accipiens
feudalem esse voluit, cum feudum non constituatur nisi pacto
(§. 170.)

(§. 170.), ex quo metiendum est jus, metienda obligatio tam domini feudi, quam vassalli (§. 172.). Sane si pecunia infeudatur, vel quasi, liberum est vassallo, utrum eam impendere velit rei fructiferæ comparandæ, vel sub usuris tertio cuidam credere, vel aliter quomodocunque eadem uti, nisi expresse quidpiam horum fuerit dictum in contractu feudali. Quodsi ergo eidem placuerit, pecunia, quam quasi feudalem accipit, rem quandam fructiferam sibi comparare; ecquis dixerit, in hac re, de qua cogitatum non fuit, cum pecunia infeudaretur, feudum fuisse constitutum. Et, si vel maxime pecunia ea lege in feudum detur, ut res fructifera compararetur, consequenter vassallus obligatus sit ad talem comparandam (§. 172.); non tamen propterea dici potest res ista feudalis, cum ejus comparatio constitutioni feudi adjiciatur tanquam modus, sub quo idem constituitur, quo adimpleto feudum adhuc subsistit in pecunia, in qua constitutum fuit.

§. 280.

Quasi feudum quodnam sit. *Quasi feudum* dicimus, quod constituitur in re per se ad infeudandum minus apta, sed quæ ad infeudandum apta efficitur arte.

Non dicimus feudum improprium, cum significatus feudi improprii alius sit, qui in jure positivo receptus, isque multo latior, nec Juri naturæ satis conveniens, quippe cum in eodem feudis propriis accenseri debeant, quæ in jure positivo ad impropria referuntur. Etenim feudum improprium dici solet in jure positivo, definiente *Struvio* in Syntrgm. Jur. feud. c. 4. §. 1. in quo vel feudi essentia non perfecte adest, vel essentialia quidem perfecte adsunt, sed quod a communi feudi natura recedit. At cum naturalia nulla sint in jure naturæ, sed cum accidentalibus in unum censum referenda (§. not. 163.), utraque autem sint determinationes essentielles, in quibus differentiz specificæ feudorum consistunt (§. 162. 163.); facile patet, in jure naturæ feudum improprium non esse, quod a communi feudi natura recedit. Deinde ad essentiam quoque feudi

di requiritur Jure positivo, ut res sit immobilis: id quod naturale non est (§. 259.). Unde denuo jure positivo ad feuda impropria referenda, quæ in Jure nostro propriis accensenda.

§. 281.

Feudum pecunia dicitur, quod in pecunia constituitur. De feudope-
Quoniam pecunia per se ad infeudandum apta non est, ad cun.e.
 infeudandum tamen apta effici potest (§. 258. 279.); quasi feudum vero est, quod constituitur in re per se ad infeudandum minus apta, sed quæ ad infeudandum apta efficitur arte (§. 280.); *feudum pecuniæ est quasi feudum.*

Disputant Doctores de eo, utrum feudum in pecunia constitui possit, nec ne. Sunt qui negant, sunt qui affirmant feudum constitui posse, sed improprium. Posterior sententia veritati consentanea, quemadmodum ex demonstratis abunde intelligitur. Qui feudum improprium in pecunia constitui posse concedunt, id triplici modo fieri posse statuunt, vel ut pecunia sit apud ipsum dominum feudi, atque is jure feudi alteri certum solvat redditum; vel ut ex pecunia tertio cuidam credita quis jure feudi redditum percipiat; vel denique ut ipse, cui feudum in pecunia constituitur, pecuniam teneat. Convenit hoc cum eo, quod de modo constituendi feudum pecuniæ modo demonstravimus (§. 279.). Exenim si pecunia alteri datur ea lege, ut eandem sub usuris credat tertio, adeoque is, cui in pecunia feudum constituitur, usuras accipit; secundus obtinet feudum constituendi in pecunia modus, quo ex pecunia tertio credita vasallus percipit redditum. Quoniam vero perinde est, siue tertius quidam, siue ipse dominus feudi sit debitor pecuniæ feudalis, quoin casu usuras debet solvere non tanquam dominus feudi, sed tanquam debitor pecuniæ feudalis, una eademque persona duplicem personam moralem repræsentante; modus primus constituendi feudum, ut pecunia sit apud ipsum dominum feudi, atque is jure feudi solvat redditum, continetur sub eo, quo pecunia feudalis sub usuris alicui creditur. Quod si denique pecunia feudalis impenditur vel in negotiationem, vel

(Wolffii Jur. nat. Pars VI.), C c in

in rem frugiferam comparandam; tum tertius modus feudum constituendi in pecunia obinet, quo vassallus pecuniam tenet.

§. 282.

An feudum pecunia sit datum an oblatum. Feudum pecuniæ tam datum esse potest, quam oblatum. Quoniam enim feudum in pecunia constitui potest (§. 279.); perinde fieri potest, ut dominus in pecunia sua feudum constituat alteri, quam ut aliquis alteri offerat pecuniam propriam, ut sibi feudum in ea constituatur. Cum feudum in priori casu sit datum (§. 166.), in posteriori oblatum (§. 168.); evidens est feudum pecuniæ tam datum esse posse, quam oblatum.

§. 283.

An ad constitutionem feudum pecuniæ non potest constitui nisi pacto, seu absque contractu feudali non constituitur. Etenim omne feudum constituitur pacto (§. 170.). Quamobrem cum feudum pecuniæ sit feudum, quod in pecunia constituitur (§. 281.); feudum quoque pecuniæ non potest aliter constitui, quam pacto. Quodsi dubium videatur, an quod de constitutione feudi demonstratum est, ad feudum pecuniæ, quod quasi feudum esse ostendimus (§. 281.), applicari possit; feudum pecuniæ non posse constitui nisi pacto, eodem modo ostenditur, quo supra demonstravimus (§. cit.), feudum pacto constitui. Quod erat primum.

Quia feudum pecuniæ non potest constitui nisi pacto, per demonstrata, pactum vero illud, quo de feudo, quod constituitur, inter se conveniunt dominus & vassallus, est contractus feudalis (§. 171.); absque contractu feudali feudum pecuniæ non constituitur. Quod erat alterum.

§. 284.

Quenam pecunia sit feudalis. Pecunia feudalis est, in qua feudum constitutum: allodialis vero, in qua feudum non est constitutum. Etenim res, in qua feudum constitutum est, feudalis est (§. 157.). Enimvero si feudum

feudum constituitur in pecunia, ea subit locum rei, in qua *quoniam* alfeudum constituitur (§. 279.). Ergo pecunia, in qua feudum *l. dialis*. constitutum, feudalis est. *Quod erat unum.*

Eniinvéro quicquid feudale non est, id allodialé est (§. 192.). Quamobrem cum pecunia tum demum efficiatur feudalis, quando feudum in eadem actu constituitur, adeoque feudalis non sit, in qua feudum constitutum non est; pecunia allodialis est, in qua feudum non constitutum. *Quod erat alterum.*

Pecunia, quam habes, cum pleno jure tua sit, per se allodialis est (§. 192.), adeoque, si qualitatem feudalem induere debet, necesse est ut, quam a se non habet, aliunde acquirat. Aliunde autem hanc qualitatem acquirere nequit, nisi feudi in eadem constitutione per contractum feudalem (§. 157. 171.). Quamdiu adeo feudum in eadem non constituitur, qualitatem allodiale non mutat. Nimirum allodialis ideo est, quod plenum in eadem dominium habeas. Quod si ergo feudalis fieri debet, necesse est, ut dominium directum a pleno separetur, tibi que in eadem non relinquatur nisi dominium utile (§. 156.). Quamdiu adeo dominium directum ademptum non est, nec feudalis esse potest. Non est, quod objicias, si dominus feudi pecuniam, in qua feudum constitutum, teneat (*not. §. 281.*); pecuniam feudalem esse, cui dominium utile ademptum. Etenim tum pecunia apud dominum feudi non est tanquam res feudalis, quippe quæ hoc respectu ad vassallum pertinet; sed tanquam debitum, nec propterea apud ipsum est, quia dominium directum in ea habet, sed quia sic conventum in contractu feudali (§. 172.). Me autem tacente intelligitur, nos hic tantummodo loqui de eo, quod naturaliter obtinet, dum declaramus modum, quomodo pecunia efficiatur feudalis, adeoque seponere ea, quæ a statu civili pendent,

§. 285.

Pecunia, qua feudum venditum est, feudalis non est. Quan- An pecunia,
do enim feudum venditur, in pecunia, quæ accipitur, feu- *qua feudum*
dum

*venditum
sit feudalis.* dum nullum constituitur per hoc, quod pro feudo accipia-
tur, cum contractus emtionis venditionis non contineat con-
tractum feudalem de feudo in pecunia accepta constituendo
(§. 937. *part. 4. Jur. nat.* & §. 171.). Quamobrem cum feu-
dum in pecunia constitui nequeat nisi per contractum feuda-
lem (§. 283.), pecunia vero, in qua feudum constitutum non
est, feudalis non sit (§. 284.); nec erit pecunia feudalis, qua
feudum venditum est.

Ostenditur etiam hoc modo. Quando feudum vendi-
tur, pecunia pro feudo datur (§. 937. *part. 4. Jur. nat.*), adeo-
que dominium ejus in venditorem transfertur (§. 675. *part. 2.
Jur. nat.*), ut adeo emtor plenum in ea dominium habeat,
quippe quod semper intelligitur, quando dominium simpli-
citer nominatur. Enimvero res, in qua quis dominium ple-
num habet, allodialis est, non feudalis (§. 192.). Ergo pe-
cunia, qua feudum venditum est, feudalis non est.

Ex demonstratione altera patet pecuniam, quæ accipitur,
esse allodiam, etiamsi solvatur pro feudo. Atque adeo ulte-
rius liquet, si qualiter feudalem induere debet, ut allodialis
esse definat, peculiarem requiri actum a venditione diversum,
qui alius esse nequit quam contractus de pecunia infeudanda
(§. 283.). Hic igitur ubi abest, nec pecunia allodiam qual-
tatem mutavit.

§. 286.

*An res allo- Si res feudalis cum allodiali permutatur, allodialis feudalis
dialis per- non est. Etenim cum in emtione venditione pretium, seu
mutatione pecunia detur pro re (§. 937. *part. 3. Jur. nat.*), in permuta-
tione res pro re (§. 879. *part. 3. Jur. nat.*); res, quæ pro
cum feudali feudo datur, æquipollet pecuniæ, quæ pro eodem datur. Ast
fiat feuda- feudo datur, æquipollet pecuniæ, quæ pro eodem datur. Ast
lis. pecunia, quæ pro feudo datur, in emtione venditione, feu-
dalis non est (§. 285.). Ergo nec feudalis esse potest res al-
lodialis, quæ cum feudali permutatur.*

Ostendi

Ostendi etiam potest hoc modo. Si res feudalisi cum allodiali permutatur, pro feudali datur allodialis (§. 879. *part. 3. Jur. nat.*), adeoque qui dat rem allodiam, cum in ea habeat dominium plenum (§. 192.), dominium plenum in alterum transfert (§. 675. *part. 2. Jur. nat.*) Quoniam itaque is permutatione acquirit dominium plenum in re, quam pro feudo accipit; quin res allodialis maneat, adeoque feudalisi non sit, si cum ea feudalisi permutatur, dubitandum non est.

Quæ modo annotavimus de pecunia, quæ pro feudo vendito accipitur, ea etiam valent de re allodiali, quæ accipitur pro feudali. Nihil in hac & præcedente propositione difficultatis est, modo ex notionibus de rebus statuas. Quibus verum dubium videtur, annon pecunia, vel res allodialisi pro feudo data feudalisi esse debeat; illi confunduntur regula, quod surrogatum sapiat naturam surrogati. Putant nimirum quando feudum venditur, pecuniam surrogari in ejus locum, & quando cum re allodiali permutatur, rem allodiam surrogari in locum feudalisi. Atque hinc concludunt, pecuniam in casu priori, rem, quæ erat allodialisi, in casu posteriori, induere debere qualitatem feudalem. Facile autem apparet, quod distincta destituantur surrogati notione, ex qua ratiocinentur. Ex eo, quod sit, nimirum ex actu venditionis ac permutationis, statuendum est de eo, quod inde sequitur, nec opus est ut ad actum alium, quo unum surrogari dicitur in locum alterius, confugiamus, præsertim cum huic non satis distincta ac determinata respondeat notio: qua de causa nec opus esse judicamus, ut ratio reddatur, cur regula ista in præsentis fallat.

§. 287.

Pecunia ad feudum emendum destinata feudalisi non est, sed An pecunia allodialisi. Etenim pecunia feudalisi non est, in qua feudum ad feudum non constitutum, sed allodialisi (§. 284.). Quoniam itaque emendum feudum in, pecunia non constituitur absque contractu feudali (§. 283.), contractus vero feudalisi non est actus, quo quis feudalisi:

Cc 3:

decla-

declarat, hac pecunia emendum esse feudum, vel se feudum emere velle, adeoque ad feudum emendum pecuniam destinat (§. 171.), consequenter hac destinatione feudum in pecunia non constituitur; pecunia quoque ad feudum emendum destinata feudalis non est, sed allodialis.

Per hoc, quod pecuniam ad emendum feudum destines, non tibi adimis dominium utile & in alium transfers, aut alteri das pecuniam, ut feudum in ea tibi constituat. Quamobrem nullo modo concipi potest, quod pecunia amittere debeat qualitatem allodiamalem, quia ad feudum emendum eam destinasti.

§. 288.

Quando quis pecunia feudo redacta, vel alia feudum emere velle; eidem ad feudum ex feudo remendum obligaris. Etenim promissor promissario perfecte obdacta vel a ligatur ad præstandum, quod promissit (§. 363. pars. 3. Jur. nat.). Quodli ergo ei, cujus interest, a te feudum emi, promittas, *lia feudum emere cogatur.* te pecunia ex feudo redacta feudum emere velle; eidem perfecte te obligas ad emendum feudum, adeoque feudum emere teneris (§. 118. pars. 1. Phil. pract. univ.).

Dico promissionem fieri debere ei, cujus interest feudum a te emi. Si enim ejus, cui promissio fit, non interesset, feudum emi; inutilis esset promissio, adeoque actus in jure nullus.

§. 289.

Depacto, quo pecunia ex feudo redacta defertur heredibus feudatibus. Si ita conveniatur, ut pecunia ex feudo vendito redacta pertineat ad eos, qui alias in feudo succedunt post mortem ejus, qui accepit pecuniam; pactum validum est. Etenim eorum, qui in feudo succedere debent post mortem ejus, qui id tenet, interest, ne feudum vendatur, & si non vendatur, post mortem ejus in eo succedunt. Quamobrem cum quoad successorem allodiamalem perinde sit, sive illi succedant in feudo, sive pecuniam ex feudo redactam lucentur; nihil fit contra eorum jus,

jus, si ita conveniatur, ut pecunia ex feudo vendito redacta pertineat ad eos, qui alias in feudo succedunt post mortem ejus, qui pecuniam accepit. Quoniam itaque nihil obstat, quo minus ita conveniatur, nulla quoque ratio est, cur istiusmodi pactum valere non debeat. Erit adeo validum.

Nimirum hoc pacto nemini adimitur jus suum, sed potius jus, quod ad feudum habent alii, conservatur. Nihil adeo iniqui habet pactum istiusmodi. Etsi enim pecunia ex feudo redacta non sit feudalalis, sed allodialis (§. 285.); vi pacti tamen in ea reservari potest jus eorum, qui in feudo succedere debebant.

§. 290.

Quodsi cum iis, qui in feudo succedere debent, conveniatur, De conventioni pecunia ex feudo redacta pro feudo habeatur; ea post mortem ejus, ut pecunia ex *acceptis, pertinet ad successores feudales.* Etenim inspicienda est mens eorum, qui ita convenerunt. Quoniam ita- *feudo redacta* *que ratio unica, cur ita convenerint, non alia est, quam ut suc-* *cta pro feud-* *cessoribus conservetur jus in pecunia ex feudo vendito red-* *do habeatur.* *cta, cum hac conventione, quod pecunia ex feudo redacta pro feudo haberi debeat, in pecunia, quæ allodialis est (§. 285.), non constituatur feudum, utpote deficiente divisione domini plenius, quod in allodio est (§. 192.), in directum et utile (§. 156.), non aliud dixisse videntur, quam quod pecunia ex feudo vendito redacta post mortem ejus, qui accepit, pertinere debeat ad eos, qui alias post ipsius mortem in feudo succedunt. Quamobrem cum istiusmodi pactum validum sit (§. 289.): pecunia quoque ex feudo vendito redacta ad successores feudales pertinere debet, si ita cum iis conveniatur, ut pecunia ista pro feudo habeatur.*

Non ignoro in Jure feudali positivo contrarium defendi, propterea quod istiusmodi conventionem qualitas pecuniæ allodialis in feudalem mutari nequit, ut adeo pecunia vi ejusdem pro-

pro feudo haberi nequeat, consequenter ita conveniendo nihil agatur. Enimvero non de eo jam quæstio est, num pecunia propter istam conventionem pro feudo haberi possit; sed quid pacificentes indicare voluerint verbis istis, pecuniam pro feudo habendam esse. Quoniam eo ipso, quod dicant pecuniam pro feudo habendam esse, satis indicant, se nosse quod feudalis non sit; ut constet, quænam fuerit mens ipsorum verbis istis significata, deveniendum utique est ad rationem unicam, quæ eos permovit, ut pecunia, quæ feudalis non est, sed allodialis, pro feudo habeatur, secundum principia interpretationis ab omnibus concessa ac posthac demonstranda, quemadmodum in demonstratione fecimus. Novi equidem, quod in foro rationem vincat autoritas; id tamen me permovere nequit, ut cum Doctoribus errare malim, quam verum dicere. In Jure naturæ nihil valet autoritas, sed ratio vincit auctoritatem omnem: immo quod sola autoritate probatur, in Jure naturæ nullum meretur locum. Jus naturæ non judicem agnoscit Doctores, sed Doctores judicem agnoscere tenentur opinionum suarum jus naturæ. Et quamvis nobis nondum esse liceat adeo felicibus, ut in foro ratio vincat auctoritatem; licebit tamen posteris adeo felicibus esse, siquidem contingat juventutem, quæ in Academicis operam navat, ad veram & solidam studiorum rationem revocari.

§. 291.

De una re pluribus in offerri potest. Una eademque res pluribus conjunctim in feudum dari, vel feudum dari, adeoque jus quoddam (§. 155.), constituit in re sua (§. 166.). Enimvero a domini voluntate unice dependet, quomodo de re sua disponere (§. 118. 120. part. 2. Jur. nat.), consequenter cuinam jus quoddam in ea constituere velit. Quamobrem si ipsi placuerit, pluribus conjunctim in una eademque re jus constituere, consequenter etiam unam eademque rem pluribus conjunctim in feudum dare potest. *Quod erat unum.*

Quando

Quando res in feudum offertur, ea alteri datur sub hac conditione, ut feudum sibi in eadem constituatur (§. 167. 168.). Quamobrem cum a domini voluntate unice pendeat, cuinam rem suam dare & sub qua lege dare velit (§. 11. 12. part. 3. §. 675. part. 2. Jur. nat.); una quoque eademque res pluribus conjunctim offerri potest in feudum. *Quod erat alterum.*

§. 292.

Quoniam pluribus conjunctim una eademque res in feudo dari potest (§. 291.); si una eademque res pluribus conjunctim in feudum datur, cum unicuique competat dominium utile pro parte in re indivisa (§. 155.), feudum iisdem commune est (§. 126. part. 2. Jur. nat.). Et quia dominus feudum constituens (§. 165.) determinationes substantialibus superaddere potest, quæ placuerint (§. 164.), si pluribus conjunctim una eademque res in feudum datur, feudum pro rata erit commune, prouti definitur dominus.

Patet adeo, quomodo feudum constituatur commune, & quod tale constitui possit non minus pro parte æquali, quam pro partibus inæqualibus in qualibet ratione. Ea nimirum erit rata uniuscujusque, quæ in contractu feudali, quo feudum istud commune constitutum (§. 171.), definita (§. 172.).

§. 293.

Similiter quoniam una eademque res pluribus conjunctim in feudum offerri potest (§. 291.); si una eademque res directo communis pluribus conjunctim in feudum offertur, cum unicuique competat dominium directum in re indivisa (§. 156. 168.); dominium directum erit eis, quibus res in feudum oblata, commune (§. 126. part. 2. Jur. nat.).

Nimirum quia res pluribus conjunctim datur, dominium plenum in re indivisa iisdem habent (§. 126. part. 2. Jur. nat.).

Sed quia datur sub ea conditione, ut feudum danti in eadem

(Wolffii Jur. Nat. Pars VI.)

D d

con-

constituatur; dominium dividitur in directum & utile (§. 156.), utili in dantem translato (§. 155.) accipientes retinent directum, adeoque commune, quale nimirum continebatur in pleno: neque enim divisione dominii hanc qualitatem amittere potest dominium directum, quod tanquam pars pleni spectandum.

§. 294.

*Res, quantum
infeudari
non possunt.*

Quæ sunt in nullius dominio, ea infeudari non possunt. Quod si enim res aliqua in nullius fuerit dominio, nemini quoque competit jus de eadem disponendi pro arbitrio suo (§. 118. *part. 2. Jur. nat.*), consequenter nemo quoque feudum in ea alteri constituere potest, neque etiam eam alteri dare potest, ut feudum sibi in ea constituatur. Quamobrem cum res infeudari nequeat, nisi vel quis in re sua alteri feudum constituit, vel in re sibi ab altero data sub ea conditione, ut feudum sibi in ea constituatur (§. 166. 168.); quæ sunt in nullius dominio, ea infeudari non possunt.

§. 295.

*An res natura
adhuc
communes
infeudari
possint.*

Quoniam res in communione primæva relictæ, seu natura adhuc communes (§. 7. *part. 2. Jur. nat.*), quæ vero in dominio non sunt, infeudari non possunt (§. 294.); *res natura adhuc communes infeudari non possunt.*

Ita aer, aqua profluens & lumen solis res communes mansere, introductis dominiis (§. 209. *part. 2. Jur. nat.*). Aer igitur, aqua profluens & lumen solis infeudari nequit. Quando enim alicui conceditur jure feudi habere molendinum pneumaticum, non aer infeudatur, quo molendinum agitur; sed jus habendi molendinum, tanquam res incorporalis (§. 259.).

§. 296.

Rem infeudandam ali-

Res, quæ in feudum datur, vel offertur, alienabilis esse debet. Etenim quando res in feudum datur, dominus feudum alienabilem esse constituit in re sua (§. 166.), adeoque dominium utile, quod a di-

a directo separatur (§. 156.), transfertur in vassallum & dire-*se debere.*
ctum sibi retinet dominus (§. 158.). Quamobrem cum po-
tissima pars domini sit dominium utile (§. 1.3.), res vero a-
lienetur, quando dominium, quod quis in eo habet, in alium
transfertur (§. 662. *part. 2. Jur. nat.*); si feudum in ea consti-
tuitur, maxima ex parte alienatur, etsi non alienetur in to-
tum, quatenus aliqua domini pars retinetur (§. 3.). Quodsi
adeo res in feudum dari debet, necesse est ut sit alienabilis,
seu res, quæ in feudum datur, alienabilis esse debet. *Quod*
erat unum.

Quodsi res alteri in feudum offertur, offerens rem suam
eidem dat sub ea conditione, ut feudum sibi in eadem con-
stituat (§. 167. 168.). Enimvero qui rem alteri dat, etiam
sub quadam conditione, veluti ut accipiens sibi feudum in ea
constituat (§. 11. *part. 3. Jur. nat.*), dominium ejus in eundem
transfert (§. 675. *part. 2. Jur. nat.*), adeoque eandem alienat
(§. 662. *part. 2. Jur. nat.*). Res igitur, quæ in feudum offer-
tur, alienabilis esse debet. *Quod erat alterum.*

§. 297.

Quoniam res, quæ in feudum datur, vel offertur, alic- *Quinam*
nabilis esse debet (§. 296.); *rem, quam quis alienare nequit, rem infen-*
neque in feudum dare, neque offerre potest. *dare non pos-*

E. gr. ponamus tibi donari prædium, sed ea lege, ne a te *sit.*
alienari possit; prædium istud nec in feudum dare, nec offer-
re alteri potes. Subinde obstat potest jus tertii, ne res alie-
netur; atque tunc etiam infeudatio foret contra jus tertii, quod
adeo impedit, quo minus fieri possit (§. 910. *part. 1. Jur.*
nat.).

§. 298.

Res, in qua dominium utile habemus, alteri in feudum dare De infeuda-
possumus, sed salvo jure domini directi. Etenim si in re domi-
nium utile habemus, nobis competit jus utendi fruendi cum qua domini-
proprie-

am utile habemus.

proprietate certo modo restricta (§. 1.), reliqua vero proprietatis pars, in qua dominium directum consistit (§. 3.), ad dominium directum pertinet. Quamobrem cum proprietas non uno modo restringi possit, quod sumitur tanquam facile concedendum; nil sane obstat, quo minus eam partem proprietatis, quæ nobis competit, alio adhuc modo restringamus, & jus utendi fruendi cum proprietate magis restricta in alium transferamus, partem vero reliquam tanquam dominium aliquod directum nobis reservemus. Cum itaque feudum in re alteri constituatur, si quis jus utendi fruendi restrictum cum quadam proprietatis parte, adeoque dominium utile (§. 1.), in alterum transfert sub conditione mutue fidelitatis & dominium directum sibi reservat (§. 155. 156.); evidens est, rem, in qua dominium utile habemus, alteri in feudum dari a nobis posse. Quoniam tamen nil fieri potest contra jus tertii (§. 910. *part. 1. Jur. nat.*), non modo sufficit, ut salvum maneat dominium directum, quod domino competit directo, sed etiam jus reliquum, si quod præterea ipsi competit ex conventionione. Rem igitur, in qua dominium utile habemus, alteri in feudum dare possumus, sed ut salvum maneat jus domini directi.

§. 299.

De infeudatione bonorum emphyteuticorum & rerum feudalium.

Quoniam in bonis emphyteuticariis (§. 13. 12.), & in rebus feudalibus dominium utile habemus (§. 157. 155.); bona quoque *emphyteutica* & *res feudales* alteri in feudum dari possunt, salvo jure domini directi (§. 298.).

Vulgo dicitur feudum dari in feudum alteri: sed tum feudum sumitur per inconstantiam loquendi in Jure naturæ minime tolerandam pro re feudali (*not. §. 157.*), adeoque ab hac phrasi in Jure naturæ abstinendum. Istiusmodi infeudatione nil aliud agitur, quam ut jus nobis competens certa lege transferatur in alium, ita ut nil quicquam committatur contra jus tertii,

terti, atque adeo nulla adest ratio, ob quam illicita esse possit, cum nemini competat jus contradicendi, quia nullius jus violatur.

§. 300.

Feudum in re feudali constitutum alteri dicitur *Subfeu-* *Subfeudi de-*
dum & res feudalis dicitur *subinfeudari*, quando feudum in ea- *finis.*
dem alteri constituitur. Vassallus vero, cui res feudalis in
feudum datur, vocatur *subvassallus*, vulgo *subinfeudatus*. Idio-
mate patrio subfeudum appellatur *Uffter-Lehn*, quasi feu-
dum spurium, & subvassallus ein *Uffter-Lehnmann*, sicuti
feudum ein *Lehn* & vassallus ein *Lehnmann*. Vassallus, qui
rem feudalem subinfeudat, *Dominus subfeudi*, seu respectu sub-
vassalli *dominus* simpliciter audit.

§. 301.

Nemo alteri feudum in re feudali constituere, seu rem feuda- *Quinam*
lem subinfeudare potest nisi vassallus. Quando enim feudum in *subinfeuda-*
re feudali constituitur, dominium utile, quod quis in ea ha- *re possit.*
bet (§. 155. 157.), in alium transfertur. Enimvero domini-
um utile in re feudali competit vassallo (§. 158.) & nemo ipsi
idem adimere potest invito (§. 336. *part. 3. Jur. nat.*). Quam-
obrem nemo alteri feudum in re feudali constituere, conse-
quenter rem feudalem subinfeudare potest (§. 300.), nisi va-
sallus.

Nimirum res feudalis quatenus feudalis est vassalli: est e-
nim feudalis, quatenus feudum in ea constitutum (§. 157.),
consequenter quatenus dominium utile a directo sejunctum
quis in ea habet (§. 155. 156.). Quamobrem cum vassallo sit
dominium utile proprium, ut eo tanquam jure proprio ex-
cludat dominum feudi (§. 119. *part. 2. Jur. nat.*); res feuda-
lis qua feudalis utique vassalli est. Quemadmodum itaque feu-
dum in re nemo constituere potest nisi dominus (§. 165.);
ita etiam in re feudali qua feudali nemo feudum constituere
potest nisi vassallus.

§. 302.

An per infeudationem feudum habet, vasallus, nec in subinfeudatione quicquam conveniri in nexu feudali quidpi pugnatur. Etenim subinfeudatio fieri nequit nisi salvo jure domini directi seu feudi (§. 298.). Quamobrem cum per subinfeudationem feudum vasallo constitutum non tollatur, sed quoad dominum feudi perinde sit, ac si subinfeudatio facta non fuisset; vasallus quoque manet vasallus domini sui, cumque ex contractu feudali, quo feudum constitutum (§. 171.) metiendum sit jus domini & ei respondens obligatio vasalli (§. 172.), in subinfeudatione nil quicquam conveniri potest, quod contractui feudali, quo scilicet feudum constitutum, repugnat.

Pater adeo, in nexu feudali, qui datur inter vasallum & dominum, nil quicquam immutari, & qui per infeudationem fit dominus subvasalli, eundem adhuc esse vasallum respectu domini, a quo feudum recognoscitur.

§. 303.

An per subinfeudationem in obligatione vasallus domino suo adhuc ad ea præstanda obligatur, ad qua ex contractu feudali antea obligatus erat, consequenter cum contractus feudalis inter dominum & vasallum initus per omnia subsistat, dominus quoque vasallo suo, non obstante subinfeudatione, ad eadem adhuc obligatur, ad qua antea obligatus fuerat (§. 172.).

E. gr. Si vasallus domino certa servitia præstare tenetur (§. 178. 183.), ea adhuc præstanda sunt, etiamsi res fuerit subinfeudata, & si dominus vasallo protectionem debet, eundem adhuc protegere tenetur subinfeudatione facta.

§. 304.

§. 304.

Subinfeudatio fieri nequit nisi pacto. Etenim quando res *Quomodo* feudalis subinfeudatur, feudum in eadem a vasallo constitui- *subinfeuda-* tur alteri (§. 300. 301.). Enimvero feudum constituitur *tio fiat.* pacto (§. 170.). Quamobrem nec subinfeudatio fieri potest nisi pacto.

Poterat ostendi eodem etiam modo, quo supra demonstra-
vimus feudum pacto constitui (§. 170.).

§. 305.

Contractus subfeudalis, aut, si mavis, *subinfeudationis* est, *Contractus* quo de subfeudo inter se conveniunt vasallus & subvasallus, *subfeudalis* seu dominus subfeudi & subvasallus. *quinam sit.*

Cur pro peculiari contractu habeantur pactum, quo perficitur subinfeudatio, eodem modo patet, quo supra ostendimus (*not.* §. 128.), contractum superficiarium specialem esse contractum. Nec est quod dicas, quia subinfeudatione constituitur feudum in re feudali, hunc contractum esse eundem cum feudali, quo ipsum feudum constitutum (§. 171.), adeoque non opus esse, ut eidem contradistingatur. Patebit enim ea, de quibus convenitur in contractu subfeudali, non semper esse prorsus eadem cum iis, quæ in feudali continentur, adeoque contractus feudalis & subfeudalis non modo duos distinctos esse contractus, quatenus inter diversas personas celebrantur, verum etiam quatenus materialiter non prorsus iidem sunt.

§. 306.

Quoniam in contractu subfeudali de subfeudo inter se *Unde meti-* conveniunt subvasallus & vasallus tanquam dominus, a quo *endum sit* feudum recognoscit (§. 305.), nemo autem plus juris ab al- *jas & meti-* tero acceptione sua acquirere valet, quam in eum transfe- *enda obliga-* re voluit, nec quisquam alterum ultra voluntatem suam sibi *tio subvasal-* obligare valet (§. 382. *part. 3. Jur. nat.*); *ex contractu subfeudali & domini* *dals subfeudi.*

dali metiendum est ius, metienda obligatio tam subvasalli, quam domini subfeudi.

Notanda hic sunt eadem, quæ supra in casu simili annotavimus (not. §. 172.).

§. 307.

An subinfeudatio naturaliter licita.

Subinfeudatio naturaliter licita. Ostenditur eodem modo, quo supra (§. 88.) ostendimus, subemphyteuticationem naturaliter licitam esse, modo notioni emphyteuseos substituas notionem feudi (§. 155.) & subemphyteuticationis notionem subinfeudationis (§. 300.).

Hanc propositionem ideo addimus, ne quis forsitan argutur, quasi paulo ante (§. 298.) saltem ostenderimus subinfeudationis possibilitatem physicam. ▽

§. 308.

De iis, quæ

In contractu subfeudali substantialibus superaddi possunt de in contractu terminationes, quæ in feudali non continentur, modo iis non repugnanti- bus, quæ in feudali habentur. Quodsi quædam adjiciantur, quæ substantiali- eidem repugnant; pro non adjectis habentur. Etenim vasallus *his superad-* subinfeudans dominium utile, quod in re feudali habet (§. 158.), adeoque jus sibi proprium (§. 1.), in subvasallum transfert per contractum subfeudalem (§. 300. 155. 304. 305.).

Enimvero quilibet jus suum transferre potest in alium eo modo, qui ipsi placuerit (§. 1. part. 3. *Jur. nat.*), adeoque determinationibus substantialibus superaddere potest eas, quas voluerit. Quoniam tamen in subinfeudatione nil quicquam conveniri potest, quod contractui feudali repugnat (§. 302.); determinationes, quæ superadduntur, repugnare non debent iis, quæ in feudali habentur. Patet itaque in contractu subfeudali substantialibus superaddi posse determinationes, quæ in feudali non continentur, modo iis non repugnant.

Ostenditur idem etiam hoc modo. Quando res infeudatur, vasallus alteri feudum constituit in re feudali (§. 300.).

Quam-

Quamobrem cum a voluntate feudum constituentis pendeat, quas determinationes substantialibus superaddere velit (§. 164.), subinfeudans tamen cum subvasallo nil convenire possit, quod repugnat iis, quæ in contractu feudali habentur (§. 302.); in contractu subfeudali superaddi possunt determinationes substantialibus, quæ in contractu feudali non continentur, modo non repugnent iis, quæ in feudali habentur.

Quod erat unum.

Enimvero si quædam adjiciantur, quæ contractui feudali repugnant, ea cum adjici non possint (§. 302.), nullo jure adjiciuntur, adeoque invalida sunt, consequenter pro non adjectis habenda. *Quod erat alterum.*

Nimirum cum subinfeudatio sit licita (§. 307.), nulla ratio est, cur tota rueret, si quoad omnes determinationes, de quibus conventum, subsistere non possit. Subsistit igitur quoad ea, quoad quæ subsistere potest. Neque enim dominus feudi habet jus contradicendi infeudationi, sed saltem iis, quæ juri suo adversantur (§. 910. *part. 1. Jur. nat.*). Pati igitur debet, ut infeudatio subsistat quoad ea, quæ juri ipsius non contrariantur; minime autem, ut subsistat quoad ea, quæ eidem adversantur.

§. 309.

Consensus domini ad subinfeudationem non requiritur. Etc. An consensus facta infeudatione vasallus domino ad ea præstanda ad-
sus domini
huc obligatur, ad quæ antea erat obligatus (§. 303.), nec ad subinfe-
quicquam in subfeudatione conveniri potest, quod adver-
dationem
setur contractui feudali, &, si quid tale adjiciatur, pro non requiritur.
adjecto habetur (§. 308.). Domino adeo perinde est, sive
vasallus re feudali ipse utatur fruatur, sive eandem subinfeu-
det. Nulla igitur ratio est, cur ad subinfeudationem demum
requirendus sit domini consensus, adeoque idem ad eandem
non requiritur (§. 70. *Ortol.*).

(*Wolffii Jur. Nat. Pars VI.*)

Ee

Hoc

Hoc adeo manifestum est, ut etiam jure positivo subinfendatio subsistat sine consensu domini. Sane domino perinde esse debet, sive vassallus dominium utile exerceat per se, id quod fit, quando res feudalis non subinfendatur, sive per alium, id quod obtinet, quando ea subinfendatur, ut adeo respectu domini dominium utile videatur ad huc esse penes vassallum. Cetera enim, quæ ad nexum feudalem spectant, absque ulla mutatione subsistunt (§. 303.).

§. 310.

De rerum universitate infeudata.

Rerum quædam universitas infendari potest, seu uni eidemque in rebus pluribus diversis simul feudum constitui potest uno actu. Etenim cum a domini voluntate pendeat, cuinam & sub qua lege jus quoddam in re sua constituere velit, cum de re sua disponente possit, prout sibi visum fuerit (§. 118. part. 2. Jur. nat.); ab ejus quoque voluntate pendet, cuinam feudum in re sua constituere velit (§. 155.). Quemadmodum itaque pluribus in diversis rebus suis feudum constituere potest, & uni eidemque successive in pluribus rebus; ita etiam nihil obstat, quo minus uno actu uni eidemque in rebus pluribus simul feudum constituat. Quamobrem cum res plures diversæ simul sumtæ constituent rerum quandam universitatem; quin rerum quædam universitas infeudari possit dubitandum non est.

Ita in feudum uni eidemque simul dari possunt prædium quoddam, sylva ad idem minime pertinens, jus venandi & piscandi, jus molendinum pneumaticum habendi & quæ sunt alia ad infeudandum apta.

§. 311.

De feudo oblato in rerum universitate.

Rerum universitas in feudum alteri offerri potest. Quando enim feudum offertur, res infeudanda datur alteri sub ea conditione, ut sibi feudum in eadem constituat (§. 167. 168.). Quoniam a voluntate domini pendet, num dominium rei suæ

sux in alterum transferre & quomodo transferre velit (§. 11. 12. *part. 3. Jur. nat.*), adeoque num alteri rem suam dare & sub qua conditione dare velit (§. 675. *part. 2. Jur. nat.*); res quoque plures simul, adeoque rerum universitatem alteri sub ea conditione dare potest, ut sibi feudum in ea constituatur. Patet itaque rerum universitatem in feudum alteri offerri posse.

In rerum adeo universitate consistere potest tam feudum datum (§. 310.), quam oblatum, *vi præf.* Exemplum, quod dedimus de feudo dato (*not. §. cit.*), intelligi quoque potest de feudo oblato.

§. 312.

Si quis feudum constitutum habet in rerum universitate; is De subinrem unam atque alteram sigillatim absque ceteris uni, vel pluribus feudatione subinfeudare potest. Etenim si rerum universitas infeudatur, cum particula ea consistat in rebus, quæ a se invicem diversæ sunt, & quarum rerum una absque altera infeudari potest; feudum in universitate constitutum spectari potest tanquam multiplex, tot scilicet infeudaliter concipiendi feuda particularia, quot sunt res diversæ, *ta.*

Quamobrem cum unaquæque earum subinfeudari possit (§. 299. 300.) & infeudatio uniuscujusque licita sit (§. 307.); a vassalli, qui solus subinfeudare potest (§. 301.), voluntate omnino pendet; utrum rerum universitatem totam, an rem unam vel alteram sive uni, sive pluribus sigillatim subinfeudare velit. Atque adeo patet, si quis feudum constitutum habeat in rerum universitate, eum rem unam vel alteram absque ceteris uni, vel pluribus subinfeudare posse.

Ponamus rerum universitatem infeudatam constare ex prædio, sylva, piscina, jure venandi, jure piscandi, jure certos redditus percipiendi. Vassallus, si ipsi ita visum fuerit, in feudum alteri dare potest solum jus venandi, alii feudum, quod ipsi in sylva constitutum, & ita porro. Subinfeudari adeo potest sylva sola, jus venandi solum & ita porro.

Ecce 2

§. 313.

§. 313.

*An subin-
feudatio
gratuita
esse debeat.*

Subinfeudatio fieri potest tam gratis, quam certo pretio interveniente. Quoniam enim subinfeudatio vassallo licita est (§. 307.), modo fiat salvo jure domini feudi (§. 299.), hoc vero saluum manere possit, siue subfeudum gratis, siue certo pretio interveniente constituatur, quod per se patet; a vassalli utique voluntate pender, utrum rem feudalem gratis, an certo pretio interveniente subinfeudare velit. Quamobrem subinfeudatio tam gratis, quam certo pretio interveniente fieri potest.

Domini non interest, siue vassallus subfeudum alteri gratis concedat, siue vendat. Adeoque nulla ratio est, cur non utrumque facere possit, prouti ipsum visum fuerit. Falluntur adeo, qui sibi persuadent, subinfeudationem necessario gratis fieri debere. Sane per hoc, quod pretium certum accipiat vassallus a subvallo, ut ei rem feudalem subinfeudet, nihil immutatur in jure domini feudi, nec in obligatione vassalli, qua domino devinctus est. Quamdiu adeo jus domini saluum manet, subinfeudatio nihil habet, quod illicitum dici possit. Quæ dubia moventur ex textibus Juris, ea in Jure naturæ non attenduntur, ubi demonstrandum, quid naturaliter valeat.

§. 314.

*Num domi-
nium utile
totum in
subfeudatio-
ne transfe-
ratur.*

Subinfeudatione non totum dominium utile in subvassallum transfertur; sed pars quadam proprietatis remanet apud vassallum. Ponamus enim totum dominium utile in subvassallum transferri. Quoniam dominium utile consistit in jure utendi fruendi prorsus libero, seu nullo modo restricto, & proprietate restricta (§. 1.); omne jus utendi fruendi una cum omni proprietate, quam habet vassallus, in subvassallum transfertur. Quamobrem cum præter dominium utile nihil juris in re habeat vassallus (§. 158.), dominium vero directum in subinfeudatione saluum maneat domino feudi (§. 299. 300.); facta subinfeudatione nihil juris in re retinet vassallus, sed totum, quod ipse habebat, jam competit subvassallo, consequen-
ter

ter feudum in subvasallum transfertur, non vero subfeudum eidem in re feudali constituitur. Quod cum sit absurdum, subinfeudatione non totum dominium utile in subvasallum transferre potest vasallus, quod habet. *Quod erat unum.*

Quoniam itaque dominium utile totum, quod habet vasallus, in subvasallum transferre nequit *per demonstrata*; necesse est, ut ejus aliquid sibi retineat. Enimvero dum rem feudalem subinfeudat, subvasallo feudum in ea constituit (§. 300.), atque adeo dominium utile, quod habet, quemadmodum dominus dominium plenum, in utile & directum dividere, ac utile subvasallo concedere, directum sibi retinere debet (§. 157. 158.). Quamobrem cum dominium directum in particula quadam proprietatis consistat (§. 3.); si subinfeudatio fit, pars quadam proprietatis apud vasallum remanere debet. *Quod erat alterum.*

Differt alienatio feudi & subinfeudatio. In illa enim dominium utile, quod habebat vasallus, totum in alium transfert, & sic definit esse vasallus, nexus feudalis inter ipsum ac dominum feudi tollitur, & qui dominium utile acquisivit fit novus vasallus, in hunc transit omnis obligatio vasallitica & ipse dominum feudi suum dominum superiorem agnoscere tenetur. Ast in subinfeudatione totum dominium utile, quod habet vasallus, non transit in subvasallum, sed novum quasi dominium utile constituitur, & sic qui fuerat vasallus manet vasallus domini sui, nec in subvasallum transit obligatio, qua ipse domino feudi devinctus, subvasallus vero ipsi obligatur eumque dominum suum superiorem agnoscit. Hinc subinfeudatio alienatio feudi imperfecta vocatur & dominium utile verus apud vasallum manere vulgo dicitur, aliud novum quasi subalternatum subvasallo conceditur. Ideo quoque jam ante monuimus, quod vasallus dominium suum utile veluti exerceat per alium, aut exerceri patiatur ab alio, lege a se praescripta. Habet subinfeudatio aliquid affinitatis cum sublocatione, in qua conductor qui manet induit quoque personam locatoris, ita ut

respectu locatoris sui sit conductor, respectu conductoris sui locator (§. 1208. part. 4. Jur. nat.).

§. 315.

An subfeudum denuo subvafallo denuo subinfeudari potest. Etenim subvafallus se habet ad vafallum tanquam dominum suum, quemadmodum vafallus ad suum dominum (§. 300.). Quoad vafallum igitur perinde est, ac si feudum sibi esset constitutum in re non feudali, sed allodiali a domino. Enimvero vafallus, etiam sine consensu domini (§. 309.), rem feudalem subinfeudare potest (§. 299. 307.). Ergo etiam subvafallus subfeudum denuo subinfeudare potest.

Facile patet, naturaliter hanc subinfeudationem licitam esse in infinitum, hoc est, nullum in Jure naturæ præfigi terminum subinfeudationi, quo usque permessa esse debeat.

§. 316.

De jure subvafalli imminuto. In subinfeudatione jus subvafalli non potest augeri; potest tamen imminui. Etenim vafallus in subvafallum transferre nequit plus juris, quam ipse in re feudali habet, quod per se patet: immo si contrarium fieri ponatur, minime salvum erit jus domini, a quo feudum recognoscit vafallus, quod tamen in subinfeudatione salvum manere debet (§. 299.). Enimvero si jus subvafalli in subinfeudatione augeatur, plus juris in subvafallum transferret vafallus, quam ipse in re feudali habet (§. 426. Ontol.). Patet itaque in subinfeudatione jus subvafalli augeri non posse. *Quod erat unum.*

Enimvero in contractu subfeudali superaddi possunt substantialibus determinationes, quæ in feudali non continentur, modo non repugnent iis, quæ in feudali habentur (§. 308.). Quamobrem cum nihil ita determinetur, ut repugnet contractui feudali, si jus subvafalli minuitur, adeoque aliquid eidem demitur, quod vafallo concessum (§. 426. Ontol.).

sol.); in subinfeudatione jus subvasalli imminui potest. *Quod erat alterum.*

Quando jus subvasalli imminuitur, tunc multo clarius elucescit, quod dominium utile novum constituatur, quod in subvasallum transfertur, quam si nihil mutationis juri vasallifico accidit in subinfeudatione. Quoniam tamen propterea nihil juris amittit vasallus, quod ipsi vi contractus feudalis competit; per novum hoc dominium utile verus non aboletur, sed illud huic tantummodo subordinatur, quatenus nihil continet, quod contractui feudali, ex quo metiendum est jus vasalli, metienda ejus quoque obligatio (§. 172.), repugnat.

§. 317.

Si in contractu feudali expresse fuerit conventum, ne feudum Quando subinfeudari debeat; vasallus feudum subinfeudare nequit; & si subinfeudatio contra prohibitionem fiat, nulla est: naturaliter tamen tio fieri ne feudum non amittit vasallus, nisi expresse ita fuerit conventum. queat.

Etenim si in contractu feudali expresse fuerit conventum, ne feudum subinfeudari debeat, cum ex contractu metienda sit obligatio vasalli (§. 172.); vasallus obligatur ad feudum non subinfeudandum, consequenter nec ipsi jus est hoc faciendi (§. 118. 156. part. 1. Phil. pract. univ.). Feudum igitur subinfeudare cum non liceat (§. 170. part. 1. Phil. pract. univ.), idem quoque infeudare nequit. *Quod erat primum.*

Quoniam vasallo non competit jus subinfeudandi, si subinfeudatio in contractu feudali prohibita, per demonstrata; si vasallus non obstante hac prohibitionem feudum subinfeudet, subinfeudatio nullo jure fit, consequenter nulla est. *Quod erat secundum.*

Et quia domino, si in contractu feudali expresse fuerit conventum, ne feudum subinfeudari debeat, competit jus non solum prohibendi, ne faciat, si vasallus infeudare velit, verum etiam non patiendi, ut infeudatio facta sit (§. 172.); in hypo-

hypothefi propositionis præfentis dominus irritam facere potest subinfeudationem factam. Ex eo autem, quod irritam facere possit subinfeudationem, minime fequitur, quod vafallus feudum amittere debeat, quia contra prohibitionem subinfeudavit, cum jus irritum faciendi actum subinfeudationis non contineat jus auferendi vafallo feudum, quod facile patet. Naturaliter itaque feudum non amittit vafallus, fi contra prohibitionem conventam id subinfeudavit. *Quod erat tertium.*

Enimvero fi expresse conveniatur, ut feudum per subinfeudationem committi debeat, amiffio feudi prohibitioni subinfeudationis adjicitur tanquam poena (§. 606. *part. 3. Jur. nat.*). Quamobrem cum poenæ locus fit, fi promiffione poenali non fteatur (§. 611. *part. 3. Jur. nat.*); fi expresse fuerit conventum, ut feudum per subinfeudationem amittatur, contra prohibitionem conventam subinfeudans feudum amittit. *Quod erat quartum.*

Jus privandi feudo vafallum subinfeudantem accedit ad jus irritam faciendi subinfeudationem. Quando enim feudum amittit vafallus, non propterea id acquirit fubvafallus, ut is in locum vafalli fuccedat. Dominus enim cum fubvafallo nihil contraxit, adeoque nec eidem ad quicquam obligatus eft. Ceterum facile apparet, prohibitioni subinfeudationis vix efle locum, fi alienandi potestas concedatur vafallo, cum subinfeudatio, quæ imperfecta quædam alienatio eft (not. §. 314.), minus quidpiam fit, quam alienatio.

§. 318.

Quando ad subinfeudationem requiratur consensus domini. Ita etiam conveniri potest, ut fine consensu domini subinfeudare non liceat, & tunc subinfeudatio fine consensu domini facta non subsistit. Etenim feudum constituens substantialibus determinationes superaddere potest, quas voluerit (§. 164.), adeoque legem præscribere, sub qua feudum constitutum efle debeat, quæ placuerit. Quodfi ergo voluerit, ut fine consensu

su domini subinfeudare non liceat, cum determinationes, quas substantialibus superaddere visum est, in contractu feudali definiendæ sint (§. 173.), ita omnino conveniri potest, ut sine consensu domini subinfeudare non liceat (§. 171.).

Quod erat unum.

Quodsi itaque in contractu feudali, ex quo metiendum est jus vassalli (§. 172.), ita fuerit conventum, ut ne liceat subinfeudare sine consensu domini; vassallo non competit jus sine consensu domini subinfeudandi (§. 156. *part. 1. Phil. pract. univ.*). Quamobrem si sine consensu domini subinfeudet, subinfeudatio nullo sit jure, adeoque nulla est, consequenter non subsistit. *Quod erat alterum.*

Quoniam expressa conventionione opus est, ut ne liceat sine consensu domini subinfeudare (§. 309.); ex eo, quod in contractu feudali expresse dictum sit, sine consensu domini feudum non debere alienari, minime colligi potest, consensum quoque domini ad subinfeudationem requirendum esse, cum subinfeudatio non sit alienatio, qua novus vassallus domino obtrudatur, si absque consensu ipsius fiat. Unde & in jure positivo, quo ad alienationem requiritur consensus domini, subinfeudatio tamen sine consensu ipsius permittitur.

§. 319.

Vassallus ex re feudali solus omnem percipit utilitatem. Idem De utilitate, valet de subvassallo. Etenim vassallus habet dominium utile in *quam* vassalli feudali (§. 155.), adeoque dominus utilis est (§. 2.). Quamobrem cum dominus utilis solus ex re percipiat omnem utilitatem (§. *cit.*); vassallus quoque ex re feudali solus omnem utilitatem percipit. *Quod erat unum.*

Quoniam subvassallo feudum constituitur in re feudali (§. 300.), dominium utile itidem in eundem transfertur (§. 155.). Quamobrem ut ante patet, subvassallum ex re feudali solum percipere omnem utilitatem. *Quod erat alterum.*

(*Wolffii Jur. Nat. Pars VI.*)

F f

Non

Non obstat, quod vassallus partem saltem rei feudalis subinfeudare possit, in reliqua dominium utile sibi reservare. Etenim si partem saltem subinfeudat, ex ea parte subvassallus solus omnem percipit utilitatem, quemadmodum vassallus nonnisi ex ea tantummodo utilitatem omnem perciperet; si ea saltem ipsi infeudata fuisset. Neque etiam obstat, si subvassallus obligatus ad canonem præstandum vassallo, quem is solvere non tenetur domino, quod fieri utique potest in subinfeudatione (§. 316.). Eri enim hoc onus adjectum sit subfeudo, quod non adhæret feudo; hoc tamen non obstante omnem utilitatem solus percipit ex re subinfeudata subvassallus, quippe qui re ita utitur fruitur, ac si ad canonem præstandum non esset obligatus. Jus nimirum percipiendi omnem ex re utilitatem ipsi sub onere quodam competit, hoc tamen non obstante, nullo modo restringitur, sed in se prorsus liberum manet. Obligatio præstandi onus extrinsecus accedit ad jus, non vero eidem inest.

§. 320.

Fructus ex feudo percepti quam qualitatatem habeant.

Fructus ex re feudali percepti feudales non sunt, sed allodiales. Etenim jus utendi fruendi prorsus irrestrictum vassallo competit, & de fructibus, quos percipit, prorsus pro arbitrio suo disponere potest (§. 159.), consequenter in iis dominium plenum habet (§. 118. part. 2. Jur. nat.). Quamobrem cum res allodiales sint; in quibus dominium plenum habemus (§. 192.); fructus ex re feudali percepti allodiales sunt. *Quod erat unum.*

Enimvero quod allodiale est, feudale non est (§. 192.). Quamobrem cum fructus ex re feudali percepti sint allodiales, *per demonstrata*; feudales non sunt. *Quod erat alterum.*

Posterius ostenditur etiam hoc modo. Feudum constituitur in re, ex qua fructus percipiuntur, non vero in fructibus, qui ex ea percipiuntur, quamvis fructuum percipiendorum causa (§. 155. 1.). Enimvero in quo feudum non constituitur

stituitur, id res feudalis non est (§. 157.). Ergo nec fructus, qui ex re feudali percipiuntur, feudales sunt.

Fructus acquirit vassallus jure feudi; ast propterea non in ipsis feudum constitutum est, quod constitutum in re, ex qua fructus percipiuntur, consequenter nec ad res feudales referri possunt (§. 192.): quin potius feudum constituitur in re, ut fructus ex ea percipiendi sint vassalli proprii.

§. 321.

Periculum fructuum omne ad solum vassallum spectat. Quo- Cujusnam
niam enim vassallus ex re feudali solus omnem percipit uti-*sit fructuum*
litatem (§. 319.); fructus quoque omnes ad eum solum per-*periculum*
tinent, nihil vero eorum ad dominum directum pervenit, *ex re feu-*
Quod si ergo casus in fructibus contingat; damnum quoque *dali.*
ad solum vassallum pertinet, adeoque omne periculum fructu-
um ad eum solum spectat.

Nulla sane ratio est, cur dominus particeps esse debeat damni, cum non fiat particeps fructuum. Si particeps esset fructuum, damnum sentiret pro rata, quod contingit in re communi. Quando itaque rata fructuum nulla est, damnum quoque nullum esse potest, quippe quod cum rata fructuum percipiendorum decrescit adeoque & cum eadem evanescit.

§. 322.

Vassallus rem feudalem alteri locare potest. Etenim vassal- An res feu-
lus de usu ac fructu rei feudalis pro arbitrio suo disponere *dalis locari*
potest (§. 159.), consequenter etiam usum ejus tam simpli-*possit alteri.*
cem, quam cum fructu conjunctum pro certa mercede alii concedere. Quamobrem cum res alteri locetur, si ejus usus, five simplex, five cum fructu conjunctus, pro certa mercede alteri conceditur (§. 194. *part. 4. Jur. nat.*); vassallus feudum alteri locare potest.

Quoniam jus utendi fruendi prorsus irrestrictum, seu liberum ad vassallum pertinet (§. 155. 1.), adeoque is eodem exclu-

dit dominum directum, qui nonnisi patrem aliquam proprietatis habet (§. 3. 158.); vassallus quoque rem feudalem locare potest sine domini consensu, cujus etiam non interest, sive ipse eadem utatur fruatur per se, sive per alium. Posterius nimirum contingit, quando eandem locat, cum conductor re utatur fruatur non jure proprio, sed jure vassalli ab eo sibi concessio.

§. 323.

An merces pro re feudali locata solvenda sit feudalis. Merces, quæ a conductore vassallo solvitur, feudalis non est, sed allodialis. Etenim merces, quæ a conductore vassallo solvitur, pro usu rei præstatur (§. 1194. part. 4. Jur. nat.), adeoque æquipollet fructibus ex re feudali percipiendis (§. 956. part. 1. Theol. nat.). Quamobrem cum fructus, qui ex re feudali percipiuntur, feudales non sint, sed allodiales (§. 320.); merces, quæ a conductore vassallo solvitur, feudalis non est, sed allodialis.

§. 324.

De pecunia re feudali utendo fruendo lucratus est, re feudali utendo fruendo. Pecunia, quam quis re feudali utendo fruendo lucratus est, re feudali utendo fruendo, necesse est ut eandem accipiat do acquisita, vel pro fructibus venditis, vel pro usu rei alteri locatæ, seu tanquam mercedem (§. 1194. part. 4. Jur. nat.). Enimvero fructus non feudales sunt, sed allodiales (§. 320.), adeoque etiam ratio nulla est, cur pecunia feudalis esse debeat, quæ pro fructibus venditis accipitur. Feudalis igitur non est (§. 70. Ontol.), adeoque allodialis esse debet (§. 192.). Similiter merces, quæ a conductore vassallo solvitur, consequenter pecunia, quam accipit pro usu rei alteri locatæ, feudalis non est, sed allodialis (§. 323.). Quamobrem pecunia omnis, quam vassallus re feudali utendo fruendo lucratus est, feudalis non est, sed allodialis.

§. 326.

§. 325.

Vasallus rei feudalis usum tam simplicem, quam cum fructu De usufructu conjunctum alteri gratis concedere potest. Etenim de usu ac fructu rei pro arbitrio suo disponere potest (§. 159.), adeo-
que ab ipsius voluntate dependet, quomodo usum sive simplicem, sive cum fructu conjunctum alteri concedere velit. Quodli ergo rei feudalis usum sive simplicem, sive cum fructu conjunctum alteri gratis concedere velit; quin hoc facere possit dubitandum non est.

Domini, cum is nullam ex re feudali percipiat utilitatem (§. 319.), parum interest, utrum usum rei feudalis alteri concedat gratis, an pro certa mercede. Quamobrem non minus gratis eundem concedere, quam rem feudalem locare potest. Eadem utrobique ratio est, quemadmodum ex collatione propositionis præsentis & superioris (§. 322.) abunde patet. Sunt qui negant, usufructum in re feudali a vasallo alteri constitui posse; sed illi supponunt eum non constitui salvo jure domini, quod tamen fieri aliter non posse, extra dubium est (§. 910. art. 1. *Jur. nat.*). At hoc inferius clarius elucescet.

§. 326.

Feudi constitutio continet tacitam hanc conditionem, ut, si Quid fiat feudum finiri contingat, seu nemo amplius sit, cui idem competendo finito. Etenim dum feudum constituitur, dominus dominium plenum, quod in re habet, dividit in utile ac directum (§. 156.) & utile in vasallum transfert, directum sibi reservat (§. 158.). Transfert autem vel ad certum tempus, vel in perpetuum simpliciter, ut scilicet hæredes in eo succedere possint, vel determinative, nominatis certis personis, ad quas certo ordine transmitti debet (§. 175.), consequenter ea lege, ut contingere possit adesse neminem, cui feudum competere possit, adeoque id finiri. Quamobrem eo utique animo do-

minium utile in vassallum transfert dominus, ut, si feudum finiri contingat, dominium utile a directo non amplius separatum esse, sed res, quæ fuerat feudalis, pleno rursus jure sua esse debeat. Pater itaque feudi constitutionem continere tacitam hanc conditionem, ut, si feudum finiri contingat, seu nemo amplius adsit, cui vi primæ conventionis competere possit, res, quæ feudalis fuerat, pleno jure sit domini feudi.

Sane nemo dubitat, si feudum constituitur ad certum tempus vel ad dies vitæ, eum esse animum constituentis, ut tempore isto elapso, vel vassallo mortuo res iterum sua esse debeat pleno jure. Nonne vero perinde est, si feudum constituitur pro certis personis sibi invicem certo ordine in feudo successuris, ac si idem constitueretur successive pluribus personis ad dies vitæ. Utriusque ergo dubitare poterit, eum esse animum constituentis, ut, si ultimus vassallus moriatur, res iterum, quæ feudalis fuerat, sua jure pleno esse debeat, seu ejus, ad quem jus suum fuit devolutum, aut in quem alio modo translatum. Jus domini directi metiendum est ex contractu feudali (§. 172.), atque adeo ex eodem quoque deducendum, quale jus esse debeat domini, feudo finito, consequenter quinam fuerit animus domini cum vassallo contrahentis, quippe a quo pendet omne jus tam vassallo concessum, quam sibi reservatum aut stipulatum (§. 11. 382. *part. 3. Jur. nat.*). Ceterum demonstratio propositionis præsentis eodem modo intelligitur de feudo tam dato, quam oblato. Etenim si feudum fuerit oblatum, idem constituitur in re domino data a vassallo sub ea conditione, ut feudum sibi in ea constitueretur (§. 167. 168.), adeoque ea ante pleno jure sit domini, quam feudum in ea constituere possit, etsi obligatus sit ad feudum in ea constituendum, nec pleno jure eandem possidere queat. Quoad feudi vero constitutionem parum interest, siue dominus proprio motu in re sua feudum constituat, siue ad idem constituendum obligatus sit. Sane se quoque alteri obligare potest ad feudum constituendum in re, quam ab eo non accepit, antequam actu constituat. Hæc vero obligatio constitutionem feudi minime alterat.

§. 327.

Succesor feudalis dicitur is, ad quem vi legis constitutio-
nis mortuo vasallo feudum devolvitur. *Succesor feudalis qui-*

E. gr. Ponamus feudum esse constitutum pro primo acqui-
rente & omnibus ab eo descendentibus masculis. Filius primi
acquirentis & ejusdem nepos ex filio erunt successores feudales,
sed nepos ex filia non erit succesor feudalis. Quodsi feudum
constituatur ad dies vitæ, nullus erit succesor feudalis.

§. 328.

Quoniam res feudalis pleno jure est domini directi, si
mortuo vasallo nemo amplius fuerit, cui feudum obtingere
possit (§. 326.), quando vero nemo est, ad quem vi legis
constitutionis mortuo vasallo feudum devolvitur, succesor
feudalis deficit, aut nullus existit (§. 327.); *De successo-*
re feudali
deficiente.
succesor feudali
deficiente, aut nullo existente, res, qua feudalis fuerat, pleno jure est
domini.

Patet per ea, quæ paulo ante (not. §. 326.) annotavimus, id
valere non minus de feudo oblato, quam dato.

§. 329.

Feudum aperiri dicitur domino, si succesor feudalis defi-
cit, consequenter si nullus extiterit, ad quem vi legis consti-
tutionis mortuo vasallo feudum devolvitur (§. 327.). *Feudi aper-*
tura quid sit.
apertura adeo *feudi* est vacuitas juris succedendi in feudo.

E. gr. Si feudum fuerit constitutum pro primo acquirente &
omnibus ab eo descendentibus masculis; quamprimum nullus
amplius extat masculus, qui a primo acquirente descendit,
consequenter ad quem vi legis constitutionis feudum devolvi
possit, feudum domino aperitur.

§. 330.

Quoniam feudum domino aperitur, si succesor feudalis
deficit (§. 329.), deficiente vero successore feudali res, quæ
De eo, quod
ex apertura
feudalis sequatur.

feudalis fuerat, pleno jure fit domini (§. 328.); *feudo aperto, res, quæ feudalís fuerat, statim pleno jure domini est.*

Apertura feudi conditio est, sub qua dominium plenum habere debet dominus (§. 326.), qui tantummodo directum habebat (§. 158.), non vero causa, aut, si mavis ratio, cur idem domino obveniat. Quando nullus successor feudalis extat, res feudalís qualitatem feudalem amittit ex conventionē, adeoque induit qualitatem allodíalem (§. 192.), quod cum fieri non possit in præjudiciū domini directi, qui dominium directum in ea habet (§. 158.), ex eadem conventionē sub hac qualitate jam pertinet ad dominum. Habet res qualitatem feudalem ex conventionē, atque eandem quoque ex conventionē eadem, qua eam nacta fuerat, amittit. Non igitur succedit in feudo dominus, ut fiat vassallus sui ipsius, quod omnino absurdum. Neque proprie dici potest dominium utile ad dominum reverti, quod ab eo abfuit, sed potius dominio utili, in quo feudum consistit (§. 155.), extincto, dominium plenum reviciscit, dum, ut diximus, res feudalís ex conventionē recuperat qualitatem allodíalem.

§. 331.

*Quando
feudum a-
perturæ pro-
ximum.*

Feudum dicitur apertura proximum, si spes sit fore, ut aperiatur. Quoniam itaque feudum aperitur, si deficiat successor feudalís (§. 329.); feudum apertura proximum est, si spes sit fore, ut brevi nullus exisset successor feudalís.

Jure positivo definiri potest, quor personarum minimum ad succedendum in feudo habiles in vita esse debeant, ne feudum apertura proximum haberi possit. Naturaliter verò in contractu feudali de hoc personarum numero conveniendum (§. 172.), an scilicet sufficiat, ut possessor præsens feudi unicui saltem habere debeat successorem præsumtivum, an duo sint, requirantur, ad quos successive feudum devolvi possit. Dico successorem præsumtivum, cum constare non possit, utrum possessori feudi sit supervicturus, an ante eundem diem supremum obiturus.

§. 332.

§. 332.

Feudum apertura proximum in extraneum alienari nequit. An feudum?
 Etenim feudum apertura proximum est, si spes sit fore, ut *apertura* brevi nullus extet successor feudalis (§. 331.). Quoniam *proximum* itaque feudo aperto, res, quæ feudalis fuerat, statim pleno *sit alienabi-* jure domini est (§. 330.); ne feudum apertura proximum *le.* alienetur in præjudicium domini, adeoque contra jus ejusdem metuendum est. Quamobrem cum nil fieri debeat, quod est contra jus alterius (§. 910. *part. 1. Jur. nat.*); feudum apertura proximum in extraneum alienari nequit.

Quoniam adeo feudum apertura proximum alienari nequit, quia domini interest ne hoc fiat, quemadmodum ex demonstratione liquet; quando feudum alienatur, domino constare debet, utrum apertura proximum sit, nec ne. Atque ideo jure positivo requiri potest consensus domini ad alienationem, quemadmodum quoque naturaliter ita conveniri potest ob eandem rationem, ut sine consensu domini alienari non debeat feudum. Non tamen necessarium est, ut hoc fiat. Quoniam enim contractus feudalis cum vasallo novo renovandus, si feudum alienatur (§. 209.); antequam dominus eundem cum eodem renovet, docendum saltem feudum apertura proximum non esse. Quodsi contrarium deprehendatur, dominus alienationem irritam facere potest, vi corollarii sequentis.

§. 333.

Quoniam *feudum apertura proximum* alienari nequit in *Jus domini* extraneum a vasallo (§. 332.); *dominus pati non tenetur, ut quoad alienationem*, consequenter *hoc prohibere* & *si ipso inscio facta fuerit nationem alienatio, eandem irritam facere potest.*

feudi aper-
 Præstare igitur videtur, ut consensus requiratur ad alienationem, etsi absolute necessarium non sit, cum minus molestum sit alienationem impedire, quam factam irritam facere. Unde etiam dici potest, jure naturæ perfectivo consensum domini ad alienationem requiri (§. 193. *part. 1. Phil. pract. univ.*).

(Wolff Jur. nat. Pars VI.).

G g

§. 334.

§. 334.

An mortuo domino directo non continet tacitam hanc conditionem, ut, si mortuo domino directo non existeret successor, res, qua feudato sine hæ- lis fuerat, sit pleno jure vasalli, feudo constituto in perpetuum pro re de fe- certis personis, qua nominantur. Quodsi tamen ita expresse fuerit dum am- conventum, quoad successores feudales quasi qualitatem feudalem re- rat qualita- tinere debet. Etenim si domino directo mortuo sine succes- fore res, quæ feudal- is esse desineret atque allodialis fieret (§. 192.), consequen- ter iis, ad quos vi constitutionis aliquando feudum devolvi poterat, adimeretur jus suum. Quoniam itaque nihil fieri potest, quod est contra jus alterius (§. 910. part. 1. Jur. nat.); nec dominus feudum constituens pro certis personis certo or- dine sibi invicem successoris hoc voluisse intelligitur, ut, si mortuo sibi non existat successor, res, quæ feudal- is fuerat, sit pleno jure vasalli. Contractus adeo feudal- is, quando feudum constituitur in perpetuum nominatis certis personis, seu pro certis personis certo ordine sibi invicem successoris, mi- nime continet tacitam hanc conditionem, ut, si mortuo domi- no nullus existat successor, sive hæres, res, quæ feudal- is fue- rat, sit pleno jure vasalli. Quod erat unum.

Quodsi vero ponamus, ita expresse fuisse conventum; ita quoque explicanda est mens domini, ne contradictoria vo- luisse dicendus sit. Quamobrem id tacite voluisse consen- sus est dominus, ut casu illo existente res quidem definit esse feudal- is, sed ne quid fiat contra ejus eorum, pro quibus constitutum est (§. 910. part. 1. Jur. nat.), posthac tanquam si feudal- is adhuc esset pleno jure devolvatur ad eos, ad quos certo ordine devolvi debebat, consequenter quoad succes- sores feudales qualitatem quasi feudalem retinere debeat. Quod erat alterum.

Nimirum in casu altero propositionis præsentis res non a- mittit

mittit omnem feudalitatem, sed saltem eam, quam habet respectu domini, quam vero habet respectu vassalli adhuc retinet, ut adeo quasi feudalis sit respectu eorum, quibus aliquando jus ad feudum competere potest. Hæc quasi feudalitas minime absurda est. Quidni enim alteri aliquid etiam dari possit hac conditione, ut certo ordine transmittatur ad certas personas, veluti successive ad descendentes masculos a primo acquirentem? Quodsi dicas, hoc modo semper contractui feudali tacitam inesse posse conditionem, ut res transmittatur pleno jure tanquam feudalis, adeoque domino sine hærede mortuo sit quasi feudalis; hoc concedendum non est. Etenim ratio aliqua adesse debet, quæ nos ducit ad hanc interpretationem, cum pro vero haberi nequeat, nisi quod sufficienter indicatum (§. 327. part. 3. Jur. nat.). Quando igitur nihil dicitur, quid obtinere debeat, domino sine hærede mortuo, de eo casu non cogitatum esse apparet. Quamobrem nec dominus censeretur voluisse, ut res, quæ feudalis erat apud vassallum, nunc pleno jure sit, apud eundem, sed salvo jure eorum, pro quibus feudum constitutum fuerat. Immo si vel maxime de eo cogitatum esse ponamus, cum tamen nihil dictum sit, dominus præsumitur voluisse id, quod ordinarie obtinet, quando mortuo non existit hæres (§. 248. part. 2. Jur. nat.), de quo suo loco dicemus.

§. 335.

Immo in genere contractus feudalis continere nequit tacitam De casu isto, hanc conditionem, ut, si dominus moriatur sine successore, seu hærede, res feudalis pleno jure esse debeat vassalli. Quænam enim quid generatim res feudalis pleno jure esse debeat vassalli. Quænam enim fu- liser tenen- dum.

ex iis, quæ sufficienter indicata sunt, cum contraheretur (§. 328. part. 3. Jur. nat. & §. 172. h.), consequenter ex iis, quæ dicta, vel facta sunt. Enimvero quando alicui feudum constituitur, dominium directum ab utili separatum retinet dominus (§. 127. 128.) tanquam rem incorporalem, quæ sine ulla restrictione ac limitatione sua est, si de eo nihil expresse conveniatur, atque adeo idem est in bonis ipsius (§. 451.

part. 2. Jur. nat.) & accenseatur ceteris ejus bonis allodialibus (§. 192.). Nihil igitur dicitur, vel agitur, ex quo colligi possit, constituentem voluisse, ut, mortuo domino sine successore, seu hærede, dominium directum extingui & res, quæ feudalitatis fuerat, pleno jure esse debeat vassalli. Quamobrem patet in genere contractum feudalem continere non posse tacitam hanc conditionem, ut, si dominus moriatur sine hærede, res feudalis pleno jure esse debeat vassalli.

Nimirum in genere valet, quod in casu speciali diximus (*not. §. 334.*), quando nihil dicitur, quid obtinere debeat, domino sine hærede mortuo, de eo casu non fuisse cogitatum, consequenter nec dici posse, quid voluerit dominus, eodem existente, aut, si vel maxime in dubio sumamus, quod tamen vix sumere licet (§. 248. *part. 2. Jur. nat.*), de eo fuisse cogitatum, dominus tamen intelligitur voluisse, ut domini hujus directi, tanquam rei particularis, quæ est in bonis suis, idem sit factum, quod ceterorum omnium existit, alias enim aliquo modo indicasset, quodnam quoad istud discrimen esse velit. Transfertur dominium, quamdiu existit, qui jus succedendi in bonis ejus habet, una cum rebus ceteris ad hunc successorem, adeoque semper manet in massa bonorum. Nulla igitur ratio est, cur dominus præsumatur voluisse, eam tunc a massa reliqua bonorum separari debere, quando hæres nullus eidem existit. Immo nemo facile præsumitur habere animum moriendi sine hærede, cum suo loco demonstraturi simus, etiam naturaliter unumquemque ultima voluntate de bonis suis disponere posse, prouti sibi visum fuerit, etiamsi nullus adsit, qui jure quodam succedere possit ab intestato, uti loquimur. Nullæ igitur sunt rationes, quæ nos ducant ad eam interpretationem contractus feudalis, ut tacita ista conditio, de qua agitur in propositione præsentis, eidem inesse intelligatur. Neque favet huic interpretationi, si vel maxime feudum fuerit oblatum. Etenim tunc datur res domino sub ea conditione, ut feudum sibi in ea constitutur (§. 167. 168.). Quodsi ergo rem in feudum offerens voluisset, ut, domino sine hærede mortuo, dominium directum extin-

extinguatur, sicque res pleno jure rursus fit vasalli, cum hoc ex conditione, sub qua alteri rem suam dat, non sequatur, necesse omnino erat, ut expresse conveniretur, feudum in re data diutius subsistere non debere, si dominum sine hærede mori contingit.

§. 336.

Si vasallus moritur sine successore feudali, vel feudum quo- De subfe-
cunque modo amittit; subfeudum extinguitur. Etenim subinfeudo, si fen-
datio fieri nequit, nisi salvo jure domini directi (§. 299. 300.). *um finitur.*
Quoniam itaque vasallo sine successore feudali mortuo, res,
quæ feudalis fuerat, statim pleno jure fit domini (§. 326.),
adeoque subfeudum in eadem subsistere minime potest (§.
300.); si vasallus moritur sine successore feudali, subfeudum
extinguitur. *Quod erat unum.*

Similiter cum res feudalis statim pleno jure fit domini,
si feudum finiri contingat (§. 326.), quocunque tandem mo-
do hoc fiat; finito feudo, nec subfeudum subsistere potest
(§. 300.), consequenter subfeudum extinguitur. *Quod erat*
alterum.

Jus subvasalli dependet a jure vasalli (§. 300.). Quod si er-
go jus vasalli tollitur, nec jus subvasalli amplius subsistere pot-
est, cujus veluti basis illud est.

§. 337.

Quoniam feudo finito subfeudum extinguitur (§. 336.); *De subfendo*
si feudum vasallo nonnisi ad dies vite, vel revocabiliter pro lubi in feudo ad
tu domini, seu precario fuerit constitutum (§. 1124. part. 5. Jur. dies vite,
nat.), in priori casu mortuo vasallo, in posteriori feudo revocato sub- vel precario
feudum extinguitur. *constituito.*

Nimirum in casu priori subfeudum a vasallo constitui non
potuit nisi sub hac conditione, quamdiu vixero; in posteriori
autem nonnisi sub ista, quamdiu dominus feudum non revo-
caverit. Condicio ista in casu utroque necessario inest contra-

Etui subfeudali, ut adeo non opus sit eam expresse adjici. Quamobrem conditione ista existente, non modo jus omne subvasalli expirat; verum etiam subfeudum constituens eidem non obligatur ad præstandum, quod interest subfeudum non fuisse finitum.

§. 338.

*De deteriora-
tione rei
feudalis.*

Vasallus rem feudalem deteriorare nequit. Etenim finito feudo, res, quæ feudalitatis fuerat, pleno jure fit domini (§. 326.), idemque accidit, successore feudali nullo existente (§. 328.). Similiter si feudum transmissibile, ad alios quoque certo ordine transmittitur. Interest igitur domini, tum eorum, ad quos transmittendum suo tempore, ne res deterioretur (§. 622. part. 3. Jur. nat.), adeoque contra jus domini & successorum feudali-um deterioratur (§. 239. part. 1. Phil. pract. univ.). Quamobrem cum nemo quicquam facere debeat, quod est contra jus alterius (§. 910. part. 1. Jur. nat.); nec vasallus rem feudalem deteriorare potest.

Si res deterioratur, de ipsa substantia rei disponitur. Sed de substantia rei disponendi jus proprietas est (§. 131. part. 3. Jur. nat.), quæ non tota est apud vasallum, sed ex parte apud dominum (§. 3. 158.). Unde multo magis patet, vasallum, qui non prorsus pro arbitrio suo disponere potest de ipsa substantia rei feudalis (§. 159.), de ea non ullo modo disponere posse in præjudicium domini, qui utique velle intelligitur, ut ne res feudalis deterioretur.

§. 339.

*De jure do-
mini quoad
deterioranda
feudi.* Quoniam vasallus obligatur ad rem feudalem non de-terminatam (§. 338.); domino feudi & iis, qui in eodem succe-derent, competere debet jus non patiendi, ut deterioretur, cumque omni feudo. adeo deterioratio sit contra jus perfectum domini, quod vero contra jus perfectum alterius sit, injuria est (§. 859. part. 1. Jur. nat.); si vasallus rem feudalem deteriores, injuriam facit domino ac iis, pro quibus feudum constitutum.

§. 340.

§. 340.

Similiter quia vassallus rem feudalem deteriorare nequit (§. 338.), eidem vero competit jus utendi fruendi prorsus irrestrictum (§. 159.); *re feudali salva substantia uti frui debet vassallus.*

• Nimirum si res feudalis deterioratur, substantia salva non manet, sed ei aliquid deterioratione decedit, si non semper physice, quoad æstimationem tamen moralem, quippe cum hic consideretur res quoad usum, quem habere potest (§. 495. part. 1. Jur. nat.), nimirum tam simplicem, quam cum fructu conjunctum. Quod si ergo substantia rei moraliter spectata salva esse debeat, necesse est ut ejus usus, propter quem in numerum rerum refertur (§. cit.), non imminuatur. E. gr. Sylva deterioratur, si arbores annosæ magna copia excinduntur. Sylva non concipitur sine arboribus. Quamobrem deficiente copia arborum, quæ sylvam faciunt; substantia sylvæ minime salva intelligitur. Sylva vastanda non est, si substantia salva esse debet. Similiter prædium deterioratur, si ædificia rustica non reficiantur, ut ruinam mimentur. Quamobrem si aperturæ feudum fuerit proximum, dominus ferre non debet, ut ædificia ista non reficiantur: alias enim vassallus nocet sibi, non domino, si prædii usui per hoc quidpiam detrahitur, ac spes est fore ut tandem ad ea reficienda compellatur ipsa necessitate, aut successor eadem reficiat, vel nova extruat.

§. 341.

Immo quia fundum deteriorare non debet vassallus (§. De immut. 338.); *si immutatione fundi res feudalis deterioretur, nec cum immutare licet, nisi in contractu feudali immutatio fundi simpliciter, seu pro lubitu fuerit permessa (§. 172.).* Et quoniam dominus, ac in feudo aliquo successor, vel succedendi spem habentibus, oratur, competit jus non patiendi, ut rem feudalem deterioret (§. 339.); *isdem quoque competit jus non patiendi, ut fundus immutetur, si hac immutatione res feudalis deterioretur, nisi ea simpliciter fuerit permessa.*

Nimirum si in contractu feudali permittitur fundi immutatio
simpliciter

simpliciter, sine ulla restrictione; dominus jus suum hoc non patiendi remittit (§. 95. *part. 3. Jur. nat.*), quod facere ipsi integrum (§. 117. *part. 3. Jur. nat.*). Non est quod excipias dominum non consensisse in fundi immutationem, nisi quatenus res feudalis non deterioratur: etenim hoc consensu non erat opus vasallo ad fundum immutandum, quando immutatio non erat prohibita, quemadmodum mox clarius elucescet.

§. 342.

De servitute rei feudali imponenda. Quoniam porro fundus servitute imposita deterioratur (§. 1275. *part. 5. Jur. nat.*), *vasallus* vero rem feudalem deteriorare nequit (§. 338.); idem quoque *servitutem rei feudali imponere nequit*.

Pertinet jus imponendi servitutem ad proprietatem, quemadmodum alias demonstravimus (§. 1455. *n. 1. part. 5. Jur. nat.*): quæ cum sit restricta (§. 159.), parte quadam ad dominium pertinente (§. 160.), per hoc non imminuitur dominium utile, quod vasallo competit, quod servitutem fundo feudali imponere non liceat.

§. 343.

De eo, quod fieri vi domini directi non possit. Dominus de substantia rei feudalis non ita disponere potest, ut jus utendi fruendi vel diminuatur, vel quoad exercitium quomodocunque impediatur. Etenim vasallo competit jus utendi fruendi prorsus irrestrictum (§. 159.). Quod si vero dominus de substantia rei feudalis ita disponat, ut jus utendi fruendi vel diminuatur, vel quoad exercitium quomodocunque impediatur, cum id sit contra jus utendi fruendi (§. 239. *part. 1. Phil. præf. univ.*); id ipsum sit contra jus vasalli. Quamobrem cum nemo quicquam facere possit, quod est contra jus alterius (§. 910. *part. 1. Jur. nat.*); dominus de substantia rei feudalis non ita disponere potest, ut jus utendi fruendi vel diminuatur, vel quoad exercitium quomodocunque impediatur.

Vulgo

Vulgo dicitur dominum vi domini directi nil facere posse, quo conditio vassalli redditur deterior. Vi domini directi de substantia rei disponitur (§. 160.), adeoque de substantia rei disponere ita nequit, ut conditio vassalli reddatur deterior. Ejus autem conditio deterior reddi nequit quam quoad jus utendi fruendi, vel ejus exercitium, cum dominus vi domini directi de re disponit, non vero de ipso dominio directo. Quamobrem magis determinate enunciare maluimus, quid dominus vi domini directi facere non possit, salvo jure vassalli.

§. 344.

Dominus rei feudali servitutem imponere nequit. Etenim si servitus rei feudali imponitur, vassallus aliquid pati, aut non facere tenetur ad utilitatem alterius, quod alias pati non obligabatur, aut facere poterat (§. 1267. part. 5. Jur. nat.), consequenter cum jure utendi fruendi, tanquam sibi proprio (§. 155.), ceteros omnes excludat (§. 119. part. 2. Jur. nat.), adeoque pati non teneatur, ut alius quid faciat in re feudali ad utilitatem suam, neque in gratiam alterius in ea aliquid non facere obligatus sit, servitute rei feudali imposita jus utendi fruendi diminuitur, ac ejus exercitium aliquo modo impeditur. Enimvero dominus de substantia rei feudalis non ita disponere potest, ut jus utendi fruendi diminuatur, aut quoad exercitium quomodocunque impediatur (§. 343.). Dominus adeo rei feudali servitutem imponere nequit.

E. gr. Ponamus a domino iter concedi per hortum tuum ad suum possessori horti vicini. Tu igitur pati debes, ut is per hortum tuum ad suum eat (§. 1326. part. 4. Jur. nat.): quod cum alias prohibere posses, usum aliquem horti tui concedere teneris alteri, a quo eum excludere poteras. Jus igitur utendi, quod habes, diminuitur. Est adeo impositio hujus servitutis juri tuo adversa, atque adeo illicita. Facile patet id valere, si servitus sit realis, ut possessori cuilibet horti concessum sit iter tanquam jus horto inhaerens, siue personalis, ut saltem possessori praesenti competat (§. 1270. part. 5. Jur. nat.).

(Wolffii Jur. Nat. Part VI.)

Hh

§. 345.

§. 345.

Quomodo Vasallus & dominus conjunctim rei feudali servitutem imponere feudali vere possunt, cum consensu tamen eorum, pro quibus feudum constituitur. Etenim quando feudum constituitur, dominium plenum dividitur in utile & directum (§. 157.), ac utile vasallo, directum domino cedit (§. 158.), consequenter vasallus & dominus conjunctim plenum dominium habent, adeoque rei, quæ infeudata, conjunctim quasi dominus sunt (§. 121. part. 2. Jur. nat.). Quoniam itaque servitus est jus alteri in re sua constitutum (§. 1267. part. 5. Jur. nat.) adeoque a domino rei suæ imponi potest (§. 982. part. 3. Jur. nat.); vasallus & dominus conjunctim rei feudali servitutem imponere possunt. *Quod erat unum.*

Enimvero ad eos, pro quibus feudum constitutum, ut devolvatur certo casu contingere potest. Quamobrem si vel maxime a domino & vasallo conjunctim servitus imponatur; feudo ad ipsos devoluto jus ipsorum foret diminutum, quemadmodum ex demonstratione propositionis præcedentis patet (§. 344.), consequenter servitus contra jus ipsorum imposita fuisset (§. 239. part. 1. Phil. pract. univ.). Quamobrem cum nihil fieri debeat, quod est contra jus alterius (§. 910. part. 1. Jur. nat.), consequenter nec fieri possit, quod vergit in præjudicium eorum, ad quos feudum certo casu devolvi potest; nec ipsis invitis dominus & vasallus conjunctim servitutem imponere rei feudali possunt, adeoque id fieri debet cum consensu eorum. *Quod erat alterum.*

Nimirum quod facere potest dominus vñ domini pleni; id etiam facere possunt dominus feudi & vasallus conjunctim. Quod solus vasallus rei feudali servitutem imponere nequeat (§. 342.), impedit jus domini; quod dominus nequeat imponere, vasalli jus obstat. Si uterque in impositionem servitutis consensit, neutrius jus ab altero violatur, consequenter nil amplius

plius obstat, quo minus imponi possit. Eorum vero, pro quibus feudum constitutum consensus requiritur, quod necin ipsorum præjudicium quid fieri possit, cum certo casu contingere queat, ut feudum ad ipsos devolvatur.

§. 346.

Vasallus, quamdiu feudum tenet, alteri concedere potest ali- De jure servitutum
quod jus in re feudali, quale foret servitus, si jure rei feudalis im-
poni posset. Etenim vasallus de usu ac fructu rei feudalis pro mulo a va-
arbitrio suo disponere potest (§. 159.). Quamobrem si al-
fallo in re
teri, quamdiu feudum tenet, in re feudali constituere velit feudali con-
jus, quo in utilitatem alterius vel prædii vicini aliquid po-
cedendo.
tenetur in re feudali, vel non facere, quod alias pati non te-
nebatur, vel facere poterat; quin hoc fieri possit dubitan-
dum non est. Quoniam itaque servitus est jus in re aliena
constitutum, quo ejus dominus ad alterius, seu prædii vicini
utilitatem aliquid pati, vel non facere tenetur (§. 1267. 1270.
part. 5. Jur. nat.), a vasallo tamen servitus imponi rei feu-
dali nequit (§. 349.); vasallus, quamdiu feudum tenet, al-
teri concedere potest aliquod jus in re feudali, quale foret
servitus prædialis, si jure rei feudali imponi posset.

Jus hoc servitutis æmulum, quod a servitute non differt nisi
in eo, quod dependeat a possessione constituentis, adeoque
cum hac tollatur, vasallo constituenti saltem nocet, non do-
mino, nec aliis in feudo successuris, ut propterea res feudalis
nec dici possit deteriorata respectu domini, & successorum feu-
dalium, quippe quæ nulli servituti obnoxia est, quando vel
contingit, ut res, quæ fuerat feudalis, pleno jure sit domini,
vel ut feudum ad alios devolvatur. Jus igitur istud nullum fa-
cit domino, nec ullum successoribus feudalibus præjudicium;
consequenter nec ipsis competere potest jus prohibendi, ne a
vasallo concedatur.

§. 347.

Quoniam vasallus, quamdiu feudum tenet, alteri con- De servitu-
cedere

re a vasallo cedere potest aliquod jus in re feudali, quale foret servitus, *facta im-* si jure rei feudali imponi posset (§. 346.); *posita.* si *vasallus rei feudali servitutem imponit*, cum ea subsistere non possit tanquam servitus (§. 342.), *subsistet eadem tanquam jus servitutis æmulum*, quamdiu vasallus feudum tenet.

Nimirum si vasallus servitutem imponit rei feudali, hoc nullo jure facit (§. 342.), adeoque servitus ipso jure nulla est. Cum tamen, quamdiu feudum tenet, jus servitutis æmulum concedere possit in re feudali (§. 346.), & dum servitutem eidem imposuit non voluit nihil agere; id egisse intelligitur, quod agere potuit. Atque ideo defectus juris imponendi servitutem non impedit, quo minus jus, quod servitus dici nequit, subsistat tanquam jus ejus æmulum, quale concedi jure potest. Ponamus enim dominum, qui pati non tenetur, ut servitus rei feudali imponatur (§. 342. 339.); vasallus se defenderet jure concedendi in re feudali jus servitutis æmulum, quamdiu feudum tenet (§. 346.): quod cum ipsi auferri minime possit (§. 336. *part. 3. Jur. nat.*), dominus non amplius contradicere poterit, sed jus servitutis æmulum subsistet. Quoniam itaque inutilis foret contradictio domini, etiam sine ea non aliter subsistere potest jus in re feudali alteri per modum servitutis constitutum, nec statim, quando constituitur, aliter subsistit. Atque adeo nec dominus non contradicens quantocunque tempore præsumitur consensisse in servitutem impositam, quippe qui silens non aliud facit, quam ut patiatur vasallum jure suo uti (§. 346.), quod prohibere nequit (§. 336. *part. 2. Jur. nat.*).

§. 348.

An vasallus Quoniam usufructus servitus est (§. 1420. *part. 5. Jur. usufructu- nat.*), servitus vero rei feudali imponi nequit a vasallo (§. 342.), subsistit tamen, si imponatur, tanquam jus servitutis *tenere possit* æmulum, quamdiu vasallus feudum tenet (§. 347.); *Vasallus in re feudali quoque usufructum nemini constituere potest in re feudali, si vero constituit, jus alteri concessisse intelligitur re feudali utendi fruendi, quamdiu ipse feudum tenet.*

Nimi-

Nimirum usufructus est jus, quod inhæret personæ & cum ipsa demum exinguitur, aut tempore elapso, ad quod constitutum, inhæret autem etiam rei, quatenus ea servire cogitur usufructuario, quamdiu vivit, vel tempus durat, ad quod usufructus constitutus (not. §. 1420. part. 5. Jur. nat.). Istiusmodi jus vassallus nemini concedere potest. Aliud vero est jus percipiendi fructus ex re feudali, quamdiu feudum tenet vassallus, quod concedendo vassallus saltem disponit de fructu rei feudalis, de quo pro arbitrio suo disponere potest (§. 159.). Domino, qui nihil utilitatis percipit ex re feudali, perinde est, si ve vassallus ipse utatur fruatur re feudali, si ve alii permittat, ut eadem utatur fruatur, quamdiu ipse uti frui poterat. Ex idem intelligitur de successoribus feudaliibus. Nemini igitur præjudicium fit, si vassallus, quamdiu ipse feudum tenet, loco sui ab alio fructus ex re feudali percipi permittat.

§. 349.

Eodem prorsus modo patet, quod *vassallus usum nemini Antus concedere possit in re feudali, si vero usum constituit, jus alteri concedi possit. cessisse intelligatur re feudali uti*, ut ex eadem ea percipiat commoda & emolumenta, quibus ipse cum suis indiget ad vitæ necessitatem & commoditatem (§. 1516. part. 5. Jur. nat.), *quamdiu feudum tenet.*

Scilicet quod de usufructu in specie dictum (§. 348.), id valet de omni servitutis tam prædialis, quam personalis specie, ut adeo inutile foret ad singulas servitutis species applicare velle, quod de omni servitute in genere fuit demonstratum.

§. 350.

Vassallus rem feudalem meliorare potest. Vassallo enim competit jus utendi fruendi prorsus irrestrictum (§. 159.), consequenter etiam rem feudalem ad plures usus tam simplices, quam *lem meliorum* fructu conjunctos aptare potest. Quoniam itaque res *melioratur*, si ad plures usus tam simplices, quam cum fructu conjunctos apta efficitur, ut scilicet plures, quam antea habeat

usus ac plures ex eadem fructus percipiuntur (§. 605. *part. 2. Jur. nat.*); vassallus rem feudalem meliorare potest.

Rem meliorando nec domino nocet, nec successoribus feudali-
bus, adeoque nec illius, nec horum jus quoddam violatur.
Ex adverso potius melioratio tam prodest domino, si forsan
res pleno jure ipsius sit, quam successoribus, ad quos feudum
devolvitur. Honestum vero est aliorum commoda una pro-
movere cum suis.

§. 351.

*Quando
feudum im-
mutare li-
ceat.*

Quoniam vassallus rem feudalem meliorare potest (§. 350.); si ~~in~~ *immutatio* feudi res melioretur, fundum immutare licet vassallo, consequenter nec domino, nec successoribus feudali-
bus competit jus contradicendi, aut meliorationem impediendi, nisi
expresse fuerit conventum, ne feudum immutari debeat (§. 172.).

Domino feudum constituenti rationes esse possunt, cur no-
lit fundum immutari, si vel maxime ex fundo immutato ma-
jor percipiatur utilitas, consequenter cum ab ipsius arbitrio pen-
deat, quomodo proprietatem, ad quam jus utendi fundum per-
tinet (§. 659. *part. 2. Jur. nat.*) restringere velit (§. 164.), pro-
hibere utique potest, quando feudum constituit, simpliciter
omnem fundi immutationem, ut adeo vassallus re uti frui de-
beat, sicuti potest, non vero prorsus ut vult.

§. 352.

*An vassallus
servitutem
prædialem
acquirere
possit.*

Vassallus prædio servitutem acquirere valet. Quodsi enim
rei feudali seu prædio servitus acquiritur, dominus prædii vi-
cini, in quo servitus constituta, ad utilitatem illius aliquid
in prædio suo ut fiat pati, aut non facere tenetur (§. 1267.
part. 3. Jur. nat.), adeoque prædium ad plures usus aptatur,
vel etiam fructus, quam antea percipi poterant, consequen-
ter melioratur (§. 605. *part. 2. Jur. nat.*). Enimvero vassallus
rem feudalem, seu prædium meliorare potest (§. 350.). Ergo
etiam prædio servitutem acquirere valet.

E. gr.

E. gr. Ponamus, a vasallo acquiri jus pascendi. Quoniam vi hujus servitutis jam dominus prædii servientis pati cogitur, ut qui feudum tenet certum numerum pecorum in prædio ipsius pascat (§. 1365. *part. 5. Jur. nat.*); nemo non intelligit, qui œconomiz ruralis gnarus est, hac servitute acquisita prædium meliorari. Equis ergo dixerit, servitute hanc acquirere non licere vasallo? Immo si vel maxime sumas, quod tamen non facile sumi poterat, dominum, si quando prædium pleno jure habiturus, aut successorem quendam feudalem non curaturum hoc jus pascendi; nihil tamen in præjudicium ejus factum, dum servitute hanc prædio suo acquirat vasallus, cum servitute acquisitam dominus prædii dominantis pro lubitu suo remittere possit (§. 1400. *part. 5. Jur. nat.*), nec successor feudalis jure suo uti cogatur, si noluerit.

§. 353.

Vasallus servitute prædio acquisitam remittere non potest. An vasallus
 Quoniam enim vi servitutis acquisitæ possessor prædii feudalis in prædio vicino facere potest in utilitatem prædii sui, quod absque illa facere non poterat, aut prohibere, ne dominus vicini aliquid faciat in suo, quod facere alias poterat *remittere potest* (§. 1267. *part. 5. Jur. nat.*); nemo non videt, servitute remissa prædium feudale utilitate quadam privari, consequenter minorem jam, quam antea, ex eodem percipi utilitatem. Quoniam igitur per se patet, prædium deteriorari, si utilitas ex eo percipienda imminuitur, prædium autem deteriorare vasallus nequit (§. 338.); vasallus quoque servitute prædio acquisitam remittere non potest.

Parum refert utrum vasallus ipse servitute prædio acquisiverit, an ab alio eidem jam acquisita fuerit. Quoniam enim ad feudum meliorandum non obligatur, cum melioratio in contractu feudali non fuerit conventa, ex quo metienda ejus obligatio (§. 172.), sed saltem meliorandi jus habet (§. 350.); ad servitute prædio acquirendam a domino, vel successoribus feudalis

feudalibus minime cogi potest, sed arbitrio ipsius relictum, utrum acquirere velit, nec ne. Enimvero cum ad prædium non deteriorandum obligatus sit (§. 338.); quamprimum servitus acquisita, obligatio sese exerit servitutem non remittendi, ne prædium deterioretur, ac tum domino & successoribus feudalibus competit jus non patiendi, ut remittatur. Melioratio ab initio est voluntatis, sed ubi facta fuerit, deterioratio naturaliter illicita eandem subjicit necessitati, ut de ea pro lubitu suo non amplius statuere possit vasallus. Facile patet, quæ hic dicuntur ad quosvis alios meliorationis casus trahi posse, cum ex principiis generalibus deducantur, quæ non servitutis acquisitioni propria sunt, sed omni meliorationi conveniunt.

§. 354.

*De oneribus
ad vasallum
spectanti-
bus.*

Vasallus omnia onera ferre debet. Etenim vasallus ex re feudali omnem utilitatem solus percipit (§. 319.), adeoque fructus omnes ad eum solum pertinent. Et quoniam dominium utile habet (§. 155.), adeoque proprietatem quoque certo modo licet restrictam (§. 1.); utilitatem ex re feudali percipit tanquam ex re sua. Quodsi ergo onera quædam præstanda sint sive ratione fructuum, sive ratione rei; ea ferre debet vasallus.

Vide, quæ supra in simili casu annotavimus de emphyteuta (nos. §. 75.).

§. 355.

*Item ad sub-
vasallum.*

Subvasallus omnia onera ferre debet, sive ratione fructuum, sive ratione rei præstanda. Etenim subvasallus in re feudali dominium utile habet, quod ante subinfeudationem in eadem habebat vasallus (§. 155. 300.) & ex re feudali facta subinfeudatione solus omnem percipit utilitatem, quemadmodum ante eandem percipiebat vasallus (§. 319.). Quamobrem eodem, quo ante (§. 354.), modo patet, subvasallum ferre debere onera, sive ratione fructuum, sive ratione rei præstanda.

E. gr.

E. gr. Ponamus ex fructibus rei feudalis alicui præstandos esse decimas, vel certum canonem domino; facta subinfeudatione, decimas illas, vel canonem præstare tenetur subvasallus. Similiter si tempore belli hosti præstanda sunt certa onera; ea ad subvasallum pertinent, quemadmodum pertinerent ad vasallum, si res non fuisset infeudata. Hoc tamen non obstante, quod canonem subvasallus domino præstare teneatur, dominus adhuc sibi etiam vasallum obligatum habet (§. 303.).

§. 356.

Si vasallus rem feudalem sine consensu domini alienare potest; De oppignoratione (jus consensu eandem etiam oppignorare potest: Quodsi tamen ratione rei contingat, feudum aperiiri domino, vel apertura proximum fieri, feudalis. aut alio modo finiri, re adhuc oppignorata, jus creditoris, quod in eadem habebat, tollitur. Etenim si res oppignoratur, seu hypotheca in eadem constituitur, in creditorem transfertur jus rem oppignoratam vendendi sub ea conditione, nisi statuto tempore debitum solvatur (§. 1145. part. 5. Jur. nat.) & ut creditori satisfiat, nisi debitum statuto tempore fuerit solutum, res oppignorata vendenda est (§. 1144. part. 5. Jur. nat.). Quodsi ergo vasallus rem feudalem sine consensu domini alienare, adeoque etiam vendere potest, nimirum tanquam feudalem, ut feudum in ea subsistat (§. 156.); nil sane obstat, quo minus etiam sine illius consensu eandem oppignorare possit. Quod erat unum.

Enimvero oppignoratio hæc fieri nequit in præjudicium domini (§. 910. part. 1. Jur. nat.), adeoque nonnisi salvo jure ejus. Quamobrem cum domini res feudalis statim pleno jure sit feudo aperto (§. 330.), vel alio modo finiatur (§. 326.), nec feudum proximum apertura alienari possit (§. 332.); si feudum aperiatur, re feudali oppignorata, vel apertura proximum fiat, aut alio modo finiatur, hypotheca in eadem amplius consistere nequit, quippe quæ non con-

(Wolffii Jur. Nat. Pars VI.) li stituta

stituta intelligitur nisi sub tacita hac conditione, quamdiu feudum non aperietur, aut finietur. Feudum igitur aperto aut aliter finito, jus creditoris, quod in re feudali habebat, tollitur. *Quod erat alterum.*

Apparet adeo oppignorationem rei feudalis sine consensu domini non esse satis tutam, siquidem metuendum sit, feudum domino aperiri posse, vel aperturæ proximum fieri. Quamobrem consultius est, ut res feudalis oppignoretur cum consensu domini, ne sit oppignoratio periculo obnoxia. Hæc quidem naturaliter ita sese habent. Jure autem positivo magis convenit, ne oppignoratio unquam valida sit sine consensu domini.

§. 357.

Quando sine consensu domini invalida. Si vassallus rem feudalem sine consensu domini alienare nequit, nec sine ejus consensu oppignorare eam potest. Etenim quando res oppignoratur, in creditorem transfertur jus rem oppignoratam vendendi sub hac conditione, nisi statuto tempore solvatur debitum (§. 1145. *part. 5. Jur. nat.*). Quod si ergo vassallus rem feudalem sine consensu domini alienare nequit, adeoque nec vendere potest; nec in creditorem transferre potest jus rem feudalem vendendi sub ista conditione, si debitum statuto tempore non solvatur, quippe quod, debito præcise non soluto, creditori actu competit, si translatio conditionata fuerit valida (§. 1144. *part. 5. Jur. nat.*). Quamobrem vassallus sine consensu domini rem feudalem oppignorare nequit, si sine ejus consensu eandem alienare nequit.

Nimirum si contingat, rem feudalem esse vendendam, debito præcise non soluto, dominus in venditionem consentire non tenetur, etiam si venditio non vergat in ipsius præjudicium. Oppignoratio enim sine ipsius consensu facta ipso jure nulla est, & contra jus ipsius, adeoque non sine injuria ipsius facta (§. 859. *part. 1. Jur. nat.*).

§. 358.

De oppigno-

Quoniam feudum aperturæ proximum sine consensu domini

mini alienari nequit, etiamsi alias ad alienationem non re- *ratione feu-*
quirendus esset ejus consensus (§. 332.), quando vero vasa- *di apertura*
lus rem feudalem sine consensu domini alienare nequit, nec *proximi.*
sine ejus consensu oppignorare potest (§. 357.); *si feudum*
fuerit apertura proximum, vasallus rem feudalem oppignorare ne-
quit, quam alias sine ejus consensu oppignorare potuisset.

Si feudum aperturæ proximum, oppignratio statim ipso
jure nulla est, non vero ab initio valet, quemadmodum in
casu superiori, quo demum invalidam efficit casus emergens,
de quo cum res oppignoraretur non cogitabatur (§. 356.).

§. 359.

Vasallus sine consensu eorum, ad quos feudum devolvi potest, De consensu
seu successorum feudaliū, rem feudalem oppignorare nequit. Ete-*successorum*
nim quando res oppignoratur, vendenda est, nisi debitum *feudaliū*
statuto tempore solvatur, ut creditori ex ea satisfiat (§. 1144. *ad oppigno-*
part. 5. Jur. nat.), consequenter impossibile est, ut, mortuo *rationem re-*
vasallo, in feudo succedant ii, ad quos devolvi debebat. *quisq.*
Quoniam itaque oppignratio contra jus eorum, ad quos
devolvi potest, seu in eorum præjudicium fit, nihil vero facere
licet, quod est contra jus alterius (§. 910. *part. 1. Jur. nat.*); va-
sallus quoque sine consensu eorum, ad quos feudum devol-
vi potest, seu successorum feudaliū, rem feudalem oppi-
gnorare nequit.

Qui rem vendere nequit, nec in alium transferre potest jus
vendendi sub conditione quadam possibile, cum conditione
existente res sit vendenda. Si consensu eorum, qui in feudo
succedere possunt, res vendi nequit, cum ipsis jus suum, aut,
si mavis spes, quæ jus aliquando excitare potest, auferri ne-
queat invitis (§. 336. *part. 2. Jur. nat.* & §. 477. *part. 3. Jur.*
nat.). Quamobrem nec in præjudicium eorum res feudalis
oppignorari potest sine eorum consensu (§. 1145. *part. 5. Jur.*
nat.). Quando consentiunt, jus suum remittunt (§. 95. *part.*
3. Jur. nat.), cumque tunc nil amplius fiat contra jus ipsorum

(§. 239. part. 1. *Phil. pract. univ.*), nec ipsis volentibus injuria ulla fit (§. 859 part. 1. *Jur. nat.*).

§. 360.

De oppignoratione fructuum, vel juris in re feudali. Vassallus fructus rei feudalis, aut jus utendi fruendi eadem oppignorare potest, quamdiu feudum tenet. Etenim vassallus de usu ac fructu rei feudalis pro arbitrio suo disponere potest, quamdiu scilicet feudum tenet (§. 159.). Quamobrem cum de fructu rei feudalis ac ejus usu disponat, si fructus vel jus utendi fruendi oppignoret (§. 1144. part. 5. *Jur. nat.*); fructus quoque rei feudalis, aut jus utendi fruendi eadem oppignorare potest.

Hæc oppignoratio fit sine præjudicio domini, etiam sine præjudicio eorum, qui in feudo succedunt. Quamdiu enim vassallus feudum tenet, omnem utilitatem solus percipit ex re feudali (§. 319.), & fructus ex eadem percepti allodiales sunt (§. 320.), in quibus adeo plenum dominium habet vassallus (§. 192.). Oppignorari vero etiam possunt res extiturse (§. 1178. part. 5. *Jur. nat.*), adeoque etiam fructus nondum extantes. Quamvis vero non periculo vacet oppignoratio fructuum, vel juris etiam utendi fruendi re feudali; dantur tamen casus, in quibus præstat fructus sibi oppignoratos habere, quam rem nullam. De fructibus perceptis, veluti frumento jam excusso ex spicis, tanto minus dubia videri potest oppignoratio, quia res allodiales sunt (§. 320.), ad quos adeo nullum jus est domino, nec jus ullum successoribus feudali-
bus (§. 192.).

§. 361.

De oppignoratione rei feudalis cum consensu domini, sed sine consensu eorum, ad quos feudum devolvi potest, facta quoad dominium feudalis sed non quoad successores feudales subsistit. Quando enim dominus in oppignorationem consentit, jus quidem suum, cui præjudicari poterat (§. 328.), remittere (§. 1117. part. 3. *Jur. nat.*); sed sine consensu eorum, ad quos feudum devolvi potest, jus suum, quod a primo

mo acquirente vi constitutionis habent (§. 175.), adimere *sensu* succurrit (§. 336. *part. 2. Jur. nat.*), adeoque jus horum non cessorum obstante domini consensu subsistit. Patet itaque, quod oppignoratio cum consensu domini, sed sine consensu eorum, facta. ad quos feudum devolvi potest, facta quoad dominum quidem subsistat, sed non quoad successores feudales.

Nimirum hac oppignoratione nullum fit præjudicium domino, quemadmodum patet ex iis, quæ paulo ante annotavimus (*not. §. 360.*); vergit tamen oppignoratio in præjudicium successorum feudaliū, quippe qui jus suum non remittere, cum sine eorum consensu facta fuerit oppignoratio, in quam consentire non tenebantur, nisi vellent.

§. 362.

Quoniam oppignoratio rei feudalis cum consensu domini, sed sine consensu eorum, ad quos feudum devolvi potest, facta quoad dominum, sed non quoad successores feudales subsistit (§. 361.); si feudum aperiri domino contingat, is aut debitum solvere, aut ut res feudalis vendatur, & de ejus pretio satisfiat creditori pati debet (§. 1144. *part. 5. Jur. nat.*), aut si contingat, vasallum non esse solvendo, illi, ad quos feudum devolvi aliquando potest, vel qui eodem mortuo in feudo succedunt, creditori ad nihil tenentur, neque adeo pati, ut ex re feudali eidem satisfiat.

Sane nec ex fructibus creditori satisfieri potest, vasallo mortuo, quippe qui ad successorem in feudo pertinent, quam primum vasallus moritur, jure utendi fruendi vi legis constitutionis in ipsum transmissio, cui nullo modo præjudicari potest (§. 910. *part. 1. Jur. nat.*). Quodsi vero vasallus, qui rem feudalem oppignoravit, feudum adhuc vivus tenet; quin ex fructibus, qui allodiales, adeoque pleno jure vasalli sunt (§. 192.), satisfieri possit, dubitandum non est.

§. 363.

Si vasallus sine consensu domini & eorum, ad quos feudum devolvi potest, rem feudalem oppignorat; naturaliter fructus rei seu feudalis, Quomodo oppignoratio

sine consensu domini & diu feudum tenet. Etenim vassallus rem feudalem oppignorum rare nequit aut simpliciter sine consensu domini (§. 357.), *feudaliter* aut nonnisi salvo ipsius jure (§. 356.); sine consensu autem *facta intel-* eorum, ad quos feudum devolvi potest, simpliciter oppignori-
ligatur. rare non valet (§. 359.): potest tamen fructus rei, aut jus utendi fruendi eadem oppignorare, quamdiu feudum tenet (§. 360.). Quamvis adeo oppignoratio rei feudalis non subsistat sine consensu domini & eorum, ad quos feudum devolvi potest; subsistere tamen potest oppignoratio fructuum, aut juris utendi fruendi re feudali, quamdiu vassallus feudum tenet. Quoniam itaque vassallus, cum ab omni contractu fraus omnis abesse debeat (§. 149. part. 5. Jur. nat.), id fecisse intelligitur, quod facere poterat (§. 147. part. 5. Jur. nat.); si sine consensu domini & eorum, ad quos feudum devolvi potest, rem feudalem oppignoraverit, fructus rei feudalis aut jus utendi fruendi oppignorasse naturaliter intelligitur, quamdiu feudum tenet.

Vide, quæ paulo ante in casu simili annotavimus (not. §. 347.), & supra de oppignoratione rei emphyteuticæ (not. §. 85.).

§. 364.

*De effectu
huius oppi-
gnorationis.*

Quoniam vassallus, qui sine consensu domini & eorum, ad quos feudum devolvi potest, oppignoravit rem feudalem, naturaliter fructus rei feudalis, aut jus utendi fruendi eadem oppignorasse intelligitur, quamdiu feudum tenet (§. 363.); *re feudali sine consensu domini & eorum, ad quos feudum devolvi potest, oppignorata, creditor naturaliter consequitur jus in fructibus rei feudalis, aut jure eadem utendi fruendi, quamdiu feudum tenet* (§. 1142. part. 5. Jur. nat.), adeoque debito non soluto tempore convento ex fructibus ipsi satisfaciendum, quantum fieri potest, aut jus utendi fruendi re feudali concedendum, donec ipsi satisfiat, quantum datur, dum feudum tenet debitor (§. 1145. part. 5. Jur. nat.).

Nimi-

Nimirum quando debitor statuto tempore non solvit debitum; creditor fructus statim suos facit, vel re feudali utitur fruitur, donec sibi fuerit satisfactum. Quodsi vero vasallus tamdiu feudum non tenet, donec ipsi plene satisfactum fuerit; cum tum jus debitoris in re feudali sit extinctum, jus quoque creditoris finitum, & is sibi imputare debet, quod non cautius fuerit mercatus, contentus ea securitate, quæ minime sufficiebat.

§. 365.

Feudum pignoratitium finitur, quamprimum debitum a domino solvitur. Etenim feudum pignoratitium constituitur in feudum pignoratitium crediti (§. 191.). Enimvero quamprimum debitor solvit debitum, quod crediderat accipit (§. 659. part. 5. *um finitur. Jur. nat.*), adeoque nulla securitate amplius opus est. Quamobrem feudum pignoratitium finitur, quamprimum debitum a domino solvitur.

§. 366.

Quoniam feudum pignoratitium finitur, quamprimum *Quid tum* debitum a domino solvitur (§. 365.), adeoque vasallus in re *fieri debeat.* feudali nullum amplius jus habet, consequenter quæ feudalis erat jam pleno jure domini est; *si feudum fuerit pignoratitium,* quamprimum debitum solvitur, *res feudalis domino restituenda* (§. 467. part. 2. *Jur. nat.*).

Res feudalis amittit qualitatem feudalem, dum debitum solvitur, & qui fuerat vasallus jam rem alienam tenet sine omni causa. Domino, qui fuerat creditor, jam competit jus eadem utendi fruendi, quod sibi, qui vasallus fuerat, diutius arrogare nequit. Quodsi adeo fuerit in mora restituendi, possessori malæ fidei æquiparatur, atque propterea de eodem valent, quæ de possessore malæ fidei alibi demonstrata sunt (§. 591. & seq. & §. 621. 622. part. 2. *Jur. nat.*).

§. 367.

Si feudum fuerit pignoratitium, nec dominus tempore conven- *Quomodo*
ro solvat debitum; aut feudum alienandum est ei, qui debitum sol- *satisfaciem-*
vere

*dum vasal- vere velit, aut deficiente emtore feudi, res feudal- venaenda, ut
lo, si domi- ex ea satisfiat vasallo. Etenim feudum pignoratitium dominus
nus feudi pi- constituit creditori suo in re sua loco pignoris (§. 191.), con-
gnoratitii sequenter ea lege, ut, nisi debito tempore solvat debitum,
non solvat. ex eodem ipsi satisfiat (§. 1142. part. 3. Jur. nat.). Enimvero*

creditori satisfiat, quando accipit, quod eidem debetur, consequenter si dominus tempore convento non solvit debitum, vasallo creditori suo aliter satisfieri nequit, quam si quis debitum solvit & feudum pignoratitium accipit, aut si deficiente emtore feudi, res feudal- vendatur, & de pretio solutio fiat. Quodsi feudum fuerit pignoratitium, ipsum feudum, adeoque jus, quod in re feudali habet creditor (§. 155.), est quasi res oppignorata (§. 191.), adeoque domini feudum constituens omnino vult, ut, si tempore convento debitum non solvatur, feudum vendatur ei, qui debitum solvere ac pro eo tantum pretium dare velit: quoniam tamen feudum constituit in securitatem crediti, ut scilicet creditor tempore statuto consequi possit, quod ipsi debetur (§. cit.), is utique animus ejus fuisse intelligitur, ut, deficiente emtore ipsa res, in qua feudum constitutum, vendatur, & de pretio ejus debitum solvatur. Patet itaque, si feudum fuerit pignoratitium, nec dominus tempore convento solvat debitum, aut feudum alienandum esse in eum, qui debitum solvere velit, aut deficiente emtore feudi, rem feudalem vendendam esse, ut ex ea satisfiat vasallo.

Sane nisi supponatur ita esse conventum, ut deficiente emtore feudi, qui succedit in jus vasalli creditoris tanquam novus creditor atque vasallus, res feudal- vendatur, feudum pignoratitium contradictionem involveret, cum constitutum fuisset infecuritatem præcisæ solutionis, eandem vero præstare minime posset creditori. In præjudicium vero domini res feudal- venderetur, si quis feudum emere velit, quippe cui restituenda, debito soluto (§. 366.). Interesse autem potest domini,
ne

ne res vendatur, si quidem dominium directum in ea conservare possit, adeoque spe dominium plenum recuperandi non excidat. Etenim si animum id recuperandi non habuisset, non feudum pignoris loco in re sua constituisset, sed eam statim vendidisset.

§. 368.

Si ita conveniatur, ne feudum pignoratitium alienari possit; De feudo pignoratitium quandoque tempore pignus lui potest. Quodsi enim ita conveniatur, ne feudum pignoratitium alienari possit, vasallus non alienatus obligatus est ad non alienandum (§. 172.), consequenter do. non habet jus alienandi (§. 118. 156. part. 1. Phil. pract. univ.), adeoque alienatio ipso jure nulla est. Pignus adeo in eodem subsistit, quamdiu non luitur (§. 1159. part. 5. Jur. nat.), consequenter quantocunque tempore pignus lui potest (§. cit. part. 5. Jur. nat.).

Nimirum in luendo pignore nulla committi potest mora (§. 638. part. 3. Jur. nat.), & ita conventum intelligitur ut lui possit, quando debitori visum fuerit. Sane dum pignus constituit dominus in feudo, non in ipsa re, id intendisse intelligitur, ut pignus quantocunque tempore lui possit.

§. 369.

Quoniam res, in qua feudum constitutum, debitori re- *De alienari*stituenda, quamprimum pignus luitur (§. 1160. part. 5. Jur. one rei feudat. vel §. 366. h.), pignus autem lui potest quantocunque *alis in isto* tempore, si ita fuerit conventum, ne feudum pignoratitium *casu.* alienari possit (§. 368.); *si ita conventum, ne feudum pignoratitium alienari possit, res feudalis quoque alienari nequit, adeoque nec vendi potest.*

Nimirum si res feudalis alienatur, vel venditur, dominium plenum transfertur in alterum, adeoque feudum prorsus extinguui deberet, quod tamen in infinitum subsistere debet, ut quovis tempore lui possit, quando visum fuerit domino. Nulla hic adest necessitas consensuendi in venditionem rei feudalis.

(Wolffii Jur. nat. Part VI.).

K k

lis,

lis, quemadmodum in eo casu, quo solutioni seu lutioni pignoris certus terminus præfixus (not. §. 367.), ut pignus præse lui debeat (§. 1159. part. 5. Jur. nat.).

§. 370.

De feudo. Si feudum pignoratitium constituitur, ita etiam conveniri sed non re potest, ut, nisi certo die solvatur, feudum quidem alteri cedi, res feudali aliamen feudalis non alienari possit. Etenim quando feudum conananda, stituitur, constituens determinationes substantialibus superaddere potest, quas voluerit (§. 164.), adeoque dubio caret, quod ita conveniri possit.

Obiter notandum, non promiscue ad feudum pignoratitium applicari posse, quæ de pignore demonstrata sunt, quia vassallus ad certas præstationes, imprimis ad fidelitatem præstandum domino obligatur (§. 155.), æ qua obligatione se invito domino liberare nequit (§. 674. part. 3. Jur. nat.). Hæc obligatio ob stare potest, quo minus in feudo pignoratitio locum habere possit, quod alias in pignore obtinet. Quando itaque quæ de pignore demonstrata sunt, ad feudum pignoratitium applicantur, probe dispiciendum, an salvo dominio directo hoc fieri possit. Etenim qui solus debitor est, quando de pignore agitur, in feudo pignoratitio duplicem personam repræsentat, nimirum & domini directi, & debitoris simul, quemadmodum ex adverso, qui solus creditor est, nunc & vassalli, & aëditoris personam repræsentat.

§. 371.

An feudum pignoratitium sit in bonis vassalli. Feudum pignoratitium accensetur ceteris bonis vassalli. Festidum enim pignoratitium est quasi res oppignorata (§. 191.), consequenter vassallo obligatum est pro pecunia, quam ipsi debet dominus (§. 163. part. 5. Jur. nat.). Quamobrem cum pecuniæ, quæ nobis debentur, seu nomina ad bona nostra sint referenda (§. 450. part. 2. Jur. nat.), adeoque etiam jus, quod in re oppignorata habemus (§. 1142. part. 5. Jur. nat.),

nat.), iisdem accenseri debeat (§. 451. part. 2. Jur. nat.); feudum quoque pignoratitium, aut, si mavis, jus in feudo isto ceteris bonis vasalli accensetur.

Nimirum pecunia, quam credidit vasallus domino, allodialis est (§. 192.), & hinc est, quod jus exigendi debitum etiam tanquam res allodialis spectetur, ac perinde ac ista (§. 448. part. 2. Jur. nat.), bonis accensetur. Quamobrem cum in securitatem debiti, quippe quod per pignus efficitur exigibile (§. 1142. part. 5. Jur. nat.), feudum constitutum sit loco pignoris (§. 191.), jus quod in feudo habet vasallus ejus naturæ est, cujus est jus exigendi debitum. Arque adeo ipsum feudum pignoratitium, aut, accuratius loquendi, jus idem tenendi (§. 191.), bonis vasalli allodialibus accenseri debet. Hinc ad feudum pignoratitium non omnia applicari possunt, quæ de aliis feudis in anterioribus demonstrata sunt, ubi bona feudalia ab allodialibus distinguenda,

§. 372.

Quoniam feudum pignoratitium accensetur ceteris bonis vasalli (§. 371.); *qui post mortem vasalli in bonis ipsius successit, in feudo etiam pignoratitio succedit.* De successione in feudo pignoratitio

Nimirum inter feudum pignoratitium & bona allodialia nulla est differentia quoad successionem, cum spectetur tanquam pignus (§. 191.). Quemadmodum itaque jus pignoris pertinet ad heredem; ita etiam feudum pignoratitium ad eundem spectat, neque jure proprio in eodem succeditur, sed jure hereditario, quemadmodum suo loco uberius elucescet, quando de jure hereditario acturi sumus.

§. 373.

Feudum revocari dicitur, si quis jure compellitur ad rem feudalem restituendum, feudo in ipsum translato. Revocatio feudi quid igitur feudi est jus eum, in quem translatum fuit, compelli ad rem feudalem restituendum. Actus, quo revocatur, est exercitium hujus juris.

Kk,

Quando

Quando igitur quis alterum, in quem feudum translatum fuit, compellere velit ad rem feudalem restituendum, cum jure hoc facere non possit; is non feudum revocat, sed alteri eripere vult. Revocatio adeo consistit in jure & vi hujus juris exercetur.

§. 374.

De revocatione feudi precarii.

Si feudum precario fuerit concessum; dominus id pro lubitu revocare potest. Etenim si feudum precario conceditur, vassallus se obligat, ad rem feudalem restituendum pro lubitu reposcenti domino (§. 1128. *part. 5. Jur. nat.*), & si restituere nolit, dominus vi eum adigere potest, ut restituat (§. 1129. *part. 5. Jur. nat.*). Quoniam igitur feudum revocare potest, cui competit jus eum, in quem translatum fuit, compellendi ad rem feudalem restituendum, si restituere nolit (§. 373.); si feudum precario fuerit concessum, dominus id pro lubitu revocare potest.

Nimirum si feudum precario conceditur, ita convenitur, ut vassallo tamdiu dominium utile in re infeudata competere, seu res tamdiu infeudata esse debeat, quamdiu domino placuerit (§. 1124. *part. 5. Jur. nat.*). Quando adeo dominus vassallo significat, se nolle, ut diutius res sua ipsi infeudata sit; jus quoque ejus, quod unice a voluntate domini constanter dependet, expirat, atque adeo ad eam domino restituendam statim obligatur, & ex hac obligatione extemplo nascitur jus eundem ad restitutionem compellendi (§. 23. *part. 1. Jur. nat.*), consequenter revocatio feudi (§. 373.). Quando itaque dominus hoc jure usus vassallum, qui restituere non vult, ad restituendum compellit; feudum revocat. Quoniam significatus vocabulorum arbitrarii sunt, nil obstat, quo minus revocationem feudi etiam appelles declarationem ejus, cui res feudalis restituenda, quod nullum tibi in ea re jus competat & eidem eandem restituere debeas. Quodsi ergo vocabulum in hoc significato accipere velis, per nos hoc licet; sed nobis etiam concedenda est nostra in significato vocabulis imponendo libertas.

§. 375.

§. 375.

Feudum sine consensu domini, vel eorum, ad quos alienatione De fundo si facta devolvi potuisset, alienabile, facta alienatione revocari nequit. ne consensu Etenim si feudum sine consensu domini, vel eorum, ad quos *ullius* alienatione non facta devolvi potuisset, fuerit alienabile; *nabili*. vasallo competit jus pro lubitu feudum alienandi absque consensu domini, vel eorum, ad quos alienatione non facta devolvi potuisset, consequenter tam dominus, quam hi pati tenentur, ut vasallus pro lubitu suo feudum alienet. Quamobrem iisdem competere nequit jus eum, in quem jure translatum fuit feudum, & cui adeo jus suum invito auferri a nemine potest (§. 336. *part. 2. Jur. nat.*), vi compellendi ad rem feudalem restituendum. Quoniam itaque feudum revocari nequit, si domino ac iis, ad quos alienatione non facta, feudum devolvi potuisset, nullum competit jus eum, in quem feudum translatum est, compellendi ad rem feudalem restituendam (§. 373.); feudum sine consensu domini, vel eorum, ad quos alienatione facta devolvi potuisset, alienabile, facta alienatione revocari nequit.

Naturaliter feuda sine consensu domini & eorum, ad quos aliquando devolvi poterant, nisi alienata fuissent, alienabilia dari, ex superioribus constat (§. 194.). Immo olim etiam feudum jure positivo alienari poterat sine domini consensu II. f. 44. l. f. 5. donec constitutionibus *Lotharii II. & Fridrici I. Imperatorum* II. f. 52. 55. interdicta. Feudum vero sine consensu domini & aliorum alienabile etiam irrevocabile esse debet. Neque vero repugnat, quod feudum constitutum sit pro personis certo ordine successuris, aut simpliciter pro hæredibus etiam vasalli. Quando enim libertas alienandi absque ullius consensu non adimitur; lex de successione in feudo adjecta non intelligenda est de personis, quæ a primo acquirente descendunt, sed de iis, quæ alienatione facta eo modo sese habebunt ad vasallum mortuum, qui ista lege expressus.

§. 376.

De feudi a- Si feudum apertura proximum alienatum fuerit, domino
pertura pro- infcio; naturaliter permittitur quidem tenetur, ut is, in quem fe-
ximi aliena- dum fuit translaturum, re feudali utatur fruatur, donec feudum a-
tione & re- periat, feudum tamen apertum revocare potest. Etenim si feu-
vocatione. dum apertura proximum alienatum fuerit, domino infcio,
 hic alienationem irritam facere potest (§. 333.), ut adeo va-
 fallus adhuc maneat dominus utilis, nec a nexu feudali li-
 beretur. Quoniam tamen vasallus rem feudalem alteri lo-
 care (§. 322.), adeoque ejus usum tam simplicem, quam
 cum fructu conjunctum pro certa mercede alteri concedere
 (§. 1194. part. 4. Jur. nat.), tum etiam gratis eundem con-
 cedere valet (§. 325.); si feudum apertura proximum alie-
 natum fuerit, domino infcio, pati utique tenetur, ut is, in
 quem fuerat alienatum, re feudali utatur fruatur, donec feu-
 dum aperiatur. *Quod erat unum.*

Enimvero cum feudo aperto res feudalis, quæ fuerat,
 statim pleno jure domini sit (§. 330.); ea ipsi tum restituenda
 (§. 467. part. 2. Jur. nat.). Quamobrem eidem compe-
 tit jus detentorem rei compellendi ad eam restituendam,
 adeoque compellere potest, nisi restituere velit, consequen-
 ter cum feudum revocetur, si detentor rei feudalis compellitur
 ad eam restituendam (§. 373.); si feudum apertura
 proximum fuerit alienatum, in extraneum scilicet, ac postea
 aperiatur, dominus feudum apertum revocare potest.

Hæc quidem ita obveniunt naturaliter. Quamvis enim alie-
 natio feudi subsistere non possit in casu propositionis præsen-
 tis; subsistere tamen potest concessio juris utendi fruendi re feu-
 dali, quamdiu feudum tenet vasallus. Hac enim subsistente
 nihil sit contra jus domini, seu in præjudicium ipsius. Dum
 irritam facit alienationem, cum eo, in quem translaturum fuit
 absque jure dominium utile, contractum feudalem non reno-
 vat,

vat, nec eundem vasallum suum agnoscit, sed vasallum vgeterem sibi obligatum retinet, ac jus suum ab apertura pendens in re feudali sibi conservat. Aperitur vero feudum, quam primum mortuo vasallo, qui feudum sine effectu alienaverat, nullus existit successor feudalis, & si successor adhuc existat, cum hoc contractus feudalis renovatur, siye is alteri velit adhuc concedere jus utendi fruendi, vel etiam teneatur, siye nolit, aut non teneatur. Hoc nimirum pacto subsistit jus domini, nec quicquam in ipsius præjudicium fit, etsi successor quoque permittat, ut alius re feudali utatur fruatur, quamdiu hoc salvo jure domini directi fieri potest. Alia vero quaestio est, quid in hypothefi propositionis præsentis maxime conveniat juri positivo. Quod si dicas, perinde omnino esse, ac si is, in quem feudum sine jure alienatum fuerat, rem feudalem restituere teneretur vasallo, quando dominus alienationem irritam facit, nec illi conceditur nisi jus utendi fruendi, quamdiu feudum subsistit, consequenter feudum jam tum revocari; etsi in verbis appareat dissensus, in re tamen convenimus, adeoque per nos hoc dicere licet.

§. 377.

Si feudum fueris alienatum cum consensu domini, sed sine De revoca-
consensu eorum, ad quos post mortem ejus devotui poterat; mor-
tuo alienante feudum revocari potest ab eo, ad quem devolvitur; sine consen-
quamdiu vero is vivis, permittere tenetur, ut is, in quem aliena-
sum fuit, re feudali utatur fruatur. Etenim si alienatio feu-
rum feuda-
 mitti debebat, vasallo mortuo, sine consensu eorum alicui.
 nata irrita est (§. 198.), etiamsi cum consensu domini facta
 (§. 200.), consequenter mortuo alienante, feudum ad eum
 adhuc devolvitur, qui ex lege constitutionis succedere de-
 bet, adeoque res feudalis ipsi restituenda (§. 467. *part. 2.*
Jur. nat.). Quamobrem eidem competit jus detentorem
 rei feudalis ad restituendum compellendi: quod cum re-
 vocatio

vocatio sit (§. 373.), feudum revocare potest. *Quod erat
unum.*

Posterior ostenditur eodem modo, quo idem in propositione antecedente (§. 376. n. 1.) demonstravimus de domino. *Quod erat alterum.*

Revocatio feudi non ante competit successor, quam quando succedere potest. Quamdiu vivit vasallus, qui feudum alienavit, nondum constat, utrum eidem sit supervicturus, nec ne, nec quamdiu vivit re feudali ipse uti frui potest. Nihil adeo sit contra jus ipsius, quando alius eadem utitur fruitur. Et, si vel maxime dominus consensit in alienationem & contractum feudalem cum eodem renovavit; hoc tamen fieri non potuit in præjudicium ejus, ad quem devolvi poterat. Quodsi ergo spes ejus in jus erigitur, mortuo eo, qui alienaverat; tum feudum ad eum pertinet, nec ipsi invito adimi potest, adeoque tum revocare ipsi integrum.

§. 378.

De deficientibus Si feudum alienetur cum quorundam saltem eorum, ad quos
te consensu aliquando devolvi potest consensu; is qui non consentit feudum non
quorundam, ante revocare potest, quam ubi ad eum devolvitur. Habet enim
ad quos jus conditionatum, quod ipsi invito auferri minime potest
feudum de- (§. 336. part. 2. Jur. nat.), consequenter si feudum sine con-
volvitur potest. sensu ipsius non alienabile absque eodem alienetur, jus ipsius
salvum manet. Quodsi ergo feudum ad ipsum devolvitur, necesse est, ut ipsi restituatur. Quamobrem eidem competit jus detentorem rei feudalis compellendi ad eandem restituendum, quod cum sit revocatio feudi (§. 373.), feudum revocare potest, quando ad eundem devolvitur. Sed quoniam spes ipsius non ante excitat jus, aut, si mavis, jus conditionatum non ante fit purum, quam ubi feudum vi legis constitutionis ad eum devolvitur, quod per se patet; nec antequam hoc fiat, revocare potest.

Jus

Jus tuum non ante violatur, quam ubi alius feudum tenet, quod tu habere debes. Quodsi alii permittere velint, ut alius re feudali utatur fruatur, qua ipsi uti frui debebant ac poterant, tua parum refert. Alienatio nimirum non subsistit tanquam feudi, sed per modum concessionis juris re feudali utendi fruendi quoad te, si vel maxime quoad dominum, qui consentit, per modum feudi a te sub certa conditione, nimirum si ad te devolvi contingat, revocabilis subsistat. Dominus & qui consenserunt feudum revocare nequeunt, quippe quorum omne jus extinctum est, dum feudum in alium transtulerunt: tibi vero manet revocabile, qui jus tuum retinuisti, quod alii tibi infcio ac invito auferre minime potuerunt (§. 336. *part. 2. Jur. nat.*).

§. 379.

Quoniam feudum sine consensu tuo alienatum revocare *Casus participes*, quamprimum ad te devolvitur (§. 377. 378.); *feudalis*. *dum etiam revocare potes ad te devolutum, si in remotiorem fuerit alienatum, in quem ante te devolvi non poterat.*

Nimirum si alienatio subsistere in hoc casu deberet, non minus hoc foret contra jus tuum, quod ex prima constitutione habes, quam si in extraneum fuerit alienatum. Quamvis enim non omne jus tibi auferretur, quemadmodum si in extraneum alienatur; jus tamen præsens ac purum verteretur in conditionatum ac futurum incertum: id quod omnino est contra jus tuum (§. 239. *part. 1. Phil. pract. univ.*). Permittendum tibi non est, ut alius, quem ordo demum post te tangit, tibi in successione feudi præferatur.

§. 380.

Similiter quia quilibet feudum sine consensu suo alienatum revocare potest, quamprimum ad ipsum devolvitur, *An filius revocare possit*. *vocare possit*. etiamsi quidam consenserint, ad quos aliquando devolvi *filii*. poterat (§. 377. 378.), mortuo autem patre, feudum ad filium devolvitur; *filii quoque feudum a patre alienatum revocare possit.*

(*Wolffii Jur. Nat. Pars VI.*)

L1

Novi

Novi equidem quoad revocationem feudi filio competentem dissentire interpretes juris positivi; non tamen nostrum est inquirere, quam sententia juri huic magis conveniat. Jure naturali filio non minus, quam alii agnato competit revocatio, quippe qui perinde ac ceteri a primo acquirente, a quo descendunt, jus suum habet, non vero a patre: neque enim propterea, quod mediante patre ad ipsum transmittitur, patri competit jus auferendi filio jus ex pacto inter primum acquirentem & concedentem inito contractum, quippe in quo patri istiusmodi jus non concessum. Aliunde vero jus quoddam disponendi de feudo habere nequit (§. 172.). Nimirum ex eo, quod a patre genitus es, tantummodo intelligitur, jus succedendi in feudo, ipso mortuo, tibi competere, non vero ea de causa jus istud ullo modo a voluntate patris dependens efficitur. Videbimus suo tempore idem obtinere in successione in imperio, quando successio linealis in prima delatione imperii introducta.

§. 381.

An feudum cui competit jus feudum revocandi, is non refundere teneatur pretium emtori. Cui enim competit jus feudum revocandi; is detentorem rei feudalis compellendi jus habet ad eam sibi restituendam (§. 373.). Quoniam vero jus ei ideo competit, quod res feudalis sua sit sive pleno jure (§. 376. 330.), sive tanquam feudalis (§. 377. & seqq.); ideo detentorem compellit ad sibi restituendum rem suam; parum sollicitus, quomodo ad eum pervenerit. Nulla igitur ratio est, cur, si quis feudum emit, quod in præjudicium sui emere non poterat, pretium eidem refundere teneatur. Quamobrem is, cui competit jus feudum revocandi, pretium emtori refundere non tenetur.

Nihil in hisce difficultatis est. Feudum vendi non potuit in præjudicium tuum, tibi nempe adipiscendo jus, quod aliquando competere poterat (§. 336. part. 2. Jur. nat.). Ademtum vero fuisse jus in feudo succedendi, & mutatum in jus ab alio emtum.

emtum redimendi, omnino in præjudicium tuum, siquidem emtori pretium refundere deberes. Quamprimum jus succedendi ad te devolvitur, adeoque tu feudum revocare potes (§. 378.); venditio respectu tui irrita est, ac quod tuum est, sine causa jam est penes alium, qui adeo tibi, quod tuum est, restituere tenetur, tu vero ab eo redimere minime teneris. Valet idem respectu domini, quando feudum ipsi aperitur.

§. 382.

Quando feudum revocatur, naturaliter venditor emtori pretium restituere tenetur. Etenim venditor emtori ad evictionem præstandam ex ipso contractu obligatur, etiamsi eam ex-
 do revocata præse non promiserit (§. 1172. part. 4. Jur. nat.). Quam-
 pretium re- obrem cum qui feudum revocat, rem feudalem a possessore fundere re-
 aufert objus, quod sibi in eadem competit (§. 373.), adeoque *neatur.*
 eandem evincat (§. 1165. part. 4. Jur. nat.); quando feu-
 dum revocatur, venditor emtori evictionem naturaliter præ-
 stare tenetur. Quoniam itaque evictio præstatur, si repara-
 tur damnum ob rem evictam possessori obveniens (§. 1166.
 part. 4. Jur. nat.), consequenter si in præsentī casu pretium
 refunditur, cujus alias jacturam faceret emtor; quando feu-
 dum revocatur, naturaliter venditor emtori pretium restitu-
 ere tenetur.

Atque adeo hinc patet, si feudum revocans pretium refun-
 dere teneretur, venditorem locupletatum iri cum damno revo-
 cantis, quippe qui in feudo jure suo succedere debet absque
 ullo onere. Quoniam itaque nemo locupletior fieri debet
 cum damno alterius (§. 585. part. 2. Jur. nat.); æquitati natu-
 rali utique repugnat, ut pretium indebite acceptum retineat
 venditor, emtori autem refundat qui feudum revocat. Neque
 etiam naturaliter quicquam refert, utrum quis feudum scienter
 emerit, an ignorans, vel rem esse feudalem, vel feudum vendi in
 alicujus præjudicium. Sufficit, si scienter emat, quod pericu-
 lum subeat emtor, utrum pretium sibi refundi possit, nec ne,

quando feudum revocari contingat. Pœnale igitur est, adeoque juris positivi, quod pretium sine consensu domini scienter emens perdat, nec id repetere possit.

§. 383.

*Revocatio
feudi num
cum vindicatio-
ne eadem.*

Revocatio feudi est feudi vindicatio. Etenim feudi revocatio est jus detentorem rei feudalis compellendi ad rem feudalem restituendam (§. 373.). Quamobrem cum rei vindicatio sit jus rem suam vi persequendi adversus quemlibet possessorem, aut quemcunque alium, qui eam in potestate habet (§. 543. part. 2. Jur. nat.), adeoque res vindicetur, si detentor ejus compellitur ad eam restituendam; revocatio feudi est feudi vindicatio.

Poteramus itaque carere termino revocationis feudi, nisi is in Jure feudali esset receptus, ac ideo a nobis retinendus, ut facilius appareat Juris naturæ cum positivo vel consensus, vel dissensus.

§. 384.

Principium

Quoniam revocatio feudi vindicatio feudi est (§. 383.); heuristicum qua de vindicatione rei demonstrata sunt, & quoad restitutionem de feudi re-rei vindicata obtinent, ea etiam tenenda sunt de feudi revocatione, tione.

E. gr. Quoniam domino competit jus rem suam vindicandi (§. 544. part. 2. Jur. nat.), vassallus vero dominus utilis est (§. 158. 3.); hinc statim patet, neminem revocare posse feudum; nisi quando id ad eum devolvitur. Dominus vero, quando feudum ipsi fuit apertum, rem feudalem tanquam suam vindicat, dum feudum revocare dicitur.

§. 385.

*Deprobatio-
ne feudi ad devolutum.*

Qui feudum revocare vult, probare debet, id ad se esse Etenim feudum revocari nequit nisi ab eo, ad

ad quem id ipsum devolutum fuit (§. 377.). Quamob-*se devolu-*rem qui id revocare vult, probare debet, id ad se esse *si.* devolutum.

Nimirum cum feudum devolvatur ad eos, qui a primo acquirente descendunt, certo ordine; qui feudum revocare vult, probare tenetur, se a primo acquirente descendere ac esse in ordine descendentium eum, qui jam succedere debet. Notandum vero, pro primo acquirente haberi non modo eum, cui feudum, quando primum constituebatur, fuerat concessum; verum etiam eum, in quem tanquam extraneum legitime fuit alienatum, quippe qui in locum illius successit. Hæc satis manifesta sunt ei, qui in anterioribus demonstrata animo rite comprehendit, ut adeo non opus sit singula per anteriora probari.

§. 386.

Quoniam feudum revocaturus probare debet, *id ad se Quando re-*esse devolutum (§. 385.); *antequam probavit, possessorem aut de-*vocationi *sententem rei feudalis compellere nequit ad rem feudalem sibi resti-*actum locus *tuendam, consequenter feudum actu revocare.* *sit.*

Jus tuum certum esse debet ac manifestum, si eodem uti adversus alterum volueris.

§. 387.

*Si quis feudum repudiat, idem devolvitur ad eum, qui in De repudia-*ordine ipsi proximus est. Etenim qui feudum repudiat, is suf-*ficienter significat, se sibi delatum, seu ad se devolutum ha-*tere nolle (§. 111. part. 3. Jur. nat.). Quamobrem perinde est, ac si mortuus esset, antequam ad eum devolveretur, adeoque jam devolvi minime posset. Quoniam itaque is in feudo succedere debet, qui in ordine ipsi proximus est, vi primæ constitutionis (§. 175.); si quis feudum repudiat, idem devolvitur ad eum, qui in ordine ipsi proximus est.

§. 388.

Quando remotior feudum revocare possit.

Si proximior feudum non revocat, quod possessori relictum velit; remotior idem revocare nequit: Quodsi vero non revocat, quia repudiat, tum remotior revocare potest. Etenim si proximior, sine cuius consensu feudum fuerat alienatum, dum feudum ad ipsum devolvitur, revocare non vult, quod possessori relictum velit; omnino vult, ut loco sui is, in quem fuit alienatum, re utatur fruatur, adeoque perinde est, ac si ipse feudum ad se devolutum sine consensu remotioris in extraneum alienasset. Quoniam itaque quamdiu ipse vivit, permittere tenetur, ut is, in quem alienatum fuit feudum, re feudali utatur fruatur (§. 377.); possessorem ejus compellere nequit ad rem sibi restituendam, consequenter feudum revocare nequit (§. 373.). Quod erat unum.

Enimvero si proximior feudum revocare non vult, quia repudiat; tum feudum devolvitur ad eum, qui in ordine ipsi proximus est (§. 387.), adeoque ad remotiorem. Quoniam itaque feudum revocare potest is, ad quem devolvitur, si sine ejus consensu alienatum fuit (§. 377.); remotior feudum revocare potest, si proximior non revocat, quia repudiat. *Quod erat alterum.*

§. 389.

Idem porro expenditur.

Quoniam remotior feudum revocare nequit, quod possessori relictum velit proximior, qui non revocat; revocare autem potest, si hic feudum repudiet (§. 388.); si proximior feudum non revocat, remotior idem revocare nequit, antequam ille acclaraverit, utrum feudum repudiet, an saltem possessori relictum velit.

Naturaliter non nocet factum patris filio (§. 380.). Quamobrem si pater feudum repudiat, ad filium idem devolvitur (§. 387.).

(§. 387.), & ideo feudum revocare potest, quod pater revocare non vult, quia repudiat, ipso autem vivo revocare nequit, si id possessori relictum velit. Quamobrem & pater ante declarare debet, quando feudum, quod revocare poterat, non revocat, cur revocare nolit, quam filius revocare possit. Patet etiam si pater impedit, quo minus filius feudum revocet; alium remotiorem in præjudicium filii feudum revocare non posse, cum pater filio invito jus suum adimere non possit, & quamvis pater feudum repudiet ac filius cum dissensu patris ipsum revocare nolit, non tamen propterea filius feudum repudiare, sed tantummodò velle intelligitur, ut sit possessori relictum, donec patrem non offendendo revocare valeat.

§. 390.

Si proximior feudum non revocat, quid possessori relictum An feudum vult; hoc non obstante, adhuc revocare potest, quandocunque ipsi non revocatum fuerit. Etenim cum revocandi jus habeat, per hunc, quia post. ab ipsius voluntate unice pendet, utrum possessori id possessori relictum velit, an revocare malit, & si relictum velit, relictum in arbitrio ipsius positum est, quamdiu relictum velit, vult, post. Quamobrem cum possessori sese non obliget ad feudum statem re relinquendum, dum jure suo non utitur, nec illud statim revocat; potestatem revocandi sibi minime adimat, adimat, quamvis remotiori declaret, se habere animum feudum possessori relinquendi. Quoniam itaque jus suum salvum manet, eodem adhuc uti potest, quandocunque voluerit, consequenter adhuc revocare feudum, quandocunque ipsi visum fuerit.

Declaratio remotiori a proximiori facta, quod possessori feudum relictum velit tantummodo impedit, ne is revocare possit (§. 388.), non vero, ne proximior revocare valeat, cum hæc declaratio non fiat possessori, ut promissionem de non revocando continere intelligatur, adeoque

que actus obligatorius sit respectu possessoris (§. 363. *part. 3. Jur. nat.*). Et si animum mutat proximior, revocatio non fit in præjudicium remotioris, adeoque nil obstat, quo minus is animum mutare possit (§. 377. *part. 3. Jur. nat.*).

§. 391.

De revocatione feudi existentibus in pari gradu alienatum fuit; ceteri pro rata id in unum ex revocare possunt. Etenim si feudum devolvi debet mortuo pluribus pari eo, qui nunc idem tenet, ad plures in pari gradu existentes; singuli ratam suam in eodem habent, consequenter si sine eorum consensu feudum in unum fuit alienatum, perinde omnino est ac si feudum aliquod ad ipsos devolutum in alium alienatum fuisset. Quamobrem cum is, sine cujus consensu feudum fuit alienatum, id revocare possit, quando ad ipsum devolvitur (§. 378.); si in unum ex pluribus, ad quos feudum devolvi debet, existentibus in pari gradu alienatum fuerit, ceteri pro rata id revocare possunt.

Nimirum cum nihil fieri possit, quod est contra jus tertii (§. 910. *part. 1. Jur. nat.*); perinde omnino est, si feudum totum, siue pars ejus sine consensu ejus alienetur, ad quem spectabat, mortuo alienante. Quamdiu enim qui alienavit adhuc in vivis est, nihil fit contra jus reliquorum, quando unus interea solus re feudali utitur fruitur.

§. 392.

Qui in alienationem consensit, feudum revocare nequit. Etenim qui in alienationem consentit, eo ipso declarat, in gratiam ejus, in quem feudum alienatur, se jus ad feudum habere nolle, consequenter juri suo renunciat (§. 103. *part. 3. Jur. nat.*). Quamobrem cum ei, cui renunciatur, se obligat, quod

jure suo adversus ipsum uti nolit, & ille acquirat jus non patiendi, ut eodem adversus ipsum utatur (§. 104. *part. 3. Jur. nat.*); quamvis alias, si non consensisset, feudum revocare posuisset (§. 377.), id tamen revocare nequit, ubi consensit.

Consensus non alio fine requiritur, quam ut is, in quem feudum alienatur, certus sit, id revocatum minime iri. Atque adeo consensus in alienationem utique involvit renunciationem revocationis feudi. Alias nimirum prorsus inutilis esset consensus requisitio.

§. 393.

Naturaliter eorum filiis, qui in alienationem consenserunt, An revocatio non denegatur revocatio feudi. Etenim feudum a patre alienatum filius revocare potest (§. 380.). Quoniam itaque *neganda* respectu filii perinde est, si pater feudum, quod tenet, alienet, si pater in alienationem feudi ad se devolvendi consentiat; *in alienationem* naturaliter quoque filius ejus, qui in alienationem consensit, *nem* feudum revocare potest.

Vide, quæ supra annotavimus (*not.* §. 380.). Naturalem hanc æquitatem amplectuntur etiam plerique interpretes Juris feudalis positivi, nec valet in contrarium allata ratio, quod filiorum jus dependeat a jure paterno, consequenter jure revocandi patris consensu extincto (§. 392.), nec filius eodem uti possit. Neque enim jus in feudo succedendi filius a patre habet, etsi per eum ad filium transmitatur, sed a constituyente vi contractus feudalis, ex quo derivandum est omne jus feudale (§. 172.).

§. 394.

In alienationem feudi nemo consentire obligatur, ad quem aliquando devolvi potest, etiamsi fame vel alia necessitate coactus vasallus alienaverit. Etenim is, ad quem aliquando *consentire* feudum
(*Wolfii Jur. nat. Pars VI.*) Mm

teneatur, feudum devolvi potest, spem habet in feudo succedendi, qui succedendi aliamque spem habet. Quamobrem cum spes ista invito auferri minime possit (§. 474. part. 3. *Jur. nat.*), id quod tamen fieret, si quis in alienationem consentire obligaretur; nemo in eam consentire obligatur, ad quem aliquando seu certo casu feudum devolvi potest, etiam si vassallus, qui feudum tenet, fame vel alia necessitate coactus alienaverit.

Diximus ante consensum in alienationem involvere renunciationem revocationis feudi (*not.* §. 392.), aut, si malis, renunciationem juris conditionati succedendi, cum quo revocatio feudi extinguitur. A voluntate autem renunciantis unice pendet, utrum is renunciare velit, nec ne (§. 106. part. 3. *Jur. nat.*).

§. 395. .

An detur agnato jus protimiseos, quando feudum devolvi potest, quando alienatur, nisi in contra-
protimiseos, An feudali inter constituentem ac primum acquirentem expresse
feudo alienato. *ita fuerit conventum.* Naturaliter jus protimiseos non competit ei, ad quem ali-
 quando feudum devolvi potest, quando alienatur, nisi in contra-
 protimiseos, An feudali inter constituentem ac primum acquirentem expresse
 feudo alienato. ita fuerit conventum. Etenim quale sit jus unicuique com-
 petens, pro quo certo ordine successuro feudum constitu-
 tum, ex contractu feudali metiendum (§. 172.). Quod-
 si ergo expresse non fuerit conventum, ut ei, ad quem vi
 constitutionis feudum devolvi potest, competat jus protimiseos, quando alienatur; nec competere naturaliter potest.
Quod erat unum.

Enimvero cum a voluntate feudum constituentis pen-
 deat, quasnam determinationes substantialibus superaddere
 velit (§. 164.); quin inter constituentem ac primum acqui-
 rentem in contractu feudali ita conveniri possit, ut jus pro-
 timiseos competat ei, ad quem certo casu feudum devolvi
 potest,

potest, quando alienatur, dubitandum non est, consequenter cum ex contractu feudali metiendum sit jus feudale, quod alicui competit (§. 172.), jus protimiseos quoque illi competere debet, si in contractu feudali inter primum acquirentem ac constituentem ita fuerit conventum.

Quod erat alterum.

Jure protimiseos restringitur jus alienandi, adeoque proprietas rei feudalis (§. 664. *part. 2. Jur. nat.*), quam habet vassallus. Non vero pati tenetur vassallus, ut proprietas, quam habet, magis restringatur, quam in contractu feudali restricta fuit. Tendit enim hoc ad diminutionem juris ipsius, atque hoc nomine jus protimiseos minime conventum qui sibi arrogat, contra jus vassalli hoc facit (§. 239. *part. 1. Phil. pract. univ.*), quod jure naturæ minime permillum (§. 910. *part. 1. Jur. nat.*).

§. 396.

Conveniri etiam potest, ut, quando feudum in extraneum De jure protimiseos alienatur, domino competat jus protimiseos. Etenim non motimiseos domino a constituentis voluntate pendet, quas determinationes *mini* substantialibus superaddere velit (§. 164.), sed etiam qui rem in feudum offert, condiciones offerre potest, sub quibus id constitui vult (§. 169.), & determinationes istæ in contractu feudali definiendæ (§. 173.). Quodsi ergo placuerit, ita quoque conveniri potest, ut, quando feudum in extraneum alienatur, domino competat jus protimiseos (§. 788. *part. 3. Jur. nat.*).

Dico conveniri posse, ut domino competat jus protimiseos, quando feudum in extraneum alienatur. Quando enim alienatur in agnatum, seu eum, qui aliquando succedere poterat; si jus protimiseos competere domino, hoc foret contra jus ipsius (§. 239. *part. 1. Phil. pract. univ.*). Implicat ergo feudum constituere pro tertis personis certo ordine sibi in-

vicem successuris & jus protimiseos conferre domino, si in u-
nam earum feudum alienatur, ad quam successio nondum
pertinebat,

§. 397.

In quam alienatione, qua fit pretio interveniente; verum etiam in ea, qua competat jus fit nullo pretio interveniente, nisi id ad alienationem pretio interveniente factam fuerit restrictum. In casu vero posteriori protimiseos. pretium, quo feudum vendi poterat, determinandum. Nimirum quando alicui jus protimiseos competit, is in alienatione præferri debet alteri, in quem feudum alienatur (§. 1108. part. 4. Jur. nat.). Quoniam vero nemo alteri damnum dare debet (§. 495. part. 2. Jur. nat.); ideo necesse est, ut is, cui jus protimiseos competit, idem pretium offerat alienanti, quod ab eo, in quem alienatur, accipere poterat. Atque adeo patet jus protimiseos alicui competere posse in alienatione, quæ fit pretio interveniente. Quod erat primum.

Enimvero si alienatio fiat pretio nullo interveniente, veluti si alteri donetur; non minus in extraneum alienatur feudum, quam si pretio interveniente alienetur, veluti si vendatur. Quoniam itaque jus protimiseos, quo dominus vel alius, qui aliquando in feudo succedere poterat, & qui ad consentiendum in alienationem cogi nequit (§. 394.), extraneo in alienatione præfertur (§. 1108. part. 4. Jur. nat.), non aliò fine conceditur, quam ut dominus potius rem feudalem pleno jure habeat, aut alius, qui spem aliquando succedendi habet, feudum acquirat, quam ut ad extraneum ipsum perveniat; jus protimiseos non minus convenit alienationi feudi, quæ fit nullo pretio interveniente, quam ei, quæ fit interveniente pretio.

tio. Naturaliter itaque jus protimiseos non modo competit in alienatione, quæ fit interveniente pretio, verum etiam in ea, quæ fit pretio interveniente. *Quod erat secundum.*

Quoniam tamen determinationes substantialibus addi possunt in contractu feudali (§. 173.), quæ constituti & rem in feudum offerenti placuerint (§. 164. 169.); si ita visum fuerit, jus protimiseos quoque restringi potest ad eam saltem alienationem, quæ fit pretio interveniente. *Quod erat tertium.*

Denique quoniam nemo alteri damnum dare debet (§. 495. part. 2. *Jur. nat.*), quale quidem pateretur is, cui feudum ab altero donatur, pretium, quo vendi poterat, utique determinandum, ut detur ei, cui feudum ab altero donatum aut donandum erat. *Quod erat quartum.*

§. 398.

Si quis jure protimiseos uti voluerit, idem offerre debet Quale pre-pretium, quod alter dare vult, aut dedit, aut quod alius datum offerri ret, si venderetur, quando sine pretio interveniente alienatur. debeas ab eo. Etenim jure protimiseos in alienatione qui id habet præ-qui jus profferri debet alteri, in quem alienatum, vel alienandum (§. timiseos habet 108. part. 4. *Jur. nat.*). Quamobrem cum nullum inde ber. damnum sentire debeat, qui feudum alienare vult, vel etiam is, in quem sine pretio interveniente alienatur (§. 495. part. 2. *Jur. nat.*); ideo necesse est, ut, si quis jure protimiseos uti voluerit, idem offerre debeat pretium, quod alter dare vult, aut dedit in casu priori, aut quod alius daret, si venderetur, in casu posteriori.

Non est, quod objicias, posse venditorem cum emtore convenire, ut ad deterrendum eum, qui jus protimiseos habet, ne eodem utatur, majus pretium dicatur, quam revera

Mm 3

solvitur,

solvitur, vel etiam eum, cui feudum donatur, convenire posse cum alio, ut dicat, se majus pretium dare velle, si feudum vendatur, quam quo ille emeret, si emere deberet. Etenim in casu priori abesse a contractu debet fraus omnis (§. 149. *part. 5. Jur. nat.*), & quando fraudis suspicio est, eidem, cui jus protimiseos competit, omnibus uti licet mediis ad fraudem detegendam aptis; in posteriori autem feudum a peritis taxandum, ut æquum pretium inveniatur (§. 397.); immo in statu quoque civili ad indagandum verum pretium voluntarie subhastari potest feudum, ubi, si pro eo pretio habere nolit is, qui jus protimiseos habet, donatario integrum est deliberare, utrum feudum habere malit, an pretium, quod offert emtor.

§. 399.

*Effectus juris protimiseos alienatio nondum perfecta prohiberi potest, ne perficiatur, si alienator pretium ab eo oblatum acceptare non vult. Quodsi enim jus protimiseos alicui competit, & is alienationem non habet, idem offert pretium, quod alius dare vult, vel dare debebat, si pretio interveniente fieret alienatio; ei, in quem alienare feudum vult vasallus, præferri debet (§. 1108. *part. 4. Jur. nat.*). Quodsi ergo alienator pretium ab eo oblatum acceptare recuset, hoc vero non obstante feudum alienaretur; alienatio foret contra jus protimiseos, quod alteri competit (§. 239. *part. 1. Phil. pract. univ.*). Quamobrem cum alterum lædat, qui quid facit contra jus ipsius (§. 920. *part. 1. Jur. nat.*), cuilibet autem competat jus perfectum non patiendi, ut alius ipsum lædat (§. 913. *part. 1. Jur. nat.*); cui jus protimiseos competit, is pati non tenetur, ut feudum alienetur, consequenter prohibere potest, ne alienatio nondum perfecta perficiatur.*

Jus protimiseos cum in eo consistat, ut quis in alienando alteri præferatur, non involvit jus cogendi alterum, ut feudum sibi vendat; sed si ab alienando desistat, qui feudum alienare vult,

vult, ut animum mutet ipsi permittendum (§. 377. *part. 3. Jur. nat.*): quodsi enim alienatio non perficiatur, nihil fit contra jus ipsius.

§. 400.

Si feudum fuerit actu alienatum, qui jus protimiseos habet, Effectus e-
refuso pretio, quod dedit emtor, vel qui pretio interveniente jusdem quo-
feudum accepit, aut soluto pretio, quo feudum æstimatur, ubi ad alienati-
pretio nullo interveniente in ipsum translatus fuerit, feudum onem jam
revocare potest. Etenim si alienatio feudi fuerit perfecta, *perfectam-*
 sine consensu nimirum ejus, cui jus protimiseos competit, alienatio contra jus ipsius facta, quod adimi eidem minime potest (§. 336. *part. 2. Jur. nat.*), subsistere nequit, nisi eam ratihabere voluerit. Quodsi ergo jure suo usus, quod adhuc habet, idem pretium offerat, quod dedit, in quem feudum alienatum fuit, vel pretium æquum, quo feudum æstimatur, siquidem nullo pretio interveniente alienatio facta, eum, qui feudum tenet, compellere potest ad rem feudalem sibi restituendam. Quamobrem cum feudum revocet, qui possessorem compellit ad rem feudalem restituendam (§. 373.); si feudum fuerit actu alienatum & qui jus protimiseos habet pretium, quod dedit is, in quem fuit alienatum, vel quo æstimatur feudum, quod nullo pretio interveniente alienatum, solvat, feudum is revocare potest.

Nimirum aut alienando feudum altero infcio vel contradicente, cui jus protimiseos competit, jus suum eidem auferri potest, aut non obstante alienatione jam perfecta eodem adhuc uti potest. Ast illud fieri nequit (§. 336. *part. 2. Jur. nat.*). Ergo revocatio feudi non deneganda ei, qui jure protimiseos gaudet. Quando quis jure protimiseos utitur, in casu venditionis feudi, feudum retrahit (§. 1104. *part. 4. Jur. nat.*), adeoque in hoc casu revocatio feudi coincidit cum ju-

re retractus. Quamvis vero jus retractus non locum habeat, si res eidem obnoxia alio titulo, quam emtionis venditionis alienetur, veluti si donetur, vel cum re alia permutetur (§. 1107. part. 4. *Jur. nat.*); jus tamen protimiseos latius patet jure retractus, quod ejus species quædam est (§. 1108. part. 4. *Jur. nat.*). Distinguendum adeo est naturaliter, utrum alicui in alienatione feudi competat saltem jus retractus, an vero jus protimiseos: sit ita quod interpretes Juris civilis jus protimiseos & jus retractus tanquam synonyma adhibeant (*not. §. cit.*).

§. 401.

An revocatio feudi j. protimiseos habet. Etenim qui jus protimiseos habet, prohibere potest, ne alienatio nondum perfecta perficiatur (§. 399.). & si ipso inscio aut contradicente facta fuerit, feudum sit vivo alienatore. revocare potest (§. 400.), propterea quod in alienatione præferri debet alii, in quem alienatur (§. 1108. part. 4. *Jur. nat.*). Quamobrem cum pati minime debeat, ut alius sibi fuerit prælatus (§. 336. part. 2. *Jur. nat.*); possessorem feudi statim compellere potest ad rem feudalem sibi restituendam, consequenter vivo adhuc alienatore feudum revocare potest (§. 373.).

Non est quod objicias permittendum esse, quamdiu alienator vivit, ut is, in quem feudum fuit alienatum, re feudali utatur fruatur (§. 377.). Alia enim est ratio, si feudum revocatur, propterea quod tu in eodem succedere debes; alia vero, si revocatur jure protimiseos. In hoc enim casu refundendum est pretium, quod dedit emtor vel qui pretio interveniente feudum accepit, aut quo æstimatur, quando nullo pretio interveniente in alium alienatum (§. 398.); æst in illo feudum revocatur, pretio nullo refuso, vel soluto (§. 381.). Præterea jus protimiseos non ideo competit revocanti, quod feudum ad eundem, mortuo alienatore, devolvitur; sed a devolutione prorsus independens est. Est nimirum jus conditionatum,

natum, quod ab alienatione dependet, ac ea facta purum evadit, ut nihil adfit, quod ejus executionem suspendat.

§. 402.

Consensus in alienationem feudi fit salvo jure protimiseos, An consensus quando fit pretio interveniente; tollit autem jus protimiseos, quando fit pretio nullo interveniente. Etenim si quis jure protimiseos uti velit, idem offerre debet pretium, quod offert alienationem feudi tollat, siquidem alienatio pretio interveniente fit (§. 398.). *jus protimiseos.* Antequam igitur statuere possit, utrum jure protimiseos uti velit, nec ne, necesse est, ut constet de pretio, quod alter offert. Quamobrem etsi in alienationem feudi consentiat, non tamen hoc ipso declarat, se jure protimiseos uti nolle, consequenter eidem non renunciat (§. 103. *part. 3. Jur. nat.*), adeoque ad non utendum alienatori se non obligat (§. 104. *part. 3. Jur. nat.*). Consensus adeo in alienationem fit salvo jure protimiseos, quando alienatio fit pretio interveniente. *Quod erat unum.*

Enimvero si alienatio fit pretio nullo interveniente, veluti si alteri donetur, qui jure protimiseos uti vult, offerre debet pretium, quo vendi poterat (§. 398.), a peritis & impartialibus determinandum (§. 397.). Quamobrem si consensus ejus requiritur, statim significare debet, se jure protimiseos uti velle, & offerre pretium, quod a peritis & impartialibus determinabitur. Quodsi ergo in alienationem consentit, tacite juri protimiseos renunciare intelligitur (§. 103. *part. 3. Jur. nat.*), consequenter tacite sese obligat ad non utendum eodem (§. 104. *part. 3. Jur. nat.*). Consensus adeo in alienationem, quæ fit nullo pretio interveniente, jus protimiseos tollit. *Quod erat alterum.*

Consentire in alienationem, quæ fit nullo pretio interveniente, & sibi reservare jus protimiseos tacite utique reputat. Qui enim jure protimiseos uti vult, feudum vult emere. (Wolffii Jur. Nat. Part VI.) Nn re.

re, adeoque consentire nequit, ut alteri donetur. Aliud est, si consentiat in donationem sub hac conditione, ut, si intra tempus conventum æquum pretium offerat, res feudalis sibi sit tradenda & donatarius accipere debeat pretium, aut quando feudum permutatur, ut qui feudum acceperat, feudum sibi restituat & vel pretium accipiat, vel rem, quam tradiderat alienatori, recipiat. Facile vero patet, ad hoc requiri specialia pacta, ex quibus nascantur obligationes alienatoris & ejus, in quem feudum fuit alienatum, & per quas jus protimiseos reservatur. Ex adverso in alienationem, quæ sit pretio interveniente, consentire potest, qui feudum emere vult, siquidem pretium, quo vendi potest, placuerit, atque adeo consentit eo fine, ut pretium determinetur, quia animum emendi habet, non tamen ad pretium consensu alterius determinandum se obligare vult, nec prudens obligaret. Pars altera propositionis præsentis equidem Juri naturæ convenit, est non positivo, quo jus protimiseos non habet locum in alienatione, quæ sit nullo pretio interveniente, quia ibidem jus protimiseos idem est cum jure retractus (not. §. 400.).

§. 403.

De ordine in exercitio ju- potest, eo ordine conceditur, quo in feudo succedere possunt.
ris protimi- Etenim si jus protimiseos conceditur iis, ad quos feudum
seos obser- devolvi potest, quod tamen nonnisi unus exercere potest,
vando. quando feudum alienatur, necesse omnino est, ut certo ordine exerceatur. Quamobrem cum ii, quibus concessum, nonnisi certo ordine in feudo succedere possint, vi primæ constitutionis, & in eodem contractu feudali, quo feudum constitutum (§. 171.), etiam jus protimiseos concessum sit (§. 395.); eundem omnino ordinem respexisse quoque intelliguntur contrahentes in exercitio Juris protimiseos. Quamobrem patet, si jus protimiseos conceditur iis, ad quos feudum devolvi potest, id eo ordine concedi, quo in feudo succedere poterant.

Sane

Sane nisi idem ordo in exercitio juris protimiseos observari debeat, quo quis in feudo succedere potest, quinam alius ordo observari debeat, conveniendum erat. Et conveniens omnino est, ut ejus, qui jus propius succedendi habet, aut, si mavis, spem propiorem, jus protimiseos quoque propius sit, quod intuitu juris succedendi conceditur, nisi jus protimiseos ei competere debeat, qui eodem usus meliores offert conditiones: id quod quidem conveniri poterat, ast ubi conventum non fuit, obtinere nequit. Hic enim quaeritur, quid obtinere debeat, quando simpliciter dictum, jus protimiseos iis competere debere, ad quos feudum devolvi potest. Tum vero non attendi potest nisi proximitas in succedendo, ut sit potior jure, qui prior poterat succedere.

§. 404.

Quoniam jus protimiseos iis, ad quos feudum devolvi potest, eo ordine concessum intelligitur, quo in feudo succedere possunt (§. 403.); *Idem porro expenditur.* si proximior jure protimiseos uti velit, quando feudum alienatur, remotior eodem uti nequit, adeoque non admittitur, nisi quando proximior eodem uti no-

luerit. Hoc nimirum valet, si vi primæ constitutionis jus protimiseos concessum simpliciter omnibus, ad quos feudum devolvi potest. Quoniam tamen jus hoc totum a conventionione dependet, nec aliter admittitur, nisi quale fuerit conventum; ita omnino etiam conveniri potest, ut jus protimiseos non competat nisi ei, qui proximam spem succedendi habet. Non est quod dicas, hunc jure protimiseos non indigere, ut feudo potiarur, cum in alienationem non consentire cogatur sine pretio post mortem alienatoris idem accepturus (§. 394.) & si alienatum fuerit, idem post mortem alienatoris revocare possit pretio non refuso (§. 378. 381.); dantur enim casus, in quibus in alienationem consentire tenetur, veluti si in oppignorationem consentit. Non tamen negandum, jus protimiseos convenientius simpliciter concedi singulis, qui in feudo succedere possunt.

Nn 2

§. 405.

§. 405.

De consensu: Qui consensum suum in alienationem declarat ei, in quem declarato ei, alienatur; feudum revocare nequit jure protimiseos. Etenim in quem feudum alienatur, requirit consensum ejus, qui jus protimiseos habet; id non facit alio fine, quam ut certus sit, feudum ab eo revocatum non iri. Quando igitur consensum suum eidem declarat, eo ipso significat se jure protimiseos adversus ipsum non usurum, consequenter juri huic renunciat (§. 103. part. 3. Jur. nat.), adeoque illi se obligat ad eodem non utendum (§. 104. part. 3. Jur. nat.). Quamobrem qui consensum suum in alienationem ei declarat, in quem alienatur, feudum revocare nequit.

Nimirum quando in superioribus ostendimus consensum in alienationem, quæ sit interveniente pretio, non tollere jus protimiseos; tum supponitur, quemadmodum ex demonstratione liquet (§. 402.), consensum declarari alienatori, antequam alienatio perficiatur, vel etiam ubi ad ratihabendam eam, quæ jam perfecta fuit, ab eodem requiritur. Etenim in casu isto sese saltem obligat alienatori, quod permittere velit, ut feudum alienetur, vel quod alienationem ab eo factam ratihabeat; minime vero ei, in quem alienatur, quod jure protimiseos uti velit, quemadmodum in casu præfenti.

§. 406.

Quamdiu: Qui jus protimiseos habet, feudum se in scio alienatum revocare potest a die scientiæ, quandocunque ipsi visum fuerit, nisi miseos quis certus terminus fuerit in contractu feudali præfixus. Etenim jus protimiseos invito auferri nequit (§. 336. part. 2. Jur. nat.), adeoque propterea non extinguitur, quod eodem non statim utatur, quamprimum eidem innotescit feudum se in scio fuisse alienatum. Quoniam itaque hoc jus tamdiu subsistit, quamdiu is, cui competit, non habet animum id

id derelinquendi (§. 256. 250. *part. 2. Jur. nat.*); eodem quoque uti potest, quandocunque ipsi visum fuerit a die scientiæ. Quamobrem cum jure protimiseos perfectæ alienatione feudum revocari possit (§. 400.); qui jus protimiseos habet, feudum se inscio alienatum revocare potest a die scientiæ, quandocunque ipsi visum fuerit. *Quod erat unum.*

Enimvero cum in contractu feudali substantialibus superaddi possint determinationes, quæ placuerint constituent, vel etiam rem in feudum offerenti (§. 146. 169. 173.), certus quoque terminus in eodem præfigi potest, ultra quem a die scientiæ revocatio jure protimiseos fieri nequit. Quoniam itaque jus omne feudale metiendum ex contractu feudali (§. 172.); ultra terminum præfixum jure protimiseos quis uti nequit. *Quod erat alterum.*

Quemadmodum conventionem præfigi potest terminus, ultra quem jus protimiseos non durat; ita jure quoque positivo istiusmodi terminus constitui potest, qualis quidem commodus visus fuerit juris conditori. De præscriptione juris protimiseos & juris revocandi feudum ad se devolutum ut quid dicatur, opus non est. Pendet enim præscriptio a principiis generalibus, quæ alias demonstravimus (§. 1024. *Et seqq. part. 3. Jur. nat.*). Per ea vero facile discernuntur, quæ juris mere positivi sunt, ab iis, quæ juris sunt naturæ.

§. 407.

Feudum refusare dicitur vassallus, si significat domino *Quid sit* se id diutius habere nolle sive simpliciter, sive in favorem *refusatio* tertii. Quoniam itaque feudum consistit in dominio utili *feudi* sub conditione mutæ fidelitatis concessio (§. 155.); *vassallus feudum refusans significat, quod dominium utile habere nolit, consequenter nec obligatus esse domino ad fidelitatem in contractu feudi*

Nn 3.

dali

Alii conventam diutius præstandum, sed potius ab omni nexu feudali liber esse velis. Unde porro consequitur, si feudum simpliciter refutat, eum velle, ut res feudalis redeat ad dominum; si vero in favorem tertii refutat, eum velle, ut tertio huic feudum concedatur. In casu priori feudum refutari seu refutatio fieri vulgo dicitur domino; in posteriori autem tertio. Quando itaque refutatio domino fit, vasallus significat se nolle ut dominus amplius obligatus sit ad dominium utile in re feudali concedendum, adeoque jus suum remisit (§. 95. part. 3. Jur. nat.): quando vero refutatio fit tertio, idem significat, se velle dominum esse obligatum ad concedendum dominium utile in re feudali tertio, adeoque jus suum in eum transferri, consequenter feudum tertio cedit (§. 81. part. 3. Jur. nat.). Idioma te patrio refutatio feudi dicitur die Aufſagung, item die Aufkündigung des Lehns.

Solet in utroque casu refutatio feudi etiam cessio feudi dici. Vid. Struvius in Syntagm. Jur. feud. c. 12. §. 14. Immo abdicatio quoque & renunciatio appellatur, propterea quod vulgo termini isti non satis accurate a se invicem distinguuntur, sed vagum quendam admittunt significatum. Sed cum nos singulis terminis fixum quendam ac determinatum tribuimus significatum; convenientius refutatio domino facta, seu facta eidem simpliciter remissio juris in re feudali; facta vero tertio, aut accuratius loquendo facta domino in favorem tertii cessio feudi appellatur. Ast in verbis non sumus scrupulosi, modo in re conveniamus, quamvis in Jure naturæ verborum etiam scrupulositatem sectari teneamur.

§. 408.

Quando re- Naturaliter vasallus feudum domino refutare potest, quando
futatio do- refutatio non fit contra jus ipsius, seu in ejus præjudicium, eodem
mino facta etiam invito. Quando enim vasallus feudum domino refu-
licita. rat, jus suum, quod habet, remittit (§. 407.). Enimvero
natura-

naturaliter quilibet jus suum remittere potest, quando hoc ipso nihil fit contra jus alterius (§. 117. *part. 3. Jur. nat.*). Naturaliter itaque vassallus feudum domino refutare potest, quando refutatio non fit contra jus ipsius, seu in ejus præjudicium. *Quod erat unum.*

Quoniam adeo vassallo naturaliter competit jus remittendi jus suum, quod habet, nimirum ut dominus pati teatur ipsum habere dominium utile in re, *per demonstr.* dominus quoque impedire nequit, quando refutatio non fit contra jus ipsius, seu in ejus præjudicium non vergit, quominus vassallus eodem utatur (§. 180. *part. 1. Phil. pract. univ.*). Vassallus itaque feudum domino etiam invito refutare potest (§. 407.). *Quod erat alterum.*

Non est, quod objicias, vassallum obligatum esse domino ad præstandam fidelitatem conventam (§. 245.), neminem autem ab obligatione sua seipsum liberare posse (§. 674. *part. 3. Jur. nat.*), consequenter cum feudum refutans domino non amplius obligatus esse velit ad fidelitatem conventam præstandam (§. 407.), sine domini consensu refutationem fieri non posse. Etenim vassallus dominium utile in re habet sub hac conditione, ut fidelitatem conventam præstet (§. 155.), consequenter ad fidelitatem præstandam domino obligatur, quia dominium utile habet. Quodsi ergo dominium utile habere nolit; nec ad fidelitatem præstandam obligatus est. Obligatio nimirum juri coheret tanquam per conventionem adjecta, cum abesse posset, neque enim necesse est, ut qui dominium utile in re habet, ad fidelitatem præstandam sit obligatus, vel emphyteusi teste (§. 12.), non vero jus ex obligatione oritur, ut nonnisi hac extincta amittatur. Quoniam dominium utile conceditur eum in finem, ut tu obligatus sis ad fidelitatem domino directo præstandam (§. 155.): obligatio hæc spectari potest quasi modus, sub quo illud conceditur (§. 557. *part. 3. Jur. nat.*), quem si adimplere nolueris, rem feudalem restituere debes (§. 562. *part. 5. Jur. nat.*): quod cum faciat, dum
seu.

feudum domino refutat, nihil committitur, quod est contra jus domini, ut sine ejus consensu refutatio fieri nequeat (§. 910. *part. 1. Jur. nat.*), nisi ex casu emergente nascatur præjudicium domino, quod illicitam facit refutationem. Unde diximus, jus refutandi competere vasallo, quando refutatio non fit in præjudicium domini.

§. 409.

Quando refutatio domino fieri nequit. *Vasallus domino feudum refutare nequit, quando refutatio fit contra jus ipsius, seu in ejus præjudicium.* Etenim nemo quicquam facere debet, quod est contra jus alterius (§. 910. *part. 1. Jur. nat.*) & omne damnum ab altero avertere debet (§. 495. *part. 2. Jur. nat.*), consequenter nil quicquam facere, quod ullo modo vergit in præjudicium alterius. Quamobrem nec vasallus domino feudum refutare potest, quando refutatio fit contra jus ipsius, seu in ejus præjudicium vergit.

Ostendimus jam (*not. §. 408.*), refutationem feudi domino factam non per se, sed tantummodo ob casum emergentem vergeri in præjudicium domini. Casus adeo emergens illicitam facit, quæ in se illicita non est.

§. 410.

Casus particulares.

Quoniam vasallus domino feudum refutare nequit, quando refutatio fit contra jus ipsius (§. 409.), contra jus vero domini fit, si feudum refuset, dum servitia militaria, quibus dominus nunc indiget, prestare tenetur, vel eo animo, ut hostilia in eum securius moliri possit (§. 154. *h. E* 239. *part. 1. Phil. pract. univ.*); in utroque casu refutare feudum nequit.

§. 411.

De revocatione feudi domino refutati.

Si feudum domino refutatur, post mortem refutantis feudum revocare potest is, ad quem devolvitur: ipso autem vivo permittere tenetur, ut dominus re feudali utatur fruatur. Etenim si feudum domino refutatur, res feudalis ad ipsum redit (§. 407.),

ut adeo ipse eadem frui ac uti possit, quemadmodum utebatur fruebatur antea vassallus (§. 159.). Enimvero post mortem refutantis is, ad quem feudum vi primæ constitutionis devolvitur, in eodem succedere debet: quod jus cum eodem invito auferri non possit (§. 336. *part. 2. Jur. nat.*), dominum, si nolit, ad restituendum rem feudalem compellere potest. Quamobrem cum feudum revocet, qui detentorem rei feudalis ad rem feudalem sibi restituendum compellit (§. 373.); si feudum domino refutatur, post mortem refutantis feudum revocare potest is, ad quem devolvitur. *Quod erat unum.*

Enimvero antequam refutans moritur, nihil fit contra jus ipsius, ad quem feudum devolvitur, dum dominus re feudali utitur fruitur (§. 325.). Quamobrem si feudum domino refutatur, quamdiu refutans vivit, permittere tenetur is, ad quem post mortem refutantis feudum devolvitur, ut dominus re feudali utatur fruatur. *Quod erat alterum.*

Equidem dominus, cui feudum refutatum, feudum statim concedere potest ei, ad quem post mortem refutantis demum devolvitur, quemadmodum etiam extraneo jus utendi fruendi concedere potest, quamdiu vivit refutans, si ipse re feudali uti frui nolit, cum de jure sibi competente pro arbitrio disponere possit; non tamen hoc facit jure, sed quia ipsi ita visum fuerit,

§. 412.

Si feudum refutatur eorum, ad quos aliquando devolvi potest, De feudi re remotiori; post mortem refutantis proximior revocare ipsum potest; motiorrevivo autem refutante permittere tenetur, ut re feudali utatur usufructu revocatur remotior. Etenim si feudum refutatur remotiori cuidam *casione,* eorum, ad quos feudum devolvi potest; refutans declarat, se feudum diutius habere nolle, velle autem ut tertius habeat, in cujus gratiam fit refutatio (§. 407.), adeoque perinde est ac si in remotiorem alienaretur (§. 662. *part. 2. Jur. nat.*).
(*Wolffii Jur. Nat. Pars VI.*) O O Enim-

Enimvero feudum ad se devolutum revocare potest proximior, si in remotiorem fuerit alienatum, in quem ante ipsum devolvi non poterat (§. 379.), consequenter mortuo alienatore (§. 378.). Ergo si feudum refutatur remotiori, post mortem refutantis proximior ipsum revocare potest. *Quod erat unum.*

Posterius patet eodem modo, quo idem in propositione antecedente (§. 411. n. 2.) demonstravimus. *Quod erat alterum.*

Vide quæ supra eam in rem annotavimus, cum de alienatione feudi ageremus (not. §. 378. 379.). Quoniam refutatio in casu propositionis præsentis cum alienatione convenit, non opus est ut plura de eadem dicamus.

§. 413.

De refutatione successione debet; jure successionis ad eum devolutum intelligitur. Etenim fori in feudo si feudum refutatur, refutans declarat, se feudum diutius habere nolle (§. 407.), & quoniam refutatur ei, qui mortuo refutante in eo succedere debet, eo ipso significat, sese feudum idcirco habere nolle, ut sit ejus, qui alias se mortuo in eodem succederet (§. cit.), consequenter vult ut habeatur pro mortuo. Quoniam itaque vi constitutionis ipso mortuo feudum ad eundem devolvitur jure successionis; quando feudum refutatur ei, qui mortuo refutante in eo succedere debet; jure successionis ad eum devolutum intelligitur.

Quando vasallus moritur, feudum devolvitur ad eum, qui vi primæ constitutionis in eodem succedere potest, propterea quod non est alius, qui jure re feudali uti frui posset, seu dominium utile habere. Enimvero si vasallus declarat, se feudum amplius habere nolle, sed potius velle, ut is, qui post mortem suam in eodem succedere debet, idem nunc habeat; itidem feudum ad eum devolvitur, propterea quod non est alius, qui jure

jure re feudali uti frui posset, aut potius dominium utile in ea habere posset. Atque adeo patet, perinde esse, siue vassallus moriatur, siue feudum refutetur ei, ad quem post mortem ipsius devolvi debet. Sane huic nil obstat, quo minus feudum ad ipsum devolvatur & is in eodem succedat, quam quod ad vassallum adhuc vivum pertineat. Quando autem ab eodem feudum ipsi refutatur, juri successorio nil amplius obstat, atque adeo jure successorio ad ipsum devolutum intelligitur. Quando domino, vel eorum, qui spem aliquam succedendi remanentem habent, refutatur, non dici potest, quod jure successorio ad ipsos devolutum sit, cum jus succedendi neutri comperat, etiam si vassallus feudum habere amplius nolit, adeoque ipsis tantummodo jus utendi fruendi re feudali, seu exercitium domini utilis concessum intelligitur, quamdiu vassallo id competit, consequenter quamdiu ipse vivit. Ipso enim mortuo jus successoris vim suam acquirit, dum quod conditionatum fuerat jam purum evadit, quemadmodum jam supra vidimus in caso simili (not. §. 401.).

§. 414.

Si feudum refutatur in gratiam extranei, refutatio aliena. De refutatio est. Etenim si feudum refutatur in gratiam extranei, refutans declarat se feudum diutius habere nolle, velle autem, *neo facta.* ut extraneus habeat (§. 407.). Quoniam adeo dominium utile transfertur in extraneum (§. 355.), hæc autem translatio alienatio est (§. 662. part. 2. Jur. nat.); si feudum refutatur in gratiam extranei, perinde est ac si in extraneum alienaretur, adeoque refutatio alienatio est.

§. 415.

Quoniam si feudum extraneo refutatur, perinde est ac *Cur non pluri* si in eundem alienaretur (§. 414.); *de feudo extraneo refutato ra de ea di-* eadem valent, *que de alienatione in extraneum facta.* *cantur.*

Non igitur opus est, ut plura eam in rem dicantur.

§. 416.

Si feudum refutatur ei, qui mortuo vassallo in eodem succedere De eo, cui debet,

*feudum re-debet, & is sine filio decedit ante refutantem, ad hunc feudum re-
futatum an-vertitur, quando refutatio unice in ipsius gratiam facta; non re-
te refutan-vertitur, quando omnino facta, quasi animo feudum derelinquendi.
tem mortuo.* Etenim si is, qui feudum refutat, unice facit in gratiam ejus,
cui refutatur; tacite sibi reservat regressum ad feudum, liqui-
dem ipsum ante se mori contingat. Quamobrem cum a vo-
luntate ipsius dependeret, quomodo feudum refutare vellet
(§. 11. *part. 3. Jur. nat.*); quin hunc regressum sibi reserva-
re potuerit, dubitandum non est. Quoniam itaque jus, quod
sibi reservavit, nemo eidem auferre potest (§. 336. *part. 2.
Jur. nat.*); si is, cui feudum refutavit, ante se decedat, feu-
dum ad eum revertitur. *Quod erat unum.*

Enimvero si feudum omnino refutetur, quasi animo de-
relinquendi; id amplius habere nude non vult, parum solli-
citus quinam habeat, etsi malit, eum habere, qui se mortuo
succedere debet, voluntate nimirum consequente (§. 249.
part. 2. Jur. nat.). Quoniam itaque regressum ad feudum
sibi reservare non intelligitur, siquidem contingat eum, cui
refutatur, ante se decedere; nec feudum ad eum reverti pot-
est. *Quod erat alterum.*

§. 417.

*An juri suc-
cedendi in
feudo renun-
ciari possit.*

Quilibet juri suo succedendi in feudo renunciare potest. Po-
test enim quilibet renunciare juri cuiusvis quaesito, quamdiu nil
fit contra jus tertii (§. 118. *part. 3. Jur. nat.*). Ergo etiam
juri suo succedendi in feudo renunciare potest, cum renun-
ciatione nec jus domini, nec ceterorum, ad quos feudum
devolvi potest, obstat, quemadmodum ex anterioribus sa-
tis patet.

Renunciatio fit ab eo, qui feudum nondum possidet, sed
saltem habet spem succedendi, sive propinquam, sive remotam,
vel quando succedere poterat, in gratiam vero alterius succede-
re non vult. Arque ideo refutationem distinximus a renuncia-
tione

tione (§. 407.), sit ita quod vulgo vago quodam significatu renunciare etiam dicatur is, qui refutat. Quoniam vero de successione in bonis defuncti in posterum demum agetur; ideo quoque in præsentia ea prætermittenda sunt, quæ de successione in re feudali adhuc demonstrari poterant ac debebant.

§. 418.

Feudum precarium finitur, vel amittitur, quamprimum dominus vasallo significat, se nolle, ut res sua duntaxat ipsi sit infensum. Quando prædicta demonstrationem jam dedimus supra (not. §. 374.). *carium finitur.*

Initio feuda erant precaria, ita ut a domino, qui concesserat, pro lubitu vasallo auferri possent I. f. 1. §. 1. 2. Jus vero hoc deinde mutatum est, non quod esset iniquum, cum juri naturali minime repugnet, ut feudum sit precarium, cujus quippe constitutio quoad ea, quæ substantialia non sunt, a voluntate concedentis dependet (§. 164.); sed quod deinde placuit feuda concedere non modo pro primo acquirenti, sed ejus etiam descendentibus, vel certis personis aliis certa lege eidem successuris: id quod notioni feudi minime repugnat (§. 155.).

§. 419.

Feudum finitur, successore feudali deficiente, seu mortuo vasallo sine successore feudali. Etenim feudi constitutio continet tacitam hanc conditionem, ut, si nemo amplius sit, cui id committeretur, seu qui in eodem succedere possit, res, quæ feudalis fuerat, pleno jure sit domini feudi (§. 326.). Ea igitur intelligitur fuisse constituentis voluntas, ut, si vasallus moriatur sine successore feudali, feudum finiatur. Quamobrem cum determinationes substantialibus in contractu feudali superadditæ (§. 173.) pendeant a voluntate constituentis (§. 164.); duratio quoque ea erit, quæ visa fuerit constituenti, consequenter feudum finitur, vasallo sine successore feudali mortuo.

Ostenditur etiam hoc modo. Quando feudum constituitur pro certis personis, quæ nominantur, & quæ certo or-

dine in eodem succedere possunt; constituentis non alius esse potest animus, quam ut deficiente successore feudali feudum finiri debeat. Quamobrem cum feudum sit jus alteri in re sua a domino constitutum (§. 155.), adeoque valeat, quod constituenti placuit (§. 984. *part. 3. Jur. nat.*); successore feudali deficiente, seu mortuo vasallo sine successore feudali, feudum finitur.

§. 420.

An feudum fiat res nullius Quoniam feudum finitur, mortuo vasallo, sine successore feudali (§. 419.); *feudum vasallo sine successore feudali* *lius, vel ad mortuo non sit res nullius, neque etiam dici potest proprie feudum, dominum consequenter dominum utile sub conditione præstandæ fidelitatis tunc rever-* vasallo concessum ad dominum directum reverti.

tatur.

Si feudum vasallo sine successore feudali mortuo fieret res nullius, naturaliter tum occupabile foret. Ad dominum directum ut revertatur dominium utile sub conditione præstandæ fidelitatis, non satis apte dicitur, cum non concipiatur dominium utile & directum, nisi quatenus utrumque in diversis subjectis subsistit. Accurate igitur loquendo dicendum est, finiri feudum, consequenter cum dominio utili expirare directum, & rem, quæ infeudata fuerat, pleno jure fieri domini, vi contractus feudalis. Quomodo enim in contracta feudali definiri potuit, quænam personæ in feudo succedere debeant; ita quoque definiri potuit, qualis & cujusnam res esse debeat, si nemo amplius adsit, qui vi hujus contractus succedere possit. Ubi vero expresse definitum nil fuit, valet utique illud, quod contractui tacite inest. Tacita nimirum voluntas idem operatur, quod expressa.

§. 421.

De fine feudalis Si feudum ad dies vitæ, vel ad certum tempus fuerit concessum; *ad dies vitæ* mortuo vasallo, vel tempore isto elapso feudum finitur. Etenim si feudum ad dies vitæ fuerit concessum; ex conventionum tempus ne non diutius subsistere debet, quam quamdiu vivit vasallus. *concesso.*

Et

Et si conceditur ad certum tempus, similiter ex conventionione diutius subsistere non debet, quam donec tempus istud fuerit præterlapsum. Quamprimum itaque vassallus moritur, vel tempus, ad quod concessum est feudum, præterlapsum fuerit; feudum finitur (§. 382. *part. 3. Jur. nat.*).

Feudum jus pactitium est (§. 170.), adeoque vi conventionis subsistit (§. 788. *part. 3. Jur. nat.*). Quodsi ergo duratio ejus in contractu feudali fuerit definita, tamdiu utique durabit, quamdiu quod durare debeat fuerit conventum.

§. 422.

Si res tota interit, feudum extinguitur. Etenim si res *De interitu* feudalis tota interit, dominium in ea interit (§. 352. *part. 2. totali res Jur. nat.*), adeoque nec alius in ea dominium utile, nec *di-feudalis*. rectum alius habere potest (§. 1. 3.). Quamobrem non minus vassallus dominium utile, quam directum dominus amittit (§. 158.). Quoniam itaque feudum non subsistit, nisi dominium utile uni, alteri directum in re infeudata competat (§. 156.); si res tota interit, feudum extinguitur.

§. 423.

Si pars rei feudalis interit, feudum in parte reliqua subsistit: De partiali liberum tamen est vasallo feudum domino refutare. Etenim si res *interitu* rei feudalis pars interit, eodem, quo ante (§. 422.), modo patet, feudum in ea parte extingui. Cum vero dominium in parte reliqua adhuc subsistat, neque repugnet, ut hoc quoque sit divisum in dominium utile ac directum; quin illud adhuc vasallo, hoc domino competat (§. 158.), adeoque feudum quoad hanc partem subsistat, dubitandum non est (§. 330. *part. 2. Jur. nat.*). *Quod erat unum.*

Enimvero quoniam in tota re feudali vasallo concessum dominium utile sub conditione præstandæ fidelitatis (§. 155.), adeoque vassallus ad eam præstandam obligatur, propterea

pterea quod tota re feudali utitur fruitur; domino non competit jus ab invito exigendi fidelitatem conventam propter dominium utile in parte (§. 172.). Quamobrem a voluntate vassalli unice pender, utrum obligatus adhuc esse velit domino ad fidelitatem conventam præstandam nec ne, etiam si parte tantummodo rei infeudatæ uti frui possit. Liberum adeoque ipsi est declarare domino simpliciter, quod feudum diutius habere nolit, nec amplius eidem obligatus esse velit ad fidelitatem conventam præstandam. Quamobrem cum feudum domino refutet, qui eidem simpliciter declarat, quod feudum diutius habere nolit, nec eidem amplius obligatus esse velit ad fidelitatem conventam præstandam (§. 407.); si pars rei feudalis interit, liberum est vassallo feudum domino refutare. *Quod erat alterum.*

Rationes nimirum esse possunt vassallo, cur malit ea carere utilitate, quæ ex re feudali percipitur, quam fidelitatem conventam præstare. Non vero opus est, ut de eorum mente sollicitus sit, ad quos aliquando feudum devolvi potest. Quod si enim his aliter visum fuerit, illi feudum, quando ad eos devolvitur vi primæ constitutionis, a domino revocare possunt (§. 411.). Refutatio igitur non fit in præjudicium ipsorum, atque adeo non habent jus contradicendi, nec de eo solliciti sint necesse est, ut jus suum sibi reservent. Dominus vero volenti in parte residua feudum statim concedere potest, cum de jure suo disponere possit pro arbitrio suo. Neque dubium est, quin etiam vassallus feudum volenti refutare possit, eo effectû, qui ex superius demonstratis (§. 412. & seqq.) manifestus est.

§. 424.

De sine feudo. Si feudum sub certa conditione fuerit concessum, seu donec di sub certa conditio existat; conditione illa existente, aut non amplius ditione con-existente, feudum finitur. Etenim si feudum sub certa conditione fuerit concessum, seu donec certa conditio existat, vel ita

ita convenitur, quod feudum tamdiu durare debeat, quamdiu hæc conditio existit, aut quamdiu non existit, consequenter quod finiri debeat, si conditio conventa non amplius existit, aut quamprimum existit. Quamobrem cum plus juris in re feudali consequi non potuerit vasallus, quam ei concedere voluit dominus in contractu feudali (§. 382. *part. 3. Jur. nat. & §. 172. b.*); si feudum sub certa conditione fuerit concessum, seu donec certa conditio existat, conditione illa existente, aut non amplius existente, feudum finitur.

E. gr. Si feudum tibi conceditur, donec munere aliquo fungaris; tamdiu concessum intelligitur, quamdiu eodem fungaris, consequenter eo deposito feudum finitur. Ex adverso si feudum conceditur, donec certo cuidam muneri præponaris, ubi hoc contingit, feudum finitur. Nimirum hic conditio designat tempus, ut perinde sit, ac si feudum ad certum tempus fuisset constitutum. Quamdiu adeo conditio in casu priori existit, tempus non finitur; finitur autem, quamprimum conditio existere desinit. In casu posteriori tempus præterlapsum, quamprimum conditio existit. Quamobrem cum feudum finiatur, tempore elapso, ad quod constitutum (§. 421.); idem quoque in casu priori finiri debet, quando conditio non amplius existit, in posteriori autem, quamprimum existit.

§. 425.

*Dominium tam utile, quam directum usucapi & præscribi De præscri-
poteff naturaliter.* Etenim naturaliter res, quam quis dere-
ptione domi-
liquisse præsumitur, fit possessoris (§. 1020. *part. 3. Jur. nat.*), nisi utilis ac
adeoque hic eam usucapit (§. 1021. *part. 3. Jur. nat.*), sive directi.
corporalis fuerit, sive incorporalis (§. 1022. *part. 3. Jur. nat.*).
Quamobrem cum tam dominium utile, quam directum sit res
incorporalis (§. 498. *part. 1. Jur. nat.*); utrumque etiam usu-
capi potest. *Quod erat unum.*

(*Wolffii Jur. nat. Pars VI.*)

Pp

Enim-

Enimvero in usucapione dominium domino præscribitur (§. 1031. *part. 3. Jur. nat.*). Quamobrem cum dominium utile spectandum sit tanquam res incorporalis, quæ est in dominio vassalli, & dominium directum tanquam res incorporalis, quæ est in dominio domini (§. 158. *b. & §. 216. part. 2. Jur. nat.*); utrumque etiam dominium istud, consequenter vassallo dominium utile & domino directum præscribi potest (§. 1024. *part. 3. Jur. nat.*).

Nimirum quando dominium dividitur in directum ac utile, duæ resultant res incorporales, quarum una subijcitur dominio seu juri pro arbitrio suo de eodem disponendi (§. 118. *part. 2. Jur. nat.*), domini, altera vero vassalli (§. 158.), ut adeo illa competat domino, hæc vassallo cum exclusione ceterorum omnium (§. 120. *part. 2. Jur. nat.*). Quemadmodum itaque naturaliter res quælibet, tam corporales, quam incorporales, usucapi possunt (§. 1022. *part. 3. Jur. nat.*); ita etiam dominium tam directum, quam utile usucapi potest. Amittit verò tum dominus dominium directum, & vassallus utile, cui a possessore acquiritur ex consensu præsumto (§. 1027. *part. 3. Jur. nat.*), atque adeo etiam dominium istud, in quo tam directum, quam utile esse concipitur, consequenter cum hoc dominium tam directum, quam utile præscribitur (§. 1024. *part. 3. Jur. nat.*). Ita nimirum præscriptionem domini utilis ac directi concipere debemus, si singula ad vivum refecare velimus, ne aliquis relinquatur notionum generalium alias stabilitarum dissensus. Ceterum cum de usucapione & præscriptione demonstraverimus abunde, quomodo naturaliter procedat integro capite septimo partis tertiæ Juris naturalis; non opus est ut ea, quæ ibidem exposta sunt, ad domini utilis ac directi præscriptionem ac usucapionem applicemus.

§. 426.

*De præscri-
ptione & ut*

Quoniam dominium tam utile, quam directum præscribitur & ut bi ac usucapi potest (§. 425.), dominium vero utile vassallo, directum

directum domino competit (§. 158.); *vasallus* quoque *usucapione* minus directum *usucapere* & *adversus dominum* *prescribere*, *dominus* in *re* minus autem *dominium utile usucapere* & *adversus vasallum* *prescribere*, immo etiam *alius quicumque dominium utile usucapere* & *adversus vasallum prescribere*, *dominium quoque directum* simul *usucapere* & *adversus dominum prescribere* potest.

Quando fiat *usucapio* & *prescriptio* in singulis casibus, patet ex iis, quæ de *usucapione* & *prescriptione* in genere alibi demonstrata sunt (not. §. 425.).

§. 427.

Si *vasallus dominium directum adversus dominum prescribit*; *res, quæ feudalis fuerat, fit allodialis*. Quando enim *vasallus dominium directum adversus dominum prescribit*, *dominus directus* minus illud amittit (§. 1024. part. 3. *Jur. nat.*). Quamobrem *adversus* rem cum nemo amplius sit, cui *dominium directum* in *re, dominum*, quam possidet *vasallus*, competat; jam pleno jure eandem habet (§. 156.). Quoniam itaque *res allodialis* est, in qua quis plenum *dominium* habet, seu quam pleno jure habet (§. 192.); si *vasallus dominium directum adversus dominum prescribit*, *res, quæ feudalis fuerat, fit allodialis*.

Contingere hoc potest, si hæres defuncti *vasalli* rem feudalem tanquam *allodiam* bona fide vendit & alius bona fide eandem tanquam *allodiam* emit, item si ipse hæres rem feudalem tanquam *allodiam* apprehendit eamque tanquam *allodiam* bona fide possidet.

§. 428.

Si *dominus adversus vasallum dominium utile prescribit*; *De prescriptio* remotior eorum, ad quos devolvi potest, *feudum* adhuc revocare potest, quando ad ipsum devolvitur. Quando enim *feudum* ad *ni adversus* aliquem devolvitur, eidem competit jus in eodem succedendi *vi contractus feudalis*, quo *feudum* constitutum (§. 171.

Pp 2

176.).

176.). Quoniam itaque hoc jus invito auferri nequit (§. 336. *part. 2. Jur. nat.*); nec ei præscriptio dominii utilis adversus vassallum, ad quem feudum antea pertinebat, nocere potest (§. 910. *part. 1. Jur. nat.*). Quamobrem dominum compellere potest ad rem feudalem sibi restituendam remotior eorum, ad quos feudum devolvi potest, quando ad ipsum devolvitur, etiam si is dominium utile præscripserit adversus vassallum, ad quem antea ipsum feudum pertinebat. Sed feudum revocat a domino, qui eum compellit ad rem feudalem sibi restituendam (§. 373.). Ergo si dominus adversus vassallum dominium utile præscribit, remotior eorum, ad quos devolvi potest, feudum adhuc revocare potest, quando ad ipsum devolvitur.

Præscriptio fit ex consensu præsumto (§. 1024. *part. 3. Jur. nat.*), nimirum quod is, ad quem feudum pertinet, id dereliquerit (§. 1031. 1021. *part. 3. Jur. nat.*). Enimvero nemo præsumi potest feudum dereliquisse, quamdiu ad ipsum non pertinet, cum non ante id revocare possit, quam ad eum fuerit devolutum (§. 378.). Quamvis adeo is non contradicat, quod dominus pleno jure rem possideat, ad quem feudum aliquando devolvi potest; ex eo tamen, quod tacet, quando loqui non debet, nec potest, præsumi nequit, quod in hoc consentiat, ut res pleno jure maneat domini, quando feudum ad ipsum devolutum fuerit. Quamdiu feudum ad te non pertinet, tibi permittendum est, ut alius re feudali utatur fruatur, cum nullum tibi hinc nascatur præjudicium.

§. 429.

Quando feudum præscriptio Quoniam remotior eorum, ad quos devolvi potest, si dominus dominium utile adversus vassallum præscribit (§. 428.); *plene extincta* præscriptio a domino facta non ante feudum plene extinguatur. *tinguitur*, quam si nemo amplius super sit, ad quem istud devolvi potest.

Tamdiu

Tamdiu nimirum feudum revocabile manet, quamdiu aliquis existit, ad quem aliquando devolvi potest (§. 428). Quamdiu vero feudum revocabile est, nec dici potest, quod plene sit extinctum, cum qualitas feudalis eidem adhuc potentia insit, etsi videatur ad tempus abesse, quatenus permittendum, ut dominus re feudali utatur fruatur absque nexu feudali, utpote qui sibi ipsi ad fidelitatem præstandam obligatus esse nequit, quemadmodum obligatur, qui feudum tenet (§. 155.).

§. 430.

Si vassallus adversus vassallum feudum præscribit, ille feudum De præscri-
amittit & hic ipsum acquirit. Etenim si vassallo feudum præ-
scribitur, cum præscriptione jus amittatur, quod quis habet a vassallo ad-
(§. 1024. part. 3. Jur. nat.), feudum is utique amittit. Quod versus va-
erat unum. fallum fa-

Enimvero dum feudum præscribitur, eo ipso non præ-
scribitur domino dominium directum (§. 336. part. 2. Jur. nat.),
consequenter feudum adhuc subsistit (§. 156.). Quamob-
rem præscribens nonnisi feudum usucapere potest (§. 1024.
part. 3. Jur. nat.), consequenter quando feudum præscribit,
feudum acquirit (§. 1023. part. 3. Jur. nat.). Quod erat alterum.

Nimirum per præscriptionem mutari nequit qualitas feudalis, cum hoc foret contra jus domini (§. 239. part. 1. Pbil. pract. univ.), contra quod præscriptio fieri nequit (§. 910. part. 1. Jur. nat.). Quodsi alius fuerit propior, per superiora facile patet, quod feudum ante revocare nequeat, nisi quando ad ipsum devolvitur, ut adeo opus non sit, id disertius demonstrari.

§. 431.

Obligatio feudalis dicitur, quæ ex contractu feudali ori-
tur. Et in mutua obligatione vassalli & domini Nexus feu-
dalis consistit. Obligatio
feudalis
quanam sit.

Ex contractu enim feudali oritur tam domini erga vassallum, quam vassalli erga dominum obligatio (§. 793. part. 3. Jur. nat.), & ex eodem metienda est utriusque obligatio.

§. 432.

Ratio obligationis feudalis.

Quoniam obligatio feudalis ex contractu feudali oritur (§. 431.), eodem autem & feudum a domino constituitur, & a vasallo acquiritur (§. 171.); *obligatio feudalis rationem in feudo habet (§. 56. Ontol.), adeoque ab eodem dependet (§. 851. Ontol.).*

Nimirum propter feudi constitutionem dominus vasallo ad ea obligatur, ad quæ alias ipsi non obligaretur, & vasallus domino vicissim obligatur ad ea, ad quæ alias ipsi non obligaretur. Obligatio igitur feudalis a feudo dependet.

§. 433.

Quamdiu ea duret.

Quia obligatio feudalis a feudo dependet (§. 432.), feudo sublato, tollitur omnis feudalis obligatio, consequenter nexus feudalis dissolvitur.

Obligatio feudalis diutius durare nequit, quam quamdiu feudum subsistit, cum a feudo tota veniat, sive a substantialibus, sive ab accidentalibus pendeat.

§. 434.

Felonia quid sit.

Omne factum tam positivum, quam negativum obligationi feudali contrarium *Felonia* dicitur.

Felonia vocabulum non est Latinum: recte tamen retinetur, cum sit in Jure feudali receptum (§. 147. *Disc. pralim.*). Neque enim ita affectare debemus Latinitatem, quemadmodum dudum monuit *Antonius Matthæus*, jctus in Academia Ultrajectina, ut pro perspicuis obscura verba usurpasse videamur: id quod nos observavimus per omnem philosophiam.

§. 435.

Quot modis felonia committatur.

Quoniam factum omne tam positivum, quam negativum obligationi contrarium feudali felonia est (§. 434.); tot modis felonia committi potest, quot sunt obligationes feudales: quoniam tamen omnes obligationes non sunt ejusdem gradus,

duſ, feloniam quoque omnis non eſt eiſdem gradus, ſed alia delictum majus, alia minus.

§. 436.

Quia feloniam tot modis committi poteſt, quot ſunt obligationes feudales (§. 435.); ſi plures fuerint obligationes feu-ur expendi-
dales, pluribus quoque modis committi poteſt feloniam, quam ſi ſur-
fuerint pauciores. Cumque ex contractu feudali metiendum ſit omnis obligatio feudal-
is (§. 172. 431.); ex contractu quoque feudali eſtimandum, quando feloniam, ſeu quomodo ea com-
mitti poſſit.

Obligationes feudales nunc plures eſſe poſſe, nunc pauciores, prouti viſum fuerit contrahentibus, haud obſcurum eſt. Etenim a voluntate conſtituentis (§. 164.), & rem in feudum offerentis pender, quas determinationes ſubſtantialibus ſuperaddere velint (§. 169.), atque determinationes iſtæ in contractu feudali definiendæ (§. 173.), conſequenter contrahentes de iis convenire poſſunt, ad quæ ſibi invicem propter feudum obligati eſſe velint.

§. 437.

Quia vi contractus feudal-
is tam dominus vaſallo, quam a quibus
vaſallus domino ad certas præſtationes obligatur, prouti ex commiſſi
anterioribus abunde conſtat, omne autem factum tam poſſi-
tivum, quam negativum obligationi feudali contrarium fe-
loniam eſt (§. 434.); feloniam committi poteſt cum a domino feudi,
tam a vaſallo.

Obtinet hoc etiam jure poſitivo, quæ non minus ob fe-
loniam dominus dominium directum, quam vaſallus feudum
amittere poteſt.

§. 438.

Si vaſallus domino, vel dominus vaſallo non præſtat fide-
litatem conventam; feloniam committitur. Etenim vaſallus do-
mino

*non præstata
felonia est.* mino & dominus vasallo obligatur ad præstandum fidelitatem conventam (§. 245.). Quamobrem cum hæc obligatio feudalis sit (§. 431.); si vasallus domino, vel dominus vasallo non præstet fidelitatem conventam, sive faciendo, quod fidelitati conventæ repugnat, sive non faciendo, quod ea exigit; factum tam negativum, quam positivum obligationi feudali contrariatur. Quoniam itaque factum omne tam positivum, quam negativum obligationi feudali contrarium felonia est (§. 434.); felonia utique committitur, si vasallus domino, vel dominus vasallo non præstet fidelitatem conventam.

Fidelitas cum complectatur omne officium humanitatis (§. 154.), non uno modo facto fidelitati contrario felonia committi potest. Ne tamen hoc delictum in nimium extendatur, non tam ex notione fidelitatis in genere, quam ex ea, quæ conventa in specie fuit, felonia æstimanda, præsertim si de pœna felonix fuerit conventum. Rectius enim statuitur, naturaliter non dari obligationem perfectam præstandi aliquod officium humanitatis, nisi de quo præstando fuit conventum sive expresse, sive tacite: alias enim manet obligatio imperfecta, quæ natura datur, nec ad factum huic contrarium felonia trahi potest. Jure positivo autem quemadmodum determinari potest fidelitas (not. §. 154.); ita etiam definiri, quot modis faciendo contra fidelitatem felonia committatur.

§. 439.

*Felonia in
non præstan-
dis servitiis
ommissa.* Si vasallus ad certa servitia, veluti militaria, præstanda obligatur, ea vero præstare nolit; feloniam committit. Etenim si vasallus ad certa servitia, veluti militaria, præstanda obligetur; obligatio hæc feudalis est (§. 178. 431.). Quod si ergo vasallus ea domino præstare nolit; factum hoc negativum obligationi feudali contrarium est. Quamobrem cum factum negativum obligationi feudali contrarium

rium feloniam sit (§. 434.); feloniam vassallus committit, si domino præstare nolit servitia, veluti militaria, ad quæ præstanda ipsi obligatus est.

§. 440.

Quia vassallus feloniam committit, si ad certa servitia præstanda obligatus ea præstare nolit (§. 439.), in feudo censuali autem loco servitiorum quotannis canonem certum præstare tenetur (§. 184.); *felonia committitur in feudo censuali, si vassallus canonem conventum præstare nolit.*

Quoniam in Jure naturæ feudum censuale quoque dici potest, si juxta alia servitia præstandus etiam canon est (§. 184.), cum præstatio canonis non minus referenda sit ad obligationem feudalem, quam si loco servitiorum solvitur (§. 431.); si vassallus canonem conventum præstare nolit, feloniam quoque committit (§. 434.).

§. 441.

Si vassallus domino bellum injustum gerenti servitia militaria De servitiis conventa præstare nolit; feloniam non committit. Exenim qui militaribus bellum injustum gerit, in ejus gratiam nil quicquam facere *in bello* indicet (§. 1115. part. 1. Jur. nat.), consequenter nec vassallus *justo* non ad servitia militaria conventa obligatur. Quoniam itaque *præstitis*, vassallus domino bellum injustum gerenti militaria servitia præstare detrectans nil facit, quod obligationi feudali contrariatur (§. 178. 431.), feloniam vero non est factum, quod eidem minime contrarium (§. 434.); nec feloniam committit vassallus, si domino bellum injustum gerenti servitia militaria conventa præstare nolit.

Cum naturalis obligatio sit immutabilis (§. 142. part. 1. Phil. pract. univ.); vassallus sese obligare nequit ad præstanda servitia militaria in bello etiam injusto. Istiusmodi adeo obligatio ex contractu feudali oriri nequit, adeoque feudalis non
(Wolffii Jur. Nat. Pars VI.) est

Qu

est (§. 431.). Necesse tamen est, ut certo constet, bellum esse injustum. Quid vero obtinere debeat in casu dubio, suo videbimus loco, quando de bello publico acturi sumus.

§. 442.

De protectione conventum. Si dominus vasallo conventam protectionem præstare nolit; feloniam committit. Idem valet, si alia præstare nolit, ad quæ præstanda sese obligavit. Ad præstationem conventam, adeoque & ad protectionem (§. 246.), dominus vasallo perfecte obligatur (§. 247.), hæcque obligatio, cum veniat ex contractu feudali (§. 179. 246. 173.), feudalis est (§. 431.). Quoniam itaque factum tam privativum, quam positivum obligationi feudali contrarium feloniam est (§. 434.) & feloniam etiam a domino committi potest (§. 437.); dominus feloniam committit, si vasallo protectionem conventam, vel alia præstare nolit, ad quæ præstanda sese obligavit.

§. 443.

Quomodo. Si vasallus damna a domino avertere, aut commoda ejus contra fide-promovere nolit, cum possit, multoque magis, si ipse damnum lisatem quiddam domino infert, vel contra salutem ejus quidpiam molitur, vel committit, quomocunque ad factum istiusmodi concurrat; feloniam committit. Etenim fidelitas continet ea officia, quibus damna avertuntur, ac commoda promoventur (§. 154.). Quamobrem cum vasallus domino obligetur ad fidelitatem conventam præstandam (§. 245.), ad damna quoque ab ipso avertenda & commoda ejus promovenda obligatur, adeoque multo magis ad non inferendum damnum domino, nec quicquam adversus salutem ipsius moliendum, vel quomodocunque ad factum istiusmodi concurrendum. Quicquid itaque horum contingit, id omne obligationi feudali contrariatur (§. 431.). Quamobrem cum factum omne tam politi-

positivum, quam negativum obligationi feudali contrarium feloniam sit (§. 434.); vasallus feloniam committit, sive damnum a domino avertere, vel commoda ejus promovere nolit, cum possit, neque enim ad impossibile quis obligatur (§. 209. *part. I. Phil. pract. univ.*), multo magis autem committit feloniam, si ipse damnum domino interat, vel contra salutem ipsius quidpiam moliatur, vel quomocunque ad factum istiusmodi concurrat.

Non licet excipere, obligationem feudalem non esse extendendam ultra fidelitatem conventam. Etenim sine officio avertendi damna a domino & promovendi commoda, seu salutem ejus, consequenter non inferendi damna vel quidpiam moliendi adversus salutem ipsius non concipitur fidelitas (§. 154.). Quamobrem cum fidelitas ad substantialia feudi pertineat (§. 161.), ut feudum sine ea subsistere non possit (§. *cit.*); sine quibus fidelitas concipi nequit, ad ea utique præstanda obligatus intelligitur vasallus vi ipsius contractus feudalis, quo feudum acquisivit (§. 171.), consequenter ea referenda sunt ad fidelitatem conventam. Fidelitas non terminus inanis est, & quamvis mutuo consensu in contractu feudali determinanda sit (§. 244.), hoc tamen non obstante, quædam notioni ejus per se insunt, ut expresse de iis conveniri non sit opus. Quamobrem cum fidelitatem definiremus per complexum omnium officiorum humanitatis, consulto addidimus, quod inprimis ea hic spectentur officia, per quæ damna avertuntur & commoda promoventur (§. 154.), utque rectius hæc intelligantur, ex jure positivo annotavimus, quænam ad fidelitatem inprimis requirantur (*not. §. cit.*). Immo naturaliter nihil absurdi, nec iniqui quidpiam inde consequitur, si vel maxime fidelitas ad omne officium humanitatis extendatur, adeoque factum quodvis officio cuidam humanitatis contrarium ad feloniam referatur, cum jure naturali nulla certa poena feloniz in genere sit constituta.

§. 444.

*De vi illa
& insidiis
fructus.*

Quoniam *vasallus* feloniam committit, si contra salutem domini quidpiam molitur (§. 443.); *feloniam* utique committit, si domino vim infert, insidias struit, cum hoste vel inimico ejusdem in ipsius perniciem fœdus ineat.

Vis infertur armis, infertur etiam veneno. Perinde vero est, si ipse hoc faciat, si ve ad factum alterius concurrat.

§. 445.

*De auxilio
denegato.*

Similiter quia *vasallus* feloniam committit, si damnum a domino non avertit (§. 443.); *feloniam* quoque committit, si cum in pugna vel periculo alio constitutum deserit, seu auxilium ei non ferat.

Exempli loco hæc particularia adducuntur, ut, quæ in genere demonstrata sunt, clariora evadant & ad casus particulares sine hæsitacione applicentur.

§. 446.

*An vasallus
vitam do-
mini pro-
pria præfer-
re teneatur.*

Si *vasallus* in periculo communi vitam propriam vitæ domini præferat; *feloniam* non committit. Quoniam homo vitam suam (§. 350. *part. 1. Jur. nat.*) ac aliorum conservare tenetur (§. 641. *part. 1. Jur. nat.*), adeoque conservatio vitæ propriæ officium erga seipsum, conservatio vitæ alienæ officium erga alios est (§. 226. *part. 1. Phil. pract. univ.*); in periculo communi domini ac vasalli officium erga seipsum colliditur cum officio erga alios, si vita unius vitæ alt-rius præferenda (§. 206. *part. 1. Phil. pract. univ.*). Enimvero si officium erga seipsum colliditur cum officio erga alios, illud vincit (§. 229. *part. 1. Phil. pract. univ.*). Ergo si *vasallus* periculo communi vitam propriam vitæ domini potipondere non tenetur, sed suam potius huic recte præfert (§. 208. *part. 1. Phil. pract. univ.*). Quoniam obligatio naturalis utpote immutabilis

§. 142.

(§. 142. *part. 1. Phil. pract. univ.*), per pacta mutari nequit; nec vi contractus feudalis, ex quo metiendā est vassalli obligatio (§. 172.), is obligatus esse potest ad vitam domini in periculo communi propriæ præferendam, consequenter obligationi feudali minime contrariatur, si vassallus in periculo communi vitam propriam vitæ domini præferat (§. 431.). Jam feloniam non committitur, quando quis facit, quod obligationi feudali minime contrariatur (§. 434.). Vassallus itaque in periculo communi vitam propriam vitæ domini præferens feloniam non committit.

Ex demonstratione propositionis præsentis liquet, alios adhuc posse dari casus, in quibus factum negativum, quod alias obligationi feudali contrarium foret, feloniam accenseri nequit.

§. 447.

Si dominus vi præsentis impetat corpus vassalli, nec hic periculum vite vel mutilationis membrorum aliter evitare possit, ne violenta quam illum interficiendo; dominum interficere licet, nec eum adversus dominum interficiendo feloniam committitur. Etenim si in periculo communi vassallus vitam suam vitæ domini præfert, feloniam non committit (§. 436.), consequenter præferendo vitam suam vitæ domini non contrariatur obligationi feudali (§. 434.). Quamobrem cum aggressorem interficere liceat, si is vi præsentis impetat corpus alterius, nec periculum vite vel mutilationis membrorum aliter evitare possit (§. 1013. *part. 3. Jur. nat.*); vassallus quoque in hypothese propositionis præsentis dominum aggressorem interficere potest. *Quod erat unum.*

Quoniam itaque obligationi feudali minime repugnat, si vassallus adversus dominum aggressorem cum internecione ipsius, si necesse fuerit, se defendat, *per demonstrata n. 1.*; feloniam autem minime committitur, nisi quid fiat, quod obligationi feudali contrarium (§. 434.); vassallus quoque fe-

Qq 3

loniam

loniam minime committit, si dominus vi præsentē impetat corpus ipsius, nec hic periculum vitæ, vel mutilationis membrorum aliter evitare possit, quam illum interficiendo, ubi hoc fecerit. *Quod erat alterum.*

Dominus hic spectatur non ut dominus feudi, sed ut aggressor. Aggressor cum lædere conetur eum, cui vim infert (§. 979. part. 1. Jur. nat.), jus securitatis ejusdem violat (§. 917. part. 1. Jur. nat.). Dominus itaque feudi, quando aggressoris personam induit, vassallo injuriam facit (§. 859. part. 1. Jur. nat.); vassallus vero jure suo sese defendendi usus (§. 1013. part. 1. Jur. nat.), domino injuriam non facit (§. 975. part. 1. Jur. nat.). Obligatio feudalis, quæ tenet vassallum, non extendenda est ad patientiam læsionis omnis etiam maximæ, ita ut vi injustæ resistere non liceat. Ceterum notandum est, nos obligationem feudalem hic spectare, qualis in se est, in statu naturali, ita ut inter dominum feudi & vassallum non alia obtineat quam hæc relatio. Alia vero est quæstio, si dominus feudi simul sit summus imperans & vassallus simul subditus: sed ea non est hujus loci.

§. 448.

De consensu domini in feudi alienationem non requisito. Si vassallus consensum domini in alienationem feudi, quem requirere debebat, non requirit; feloniam committit. Etenim si vassallus consensum domini in alienationem requirere debet (§. 194.); obligationi feudali contrariatur alienatio sine consensu domini facta (§. 431.). Quoniam itaque feloniam committit vassallus, si quid facit, quod obligationi feudali contrarium (§. 434.); feloniam quoque committit, si consensum domini in alienationem non requirit, quem tamen requirere debebat.

Aliiter statuendum est de consensu eorum, ad quos feudum aliquando devolvi poterat, non requisito in alienationem. Quoniam obligatio feudalis proprie respicit dominum & vassallum, inter quos nexus feudalis intercedit, seu qui vi feudi & domini

dominii directi sibi invicem obligati sunt. Obligatio vero requirendi consensum eorum, ad quos feudum aliquando devolvi potest, ex accidente accedit, ut ei consulatur, in quem feudum alienatur. Unde etiam requiri potest, etiamsi de eo requirendo nil fuerit conventum. Contractus feudaliter initur a vasallo cum domino, minime autem vasallus contrahit cum aliis, pro quibus feudum simul constituitur.

§. 449.

Si expresse fuerit conventum, ne feudum subinfendari de- De feloniam beat, aut ne liceat subinfendare sine domini consensu; in casu subinfendationis prioris subinfendatio simpliciter, in posteriori sine consensu domini dando compacta feloniam est. Utrumque conveniri posse, ex superioribus missa patet (§. 317. 318.). Unde porro eodem, quo ante (§. 448.), modo sequitur, subinfendationem, quando prohibita fuit, simpliciter, quando vero consensus domini ad eam requirendus erat, sine ejus consensu factam feloniam esse.

§. 450.

Si ita fuerit conventum, ne dominium directum alienetur, De feloniam vel ne alienetur sine consensu vasalli; in casu prioris alienationis dominii directi simpliciter, in posteriori sine consensu vasalli facta ne dominii feloniam est. Utrumque ita conveniri posse constat (§. 238.). *directi compacta* Quamobrem cum feloniam etiam a domino committi possit *missa* (§. 437.); eodem, quo ante (§. 448.), modo patet, alienationem dominii directi simpliciter feloniam esse, si ita fuerit conventum, ne dominium directum alienetur; alii alienationem sine consensu vasalli factam esse feloniam, si ita fuerit conventum, ne sine vasalli consensu alienari possit.

In statu naturali non minor est obligatio domini, quam vasalli, nec in aestimando delicto, quale est feloniam, respectus personarum attenditur. Si feloniam committit vasallus, quando contra conventionem alienat feudum, vel sine consensu domini, quem requirere debebat; dominus itidem feloniam

loniam committit, quando contra conventionem dominium directum alienat, vel sine consensu vasalli, quem requirere debebat.

§. 451.

De feloniam in dominio directo non recognoscendo commissum.

Si vasallus dominium directum sciens recognoscere nolit; feloniam committit. Etenim cum dominium directum competat domino (§. 158.), adeoque vasallus hoc jus invito auferre non possit (§. 336. *part. 2. Jur. nat.*); per ipsam substantiam feudi vasallus obligatur dominium directum recognoscere (§. 161.). Quod si itaque hoc sciens facere nolit, id ipsum obligationi feudali maxime contrariatur (§. 431.). Quamobrem cum omne factum obligationi feudali contrarium feloniam sit (§. 434.); vasallus vel maxime feloniam committit, si sciens dominium directum recognoscere nolit.

Ostenditur etiam hoc modo. Si vasallus dominium directum recognoscere nolit, necesse est aut ut neget, se rem jure feudi possidere, aut ut dominum directum alium recognoscere velit. In utroque casu, cum faciat hoc sciens *per hypoth.* fidelitatem conventam domino feudi præstare non vult. Enimvero si vasallus fidelitatem conventam præstare non vult, feloniam committit (§. 438.). Committit igitur feloniam, si dominium directum recognoscere nolit.

Probe notandum est, necesse esse, ut vasallus sciens dominium directum recognoscere nolit. Quod si enim puter, rem esse allodiam, vel dominium directum alii competere, quam cui re vera competit, dicendum omnino non est, quod feloniam committat. Ut igitur erroris redarguatur, necesse est ut dominus feudi probet, rem, quam possidet, esse feudalem, sibi que dominium directum competere. Cum feudum pacto constituitur (§. 170.), & ad extraordinaria referendum sit, quod dominium utile alicui sit in re concessum sub conditione fidelitatis; res quælibet præsumitur allodialis, minime vero feudalis (§. 248. *part. 2. Jur. nat.*).

§. 452.

§. 452.

Naturaliter per feloniam nec vassallus feudum, nec dominus directus dominium directum amittit, nisi specialiter fuerit conventum, ut amittatur. Feloniam enim committit vassallus, si quid facit, quod obligationi feudali contrariatur, consequenter ad quod non faciendum erat obligatus, aut si quid non facit, ad quod faciendum erat obligatus (§. 434.). Enimvero cum perfecta sit obligatio, quæ ex contractu oritur feudali (§. 793. *part. 3. Jur. nat.*); si alterutra pars non facit, ad quod faciendum obligata est, alteri competit jus eam compellendi ad faciendum (§. 236. *part. 1. Phil. pract. univ.*), aut si pars altera damnum incurrit, vel lucrum ejus cessat, propterea quod obligationi suæ non satisfecit altera, illi hæc ad id, quod interest, tenetur (§. 629. *part. 3. Jur. nat.*), & si facto obligationi contrario pars altera læsa fuit, læsæ competit jus puniendi lædentem (§. 1061. *part. 1. Jur. nat.*); si vero quid factum, quod sine consensu alterius fieri non debebat, tanquam nullo jure factum invalidum est, adeoque a parte hac altera rescindi potest, nisi ratihabere velit. Atque adeo patet, naturaliter per feloniam nec vassallum feudum, nec dominum directum dominium directum amittere. *Quod erat unum.*

Enimvero ita etiam conveniri potest, ut, si dominus non præstet id, de quo in contractu feudali conventum, res feudalis pleno jure sit vassalli, & ex adverso, si vassallus non præstet id, de quo conventum, eadem pleno jure sit domini (§. 248.). Quamobrem cum dominus dominium directum amittat, si res, quæ feudalis fuerat, pleno jure sit vassalli, & vicissim vassallus amittat feudum, si res, quæ fuerat feudalis, pleno jure sit domini (§. 156.); ita etiam conveniri potest, ut nisi obligationi feudali satisfiat, seu ob factum vel positivum, vel negativum eidem contrarium dominium directum

(Wolffii Jur. Nat. Pars VI.)

Rr

rectum

rectum a domino, feudum a vasallo amittatur. Poena adjicitur contractui, quando ita convenitur (§ 606. *part. 3. Jur. nat.*). Quoniam itaque poena præstanda, si quis obligationi sub poena contractæ non satisfacit (§ 611. *part. 3. Jur. nat.*); per feloniam vasallus feudum, dominus directus dominium directum amittit, si expresse ita fuerit conventum, ut amittatur. *Quod erat alterum.*

Juris adeo mere positivi est, quod per feloniam vasallus amittat feudum, vel etiam dominus feudi dominium directum: quorum istud in primis convenit feudo dato tanquam poena ingratitudinis, si feudum fuerit a domino gratis constitutum in re sua, hoc autem feudo oblatio.

§. 453.

De feloniam remissa.

Quoniam quilibet jus suum remittere potest (§. 117. *part. 3. Jur. nat.*); si ita fuerit conventum, ut per feloniam amittatur feudum vasallo, dominium directum a domino (§. 452.); *felonia remissa remitti potest*, consequenter cum *felonia remissa* jus vasalli, vel domini extinguatur (§. 97. *part. 3. Jur. nat.*), eadem *remissa vasallus feudum, dominus feudi dominium directum non amittit.*

In aliis casibus, quando scilicet poena felonix contractui feudali adjici non fuit, facile patet, quinam sit effectus remissionis felonix, modo consideremus, quale jus cadat in eum, in quem felonia committitur, & quantum sit committentis obligatio, vi demonstrationis partis primæ propositionis præcedentis (§. 452.), ac notemus, remissa feloniam, extingui jus illius, adversus quem ea fuit commissa & committentem liberari ab obligatione sua (§. 97. *part. 3. Jur. nat.*), ut adeo in hisce demonstrandis nolumus esse prolixiores.

§. 454.

De feloniam vasalli,

Si feudum fuerit constitutum pro pluribus certo ordine sibi invicem in eodem successuris; felonia a vasallo commissa per se imputari

putari nequit ceteris, ad quos feudum devolvi certo casu potest. quando fen-
 Etenim si vassallus feloniam committit, consequenter facit, *dum pro*
 ad quod non faciendum erat obligatus, vel non facit, ad *pluribus*
 quod faciendum obligatus erat (§. 434.); id non ideo facit, *certo ordine*
 quia ceteri, ad quos feudum devolvi certo casu potest, vo- *sibi invicem*
 lunt ut hoc faciat, vel non faciat, sed facere potest ipsis in- *successuris*
 sciis, immo invitis. Quoniam itaque factum alienum nemi- *constitu-*
 ni imputatur, nisi quando a voluntate ipsius aliquo modo *enim.*
 dependet (§. 650. *part. 1. Phil. pract. univ.*); ideo patet, nec
 feloniam a vassallo commissam ceteris per se imputari posse,
 ad quos feudum devolvi potest, si feudum fuerit constitutum
 pro pluribus certo ordine sibi invicem successuris.

Dico, per se feloniam vassalli imputari non posse ceteris, ad
 quos certo casu feudum devolvi potest: quodsi enim ad ean-
 dem concurrant, tum ipsis utique imputatur (§. 650. *part. 1. Phil. pract. univ.*), quoniam tunc sunt participes delicti. Ast
 hic questio est de eo casu, quando ad delictum vassalli non
 concurrunt.

§. 455.

Si vassallus ob feloniam feudum amittit; dominus tamen An feloniam
mortuo vassallo id conferre tenetur ei, ad quem post mortem vassalli no-
ipsum devolvitur. Quando enim feloniam committit vassal-
 lus, ea per se imputari nequit ceteris, pro quibus feudum *ceat success-*
 constitutum, & ad quos devolvi adeo potest (§. 454.). *ori, si ob*
 Quamobrem nec propter eandem ipsis auferri potest jus in *amittitur.*
 feudo succedendi, quando ipsum ad eos devolvitur, etiam si
 vassallus feudum amittat. Quoniam igitur hoc non obstan-
 te, quod feudo privatus fuerit vassallus, jus ipsorum adhuc
 integrum est; quando feudum vi primæ constitutionis ad a-
 liquem devolvitur, is in eo succedere debet, adeoque do-
 minus, qui re feudali hactenus usus est, eam tanquam feuda-
 lem eidem restituere tenetur. Patet itaque si vassallus ob

Rr 2

felo-

feloniam feudum amittit; dominum tamen mortuo vasallo id conferre teneri ei, ad quem post mortem ipsius devolvitur.

Quamdiu nimirum vasallus, qui feloniam commisit, vivit, nullum jus est alteri cuidam in eo succedendi, quippe cum vi constitutionis feudum non ante devolvatur ad alium, nisi mortuo eo, qui nunc feudum tenet, seu vasallo. Pœna felonix, quæ in amissione feudi consistit, quemadmodum non nocet successori; ita nec prodest. Quamdiu nemo fuerit, qui jure feudi rem feudalem possidere potest; jus percipiendi ex eadem omnem utilitatem, quæ alias vasallo competit, domino competit, nec adeo dum actu utitur fruitur, quicquam committit, quod est contra jus ejus, ad quem vasallo mortuo feudum devolvitur; quemadmodum jam abunde patet per ea, quæ in anterioribus demonstrata sunt. Ceterum cum dominus jus suum remittere possit (§. 117. *part. 3. Jur. nat.*), si voluerit, statim id conferre potest ei, qui in feudo succederet, si vasallus mortuus esset. Neque naturaliter quicquam obstat, quo minus etiam ita conveniatur, ut feudum propter feloniam amissum statim devolvatur ad eum, qui mortuo succedere debebat. Tum enim pœna adjecta, quæ datur domino ob feloniam in ipsum commissam, continet remissionem necessariam juris sui, seu renunciationem.

§. 456.

An ob feloniam a patre 454. Quoniam nec factum patris imputari potest filio (§. 454.), ad hunc vero patre mortuo feudum devolvitur, quod commissam per se patet; ideo naturaliter nec si ius privari potest feudo ob filius feudo feloniam a patre commissam, sed patre mortuo dominus feudum ei privetur. dem conferre tenetur (§. 455.).

Clarius adhuc idem elucescet, ubi de successione in feudo acturi sumus, quando nimirum de successione ab intestato agetur: tum enim patebit, filium succedere in feudo jure proprio, neque adeo ullam esse inter ipsum & alios, pro quibus feudum

feudum constitutum, differentiam. Sed hic sufficit, demonstrationem eodem modo subsistere quoad filium, quo subsistit quoad alios, ad quos vi constitutionis feudum devolvi potest.

§. 457.

Quia feudum a vasallo ob feloniam amissum dominus *an per feloniam finit* vasallo mortuo conferre tenetur ei, ad quem post mortem *ipsum finit* ipsius devolvitur (§. 455.); *feudum per feloniam non finiri possit* *feudum.*

Quodsi excipias, fieri posse, ut, dum vasallus per feloniam feudum amittit, nullus amplius extet, ad quem ipso mortuo devolvi possit, consequenter tum feudum finiri; facilis est responsio: feudum non finiri per feloniam, sed propter defectum successoris feudalis, consequenter per accidens finiri feudum, dum per feloniam amittitur.

§. 458.

Similiter quia feudum a vasallo ob feloniam amissum dominus vasallo mortuo ei conferre tenetur, ad quem post mortem ipsius devolvitur (§. 455.); huic competit jus dominum compellendi vasallo mortuo, ad feudum sibi restituendum (§. 236. *part. 1. Phil. pract. univ.*), consequenter cum feudum revocet, qui hoc facit (§. 373.), *is, ad quem mortuo vasallo feudum devolvitur, feudum per feloniam amissum a domino revocare potest.*

Quando feudum per feloniam amittitur, res feudalis ad dominum revertitur, ut ea utatur fruatur, quamdiu vasallus uti frui poterat, nisi jure suo fuisset privatus. Jus domini adeo expirat, quamprimum vasallus moritur, adeoque jus revocandi mortuo vasallo statim competit successor, quod facto alieno ipsi ademptum non est.

CAPVT III.

De Interpretatione.

§. 459.

Interpretatio quid sit.

Interpretari idem est ac certo modo colligere, quid quis per verba sua aut signa alia indicare voluerit. Interni actus animi, tam intellectus, quam voluntatis, aut si mavis, facultatis cognoscendi & appetendi ac averfandi verbis, quæ quis ore profert aut scribit, respondentes dicuntur *Mens loquentis*. Atque adeo *interpretari verba alterius* idem est ac mentem ejus investigare. Unde *Interpretatio* est investigatio mentis per verba aliaque signa indicata.

Egimus hactenus de promissis & pactis, quæ promissiones continent. Contra promissorem pro vero habetur, quod sufficienter indicavit (§. 428. *part. 3. Jur. nat.*), nimirum sive verbis, sive signis aliis. Ut igitur constet, quid contra eum pro vero sit habendum, necesse est ut manifestum sit, quidnam per verba, aut signa alia, indicare voluerit, consequenter quænam ipsius mens fuerit. Atque hinc patet, cur de interpretatione hic agatur. Nisi enim de mente promittentis rite constet, cum omnis obligatio promittentis nascatur ex promisso (§. 393. *part. 3. Jur. nat.*), nec promissarius plus jura a promissore acquirere possit, quam is in ipsum transferre vult, nec hunc ultra voluntatem suam sibi obligare valeat ad quid dandum, vel faciendum (§. 382. *part. 3. Jur. nat.*); jura ac obligationes erunt incerta. Quamvis vero de interpretatione hic agamus eo potissimum fine, ut sciamus, quomodo promissa & pacta interpretari debeamus; haud quaquam tamen existimandum est, quasi ea, quæ hic traduntur, tantummodo in promissis atque pactis interpretandis habeant usum. Usus enim eorum etiam extenditur ad interpretationem legum & verborum ab aliis quibuscunque prolatorum.

§. 460.

§. 460.

Si singula verba fixum ac determinatum haberent significatum, Cur inter-
tum, & loquentes semper mentem suam (sufficienter iisdem expri-
merent; nulla interpretatione foret opus. Contrarium cum ob-
stat, interpretatione opus est. Etenim si singula verba fixum ac de-

terminatum haberent significatum; quinam actus interni iisdem significentur, & sine ulla hæsitacione semper constaret (§. 123. 129. Log.). Quod si ergo loquentes mentem suam iisdem sufficienter exprimerent; singuli actus interni, sive ad facultatem cognoscendi, sive ad facultatem appetendi aut averfandi referendi, nobis perspecti essent (§. 459.), consequenter ex ipsis verbis statim manifestum foret, quid per verba sua loquentes significare voluerint. Quamobrem cum interpretemur verba alterius, si certo modo colligere velimus, quidnam per ea significare voluerit (§. cit.); omnino patet nulla opus fore interpretatione, si singula verba fixum ac determinatum haberent significatum ac loquentes iisdem semper mentem suam sufficienter exprimerent. *Quod erat unum.*

Enimvero obvia experientia docetur, vocabulis si non plerisque, attamen plurimis, non constanter invariata respondere notionem, consequenter significatum non fixum, sed vagum esse (§. 129. Log.). Immo patet nec determinatas singulis respondere notiones (§. 123. Log.), ac haud raro plus dici, vel minus, quam loquentes dicere intendunt. Quamobrem si de eorum mente certo constare debet, necesse est ut certo quodam modo colligatur, quamnam per verba sua indicare voluerint. Quoniam itaque verba alterius interpretamur, quando certo quodam modo colligimus, quid per ea significare voluerit (§. 459.); interpretatione opus est. *Quod erat alterum.*

Exemplum quoad partem primam propositionis præsentis præbet *Euclides*, qui cum terminis per definitiones tribuerit signifi-

significatum fixum ac determinatum, nec ab eo ullibi recedit, interprete nullo habet opus. Verba, quibus utitur, satis aperte mentem ejusdem loquuntur, ut non demum multo studio ac labore in eam fit inquirendum. Ast non adeo obvia est mens *Aristotelis*, ut in ea explicanda multum studii collocaverint interpretes ac commentatores, nec eam pervestigare semper potuerint. Idem obtinet in aliis Autoribus, quod facile experiri datur, si distincte exponere volueris, quænam notiones verbis eorum jungendæ sint, & demonstrare hasce præcise, non alias, cum iis esse conjungendas: id quod fieri necesse est, si quidem eos intelligere, seu mentem eorundem perspicere velis. Optandum omnino foret, ut saltem inter eruditos, eos præsertim, qui disciplinas tractant, constans quidam loquendi modus introduci posset, adeoque Lexicon prostarot, in quibus singulis vocabulis fixi ac satis determinati significatus attribuerentur: id quod tamen ob maximam rei difficultatem & rationes alias minime sperandum. Si vero vel maxime istiusmodi loquendi mos obtineret, ea tamen adhuc desideraretur perspicacia, quæ requiritur ad hoc, ut tantum præcise semper dicatur, quantum dicere quis vult.

§. 461.

An in pactis & promissis nemo verborum suorum interpres esse & promissis potest. Ponamus enim promissorem verba sua interpretari quilibet suo- posse, atque adeo interpretatione ejus standum esse promissum verbo- sario. Quoniam verbis sensum assignare posset, quem vel- rum inter- let; se non hoc, quod poscit promissarius, sed aliud quid pres esse pos- promississe contendere poterit. Quamobrem cum promittendo nos alteri obligemus (§. 363. part. 3. Jur. nat.), quando sibi visum fuerit non stare promissis, semetipsum ab obligatione sua liberare potest, quandocunque voluerit, consequenter jus eidem respondens alteri auferre (§. 23. part. 1. Jur. nat.). Quod utrumque cum sit absurdum (§. 674. part. 3. & §. 336. part. 2. Jur. nat.); in promissis nemo verborum suorum interpres esse potest. Quod erat unum.

Quoniam

Quoniam pacta continent promissiones (§. 788. *part. 3. Jur. nat.*), & per eas paciscentes sese sibi invicem obligant (§. 363. *part. 3. Jur. nat.*), in promissis vero nemo verborum suorum interpret esse potest, *per demonstrata n. 1.* nemo etiam in pactis verborum suorum interpret esse potest. *Quod erat secundum.*

Non est, quod excipias, promissorem omnium optime nosse, quænam ipsius fuerit mens in promittendo, consequenter ad quidnam alteri sese obligare voluerit. Quamobrem cum promissarius eundem sibi obligare non potuerit ultra voluntatem suam (§. 382. *part. 3. Jur. nat.*); permittendum omnino esse promissori, ut quænam sibi fuerit mens in promittendo declararet, consequenter ut verba sua interpreteretur (§. 459.) Etenim adversus eum pro vero habendum, quod sufficienter indicavit (§. 428. *part. 3. Jur. nat.*): quid vero per verba promittentis sufficienter indicatum fuerit, certa interpretatione definendum, quam vi demonstrationis promissori relinquere tutum non est. Alias enim jus omne promissarii erit incertum, cum abunde constet, faciliores esse homines in promittendo, quam in promissis adimplendis, voluntate ambulatoria existente. Neque est quod porro urgeas, cum juramentum sit probatio per Deum testem (§. 852. *part. 3. Jur. nat.*), interpretationem verborum propriam juramento confirmari posse, ut tuto credi queat. Qui enim promissa servare non vult, ei nec satis tuto creditur juranti, & quamdiu de eo, quod promissum est, aliunde constare potest, nec ad juramentum deveniendum (§. 922. *part. 3. Jur. nat.*). Immo si verendum, ne quis verba detorqueat in sensum alienum, quo minus promissis stare teneatur; quomodo certus esse poteris, ne etiam jurans verbis affingat sensum alienum?

§. 462.

In verbis non obligatoriis permittendum, ut quis ipse ea interpretetur. Etenim si verba non fuerint obligatoria, per ea quis propria nulla inducitur obligatio, adeoque tua parum refert, quærum verborum (*Wolffii Jur. nat. Pars I. I.*) Ss nam

rum inter- nam sit, vel fuerit mens loquentis, quam verbis istis indicare
pres esse pos- voluerit. Quamobrem cum is, qui loquitur, omnium opti-
sit. me norit, quænam sit ipsius mens; utique permittendum est,
 ut ipsemet declaret, quamnam mentem habeat, vel habuerit
 & verbis istis significare voluerit. Permittendum igitur ipsi
 est, ut ea interpretetur (§. 359.).

In hoc casu valet, quod vulgo dicitur, quemlibet optimum
 esse verborum suorum interpretem. E. gr. ponamus auctori
 alicui imputari errorem quendam. Quod si is neget, se hoc
 statuere, & verba sua ita interpretetur, ne sint errori obno-
 xia; interpretatione ejus standum. Nimirum hac interpre-
 tatione nil committitur contra jus alterius cujusdam, adeo-
 que nil obstat, quo minus verba sua ita interpretetur, ut ab er-
 rore immunis sit.

§. 463.

An promiss- Promissario non permittendum, ut verba promittentis inter-
sarius verba pre- pretetur eo sensu, quo eadem intellecta velit. Ponamus enim
promissen- promissarium verba promittentis interpretari posse, prout
sis interpre- eadem a se intellecta velit. Quoniam promissor promissa-
tari possit. rio perfecte obligatur (§. 336. part. 3. Jur. nat.), adeoque
 huic competit jus illum ad promissum adimplendum cogen-
 di (§. 236. part. 1. Phil. pract. nat.); pro lubitu verbis promit-
 tentis sensum affingere potest, ut is sibi præstare teneatur, ad
 quod præstandum sese eidem obligare minime voluit: Quod
 cum sit absurdum, cum promissarius promissorem sibi obli-
 gare nequeat ultra voluntatem suam (§. 382. part. 3. Jur.
 nat.), ideo nec promissario permittendum, ut verba pro-
 mittentis eo interpretetur sensu, quo eadem intellecta velit.

Quando quaeritur, ad quid tibi obligatus sim, non de eo
 quaestio est, quomodo tu verba mea intellexeris, sed quid ver-
 bis meis indicatum fuerit: hoc enim, non istud contra me pro-
 versu habendum (§. 428. part. 3. Jur. nat.).

§. 464.

§. 464.

Interpretatio verborum in pactis & promissis fieri debet juxta certas regulas, quas tam promissarius, quam promittens admittere tenetur. In pactis enim & promissis verba promittentis, nec ipse qui promittit, nec promissarius interpretari potest (§. 461. 463.), dicendo nimirum, quomodo verba ista intelligi velit. Necesse igitur est, ut interpretatio arbitrio nec promittentis, nec promissarii relinquenda certis adstringatur regulis, quas utraque contrahentium pars admittere debet, siquidem pro vero habendum, hoc promississe promissorem, consequenter ad hoc præstandum promissario esse obligatum (§. 363. part. 3. Jur. nat.), adeoque ad id, quod promissum est, promissario jus perfectum competere (§. 364. part. 3. Jur. nat.). Quamobrem cum negotium aliter exitum habere nequeat, nisi constet, quid contra promittentem pro vero sit habendum, interpretatio verborum in pactis & promissis fieri debet juxta certas regulas, quas tam promissarius, quam promittens admittere tenetur.

Quoniam promissarius non plus juris a promittente acquirere potest, quam is in eundem transferre voluit, nec hic illum ultra voluntarem suam obligare valet ad quid dandum, vel faciendum (§. 382. part. 3. Jur. nat.); promissarius & promittens una decernere debent, quid dandum vel faciendum sit (§. 497. part. 1. Theol. nat.), consequenter de eo, quod præstandum, convenire (§. 698. part. 3. Jur. nat.). Necesse igitur est, ut animi sui sensa sibi invicem sufficienter indicent: quod cum fieri nequeat nisi verbis, aut aliis subinde signis æquipollentibus, ideo necesse est, ut promissor & promissarius cum verbis, quibus quid promittitur easdem notiones jungant, consequenter promissarius mentem promittentis intelligat (§. 117. Log.). Quamobrem promissor cum verbis non eas jungere potest notiones, quas velit, sed eas, quas auditis

verbis in promissario excitare valet, seu ita loquendum est, ut a promissario intelligi possit. Nec vicissim promissarius verbis promittentis eas jungere potest notiones, quas voluerit, sed quas cum iisdem jungit promittens, seu verba promittentis ita accipienda, prouti intelligi debent. Necessse igitur est, verborum significatum certis regulis adstringi, ut constet, quomodo intelligenda sint, consequenter nec promissor contendere possit, se ea ita intelligi voluisse; nec promissarius contra defendere queat, se eadem ita intellexisse. Atque adeo patet opus esse regulis interpretandi, per quas definitur sensus verbis in conventionibus quibuscunque tribuendus, ut manifestum sit, in quodam consenserint qui inter se convenerunt. Dari istiusmodi regulas, ex sequentibus elucescet. Et sane nisi darentur, actus omnes obligatorii & cum his omnia jura & obligationes omnes, quæ contrahuntur, incerta forent.

§. 465.

Interpretatio recta Recta dicitur interpretatio, quæ fit per regulas interpretandi demonstratas. Quoniam enim regulæ, juxta quas *quam sit* fit interpretatio, certæ esse debent (§. 464.), certæ autem esse nequeunt, nisi demonstrantur (§. 568. Log.); *regula, juxta quas facienda interpretatio, demonstrande sunt.*

Jure naturæ requiritur, ne quid committatur contra jus alterius (§. 910. part. 3. Jur. nat.). Quamobrem ita facienda interpretatio, ne sit juri promissarii adversa, vel obligationem ultra id, quod promissum est, extendat. Regulæ adeo interpretandi ex ipsis principiis Juris naturalis demonstrandæ, ut recte asseratur, ipsam naturæ legem hanc imperare interpretationem, consequenter ad eam admittendam obligetur tam promittens, quam promissarius. Unde simul patet rectam interpretationem esse legi naturæ conformem.

§. 466.

Effectus re- Promissario jus est promissorem cogendi ad id, quod recta *inter-*

interpretatio suggerit. Etenim recta interpretatio fit per regulas interpretandi demonstratas (§. 465.), adeoque *interpretationis*.
 tas, quas tam promissarius, quam promissor admittere tenetur (§. 568. *Log.*). Quamobrem cum interpretatio fieri debeat juxta regulas certas, quas cum promissarius, tum promissor admittere tenetur (§. 464.); pro vero habendum est, eam fuisse mentem promittentis, quam recta interpretatio suggerit (§. 459.), consequenter ad id, quod eadem suggerit, promissorem sese obligare voluisse. Quoniam itaque obligatio hæc perfecta est (§. 363. *part. 3. Jur. nat.*), adeoque promissario competit jus cogendi promissorem ad id, quod promissum est (§. 236. *part. 1. Phil. pract. univ.*); eidem utique competit jus promissorem cogendi ad id, quod recta interpretatio suggerit.

Promissa sunt servanda (§. 431. *part. 3. Jur. nat.*), adeoque promissor præstare tenetur, quod se præstiturum dixit (§. 430. *part. 3. Jur. nat.*). Dixisse autem censendus est se præstiturum, quod recta interpretatio suggerit, per ea, quæ demonstravimus. Ergo promissor præstare tenetur id, quod recta interpretatio suggerit, consequenter si nolit, promissarius compellere eum potest ad id præstandum.

§. 467.

Paciscentes ita loqui obligantur, ut a se invicem intelligi possint. Paciscentes enim convenire debent de eo, quod promittitur (§. 788. *part. 3. Jur. nat.*), consequenter quod ab uno alteri dandum, vel faciendum (§. 358. *part. 3. Jur. nat.*). Quamobrem necesse est, ut intelligat promissarius, quod promissor se daturum vel facturum dicit. Necesse igitur est, paciscentes ita loqui, ut a se invicem intelligi possint, adeoque ad ita loquendum obligantur (§. 118. *part. 1. Phil. pract. univ.*). *Quomodo paciscentes loqui sentiantur.*

Pacificentes non volunt nihil agere, sed obligationes contrahere atque jura acquirere. Quamobrem quoque volunt, ut jura, quæ acquiruntur, & obligationes, quæ contrahuntur, sint certa, ne ad arbitrium libidinemque partis unius eludi possint. Ut igitur constet, quid promittat promissor & quamnam ipse obligationem contrahat, quodnam vero jus acquirat promissarius; pacificentes ita loqui tenentur, ut unus alterum intelligere, seu mentem ipsius assequi possit.

§. 468.

*Significatus
verborum
& terminorum
a pacificen-
tibus at-
tendendus.*

Quoniam pacificentes ita loqui obligantur, ut a se invicem intelligi possint (§. 467.), unus vero alterum intelligere nequeat, nisi uterque easdem cum verbis iisdem conjungat notiones (§. 117. Log.), in communi autem sermone significatum proprium constituit usus loquendi (§. 139. Log.) & huic in disciplinis ac arte respondet receptus terminorum significatus (§. 140. Log.); *pacificentes verbis uti debent in eo significato, quem fert usus loquendi, adeoque proprio, & terminos accipere in significato recepto, consequenter scientes ac volentes a verborum significato proprio & significato terminorum recepto recedere non debent.*

Nimirum si cuilibet liberum esse debet, verbis ac terminis, quibus utitur, imponere significatum pro arbitrio suo; fieri non potest, ut unus ab altero intelligatur, nisi explicet, in quonam significato verba ac terminos accipiat.

§. 469.

*Quid de eo
presuma-
tur.*

Quoniam pacificentes verbis in significato proprio & terminis in recepto uti debent, nec ab eo recedere (§. 468.); *tandem presumuntur verba accepisse in significato proprio, & terminos in recepto, quamdiu non adfuerint rationes argentes in contrarium.*

Nimirum quamvis sciens ac volens a significato proprio
verborum

verborum & recepto terminorum recedere non debeat, qui cum altero paciscitur; recedere tamen quis potest incius, tantoque facilius, si significatus fuerit vagus, quemadmodum haud raro esse solet. Quamobrem ubi prostant rationes urgentes, ob quas promittens non videtur verba in significato proprio, vel terminos in recepto accepisse, quales proflare posse, ex postea dicendis apparebit; ideo præsumtio fortior rationibus istis innixa vincit alteram tanquam debiliorem, qua id præsumitur, quod fieri debebat.

§. 470.

In promissis & pactis interpretandis a communi usu loquendi recedendum non est, nisi ad sint rationes urgentes in contrarium. Quamdiu enim paciscentes præsumuntur verba accepisse in si proprio in significato proprio, adeoque non recessisse a communi usu loquendi (§. 139. Log.), quamdiu non prostant rationes urgentes in contrarium (§. 469.). Quamobrem cum promissa & pacta interpretaturus investigare debeat mentem paciscentium, quam verbis suis significare voluerunt (§. 459.); in iis interpretandis utique a communi usu loquendi recedendum non est, nisi ad sint rationes urgentes in contrarium.

Promittendo nos alteri obligamus, quia eidem nos obligare volumus, nec ultra voluntatem nostram quisquam nos sibi obligare potest, nec acquirere a nobis jus aliquod, nisi quod in eum conferre volumus (§. 382. part. 3. Jur. nat.). Quamobrem non tam verba paciscentium spectanda sunt, quam mens & voluntas sequenda. Mentem tamen aliunde cognoscere non possumus, nisi quatenus sufficienter indicatur per certa signa, quod per se patet. Hinc de eadem iudicandum ex iis, quæ dicta sunt, cum usus sermonis in eo consistat, ut mentem nostram alteri significemus. Quodsi tamen ad sint præter verba conjecturæ adhuc alix, quales adesse solere cum experientia probat, tum ex inferius demonstrandis patebit, quod hæc ducant, omnino dispiciendum. Quamobrem si tales sint, quæ

quæ mentem contrahentium aliam indicant, quam quæ ex verbis in significatu proprio acceptis colligi poterat, cum sic pateat ab eodem recessisse contrahentes, eidem quoque inhærendum non est. Quamdiu autem tale nil apparet, inhærendum utique significatui verborum proprio, quem consuetudo, verborum domina, approbat, cum non modo nulla adsit ratio, cur ab usu loquendi communi in interpretando recedamus, verum etiam cur ab eo recedentes hunc potius, quam alium verbis significatum tribuamus. Nisi ergo cuiuslibet quamvis fingendi libidinem concedere velis, ut nulla relinquatur negotiis humanis certitudo, nec ea exitum reperire possint; tenendum omnino est, quod in propositione præsentis demonstravimus. Quodsi contingat, aliquem mentem suam non sufficienter indicasse, ut alia appareat; id sibi imputet, quod non fecerit, ad quod faciendum erat obligatus.

§. 471.

De pactis antiquis eo sine notandis.

Quoniam in interpretandis pactis a communi usu loquendi non recedendum, nisi adsint rationes urgentes in contrarium (§. 470.), longiore autem usu proprius verborum significatus mutari solet; *pacta interpretanda sunt secundum usum loquendi ejus temporis, quo condita fuerunt.*

Mutationem significatus, quem longior usus introducit, nemo prævidere potest; consequenter absurdum foret statuere, quod pacificentes verba in eodem acceperint. Ea de causa haud raro difficilis redditur pactorum antiquorum, vel olim dictorum interpretatio, si de illa mutatione non satis constare possit. Hinc eruditio, quorum opera posteris quoque prodesse debent, magis convenit lingua mortua, quam alia quæcunque præsentis ævi. Sane quis nostro tempore legere amat, si libros lingua Germanica antiqua, vel etiam ante seculum Gallica conscriptos? Equis vero contendere auit, non fore aliquod tempus, quo lingua moderna sive Germanica, sive Gallica æque displicebit ac nauseam movebit posteris, quemadmodum præsentis ævo nauseamus antiquum loquendi ac scribendi modum.

Signifi-

Significatum vocabulis primum impositum parum curant homines, quorum in eo imponendo arbitrium dominatur, ut eundem veritant, qua velint. Immo multum quoque hic tribuendum casui, qui hominum non modo arbitrium regit, sed etiam haud raro vel insciis mutationem insinuat, ut adeo longa dies non soleat servare voces, in quibus primum datæ sunt.

§. 472.

Per *Etymologiam* intelligimus expositionem originis vocabulorum. Quoniam vocabula vel sunt composita, quæ quid sit, ex aliis componuntur, vel simplicia, quæ non componuntur ex aliis, & hæc vel derivativa, quæ ex alio vocabulo formantur, vel primitiva, quæ non formantur ab alio; *etymologus* inquirere debet in rationem, cur vocabula primitiva primitus ad eas res denotandas fuerint adhibita, quibus denotandis fuerunt destinata, & docere, a quibusnam derivativa deducantur & ex quibusnam composita componantur, ac quinam sit vi derivationis ac compositionis eorundem significatus.

Sequitur in definienda etymologia *Quintilianum*, qui lib. 1. c. 16. *Etymologiam* dicit inquirere in verborum originem. Quamvis vero significatus verborum sit arbitriarius; non tamen idcirco destituitur ratione, cum nihil fiat sine ratione sufficiente. Quamobrem vix dubitandum, quin primi vocabulorum inventores rationes desumerint a rebus, ad quas denotandas eadem adhibuerunt, ut adeo ipsa vocabula aliquid repræsentent, quod inest rebus per ea significatis, veluti quando cuculum idiomate patrio vocamus *Rustud* imitantes cantum huius avis: quæ vocabuli Latini etiam origo apparet, si a terminatione discesseris, præsertim cum non alia sit ratio, cur secunda syllaba *eu* sit longa, seu ei imponatur accentus. Vi adeo originis, quemadmodum olim visum est *Platoni*, vocabula sunt quasi quædam imagines rerum pro modulo cognitionis ab inventoribus effectæ. Hinc verum admiserunt in verbis *Stoici* ac *Platonici* & hoc dixerunt id, quod naturæ rei conforme &

[*Wolffii Jur. nat. Pars VI.*].

T t

ali:

aliquam ejus partem repræsentat. Et artis etymologicæ est invenire verum istud, quod inest verbis, præsertim primitivis. Cum nos philosophiam ad omne possibile extendamus, lubenter concedimus scientiam etymologicam esse partem quandam Philosophiæ, neque improbamus studium, quod in ea excolenda collocatur, etsi pro certo habeamus, nec a quoquam facile in dubium vocari possit, etymologiam nil conferre ad rerum cognitionem, sed hanc potius supponere. Immo subinde error origini vocabulorum ansam dare potuit, veluti quando Astronomi stellas quasdam dixerunt *adfixas*, quod eas orbi cuidam solido infixas putarent. Quamobrem in scientiis etymologiam prorsus inutilem agnoscimus, ubi notiones rerum sunt explicandæ & ex iis, quæ rebus insunt, demonstranda alia, quæ vel simul inesse debent, aut sub certa conditione inesse possunt. Ceterum ob verum istud, quod verbis inest, significatus verborum non definit esse arbitrarius, nec necessarius efficitur, cum eo non obstante res eadem alio adhuc vocabulo indigitari potuisset, quemadmodum ex vocabulo, quo Deus in diversis linguis appellatur, abunde patet. Sed de his prolixius dicere a præsentī instituto alienum est.

§. 473.

*Significatus
etymologi-
cus.*

Significatus etymologicus dicitur, qui petitur ab etymologia. Vocatur etiam *Grammaticus*, quia etymologia principis grammaticis superstructa, etsi quoad vocabula primitiva opus sit adhuc aliis.

Ita nonnulli vocabulum Deus derivant a Græco *deus*, quod timorem significat, ut adeo vi originis denotet ens metuendum ab hominibus. Unde *Petronius*:

Primus in Orbe Deos fecit timor.

Erit adeo significatus etymologicus, quod Deus sit ens hominibus metuendum, seu timendum. Hæc autem significatio æquivoca est, quatenus timorem accipis vel pro filiali, vel pro servili, aut utrumque conjungis. *Petronius* respexit ad metum servilem. Ita verbum *trado* compositum ex verbo *do* & præpositione

positione trans, adeoque vi originis significat ita dare quidpiam, ut a se transeat.

§. 474.

In interpretando significatus etymologicus non est attendendus. An in interpretando a communi loquendi usu receptando sit attendendum non est, nisi necessitas quædam urgeat (§. 470.), consuetudine sequenter significatus in communi sermone proprius retinendus (§. 139. Log.), ut scilicet vocabulo indigitetur ea res, cui indigitandæ communiter adhiberi solet (§. 138. Log.). Enimvero nemo est qui nesciat, in significatu, quem vocabulum ex communi loquendi usu obtinet, minime attendi originem ejus, consequenter significatum etymologicum insuper haberi. Quamobrem patet, nec in interpretando significatum etymologicum attendendum esse.

Parum curant homines, dum loquuntur, significatum etymologicum, immo curare non possunt, si vel maxime vellent. Etenim vocabulorum origines dum explicant etymologi, sæpiissime a se invicem dissentiunt. Ita non omnes vocabulum Deus a Græco *θεός* derivant. Vid. *Martinius* in *Lexico philolog. & etymolog.* Et qui hanc derivationem admittunt, rationem tamen denominandi non prorsus eandem reddunt. Ita vi originis Deus juxta alios significat ens ob mala physica, quæ inferre potest, metuendum; juxta alios ens, cui ob bonitatem summam reverentia ac timor filialis debetur; juxta *Petræonius* ens, quod timor fecit. Præterea vocabula successu temporis magnam subeunt mutationem, ut eorum origo vix agnoscat, adeoque etymologi in eam inquirentes literarum transmutatione, transpositione, elisione & adjectione eadem in alia transformant. Ita *Wachterus* in *Glossario Germanico* vocabulum patrium *Frucht*, derivat a verbo obsoleto *farēn* timere, nimirum ut primo fuerit *for*, & per metathesin *frut* vel *frut* & denique per epenthesin gutturalis *Frucht*. Accedit, quemadmodum jam ante annotavimus (not. §. 471.), quod longiore

ore usu propriæ significationes vocabulorum mutantur, ut parum vel nihil ab origine sua trahant. Ecquis adeo mentem alterius divinare audeat ex origine vocis, de qua nunquam cogitavit, immo plerumque ne cogitare quidem potuit? Verbis utimur ad ea denotanda, ad quæ denotanda adhibita fuerunt ab aliis, a quibus eadem didicimus, parum solliciti, quam significationem primitus ex origine acceperint.

§. 475.

Clausula pacis Si a paciscentibus expresse dictum fuerit, quod pactum cum eis quoad intellectum habere debeat, quem solum verborum proprietatem præ se fert; significatui proprio, quem vocabula ex communi usu locutionem adiungendi habent, strictissime inhaerendum. Etenim contra promissorem pro vero non habendum, nisi quod sufficienter indicavit (§. 428. part. 3. Jur. nat.). Quodli ergo expresse dictum fuerit, quod pactum cum intellectu habere debeat, quem solum verborum proprietatem præ se fert; sufficienter indicatum est, quod promissor ad aliud promissario obligatus esse nolit, nisi quod verba secundum communem usum loquendi indigitant (§. 139. Log.), consequenter nec aliud contra illum pro vero haberi potest. In hypothese adeo propositionis præsentis, significatui proprio, quem vocabula ex communi usu loquendi habent, strictissime inhaerendum.

Equidem vulgo pactis adjici minime solet hæc clausula; non tamen prius inauditum est, ut adjiciatur. Exemplum habemus apud *Camdenum* in Hist. Elis. part. 2. ubi discrete dicitur: Hoc fœdus illum intellectum habeat, quem solum verborum vis & proprietatem præ se fert. Non inutiliter clausula hæc adjicitur, ubi verendum, ne pars altera verba aliter interpretando, quam ea intellexit promittens, eadem detorqueat in sensum a mente ipsius alienum, ut ad id obligetur, ad quod obligari non voluit, vel etiam ipse promittens hoc faciat, ne ad

ad id obligetur, ad quod obligare sibi eundem voluit pars altera. Clausula igitur hæc arcet omnes conjecturas, quibus alias locus concedi facile poterat, consequenter lites præcavet circa interpretationem forsitan suborituras ac fidem fallacem manifestat, ubi quis verba aliter interpretari voluerit, quam debebat.

§. 476.

In pactis & promissis interpretandis non admittenda sunt reservationes mentales. Etenim per reservationes mentales a-nimo audientis falsa ingeneratur opinio, eademque sensum verborum detorquent in huic contrarium (§. 231. part. 3. *Jur. nat.*). Quodsi ergo paciscentibus liberum fuerit reservationibus mentalibus uti, pars una alteram intelligere nequit. Quamobrem cum paciscentes ita loqui obligentur, ut a se invicem intelligi possint (§. 467.); reservationibus mentalibus in pactis nullus conceditur locus. Enimvero qui pacta & promissa interpretatur, in mentem promittentis inquirat (§. 459.), consequenter explicat, quomodo verba paciscentium sint intelligenda. In pactis adeo atque promissis interpretandis non admittendæ sunt reservationes mentales.

Huc refero exemplum Locrorum, quod affert *Grotius* de J. B. & P. lib. 2. c. 16. §. 2. ex *Polybio* lib. 12. c. 4. Cum enim hi polliciti essent se pactis staturos, quamdiu terram hanc insisterent & capita humeris gestarent, eam intellexerunt terram, quam calceamentis suis injecerant, & capita aliorum, quæ humeris suis imposuerant; utique per reservationem mentalem (§. 231. part. 3. *Jur. nat.*). Atque adeo putabant, se ab obligatione esse liberatos, cum terram calceamentis injectam & aliorum capita humeris suis imposita abjicerent. Immo huc etiam referre licet exemplum *Bætorum* apud *Tibulidem* lib. 5. qui urbem polliciti reddere, evertam reddiderunt.

§. 477.

De cavillationibus in intentioni promissarii, non licet eum perducere ad alium intentioni interpretanti illius e diametro contrarium. Quodsi enim intentio promissarii fuerit manifesta, per eam patet, quid sibi promitti voluerit. Quamobrem si quis sensus verborum manifesto conveniat intentioni promissarii, promissor eidem promississe intelligitur, quod sibi promitti voluit (§. 428. part. 3. *Jur. nat.*). Quoniam itaque promissa sunt servanda (§. 431. part. 3. *Jur. nat.*); non ita interpretari licet verba, quibus promissum, ut promissio eludatur. Quoniam itaque hoc contingit, si sensus verborum intentioni promissarii manifesto conveniens perducatur ad alium intentioni ejusdem e diametro contrarium, hoc facere minime licet.

Istiusmodi cavillationes in interpretandis pactis, quæ fides tuetur (§. 760. part. 3. *Jur. nat.*) & a quibus fraus omnis procul abesse debet (§. 149. part. 5. *Jur. nat.*), minime ferendæ: immo dedecet virum bonum cavillationibus decipere alterum, qui dictis fidem habet. Exemplum præbet *Mubomet* Turcarum imperator, qui cum *Eubæa* capta alicui promississet, caput ipsi fore incolume, medium dissecari iussit. Huc etiam referendum, quod *Temures* cum præfidiariis urbis *Sebastiæ* pactus, ut urbe dedita sanguis non effunderetur, captivos vivos defodi curavit. Nimirum nemo non videt, in casu utroque paciscentes non aliud intendisse, quam ut vitæ ipsorum parceretur. Verba promittentium sensum huic intentioni convenientem fundebant; a promittentibus autem in sensum eidem prorsus contrarium perducebantur.

§. 478.

De interpretatione vocabulorum artium, seu termini technici explicanda sunt per definitiones prudentum cujusque artis, seu accipienda in significatione minorum in apud eos recepto in pactorum interpretatione, nisi adsint rationes

nes urgentes in contrarium. Etenim paciscentes præsumuntur *technico-* verba accepisse in significato recepto, quamdiu non prostant *rum.* rationes urgentes in contrarium (§. 469.). Quamobrem cum promissa & pacta interpretaturus investigare debeat mentem paciscentium, quam verbis suis significare voluerunt (§. 459.); in iis interpretandis non recedendum est a significato apud prudentes artis cujusque recepto, consequenter si definitiones prostant apud eosdem, cum per eas terminos explicari constet (§. 152. *Log.*), per eas utique explicandi erunt termini technici.

Non termini omnes in Scientiis ac Artibus definiuntur, sicuti fieri debebat, adeoque per definitiones artis peritorum non semper explicari possunt: alio igitur modo investigandus est significatus receptus, quemadmodum fieri solet in sermone communi, ubi definitione quoque carent vocabula. Quodsi contingat, terminos technicos non eodem prorsus modo ab omnibus definiri, vel etiam vagum eorundem esse significatum, quemadmodum in sermone communi; interpretatio alias requirit conjecturas, de quibus in sequentibus dicitur.

§. 479.

Si vocabula aliquid secundum gradus significant; definitio- De vocabu-
ni eorum in interpretatione non semper stricte inhaerendum; lis aliquid
sed orationi, cujus pars est vocabulum explicandum, conveniens secundum
definitio formanda. Etenim si vocabula significant aliquid *gradus si-*
secundum gradus, definitiones fieri solent ac debent, prout *gnificanti-*
res sunt in gradu perfectissimo. Quoniam tamen voca- *bns.*
bulis istis non semper utimur in eo significato, ut deno-
tent res, quales sunt in gradu perfectissimo, in interpre-
tatione autem mentem loquentis investigare debemus (§.
459.); vocabula quoque ista in interpretatione per defini-
tionem eorum, quæ dantur, explicare minime licet, adeo-
que

que iisdem strictè inhærendum non est, consequenter dispi-
ciendum, quænam immutanda sint, ut definitio conveniat ora-
tioni, cujus pars est vocabulum, adeoque isti conveniens
definitio formanda.

E. gr. Ponamus ita conventum fuisse, ut standum sit judi-
cio philosophi cujusdam. Quodsi vocabulum philosophi ex-
plicare velis per definitionem, qualem dari oportet in Philo-
sophia, nullibi terrarum reperire datur philosophum, cui de-
finitio, quæ philosophum in gradu perfectissimo repræsentat,
competit. Quamobrem per philosophum intelligi debet vir
doctus, qui præsumitur habere scientiam istius rei, de qua sta-
tuendum, seu judicium ferendum. Neque enim aliud inten-
disse videntur contrahentes, cum alias ipsorum negotium exi-
tum habere non possent.

§. 480.

Quid sit

Homonymia

*& Amphibo-
lia.*

Sicuti diversus ejusdem vocis significatus *Homonymia*;
sive *Æquivocatio* dicitur (§. 326. *Log.*); ita significat comple-
xionis plurium vocum, seu integræ orationis significat *Amphi-
bolia* vocatur. Quamobrem si *homonymia*, vel *amphibolia* ser-
monem obscurum reddit, ex verborum significato proprio interpre-
tatio fieri nequit, quoniam nimirum determinandum est, quæ-
nam ex pluribus significationibus in præsentī locum habeat,
ubi singulæ fuerint repertæ. Unde patet, si lateat *homonymia*
in vocibus singulis, vel *amphibolia* in complexione plurium vo-
cum, seu integra oratione; in interpretatione inquirendum esse
in diversos significatus, quos vocabulum, vel complexio verborum
habere potest, ac postea investigandum, quamam illarum significa-
tionum in interpretatione sit sumenda.

Homonymiam fecit partim vocabulorum indigentia, quip-
pe quæ necessitatem imposuit eodem res plures indigitandi
vocabulo; partim consilium ac propositum dicentis, qui ele-
gantiam in oratione quærens metaphoris & metonymiis uti
voluit;

voluit; partim etiam incuria, quod ad proprium significatum non semper attendunt loquentes. Amphibolia sæpe inest sermoni, etiamsi verbis, ex quibus constat, nulla inest æquivocatio, veluti si adsit ellipsis, nec quod omissum est, facile suppleri possit, aut adsit pleonasmus, qui ellipsi opponitur. Sed de causis amphiboliæ ex instituto dicere jam nostrum non est.

§. 481.

Si idem verbum, aut eadem verborum complexio plures la- De homony-
beat significatus, & in aliqua oratione bis vel aliquoties occur- mia & am-
rat; in interpretatione non idem semper significatus retineri potest. phibolia ca-
Quodsi enim idem verbum, aut eadem verborum complexio *dem aliquo-*
plures habeat significationes, nil obstat, quo minus aliquis *ties occur-*
in una orationis parte verbum istud vel verborum istam com-
plexionem in hoc significato accipiat, in parte alia in alio,
prout commodum acciderit, vel casus tulerit, cum ad id at-
tentus, quod nunc loquitur, non animum advertat ad id,
quod ante dixerat. Quamobrem cum interpretes mentem
dicentis investigare debeat (§. 459.), consequenter inquire-
re, quidnam per verba, quibus eam indicavit, significare
voluerit (§. cit.); non licet eidem vocabulo vel eidem ver-
borum complexioni, quoties occurrit, eundem imponere si-
gnificatum. Quodsi itaque idem verbum, aut eadem ver-
borum complexio plures recipiat significatus, & in aliqua
oratione bis vel aliquoties occurrat; in interpretatione non
idem semper significatus retineri potest.

Si vocabulum aliquod fuerit homonymon, non tamen in eadem oratione semper adhiberi in eodem significato, experientia satis constat. E. gr. feudum sumitur tum pro jure, quod competit vasallo in re feudali, tum pro ipsa re feudali. Nunc igitur in significato priori, nunc in posteriori accipi in eadem oratione potest. Quamobrem in interpretando dispendium, num accipiat pro jure, an pro re feudali, ne vel perversa,
(Wolffii Jur. Nat. Pars VI.) Uu vel

vel contorta, vel prorsus absurda prodeat interpretatio. Similiter tutela nunc de jure tutoris; nunc de munere accipitur, nec repugnat, ut in eadem oratione in utroque significato diversis locis accipiat. Quamvis adeo certum satis sit, in uno loco vocabulum esse accipiendum pro jure, non tamen ideo in altero quoque loco, ubi idem occurrit, pro jure tutoris accipiendum. Quolibet igitur pars orationis sigillatim interpretanda, nec ad reliquam est referenda.

§. 482.

*De signifi-
tu materia
convenien-
te in homo-
nymia &
amphibolia.*

Si obscuritas oritur ex homonymia vel amphibolia; significatus conveniens materia, de qua agitur, præferendus ceteris. Quod si enim vocabulum ob homonymiam vel verborum quorundam complexio ob amphiboliam plures habuerit significatus (§. 480.); dicens animum ad eum advestisse intelligitur, qui ipsi succurrere potuit. Quoniam igitur de re cogitanti succurrunt vocabula eidem denotandæ destinata (§. 273. *Psych. empir.*); quando de materia, de qua agitur, cogitat dicens, vocabulum ipsi succurrit tanquam signum ei indigitando aptum, quod materiæ convenit. Atque adeo patet non de alio significato tum cogitasse dicentem, quam qui materiæ, de qua agitur, convenit, consequenter si obscuritas oritur ex homonymia vel amphibolia, significatus conveniens materiæ, de qua agitur, præferendus.

Supponitur nimirum, abesse omnem fraudem, ne quis homonymia, vel amphibolia alterum, cui loquitur, decipere intendat. Quilibet enim sumitur ideo locutus esse, ut ab altero intelligi voluerit, & quando de pactis & promissis agitur, ita loqui debuit, ut ab altero intelligi potuerit. Quoniam igitur ea, de quibus dicere volumus, ante obversantur menti nostræ, quam verba, quibus indigenda, nobis succurrunt; utique non alia iisdem indigere volumus, quam quæ materiæ, de qua mentem nostram exprimimus, conveniunt. Hinc vulgo dicitur: *Verba intelligenda esse secundum substratam materiam.* Exempla plura affert Grotius de J. B. & P. lib. 2. c. 16.

§. 5.

§. 5. nobis sufficiant sequentia. Vox diei vel pro ea temporis parte, qua sol supra horizontem moratur; vel pro intervallo temporis, quod est viginti quatuor horarum, seu quod effluit interea, dum sol a fixo quodam cæli puncto digressus ad idem redit. Quodsi triginta dierum induciæ fuerint pactæ, cum induciarum tempore suspendi debeant actus bellici, coquis non videt, induciis convenire, ut non modo suspendantur interdiu, verum etiam noctu, consequenter dies hic intelligi debere, qui viginti quatuor horis definiuntur. Significatus adeo posterior, qui materiæ convenit, in interpretando priori præferendus, ut adeo nec noctu facere liceat, quod tempore induciarum fieri nequit. Hominis vox sumitur tam de homine vivo, quam mortuo. Quodsi quis promittat, se homines captivos reddere velle; is intelligitur promississe, quod vivos reddere velit. Quando enim convenitur de hominibus captivis reddendis, de vivis agitur, non de mortuis. Hinc in casu priori frivola erat cavillatio *Cleomenis*, qui aliquot dierum inducias pactus cum Argivis, noctu dormientes aggressus partim necavit, partim cepit, quod induciæ tantummodo pactæ fuissent in dies, non vero simul in noctes. Et ejusdem farinae in casu posteriori erat cavillatio *Plataensium*, qui cum Thebanos captivos reddere promississent, mortuos reddidere. Ferrum non modo sumitur pro metallo notissimo, sed & pro iis rebus, quæ ex metallo confectæ sunt, veluti pro gladiis. Quodsi conveniatur, ut milites ferrum deponant, id intelligendum est de gladiis, cum de militum armis, cum pacisceretur, cogitatum sit, adeoque hic significatus materiæ conveniat. *Pericles* itaque cum hostium quibusdam ita pactus, ut ipsi ferrum deponerent, eos pacti violatè perperam infimulavit, quod non deposuissent fibulas ferreas, quas in laciniis vestimentorum gerebant. Pars dimidia navium intelligi potest tam de divisione navium integrarum, ita ut, si duodecim fuerint naves, partem dimidiam constituent sex; vel de divisione sectarum, ita ut in eodem casu singularum navium partes dimidiæ numero duodecim constituent partem dimidiam illarum. Quando convenitur cum hoste, ut navium captarum partem dimidiam restituat; cum non alio fine sic

conventum fuerit, quam ne omnium jacturam faciat, qui partem dimidiam sibi restitui vult, satis patet materię convenire, ut pars dimidia navium intelligatur de divisione integrarum. Accedit, quod hanc interpretationem probet regula de sensu intentioni paciscentis conveniente non reducendo ad alium eisdem e diametro contrarium (§. 477.). In interpretando enim plures subinde regulę eidem interpretationi favent, tumque ea tanto manifestior est. Ita autem improbe ludit *Q. Fabius Labeo*, qui, cum *Antiochus* partem navium dimidiam eidem tradere deberet, singulas naves dissecuit. Simili modo cavillati sunt *Campani*, qui cum dimidiam armorum partem hosti tradere promississent, dissectis armis singulorum dimidium eos accipere jusserunt. Huc etiam refert *Puffendorfius* lib. 5. c. 12. §. 7. exemplum *Rhadamasti* apud *Tacitum* Ann. 12. qui cum *Mithridati* jurasset, se ei nec veneno, nec ferro vim allaturum, mox eum injecta multa veste necavit. Enimvero cum hic obscuritas non oriatur ex homonymia, vel amphibolia, nisi forsitan eandem arcessere velis a metonymia; ego mallem exemplum hoc potius reducere ad regulam superiorem (§. 477.), ad quam modo provocavimus. Etenim *Mithridatis* cum *Rhadamisto* paciscentis, ne vim veneno, aut ferro inferret, non alia fuit intentio, quam ut incolumis servaretur. Id nimirum voluisse intelligitur, ut nec vi manifesta, nec clandestina vita privaretur. Præstat omnino ad præscindendas cavillationes mentem suam satis determinate exprimere, ut nulla interpretatione sit opus (§. 460.): sed quoniam hoc non semper fieri facile potest, ac propterea interpretationem rectam tuetur ipsum Jus naturę (§. 466.), ideo cavillationes non minus illicitę sunt, quibus ex verbis ambiguis quæritur prætextus, quam si prætextu istiusmodi destituerentur.

§. 483.

*De vitando
absurdo in
interpretatione.*

Est interpretatio rejicienda, ex qua absurdum aliquod sequitur. Quoniam enim nemo præsumitur velle absurdum; quod per se patet; nemo quoque præsumitur verba, quibus animi sui sensa indicavit, ita intelligi voluisse, ut absurdum aliquod

aliquod inde consequatur. Quoniam ergo interpretando verba alterius inquiritur, quidnam per ea significare is voluerit (§. 459.); ea interpretatio rejicienda est, ex qua absurdum aliquod sequitur.

Absurdum dicitur non modo, quod physice impossibile; verum etiam quod a ratione alienum, ut nemo sanus vel prudens id velle dici possit. Exemplum esse potest statutum Bononiense, quod refert *Puffendorfius* loc. cit. §. 8. (not. §. 482.), ut, quicumque in platea alteri sanguinem elicuerit, gravissimas pœnas daret. Ex ea enim lege delatus aliquando fuit barbitonsor, qui alicui in platea venam secuerat. A ratione nimirum maxime alienum est, ut quis graves det pœnas, quod venam alicui secuerit in platea, cum nihil inde damni redundet neque in publicum, neque in hominem privatum, consequenter ratio nulla sit, cur venæ sectio in platea facta pœnam gravem mereatur. Illustre exemplum occurrit in l. 13. §. 2. ff. de excusat. ubi *Divus Marcus* ad excusationem tutori, qui in ipsa civitate est, vel intra centum milliaria, quinquaginta dies dedit: ei vero, qui ultra centum milliaria habitat, in unamquamque diem numerari iussit viginti milliaria, & extra hos alios triginta dies adjecit ad excusationem. Quodsi verba simpliciter accipere velis, prouti sonant; sequetur inde hoc absurdum, quod in deteriori ordine esse debeat, qui longius habitat, eo, qui intra centum milliaria est, vel in ipsa civitate. Pone enim alicujus habitationem centum sexaginta milliaria abesse. Cum is octo dierum spatium habeat centum sexaginta milliariorum nomine, triginta vero eo, quod ad excusationem faciunt; non erunt ei nisi dies triginta octo, cum ei, qui intra centum milliaria est, dati sint dies quinquaginta. Absurdum hoc ut evitetur, *Scavola, Paulus & Ulpianus* mentem legislatoris ita interpretantur, quod is voluerit, ut nunquam alicui minus detur quinquaginta dierum spatium; tunc autem longius, cum annumeratio dierum, qui in viam computantur, adjectis triginta diebus, qui ad excusationem dantur, excedit quinquaginta dies. Exemplum hoc afferunt, ut interpretatio ista facilius intelligatur.

tur. Ponamus aliquem quadringentis quadraginta miliaribus habitare: hic enim viæ quidem habebit dies viginti duos, ad excursionem autem alios triginta.

§. 484.

*Idem porro
expenditur.*

Quoniam ea interpretatio rejicienda, ex quo absurdum aliquod sequitur (§. 483.); si verborum significatui strikte inhærendo sequatur aliquod absurdum, ita facienda interpretatio est, ut absurdum istud evitetur.

Atque hic valet regula, magis spectandam esse mentem dicentis, quam verba: ad quam nos ducit intentio ejus ex materia vel aliis circumstantiis colligenda (§. 477.). Exempla, quæ modo dedimus (not. §. 483.), aperte loquuntur, quomodo facienda sit interpretatio, ut absurdum evitetur. Modo enim constat, quidnam absurdum ex significato vocum recepto sequatur; in casu particulari haud difficile erit reperire, quomodo absurdum evitari possit, consequenter quænam mens fuerit dicenti, etiamsi is non satis circumspexisset verbis eandem expresserit. Quodsi absurdum animadvertisset, quod certo casu consequitur, qui minus circumspexisset locutus, dubium non est, quin aliis verbis mentem suam expressisset.

§. 485.

*De nullitate
in interpre-
tando non
admittenda.*

Ea interpretatio non admittenda, qua stante sequitur, nihil actum esse. Etenim nemo prudens velle præsumitur, ut nihil actum sit, dum negotium aliquod gerit, veluti dum cum altero paciscitur, vel eidem quidpiam promittit, aut legem quandam præscribit: quod nemo sanus in dubium vocaverit, præsertim cum constet, nos naturaliter esse obligatos nil temere facere aut loqui (§. 278. part. 3. Jur. nat.). Quoniam itaque interpretando verba alterius inquiritur, quidnam per ea significare voluerit (§. 459.); non ita eadem interpretari licet, ut stante interpretatione nihil actum esse sequatur, consequenter interpretatio istiusmodi non admittenda.

Exem-

Exemplum illustre præbet casus apud *Quintilianum* de-
clam. 332, quem hisce verbis describit. Pauper & dives ami-
ci erant. Dives testamento alium amicum bonorum instituit
hæredem: pauperi jussit dari id, quod ille sibi testamento da-
ret. Apertæ sunt tabulæ pauperis: omnium bonorum insti-
tuerat hæredem. Petit totam divitis hæreditatem, Ille, qui
scriptus erat, vult dare tantum, quantum in censum habet pau-
per. Quodsi valeat interpretatio pauperis, ut ea mens fuisse
dicatur diviti, quod hæreditatem totam habere debeat pauper,
si omnium bonorum hæredem ipsum instituerit; institutio
hæredis scripti nullum haberet effectum, adeoque nihil egisset
dives, dum eum hæredem instituit. Pauperis itaque interpre-
tatio admitti nequit. Ita *Brasidas* apud *Thucydidem* lib. 4. cum
promississet se agro Bæoto decessurum, male negabat agrum es-
se Bæotum, quem exercitu insideret. Admissa enim hac in-
terpretatione, nihil actum erat, cum ita conveniretur, ut agro
Bæoto decederet *Brasidas*. Huc etiam pertinet casus apud
Carpzovium part. 3. const. 20. def. 5. quo inter virum & uxo-
rem in pactis dotalibus conventum fuerat, ut uxor superstes
certam portionem ex bonis mariti habeat, maritus vero eidem
in testamento aliquid legaverat. Quando enim quæritur, an
legatum hoc in portionem pactis dotalibus comprehensum com-
putari debeat; ubi hoc affirmare volueris, legando nihil actum,
adeoque hæc interpretatio, quasi ea fuerit mens legantis, ad-
mittenda non est.

§. 486.

Quoniam ea interpretatio non admittenda, qua stante *Idem* porro
sequitur, nihil actum esse (§. 485.); si verborum significatus expenditur.
Ariste inhaerendo sequatur nihil actum esse, ita facienda interpreta-
tio, ut aliquid actum sit, vel ut res, de qua agitur, valeat, non pereat.
Idem valet, si ambigua fuerit oratio.

Convenit hoc cum l. 12. ff. de reb. dub. Quoties in acti-
onibus aut in exceptionibus ambigua oratio est; commodissi-
mum est id accipi, quo res, de qua agitur, magis valeat, quam
pereat.

pereat. Hinc in casu apud *Quintilianum*, quem modo memoravimus, facienda interpretatio, ut hæres scriptus tantum det pauperi, quantum ipse in censum habet. Et in casu secundo dicendum, *Brasidæ* fuisse decedendum agro, quem exercitu insidebat; in tertio autem, viduæ una cum portione in pactis dotalibus conventa deberi legatam. Enimvero si interpretatio ita facienda, ne nihil actum sit, vel ut evitetur absurdum; contingere potest, ut non una sit interpretatio, qua absurditas, vel nullitas vitatur. Ex aliis itaque regulis tum dijudicandum, quænam eligi debeat. Immo etiam si vi regulæ præsentis eliciatur statim interpretatio menti dicentis conveniens; in casu tamen particulari particulares dantur rationes, quæ interpretationem confirmant. Cumque rationes speciales apertius ostendant mentem dicentis, eædem negligendæ non sunt. Ita in exemplo primo facile patet, testatorem magis fuisse hæredi scripto, quam legatario, consequenter præsumi minime posse, quod voluerit, ut ex asse hæres sit pauper, si se hæredem omnium honorum suorum instituerit. Similiter haud obscure colligitur; testatorem voluisse, ut sit æqualitas inter legatum & id, quod a paupere amico sperare poterat, siquidem ei supervivisset. Et in casu *Brasidæ* constat, agrum, quem quis exercitu infidet, nondum esse suum. Similiter in tertio maritus fuisse intelligitur uxori, adeoque voluisse, ut plus haberet, quam ex pactis dotalibus ipsi deberetur.

§. 487.

De interpretatione. Si quæ obscure dicuntur, in antecedentibus vel consequentibus, vel alio loco & occasione sine obscuritate dicta sunt; ea, quæ ex conjunctione obscuræ dicuntur, ita interpretanda sunt, ut cum verborum peritis origine, spicuum significacione conveniant. Etenim ubi manifestum non est, aliquem voluntatem suam mutasse, idem velle quis præsumitur, ubi obscure dicit, quæ velit, quam ubi idem sine obscuritate dixit. Quamobrem cum verba ita interpretanda sint, ut quænam fuerit mens dicentis appareat (§. 459.); si quæ obscure quis dixit, in antecedentibus, vel consequentibus,

tibus, vel alio etiam loco & occasione idem dixit sine obscuritate, quin ista interpretanda sint, ut cum horum significatione conveniant dubitandum non est.

Grotius tres locos memorat lib. 2. c. 16. § 4. ex quibus voluntatis conjecturæ petuntur, materiam, effectum & conjuncta. De iis, quæ petuntur ex materia, diximus §. 482.; de iis vero, quæ ex effectu desumuntur §. 483. & seqq. Restat ut etiam dicamus de iis, quæ ex conjunctis derivantur. *Conjuncta* vero vocantur, quæ de re eadem, vel affinitatem quandam cum ea habente ab eodem dicuntur. Ex *origine conjuncta* appellat Grotius, quæ ex eadem voluntate proficiuntur, etiam si alio loco & occasione dicta: *conjuncta origine* & loco vero, quæ ex eadem voluntate proficiuntur in eodem loco dicta. Hæc ideo annotare libuit, ut, quæ hic demonstrantur, cum iis, quæ Grotius tradit, facilius conferri possint. Theologi dicunt, *sensum erui ex contextu*, si eorum, quæ obscurius dicta sunt, sensus investigatur ex collatione cum antecedentibus & consequentibus: aut *ex locis parallelis*, si quæ in uno loco obscurius dicta videntur, explicantur per ea, quæ alio in loco conspiciæ de eadem materia dicuntur. *Interpretatio ex contextu* eadem est cum interpretatione ex conjunctis origine ac loco; *interpretatio vero per loca parallela* eadem cum interpretatione ex conjunctis origine tantum, sed non etiam loco. De prioris interpretatione loquitur Augustinus contra Adamantium c. 42. Quando: particulas, inquit, quasdam de scripturis eligunt, quibus decipiant imperitos, non connectentes ea, quæ supra & infra scripta sunt, ex quibus voluntas & intentio scriptoris possit intelligi. De posteriori Cicero intelligendus de inventionione l. 2. quando scribit: qua in sententia scriptor fuerit, ex ceteris ejus scriptis, ex factis, dictis, animo atque vita ejus sumi oportebit.

§. 488.

Ita facienda interpretatio est, ut inferiora & superiora textus inter se concordent, nisi manifesto appareat, per inferiora superius expenditur.
(Wolffii Jur. nat. Pars VI.) Xx perio-

periora fuisse mutata. Etenim non modo nemo velle præsumitur, quæ sibi mutuo contrariantur; verum etiam, quæ quis dicit, nunc ad antecedentia, nunc ad consequentia refert, ut adeo nonnisi per superiora intelligantur, vel per inferiora explicentur. Quamobrem si verba ejus intelligere volueris, necesse est, ut nunc antecedentium, nunc consequentium, nunc utrorumque rationem habeas, adeoque quæ dicuntur cum superioribus & inferioribus conferas. Quoniam itaque intellectum verborum quæris, ubi ea interpretari volueris (§. 459.); ita facienda interpretatio est, ut inferiora & superiora textus inter se concordent. *Quod erat unum.*

Quodsi vero & superiora, & inferiora adeo clara fuerint, ut per se intelligi possint, atque adeo manifesto appareat, inferiora aliam indicare mentem dicentis, quam superiora (§. 459.); consequenter superiora per inferiora fuisse mutata (§. 290. *Ontol.*); standum utique est eo, quod posterius placuit. Atque adeo interpretatio tum ita facienda non est, ut inferiora cum superioribus concordent. *Quod erat alterum.*

Homines amant brachyologiam. Quodsi ergo ipsorum intentio ex antecedentibus fuerit satis manifesta, ut per eam, quæ dicuntur, intelligantur, etiam si non satis determinate mentem suam exprimat; ita loqui solent, ut verba extra contextum spectata in alium sensum a mente ipsorum alienum facile detorqueri possint, aut obscura videantur, quæ ad antecedentia relata satis perspicua sunt. Patet etiam subinde per antecedentia satis determinate materia, de qua agitur, quæ si rite expendatur lucem affundit verbis in sequentibus, quæ per se obscuriora videntur. Similiter quando ipsimet prævidemus, ex iis, quæ dicimus, alios non sufficienter mentem nostram perspicuos, vel etiam contingere posse, ut verba in alienum sensum non sine quadam specie detorqueantur; ea addere solemus in sequentibus, quæ ambiguitatem omnem tollunt. Immo

mo subinde etiam ipsa materia, de qua agitur in superioribus, lucem affundit ei, quæ occurrit in inferioribus, vel contra, quatenus concordia spectanda est sive in affirmando, vel negando, sive in volendo. Quodsi vero manifestum fuerit, non dari inter superiora ac inferiora concordiam; contra evidentiam nulla valet præsumtio. Consentit cum propositione præsentis *Celsus* l. 24. de LL. ubi: incivile est, inquit, nisi tota lege perspecta, una aliqua particula legis proposita judicare & respondere. Differt autem propositio præsens a præcedente. In præcedente nimirum supponitur, idem in uno loco obscurius dici, in alio autem verbis magis perspicuis efferrî. Ast in præsentis saltem supponitur, dari affinitatem quandam inter ea, quæ superiori loco extant, & ea, quæ inferius occurrunt, ut unum alteri intelligendo rectius inserviat. E. gr. Ponamus Titium tibi debere viginti modios tritici. Postea conveniri, ut loco tritici solvatur avena, non expressa quantitate. Conventio posterior foret sola, seu in se spectata inutilis, cum nulla quantitate expressa non constet, quid sit solvendum. Enimvero si conventio posterior referatur ad priorem, quam utramque eidem iustrumento insertam supponere liber; ex quantitate tritici, quæ debebatur, facile determinatur quantitas avenæ ejus loco solvendæ, cum constet de ratione pretii avenæ ad pretium tritici, qualis scilicet fuerit tempore novationis, vel communiter statuitur, siquidem de illa non satis constet.

§. 489.

Si certo constet, quenam ratio unice moverit voluntatem al- De ratione terius, seu cur hoc voluerit; verba ita interpretanda sunt, ut voluntatis eidem conveniant. Etenim si certo constet, quenam ratio indicio in unice moverit voluntatem alterius; tum nobis manifestum interpretan-
est, cur hoc, de quo quæritur, quomodo intelligendum sit, *do.*
voluerit. Id igitur voluisse dicendus est, quod stante ratione ista velle potuit ac debuit. Quamobrem cum hæc sit mens ejus, quam verbis exprimere voluit (§. 459.); ita

Xx 2

omnino

omnino verba interpretanda sunt, ut rationi, quæ uni-
ce movit voluntatem ejus, cujus mens investigatur, con-
veniant.

Ita donatio propter nuptias non valet, & jam facta revo-
cari potest, quando nuptiæ non sunt consecutæ. Etenim ra-
tio unica, cur promissa fuerit donatio, vel etiam actu facta,
fuerunt nuptiæ: quodsi ergo eadem non fuerunt securæ, ces-
sante ratione, cur quid promissum, vel etiam datum fuerit,
cessare etiam debet donandi voluntas, & in casu posteriori
ea intelligitur fuisse voluntas donantis, ut restituatur quod da-
tum, nisi nuptiæ subsequantur. Recte huc refert casum, qui
proponitur ab Autore ad *Herennium*, *Puffendorfius* lib. 5. c.
12. §. 10. Lex est, qui propter tempestatem navim relin-
quunt, omnia perdant: eorum navis ceteraque sint, qui in navi
remanerint. Magnitudine tempestatis omnes perterriti navim
reliquerunt & in scapham conscenderunt, præter unum æ-
grotum, qui propter morbum exire & fugere non potuit.
Casu navis in portum incolumis delata est. Illam ægrotus
possidet. Navim petit ille, cujus fuerat. Nemo non videt,
rationem hujus legis unicam fuisse, ut, qui navis servandæ
causa periculum vitæ subit, præmio aliquo gaudeat, eoque in-
citetur ad vires omnes in navim conservandam impendendas,
& ne quocunque metu impulsus navem deserant, qui eam servare
potuissent, si mansissent. Stante autem hac ratione, non ea
dici potest fuisse mens auctori legis, ut navim haberet, qui in
ea remanere coactus ad eam servandam nihil conferre potuit.
Ægrotus itaque eandem prætereundum nequit. Nintur propo-
siti præsens principio ontologico, quod posita ratione suffi-
ciente, ponatur id, quod propter eam potius est quam non est
(§. 118. *Ontol.*). Hinc enim sequitur, posita ratione unica,
propter quam quis quidpiam voluit, ponendum quoque esse
id, quod vi illius potius voluit, quam non voluit. Præsens
itaque propositio fundamento tam firmo ac inconcusso innixa
maximam vim habet in interpretando. Consentit cum pro-
positione præsentis tritum illud: Cessante ratione legis, cessat
lex.

§. 490.

*Si plures fuerint rationes, quæ nonnisi conjunctim move- De rationi-
rant voluntatem, ita ut ob unam earum, quod quis voluit, idibus pluribus
non voluisset; ita facienda interpretatio, ut nonnisi iis con- conjunctim,
junctim conveniat. Quodsi vero plures fuerint rationes, quæ vel divisim
divisim movere potuerunt voluntatem, ita ut ob unam quam- voluntatem
libet earum solam idem voluisset, quod ob eas simul vo- moventi-
luit; interpretatio ita facienda, ut singulis divisim conveniat. bus.*

Etenim si plures fuerint rationes, quæ nonnisi conjunctim moverunt voluntatem, ita ut ob unam earum, quod quis voluit, id non voluisset; omnes istæ conjunctim sumtæ sunt ratio sufficiens, cur quis quidpiam voluerit (§. 56. *Ontol.*). Quamobrem cum posita ratione sufficiente, ponatur id, quod propter eam potius est, quam non est (§. 118. *Ontol.*); positæ rationibus istis conjunctim ponitur voluntas. Atque adeo eadem simul sumtæ sunt unica illa ratio, quæ voluntatem moverunt. Quoniam itaque, si certo constet, quænam ratio unice moverit voluntatem, ita facienda interpretatio, ut eidem conveniat (§. 489.); Si plures fuerint rationes, quæ nonnisi conjunctim moverunt voluntatem, ita ut ob unam earum quod quis voluit non voluisset, ita facienda interpretatio, ut nonnisi iis conjunctum conveniat. *Quod erat unum.*

Quodsi vero plures fuerint rationes, quæ divisim movere potuerunt voluntatem, ita ut ob unam earum idem voluisset, etiamsi de altera non cogitasset; quælibet earum spectanda est tanquam ratio unica, quæ voluntatem movit, seu, quod perinde est, tanquam ratio sufficiens, cur id voluerit. Quamobrem cum ita facienda sit interpretatio, ut conveniat rationi, quam unicam esse conitar, ob quam quis quidpiam voluit (§. 489.); si plures fuerint rationes, quæ divisim movere potuerunt voluntatem, ita ut ob unam ea-

rum solam idem voluisset, quod ob eas simul voluit, interpretatio ita facienda, ut singulis divisim conveniat. *Quod erat alterum.*

Ratio, quæ movet voluntatem, sufficiens esse debet, cum ea posita ponatur volitio (§. 118. *Ontol.*). Ratio autem sufficiens vel simplex esse potest, vel composita. Nec obstat quicquam, quominus subinde dari possint rationes sufficientes plures ejusdem volitionis.

§. 491.

De verbis Si verbum quoddam, vel verborum quædam complexio sumitur cum relatione ad aliquid; significatus, quem habet, quando simpliciter ad aliquid citetur sumitur, ita immutandus, ut relationi isti conveniat. Nimirum quando verbum cum relatione ad aliquid sumitur, cum eandem connotet, necesse est, ut significatus ejus aliquid ab ea trahat, adeoque idem subsistere nequit, quem simpliciter sumtum habet. Necesse igitur est hunc ita immutari, ut relationi ad aliud, cum qua sumitur, conveniat.

E. gr. Major anni pars, quando verba simpliciter accipiuntur, denotat temporis spatium, quod sex menses superat. Enimvero quando duo contendunt de possessione, cui debeatur, l. 156. de V. S. majore anni parte possedisse quis intelligitur, etiamsi duobus mensibus possederit, si modo adversarius ejus aut paucioribus diebus, aut nullis possederit. Tum enim major anni pars sumitur cum relatione ad tempus, quo adversarius possedit, quod minor anni pars est, quam tempus, quo possedit alter, vel etiam nulla, quatenus scilicet tempus nullum spectatur tanquam terminus, unde spatium annum incipit, adeoque instar principii, sicuti Mathematici in serie numerorum naturali tam positivorum, quam negativorum primo loco ponunt cyphram, seu 0, supra quam continua unitatis additione crescunt numeri positivi, & infra quam eodem modo

modo decreſcunt privativi. Pendet veritas propoſitionis præſentis a principiis Grammaticæ univerſalis. Quodſenim quis omnem artem interpretandi methodo demonſtrativa tradere veller; iſ ſupponere deberet Grammaticam univerſalem atque Rhetoricam, & Logicam tam demonſtrativam, quam probabilitum eadem methodo in formam ſcientiæ redactam. Ita nimirum haberemus ſcientiam generalem interpretandi. Quodſi vero porro deſideraretur ſpecialis linguæ cuidam propria; Grammatica ſpecialis in ſubſidium vocanda foret, ut inde peterentur principia linguæ iſti propria. Viam hanc ingreſſus eſt *Joannes von Selde* in Tractatu de Scientia interpretandi cum in genere omnes alias orationes, tum in ſpecie leges Romanas, opere quinquaginta & quod excedit annorum. Ipſe tamen ingenuè fateatur, ſe nondum penitus abſolviffe omnia, quæ dicenda fuerunt. Cum lex naturæ nos obliget ad actionum rectitudinem (§. 189. part. 1. *Phil. præſt. univ.*); dubium non eſt, quin etiam nos obliget ad rectitudinem in interpretando: quod in pactis & promiſſis tanto evidentius patet, quia in iis adimplendis ſine recta interpretatione legi naturæ ſatiſſeri haud raro non poteſt. Quoniam vero in actione humana recta nihil deſiderari debet ex parte intellectus (§. 79. part. 1. *Phil. præſt. univ.*); autoritate legis naturæ pro recta haberi nequit interpretatio, niſi quæ ita ſeſe habet, ut ex principiis antea dictis demonſtrari poſſit. Equidem non nego fieri poſſe non una de cauſa, in quam nobis jam inquirendum non eſt, ut abſque ſcientia, quam diximus, interpretandi recta ſæpius fiat interpretatio, quemadmodum bene ſæpiſſime ratiocinantur, qui Logicam artificialem non didicerunt, naturali contenti; quemadmodum tamen propterea Logica artificialis non eſt inutilis, ac minus recte damnatur ab ignorantibus, ita quoque Hermeneutica artificialis, quæ nomen ſuum tuetur, non eo nomine damnanda, quod ſine ea in rectas quoque interpretationes inciderint interpretes caſu temerario. Neglectus ſolidioris ſcientiæ interpretandi quantum noceat, abunde docet copia diſputantium & pugnantium ſententiarum tam in Theologia, quam in Jurisprudencia; & hoc permovit Autorem modo

modo laudatum, ut ad scientiam interpretandi solidiorem investigandam animum appelleret.

§. 492.

De sententia *Sententia orationis alia subinde est in sensu conjuncto, alia orationis di- in diviso, seu, si verba conjunctim & si divisim accipiantur. Pa- visim, vel tet hoc per exempla. Ita v. gr. posse dormientem vigilare conjunctim in sensu conjuncto significat, eum, qui dormit, vigilare posse dum dormit; in sensu autem diviso, eum, qui nunc dormit, posse vigilare dum quid fit, aut fieri debet, vel tempore sequente. Hinc consequitur, in interpretando attendendum quoque esse, utrum sententia orationis sit divisim, an conjunctim accipienda.*

Simile exemplum est, quando dicitur: *Ægrotus est sanus, item Lazarus mortuus vivit.* In priori enim casu sensus hic est, qui erat ægrotus, vel ægrotus dicebatur, sanus est; in posteriori Lazarus, qui erat mortuus, vivit, quando sententia orationis divisim accipitur. Equidem ad interpretationem in exemplis datis ducere videtur regula, quod ea ita facienda, ut evitetur absurdum (§. 484.); non tamen propterea regula præsens inutilis videri debet, cum per eam pateat, ita interpretationem fieri posse, ut absurdum viretur.

§. 493.

De significa- Si verba quædam, aut verborum complexio nunc pau- ta latiori & ciora, nunc plura significat; in priori casu significatum stri- strictiori. ctorem, in posteriori latorem habere, vel etiam in isto in si- gnificatu strictiori, in hoc in latiori sumi dicuntur. Dari autem istiusmodi voces & verborum complexiones, quæ significatum duplicem, alterum strictiorem, alterum laxiorem, seu latorem habent, exempla probant; veluti quando idem est nomen speciei unius & generis, ut cognatio & adoptio; quando nomen aliquod masculinum sumitur etiam

etiam pro communi, ut *si quis* tam de masculis solis, quam de masculis & foeminis simul usurpatur, canis tum pro mare, tum pro mare & foemella, seu utroque sexu; quando usus artis latius patet, quam popularis usus, seu eadem vox tanquam terminus technicus ad alia significanda producitur, quam fert communis usus loquendi, veluti si in jure mors præter mortem naturalem significat etiam civilem, nempe deportationem; quando etiam pro substrata materia verborum aliqua complexio ad plura extenditur, vel ad pauciora restringitur, quam proprius verborum significatus admittit, veluti si mittere auxilium nunc significet mittere auxilium cum impendiis, nunc vero mittere auxilium sine impendiis.

Cognatio nimirum in genere complectitur sub se agnationem & cognationem in specie sic dictam; adoptio autem arrogationem & adoptionem in specie sic dictam. Similiter culpa sub se continet dolum & culpam in specie sic dictam tanquam suas species. Ita plura dantur animalia, quorum utrique sexui convenit nonnisi nomen commune, etsi istud sit vel masculini generis, ut canis, passer, vel foeminini, ut columba, alauda. Usus artis non modo verborum significatum ampliorem reddit, seu extendit ultra usum vulgarem, verum etiam subinde restringit, prouti commodum visum fuerit. Ita verbum in Grammatica tanquam terminus technicus multo strictiorem habet significatum, quam in communi sermone. Significatum latiore subinde etiam peperit abusus, in ipso etiam communi sermone, veluti cum studiosum Theologiae vocamus Theologum, ut quando dicitur in Academicis Theologos semper esse nequissimos, vel studiosum Philosophiae Philosophum & Logicæ Logicum. Tum enim significatus entis actu extenditur etiam per abusum ad ens potentia. Istiusmodi autem *significatus* rectius dicuntur *abusivi*.

§. 494.

*Favorabile
& odiosum
quid sit.*

Favorabile dicitur, quod ad utilitatem alicujus promovendam facit. *Favere* enim, ut *Schardius* notat in *Lexico Juridico*, idem est ac commodum, seu utilitatem alicujus tueri ex animo. *Odiosum* igitur, quod eidem opponitur, appellatur, quod ad utilitatem alicujus promovendam non facit, eumque onerat.

Difficile videtur definire, quid *favorabile* dicatur, quid *odiosum*. Unde & *Grotius* de J. B. & P. lib. 2. c. 16. §. 10. missa definitione *favorabilis* ac *odiosi* tantummodo recenset, quænam in pactis ac promissis habenda sint pro *favorabilibus*, quænam pro *odiosis*, eundemque sequitur *Puffendorfius* verba ipsius, quemadmodum in aliis, ita etiam hic repetens. Non tamen videmur nobis a significatu in Jure recepto recessisse ita definiendo *favorabili* ac *odioso*, non modo quod cum *Schardii* interpretatione verbi *favere* consentiat significatio tradita, verum etiam quod ex definitionibus nostris sequatur, ea esse *favorabilia* ac *odiosa*, quæ in illorum ac horum censum refert *Grotius*. Bene autem observat *Schardius* loc. cit. quoties mentionem *favoris* facit lex, non accipiendum esse vagum aliquem ac proclivem hominis affectum, qui sæpe solet errare in delectu honesti; sed intelligendam esse utilitatem quandam adeo conjunctam justitiæ, ut *favor* nihil aliud censei possit, quam ipsum jus: siquidem jus a causa finali inspectum nihil aliud sit, nisi honestæ utilitatis dispensatio ad transigendam hanc vitam civiliter secundum voluntatem Dei.

§. 495.

*Quanam in
pactis & fa-
vorabilare-
ferenda.*

Quoniam *favorabile* ad utilitatem alterius promovendam facit (§. 494.), pacta vero mutuas promissiones continent (§. 788. part. 3. *Jur. nat.*); *favorabilia* in pactis sunt, quæ ad communem spectant utilitatem, & utrique parti æqualiter consulunt. Unde porro consequitur, *promissi* *favorem* eo majorem esse, quo major est ac quo latius patet ista utilitas.

Atque

Atque hæc sunt, quæ in pactis ad favorabilia refert *Grotius*. Æquitati nimirum maxime convenit, ut æqualis sit paciscen-
tium conditio, quemadmodum patet ex iis, quæ de æqualitate
in contractibus observanda alias demonstravimus. Nisi enim
adsint rationes, quæ contrarium suadent, nemo præsumitur a-
lienæ utilitati magis consultum voluisse, quam propriæ.

§. 496.

Quoniam in pactis favorabilia sunt, quæ utrique par- *An inæqua-*
ti æqualiter consulunt (§. 495.), favorabilia non sunt, quæ *litas in pa-*
partem alterum tantum onerant aut plus onerant altera, *dis odiosa*,
consequenter cum odiosa sint, quæ favorabilia non sunt (§.
494.); *odiosa utique sunt in pactis, quæ partem alteram tantum*
onerant, aut plus onerant altera.

Sequitur idem etiam inde, quod utilitatem alterius non pro-
moveat, quod ipsum onerat, id vero odiosum sit, quod ipse
utilitatem non promovet (§. 494.). Si alter tibi vicissim præ-
stat, quantum tu præstas ipsi, præstatio onus non est. At si
quis præstare debet alteri, pro quo nihil vicissim recipit, id uti-
litati ipsius obest, eumque onerat. Ubi igitur utriusque spe-
ctanda est utilitas, vel spectandum commodum utriusque, ille
oneratur, qui præstare quid debet, pro quo vicissim nil recipit,
adeoque & plus præstare, quam ipsi ab altero præstat.

§. 497.

Cum per ipsam pœnæ notionem constet, ea utilita- *An pœnale*
tem ejus, qui punitur, non promoveri (§. 285. *part. 1. Phil. quod est sit*
præcl. univ.), ac idem de pœna conventa, quæ pactis ad- *odiosum*.
jicitur, pateat (§. 606. *part. 3. Jur. nat.*); odiosum vero sit,
quod utilitatem nostram minime promovet (§. 494.); quæ
pœnam continent, odiosa sunt.

In pactis locum non habent nisi pœnæ conventionales, quæ
in aliqua præstatione consistunt, pro qua nihil vicissim recipis
(§. 606. *part. 3. Jur. nat.*), consequenter quæ te tantummo-

do onerat. Quamobrem cum odiosa sint in pactis, quæ partem alteram tantummodo onerant (§. 496.); pænæ pactis adjectæ ad odiosa utique referendæ. Ne vero quis existimet, in ceteris pænis non æque manifestum esse per definitionem odiosi, quam dedimus (§. 494.), quod eadem in odiosorum numero sint; sequentia perpendat velim. Multa, quæ in pecunia consistit, non facit ad utilitatem ejus, qui multatur, cum perdat, quod habet. Enimvero aliæ pænæ pecunia redimi solent, adeoque in multas mutantur, & quilibet puniendus, si fieri posset, sive physice, sive moraliter, pecunia pœnam redimere mallet. Quamobrem cum multa non faciat ad utilitatem ejus, qui multatur; multo minus pænæ aliæ, quæ multa majores æstimantur, ad utilitatem ejus, qui punitur, facere possunt.

§. 498.

An odiosa sint, quæ a- Denique cum contra utilitatem tuam sit, si actus tibi
utis irritus fiat, odiosum vero sit, quod contra utilitatem
faciunt. tuam sit (§. 494.); *Quæ actus faciunt irritos, sive ex toto,*
sive ex parte, consequenter etiam *qua de prioribus aliquid immu-*
tant, odiosa sunt.

Paciscuntur homines invicem utilitatis suæ causa. Quamobrem si pacta ipsorum irrita fiunt, id contra utilitatem ipsorum est, atque ideo odiosum quidpiam. Aliud est, si mutuo dissensu pactum dissolvunt, tum enim major utilitas est in pacti dissolutione, quam in ejus adimpletione.

§. 499.

De mixtis Si favor & odium concurrunt, id *Mixtum* dicitur, scilicet ex favorabili & odioso. *Quando itaque interpretatio fieri debet vel favoris, vel odii causa; mixtum accensetur favorabilibus, odiosis.* Si favor prævalet, si vero odium prævalet, odiosis accensetur.

An aliquid sit favorabile, an odiosum, plerumque absque difficultate cognoscitur, cum quilibet facile sentiat, quid ad utili-

utilitatem suam faciat, quid eidem repugnet. Ast quid mixtum sit, non semper adeo facile cognitu, cum non eodem modo pateat, utrum quod favorabile est, an quod odiosum predominetur. *Gratus* lib. 2. c. 16. §. 10. exempli loco assert mutans priora, sed pacis causa, quod pro magnitudine boni aut mutationis modo favorabile, modo odiosum censeretur. Recte autem idem addit, ceteris paribus favorem censendum esse potiorum, nimirum ut ab odiosis absteatur, nisi favorabile quod odiosum est insigniter superet, veluti si auxilium denegetur, quod favorabile, quando ferendum contra socios, quod odiosum.

§. 500.

In favorabilibus verba sumenda sunt secundum totam proprietatem usus popularis, & si plures sint, eam, quæ latissima verbi interpretatio est. Etenim quoniam favorabile ad utilitatem promovendam facit (§. 494.), qui favorabile quid promittit, vel in favorabilitatem alicujus constituit, is declarat animum utilitatem alterius promovendi, adeoque cum nihil obstat, quo minus verba sumantur in eo significato, quem habere possunt, & contra dicentem pro vero habendum sit, quod sufficienter indicatum (§. 427. *part. 3. Jur. nat.*), verba utique sumenda sine ulla restrictione in eo significato, quem iisdem tribuit usus loquendi, consequenter secundum totam proprietatem usus popularis (§. 139. *Log.*). Quod si vero usus loquendi plures admittat significatus, cum jam queratur, quinam alteri sit præferendus, quoniam qui loquitur nullo modo indicat, se verborum suorum significatum restringi voluisse, sumenda erunt verba secundum eam proprietatem, quæ latissima est.

Ostenditur etiam hoc modo. Agitur hic de interpretatione pactorum & promissorum mere liberalium, atque eorum, quæ in favorem alicujus constituuntur. Quæ in pactis favorabilia sunt, ea ad communem utilitatem spectant,

& utrique parti iisdem æqualiter consulitur (§. 495.). Quamobrem cum communis utilitas ratio sit, cur ita convenerint (§. 56. *Ontol.*); nulla quoque ratio urget, cur præsumatur, eos a significato proprio, seu eo, quem verba ex communi loquendi usu habere possunt, recessisse, consequenter in favorabilibus interpretandis sumenda sunt verba secundum totam proprietatem usus popularis &, si plures fuerint, eam, quæ latissima est.

Si alteri quid mere liberaliter promittis, scilicet quod gratis quid dare, vel facere velis, consequenter ut nihil vicissim a promissario recipias (§. 18. *part. 4. Jur. nat.*), ex mera benevolentia; utilitati ipsius consulere vis. Quamobrem cum per hoc, quod utilitati ipsius consulere velis, ex mera benevolentia minime intelligatur, te verborum, quibus mentem tuam exprimis, significatum restringere voluisse, nulla quoque ratio est, cur eundem restringere velis (§. 56. *Ontol.*), consequenter id sufficienter indicatum intelligitur, quod fert usus loquendi. In promissis adeo mere liberalibus interpretandis verba sumenda sunt secundum totam proprietatem usus popularis, nisi aliunde aliud appareat (§. 489.).

Denique si quid in favorem alterius constitutum est, utilitas ejus unica ratio est, quæ constituentem movit, ad hoc constituendum (§. 494. *b. & §. 56. Ontol.*), nimirum ita constituit, quia voluit, ut consulatur utilitati alterius. Patet igitur ut ante, verba sumenda esse secundum totam proprietatem usus popularis &, si plures fuerint, eam, quæ latissima est.

E. gr. Si duo vicini inter se conveniant, ut uterque in alterius agro feras capere possit; interpretatio ita fieri nequit, ut excipiantur cervi, vel apri, aut conventio tantummodo intelligatur de feris, quarum major est copia, non de rarioribus. Quodsi vero excipiantur cervi, cum usus loquendi ferat, ut
etiam

etiam cervæ sub hac denominatione contineantur, hæc etiam exceptæ intelliguntur. Si tibi mere liberaliter promitto convictum per certum tempus, toto hoc tempore tam ad prandium, quam ad cenam accedere potes, cum hoc conveniat communi usui loquendi, nisi constet, me cenam instruere non solere: tum enim menti meæ tantummodo convenit, ut mecum prandeas, & satis patet, me nonnisi de prandio cogitasse, cum tibi convictum promiserim. Favorabilia in dubio extendenda sunt, non vero ultra mentem dicentis manifestam (§. 427. *part. 3. Jur. nat.*). In favorem possessoris constitutum est in interdicto decuperandæ possessionis, quod unde ut appellatur §. 6. I. de interd. ut ei, qui vi dejectus est, restituarur possessio. Quoniam igitur significatus laxior fert, ut alterum vi deicere etiam is dicatur, qui ad suum accedere vetatur; jam olim *Cicero* interdictum unde vi ad hunc quoque casum extendit. Et in eodem interdicto Imperator *armorum* appellatione non solum scuta, & gladios, & galeas; sed & fustes & lapides significari monet. Foran non deerunt, qui existimaturi sunt, promissiones mere liberales non recte ad favorabilia referri, ubi de lata eorum interpretatione agitur. Quamvis enim favorabiles sint respectu promissarii, cujus utilitati consulitur; cum tamen nonnisi ejus utilitati unice consulatur, & promissor gravetur, qui ad præstationem gratuitam obligatus est, eas respectu promissoris odiosas esse dicendas, consequenter easdem potius referendas esse ad mixta ex odiosis & favorabilibus (§. 499.). Ast tenendum est, promissionem mere liberalem ex mera benevolentia proficisci, cui termini ponendi non sunt, si eam non restrinxit promissor. Quamvis vero is animum mutare possit, ut posthac promissionem restringere velit contra proprium verborum significatum; non tamen quæritur, quem nunc animum habear, quando promissor adimplenda, sed qui fuerit animus, cum promitteret. Et quoniam verborum suorum interpret ipse esse nequit (§. 461.), præter hæc vero alia in præsentii indicia non adsunt, *per hypoth.* proprio verborum significatui utique in hærendum (§. 469.).

§. 501.

*De lata fa-
vorabilium
interpreta-
tione.*

Quoniam in favorabilibus verba sumenda sunt secundum totam proprietatem usus popularis, & si plures sint, eam, quæ latissima est (§. 500.), tum autem sumuntur in significato latiori (§. 493.); in favorabilibus verba sumenda sunt in latiori, immo latissimo, si quis datur, significati recepta.

Vulgo dicitur: Favorabilia sunt extendenda. Quomodo autem extendenda sint, ex differentia significatus latioris & strictioris patet (§. 493.), & exempla, quæ modo dedimus (not. §. 500.), extensionem istam illustrent. Patebit autem ex sequentibus, quomodo vitetur, ne ea in abusum trahatur, præsertim in promissionibus mere liberalibus.

§. 502.

*Quando in
favorabili-
bus laxior
significatus
terminorum
technicorum
admitten-
dus.*

Si quis artis fuerit peritus, vel peritorum artis consilio utatur, & terminus technicus laxiorem habuerit significatum; ejus verba in favorabilibus laxius sumenda, ut scilicet includant significationem artis. Etenim in favorabilibus verba sumenda sunt in significato laxiori (§. 501.). Quamobrem cum architecti peritus, vel peritorum artis consilio usus norit significatum artis, quem scilicet termini technici habent, & hic sit laxior eo, qui obtinet secundum usum popularem per hypoth. in favorabilibus interpretandis verba ejus, qui artis peritus est, vel peritorum artis consilio utitur, in significato laxiori sumenda, quem scilicet habent termini technici.

Zieglerus hoc affert exemplum. Statutum est, ut valeat ultima voluntas facta coram tribus testibus. Quoniam in Jure voluntas ultima tam codicillos, quam testamenta significat, & statuti conditor Juris peritus supponitur; ultima voluntas intelligitur tam de codicillis, quam de testamentis, ita ut juxta statutum dicendum sit, valere testamenta coram tribus testibus facta, valere etiam codicillos coram totidem testibus factos.

§. 503.

§. 303.

In favorabilibus verba sumenda non sunt in significato im- *An in favo-*
proprio, nisi alioquin absurdum aliquid, vel pacti inutilitas se- *rabilibus*
quatur. Etenim in pactis & promissis interpretandis a com- *admittendus*
 muni loquendi usu recedendum non est, nisi adsint rationes *significatus*
 urgentes in contrarium (§. 470.). Quamobrem quamdiu *improprius.*
 nullum sequitur absurdum, nec pactum vel promissio inuti-
 lis est, etiamsi in interpretando a proprio verborum signifi-
 catu minime recedas; nec ab eo recedendum erit. *Quod*
erat intentum.

Enimvero si verborum significatui stricte inhaerendo sequatur aliquod absurdum, vel sequatur nihil actum esse; ita facienda interpretatio, ut absurdum istud evitetur (§. 484.), vel aliquid actum sit (§. 486.). Quodsi ergo in favorabilibus interpretandis sumas verba in significato proprio, ac inde sequatur absurdum aliquid, vel pacti inutilitas, seu nullitas; etiam hic ita facienda interpretatio, ut absurdum evitetur, vel aliquid actum sit, seu actus valeat. Quamobrem si recurrendo ad significatum improprium, absurdum, vel nullitas pacti evitari possit; in favorabilibus quoque interpretandis admittendus est significatus verborum improprius.

Nimirum quod in genere de interpretandis pactis ac promissis demonstratum est; id etiam valet quoad favorabilia in pactis vel promissionibus contenta.

§. 304.

Si ex eo, quod verba sumantur in significato recepto, sequa- *Quando fa-*
tur aliquod absurdum, vel quod iniquum est; in favorabilibus vorabilia
quoque verba strictius sumenda, quam fere significatus proprius, strictius in-
ne absurditas, vel iniquitas evitetur. Etenim in genere ita interpretan-
 facienda interpretatio, ut absurdum evitetur, si verborum da.

(Wolffii Jur. Nat. Pars VI.)

Zz

signi-

significatui strictè inhærendo sequatur aliquod absurdum (§. 484.). Cumque iniquum sit, quod est contra jus imperfectum alterius (§. 239. *part. 1. Phil. pract. univ.*), adeoque charitati repugnat; facile patet, nec præsumendum esse, quod quis se alteri obligare voluerit ad id, quod manifesto iniquum est. Quamobrem & in genere ita facienda interpretatio, ut manifesta iniquitas evitetur, si verborum significatui strictè inhærendo manifesta sequatur iniquitas. Quoniam itaque quæ de pactis & promissis in genere demonstrata sunt, ea etiam valent de pactis & promissis, quæ favorabilia continent; si ex eo, quod verba sumantur in significato recepto, sequatur aliquod absurdum, vel quod iniquum est, in favorabilibus quoque verba strictius sumenda, quam fert significatus eorundem proprius, ut absurditas vel iniquitas evitetur.

Ob iniquitatem pacta non dissolvuntur. Cur, enim te alteri obligavisti ad id, quod iniquum est, quando iniqua petenti denegare poteras, quæ petebat? Tibi impures, si hoc feceris. Aut si nonnisi iniqua promittendo damnum majus avertere poteras, id patienter erit ferendum, cum ferendum sit, quod mutari non potest. Quando itaque evidens est, quid promiseris, consequenter quod te ad id, quod iniquum est, obligaveris; contra evidentiam non alia facienda interpretatio (§. 460.). Quamobrem nec favorabilia extendenda, nec contra verborum proprietatem restringenda, ubi manifestum est, te quod iniquum est promittere voluisse. Id, quemadmodum omnis interpretatio, tantummodo locum habet in dubio, ne quis contra æquitatem obligetur ad id, ad quod se alteri obligare minime voluit. In dubio nimirum nec contra charitatem fit præsumtio, cum ad eandem omnes obligemur (§. 621. *part. 1. Jur. nat.*). Quod vero iniquum sit, quod charitati adversatur, quemadmodum turnsimus in demonstratione, haud difficulter ostenditur. Etenim charitas complectitur omnia officia hominis erga alios (§. 654. *part. 1. Jur. nat.*). Ad officia

officia vero humanitatis cogendi jus cum nemo hominum habeat (§. 658. *part. 1. Jur. nat.*); quod contra charitatem est, id contra jus imperfectum alterius est (§. 237. *part. 1. Phil. pract. univ.*); adeoque iniquum (§. 239. *part. 1. Phil. pract. univ.*). Non absumili modo ex adverso colligitur, *aquum esse, quod charitati convenit.*

§. 503.

Si ex verborum proprietate equidem non sequitur, quod absurdum, vel iniquum est, manifesta tamen aequitas, vel utilitas in restrictione est; favorabilia ita restringenda, ut intra arctissimos proprietatis terminos subsistatur, nisi circumstantiæ aliud suadeant. Quoniam enim ad charitatem obligamur (§. 621. *part. 1. Jur. nat.*), consequenter etiam ad id, quod æquum est (*not. §. 504.*); quilibet præsumitur velle, quod æquum est. Et quoniam utilitatis gratia contrahunt homines, in pactis, immo quibusvis actibus ad hominum utilitatem tendentibus, quilibet præsumitur velle, quod utile est. Quodsi ergo in restrictione verborum ejus, qui loquitur, manifesta sit utilitas, vel æquitas, verborum significatus proprius etiam in favorabilibus restringendus. Quoniam tamen in favorabilibus verba sumenda non sunt in significato improprio, nisi alioquin absurdum aliquid, vel pacti utilitas sequatur (§. 503.), ex significato autem proprio in præsentem non sequitur, quod absurdum est, vel iniquum, nec quod inutile, *per hypoth.* ideo in significato quidem proprio, sed propter restrictionem admittendam, *per demonstrata*; intra arctissimos proprietatis terminos subsistendum. *Quod erat unum.*

Enimvero si circumstantiæ aliud suadeant, per alias interpretandi regulas restrictio ita fieri nequit. Quamobrem cum contra eas interpretatio fieri nequeat; ubi circumstantiæ non permittunt, ut ob æquitatem, vel utilitatem favorabilia ita restringantur, ut intra arctissimos proprietatis

is terminos subsistatur; id faciendum non est. *Quod erat alterum.*

Non semper volunt homines quod est utilius, aut quod æquitati maxime convenit. Quando igitur apparet ex circumstantiis, eum, qui locutus est, tale quid non voluisse; nec contra voluntatem ejus facienda interpretatio, quippe qua mentem ejus, qui loquitur, investigamus (§. 459). Præsumtio, quod quis voluerit, quod utilius, vel æquius, non nisi in dubio locum habet: tumque requiritur, ut manifesta sit utilitas, vel æquitas, cum alias vix verisimile sit, de ea cogitatum fuisse ab eo, qui locutus est.

§. 506.

Quomodo odiosa interpresanda. In odiosis verba sumenda sunt in significato strictiori, immo odiosa interpresanda. *admittitur etiam sermo figuratus aliquantulum, ut onus nimium vitetur.* Etenim odiosa nil faciunt ad utilitatem ejus, qui quid præstare debet, sed eum tantummodo onerant (§. 494.). Quoniam peculiares adesse debent rationes, cur quid velit, quod se tantummodo onerat, nullam vero sibi utilitatem affert, quemadmodum ex lege appetitus & aversionis facile colligitur (§. 904. 907. *Psf. h. empir.*); nemo etiam præsumitur velle, quod se tantummodo onerat, nullam vero sibi utilitatem affert, consequenter quod odiosum est. Quamobrem ne in dubio verba interpretando secundum significatum laxiorem, quem habere possunt, qui quid promissit ultra voluntatem suam obligetur, quod fieri minime debet (§. 382. *part. 3. Jur. nat.*); in odiosis verba sumenda sunt in significato strictiori, immo si nimium adhuc oneretur, onus autem nimium vitari possit, admissio significatu aliquantulum figurato, veluti metonymico, is etiam admittendus.

Vulgo dicitur: odiosa esse restringenda, in casu scilicet dubio, in quo solo interpretatione opus est, cum manifesta

ca

ea non indigeant. E. gr. Ponamus conveniri, ut pars una alteri mittat auxilia numero definita suis impendiis, pars vero altera eadem auxilia mittat, sed absque impendiis. Tunc pars una magis oneratur altera, adeoque auxilia mittere suis impendiis odiosum est. Quoniam vero verba manifesta sunt, ut quid pars utraque alteri promiserit non sit dubium, ideo restrictione nulla opus est. Enimvero si auxilia utrinque simpliciter fuerint promissa, cum strictiori significatui conveniat, quod sine impendiis mitti debeant, seu impendiis ejus, cui n. itantur; in dubio utique censentur sine impendiis promissa. In dubio standum est præsumtionibus, quæ circa ea, quæ quis voluisse censetur, legi appetitus & aversionis convenire utique debent. Hinc utique facile præsumitur aliquem velle, quod ad utilitatem suam facit, minime autem quod ad eandem non facit, sed ipsum tantummodo onerat, aut, si manifestum sit, quod voluerit quod ipsum onerat, in dubio tamen non præsumitur voluisse, nisi quod quam minimum onerat. Aequitati omnino convenit, ne quis magis oneretur, quam onerari voluit (§. 382. part. 3. Jur. nat. & §. 240. part. 1. Pbil. pract. univ.). In dubio autem præferendum, quod æquius est, ita ut ipsa favorabilia ad evitandum iniquitatem sint restringenda (§. 504). In interpretandis favorabilibus ac odiosis notioni favorabilium & odiosorum soli inhærendum non est, nisi quando non aliæ præterea adsunt rationes, quæ conjecturis interserviunt. Sane huc pertinent ea, quæ paulo ante de favorabilium interpretatione strictiori ac aliquantulum figurata demonstravimus (§. 503. & seqq.).

§. 507.

Quoniam in pactis odiosa sunt, quæ partem alteram tantum onerant, aut plus onerant altera (§. 496.), in odiosis prætatione vero verba sumenda sunt in significato strictiori, immo ad eorum, quæ mittendus etiam sermo aliquantulum figuratus, ut onus vi- partem tantum nimum (§. 506.); si in pactis interpretanda, quæ partem tantum alteram tantum onerant, aut plus onerant altera, verba sumenda vel unam sunt

plus altera sunt in significato strictiori, immo etiam sermo figuratus aliquantulum admittendus, ut onus nimium vitetur.

E. gr. Ponamus auxilia promitti ab una saltem parte & quidem potentiori. Ne nimium gravetur, qui ea mittere tenetur, auxilia promissa intelliguntur impendiis ejus, cui mittuntur, & nisi prostant rationes in contrarium, ad bellum defensivum restringuntur. Quoniam vero cum potentiori odiosum litigare; ideo omnino consultius est, ut, qui odiosum promittit, dum cum altero paciscitur, verbis satis perspicuis ac determinate mentem suam exprimat, ne dubitatio ad interpretationem nos ducat. Subinde tamen, quando scilicet cum pertinaciori paciscimur, non satis tuto est, alteri suggerere ea, de quibus non cogitat, adeoque præstat ira conveniri, ut æqua interpretatione a majore onere liberemur, quod facile nobis imponere potuisset pars altera, si de eo quæstio mota fuisset.

§. 508.

De interpretatione eorum, quæ penam continent.

Similiter quoniam odiosa sunt, quæ penam continent (§. 497.), in odiosis vero verba sumenda sunt in significato strictiori, immo etiam sermo figuratus aliquantulum admittendus, ut onus nimium vitetur (§. 505.); si quæ penam continent interpretanda sunt, verba sumenda sunt in significato strictiori, immo etiam sermo aliquantulum figuratus admittendus, ne qui penam debet nimium oneretur.

Valeat hoc etiam de penis conventionalibus, quæ pactis adjiciuntur, & earum respectu præsens propositio hic potissimum in medium adducitur.

§. 509.

An in penis conventio-

(§. 508. 493.); quæ penam continent, ita interpretanda, ut in talibus locus penis conventionalibus admittatur etiam justa excusatio, quæ libet excusaret a pena, nec quævis culpa ad penam imputetur, præsertim in omni & nullo factis privatis commissis.

Quod

Quod jam sæpius monuimus, idem etiam hic notandum, *culpa quavis*: scilicet quæ hic dicuntur, valere in casu dubio, quando enim *ad eas imputanda..* quis omni excusationi expresse renunciavit, per se patet, quod nec ulla admittenda sit. Idem dicendum de culpa, si expresse dictum, quamlibet culpam imputari debere. Item utrumque aliter sese habet, si rationes probabiles prostant, quod excusationi non concedendus sit locus, quo tamen & ipso in casu admittenda excusatio, quæ petitur ab eo, quod evitare in nostra potestate positum non fuit, ne quis videatur sese obligasse ultra posse (§. 209. part. 1. *Pbil. pract. univ.*), vel quod non nisi pœnæ locus esse debeat, si quis sciens ac volens præstanda non præstiterit, prouti jam ante in genere monuimus. (not. §. 505.).

§. 510.

Similiter quia odiosa sunt, quæ actus irritos faciunt, vel *De inter-* de prioribus aliquid immutant (§. 498.), in odiosis autem *pretatione* interpretandis verba sumenda sunt in significato strictiori: immo aliquantulum figuratus admittendus, ut nimium onus *actus irritos* evitetur (§. 506.); *Quæ actus irritos faciunt, vel de prioribus quid faciunt, vel immutant, ita interpretanda sunt, ut actus aliquis, quantum de prioribus fieri potest, subsistat, si verborum restrictione hoc obtineri possit, quid immu-* quamvis etiam admittendus sit significatur aliquantulum *figu-* rantur, immo ita etiam fieri debet interpretatio, ut *quam mini-* mum eodem modo de prioribus mutetur..

Ita si pactum dissolvi debere conventum fuerit, quando pars una quidpiam fecerit, quod eidem contrariatur, admittenda esse intelligitur non injusta excusatio, nec quævis culpa in hoc imputanda videtur, ut pactum dissolvatur, quemadmodum idem de pœnis modo ostendimus (§. 509.). Odiosum inprimis est actum irritum reddi, vel pactum solvi respectu partis illius, cujus maxime interest illum subsistere, aut hoc non dissolvi. Huc igitur quoque respiciendum, quando de restrictioni interpretatione in hoc casu agitur. Aliiter sese

res.

res habet in probabilibus, quam in certis, seu demonstrativis. In his plures demonstrationes non magis veritatem evincunt, quam una: est probabilitatem plures rationes diversæ, necesse se invicem dependentes, ubi concurrunt, fortius adstruunt.

- Conjectatio voluntatis, ad quam redit interpretatio pactorum & promissorum atque legum, ad Logicam probabilium referenda, qua de causa jam superius monuimus, exasceratam interpretationis hujus theoriam a Logica probabilium firmitatem suam expectare.

§. 511.

Quando promissa liberalia strictius interpretanda, si laxius interpretata nimium onerent promittentem, aut circumstantiæ alia laxiora strictiori interpretationi parum faveant. Etenim si promissa liberalia laxius interpretata nimium onerent promittentem, cum sint ex parte promittentis odiosa, ex parte accipientis seu promissarii favorabilia (§. 494.); odium prædominatur favori. Enimvero quando odium prædominatur, mixtum ex favore ac odio odiosis accensetur (§. 499.). Quamobrem si promissa liberalia laxius interpretata nimium onerent promittentem, odiosis accensenda. Quoniam itaque odiosa strictius interpretanda (§. 506.), si promissa liberalia laxius interpretata nimium onerent promittentem, strictius interpretanda. *Quod erat unum.*

Quodsi circumstantiæ quædam laxiori interpretationi parum favent; ex iis colligitur, non tuto sumi posse, quod is fuerit animus promittentis, ut quam abundantissime consulat utilitati promissarii, consequenter favor minime prædominari videtur. Quamobrem cum favorabilibus promissum liberale in hoc casu accenseri nequeat (§. 499.); erit potius non favorabilibus, seu odiosis annumerandum (§. 494.), consequenter interpretationi laxiori locus non est (§. 501.), sed potius strictiori (§. 506.). *Quod erat alterum.*

Vulgo

Vulgo promissa mere liberalia odiosis accensentur, quod in contractibus in horum numero sunt, quæ partem unam tantum onerant (§. 496.). Enimvero jam supra ostendimus, quatenus solius benevolentia habetur ratio, ex qua ista proficiuntur; ea potius ad favorabilia referenda esse (§. 500. *Enot. ej*), quia scilicet tum favor prædominari videtur, ubi conjectura nulla ad contrarium ducit. Sane *Javolenus* l. 3. ff. de constit. Princ. ea de causa dicit, beneficium imperatoris quam plenissime nos interpretari debere; addit enim hanc rationem, quod a divina ejus indulgentia proficiatur, nec obstat quicquam, quo minus nos addamus, beneficium Principem non onerare solere, nisi manifesta adsit in donando temeritas. Neque tamen semper promissa liberalia ita sunt comparata, ut benevolentia, ex qua proficiuntur, liberalitati nullos terminos præfigi patiantur. Quamobrem non modo inquirendum, quantum onerent promissorem, sed attendendæ etiam sunt circumstantiæ aliæ, quæ benevolentiam intra certos terminos coarctare videntur. In genere igitur nec affirmare licet, quod promissa mere liberalia semper sint stricte interpretanda, nec quod semper laxius interpretanda, sed hoc admittitur, quamdiu conjectura nulla ad contrarium nos ducit: id quod de probabilibus semper intelligitur, ut valeant, quamdiu non sunt rationes in contrarium. *Cicero* in Topicis ad eorum sententiam accedere videtur, qui promissa liberalia & donationes stricte interpretanda esse contendunt simpliciter. Quando enim uxor vir legavit omne argentum, quod suum esset, idcirco quæ in nominibus fuerunt legata negat. Multum enim differre ait, in arca positum sit argentum, an in tabulis teneatur. Sed strictam interpretationem non esse admittendam, nisi rationes aliæ eandem suadeant, immo tanto minus admittendam esse, si quæ circumstantiæ faveant laxiori, verius est. Ponamus enim uxorem esse pauperem, & argentum omne, quod habet maritus, tam in arca positum, quam quod in tabulis tenetur, vix sufficere, ut dignitati mariti convenienter vivat, cetera autem bona tam ampla esse, ut hæres argento, omni facile carere possit; dubium non est, quin laxior

(*Wolffii Jur. nat. Pars VI.*), A a a inter-

interpretatio sit admittenda, etiamsi supponatur defunctum magis consulere voluisse utilitati hæredis, quam uxoris, adeoque isti magis fuisse, quam huic. Immo si nulla adfuit ratio, cur præsumatur magis fuisse hæredi, quam uxori; nec ulla ratio cogit, ut a laxiori significato recedamus, quem semper præferendum existimamus, quamdiu non alio ducant conjecturæ particulares aliæ (§. 500.).

§. 512.

Regula generalis interpretandi.

Interpretatio facienda de eo, de quo verisimiliter fuit cogitatum; non vero contra idem, vel de eo, de quo verisimiliter cogitatum non fuit. Quando enim interpretamur verba alterius, in id inquirimus, quid per ea significare voluerit consequenter de quonam cogitatum fuerit, cum loqueretur (§. 459.). Quamobrem cum in dubio eligendum sit, quod verisimilius, quod nemo non concedere debet; interpretatio fieri debet de eo, de quo verisimiliter cogitatum fuit. *Quod erat unum.*

Enimvero cum idem simul fieri & non fieri nequeat (§. 28. Ontol.), interpretatio autem facienda sit de eo, de quo verisimiliter cogitatum fuit, *per demonstrata*; evidens est, eam non esse faciendam de eo, de quo verisimiliter cogitatum non fuit, adeoque multo minus contra id, de quo verisimiliter cogitatum fuit. *Quod erat secundum & tertium.*

Poteramus propositionem præsentem sumere instar axiomatis, cum per definitionem interpretationis, modo ea satis intelligatur, statim pateat ejus veritas. Quando enim obscurius dicta interpretamur, non aliud agimus, quam ut in id inquiramus, de quo verisimiliter cogitatum fuit, quod mentem suam non sufficienter indicavit, qui locutus est, ut certo constet, seu demonstrari possit, de quonam locutus fuerit, consequenter ne aliquid contra eum pro vero habeatur, de quo non cogitavit, vel cogitare non potuit.

§. 513.

§. 313.

Quoniam interpretatio facienda de eo, de quo verisimiliter cogitatum fuit (§. 312.); *promissa liberalia laxius interpretanda, quando de eo, quod intra proprietatem verborum significatus laxior, immo etiam aliquantulum figuratus, continet quod verisimiliter cogitatum fuit, & ex adverso strictius interpretanda, si de eo, quod significatus strictiori convenit, verisimiliter tantummodo cogitatum fuerit.* *Quando vi illius promissa libera-*

E. g. Si maritus uxori pauperi, aut non admodum diviti legaverit omne argentum, quod suum esset, perpauca vero sit in arca positum, ac pretium bonorum reliquorum plurimum superet argentum, quod in tabulis tenetur; verisimile omnino est, maritum cogitasse non modo de argento in arca posito, verum etiam de eo, quod est in tabulis, consequenter legatum laxius esse interpretandum. Ex adverso autem si uxor locuples fuerit, argentum in arca positum haud modicum, quod vero in tabulis est plurimum excedit pretium ceterorum bonorum, aut bona immobilia sint exigui pretii respectu ejus argenti, quod in tabulis est; verisimile omnino est, maritum non cogitasse nisi de argento, quod est in arca positum, adeoque legatum strictius interpretandum, nec ultra istud extendendum.

§. 314.

Quoniam interpretatio non facienda contra id, de quo *idem porro* verisimiliter cogitatum fuit, vel de eo, de quo verisimiliter cogitatum non fuit (§. 312.); *contra verborum proprietatem promissum liberale restringendum non est, quando verisimiliter de eo cogitatum fuit, quod fert significatus proprius, contra eandem vero restringendum, quando verisimiliter de eo cogitatum non fuit, quod tota verborum proprietas admittit.* *extenditur.*

E. g. Titius, cui filius unicus hæres existit, legat filix Sempronii omnes gemmas suas: inter eas sunt baculus & ensis gemmis interfecti, munera Principum. Circumstantiæ facile indicant

dicant Titium de his non cogitasse, cum de gemmis filix Sempronii legandis loqueretur. Quamvis adeo tota verborum proprietates admittat, ut sub gemmis omnibus comprehendatur etiam baculus & ensis gemmis interstincti; contra eam tamen legatum in casu præsentis restringendum, ut idem excepti intelligantur. Enimvero ponamus heredem institutum esse extraneum, tum verisimile est, Titium improlem, quando omnes gemmas, nullis exceptis, legavit filix Sempronii, cogitasse etiam de iis, quibus ensis ac baculus interstinctus, adeoque legatum restringendum non est contra verborum proprietatem. Neminem offendet, quod, quando de promissis liberalibus agitur, exempli loco in medium afferamus legata: etenim donationes & legata iisdem æquiparantur, quatenus promissa liberalia, quæ in dando consistunt, non sunt nisi donationes futuræ.

§. 515.

Interpretatio ex non locutus est, si præsens esset, vel si eidem cognita fuissent, quæ nunc prævisis facta palam sunt.

Interpretatio ita faciendæ, quemadmodum eam faceres, qui locutus est, si præsens esset, vel si eidem cognita fuissent, quæ nunc prævisis facta palam sunt. Nemo ignorat, nos sub certis circumstantiis nolle, quæ iis absentibus volumus, & per ipsam legem appetitus ac aversionis hoc intelligitur, cum sub certis circumstantiis minime bona, immo mala reputemus, quæ iis absentibus bona iudicamus (§. 504. 907. *Psy. h. empir.*). Quamobrem si quæ circumstantiæ emergunt, aut aliquæ ei, qui locutus est, cognitæ fuissent non videntur, ut adeo de iisdem cogitare minime potuerit; nullum sane est dubium, quin quod voluit, dum locutus est, idem noluisse, vel aliud quid voluisset, siquidem istas circumstantias prævidisset, aut eas perspectas habuisset. Quod si ergo præsens interrogaretur utrum stantibus istis circumstantiis idem adhuc velit, an nolit, aut aliud quid velit; dubium non videtur eum respondurum, quod nolit, aut aliud quid velit, consequenter eum interpretando investigetur mens ejus, qui locutus est (§. 459.). ita

ita omnino facienda interpretatio est, quemadmodum eam faceret qui locutus est, si præsens esset, vel si eidem cognita si essent, quæ nunc palam sunt.

Exemplum habemus in l. 10 ff. de confirmat. tutor. ubi *Triphoninus* ait: utilitatem pupillorum prætor sequitur, non scripturam testamenti, vel codicillorum. Nam patris voluntatem prætor ita accipere debet, si non fuit ignarus scilicet eorum, quæ ipse prætor de tutore comperta habet. Nimirum si pater jam præsens esset, quando confirmandus est tutor, & ea sciret, quæ comperta habet de eodem prætor, idem dicturus præsumitur, quod prætor statuit. Fit hic interpretatio extra verborum significatum, ut intentioni ejus, qui locutus est, satisfiat, animum attendendo ad rationem, cur quis hoc, quod dixit, voluerit. Ita pater dat liberis impuberibus tutorem ob eorum utilitatem. Talem igitur tutorem iis dare voluisse non intelligitur, qui eorundem utilitati prospecturus non præsumitur, aut damnum, si quod dederit, resarcire nequit. Non est, quod existimes, propositionem præsentem repugnare superiori, quod in pactis & promissis nemo verborum suorum interprete esse possit (§. 461.). Neque enim hic qui locutus est verba sua interpretatur, tribuendo iisdem significatum pro arbitrio, non attento proprio, quem usus loquendi probat: sed extra significatum verborum, quibus promissio continetur vel lex præscribitur, inquiritur in mentem ejus, qui quid voluit, ab alio, qui de eadem statuere debet, ne quid fiat, quod eidem adversatur. Et hæc interpretatio fit contra verborum significatum manifestum, intentioni tamen ejus, qui locutus est, convenienter. Ea scilicet fuisse colligitur mens ejus, qui locutus est, quam verba nulla ex parte indicant, ut, si ad ea tantummodo respicias, dicendum videatur, mentem eam dicenti non fuisse, quam aliunde colligis. Bene *Cicero* pro *Cecinna*: Si voluntas tacitis nobis intelligi posset, verbis omnino non uteremur: quia id non potest, verba reperta sunt, non quæ impedirent, sed quæ indicarent voluntatem.

§. 516.

Interpretatio extensiva dicitur, qua ob identitatem rationis sufficientis volitionis, vel nolitionis mens ejus, qui locutus est, extenditur ad casus, sub verbis, quibus promissio, pactum vel lex continetur, secundum totam eorundem proprietatem minime comprehensos. *Grotius* dicitur *extendens*.

Vulgo hoc afferri solet exemplum. Qui posthumum expectabat, hæredem scripsit sub hac conditione si posthumus mortuus sit. Quodsi posthumus non nascatur, vel quia uxor abortum patitur, vel ante partum cum sætu obiit vidua, vel quia falso pro gravida habita, & tunc quoque hæres agnoscat, qui scriptus fuerat; interpretatio extensiva est. Nimirum ratio, quæ ad hoc sufficit, ut vellet eum, quem scripserat, sibi esse hæredem, non alia fuit, quam quod cogitaret fieri posse, ut nulla sibi existat proles. Quodsi ergo certo scivisset, prolem nullam natum iri; dubium non est, quin pure scripserat hæredem. Quamobrem cum posthumus dicatur, qui patre mortuo demum nascitur, si verborum proprium significatum spectes, posthumus mortuus dici nequit nisi qui post mortem patris, dum in lucem editur vel editus fuit, moritur. Si ergo verborum proprietatem spectes, conditio, sub qua hæres scriptus est, non existit, si posthumus non nascitur, quacunque de causa hoc contigerit, consequenter verba sequendo, posthumus non nato, qui hæres scriptus fuerat esse nequit: ast si mentem instituentis sequaris, erit utique hæres.

§. 517.

Quodnam investigandum interpretationis extensiva causa. Quoniam per rationem sufficientem volitionis & nolitionis intelligitur, cur quis aliquid potius voluerit, quam noluerit, aut noluerit potius, quam voluerit (§. 56. *Onsol.*); Si verba, quibus promissio, pactum vel lex continetur, ad casum quendam producere velimus, quem illorum significatus proprius minime comprehendis, nobis inquirendum est, cur promissor hoc promiserit,

ant

aut paciscens hoc fieri noluerit, vel etiam legislator hoc praeceperit, vel prohibuerit.

Ita in exemplo, quod modo dedimus (not §. 516.), inquirimus, cur testator hæredem instituerit non pure, sed sub conditione, si posthumus, quem expectat, moriatur. Hoc enim ideo factum intelligitur, quod cum posthumum expectaret, quem tamen mori posse putabat, alium sibi hæredem esse noluit nisi in casu non exituræ prolis, aut, quod perinde est, eum, quem instituit, hæredem sibi esse voluit in casu non exituræ prolis. Quodsi enim novisset, sibi non exituram prolem, ratio nulla est, cur hæredem non pure instituisset. Equidem sunt, qui sibi persuadent nos etiam aliquid velle posse absque ratione sufficiente, ita ut sæpe ratio moveat ita, ut voluntas tamen sit causa per se sufficiens, etiam sine ratione illa, seu, quod vulgo dicitur, sit pro ratione voluntas, atque ipse *Grotius*, vir alias satis acutus, in eam sententiam abit, alibi tamen ostendimus sine motiva nullam dari in anima volitionem ac nolitorem (§. 889. *Pf. ch. empir.*). Sane nisi hoc certum esset, vix unquam tuto satis interpretatio extensiva fieret. Unde enim constabit, rationem non ita movisse, ut voluntas tamen sit causa efficiens per se, etiam sine ratione illa? Quamvis enim *Grotius* hoc inde colligendum esse statuat lib. 2. c. 16. §. 120. n. 2. quod ratio, sub quam venit casus, quem volumus comprehendere, sit causa unica & efficax, quæ promittentem moverit, eaque ratio ab eo considerata in sua generalitate, quia alioquin promissio futura fuisset iniqua aut inutilis; non tamen hæc sufficere videntur. Sane in exemplo, quo usi sumus ad illustrandam interpretationem extensivam & quod admittunt omnes, institutio hæredis nec iniqua foret, nec inutilis, etiamsi ultra conditionem posthumum mortui non extenderetur, valeret enim eodem modo, quo promissiones conditionatæ valere possunt, & in arbitrio instituentis positum est, sub quam conditione hæredem instituere velit. Immo si ea esset voluntatis natura, ut absque motivo determinari possit: quidni etiam voluntas per se determinari

minari possit, ad instituendum heredem sub conditione, si posthumus moriatur, non attentata ratione ulla?

§. 518.

Si plures rationes fuerint, cur quis si plures fuerint rationes, ob quas nonnisi simul sumptus, qui locutus quid voluit, est quid voluit, vel noluit, cum omnes simul sumptæ conficiant rationem sufficientem (§. 56.), verba ejusdem ad casum sub lnerit, significatu proprio eorundem non comprehensum producere non licet, nisi adsint rationes ista omnes simul.

Quemadmodum ad effectum producendum plures concurrere solent causæ; ita quoque sæpe ad determinandum voluntatem vel noluntatem plures concurrunt rationes & sicuti effectus non producit, si una illarum causarum deficit; ita quoque volitio, vel nolitio cessat, si una rationum deest. Quamobrem cum ob rationem nonnisi sufficientem interpretatio extensiva locum habeat; si quo in casu una tantummodo istarum rationum, vel altera abfuerit, ad eum verba ejus, qui locutus est, extendere minime licet. Non aliud indicasse videtur *Grotius*, dum ad interpretationem extensivam requirit, ut ratio in casu dato obtinens sit unica, quæ movet voluntatem ejus, qui locutus est: plures enim rationes particulares, quando nonnisi simul sumi possunt, non sunt nisi ratio unica volitionis, vel nolitionis, quippe sine qua voluntas, vel noluntas non determinatur. Quando vero *Grotius* addit, rationem illam unicam etiam efficacem esse debere, hypothesi suæ indulget, quasi ratio sæpe ita moveat voluntatem, ut voluntas tamen sit causa per se sufficiens, etiam sine ratione illa. Ratio dici nequit efficax, nisi quatenus voluntas per eam determinatur, quæ sine ea non determinaretur. Quando autem ratio sufficiens est, voluntas per eam determinatur, seu eadem posita ponitur etiam volitio (§. 118. *Ontol.*). Ratio igitur sufficiens semper efficax est, nisi impediatur, alias enim non foret sufficiens.

§. 519.

§. 519.

Similiter quoniam interpretatio extensiva facienda ob rationem sufficientem volitionis vel nolitionis (§. 516.); *ne- cesse est, ut ratio ad casum verbis expressam applicata ab eo, qui locutus est, spectata fuerit in generalitate sua, ut cujus sub eam interpretatio venit casus, quem comprehendere volumus.* *Quomodo spectanda ratio in interpretatione extensi-*

Etenim nisi ratio in genere spectata moverit voluntatem ejus, qui locutus est, non erit ea ratio sufficiens volitionis vel nolitionis in eo casu, ad quem verba illius producere volumus. Quæ enim genere eadem sunt non sunt specie eadem (§. 241. Ontol.). Identitatem rationis requirit interpretatio extensiva (§. 516.). Quodsi ergo ratio, quæ movit voluntatem, non spectata fuit in genere, sed in specie ad casum verbis expressum applicata; nec erit eadem ratio in casu altero, ubi nonnisi in genere spectata ratio ista convenit. E. gr. Attica lege vetitum erat testamentum fieri filia invita. Per interpretationem extensivam recte infertur, ne adoptionem quidem ea invita permitti. Ratio enim erat, ne filia invita privaretur hæreditate. Ea cum in genere spectetur, non habita ratione modi, quo hæreditas filia aufertur; eadem omnino est, siue testamentum filia invita fiat, siue adoptio. Recte igitur a testamento vetito ad adoptionem vetitam, ne filia invita fiat, valet argumentatio.

§. 520.

Si eadem ratio sufficiens volitionis vel nolitionis sit in casu aliquo sub verbis ejus, qui locutus est, minime comprehenso, quæ interpretatio fuerat in casu per eadem significato; verba ad casum istum quoque extendenda. Quoniam enim eadem est ratio sufficiens volitionis vel nolitionis in casu sub verbis ejus, qui locutus est, minime comprehenso, & eo, qui per ea significatur, per hypoth. posita vero ratione sufficiente volitionis, vel nolitionis, ponitur etiam ipsa volitio, vel nolitio (§. 118. Ontol.); dubitandum non est, quin is, qui locutus est, dum de casu *Quando in- terpretatio extensiva facienda.*

(Wolphi Jur. nat. Pars VI.) Bbb sub

sub verbis ejus minime comprehenso quaestio est, jam praesens esset, verba sua ad hunc quoque casum extendi vellet. Quoniam itaque interpretatio ita facienda, quemadmodum eam faceret, qui locutus est, si praesens esset (§. 515.); quando eadem ratio sufficiens volitionis, vel nolitionis est in casu aliquo sub verbis ejus, qui locutus est, minime comprehenso, quae fuerat in casu per eadem significato, verba ad casum quoque istum extendenda.

Atque adeo patet interpretationem extensivam recte fieri ac naturae voluntatis convenire. Quod si, attente perpendere velis demonstrationem praesentem, facile perspicitur, si is, qui locutus est, de eo casu cogitasset, ad quem verba ejus producere volumus, eundem quoque mentionem ejusdem facturum fuisse, aut eum non omnes casus, quos sub verbis suis comprehendere voluit, sigillatim recensuisse, propterea quod existimavit, ex eo, quod dixit, facile perspicere posse mentem ipsius de eo, quod non dixit; atque adeo praeteritum existimari non debet, quod ex ceteris, de quibus dictum est, intelligi potest. Ita quando lege Attica vetitum erat, ne testamentum fieret invita filia; facile perspicitur, legislatorem quoque additurum fuisse, ne fieret adoptio invita filia, siquidem de eo casu tum cogitasset (*not.* §. 519.). Ast si qui posthumum expectat heredem instituit sub hac conditione, si posthumus moriatur, cum hoc faciat consideratione non extiturae prolis, quamvis cogitet etiam de eo casu, quo proles nulla nascitur, aut quod uxor abortum passa, aut ante partum cum foetu obierit vidua, aut falso pro gravida habita fuerit, non tamen opus est, ut singula commemorarentur, cum ex iis, quae dixit testator, facile intelligatur, verba ejus etiam ad hunc casum esse extendenda. Recte omnino. *Cicero* ad *Herennium* lib. 2. statuit, neminem posse omnes res per scripturam amplecti, sed eum commodissime scribere, qui curet, ut quaedam ex quibusdam intelligantur. Exemplum in pactione hoc assert *Grotius*, ne quis locus juris cingatur, facta eo tempore, cum non aliud esset muniendi

endi genus. Quoniam enim ratio prohibendi muros fuit, quemadmodum sumitur, ne muniretur is locus, idem ne aggerere quidem cingi poterit. Similiter huc refectri solet lex i. ff. de div. rer. Si quis violaverit muros, capite puniatur. Interpretatione enim extensiva intelligitur etiam de portis, fossis vel reliquis civitatis munimentis violatis. Ratio nimirum, quam reddit *Pomponius*, generalis est, nimirum quod id sit hostile & abominandum, cui omnino extensio ista convenit. Illustre est exemplum apud *Lucianum* in Tyrannicida, quod his verbis describitur; Lex est, tyrannicida præmio afficiatur. Est qui in arcem ascenderit, ut tyrannum necaret. Ast tyrannum non reperit, sed filium ejus, quem etiam interimit, relicto in vulnere gladio. Adveniens mox tyrannus, ut filium vidit occisum, præ dolore animi eodem se gladio interficit. Is, qui filium tyranni sustulerat, præmium petit tanquam tyrannicida. Facile patet legislatorem de eo casu non cogitasse, cum tyrannicidæ præmium decerneret. Quoniam vero non alia fuit ratio, cur præmium decerneret, quam quod veller tyrannum e medio tolli; dubium non est, quin & ad eum casum præmium extensurus fuisset, siquidem de eo cogitare potuisset. Recte igitur *Lucianus* interpretationem extensivam defendit, hanc reddens rationem, quod perinde sit, utrum ipse interimas, an mortis causam ministres. Sufficit nimirum, ut ipse in causâ sis, ut tyrannus e medio tollatur, hoc sine facto tuo sublatus fuisset. Casum non ab similem refert *Puffendorfius* lib. 5. c. 12. §. 17. Lex est, qui uxorem occiderit, morte plectitor. Aliquis in Gallia volens amoliri uxorem, mulæ per triduum potum non dedit. Quarto die in campum progressus, velut recreationis causa, uxorem mulæ sitibundæ imposuit: quæ cum fluvio propinquasset, magno cum impetu in eum irruit, & scæminam in aquas effudit, in quibus illa perit. Patet ut ante, legislatorem de hoc casu non cogitasse, cum pœnam capitalem decerneret tyrannicidæ. Quoniam vero non alia fuit ratio, cur hanc decerneret pœnam, nisi ut maritos deterreret, ne mortem uxoribus consciscerent, atque adeo harum saluti consuleret, dubium non est,

quin eandem pœnam ad hunc quoque casum extendisset, si quidem de eo ipsi in mentem venisset. Valet etiam hic, quod in casu præcedente dixerat *Lucianus*, nimirum quod perinde sit, utrum ipse interimas, an mortis causam ministres, aut si magis placet, cum *Puffendorfio* huc trahere potes illud *Seneca*: Quicquid in mortem valet, telum est abunde. Ceterum hic ipse casus referendus etiam est ad ea, quæ in fraudem legis fiunt, ad quæ per interpretationem extensivam lex utique extendenda, quippe rationi legis contraria.

§. 521.

*Fraus legi-
vel pacti
quando fiat.*

Fraudem legi vel pacto facere dicitur, qui quidpiam facit, quod verbis quidem legis vel pacti non repugnat, menti tamen legislatoris, vel paciscentis adversatur. Et tale quid etiam fieri in fraudem legis, vel pacti dicitur: istiusmodi autem fraudem Seneca vocat Circumscriptionem.

Exempla plurima collegit *Puffendorfius* lib. 5. c. 12. §. 18. Ita apud *Valerium Maximum* lib. 9. c. 6. cum *Lutius Stolo* lege sanxisset, ne quis amplius, quam quingenta agri jugera haberet, ipse mille comparavit, dissimulandique criminis gratia dimidiam partem filio emancipavit. Apud *Quantilianum* decl. 264. legitur, cum lega *Voconia* vetitum esset, ne liceat mulieri nisi dimidiam partem bonorum dare, quendam duas mulieres dimidiis partibus instituisse hæredes. Similiter apud *Ammianum Marcellinum* lib. 22. c. 16. refertur, insulam *Pharon Rhodiorum* vestigali obnoxiam fuisse, quod cum istorum publicani exactum venissent, reginam eos interea sub specie feriatarum detinuisse ac jactis molibus insula continenti juncta repulisse velut insularum, non continentis vestigalia exigentes. Apud Athenienses, narrante *Lactantio* de falsa religione c. 20. cum meretrix quædam nomine *Leana* tyrannum occidisset, quia nefas erat simulacrum constitui meretricis in templo, animalis effigiem imposuerunt, cujus nomen gerebat. Cum Rex *Lusitaniæ* clericis interdicare vellet usum mulorum & illi sua privilegia obtenderent, Rex omnibus fabris ferrariis interdixit, ne ulli

ulli mulo soleas ferreas applicarem, ut clerici uitro mulos addicare cogerentur. Pettiner huc etiam factum *Tiberii* apud *Tacitum* An. lib. 5. quia more tradito nefas esset virgines strangulati, vitiatae prius a carnifice, dein strangulatae; nec non factum Corinthiorum apud *Herodotum*, qui cum dono dare naves lege prohiberentur, singulas Atheniensibus vendiderunt quinisdrachmis. *Buchanano* Rer. Scot. lib. 14. autore, sacerdotium *Robertus Carnicrucius*, homo pecuniosus, a Rege tunc a pecunia inopi redemit, novo genere fraudis elusa lege ambitus, quae sacerdotia venire vetat, sponsione scilicet victus, qua magna pecunia deposita contenderat, regem non cum proximo sacerdotio vacuo donaturum. Cum iuxta vulgatum illud: inventa lege, inventa est fraus, nihil sit frequentius, quem ut fraudem legi, vel pacto faciant, qui servare nolunt, videri tamen volunt qui servant; exempla istiusmodi fraudium nec hodie-rum rara sunt. Ceterum definitio, quam dedimus, consentanea est menti *Pauli* l. 29. ff. de LL. & *Ulpiani* l. 30. ibid. quorum ille: In fraudem legis, inquit, facit, qui salvis verbis legis sententiam ejus circumvenit, hic vero: fraus legi fit, ait, ubi quod fieri noluit, fieri autem non vetuit, id fit. Nimirum salvis verbis legis fit, quod per ea minime significatum, consequenter nec iisdem repugnat, etsi eadem secundum totam suam proprietatem spectes; atque adeo dici nequit, hac lege veritum esse. Quoniam tamen factum istud menti legislatoris adversatur, id omnino fit, quod lex fieri noluit; adeoque sententia ejus circumvenitur. Ita lex Corinthiorum, qua naves dono dari prohibebantur, non vetuit, eas vendi, nec lege definitum erat pretium, quo eas vendi deberet esse permissum, consequenter factum Corinthiorum verbis legis minime repugnabat. Nemo autem non videt, legem noluisse, ut naves adeo contemptibili pretio venderentur, cum istiusmodi venditio donationi equiparanda veniat. Fecere adeo Corinthii, quod lex fieri noluit, consequenter quod menti legislatoris adversatur, atque adeo sententiam legis circumvenerunt. Nolumus definitionem nostram verbis *Pauliani* & *Ulpiani* consentientem ceteris exemplis applicare, ne praeter necessitatem prolixiores simus.

§. 522.

An qua in fraudem legis, vel pacti sunt, menti legislatoris, vel paciscentis repugnant (§. 521.); ea legislator, si noluerit legislator.

Patet hoc ex lege Corinthiorum, ad quam modo (not. §. 521.) definitionem nostram applicavimus, idemque elucescit, ex ceteris quoque exemplis, quæ in medium asserre libuit. Legislator vult legem, qui cum altero paciscitur, vult pactum servari, consequenter velle nequit, ut id fiat, quo lex, vel pactum eluditur.

§. 523.

Qua in fraudem legis, vel pacti sunt, contra legem vel pactum fieri.

Quia legislator, vel qui cum altero pactus est fieri noluit, quæ in fraudem legis, vel pacti sunt (§. 522.), legem vero non servat, qui facit, quod legislator fieri non vult (§. 138. part. 1. Phil. Pract. univ.), sed potius transgreditur (§. 139. part. 1. Phil. Pract. univ.), nec pacta servat, qui quidpiam facit, quod qui cum ipso pactus est fieri noluit (§. 430. 788. part. 3. Jur. nat.), qui legi, vel pacto fraudem facit, legem vel pactum non servat, sed illam transgreditur, & contra pactum agens fidem datam fallit ac perfidus est (§. 790. part. 3. Jur. nat.).

Sane de fraude legi, vel pacto faciendo non cogitant, nisi qui legem vel pactum servare nolunt, illam tamen nec transgredi, vel contra hoc fecisse videri volunt. Hæc enim unica ratio est, cur de fraude cogitent. Nemo ante de fraude cogitat, quam animum habuerit legem transgrediendi, vel contra pactum aliquid faciendi. Exempla fraudum, quæ commemoravimus (not. §. 521.), abunde hoc loquuntur.

§. 524.

An liceat fraudem facere pacto.

Quoniam lex (§. 131. 138. part. 1. Phil. Pract. univ.) & pacta servanda sunt (§. 789. part. 3. Jur. nat.), legem vero non servat, qui in fraudem legis quidpiam facit, nec pactum servat,

servat, qui in fraudem pacti quid facit (§. 523.); *in fraudem legis, vel pacti nil fieri debet* (§. 722. part. 1. *Jur. nat.*), adeoque *fraus omnis legi, vel pacto facta illicita.*

Videmus itaque, ipsa lege naturali, quæ pacta servari præcipit, fraudem pacta faciendam prohiberi: immo cum notioni legis repugnet transgressio, si lex positiva naturali non repugnat; non minus patet, legi quoque naturæ prohibitum esse, ne illi fraus fiat. Sed hæc magis elucescent, ubi obligationem, quæ inest legi positivæ, ex ipsa obligatione naturali, quæ a lege naturæ venit, deducemus.

§. 525.

Fraus legi, vel pacto faciendæ reprimatur per interpretationem extensivam. Quoniam enim quod in fraudem legis fit, vel pacti, verbis legis, vel pacti minime repugnat (§. 521.), ex verborum significato ostendi nequit, hoc fieri non debere: Quoniam tamen fieri minime debet (§. 524.), extra verborum significatum hoc ostendendum. Quamobrem cum legislator, vel qui cum altero pactus est hoc fieri noluerit (§. 522.), adeoque necesse sit, ut detur ratio sufficiens, cur idem fieri noluerit (§. 887. 889. *Pl'y. b. empir.*), hæc vero ratio eadem esse debeat, ob quam lex data, vel pactio facta est; quia aliunde mentem legislatoris, vel paciscentis, cui fraus adversatur (§. 521.); conjectare non datur, ob identitatem rationis sufficientis volitionis, vel nolitionis mens legislatoris, vel paciscentis ad factum, quo fit fraus legi, vel pacto, ultra significatum verborum extendendum est. Illiusmodi interpretatio extensiva est (§. 516.). Patet igitur fraudem legi vel pacto faciendam reprimi per interpretationem extensivam.

*Quomodo
ea reprimatur.*

Recte igitur *Grotius* lib. 2. c. 16. §. 20. n. 2. ad interpretationem extensivam refert, quæ isti tradunt de his, quæ in fraudem fiunt. Per interpretationem extensivam reprimi ea, quæ
in:

in fraudem fiunt, exempla, quæ supra dedimus (not. §. 521.), abunde loquuntur. Sane cum *Licinius Stolo* lege sanxisset, ne quis amplius, quam quingenta agri jugera haberet, non alia ratio ipsi esse potuit, quam ne aliis deesset occasio agros sibi comparandi, qui comparare volunt. Eadem non minus eripitur, si quis mille sibi comparat & dimidiam partem filio emanciper, quam si ipse totidem possideat, quippe substituta filii persona plura possidens, quam debebat. Per hanc itaque rationem patet, factum istud fieri in fraudem legis. Idem non absimili modo ostendi poterat in ceteris quoque exemplis: Sed vix opus esse videtur, ut in hisce prolixiores simus.

§. 526.

Interpretatio restrictiva est, qua casus aliquis sub verbis legis vel pacti equidem comprehensus, ob defectum tamen rationis sufficientis, cur legislator vel paciscens hoc fieri voluit, vel noluit, excipitur.

Interpretatio restrictiva est, qua casus aliquis sub verbis legis vel pacti equidem comprehensus, ob defectum tamen rationis sufficientis, cur legislator vel paciscens hoc fieri voluit, vel noluit, excipitur. Grotius lib. 2. c. 16. §. 22. interpretationem restringentem vocat.

E. gr. Si quis alicui leget domum, alteri hortum, ad quem nonnisi per domum aditus patet, is, cui domus legata est, aditum quoque præstare debet, licet nihil a testatore sit tantum, l. ult. ff. de servit. præd. urb. Etenim qui alteri legat hortum, ad quem nonnisi aditus patet, quam per domum, quam alteri legavit; is utique voluisse intelligitur, ut illi ab hoc aditus præstetur. Nimirum quamvis qui domum simpliciter legat, non dicat dominium legatarii restringi debere, id quod sit servitutem imponendo (§. 1274. part. 5. Jur. nat.); quoniam tamen deficit ratio sufficiens, cur dominium domus servitutis impositione diminutum esse non debeat, quin casum hunc, quo aditum præstare tenetur, excipere voluerit, dubitandum non est. Equidem juxta *Grotium* dicendum erat, defecisse ab origine voluntatem testatoris, ut dominium ejus, cui domus legata est, sit irrestrictum, quia alias absurda voluisset, dum legavit alteri hortum, ad quem adire non posset; facile tamen patet, defecisse voluntatem, quia defecit ratio sufficiens volitionis, sine qua non

non datur volitio (§. 887-889. *Psych. empir.*). Studio elegimus hoc exemplum, ut appareat ex defectu rationis sufficientis volitionis semper deducendam esse interpretationem restrictivam, quemadmodum ex eo, quod ratio sufficiens adsit, deducitur interpretatio extensiva (§. 516.), cui restrictiva opponitur. Atque hoc modo non minus interpretatio restrictiva, quam extensiva naturæ voluntatis conveniens est, quam extra verborum significationem conjectare debemus.

§. 527.

Quoniam interpretatio restrictiva procedit ex defectu rationis sufficientis volitionis, vel nolitionis (§. cum habeat 526.), ratio autem hæc deficit, tum si in aliquo casu nulla interpretatio restrictiva. prorsus adsit ratio, cur hoc voluisse, vel noluisse dicendus, qui locutus est, quod verborum significatus fert, vel quia ratio, cur quis quidpiam voluit, vel noluit, ad casum aliquem applicari nequit sive saltem in genere, sive etiam in specie spectata; interpretatio restrictiva locum habet, si in casu quodam sub verbis ejus, qui locutus est, comprehenso vel nulla adsit ratio sufficientis volitionis, aut nolitionis, vel ea deficit aut generaliter saltem, aut etiam in specie spectata.

Ita omnis ratio deficit, seu nulla prorsus adest in exemplo, quod modo dedimus (not. §. 526.), cur qui uni domum, alteri hortum legavit, ad quem nonnisi per domum aditus patet, voluerit domum legare sine servitute, ac ideo legatum domus restringitur, ut legata intelligatur cum itinere concedendo alteri legatario. Deficit ratio in genere spectata, quatenus in casu aliquo illicitum foret, quod faciendum, si verba præcise sequi velis, veluti si depositarius deponenti rem restituere vellet, domino eandem repetente. Deficit ratio etiam in specie spectata, si patronus prohibetur juramento adigere libertum, ne uxorem ducat, aut liberos tollat, & patronus libertum castratum ad tale juramentum adigit, quia ratio legis est, ne patronus avaritiæ suæ velificando sobolis multiplicationem impediât.

(Wolffii Jur. Nat. Pars VI.)

Ccc

§. 528.

§. 528.

*Idem porro
expenditur.*

Similiter quia interpretatio restrictiva procedit ex defectu rationis sufficientis volitionis ac nolitionis (§. 526.), ratio autem, quæ plures simul sumtas comprehendit, non amplius sufficiens est, quando una vel altera deficit; *si ratio sufficiens volitionis vel nolitionis plures simul sumtas comprehendit, & una, vel altera earum deficit, interpretatione restrictiva utendum.*

Nimirum quoniam volitio, vel nolitio non ponitur, nisi posita ratione sufficiente (§. 118. *Ontol.*), si ratio illius sufficiens plures simul sumtas comprehendit, volitio, vel nolitio poni nequit, nisi singulæ istæ rationes simul adsint, quemadmodum in rerum natura effectus non sequitur, ad quem producendum plures causæ concurrant necesse est, si una, vel altera absit.

§. 529.

*Quomodo
defectus vo-
luntatis ori-
ginarius in-
telligatur ex
absurdo.*

Quod si inde sequatur aliquod absurdum, quod eam mentem illi, qui locutus est, tribuere velis, quam verba generaliter posita indicant; hac ita restringenda sunt, ut absurdum istud evitetur. Quoniam nemo sanæ mentis absurda velle præsumitur, nec illi, qui locutus est, eam mentem tribuere licet, quam verba generaliter posita indicant, ubi inde sequitur aliquod absurdum. Quoniam itaque sine motivo, adeoque ratione sufficiente volitionis (§. 887. *Psych. empir.*), nulla datur volitio (§. 889. *Psych. empir.*), consequenter ubi volitio deficit, ibi quoque deficit ratio sufficiens volitionis; si inde sequatur aliquod absurdum, quod eam loquenti mentem tribuas, quam verba generaliter posita indicant, ratio sufficiens nulla adest, cur ea voluerit, quæ verba generaliter posita insinuare videntur. Quamobrem cum restrictiva interpretatio locum habeat, quando nulla adest volitionis ratio (§. 527.); tunc quoque restrictiva interpretatione utendum, consequenter ea sunt addenda, quæ ad vitandum absurdum requiruntur, seu, verba ita restringenda, ut absurdum istud evitetur.

Exem-

Exemplum, quod paulo ante in medium attulimus (not. §. 526.), propositionem præsentem illustrat. Etenim si quis uni legat domum, alteri hortum, ad quem nonnisi aditus per domum pater; cum nihil dicatur de servitute domo imposita, si eam mentem testatori tribuere velis, quod absque servitute legata sit domus, sequetur inde hoc absurdum, quod voluerit eum, cui hortum legavit, ad eundem accedere non posse. Nulla igitur adest ratio, quemadmodum jam ante monuimus (not. §. 527.), cur testator domum sine servitute legare voluerit, consequenter nec dici potest, quod sine servitute legaverit. Verbis igitur generaliter positus, *lego Titio domum*, addenda sunt, *cum servitute itineris ad hortum*, seu, *ea lege, ut aditum ad hortum præstet*. Ita enim evitatur absurdum. Sane si testator præsens esset ac ipsemet mentem suam explicare deberet, dubium non est, quin dicturus sit, velle sese ut Titius alteri legatario aditum ad hortum præstet, consequenter metuendum non est, ne verba ejus perverse interpretemur (§. 439.). Haud raro contingit, nos non omnia, quæ volumus, verbis exprimere, sed quædam tacite insinuare, quæ aliunde intelliguntur, adeoque generaliter loqui, etsi verba nostra generaliter sumi sine ulla restrictione nolimus: id quod etiam subinde accidit nobis non cogitantibus. Ita in exemplo nostro testator nullam facit mentionem servitutis, vel quod putet, per se parere, ut aditus ad hortum præstetur, vel quod de aditu ad hortum non cogitet, quando uni domum, alteri hortum legat. In hoc casu Grotius l. c. interpretationem restrictivam peti dicit ex defectu originario voluntatis, qui intelligitur ex absurdo, quod alioqui evidenter sequitur. Nimirum si is, qui locutus est, statim interrogaretur, num velit verba sua ita intelligi, ut inde sequatur hoc absurdum; exemplo utique responderet nolle sese, ut ita intelligantur, sed restrictionem esse addendam, qua absurdum evitatur.

§. 530.

*Si rationem addit qui locutus est, cur quid voluerit, vel non. De defectu
luerit, aut de ea aliunde constet, & casus sub verbis generaliter voluntatis
CCC a*

litis originario

ex cessatio, sitis, comprehensus occurrat, in quo illa deficit: casus hic excipiente ratione, dus est per interpretationem restrictivam. Etenim qui aliquid vult, vel non vult, propter hanc rationem, is idem neutiquam vult, vel non vult absolute, sed quatenus id sub ista ratione venit. Quod si ergo in casu aliquo, sub verbis generaliter positis comprehenso ratio illa deficit, nec qui locutus est in eo casu id voluisse, vel noluisse dicendus, quod verba generaliter posita indicant (§. 889. P. y, b. empir.). Quamobrem dubium non est, quin casum istum exciperet qui locutus est, si præsens esset ac interrogaretur, num eundem quoque sub verbis suis comprehendere velit. Quoniam itaque interpretatio ita facienda, quemadmodum eam faceret qui locutus est, si præsens esset (§. 515.), & interpretatione restrictiva utendum, quando deficit ratio sufficiens volitionis, vel nolitionis (§. 527.); si qui locutus est rationem addit, cur quid voluerit, vel noluerit, aut de ea aliunde constet, casus, in quo deficit ista ratio, etsi sub verbis generaliter positis comprehensus sit, per interpretationem tamen restrictivam excipiendus.

Propositionem præsentem optime illustrat exemplum in l. 6. §. 2. ff. de Jur. patron. quod supra jam attulimus (not. §. 527.), scilicet si patronus prohibetur juramento adigere libertum, ne uxorem ducat, aut liberos tollat, excipiendus est casus, quo patronus libertum castratum ad tale juramentum adigit. Quoniam enim ratio prohibitionis est, ne patronus avaritiæ suæ velificando sobolis multiplicationem impediatur; legislator non absolute prohibuit, ne patronus impediatur libertum, quo minus uxorem ducat, sed quatenus hoc modo sobolis multiplicatio impeditur: quod cum non fiat, si libertus castratus est; dubium sane non est, de liberto castrato verba sua ut accipiantur noluisse legislatorem, licet de eo nihil expresse dixerit. Illa igitur ratio cum verba legis statim restringat ad libertum, qui liberos tollere potest; quoad libertum castratum statim,

statim quoque deficit voluntas legislatoris. Hinc *Gratius* dicit l. c. in hypothesi propositionis præsentis interpretationem restrictivam peti ex defectu originario voluntatis, qui intelligitur ex cessatione rationis, quæ sola plene & efficaciter movit voluntatem; hoc est, rationis sufficientis volitionis, vel nolitionis. Quod si Titio promisi, quamdiu in Academia studiis operam navaverit, dare quotannis centum thaleros, ob hanc rationem, ut feliciores in iis progressus facere possit; promissum meum extendi nequit ad hunc casum, quo neglectis studiis pecuniam pudendo luxu consumit, consequenter statim ab initio noluisse dicendus sum pecuniam dare Titio, si in Academia neglectis studiis luxuriæ indulget, quamvis de eo nihil expresse dictum fuerit.

§. 5311.

Si materiæ, de qua agitur, parum convenit; ut verba tam late sumantur, quemadmodum patere videntur; per interpretationem voluntatis nem restrictivam eidem convenienter restringenda sunt. Quo originariam enim materiæ, de qua loquimur, semper obversatur ex materia animo nostro; per verba, quæ proferimus, non significare volumus, nisi quod in idea rei; quæ animo obversatur; continetur, omni quippe attentione in ea defixa; ut; num latius pateant verba; quam quod dicere volumus, non consideramus. Nulla igitur ratio est; cur id voluisse, vel noluisse dicamur; quod verba latius patentia indicare videntur. Quamobrem cum interpretatione restrictiva utendum sit, quando ratio sufficiens nulla adest volitionis, vel nolitionis (§. 527.), nec verbis significare intendamus, nisi quod in idea animo obversante continetur (§. 36. Log.); per interpretationem restrictivam materiæ, de qua agitur, convenienter restringenda sunt verba; quæ latius patent, si illi parum convenit, ut tam late sumantur, quemadmodum patere videntur.

E. gr. Pōmanus feudā usu recepta non admittere successorēs, nisi in linea agnatica a primo acquirente descendentes.

C c c 3,

Quod si

Quodsi dicam, concedo tibi & descendantibus masculis feudum; quamvis nepotes ex filia etiam sint descendentes masculi, materia tamen, de qua agitur, ex hypothesi minime patitur, ut sub masculis descendantibus comprehendantur, quia scilicet feudum per naturam suam non admittit nisi masculos descendentes in linea agnatica. De feudo nimirum qui cogitat, non aliud sibi repræsentare intelligitur nisi ordinarium, quamdiu diversum non dicit. Quodsi contra naturam feudi successionem in eodem ad masculos quoque in linea cognatica descendentes extendere velimus, nulla adest ratio, cur hæc voluisse dicatur qui locutus est. Cumque ratio hæc statim deficiat, quando loquitur; *Grotius* l. c. in hypothesi quoque propositionis præsentis interpretationem restrictivam per dicit ex defectu originario voluntatis, qui intelligitur ex defectu materiæ. Quod vero nulla adsit ratio, cur quis velit ea, ad quæ verba ipsius extenduntur ultra substratam materiam, facile patet. De quo enim non cogito, ea nec velle possum. Quod vero velle non possum, ejus nec datur aliqua ratio, cur velim. Pertinet huc, quod vulgo dicitur, verba intelligenda esse secundum substratam materiam, & talia esse prædicata, qualia permittuntur esse a suis subjectis.

§. 532.

De ratione Si res, quæ ratio sub se comprehendit, spectentur non secundum
res secundum existentiam, sed quatenus existere possunt; ubi certum non est, eas
dum potentiam existere non posse, restrictio facienda non est. Etenim si res, quæ
tiam moraliter ratio sub se comprehendit, spectentur non secundum existen-
deram sub tiam, sed quatenus existere possunt; qui locutus est, omni-
se compre- no hoc fieri voluit, vel noluit, non quando certum est, res
hendente. istas exituras, sed etiam quando non certum est, eas existe-
 re non posse, adeoque metuendum, ne forsitan existant (§. 56. *Ontol.*). Quod si ergo verba ejus, qui locutus est, re-
 stringere velis ad eum casum, quo res actu non existit, aut
 probabiles non prostant rationes, quod sit exitura; contra
 men-

mentem ipsius hoc fieret. Quamobrem cum per interpretationem inquiramus in mentem ejus, qui locutus est (§. 459); si res, quæ ratio sub se comprehendit, spectentur non secundum existentiam, sed quatenus existere possunt; ubi certum non est, eas existere non posse, restrictio facienda non est.

Grotius l. c. §. 25. dicit, res sub ratione comprehendi non secundum existentiam, sed secundum potentiam moraliter (non physice) consideratam, & hoc in medium affert exemplum. Si cautum sit, ne exercitus, aut classis aliquo ducatur, non poterit duci, etiam animo non nocendi, quia in pactione non certum damnum, sed periculum qualecunque spectatum est. Quamdiu nimirum certum non est, fieri non posse, ut aliquis hostile molietur classis, vel exercitus, vel alia quacunq; de causa contingat, ut damnum aliquod ex eo emergat, quod classis, vel exercitus eo ducatur, quo ne ducatur conventum erat; nec licet conventionem restringere, ut classis, vel exercitus eo duci possit sine animo nocendi. Vix autem unquam fieri poterit, ut certus sis, abesse animum nocendi, vel nullum emergere posse casum, quo, qui animum nocendi, nunc non habet, eundem mutet. Asferri etiam solet exemplum sequens. Si prohibitum fuerit famulis arma gestare; nec gestare licet, etiam si non habeant animum nocendi. Unde enim certus esse poteris, haudquaquam dari posse occasionem, ut ferro noceat, qui animum nocendi nunc non habet. Valer hic illud pervulgatum: occasio facit fures. Exemplo huic geminum est alterum, quando lege prohibetur, ne quis noctu cum facibus per plateas ambulet: tum enim non licet excipere, se tam circumspice facibus uti, ut damnum nemini inde emergat. *Grotius* distinguit inter existentiam & potentiam, seu, ut scholastici loquuntur, inter actum & potentiam, quatenus scilicet quid vel existit, vel existere saltem potest & hanc potentiam moraliter considerari dicit, quando probabile, aut saltem non improbabile est, id existere posse. Ita quando prohibetur, ne quis noctu cum facibus per plateas ambulet, non ideo prohibetur, quod:

quod incendium sit suboriturum; sed quod certum non sit, an non casus contingere possit, quo incendium oritur, qui non una de causa contingere potest, cum in istiusmodi eventibus incertis eligatur quod tutius.

§. 533.

Quando Si status rerum præsens in ratione sufficiente promissionis non promissa non continetur; promissa in se non habent tacitam conditionem, si res habeant taci-*maneant*, quo sunt loco. Quoniam enim ex ratione sufficienti tam condi-*te* promissionis intelligitur, cur promissor quid promiserit *tionem, si res* (§. 56. *Ontol.*); si status rerum præsens in ratione sufficiente *maneant*, promissionis non continetur, nec propter eundem promissum *quo sunt loco* sum dici potest, quod promissor promissor, consequenter quando res non manent eo, quo sunt loco, ratio sufficiens promissionis minime deficit. Quoniam itaque interpretatio restrictiva locum non habet, nisi deficiente ratione sufficienti promissionis (§. 526.); nec casus excipi potest, quo res non manent, quo sunt loco. Quamobrem promissa in se non habent tacitam conditionem, si res maneant quo sunt loco, si status rerum præsens in ratione sufficiente promissionis non continetur.

Sunt sane plurimi, qui existimant, promissa semper tacitam hanc habere exceptionem, si res maneant, quo sunt loco, cum mutatione status rerum mutari etiam promissa statuantes. Sed quemadmodum falsa est hæc opinio, ita etiam periculosissima, cum vix unquam propter rerum humanarum inconstantiam deficiat causa, cur quis pacto stare nolit, & semper aliquam juris speciem fraudi imponere haud difficile erit. Ita si conventum fuerit, ut certo pretio redimantur captivi, non licet exigere pretium majus, propterea quod præda ingenti autus fuerit qui redimere vult.

§. 534.

§. 534.

Si status rerum præsens in ratione sufficiente promissionis continetur; promissa in se habent tacitam conditionem, si res manebant, quo sunt loco. Quoniam enim per rationem sufficientem promissionis intelligitur, cur promissor quid promiserit (§. 56. *Untol.*); si status rerum præsens in ratione sufficiente promissionis continetur, promissor ideo promississe intelligitur, quod status rerum præsens talis esset, non promissurus, si non fuisset. Quod si ergo status rerum præsens mutetur, adeoque eadem non maneat, quo sunt loco (§. 290. *Untol.*); ratio sufficiens promissionis deficit (§. 56. *Untol.*). Quamobrem cum casus excipiendus sit, quo ratio sufficiens promissionis deficit (§. 530.); si status rerum præsens in ratione sufficiente promissionis continetur, promissa in se habent tacitam conditionem, si res maneat, quo sunt loco.

Grotius l. c. huc refert, quod passim in historiis legamus, legatos a suscepto itinere domum rediisse deserta legatione, quod res ita immutatas intelligerent, ut tota legationis materia aut causa cessaret. Exemplum occurrit apud Tacitum lib. 2. Hist. c. 1. ubi Titius missus fuerat a patre ad gratulandum Galba, qui occisus interim erat, Othone successore. Annon vero consultius sit, ut, antequam redeat legatus, in mentem mittentis inquirat, cursum interea sistendo, non est hujus loci disquirere.

§. 535.

Quoniam promissa continent in se tacitam hanc conditionem, si res maneat, quo sunt loco, quando status rerum præsens in ratione sufficiente continetur (§. 534.), minime dum sit illud autem habent, quando non continetur (§. 533.); promissa in se non habent tacitam conditionem, si res maneat, quo sunt loco, nisi apertissime pateat statum rerum præsentem in ratione sufficiente promissionis contineri.

(Wolffii Jur. nat. Pars VI.)

Ddd

Atque sibus.

Arque adeo patet, quomodo cum grano salis, ut loquitur Zepperus in Cynos. leg. c. 59. accipi debeat illud brocardicum Jëtorum: *conventionem omnem intelligi rebus sic stantibus*, ne omnis fides inter mortales elevari possit. Promissa nimirum semper sunt servanda, quænam status rerum fuerit mutatio, quamdiu certum non est, intuitu status præsentis tantummodo promissum esse. Ira amico pecunia indigenti promitto, me donaturum centum thaleros. Sed irruens hostis domum meam diripit & vastat, ut ipsemet pecuniæ *sim* maxime indigus. Nemo non videt, propter rerum statum mutatum promissum non esse servandum, sed cum promitterem, me hunc casum tacite excepisse & ad statum rerum præsentem unice animum attendisse.

§. 536.

De casu emergente, qui pugnat cum voluntate ob rationem naturalem.

Si casus eremgit, quo verba sequi illicitum esset, seu legi naturæ repugnaret; casus hic excipiendus est. Etenim cum obligatio naturalis, seu quæ a lege naturæ venit, sit immutabilis (§. 142. part. 1. Phil. pract. univ.); nemo sese obligare potest ad id faciendum, quod legi naturæ repugnat. Quamobrem si quis casus emergit, quo verba sequi legi naturæ repugnaret; cum nemo præsumatur voluisse, quod eidem repugnat, casum hunc excepturus intelligitur, qui locutus est, si præsens esset. Quamobrem cum ita facienda sit interpretatio, quemadmodum eam faceret, qui locutus est, si præsens esset, vel si eidem cognita fuissent, quæ nunc palam sunt (§. 515.); si casus emergit, quo verba sequi illicitum esset, seu legi naturæ repugnaret, casus iste omnino excipiendus est.

Quoniam voluntas pendet a iudicio intellectus, quando casus aliquis emergens, quem prævidere non datum fuit, cum voluntate pugnat, aut idem repugnat iudicio intellectus, a quo voluntas dependet, aut ipsi actui volitionis, quando scilicet duo pacta, vel duæ leges in casu emergente inter se colliduntur, ut exceptione opus sit, adeoque quæritur, quomodo faciendâ

cienda sit exceptio. Propositio præsens pertinet ad casum priorem. E.g. Qui gladium depositum reddere promisit pro lubitu repenti, eum non reddet aggressori, seu lædere alterum intendenti (§. 979. part. 1. *Jur. nat.*). Quoniam enim nemo ad hoc concurrere debet, ut alter vulneretur (§. 740. part. 1. *Jur. nat.*), nec alterum in periculum vitæ adducere (§. 746. part. 1. *Jur. nat.*); legi naturæ utique repugnat reddere gladium depositum ei, qui alterum vulnerare, aut interficere intendit. Quando itaque gladium depositum reddere quis promittit pro lubitu repenti, casus hic tacite exceptus intelligitur, cum in eodem promissio illicita foret. Similiter rem depositam non reddet deponenti, si dominus eam repetat. Quoniam enim qui rem alienam in potestate habet, & novit, cujusnam ea sit, eam domino restituere debet (§. 467. part. 2. *Jur. nat.*); legi naturæ repugnat, domino repente, eam reddere deponenti. Quando itaque depositarius vi contractus deponenti promittit, se rem depositam redditurum; casus hic tacite excipitur, quo dominus eandem repetit.

§. 537.

Quoniam si casus emergit, quo verba sequi illicitum esset, casus hic excipiendus (§. 536.), quando vero casus e-*De collisione* pacti vel le-
mergit, quo verba pacti vel legis sequi illicitum esset, pa-
ctum vel lex cum lege naturæ colliditur in eodem casu (§. *natura in*
206. part. 1. *Phil. pract. univ.*); *Quando in casu emergente pa-*
casu emer-
ctum, vel lex colliditur cum lege natura, casus hic a pacto velle-gente.
ge excipiendus.

Nimirum quod pactum, vel lex fieri vult, lex naturæ non vult fieri & contra in casu emergente, ob circumstantias scilicet, quæ ordinarie in casibus aliis non adsunt. Atque adeo tum pactum, vel lex colliditur cum aliqua lege naturæ, cum qua per se minime collidebatur (§. 206. part. 1. *Phil. pract. univ.*). Propter immutabilitatem vero legis naturalis & ab ea venientis obligationis (§. 142. part. 1. *Phil. pract. univ.*), lex naturæ præfertur,

Ddd 2

seu

seu obligatio naturalis vincit eam, quæ pacto contracta est, aut a lege positiva venit. Atque adeo patet interpretationem restrictivam in casu emergente ob pugnam cum voluntate propter rationem naturalem, quemadmodum *Gratius* loquitur, proprie fluere ex collisione pacti vel legis positivæ in casu emergente cum naturali, consequenter pactum, vel legem ad eum casum extendi non posse, sed ipsa lege naturæ eundem esse exceptum. E. gr. Vi contractus depositi depositarius rem depositam reddere tenetur deponenti (§. 578. *part. 4. Jur. nat.*), ast vi legis naturæ eandem restituere debet domino (§. 467. *part. 2. Jur. nat.*). Utrumque cum fieri minime possit, contractus in eo casu, quo dominus rem depositam repetit, colliditur cum lege naturali (§. 206. *part. 1. Pbil. pract. univ.*). Quoniam itaque ab obligatione naturali nemo sese liberare potest (§. 142. *part. 1 Pbil. pract. univ.*); lex naturæ vincit contractum (§. 208. *part. 1. Pbil. pract. univ.*). Sane statim ab initio illicitum foret ita contrahere, ut rem alienam deponenti promittas te ipsi, non domino repetenti eandem restituere velle. In præsentī adeo non tam quaeritur, quænam foret voluntas ejus, qui locutus est, si præsens esset, sed quænam esse deberet. Quoniam vero in dubio velle præsumitur, quod velle debet; idēo casus emergens cum voluntate ipsius pugnare dicitur, nihilominus excipiendus, etiam si, qui locutus est, eundem excipere nollit, propterea quod ipsa lex naturæ eundem excipit.

§. 538.

De casu emergente. Si casus emergit, in quo verba sequi, seu eorum significatus mergente, proprio stricte inherere, nimis grave foret ei, quem quis ad aliquid, qui non satis præstandum obligare voluit, vel qui se alteri obligare voluit; convenio of- casus iste excipiendus. Etenim cum ad commodā aliorum ficiis huma- promovenda non obligemur, nisi quatenus citra neglectum nitatis, vel officii erga se ipsum fieri potest (§. 608. *part. 1. Jur. nat.*); nemo præsumitur se alteri adeo obligare voluisse, ut sibi ipsi minimum defuit, consequenter ut faciat, quod sibi nimis grave, seu molestum foret. Quod si ergo casus emergit, in quo verba sequi,

sequi, seu eorum significatui proprio stricte inhaerere nimis grave foret ei, qui se alteri obligavit; dubium non est, quin is hunc casum exciperet, si praesens esset. Quamobrem cum ita facienda sit interpretatio, quemadmodum eam faceret, qui locutus est, si praesens esset, vel si eidem cognita fuissent, quæ nunc palam sunt (§. 515.); si casus emergit, in quo verba sequi, seu eorum significatui stricte inhaerere nimis grave foret, qui se alteri obligare voluit, casus iste excipiendus est.

Quod erat unum.

Quodsi ponamus, legislatorem tulisse legem, quam in casu emergente observare nimis grave foret ei, quem ea lego: ad quid faciendum, vel non faciendum obligare voluit legislator; hic omnino durissimam hanc legis observantiam non voluisse præsumitur, adeoque dubium non est, quin menti legislatoris conveniat, ut excipiat. Quamobrem: cum in interpretando inquiramus in mentem legislatoris (§. 459.); contra verborum significatum casus iste utique excipiendus. *Quod erat alterum.*

E. gr. Qui rem ad dies aliquot commodavit, intra eos dies eam repetere poterit, si ipse eadem valde egeat. Neque enim usus rei suæ alteri concedere tenetur, quemadmodum facit, qui rem commodat (§. 418. *part. 4. Jur. nat.*), qui ipse eadem eget: immo nemo hoc facere præsumitur, præsertim si ipse eadem valde egeat, nisi singulares adsint rationes, ob quas hoc facere malit. Quodsi ergo ex insperato casus emergit, quo commodans re sua ipse valde eget, nimis durum foret, si usum ejus alteri concedere tum deberet, consequenter dubium non est, quin casum hunc, cum commodaret, excepisset, si de eo cogitasset, vel a commodatario interrogatus fuisset, num intra eos dies, ad quos commodavit, rem repetere noller, si ipsamet eadem valde egere coniungat. Similiter qui auxilium foederato promissit, excusabitur, quamdiu ipse domi periclitatur, in quantum copiis opus habet. Quoniam enim nemo tenetur:

Ddd 3;

stude-

fœderato promittere auxilium, nisi in quantum ipse copiis non habet opus, quemadmodum suo tempore constabit, quando de jure gentium acturi sumus, immo nec quisquam hoc facere præsumitur, ideo casus hic tacite exceptus intelligitur, ut adeo auxilium præstare non teneatur, nisi in quantum copiis opus habet, adeoque nullum, si omnibus opus habet. Addit porro *Grotius* l. c. §. 27. concessionem immunitatis vectigalium & tributorum intelligi, de quotidianis & anniversariis, non de iis, quæ summa necessitas exigit, & quibus carere Resp. non potest. Etenim officium boni civis est, ut pro virili conferat, quicquid ad servandam Remp. requiritur, nec superior in favorem quorundam ceteros nimium onerare debet, id quod etiam ex parte eorum, qui immunitate alias fruuntur, charitati repugnat. Hinc itaque colligitur, dum immunitas vectigalium & tributorum fuit concessa, ea tacite excepta fuisse, quæ summa necessitas exigit, & quibus Resp. carere nequit. Huc etiam refert *Grotius*, quod morbus lenticus patris vel filii (quo scilicet vita ejus periclitatur) eum excuset, qui operas vicino ad aliquot dies promittit. In hoc enim casu operas præstare promissas repugnaret amor, quo recte patrem, vel filium prosequimur, adeoque nimis durum foret, si contra eundem ad præstandum operas promissas obligatus esse deberet. Nemo adeo dubitabit, quin hunc casum excepturus fuisset, qui operas promittit, si de eo interrogatus fuisset, cum promitteret. Alia adhuc exempla vide apud *Senecam* lib. 4. de benefic. c. 35. Sed demus etiam exempla, in quibus casus emergens sub verbis legis comprehensus excipiendus, quod verba legis sequi nimis durum foret. Pertinet huc interpretatio restrictiva legis positivæ divinæ de nullo opere in die Sabbathi faciendo, quam fecit Christus hydropicum Sabbatho sanans Luc. XIV. 3. & seqq. Excipiebat enim eum casus, quo quis asinum ac bovem in puteum cadentem die Sabbathi continuo extrahit. Cum enim jus naturæ unicuique excipiendus, quod verba legis conservantem (§. 458. 452. 448. *part. 2. Jur. nat.*); observantia legis de nullo opere Sabbatho faciendo nimis dura foret, si eoque extendi deberet, absque ulla ratione, ut ne quidem peri-

cu-

culum avertere liceret, quod rebus suis imminet, cum nihil hic committatur, quod reverentiæ erga Deum contrarietur, sed quod potius voluntati divinæ, cui jus naturæ consentaneum est, (§. 284. *part. 1. Phil. pract. univ.*), conforme. Hinc merito stultam appellat *Puffendorfius* l. c. §. 22. Abyssinorum religionem, qui tempore quadragesimæ tantopere sese jejunio macerant, ut animi & corporis viribus defecti hostibus, eo tempore incurrentibus, resistere non valeant, cum tamen jus se defendendi adversus hostes cuilibet populo ipsa naturæ lege sit concessum, quemadmodum suo loco ostendemus.

§. 539.

Si duo pacta vel due leges colliduntur in casu emergente; exceptio facienda. Etenim quando duo pacta inter se colliduntur in casu emergente, fieri haud quaquam potest, ut utroque simul stetur, seu simul præstetur, quod in utroque promissum, ac diverso tempore commode præstari potest (§. 510. *Ontol.*). Necesse igitur est, ut in casu isto uni tantummodo satisfiat, neglecto pacto altero. Quamobrem cum tunc casus emergens sub pacto altero comprehensus vi significationis verborum sit excipiendus; si duo pacta in casu emergente colliduntur, exceptio facienda est. *Quod erat unum.*

Quod collisio legum pariat exceptionem, patet per ea; quæ de legibus naturalibus demonstravimus (§. 207. *part. 1. Phil. pract. univ.*). *Quod erat alterum.*

Quæritur vero jam, quomodo facienda sit exceptio, seu quomodo pateat, quodnam pactum alterum vincat, quodnam alteri cedat, & quænam lex vincat alteram, quænam alteri cedat. Quid in collisione legum obtineat, jam demonstravimus alibi (§. 210. *Et seq. part. 1. Phil. pract. univ.*). Restat igitur, ut etiam ostendamus, quid in collisione pactorum obtineat. Notandum vero, quando hic dicitur, duo pacta inter se collidi; id etiam intelligendum esse de duobus promissis in eodem pacto

Et contentis, cum cum pactum unum spectari possit tanquam multiplex.

§. 540.

Pacta quatenus legibus assimulantur.

Pacta, quatenus promissa continent, assimilantur legibus. Quatenus enim promissa continent, qui promittit, obligatur ad aliquid dandum, vel faciendum, vel etiam ad quiddam non faciendum, vel non patiendum (§. 363. 358. part. 3. Jur. nat.). Quamobrem cum propositiones, quibus enunciatur, quid promissarius agere, vel non agere debeat, sint veluti regulæ, juxta quas actiones quasdam suas determinare obligatur (§. 475. Ontol.), regulæ autem, juxta quas actiones nostras determinare obligamur, sint leges (§. 131. part. 1. Phil. pract. univ.); pacta, quatenus promissa continent, legibus assimilantur.

Idem omnino est effectus pacti, quatenus promissionem continet, atque legis. Cum enim non minus pactum, quam lex inducat obligationem, adeoque necessitatem agendi, vel non agendi imponat (§. 118. part. 1. Phil. pract. univ.); libertatem agentis restringit quoad certas actiones, ut de iis non amplius statuere possit pro lubitu suo, sed quoad easdem dependeat a voluntate alterius, cui obsequendum.

§. 541.

De pluribus legibus uno pacto contentis.

Quoniam pacta, quatenus promissa continent, assimilantur legibus (§. 540.); si pacta plures promissiones continent, tot in iisdem spectare datur leges, quot insunt promissa diversa.

Pactum scilicet plures promissiones continens est veluti compositum ex pluribus simplicibus, quorum singula singulas promissiones continent. Quodlibet istiusmodi pactum simplex cum legi assimiletur (§. 540.); tot omnino pacto composito inesse intelliguntur leges, quot insunt promissiones particulares. Qui promittit, representat personam ejus, cui lex præscribitur.

scribitur; is autem, cui promittitur, habet sese instar legislatoris, cujus voluntati parendum. In pactis adeo bilateralibus quoad diversa promissa reciproca unus idemque repræsentat personam & legislatoris, & subditi.

§. 542.

Similiter quia pacta, quatenus promissa continent, legibus assimilantur (§. 541.), quæ vero ad agendum obligant, pactum legi leges præceptivæ sunt (§. 164. part. 1. Phil. pract. univ.), quæ ad præceptivæ, non agendum obligant, prohibitivæ (§. 163. part. 1. Phil. pract. univ.), quæ ad agendum & non agendum non obligant, & permissivæ sed jus saltem agendi & non agendi dant, permissivæ (§. 165. va æquiva. part. 1. Phil. pract. univ.); quatenus pactum promissionem continet, legat. de agendo, legi præceptivæ æquivalet, quatenus vero continet promissionem de non agendo, legi prohibitivæ, & quatenus concedit jus agendi, vel etiam non agendi, legi permissivæ.

Differentia eadem est promissionum in pactis, quæ est legum. Nimirum utrobique aut necessitas quædam agendi aut non agendi imponitur, aut liberum alicui relinquitur, ut pro lubitu quid agat, vel non agat, ac alter pati teneatur, ut agat, vel non agat, prouti visum fuerit.

§. 543.

Si pactum permittens colliditur cum jubente, permittens cedit De collisione jubenti. Etenim pactum permittens legi permissivæ, jubens pacti per legi præceptivæ æquivalet (§. 542.). Eninvero si lex præmittentis & præceptiva & permissiva inter se colliduntur, permissiva cedit jubentis. præceptivæ (§. 211. part. 1. Phil. pract. univ.). Quodsi itaque pactum permittens colliditur cum jubente, permittens quoque cedere debet jubenti.

Paret adeo, nos pacta reduxisse ad leges, ut sine ulla opera demonstrari possit, quomodo in pactionibus fieri debeat exceptio, quando ex casu emergente inter se colliduntur. Quod jubetur, cum ad id faciendum simus obligati, necessarium est, (Wolffii Jur. Nat. Pars VI.) Eec ut

ut fiat (§. 118. *part. 1. Phil. pract. univ.*); quod vero permittitur, quia nostro arbitrio relictum, ut faciamus, voluntarium (§. 156. *part. 1. Phil. pract. univ.*). Quando itaque fieri nequit, quod voluntarium est, nisi omittatur, quod fieri necesse est, qui est casus collisionis; a voluntario utique abstinendum, minime autem a necessario, necessitate faciendi tollente libertatem. omittendi in casu. emergente.

§. 544.

*De collisione
pacti per-
mittentis
ac. vetantis.*

Si pactum permittens colliditur cum prohibente, seu vetante; permittens cedit vetanti. Etenim pactum permittens legi permissivæ, vetans legi prohibitivæ æquivaleret (§. 542.). Enimvero si lex prohibitiva & permissiva inter se colliduntur, permissiva cedit prohibitivæ (§. 211. *part. 1. Phil. pract. univ.*). Quamobrem si pactum permittens & vetans inter se colliduntur, permittens vetanti cedere debet.

Quod vetatur, cum ad id omittendum obligemur (§. 163. *part. 1. Phil. pract. univ.*), ut omittatur necessarium est; quod vero permittitur, ut modo annotavimus (*not. §. 543.*), voluntarium. Quando itaque fieri nequit, quod voluntarium, nisi fiat id quod omisso necessarium, id quod necesse est in casu collisionis; a voluntario denuo abstinendum, necessitate omittendi tollente facultatem. seu libertatem faciendi in casu emergente.

§. 545.

*De collisione
pacti jubens,
O. ve-
tantis..*

Si pactum jubens colliditur cum pacto vetante, jubens cedit vetanti. Etenim pactum jubens legi præceptivæ, vetans prohibitivæ æquivaleret (§. 542.). Ast si lex præceptiva colliditur cum prohibitiva, præceptiva cedit prohibitivæ (§. 210. *part. 1. Phil. pract. univ.*). Ergo si pactum jubens colliditur cum vetante, vetanti cedit.

Quod vetatur, absolute necessarium est, ut nunquam fieri possit: quod jubetur, necessarium quidem est, sed quando fie-

ri potest, cum ad impossibile non datur obligatio (§. 109. *part. 1. Phil. pract. univ.*). Quando quod jubetur colliditur cum eo, quod vetatur; impossibile est, ut fiat, atque adeo hic casus intelligitur exceptus. Quod nimirum jubetur, tacitam hanc habet exceptionem, nisi occurrat impedimentum, quod actionem reddit impossibilem pro presenti, moraliter scilicet, etsi non physice. Quod jubetur occasionem agendi supponit, quæ utique abest, ubi quid faciendum, quod vetitum.

§. 546.

Si duo pacta affirmativa, seu qua quid jubens, in casu emergente inter se colliduntur, quæ cum diversis personis inita fuerunt; affirmativis pactum prius vincit posterius. Etenim in pacto affirmativo nos diversotem alteri obligamus ad aliquid præstandum (§. 841. *part. 3. Jur. pore cum dinat.*). Quamobrem cum nemo ab obligatione sua seipsum *versis initis* liberare possit (§. 674. *part. 3. Jur. nat.*); non licet se obligare alteri ad quid præstandum, quod vi pacti cum alio jam initi præstari nequit. Enimvero si duo pacta affirmativa cum diversis inita personis inter se colliduntur, pacto priori satisfieri nequit, siquidem posteriori satisfacere velis (§. 510. *Ontol.*). Casus igitur, quo inter se colliduntur, in pacto posteriori tacite exceptus intelligitur, ita ut satisfaciendum sit pacto priori, non posteriori, adeoque posterius cedit priori.

Liberum utique est paciscenti, num & quomodo se alteri obligare velit, quamdiu libertas ejus nullo adhuc modo restricta est, sed idem eadem integra fruitur. Quamprimum vero cum aliquo pactum inicit, quoad ea, de quibus conventum, libertatem suam restringit, ut adeo alteri sese obligare nequeat ad id, quod pactioi jam antea inita contrariatur. Pactio itaque posterior fieri nequit nisi sub hac tacita conditione, in quantum pactio prior non obstat. Et sic casus emergens, in quo pactorum sit collisio, in pacto posteriori facile excipitur.

Ecce o

§. 547.

§. 547:

*De iis, ad quæ in aqua-
liver promit-
tens obliga-
tus.* Si qua in eodem, vel diversis pactis cum eadem persona initis jubentur, in casu emergente inter se colliduntur; id vincit, ad quod fortior est obligatio. Etenim qui duo alteri promittit, ad quorum unum fortius eundem sibi obligari voluit promissarius, quam ad alterum; promissario utique plus interest, ut præstetur id, ad quod fortius sibi obligatum esse voluit promittentem, quam ut præstetur alterum, cum nec alio fine alterum nobis obligemus ad aliquid præstandum, quam ut de præstatione simus certi. Quamobrem, voluisse omnino intelligitur, ut, si forsan contingat, utrumque præstari simul non posse, id potius præstetur, ad quod fortius sese obligavit promittens, quam alterum. Quoniam adeo in casu collisionis fieri nequit, ut utrumque simul præstetur (§. 510. *Ontol.*); id utique præstandum, ad quod fortior est obligatio, consequenter hoc vincit, si quæ in eodem, vel in diversis pactis cum eodem initis jubentur, in casu emergente inter se colliduntur.

Pacta igitur affirmativa tacitam hanc habent exceptionem, ut, si duo promissa simul adimpleri non possint, id præstetur, ad quod promittens fortius obligatus est. Nimirum aliqua adesse debet ratio, cur promissarius fortius sibi obligari voluit promittentem, ad unum, quam ad alterum (§. 70. *Ontol.*). Hæc autem ratio alia esse nequit, quam ut tanto certior sit de adimplendo promisso, quemadmodum ex fine intelligitur.

§. 548:

*De collisione
promissi jurati
non jurati.* Quoniam id vincit, ad quod fortior est obligatio, si quæ in pactis cum eodem initis jubentur in casu emergente inter se colliduntur (§. 547.); jurans vero fidem suam ei, cui jurat, de veritate dictorum adstringit (§. 881. *part. 3. Jur. nat.*), adeoque obligationem ad præstandum id, quod promissum, fortio-

fortiorem efficit (§. 758. *part. 3. Jur. nat.*) ; *promissum juratum præfertur non jurato, si in casu emergente ea inter se colliduntur, quorum unum jurato, alterum injurato eidem promissum est.*

In promisso jurato duplex adest obligatio, altera, quæ per se inest omni promissioni, altera vero, quæ inest promissioni de non fallenda fide in juramento contentæ. Duplex itaque obligatio fortior omnino est simplici, quæ datur in promissione non jurata. Arcet quoque juramentum omnes tacitas exceptiones ac conditiones (§. 908. *part. 3. Jur. nat.*), consequenter etiam hanc exceptionem, ut, si contingat, quod jurato promittitur, præstari nequeat, propterea quod aliud injurato promissum sit præstandum. Non vero adest, quod istiusmodi exceptionem arceat in promissione non jurata.

§i. 549..

*Si in eodem pacto, vel in diversis cum eodem initis, quod sub De collisione pœna promissum colliditur cum promisso alio, quod pœnam adjunctam promissi pœnam non habet; promissio pœnalis vincit alteram, cui nulla pœna malis cum addita est: quod si vera utraque promissio fuerit pœnalis, illa licet in casu vincit; quæ majorem pœnam adjunctam habet. Etenim cum pœna emergente, na adjiciatur promisso, ut sit motivum promissum servandi (§. 606. *part. 3. Jur. nat.* & §. 788. *Psych. empir.*); is, cui promittitur, promittentem sibi obligare vult ad servandum promissum (§. 118. *part. 1. Phil. præf. univ.*), etsi ad servandum jam naturaliter sit obligatus (§. 431. *part. 3. Jur. nat.*). Patet itaque, sub pœna promittentem magis obligari ad servandum promissum, quam sine pœna promittentem. Quamobrem cum in casu emergente id vincat, ad quod fortior est obligatio, in quo colliduntur, quæ in eodem pacto, vel in diversis pactis cum eodem initis jubentur (§. 547.); si in eodem pacto, vel diversis pactis cum eodem initis quod sub pœna promissum colliditur cum promisso alio, quod pœnam*

Ecc. 3,

nul-

nullam adjunctam habet, promissio poenalis vincit alteram non poenalem. *Quod erat unum.*

Quoniam poena adjicitur promisso eo fine, ut promissor obligetur fortius ad servandum promissum, *per demonstrata*; ad servandum promissum, cui major poena addita est, servandum fortior utique obligatio, quam ad alterum, cui minor poena adjecta. Quodsi ergo in casu collisionis utraque promissio fuerit poenalis, illa vincit, quæ majorem poenam adjunctam habet (§. 547.). *Quod erat alterum.*

Quoniam promissiones in pactis contentæ legibus æquiparantur (§. 540.), & quidem positivis, utpote a voluntate profectæ (§. 147. part. 1. *Phil. pract. univ.*); ideo non mirum videri debet, quod etiam sanctione poenali, adeoque adjectione poenæ ad promissionem (§. 289. part. 1. *Phil. pract. univ.*) introducatur positiva quædam obligatio (§. 291. part. 1. *Phil. pract. univ.*): quæ, cum ad obligationem, quæ ex promissione venit (§. 363. part. 3. *Jur. nat.*), accedit eam auget, adeoque fortiolem efficit, ut, qui promissa servare nolle, ad servandam permoveatur.

§. 550.

De eo, quod Si quæ jubentur in eodem pacto, vel in duobus cum eadem persona initis inter se colliduntur; quod magis utile vel honestum est, vel honestius præferendum minori. Etenim pacta, quæ quid jubent, legibus præceptivis æquiparantur (§. 542.). Quamobrem cum in casu collisionis duarum legum præceptivarum ea vincat, quæ ad melius obligat (§. 213. part. 1. *Phil. pract. univ.*); si quæ jubentur in eodem pacto, vel in duobus cum eadem persona initis inter se colliduntur, quod melius est, vincit, adeoque præferendum (§. 208. part. 1. *Phil. pract. univ.*). Quoniam itaque melius censetur, quod magis utile, vel honestum; si quæ jubentur in eodem pacto, vel in duobus cum eadem

eadem persona initis inter se colliduntur, quod magis utile;
vel honestum est, minori præferendum.

Nimirum utilitatis gratia pactiones fiunt, & quilibet velle
præsumitur quod honestum est, quia debet (§. 969. *part. 1. Jur. nat.*). Voluntati adeo paciscentium convenit, ut in ca-
su collisionis præferatur quod magis utile, vel honestum mi-
nori.

§. 551.

In eadem hypoth. si, quod statim fieri debet, præferendum ei; De collisione quod moram aliquam habet. Quod enim statim fieri debet, *eorum, quæ* differri nequit, consequenter si nunc non fiat, alio tempore *moram* fieri nequit: alit quod moram aliquam habet, differri potest *moram nul-* ac alio etiam tempore fieri. Quamobrem cum nemo ab *lam habent.* obligatione sua sese liberare possit (§. 674. *part. 3. Jur. nat.*); erit utique præferendum, quod statim fieri debet, ei, quod moram aliquam habet.

Nimirum quod statim perficiendum, id perfici prius oportet, si utrumque simul, seu uno eodemque tempore fieri nequit ob casum emergentem, quamvis alias fieri potuisset ac debuisset.

§. 552.

In collisione pactorum, ubi nulla ratio dari potest, cur unum al. Quando inter præferendum sit; neutrum fieri debet. Quoniam enim sine collisione pa-
motivis, adeoque sine ratione sufficiente volitionis (§. 788. *Etorum af-* *Psych. empir.*). nulla datur volitio (§. 789. *Psych. empir.*); ubi *firmativo-* nulla ratio dari potest, cur unum alteri sit præferendum, *rum nisi fieri-* quando in pactis affirmativis quæ jubentur inter se collidun-
tur, nec dici potest, voluisse paciscentes, ut unum alteri præ-
feratur. Quoniam tamen impossibile est, ut utrumque simul
fiat, *per hypoth.* ad id vero, quod impossibile, nemo obliga-

ri.

ri potest (§. 209. *part. 1. Phil. pract. univ.*); in hypothefi propositionis præfentis neutrum fieri debet.

Exceptio in cafu collisionis pañtorum petitur a voluntate præfumpta pacifcentium, præfumptio vero requirit rationes probabiles volitionis in cafu emergente (§. 245. *part. 2 Jur nat.*), ut interpretatio fiat eo modo, quo eam fañurus intelligitur qui locutus eft, fi præfens effer (§. 315.). Quodfi ergo nulla datur ratio probabilis, unde voluntas ejus, qui locutus eft, præfumi potest; nulla quoque datur ratio exceptionis, adeoque exceptio nulla facienda eft. Quando vero exceptio non fit, per fe patet, in cafu collisionis nihil fieri poffe.

§. 353.

De exceptione per præfationem per conventionem faciendam. In eadem hypothefi fi is, cui quid præfandum, & alter, cui præfari debes, inter fe convenire volunt, quodnam eorum, quæ simul præfari nequeant, præfandum fit; de exceptione convenire licet. Etenim pacifcentium tantummodo intereft, utrum hoc potius præfetur, quam alterum, ubi duo, quæ præfanda funt, in cafu collisionis præfari nequeunt. Quamobrem a voluntate eorundem dependet, num. de eo, quod præfandum, inter fe convenire velint, an, quid fieri debeat, per interpretationem definiri malint. Quod ergo de eo, quod præfandum, inter fe convenire poffint, quando in cafu emergente utrumque simul præfari nequit, dubitandum non eft, confequenter de exceptione, quomodo ea fieri debeat, convenire licet.

De jure fuo quilibet ftatuere potest pro lubitu, quamdiu nil fit contra jus tertii, & pacta homines non minus pro lubitu immutare poffunt. Quamvis adeo id præfandum, quod recta interpretatio suggerit (§. 466.); hoc ramen non obftante, aliter conveniri potest. Obligatio nova perimit veterem, & jus novum tollit vetus.

§. 554.

Quoniam in casu collisionis pactorum de exceptione *An conveni-*
 facienda convenire licet (§. 553.), ubi vero nulla ratio dari *etiam pos-*
 ri potest, sequendo scilicet leges interpretationis, cur unum *fit de exce-*
 alteri sit præferendum, neutrum fieri debet (§. 552.); *in eo pte, quan-*
 etiam casu, quo nulla ratio dari potest, cur unum alteri sit præfe- *do vi inter-*
 rendum, de exceptione facienda convenire licet. *pretationis*

Quando nimirum vi interpretationis nihil faciendum, cor- *nulla locum*
 ventio de exceptione facienda æquivaleret pacto, quo quis sibi al- *habet.*
 terum obligat ad aliquid præstandum, qui nihil adhuc debet.
 Pacta vero omnia, quæ non referuntur ad alia, in quibus quid
 immutant, fiunt de eo, quod non deberur, & cum eo, qui ni-
 hil debet. Immo nec iniquum est confugere ad conventionem
 in hypothesi propositionis præsentis. Etenim fieri potest, ut
 detur aliqua ratio faciendæ exceptionis, quamvis ea nobis non
 appareat. Quando itaque per conventionem definitur exce-
 ptio, tanto minus metuendum, ne forte alteri denegetur, quod
 erattribuendum.

§. 555.

Similiter quoniam de exceptione in casu collisionis *De exceptio-*
 convenire licet (§. 553.); *pactis etiam adjici potest conventio neconventa.*
 de faciendæ exceptione, si in casu emergente ea, de quibus pactis fa-
 cta est, inter se colliduntur; tumque exceptio fieri debet, quomodo
 conventa fuit (§. 789. part. 3. Jur. nat.).

Interpretatio nititur voluntate præsumta; conventio vero,
 quæ pacto inest, voluntate expressa. Ad præsumtam confu-
 gere opus non est, ubi constat de expressa, nec opus est inter-
 pretatio, ubi mens paciscentium aperta est (§. 460.). Immo
 vix dubitandum foret, ut paciscentes de exceptione facienda
 convenirent, siquidem casum emergentem prævidere liceret,
 quo ea, de quibus convenitur, inter se colliduntur. Semper
 præstat mentem paciscentium esse apertam, quam conjectando
 demum eam colligere.

(Wolffii Jur. Nat. Pars VI.)

Fff

§. 556.

§. 556.

*De exceptione
sorti committenda.*

Quoniam de exceptione facienda in casu collisionis pactorum convenire licet (§. 553.), in dubio autem ad fortem confugere licet (§. 296. *part. 5. Jur. nat.*); si in casu collisionis dubium fuerit, quomodo facienda exceptio, vel nullaratio appareat, cur unum alteri præferendum, ita etiam conveniri potest, ut exceptio sorti committatur.

Hæc conventio est contractus sortis electricis (§. 304. *part. 5. Jur. nat.*), ubi, quemadmodum in genere electio, ita in casu præsentis in specie exceptio fortunæ committitur (§. 305. *part. 5. Jur. nat.*). Contractus sortis electricis quemadmodum latissime patet (*not. §. 304. part. 5. Jur. nat.*); ita etiam extenditur ad exceptionem, quando ea dubia fuerit, vel de interpretatione disceptatur.

§. 557.

*Regula generalis de
exceptione in casu collisionis pactorum faciendæ.*

In collisione pactorum exceptio facienda eo modo, quo eam facturus fuisse præsumitur qui promissit, siquidem dum promittebat de ista collisione cogitasset. Quando enim pacta interpretamur, inquirimus in mentem ejus, qui promissit, ut constet, quid debeatur (§. 459.). Quodsi ergo in eorum collisione exceptio facienda, inquirendum est, quidnam excipere voluisset, qui se ad præstandum alteri obligavit, si de casu isto cogitasset, quo utrumque præstari nequit. Quamobrem ita facienda exceptio, quo eam facturus fuisse præsumitur, qui promissit, siquidem dum promittebat de ista collisione cogitasset.

Nimirum nemo sibi alterum obligare potest ad aliquid præstandum ultra voluntatem suam (§. 382. *part. 3. Jur. nat.*), adeoque nec in casu emergente, quo utrumque, ad quod se obligavit alter, præstare nequit, ab eodem exigere potest nisi id, ad quod se in eodem casu obligare voluit. Quoniam expresse de eo nihil dictum, *per hypothesin*, quid præsumendum sit quæ-

quæritur. Standum igitur ea exceptione, quam facturus fuisset præsumitur qui promissit, si de casu collisionis cogitasset. Ex principio hoc generali deduci poterant regulæ, de quibus in præcedentibus egimus, nisi collisionem pactorum ad collisionem legum reducere voluissemus.

§. 558.

Quoniam in collisione pactorum exceptio eo modo faci- *De rationi-*
enda, quoniam facturus fuisset qui promissit, siquidem, dum *bus speciali-*
promittebat, de ista collisione cogitasset (§. 557.); si ratio- *bus infaci-*
nes particulares adfuerint, per quas apparet, quid excepturus fuisset, *enda exce-*
siquidem de casu collisionis cogitasset, id excipiendum, etiamsi alio *ptione gene-*
ducant regulæ generales. *ralibus præ-*
ferendis.

Ad rationes generales recurrendum, ubi speciales deficiunt, vel sub generalibus continentur. Immo ubi regulæ generales applicandæ, de rationibus specialibus plerumque constare debet. E. gr. Si præferendum id, quod utilius, utilitas haud raro æstimanda est ex opinione, non ex veritate. Quamobrem ubi de illa constat, ad hanc non recurrendum: in dubio autem præsumitur, quod veritati consentaneum, cum opiniones varix sint hominum de re eadem, veritas autem nonnisi unica sit. Si ad rationes particulares animum advertamus, quoties casus aliquis emergit, in quo pacta colliduntur; in alias adhuc regulas generales quin incidamus, quæ ab antea demonstratis diversæ sunt, dubitandum non est. Neque enim existimandum est non alio modo voluntatem promittentis de exceptione facienda in casu collisionis præsumi posse, quam per regulas istas. Quodsi Logica probabilium, quæ hætenus in formam artis reducta non est, magis fuerit exulta; huic etiam parti interpretationis pactorum major lux affunderetur.

§. 559.

Conditionem offerre dicitur, qui declarat, quid sibi pro- *Conditio-*
mitti velit. Conditionem accipere vero dicitur, qui illi pro- *nem offerre*
mittit. Conditionem adeo offerens declarat, ad quid alterum sibi *et accipere*
obligatus quid sit. *obliga- quid sit.*

obligari velit; accipiens autem, ad quid se alteri obliget (§. 363. part. 3. Jur. nat.).

E. gr. Si interrogo: Visne mihi locare hortum tuum pro quinquaginta thaleris, & tu respondes: volo; ego conditionem offero, tu accipis. Similiter si ego interrogo: Visne mihi dare centum, & ego respondeo: volo dare octingenta; ego conditionem offero, tu accipis. Conditionem adeo offerens in contractu idem est, qui stipulatur; accipiens vero, qui promittit.

§. 360.

*Cujusnam
verbum pa-
tis inter-
pretandis
magis at-
tendenda.*

In contractibus interpretandis magis attendenda sunt verba conditionem accipientis, seu promittentis, quam conditionem offerentis, seu stipulantis, nisi verba illius ad verba hujus referantur. Qui enim conditionem offert alterum sibi ad quid præstandum obligari vult, qui vero conditionem accipit idem sese obligat (§. 559.). Enimvero nemo sibi alterum ad aliquid præstandum obligare valet ultra voluntatem suam (§. 382. part. 3. Jur. nat.), & contra promittentem pro vero habetur, quod sufficienter indicavit (§. 428. part. 3. Jur. nat.). Ex verbis adeo accipientis, non offerentis conditionem dijudicandum, ad quidnam ille huic sit obligatus. In pactis itaque seu contractibus interpretandis magis attendenda sunt verba conditionem accipientis, seu promittentis, quam conditionem offerentis. *Quod erat unum.*

Enimvero si verba accipientis referantur ad verba offerentis conditionem; tum perinde est ac si verba offerentis repeteret accipiens, eaque sua faceret. Quoniam itaque verba offerentis accipi debent pro verbis accipientis, in contractibus autem interpretandis verba accipientis attendenda sunt, *per demonstrata*; si verba accipientis referantur ad

ad verba conditionem offerentis, verba offerentis utique attendenda sunt. *Quod erat alterum.*

Quæstionem hanc movit *Plutarchus* in *Symposiacis* lib. 9. c. 13. & *Grotius* l. c. §. 32. recte distinguit inter verba absoluta & relativa, quemadmodum ex demonstratione propositionis præsentis abunde liquet. Illustre exemplum præbent capitulationes de munimentis obsessis tradendis, ubi qui urbem obsessam defendit conditiones offert, sub quibus eam hosti tradere vult, qui eandem obsidet accipit, atque declarat, sub quibus conditionibus eam sibi tradi velit, nunc verbis absolutis, nunc relativis, prouti ad declarandum mentem suam requiruntur.

CAPVT IV.

De Jure ex communione primæva residuo & Jure necessitatis in genere.

§. 561.

Jus ex communione primæva residuum vocatur, quod, postquam dominia rerum introducta sunt, nobis adhuc competit in eas res, quæ sunt in aliorum dominio.

In communione primæva usus rerum corporalium necessarius promiscue patet omnibus (§. 19. *part. 2. Jur. nat.*), ipsarum etiam industrialium & artificialium (§. 32. *part. 2. Jur. nat.*). Ast introductis dominiis dominus excludit omnes jure in eas res, quæ sunt in dominio ipsius (§. 120 *part. 2. Jur. nat.*). Nullum adeo jus in res, quæ sunt in dominio alicujus, quoad usum earundem aliis competere videtur, postquam communio primæva sublata fuit. Inanem igitur operam nos sumere existimaturi forsitan sunt nonnulli, quando de jure ex communione primæva adhuc residuo agere instituimus. Enimvero quem-

admodum in capite præcedente vidimus, quævis pacta sint servanda (§. 789. *part. 3. Jur. nat.*), hoc tamen non obstante in casu emergente admittendam esse exceptionem; ita non minus in præsentī patebit, etsi domino soli competat jus de rebus suis quomodocunque disponendi, hoc tamen non obstante dari casus, in quibus exceptio facienda, immo hanc exceptionem tacite factam intelligi, cum dominio subijci res ceperint. De hoc itaque jure in præsentī nobis erit dicendum. Quoniam vero nonnulla supponenda sunt, quæ ad Jus necessitatis in genere spectant; de eodem una in capite præsentī agendum duximus.

§. 562.

Quousque dominia n. rerum necessarius. Introductione dominiorum nemini auferri potuit penitus usus fuerunt extendenda, cum intro-
 Quousque dominia n. rerum necessarius. Etenim communio primæva, quæ ultra usum rerum necessarium non extenditur (§. 21. *part. 2. Jur. nat.*), jus connatum est (§. 10. *part. 2. Jur. nat.*). Enimvero jus connatum nemini auferri potest (§. 64. *part. 1. Jur. nat.*). Quamobrem nec dominiorum introductione usus rerum necessarius alicui penitus auferri potuit.

Penitus nimirum aufertur alicui usus rerum necessarius, quando non datur modus ullus, quo eundem obtinere potest. E. gr. Si esurienti nullus modus concedatur cibo potiundi, quo stomachi latrantis desideria expleat; usus cibi necessarius, adeoque jus omne ad eas res, quæ cibo inserviunt, eidem penitus ademptum est, ut propterea ipsi fame sit pereundum. Dico igitur, dominia rerum ita introduci non potuisse, ut ob defectum cibi omnis alicui fame sit pereundum.

§. 563.

Existentia juris ex communione primæva residui. Quoniam introductione dominiorum nemini auferri potest penitus usus rerum necessarius (§. 562.); dominia introductione intelliguntur cum tacita hac restrictione, ut, si in casu emergente ne primæva contingat alicui penitus auferri necessarium rerum usum, eidem jus aliquod competat in eas res, quæ sunt in dominio.

Atque

Atque ita ostendimus, jus quoddam in eas res, quæ sunt in dominio, ex communione primæva adhuc reservatum esse hominibus, quod quale sit nunc porro inquirendum. Jus adeo homini competere aliquod in res, quæ in alterius dominio sunt natura, independenter a voluntate domini absurdum non est, quia repugnare videtur dominio, quod reliquos omnes excludit jure disponendi de re pro lubitu suo, quia ipsa lex naturæ exclusionem restringit, ita ut eidem tacite insit hæc restrictio, nisi casus aliquis emergat, quo aliquis penitus privaretur usu rerum necessario. Quinam vero sit necessarius iste usus, ex iis abunde liquet, quæ alias de comunione primæva demonstravimus. Dominia rerum non fuerunt introducta, ut usu rerum necessario quidam carere cogerentur, sed ut de eodem melius prospiceretur universis (§. 77. part. 2. Jur. nat.). Ipsa sane dominia introducta in causa sunt, ut rerum industrialium atque artificialium numerus multiplicetur, & viles atque abjectas, immo etiam difficiles operas præstent aliis, qui stante comunione primæva eas præstare nollent. Sed nostrum jam non est de his prolixè dicere, quæ unus quisque levi attentione ad ea, quæ quotidie ubivis obvia sunt, assequi potest.

§. 564.

Jus necessitatis est, cui sola necessitas locum facit, ad a- *Jus necessi-*
ctus quosdam alias non licitos, propterea quod sine iis obli- *tatis quid*
gationi cuidam indispensabili satisfieri minime possit. Unde *sit.*
de sequitur, *actum illum, ad quem necessitas jus dat, esse debere*
medium unicum satisfaciendi obligationi cuidam indispensabili.

Jus adeo necessitatis oritur ex collisione legum, adeoque per modum exceptionis. Quando itaque vulgo dicitur, necessitatem nullam habere legem; id duplici modo spectari debet. Nimirum aut physice impossibile est, ut quis obligationi suæ satisfaciatur, & tum valet illud, ad impossibile nemo obligatur (§. 209. part. 1. Phil. pract. univ.), atque inevitabilis istiusmodi necessitas utique nullam habet legem; aut in casu emergente impossibile est, ut obligationi tuæ satisfacias, nisi quid facias,

aut

aut omittas, quod alias facere, aut omittere non liceret, & tum necessitas non dicitur nullam habere legem nisi quatenus consideratur ea lex, a qua exceptio facienda. In priori casu lex simpliciter accipitur; in casu posteriori relative pro ea, a qua exceptio facienda. Absolute adeo dici nequit, necessitatem nullam habere legem. Patet præterea in casu priori necessitatem, quæ legem respuit, independenter ab omni lege oriri; in casu autem posteriori oriri a lege, quæ alteram vincit. Omnia hæc manifestiora evadent per ea, quæ mox demonstrabuntur.

§. 565.

*Exceptiones
in legum
collisione
quale sint
jus.*

Exceptiones in casu collisionis legum faciendæ pertinent ad jus necessitatis. Etenim quando leges duæ inter se colliduntur, fieri non potest, ut utramque simul serves, seu utrique simul satisfacias (§. 206. part. 1. *Phil. pract. univ.*), & hæc collisio exceptionem parit (§. 207. part. 1. *Phil. pract. univ.*). Quamobrem cum in casu collisionis faciendæ sola necessitas efficiat, ut lege una neglecta alteri satisfacias (§. cit.), adeoque jus det ad legem unam non servandam, ut obligationi, quæ est ex altera, satisfacere possis (§. 156. part. 1. *Phil. pract. univ.*); jus autem necessitatis sit, cui sola necessitas locum facit ad actus quosdam alias non licitos, propterea quod indispensablem cuidam obligationi satisfacere non potes (§. 564.); exceptiones in casu collisionis legum faciendæ ad jus necessitatis pertinent.

Nimirum moraliter necesse est, ut utrique legi satisfiat (§. 113. part. 1. *Phil. pract. univ.*), aut si de lege permissiva sermo sit, huic quoque satisfacere liceret (§. 170. part. 1. *Phil. pract. univ.*): at phyſice impossibile est, ut utrumque fiat. Necessitas phyſica tolli nequit, adeoque necessitas moralis quoad legem unam cedere debet eidem, ut legi alteri satisfieri possit. Necessitas itaque licitum facit neglectum legis unius, qui alias non foret licitus, & actum, qui a lege permissiva dependet, facit illicitum, qui alias foret licitus. Atque adeo patet, necessita-

cessitari esse quandam vim in leges etiam naturales, atque a vero aberrare, qui eidem nihil efficacitæ circa moralitatem actionum tribuere volunt. Quoniam vero necessitas facit, ut legem quandam negligere liceat, quam alias servari oportet, necessitas utique dat jus ad actum quandam, sive positivum, sive negativum, quod alias nemini competit, ut adeo non tantummodo excusetur, qui legem non servat, & necessitas tantummodo det veniam legem non servanti, quemadmodum nonnullis visum est. Immo quod proprie jus est, non dici potest saltem favor necessitatis, quasi neglectus legum indulgeatur ex mero favore. Legem non transgreditur, qui eam propter exceptionem in casu collisionis faciendam negligit, cum tum necessitas eundem liberet ab obligatione servandi, propterea quod nemo obligari potest ad id, quod impossibile (§. 209. *part. 1. Phil. pract. univ.*), consequenter nec ad simul servandum duas leges, quæ simul servari impossibile est.

§. 566.

*Si inevitabilis adsit necessitas, cui resistere minime potes, ut non De necessi-
facias id, quod lege jubetur, ad id faciendum non obligaris.* Etenim tate inevi-
si necessitas inevitabilis, cui resistere minime potes, adsit, ut *tabili, cui*
non facias id, quod lege jubetur; ut facias impossibile est, *resisti non*
& quoniam necessitas ista inevitabilis fuit, nec tibi imputa- *potest.*
ri potest, quod facere nequeas, quod lege jubetur (§. 528.
part. 1. Phil. pract. univ.). Quamobrem cum nemo obligari
possit ad id, quod ipsi impossibile (§. 209. *part. 1. Phil. pract.*
univ.), præsertim cum ipse in causa non sit, ut sit impossi-
bile (§. 527. *part. 1. Phil. pract. univ.*); si inevitabilis necessitas,
cui resistere non potes, adsit, ut non facias id, quod lege
jubetur, ad id faciendum non obligaris.

Homo obligatur ad corpus suum conservandum (§. 349.
part. 1. Jur. nat.), adeoque ad cibum ac potum capiendum
(§. 380. *part. 1. Jur. nat.*), ne fame necetur. Enimvero ponamus ob tumorem cibum ac potum deglutiri non posse, necessi-
(*Wolff Jur. Nat. Pars VI.*) Ggg tate,

tate, cui resistere minime potes, compulsus a cibo ac potu abstinere debes, etiamsi fame tandem neceris. In hoc igitur casu obligatus non es ad cibum ac potum capiendum, ne fame neceris, & ubi tandem fame pereundum, hoc tibi imputari non potest, ut habearis pro causa mortis tuæ, quoniam abstinencia ab omni cibo ac potu non fuit libera, sed simpliciter necessaria. Idem dicendum est, si per vastum mare navigantibus deficit omnis cibus ac potus, aut si tanta fuerit annonæ caritas, ut habere non possis, unde famem expleas. Aliud exemplum est, si incendio suborto mater ex ædibus fugiens infantem in cunis vagientem relinquere cogitur, ut flammis feralibus torreatur: neque enim tum dici potest obligata ad infantem flamma eripiendum.

§. 567.

*Tacita exceptio legum
præceptiva-
rum.*

Quoniam lex non obligat ad id faciendum, quod jubet, si inevitabilis necessitas, cui resistere minime potes, adsit, ut non facias (§. 566.); *leges naturales tacitam hanc habent exceptionem, nisi inevitabilis necessitas, cui resistere minime potes, adsit, ut non facias.*

Casus adeo extremæ necessitatis in lege præceptiva etiam naturali exceptus: *extrema* nimirum *necessitas* ea est, quæ inevitabilis & cui resistere minime potes. Quodsi necessitatem istam, cui resistere non potes, evitare potuisses; quod eam non evitaveris, tibi imputabitur (§. 532. part. 1. *Phil. pract. univ.*), consequenter tibi etiam imputabitur, quod non feceris, quæ lex jubet, quoniam facere potuisses, siquidem necessitatem istam evitasses. Atque in hoc casu dici potest, te miseratione magis excusari, quod non feceris, quam quod jure non feceris, ita lex naturæ stomachi latrantis desideria explere jubet, cum tacita hac exceptione, nisi impossibile sit, ut quod ori ingestum deglutias, vel nisi impossibile sit, ut cibo ac potu potiaris. Similiter in altero exemplo lex naturæ jubet, ut mater infantem in cunis vagientem flamma eripiat, incendio suborto, sed cum tacita exceptione, nisi ipsi una cum infante sit pereundum, siquidem

dem fugiens infantem in cunis relinquere nolit, vel etiam nisi impossibile sit, ut ipsum flamma eripiat. Lex naturæ nobis innotescit per rationem (§. 259. *part. 1. Phil. pract. univ.*), adeoque rationi consentanea est (§. 485. *Psych. empir.*), seu quia demonstrari potest (§. 455. *part. 1. Phil. pract. univ.*), rationi conformis est (§. 486. *Psych. empir.*). Quamobrem præcipere nequit, quod physice impossibile, consequenter quod absurdum est. Quando itaque in casu emergente physica impossibilitas, quæ efficit ejus, quod præcipitur, oppositum simpliciter necessarium, cum necessitate morali, quam lex imponit, colliditur, illa hanc utpote omni vi tum destitutam vincit, adeoque lex casum istum comprehendere nequit. Lex disponit de actionibus liberis, quæ a libertate animæ pendent (§. 12. *part. 1. Phil. pract. univ.*), ut non minus possibile sit actionem a nobis committi, quam omitti (§. 941. *Psych. empir.*), & tum libertatem restringit necessitatem moralem actionem commitendi, vel omittendi imponens, quatenus vel præcipit, vel prohibet (§. 118. 163. 164. *part. 1. Phil. pract. univ.*). Quamprimum igitur natura rerum actionem efficit simpliciter impossibilem, cum eandem in casu isto ex numero liberarum actionum eximat, non amplius manet objectum legis naturæ: quæ cum adeo in casu isto de eadem minime disponat, necessitati parendum.

§. 568.

Quia casus necessitatis inevitabilis, cui resisti nequit, sub lege minime continetur (§. 567.); qui in eodem omittit actionem, quam lex præcipit, legem non transgreditur (§. 139. *part. 1. Phil. pract. univ.*), consequenter cum actio ejus legi naturæ contraria non sit, (§. 418.), non peccat (§. 440. *part. 1. Phil. pract. univ.*). *Necessitas liberat a peccato.*

Ita mater infantem flammæ concedens, cui eandem eripere nequit, & ex domo, quam eadem corripuit, aufugiens, ne una cum infante pereat, non peccat, cum in hoc casu lex non præcipiat servare infantem, quæ servari a matre nequit. Similiter non peccat, qui ab omni cibo ac potu abstinet, quem

deglutire non potest, quia lex non jubet capere cibum ac potum, quando deglutitio impossibilis. Quamvis vero hac adeo manifesta videantur, ut tam proluxa explicatione indigere non videantur; nostrum tamen esse duximus nihil eorum omittere, quod huc facit, ut veritatem penitus perspiciamus. Quamvis autem necessitas irresistibilis, quatenus inevitabilis, liberet a peccato; aliud tamen dicendum est, si ea fuerit evitabilis. Qui enim necessitatem sibi irresistibilem evitare potuisset; is sibi metipsum imposuit necessitatem peccandi, cui deinceps invitus parere cogitur. Culpa igitur non vacat, quando necessitati parere cogitur, quamvis necessitati demus veniam, prouti culpa major, vel minor est, quam commisit, in non evitanda, quod vel facilius, vel difficilius evitari poterat. Atque tum necessitas, cui resisti nequit, excusationem quandam tribuit: quæ quantum valeat, ex iis æstimandum, quæ de culpa satis prolixè demonstravimus in parte prima Philosophiæ practicæ universalis.

§. 569.

De impedimento inevitabili, sed obligato.

Quamdiu impedimento inevitabili adhuc resisti potest, ne obstat, quo minus facias, quod lege jubetur; lex ad faciendum te obligat. Etenim quamdiu impedimento inevitabili adhuc resisti potest, ne obstat, quo minus facias, quod lege jubetur; in tua quidem potestate non fuit, efficere, ne illud sese tibi offerret, illud tamen remove potes, consequenter necesse non est, ut omittas, quod erat committendum. Quamobrem cum nulla adhuc adsit ratio, cur obligatio cessare debeat, seu nihil adsit, quod vim obligandi legi demat; hanc adhuc retinet, adeoque ad faciendum te obligat.

Nimirum quamdiu possibile est, ut legi satisfacias, eidem satisfaciendum; quando vero impossibile est, ut satisfacias, per se patet, eidem satisfieri non posse. Quamobrem cum lex non obliget ad id, quod impossibile (§. 209. *part. 1. Phil. pract. univers.*); vim suam obligandi tamdiu retinet, quamdiu impossibile

sibile non est ut servetur. Ita in exemplo, quod ante dedimus (not. §. 567.); etsi mater evitare non potuerit casum, quo flamma domum corripuit & in ea scalam, per quam ad infantem in cunis cubantem ascenditur; si tamen adsint scalæ, ut per fenestras in cubile ascendi ac infans servari possit, adhuc obligatur ad infantem servandum: si non facit, omnino peccat; sit ita, quod perplexitas nimia, aut metus incertus, ne forsitan cum ipso infante ipsi sit pereundum, excusationem tribuat, utpote culpam minuens. Agitur hic de rigore juris naturalis, quæ exceptionem non admittit, nisi quando necessitati inevitabili nullo modo resisti potest. Ceterum cum non semper cuivis pateat modus, quo impedimento, quod casu offertur, resisti potest; fieri utique potest, ut qui eidem non resistit, etsi simpliciter impossibile non esset, ut resisteret, ignorantia invincibili laboret, aut ignorantia, quæ ob circumstantias præsentis ad eandem propius accedit, tumque hæc ipsa ignorantia impedimentum respectu agentis irresistibile efficit, quod in se spectatum tale non erat. Multa circumspectione opus est, ne necessitas, quæ exceptionem a lege facit, ultra suos limites extendatur, nec ex parte agentis rigor legis extendatur in nimium, hoc est, ultra ea, quæ in potestate agentis sunt, usu facultatum a circumstantiis præsentibus pendente, quemadmodum ex Psychologia satis superque constat. Usus, quæ hic dicuntur, habent in praxi etiam morali, quando de impedimentorum remotione agitur, ne, quod difficulter insuperabile est, pro simpliciter tali habeatur, nec quod in se spectatum superabile statim cuilibet promiscue superabile existimetur. Nec nimia accusari potest scrupulositas in iis, quæ ad conscientiam custodiam faciunt, qua integra ac illæsa frui magna felicitatis pars est. Qui de casibus conscientiam tractant, eorum scrupulositas nimia non est, quam veritas defendit.

§. 570.

Quoniam lex tamdiu ad faciendum obligat, quamdiu *Quando ca-*
impedimento licet inevitabili adhuc resisti potest (§. 569.), *sus necessita-*
ggg 3 *quan-* *sis lege ex-*

ceptus existat.

quando vero eidem resisti non potest, non obligat (§. 566.); casus necessitatis, lege exceptus (§. 567.), non existit, nisi quando impedimento casu mero, seu fortuito oblato resisti nullo modo potest.

Ita mater non ante liberatur ab obligatione servandi infantem, nisi quando nullo modo fieri potest, ut eundem flammæ ferali eripiat, nec sine peccato fame enecatur, nisi is, cui simpliciter impossibile, ut ori ingestum deglutiat, vel cui simpliciter impossibile est ullo cibo, ac potu potiri. Casus necessitatis supponit impossibilitatem oppositi simpliciter.

§. 571.

Andetur necessitas irreprohibetur.

Nulla datur necessitas, cui resisti non possit, ut facias, quod cessitas irreprohibetur. Etenim voluntas non potest cogi (§. 927. *Psych. sistibilis fa-empir.*), adeoque nulla vi externa adigi potes ad volendi, quod dum (§. 926. *Psych. empir.*). Quamobrem nunquam impossibile est, ut omittas, quod prohibetur, consequenter nulla datur necessitas, cui resisti non possit, ut facias, quod prohibetur.

Qui facit, quod prohibetur, utique facere vult. Quamobrem cum actus volitionis nulla vi externa elici possit (§. 928. *Psych. empir.*); nec possibile est, ut quis ulla vi externa adigatur ad faciendum, quod prohibetur. Nulla necessitas, cui resisti non possit, efficere potest omissionem actus impossibilem, sed ea semper in se possibilis est. Quodsi excipias, fieri posse, ut fortior impingat manum tuam in malam alterius, quem colapho percutere non vis; nemo non videt, tum non te hoc facere, sed alterum, qui, cum te sit fortior, manu tua utitur tanquam instrumento, te invito.

§. 572.

Casus a lege prohibitoria exceptus.

Si quis actus fuerit medium unicum satisfaciendi obligationi tua indispensabili ac removendi impedimentum, vel resistendi te ledere conanti; is lege prohibitoria, ne hoc facias, non continetur.

Quo-

Quoniam enim obligatus es ad hoc faciendum *per hypoth.* lex tibi imponit necessitatem id faciendi (§. 118. *part. 1. Phil. pract. univ.*), & dat jus ad eos actus, sine quibus obligationi tuæ indispensabili satisfacere minime potes (§. 159. *part. 1. Phil. pract. univ.*), consequenter etiam ad eos, sine quibus impedimentum removeri nequit, quod obstat, quo minus satisfacias. Quoniam tibi competit jus alterum cogendi, ne te lædat, ubi lædere conatur (§. 914. *part. 1. Jur. nat.*); tibi quoque dat jus te lædere conanti resistendi (§. 726. *Onsol.*). Quamobrem cum absurdum sit tibi imponere necessitatem quidpiam agendi, dare jus ad actus, sine quibus obligationi tuæ indispensabili satisfacere non potes, nec non jus te lædere conanti resistendi, ac tamen prohibere actum, qui solus in casu emergente datur ad satisfaciendum obligationi tuæ & ad resistendum te lædere conanti; quando actus aliquis medium unicum est satisfaciendi obligationi tuæ indispensabili ac removendi impedimentum, quod obstat, quo minus satisfacias, vel resistendi te lædere conanti, is prohiberi nequit, adeoque lege, qua alias prohiberis, ne hoc facias, non continetur.

Obrinet hoc in defensione sui & juris sui, adeoque & rerum suarum. Quod enim licitum inferre malum aggressori, exceptio est ex collisione officiorum erga teipsum & erga alios resultans (§. 1012. *part. 1. Jur. nat.*), adeoque lege prohibitive, ne alteri malum inferas, minime continetur. Nimirum tu obligaris ad corpus tuum & vitam tuam conservandum (§. 349. 350. *part. 1. Jur. nat.*), & ad periculum vitæ ac integritatem organi cujusdam corporis lædendi vitandum, quantum in potestate tua est (§. 371. 373. *part. 1. Jur. nat.*). Aggressor, qui te lædere conatur (§. 979. *part. 1. Jur. nat.*), te in periculum vitæ ac integritatem organi cujusdam corporis perdendi adducit, immo alterutrum horum intendit, dum vi impetitur corpus tuum. Quod si vero obligationi tuæ satisfacere ac jure tuo tibi

tibi competente, ut eidem satisfacere possis, uti velis; necesse est, ut vim vi repellas, vel ipsum interficiendo, vel corpus ejus mutilando, aut vulnerando, prouti casus tulerit. Actus igitur, quo aggressor interficitur, vel corpus ejus mutilatur, aut vulneratur, non prohibitus, quando est medium unicum sese conservandi, adeoque obligationi indispensabili satisfaciendi, & læsioni intentatæ resistendi, etsi extra hunc casum prohibeatur. Probe considerandum est, in hypothese propositionis præsentis actum istum appeti non ea intentione, ut facias, quod prohibitum, sed ut facias, quod jubetur seu præcipitur, & ideo, quod jure tuo utaris. Non tollis jus alterius, quod facere minime licet (§. 910. *part. 1. Jur. nat.*); sed alter vult tollere jus tuum, & tu ne hoc faciat jure tuo impedire conaris (§. 913. *part. 1. Jur. nat.*). Actus, quatenus spectatur tanquam medium satisfaciendi obligationi tuæ & resistendi læsioni intentatæ, nihil continet, quod illicitum est, sed potius quod debitum ac licitum; quatenus vero ex eo sequitur quod alteri damnosum, id præter intentionem tuam accidit, quatenus alter te adducit in eam necessitatem, ut aliud medium satisfaciendi obligationi tuæ ac resistendi læsioni, aut removendi impedimentum, quod obstat, quo minus satisfacere possis, non suppetat. Unde in casu defensionis, ad quem illustrationis causa provocavimus, malum alterius non appeti diximus, quatenus est malum alterius, sed quatenus est medium unicum declinandi proprium, ac defendentem malle, ut alter ab eo sit immunis (§. 993. *part. 1. Jur. nat.*). Nihil adeo vitiosum est in appetitu, seu voluntate, quod reprehendi possit. In moralibus autem potissimum respiciendum ad actus internos, an in iis deprehendatur, quod rectitudini actionis obstat.

§. 573.

*Necessitas
quando faciat
licitum,
quod alias*

Quando actus est medium unicum satisfaciendi obligationi suæ indispensabili ac removendi impedimentum, quod obstat, quo minus satisfacias, vel resistendi te lædere conanti, necessitas irresistibilis adest hoc agendi, si quidem obligationi

tioni tuæ satisfacere debes (§. 279. *Ontol.*). Quoniam ita foret illicitus actus, quando est medium unicum satisfaciendi obligatione suæ ac removendi impedimentum, quod obstat, quo minus satisfacias, vel resistendi te lædere conanti, lege prohibitiva, ne hoc facias, non continetur (§. 572.); *necessitas irresistibilis licitum efficit actum, qui alias foret illicitus, quando sit medium unicum satisfaciendi obligationi indispensabili ac removendi impedimentum eidem satisfaciendi, vel resistendi læsioni, qua intentatur.*

§. 574.

*Si par malum imminet, nobis potius quam aliis consulere de-
bemus.* Etenim quilibet operam dare debet, ut tibi caveat a malis quibuscunque, quantum in potestate sua est (§. 183. *alteri imminet. part. 1. Jur. nat.*), nec minus cavere debet, quantum in potestate sua est, ne alius quicunque in mala quæcunque incideret (§. 613. *part. 1. Jur. nat.*). Quod si ergo tibi ac alteri par malum imminet, nec utrique simul consulere potes; officium erga teipsum colliditur cum officio erga alios (§. 206. 226. *part. 1. Phil. pract. univ.*). Enimvero quando officium erga seipsum & officium erga alios inter se colliduntur, officium erga seipsum vincit (§. 229. *part. 1. Phil. pract. univ.*). Quamobrem si tibi ac alteri par malum imminet, tibi potius, quam alteri consulere debes (§. 208. *part. 1. Phil. pract. univ.*).

Sub hac propositione etiam continetur casus defensionis, qua malum inferitur aggressori. Etenim qui vi impetit corpus tuum, malum tibi inferre intentat: quod cum propulsari non possit, nisi vis vi repellatur, tibi & aggressori par malum imminet. Quamobrem si tibi potius consulendum, quam alteri; malum potius alteri inferre, quam pati debes, ut tibi inferatur. Atque hinc patet, quod vulgo dicitur, vim vi repellere
(*Wolffii Jur. Nat. Pars VI.*) H h h re

re licere, & quomodo hoc sit intelligendum, ne in abusum trahatur. Huc etiam pertinet casus naufragii, quo tibi deturbare licet alterum tabulam apprehendentem, quam prior tui conservandi causa apprehendisti, si sine præsentis discrimine hoc facere non possit (§. 1017. *part. 1. Jur. nat.*). Quamvis vero videri possit utrique vestrum competere vi præsentis propositionis jus sui salvandi causa alterum de tabula deturbandi, quemadmodum etiam *Lactantio* visum est; ea tamen hic differentia est quoad malum imminens inter te & alterum, quæ inter defensorem & aggressorem intercedit. Nimirum tibi nullum imminet malum, nisi culpa alterius, alteri autem par non imminet nisi culpa sua, non tua, ex cujus facto illicito resultat, ut malum utrique immineat. In casu defensionis malum evitare potest aggressor, si ab actu illicito, seu vi illicita absteineat; in casu altero parienter ferendum est, quod mutari non potest, nec obligatus quis intelligitur ad vitam conservandam, quando vi majori resisti nequit, consequenter nec ea te liberat ab obligatione, quæ a lege prohibitiva venit, ut facere liceat, quod prohibetur, nimirum ut auferre liceat alteri jus quæsitum, scilicet utendi tabula, quam apprehendit ad se servandum (§. 36. *part. 2. Jur. nat.*). In eo autem casu, quo uterque simul tabulam apprehendit utrique idem jus est sibi consulendi, adeoque alterum deturbare qui potest, eidem hoc facere licet, quemadmodum alias jam ostendimus (§. 1017. *part. 1. Jur. nat.*). Tabula tum spectatur tanquam res communis, ad cujus usum utrique æquale jus est. Quemadmodum vero nemo alterum in usu rei communis turbare potest, qui prior rem apprehendit (§. 35. *part. 2. Jur. nat.*); ita etiam utrique idem jus est, non patiendi, ut alter eum de tabula deturbet. Sed cum deinde, quia nonnisi unus ejus opus servari potest, officia erga seipsum & erga alios colliduntur; utrique etiam vi præsentis propositionis idem jus est sibi potius quam alteri consulendi. Uterque adeo jure suo uti potest, consequenter nonnisi vi unus alterum vincere valet.

§. 575.

Omne officium erga alios hanc habet exceptionem, ut tibi po- De exceptio-
tius consulas, quam alteri, si aut tibi, aut alteri deesse debes. Ete- ne, qua inest
 nim alteri non debes, quod tibi, siquidem officium erga *officio omni*
 teipsum negligere debes (§. 608. part. 1. Jur. nat.). Quod *erga alios.*
 si adeo tibi ipsi deesse non debes, ut pro sis alteri; si tibi ac
 alteri simul consulere non potes, tibi potius, quam alteri con-
 sulere debes. Quamobrem officium omne erga alios hanc ha-
 bet exceptionem, ut, si aut alteri aut tibi deesse debes, tibi
 potius consulas, quam alteri.

Nimirum in hypothesi propositionis præsentis officium er-
 ga teipsum colliditur cum officio erga alios (§. 206. part. 1.
Pbil. pract. univ.), atque adeo officium erga teipsum vincit of-
 ficiū erga alios (§. 229. part. 1. *Pbil. pract. univ.*). Quando
 itaque uni deesse debes, nimirum aut tibi, aut alteri; te alteri
 semper præferre debes, ut adeo in omni officio erga alios in-
 sit hæc exceptio, nisi tibi ipsi deesse debeas. Necessitas te vel
 alterum negligendi exceptionem in favorem tui facit. Inde
 nimirum est, quod non teneat dare panem famelico, quo ipse
 met indigeo, nec alterum extrahere ex aquis, in quibus pe-
 riclitatur, si mihi pro eo sit pereundum. Alias nimirum di-
 cendum foret, quod quis obligaretur ultra id, quod in pote-
 state ipsius est, cum officium erga se ipsum reddat executio-
 nem officii erga alios impossibilem. Atque hæc est ratio, cur
 in demonstratione generali officiorum erga alios addiderimus
 hanc restrictionem, quatenus citra neglectum tui ipsius hoc
 fieri potest (§. 608. part. 1. *Jur. nat.*), cum officia erga al-
 ios lege naturali non aliter præcipiantur, quam cum hac re-
 strictione, nec eandem satis determinent, qui restrictionem
 istam omittunt.

§. 576.

De collisione officiorum erga Deum Si officium erga Deum colliditur cum officio erga seipsum, vel erga alios; officium erga Deum vincit. Etenim si officium erga Deum colliditur cum officio erga seipsum, vel erga alios, & erga seipsum aut satisfaciendum est officio erga Deum, aut officio erga seipsum, vel erga alios. Utrique ut satisfiat impossibile est (§. 206. part. 1. *Phil. pract. univ.*), consequenter necesse est, ut exceptio fiat (§. 207.). Enimvero Deus supra omnia amandus (§. 1172. part. 1. *Jur. nat.*), & maximi faciendus (§. 1181. part. 1. *Jur. nat.*), consequenter omni homini rebusque omnibus aliis anteponendus (§. 839. part. 1. *Jur. nat.*). Quamobrem satisfaciendum est potius officio erga Deum, quam officio erga semetipsum atque alios, siquidem utrique simul satisfieri nequit. Quoniam itaque in casu collisionis officium istud vincit, cui satisfaciendum (§. 208. part. 1. *Phil. pract. univ.*); si officium erga Deum colliditur cum officio erga seipsum, vel erga alios, officium erga Deum vincit.

Probe notandum est, ne cum officiis erga Deum confundamus, quæ ad illa tantummodo referuntur, magis tamen respiciunt nos, vel alios, adeoque ad officia erga nosmetipsos, vel alios pertinent. Huc spectant conventus cultus divini gratia celebrandi (§. 1251. part. 1. *Jur. nat.*). Etenim conventus isti magis nostri ac aliorum hominum, quam Dei gratia celebrantur, quemadmodum ex demonstratione apparet (§. cit.). Quamobrem quoque interesse hisce conventibus magis ad officia erga nosmetipsos atque alios pertinet, quam ad officium erga Deum, etsi ad officia erga Deum præstanda conducant.

§. 577.

De stricta observantia officiorum erga Deum. Homo obligatur ad quævis potius perpetienda, immo mortem ipsam subeundum, atque ferre debet, ut aliis tale quid accidat, quam ut quid faciat, quod officio cuidam erga Deum repugnet. Etenim a se

a se avertere malum quoddam sive corporis, sive fortunæ, atque periculum mortis officium erga seipsum est (§. 183. 371. *part. 1. Jur. nat.*), idem vero avertere ab alio officium erga alios (§. 613. *part. 1. Jur. nat.*). Quodli ergo vel incidere debes in malum quoddam corporis, sive fortunæ, atque ipsam mortem subire, vel quid facere, quod officio cuidam erga Deum repugnat; officium erga teipsum colliditur cum officio erga Deum (§. 206. *part. 1. Phil. pract. univ.*). Idem eodem modo intelligitur, quando aut impedire non debes, quo minus alter tale quid perpetiatur, aut facere, quod officio erga Deum repugnat. Enimvero quando officium erga Deum colliditur cum officio erga seipsum, aut erga alios, officium erga Deum vincit (§. 576.), adeoque eidem satisfaciendum (§. 208. *part. 1. Phil. pract. univ.*). Quamobrem ad quævis potius perpetienda, immo mortem ipsam subeundum obligaris, & ut alijs istiusmodi quid accadat, ferre debes, quam ut quid facias, quod officio erga Deum repugnat.

Recte igitur fecere martyres, qui potius tormenta quævis forti animo perpassi, & mortem atrocissimam neutiquam reformidarunt, quam ut verum Deum abnegarent, ac idola colebant. Ponamus, tyrannum occidere velle filium unicum, nisi facere velis quidpiam, quo gloria Dei obscuratur. Ferendum potius est, ut hoc fiat, quam ut ad gloriam Dei obscurandum te adduci patiaris. Huc etiam pertinet exemplum Josephi, qui in carcerem conjici & fortunis omnibus privari maluit, quam ut consentiret in adulterium, quod a Deo prohibitum noverat, consequenter quam ut Deo obedire noller, cui obedire debemus (§. 1165. *part. 1. Jur. nat.*). Immo in nullius gratiam faciendum, quod officio cuidam erga Deum repugnat, licet aliorum inimicitiam incurramus, etsi dando opera sit, ne alios nobis inimicos reddamus (§. 634. *part. 1. Jur. nat.*), sed potius ut aliorum amicitiam acquiramus & conservemus

(§. 636. *part. 1. Jur. nat.*). Spectat huc illud pervulgatum: *Amicus usque ad aram*, & præceptum Apostoli, Deo magis esse obediendum, quam hominibus. Enimvero dubium oriri poterat, an Deus adeo strictam observantiam ab homine requirat, si quod prohibetur legis saltem positivæ est, ut quovis potius cruciatus, ac mortem ipsam perpeti malimus, quam facere, quod prohibitum est. Exemplum occurrit 2. Macchab. VI. Constat Deum Judæis prohibuisse, ne suillam edant; & nemo est, qui dubitat, legem hanc fuisse positivam: *Eleazarus* vero, vir nonaginta annorum, ne quidem simulare voluit, quasi carnem porcinam manducaret, ut a morte liberaretur. Quoniam lex naturalis, quæ vitæ conservationem præcipit (§. 350. *part. 1. Jur. nat.*), collidebatur cum positiva, in hac autem collisione naturalis vincit (§. 219 *part. 1. Phil. pract. univ.*), non recte fecisse videri poterat *Eleazarus*, quod tam strictè observaverit legem de non edenda suilla. Enimvero considerandum est, tyrannum id egisse, ut Judæos ad religionem veram abnegandam & idololatriam gentilium amplectendam cogeret, ac eo fine jussisse, ut contra prohibitionem divinam carnem porcinam manducarent. Collidebatur igitur officium erga se ipsum cum officiis erga Deum, consequenter recte faciebat *Eleazarus*, quod ne quidem videri veller religionem veram abnegasse, ne exemplo suo seduceret adolescentes, præsertim cum esset magnæ autoritatis ac per omnem ætatem pietate conspicuus. Simulatio itaque non modo pugnat cum officio erga Deum directè; verum etiam cum officio erga alios & per hoc porro cum illo indirectè. Illustre quoque exemplum præbet mater cum septem filiis, qui eadem de causa diros spreverunt cruciatus fori ac constante animo ultimoque supplicio affecti sunt, 2. Mach. VII. Poterat quoque mater vitam servare filii septimi, siquidem ipsa carnem porcinam manducare voluisset; sed officium erga Deum recte prætulit, etiam officio erga filium. Quodsi singas, Eleazaro aut fame fuisse pereundum, aut carnem porcinam manducandam. Nullus dubito asserere, quod suillam licite comedisset. Tum enim lex natu-

ralis præceptiva de vita conservanda collisa fuisset cum positiva de suilla non comedenda, adeoque naturalis vicisset positivam (§. 219. part. 1. Phil. pract. univ.). Nec est quod excipias, legem positivam de suilla non edenda fuisse divinam: etenim lex naturæ etiam divina est (§. 277. part. 1. Phil. pract. univ.). Nec instare licet, legem de vita conservanda esse præceptivam, alteram vero de suilla non comedenda prohibitivam: quamvis enim in collisione naturalium prohibitiva vincat præceptivam (§. 210. part. 1. Phil. pract. univ.), hæc tamen differentia propter immutabilitatem juris naturæ non attenditur in collisione legis naturalis præceptivæ cum prohibitiva positiva (§. 219. part. 1. Phil. pract. univ.). Nimirum in hoc casu eadem sit exceptio, quam fecit David, quando esuriens cum iis, qui cum ipso erant, comedeat panes propositionis, quos non licebat edere nisi solis sacerdotibus. Hanc vero exceptionem probat Christus Matth. XII. 4. & eodem tueretur factum discipulorum, qui Sabbatho esurientes ceperunt vellere spicas & manducare.

§. 578.

Quoniam homo obligatur quævis potius mala perpeti, immo mortem ipsam subire, nec non ferre, ut hoc officia erga Deum detur, quam ut quid faciat, quod officio cuidam erga Deum repugnat (§. 577.); necessitas nullum actum officio cuius necessitas erga Deum contrarium facit licitum, consequenter quoad talis officia erga Deum nullum datur jus necessitatis (§. 504.).

Nimirum casus necessitatis quoad officia erga Deum nunquam existit, quia iisdem cedunt in omni casu collisionis officia erga seipsum & erga alios (§. 577.). In casu collisionis necessitas semper eximit officium erga se, vel erga alios, adeoque nullus existere potest, in quo actus officio erga Deum contrarius sit medium unicum satisfaciendi obligationi indispensabili: id quod tamen ad jus necessitatis requiritur (§. 564.). Quod vero miseratione digni censeantur, qui propter Deum mala præsertim atrocia pati, aut mortem ipsam subire tenentur; non a rigore legis naturalis petenda ratio est, sed ab innocen-

nocen-

nocentia agentis, qui malum, quod pati cogitur, minime meretur. Non igitur lex naturæ facit miseratione dignum, sed casus funestus, qui evitari non potest, nisi legem naturæ violare is velit: quod autem ejus evitandi causa violare nolit, id laude dignum efficit. Ita laudamus *Eleazarum*, quod atrocitate supplicii sese permoveri non passus fuerit, ut verum Deum abnegaret, nec senex grandævus ac pietate gravis exemplo suo adolescentes ad illum abnegandum seducere voluerit: miseramur vero sortem ejus, quod recte faciens ad supplicium tractus fuerit.

§. 579.

An detur necessitas re-
fistibilis re-
specu cultus
interni.

Nulla datur necessitas inevitabilis, cui resisti minime possit, ut non facias, quæ ad cultum Dei internum spectant, quamdiu sana mentis es. Cultus enim internus in actibus internis seu facultatum animæ consistit (§. 1230. *part. 1. Jur. nat.*). Quamobrem cum usus facultatum animæ integer sit, quamdiu quis sanæ mentis est, quod per se patet, nec voluntas cogi possit, ut non facias, quod eodem perfici potest (§. 927. *Psych. empir.*); impossibile quoque non est, ut cultus internus Deo tribuatur, quamdiu quis sanæ mentis est. Nulla igitur datur necessitas inevitabilis, cui resistere minime possis, ut non facias, quæ ad cultum Dei internum spectant, quamdiu sanæ mentis es.

Sana mentis dicitur, cui usus facultatum animæ integer est, quemadmodum corpus sanum appellatur, quando organa ejus ad functiones suas obeundum apta sunt (§. 345. *part. 1. Jur. nat.*). Equidem accidere potest, ut homo usu recto facultatum animæ privetur, veluti quando in furorem incidit, aut mente capitur; non tamen ideo dici potest, legem naturæ excipere casum necessitatis quoad cultum Dei internum: etenim leges datæ sunt hominibus sanæ mentis, non insani ac furiosis. Furiosi enim ac insani infra sortem humanam deprimuntur, & quamdiu in furore atque insania persistunt, cum brutis con-

confociantur. Quamobrem dici nequit, legem naturæ furiosis ac insanis conferre jus Deum non colendi ac eos liberare ab ea obligatione, quæ a lege cultum Dei internum præcipiente venit. Lex supponit libertatem agendi, qualis furiosis atque insanis non est.

§. 580.

Si quis furore aut mente captus, obligatio quoad cultum Dei De obligationem non tollitur, sed saltem suspenditur. Etenim necessitas nullum actum officio cuidam erga Deum contrarium facit licitum (§. 579.), consequenter homo semper obligatur ad officia erga Deum præstanda, adeoque obligatio nunquam tollitur. Quamobrem cum cultus Dei internus commente capto præstatur officia erga Deum (§. 1234. part. 1. Jur. nat.), obligatio quoad cultum Dei internum non tollitur, etiamsi quis furore aut mente captus sit. *Quod erat unum.*

Enimvero quoniam furore aut mente captus facultatum animæ usum integrum minime habet (not. §. 579.), cultus autem Dei internus in actibus facultatum animæ consistit (§. 1230. part. 1. Jur. nat.); quamdiu quis furore aut mente captus impossibile est, ut ea præstet, quæ ad cultum Dei internum requiritur. Obligatio igitur quoad cultum Dei internum saltem suspenditur. *Quod erat alterum.*

Nimirum quamdiu quis furiosus aut mente captus, exercitium cultus divini interni cessat, nec homini imputari potest, quod cesset (§. 567. part. 1. Phil. pract. univ.). Quamprimum vero furor cessat, aut ad mentem sanam reditur; Deum quoque colere tenetur homo: unde nec in intervallis lucidis obligatio suspenditur. Aliud nimirum est, num obligatio nulla addit, quemadmodum in casu collisionis, in quo homo saltem ad alterutrum obligatus est, nimirum ad officium istud, quod vincit, aliud vero est, num saltem impossibile sit, ut præstetur, ad quod obligatus es, quamvis ob impossibilitatem tibi

imputari minime possit. Officia erga Deum rationem sufficientem habent in dependentia hominis a Deo, quæ quamdiu subsistit (semper autem subsistit, quamdiu vivit), obligatio quoque subsistere debet (§. 118. *Ontol.*), etsi casus funestus exercitium reddat impossibile, ut miseratione dignus sit, qui in eam necessitatem incidit. Alia quoque est ratio, si casu quodam externus actus saltem efficitur impossibilis, deficiente usu organorum externorum corporis, veluti si quis cibum deglutire nequit ob tumorem: tunc enim non deest actus internus legi naturæ conservationem vitæ ac corporis præcipienti conveniens, adeoque obligatio extendi nequit ultra id, quod possibile, consequenter necessitas eam restringit (§. 209. *part. 1. Phil. pract. univ.*), non vero totam suspendit. Et adhuc peccat, qui in tali necessitate constitutus indignabundo animo cibum ac potum averfatur, non quod abstinencia a cibo ac potu sit illicita, sed quod voluntas vitam conservandi deficiat, & patienter adversa ferre quis nolit: Cum ad rectitudinem actionis obligemur (§. 189. *part. 1. Phil. pract. univ.*), hæc autem requirat omnium facultatum usum (§. 80. *part. 1. Phil. pract. univ.*); necessitas ab obligatione eximere nequit nisi eum actum, qui pendet a facultate, cujus non usum impossibilem facit.

§. 581.

De collisione officii erga seipsum vel quodam ad cultum Dei externum spectante; illud vincit. Si officium aliquod erga teipsum, vel erga alios, quod moram non fert, & cui alio modo satisfieri nequit, colliditur cum actu seipsum vel quodam ad cultum Dei externum spectante; illud vincit. Quod si alios cum a- enim officium aliquod erga teipsum, vel erga alios collidatur cum actu quodam ad cultum Dei externum spectante, aut non faciendum est, quod tibi ipsi, vel alii debes, aut actus ad cultum Dei externum spectans est omittendus (§. 206. *part. 1. Phil. pract. univ.*). Enimvero actus ad cultum Dei externum spectantes tales sunt, ut vel alio tempore fieri possint, veluti lectio librorum de Deo & cultu divino agentium

tium (§. 1243. *part. 1. Jur. nat.*), & conventus cultus divini causa nunc instituti (§. 1251. *part. 1. Jur. nat.*), vel alio modo idem obtineri possit, propter quod isti eduntur, veluti quando lectio libri de Deo rebusque divinis supplet defectum institutionis de Deo rebusque divinis in conventibus publicis; vel pertineant ad exemplum, quod aliis præbere debemus (§. 1242. *part. 1. Jur. nat.*), consequenter ad officium erga alios (§. 930. *part. 1. Jur. nat.*). Obligatio vero, qua nobis ac aliis tenemur, cum moram non ferat, nec ei alio modo satisfieri possit *per hypoth.* quando officium erga seipsum, vel erga alios colliditur cum actu quodam ad cultum Dei externum spectante, illud vincit.

E. gr. Si quis experiatur frigus sanitati suæ adversum, aut conventibus publicis cultus divini gratia celebratis nonnisi cum illius dispendio interesse possit, his non interesse licet. Er enim sanitatis conservatio officium erga seipsum est (§. 393. *part. 1. Jur. nat.*), nec aliter eidem satisfieri potest, nisi ut frigus vites: ast cum interesse debeamus conventibus publicis, ut de Deo & rebus divinis instituamur ac oremus & cantemus (§. 1252. *part. 1. Jur. nat.*), id alio quoque modo fieri adhuc potest, scilicet si domi in hypocausto calido legamus librum de Deo atque rebus divinis agentem, ibidemque oremus ac cantemus. Non igitur ea est necessitas, ut interimus conventibus publicis, quamquæ est sanitatis conservandæ. Quamobrem sanitatis conservandæ causa potius manendum domi, quam ut interesse velimus conventibus sacris. Et quamvis iisdem etiam interesse debeamus, ut aliis exemplo simus, quemadmodum ex demonstratione cultus divini externi patet (§. 1251. *part. 1. Jur. nat.*); in hoc tamen casu officium erga seipsum colliditur cum officio erga alios, adeoque illud huic præferendum (§. 229. *part. 1. Phil. præct. univ.*). Actuum ad cultum divinum externum spectantium non ea est necessitas, quæ est officiorum erga Deum, quibus cultus divinus internus

continetur. Similiter si incendium oritur, dum cultus divini causa in templo conventus aguntur, & sacra fiunt, qui incendio restinguendo, vel rebus suis servandis operam dare tenentur, quin iis discedere liceat, dubitandum non est. Et quando signo dato incertum est, cuinam periculum immineat, quin exire unicuique liceat, dubitari itidem nequit. Nec peccat, qui ægroto ut opem ferat, sacris interesse haud potest. Non tantummodo excusationem meretur, sed jure hoc facit, casu a lege, qua cultus Dei externus præcipitur, excepto.

§. 582.

Vis necessitatis in cultum Dei externum.

Necessitas inevitabilis, cui resisti minime potest, facit omissionem actus ad cultum Dei externum spectantis licitam. Quod si enim necessitas fuerit inevitabilis, tibi imputari minime potest, quod in eam incideris (§. 528. *part. 1. Phil. præct. univ.*). Et quia eidem resistere non potes, in tua potestate non est actus ad cultum Dei externum spectans (§. 727. *Onsol.*). Quamobrem cum cultus Dei externus motu organorum corporis perficiatur (§. 1230. *part. 1. Jur. nat.*), adeoque sine ea cultus internus, qui in actibus facultatum animæ consistit, subsistere possit (§. *cit.*); quamvis obligatio præstandi officia erga Deum, quibus cultus internus continetur (§. 1234. *part. 1. Jur. nat.*), non admittant casum necessitatis (§. 579.), quoniam tamen ad impossibile nemo obligari potest (§. 209. *part. 1. Phil. præct. univ.*), necessitas inevitabilis, cui resisti minime potest, non admittit, ut sub lege, quæ cultum externum cum interno conjungendum præcipit, contineatur actus ad eundem spectans, qui motu organorum corporis vitio quodam laborantium perfici nequit. Necessitas adeo inevitabilis, cui resisti minime potest, facit actus ad cultum divinum externum spectantis omissionem licitam.

Ita si quis evadit mutus, is non obligatur ad orandum, modo Deum invocet (§. 1219. 1222. *part. 1. Jur. nat.*), nec ad

glorificationem externam, modo eum maximi faciat (§. 1181. 1232.). Et qui ægrotus lecto incumbit conventibus cultus divini causa celebratis interesse non obligatur. Diversa prorsus est cultus divini externi atque interni ratio. Quæ enim ad cultum Dei internum spectant, necessitas non eximit a lege, sed ubi usus facultatum animæ legitimus deficit, obligatio eatenus suspenditur, ut omissio actus non sit imputabilis: ast ubi usus organorum corporis deficit, actus externus e lege eximitur, ita ut tibi jus sit ad eum omittendum, consequenter ipsa actus omissio sit licita. Velle enim sufficit, ubi quod vis facere non potes. Deus nimirum adhuc colitur, quemadmodum coli debet, ac in cultum divinum impenditur usus omnium facultatum, qui in potestate est.

§. 583.

Quoties necessitas, cui resisti minime potest, impedit actum Obligatio externum, non tamen omitti debet internus. Quoniam ad requoad actus Etitudinem actionum obligamur (§. 189. part. 1. Phil. pract. internos non univ.), hæc autem requirit facultatum omnium usum (§. 80. sublatam per part. 1. Phil. pract. univ.); necessitas non tollit obligationem impossibilitati quoad actus, qui ut eliciantur fieri non potest (§. 209. tatem ex part. 1. Phil. pract. univ.). Quamobrem si necessitas, cui terni. resisti minime potest, actum externum impedit, cum hoc non obstante usu facultatum animæ, qui propterea non tollitur, actus interni elici possint, ad internos adhuc obligati manemus, consequenter interni omitti minime debent.

Necessitas nullam habet vim in legem, nisi quatenus obligatio extendenda foret ad id, quod impossibile, cum obligatio naturalis, quæ possibilitatem actionis supponit, immutabilis sit (§. 142. part. 1. Phil. pract. univ.). Quodsi ergo actio ex pluribus actibus tam internis, quam externis componatur; necessitati non subsunt nisi actus, qui usu facultatum perfici minime possunt, consequenter nec obligatio legi demitur, nisi quoad actus impossibiles, quoad ceteros vero, qui adhuc possi-

biles sunt, subsistit. Ita sufficit miserari sortem pauperis & optare, ut fortunam magis faventem experitur, atque alii egestatem ejus sublevent, cum ipse hoc facere non possit. Similiter amori universali erga omnes homines non aliter satisfieri potest, quam ut velimus omnes esse felices, ac optemus, ut perenni felicitate fruantur, animo ita disposito, ut, si per nos staret, homines omnes efficeremus felices, quamvis impossibile sit, ut id actu præstemus. Quemadmodum itaque nemo contendere potest, amorem universalem requirere, ut omnes homines actu reddamus felices, nec legem naturæ, quæ eundem præcipit (§. 619. *part. 1. Jur. nat.*), nos ad hoc obligare; ita idem eodem modo intelligitur de actione quæcunque alia, quæ lege naturali præcipitur, ubi perinde impossibile est, ut quid facias tibi, vel uni cuidam alteri, ac impossibile est, ut homines omnes in universum actu efficias felices. Arque adeo patet, lege naturali præcipi actionem internam, ubi externa præcipi nequit, & quamdiu actioni internæ adhuc responderet actus aliquis externus, qui in potestate est, idem adhuc præceptus intelligitur. Ita si ipse non habeas, quod des pauperi, commendatione tamen tua effici possit, ut det alius, ad ipsum huic commendandum obligaris. Quod si hæc probe consideres, metuendum non est, ne vis necessitatis ultra suos limites extendatur, nec ex parte altera obligationi inesse existimes, quod non inest.

§. 584.

*De membro
abscindendo
corporis
conservandi
causa.*

Membrum insanabili morbo correptum abscindere licet, ne totum corpus pereat. Etenim si membrum insanabili morbo correptum, ut conservetur impossibile est, consequenter ad id conservandum non sumus obligati (§. 209. *part. 1. Phil. pract. univ.*). Enimvero ad conservandum corpus & vitam nostram obligamur (§. 349. 350. *part. 1. Jur. nat.*), cumque conservari possit, si membrum insanabili morbo correptum abscindatur, *per hypoth.* huic obligationi adhuc satisfactis-

tis fieri potest. Et quia alias pereundum, nisi abscindatur; membri abscissio est medium unicum conservandi corpus totum ac vitam. Quamvis adeo alias integritatem cujuslibet membri conservare tenemur (§. 372. *part. 1. Jur. nat.*), quando nimirum id fieri a nobis potest; cum tamen in hypothesi propositionis præsentis fieri nequeat, lex autem natura nobis det jus ad eos actus, sine quibus vita ac corpus conservari nequeunt (§. 159. *part. 1. Phil. pract. univ.*), & necessitas irreluctabilis actum, qui alias illicitus foret, licitum efficiat, quando est medium unicum satisfaciendi obligationi indispensabili (§. 573.); quin membrum insanabili morbo correptum abscindere liceat, ne totum pereat corpus, dubitandum non est.

• Quia non sumus obligati ad conservandum membrum insanabili morbo correptum, minime peccamus, si idem non conservemus. Ast quatenus abscissio medium unicum est conservandi corpus ac vitam, jus abscindendi nobis competit. Ex eo itaque, quod conservatio sit impossibilis, tantummodo sequitur, eam sine peccato omiti, non vero id abscindi a nobis posse: posterius vero demum sequitur ex eo, quod periculum vitæ imminet aliter non evitabile, nisi membro abscisso, vel refecato. Diversa omnino sunt ommissio conservationis membri & abscissio ejusdem, adeoque ex uno non potest inferri alterum propter diversas, quas habent, rationes.

§. 585.

Si aut membrum aliquod refecandum, aut pereundum; idem porro membrum refecandum est, ne corpus totum pereat. Etenim expenditur membrum insanabile refecare licet (§. 584.) & ad corpus ac vitam conservandum obligati sumus (§. 349. 350. *part. 1. Jus. nat.*). Quodsi ergo aut membrum aliquod refecandum, aut pereundum; lex permissiva cum præceptiva colliditur (§. 164. 165. *part. 1. Phil. pract. univ.*). Enimvero quan-

quando lex permissiva colliditur cum præceptiva, præceptiva vincit, seu permissiva cedit præceptivæ (§. 211. *part. 1. Phil. pract. univ.*). Ergo si aut membrum aliquod rescandum, aut moriendum; membrum potius rescare, quam mori tenemur (§. 208. *part. 1. Phil. pract. univ.*), seu membrum rescare debemus, ne totum pereat corpus.

Alia est quæstio, numquid jure facere liceat; alia vero, num id facere debeamus. Quod enim facere licet, omitti etiam potest, si adsint rationes, cur jure nostro non uti velimus: ast quod facere debemus, id omitti licite nequit. Quamobrem non sufficit ostendere, quod membri insanabilis licita sit abscissio, ne totum pereat corpus, sed ostendendum quoque erat, abscissionem esse debitam, nec optionem nobis esse permissam. Ipsa autem demonstratio propositionis præsentis loquitur, ante demonstrandum fuisse, quod rescissio licita sit, quam demonstrari potuerit, quod omissio sit illicita. Ceterum quæ hic monemus, probe attendenda sunt, ne in aliis casibus judicium deproperemus. Necessitas irresistibilis eximit resectionem membri insanabilis a lege conservationem præcipiente; quatenus ea est medium unicum conservandi corporis, legi permissivæ subjicitur; quatenus denique jus rescandi membrum pugnat cum obligatione conservandi corporis, si illo uti nolis, obligatio hæc usum illius efficit necessarium, adeoque debitum.

§. 586.

*Quodnam
periculum
alteri præ-
ferendum.*

Si aut certo pereundum, aut periculum subeundum dubio eventui; posterius priori præferendum. Etenim periculum vitæ vitare debemus, quantum in potestate nostra positum est (§. 371. *part. 1. Jur. nat.*). Quodsi vero aut certo pereundum, aut periculum subeundum dubio eventui, casum istum, in quo nobis certo pereundum, aliter evitare non licet, quam si periculum aliud dubio eventui subeamus, consequenter in quo

quo spes omnis nos salvos fore decollata non est. Quamobrem cum subire periculum dubio eventu sit medium unicum, quo periculum vitæ ut evitemus uti possumus; hoc potius subire debemus, quam fato funesto succumbere.

Nimirum ipsa necessitas, quæ legi nulli subest, adjicit legi de vitæ periculo vitando hanc restrictionem, quantum in potestate nostra positum. Quando igitur medium aliud vitandi periculum, in quo nobis certo pereundum, non datur nisi periculum aliud, in quo eventus anceps est; nec aliter ut periculum istud evitemus in potestate nostra est medium. Hoc igitur urendum. Quod si uti nolumus, officio nostro erga nos metipsum quod delinimus, ecquis dubitet? Quamdiu enim spes evadendi adhuc superesse potest, spem omnem abjicere non debemus, consequenter quoque præferre præsentī mortī periculum, in quo adhuc spes quædam affulget, nos fore salvos.

§. 587.

In summa cibi penuria nec invitum, nec sorte ductum occidere licet, ne omnibus sit pereundum. Etenim quoniam in summa cibi penuria nullus prorsus cibus suppetit, non aliud datur medium servandi vitam, nisi ut carne humana vescaris. Quamobrem aut pereundum est omnibus, aut unus jugulandus vel invitus, vel sorte ductus. Conservatio vitæ est legis præceptivæ (§. 164. part. 1. Phil. pract. univ.), interfectio alterius legis prohibitivæ (§. 163. part. 1. Phil. pract. univ.), cum omnes obligentur vitam conservare (§. 350. part. 1. Jur. nat.), ac prohibeantur occidere alterum (§. 743. part. 1. Jur. nat.), si vel maxime consentiat (§. 745. part. 1. Jur. nat.). Colliditur adeo in casu præsentī lex præceptiva cum prohibitiva (§. 206. part. 1. Phil. pract. univ.). Etenimvero si lex præceptiva colliditur cum prohibitiva, prohibitiva vincit (§. 210. part. 1. Phil. pract. univ.). Quamobrem in summa cibi penuria alium occidere licet.

(Wolffii Jur. Nat. Pars VI.) Kkk

penuria nec invitum, nec sorte ductum occidere licet, ne omnibus sit pereundum.

Nimirum lex prohibitiva de non occidendo altero, si vel maxime occidi velit, in summa cibi penuria conservationem sui efficit impossibilem, adeoque eandem eximit a lege præceptiva de vita sua conservanda, ut adeo conservatio sine peccato omittatur. Necessitas adeo vim suam exerit in legem præceptivam tollendo obligationem, non vero in legem prohibitivam, ut actum alias illicitum faciat licitum, seu conferendo jus ad actum in eadem prohibitum. Alia sane est ratio interfectionis alterius in casu defensionis, in quo necessitas facit interfectionem medium unicum sese defendendi ac vitam suam conservandi licitum (not. §. 572.). Etenim in casu defensionis defensor jure suo utitur, dum vim vi repellit (§. 973. part. i. Jur. nat.), contra eum, qui jus ipsius, nimirum securitatis (§. 917. part. i. Jur. nat.) violat, sine ullo jure (§. 918. part. i. Jur. nat.), adeoque necessitas, quæ oritur ex facto illicito aggressoris eximit e lege prohibitiva actum sub jure defensoris contentum: est in casu præsentis fortuna adversa constituit utrumque in eadem necessitate, quæ utrumque ab obligatione se conservandi liberat (§. 566.), ut neuter peccet, si fame pereat. Cum adeo nulla adsit obligatio, cui satisfaciendum, nec lex naturæ dare potest jus ad actum utrique æqualiter prohibitum. Equidem *Puffendorffus* lib. 2. c. 6. §. 3. dubitat, quid in casu propositionis præsentis pronunciandum sit, propterea quod cum lege homicidii pugnet atrocitas famis venterque auribus carens, & quod circa tristissimum hoc medium omnibus foret pereundum; non tamen rationes istæ sufficiunt ad conferendum jus in vitam alterius. Etenim atrocitas famis est malum difficilius superabile, ex eo autem nullum jus nascitur ad actum lege prohibitum. Sane si hoc admittere velis, quod probari nulla ratione potest, ad evitandum tormenta quævis illicita patrare liceret. Et quamvis omnibus sit pereundum, nisi unus juguletur ac carne ejus vescantur ceteri; nec tamen hinc quoque jus nascitur uni in vitam alterius, neque:

que etiã in vitam suam, ut in cædem sui consentire possit. *Jus* nasci nequit nisi ex obligatione passiva (§. 23. *part. 1. Jur. nat.*), ubi nulla obligatio, ibi jus nullum (§. 25. *part. 1. Jur. nat.*). Obligationem vero vitam conservandi tollit necessitas inevitabilis ac irresistibilis quoad omnes, adeoque ex ea jus nullum oriri potest uni in alterum. Exemplum ex *Nicolaus Turpio* in obs. med. refert *Zieglerus* ad *Grotium* lib. 2. c. 1. §. 3. de septem Britannis, qui vastum in mare projecti deficiente cibo potuque sortiti unum non sane reluctantem jugularunt, cujus sanguine intolerabilem sitim ac famem carnibus utcumque sedaverunt, quos ad terram delatos post judex homicidii absolvit. Non sine peccato ceteri jugularunt unum, quamvis non reluctantem, etsi facile concedamus, homicidii reos miseratione fuisse dignos nec pœnam homicidii lege positiva sancitam iisdem irrogari potuisse a judice. Alia nimirum quaestio est, num jure jugulaverint socium ceteri, alia vero, an propter hoc factum pœna ordinaria locum habuerit aut, si extraordinariæ adhuc locus fuisset, in quod in præsentî non inquirimus, utrum ea potius condonanda, an exigenda fuerit. Ceterum cum propositione præsentî confundendum non est, quod alibi demonstravimus, nimirum quod nemo hominum alterum occidere debeat, ut carne ejus vescatur (§. 747. *part. 1. Jur. nat.*), neque enim ibidem supponitur, id fieri in summa cibi penuria, ut sine isto medio sit pereundum. Perperam vero huc refertur exemplum *Jonæ*, quem volentem in mare projecerunt, qui una cum ipso in eodem erant, sedandæ tempestatis causa, *Jon. 1.* Sortes enim miserunt, ut palam fieret, cujusnam peccato excitata esset tempestas omnibus interitum minitans. Nec sortitio caruit eventu, cum enim fors cecidisset super *Jonam*, is peccatum suum confitebatur, ac sibi conscius, grandem istam tempestatem a Deo excitatam fuisse propter peccatum suum, ut in mare mitteretur ejus sedandæ causa voluit: quod num facere liceat, qui cum ipso in navi erant adhuc subdubitant, Deum adeo invocantes, ut, si peccare contingat, peccatum hoc ipsis condonare velit c. l. 14.

Inde igitur inferri nequit licitum esse, ut plurimum servandorum causa uni innocenti manus violentæ inferantur. ●

§. 588.

De pluribus in naufragio insilientibus. Si in naufragio plures in scapham insilierint, quam illa ferre possit, neque ad unum peculiari jure scapha pertineat, qui priores insilierunt posteriores projicere possunt, non vero idem licet posterioribus in priores. Quodsi vero omnes simul insilierint, qui potest, ei alterum projicere licet. Nimirum perinde est, si ve in naufragio quidam sui servandi causa tabulam capiant, si ve in scapham, quæ nullo jure peculiari ad unum pertinet, insiliant. Enimvero si quis prior in naufragio tabulam ceperit, ut evadat, & alter eodem fine eandem conscendere velit, sed non sine præsentis discrimine ejus, qui prior ceperat; ei, qui prior ceperat, alterum deturbare licet, non vero idem licet posteriori in priorem. Quodsi vero uterque simul eandem tabulam apprehendat, ei facere hoc licet, qui potest (§. 1017. part. 1. Jur. nat.). Ergo etiam si in naufragio plures in scapham insilierint, quam illa ferre possit, neque ad unum peculiari jure scapha pertineat; qui priores insilierant, posteriores projicere possunt, non vero idem licet posterioribus in priores: quodsi vero omnes simul insilierint, qui potest, ei alterum projicere licet.

Casum hunc proponit Puffendorfius loc. cit. sed non decidit. Nostrium igitur esse duximus definire, quid in eo sit juris. Quoniam vero convenit cum casu Ciceronis, de quo disputat Laëtantius (not. §. 1017. part. 1. Jur. nat.); non opus erat nova demonstratione, sed sufficit illum ad hunc reducere: tabula enim & scapha hic spectantur tanquam instrumentum, quo ad se conservandum utuntur naufragium perpeffi, & quod nullo jure peculiari ad unum eorum spectat. Aliud vero dicendum est, si scapha ad unum eorum, qui in ea sunt, peculiari quodam

dam jure pertinet: tum enim scapha non amplius convenit cum tabula, quam in naufragio plures apprehendunt.

§. 589.

Si in naufragio plures in scapham insilierint, quam illa ferre potest, cum consensu ejus, ad quem ea peculiari quodam jure fit cum pertinet; qui priores insilierunt posteriores projicere possunt, non consensu vice versa posterioribus licet projicere priores, nec projicere licet enim, ejus, ad quem scapha singulari jure pertinet. Quodsi vero omnes simul ad quem insilierint, qui possunt, iis ceteros projicere licet. Quodli enim scapha ad aliquem singulari quodam jure pertinet, veluti quod sit dominus, vel usus ejus a domino quomodocunque concessus; is quoque de usu ejus disponere potest pro arbitrio suo (§. 118. part. 2. & §. 12. part. 3. Jur. nat.). Quamobrem si plures cum consensu domini vel ejus, ad quem peculiari quodam jure scapha pertinet, insilierint, cum acceptatio fiat ipso facto (§. 2. part. 3. Jur. nat.), acceptatione vero jus acquiratur (§. 381. part. 3. Jur. nat.), eo ordine jus acquirunt, quo in scapham insiliunt. Enimvero cum jus acquiritur nemini invito auferri possit (§. 336. part. 2. Jur. nat.); is, ad quem navis peculiari quodam jure pertinet, non pluribus permittere potest scapham conscendere, quam ea ferre potest, consequenter posterioribus, seu ultimis jus nullum conferre potuit in præjudicium priorum. Patet igitur eos, qui primi conscenderunt scapham, illos, qui ultimi in eam insilierunt projicere quidem posse, sed non hos, utpote violaturos jus priorum, illos projicere posse (§. 910. part. 1. Jur. nat.). Quod erat primum & secundum.

Enimvero cum nemo obligetur alteri inservire citra neglectum officii erga seipsum (§. 608. part. 1. Jur. nat.), nec is, ad quem scapha peculiari jure pertinet, obligatur usum scaphæ concedere aliis ut ipsi salventur, sibi vero sit pericun-

dum, consequenter nec præsumitur aliis permisisse in scapham conscendere, nisi quatenus una cum ipso servari possunt. Quoniam itaque hisce non competit nisi jus sub hac conditione, si scapha eos una cum concedentē ferre possit; quando contrarium contingit, jus iis non est manendi in scapha, quos ferre non potest, adeoque nemo eorum projicere potest illum, ad quem scapha singulari quodam jure pertinet.

Quod erat tertium.

Denique si plures simul cum consensu ejus, ad quem scapha jure quodam peculiari pertinet, in eam insilierint, patet *per demonstrata n. 1.* omnes quoque eodem momento jus acquirere, consequenter omnes esse jure pares. In hoc igitur casu officium uniuscujusque erga seipsum colliditur cum officio erga alios (§. 206. *part. 1. Phil. pract. univ.*). Quamobrem cum in casu collisionis officium erga seipsum vincat (§. 229. *part. 1. Phil. pract. univ.*); unicuique eum projicere licet, quem potest. *Quod erat quartum.*

Quodsi dicas, quoniam acceptatio præcedere potest voluntatem jus transferentis, quando scilicet plures una auxilium ejus efflagitant, ad quem scapha jure quodam peculiari pertinet (§. 10. *part. 3. Jur. nat.*), consequenter omnes eodem tempore jus acquirere sui servandi causa scapha utendi; haud difficilis est responsio. Cum ad transferendum jus requiratur declaratio sufficiens voluntatis ejus, ad quem scapha jure quodam peculiari pertinet (§. 13. *part. 3. Jur. nat.*), is vero non pluribus idem conferre possit, quam quot scapha ferre potest; non aliter quoque auxilium implorantibus jus conferre voluisse intelligitur, quam eo ordine, quo in scapham insiliunt, ita ut, si plures insiliant, quam ea ferre possit, qui ultimi sunt, iis scapham conscendere non permiserit. Quamprimum nimirum tot in eam conscenderunt, quot ea ferre potest, nulli amplius permisisse intelligitur, ut in eam conscendat, aut in dubio non censetur permisisse nisi sub hac conditione, ut sit projiciendus,

das, siquidem appareat, scapham eum ferre non posse (§. 531.). Quod vero is, ad quem scapha jure quodam singulari pertinet, ceteris omnibus sit præferendus, adeoque nunquam projici possit; patet etiam ex eo, quod, si par malum imminet; quilibet sibi potius, quam aliis consulere debeat (§. 574.); ut adeo usum scaphæ ad se pertinentem non concedere teneatur aliis, nisi quatenus una cum ipso iidem servari possint.

§. 590.

Si eo, ad quem scapha singulari quodam jure spectat, non ro- Quodsi plu-
gato, plures in eam insiliant, quam ferre potest; ille præcipere res insiliant
potest; ut projiciatur is, quem voluerit, si scapha omnes ferre ne- in scapham,
quit, aut ut sorte ductus projiciatur: & siquidem contingat, tot quam ea
scapham jam conscendisse, quot ea ferre potest, his impedire non ferre potest,
licet, quo minus ille in eam insiliat. Etenim a voluntate ejus, domini vel
ad quem scapha singulari quodam jure spectat, pender, cui quasi non ro-
nam usum scaphæ concedere velit, ut servetur (§. 12. part. 3. gato.
Jur. nat.). Quamobrem cum non pluribus eam concedere
possit quam illa ferre potest, quod per se patet, etsi tot con-
cedere debeat, quot ferre potest (§. 641. part. 1. Jur. nat.);
ipsius omnino est statuere, quinam illorum, qui in scapham
insilierunt, sit projiciendus, ne omnibus sit pereundum. Præ-
cipere igitur potest, ut is projiciatur, quem voluerit. Quod:
erat primum.

Quodsi vero consilii inops statuere nequeat, quinam
sit projiciendus, cum ad sortem confugere liceat in dubio,
seu quando ex dubitationum fluctibus emergere non potes;
(§. 296. part. 1. Jur. nat.); si præcipit, ut sorte ductus pro-
jiciatur, sorte ductus projiciendus: Quod erat secundum.

Denique cum nemo alteri inservire teneatur cum ne-
glectu sui (§. 608. part. 1. Jur. nat.), nec is, ad quem scapha
singulari quodam jure pertinet, usum ejus alteri concedere
tene-

tenetur, dum ipse eodem indiget. Quamvis adeo jam tot eam conscenderint, quot ferre potest; non tamen qui in ea sunt, impedire licite possunt, quo minus ille in eandem insiliat & alius projiciatur. *Quod erat tertium.*

Nemini jus suum auferre licet (§. 336. *part. 2. Jur. nat.*), adeoque in communi periculo usu scaphæ privari nequit, ad quem illa pertinet. Et quoniam nemo pati tenetur, ut alter quid faciat, quod est contra jus ipsius (§. 910. 913. 920. *part. 1. Jur. nat.*): cum hoc sit contra jus ejus, ad quem scapha singulari quodam jure pertinet, si plures in eam insilierint, quam ferre potest, pati is utique non tenetur, ut omnes in scapha maneant, atque adeo vel omnibus una sit pereundum, vel ipse excludatur. Patet itaque propositionem præsentem consentire cum principiis juris naturæ, nec quicquam in ea contineri, quod iisdem repugnet, quamvis in tanta consternatione, qualis in casu præsentis adest, & ubi natura unumquemque sibi metipso commendat, si quid justitiæ adversum contingat, id facile excusationem habeat, præsertim cum non cujusvis sit perspicere, aut in tanta perturbatione animi trutinari, quid juris sibi, quid aliis conveniat. Sed de eo nobis jam quæstio non est, quidnam excusationis deß suprema necessitas, quoniam definiendum est, quid in communi periculo quoad usum rei alienæ unicuique competat juris, si omnes eundem participare nequeunt, in eadem necessitate constituti, sive cum illo, ad quem is pertinet, sive sine ipso.

§. 591.

Si arbitrio eorum relinquantur, quando ipso non rogato plures eam conscenderint, quam ipsa ferre quatur, qui potest, præcipere potest, ut projiciatur is, quem voluerit in scapha (§. 590.); si jubeat projicere eum, quem quis projicere potest, qui sunt, quem primi aliquem projicere possunt, iis eum projicere licet.

nam projicere velint.

Necessitas nimirum dat jus ad aliquem eorum, qui in scapha sunt, projiciendum (§. 572.); sed voluntate ejus, ad quem

quem ea singulari quodam jure pertinet, determinandum, quoniam ex illorum numero proiciendus sit (§. 590.). Quodsi ergo neminem in specie nominare velit, aut, cum deliberatio moram minime ferat, præsertim in tanta consternatione, non possit, jus sibi competens aliis committere potest, ipsorum arbitrio relinquens, quid facere velint, vel possint, ne mora noceat omnibus. Casum hunc, etsi rariorem, ideo prolixè discutere voluimus, immo debuimus, ut appareat, quomodo in aliis sit procedendum. Cum enim minima circumstantia variet jus, minime pronunciandum est, nisi singulis circumstantiis probe expensis: quod cum non faciant, qui generaliter pronunciare volunt, insuper habitis circumstantiis, quæ variare possunt, mirum non est, si in eo, quod justum est, definiendo cespitent.

§. 592. •

Si quis stricto gladio duos fugientes persequatur, nec uterque simul servari possit, licet uni foribus clausis alterum in præsentiterum destituitur periculo destituere. Etenim cum quivis obligetur vitam tam tuit in præsentem (§. 350. *part. 1. Jur. nat.*), quam alterius conservare sentipericulo (§. 641. *part. 1. Jur. nat.*), tum etiam integritatem omnium lo, ut ipse membrorum corporis (§. 372. 642. *part. 1. Jur. nat.*); in casu servetur. propositionis præsentis officium erga seipsum colliditur cum officio erga alios (§. 206. *part. 1. Phil. pract. univ.*). Enimvero quando officium erga seipsum colliditur cum officio erga alios, officium erga seipsum vincit (§. 229. *part. 1. Phil. pract. univ.*). Quamobrem si quis stricto gladio duos fugientes persequatur, nec uterque simul servari possit, licet uni foribus clausis alterum in præsentiterum periculo destituere.

Idem etiam ostenditur hoc modo. Si quis stricto gladio me & te fugientem persequatur, utrique nostrum par malum imminet, nimirum periculum mortis aut læsionis membri cujusdam corporis. Enimvero si nobis par malum

(*Wolffii Jur. Nat. Pars VI.*) LII im-

imminet, ego potius mihi, quam tibi consulere debeo (§. 574.), consequenter multo magis mihi consulere, ac te in præsentis discrimine destituere possum, quando a neutro periculum averteretur, nisi mihi consulere malim. Quamobrem cum simul servari non possimus, *per hypoth.* mihi licet foribus clausis te in præsentis discrimine destituere.

Geminum casum affert *Puffendorfius* lib. 2. c. 6. §. 4. Scilicet quando duobus fugientibus hostis necem intentans instat, & unus vel ponte dejecto, vel porta clausa alterum in præsentis vitæ periculo destituit, si uterque simul servari nequeat. In collisione officiorum erga seipsum & erga alios facere licet, sui conservandi gratia, quod alias non liceret. Ita pontem deicere, vel portam claudere non liceret, ut hostis fugientem prosternere posset, nisi hoc fieret sui conservandi causa. Multi occurrunt casus particulares passim apud Autores, qui cum præsentis in eundem censum referendi, sed iis immorari nolumus. Quin potius demonstramus principium generale, sub quo isti omnes continentur.

§. 593.

De periculo vitando cum in presenti discrimine alterius..

Si ego ac tu in presenti periculo sumus, ex quo uterque nostrum simul extrahi nequit, talem actum suscipere licet, quo tibi effugiendi potestas admittitur. Quoniam enim ego ac tu in præsentis periculo sumus, ex quo uterque nostrum simul extrahi nequit, *per hypoth.* uterque autem obligatur mala quævis cum a se (§. 183. *part. 1. Jur. nat.*), tum ab altero depellere (§. 613. *part. 1. Jur. nat.*); officium erga seipsum colliditur cum officio erga alios (§. 206. *part. 1. Phil. pract. univ.*), adeoque illud vincit (§. 229. *part. 1. Phil. pract. univ.*). Quoniam vero mihi non suppetit actus alius, quo ex periculo extrahi possum, quam quo tibi adinutur potestas effugiendi *per hypoth.* quamvis alias illicitus foret actus, quo tibi adinutur periculum effugiendi potestas (§. 700. *part. 1. Jur. nat.*), cum

cum tamen necessitas irresistibilis licitum efficiat actum, qui alias foret illicitus, quando fit medium unicum satisfaciendi obligationi tuæ (§. 573.); talem actum suscipere licet, quo tibi adimitur periculum effugiendi potestas, ut ego ex eodem extrahar.

Principium hoc generale multo latius extenditur, quam ad casus particulares, de quibus modo disimus. *E. gr. Ponamus incendio suborto adesse aliquem, qui uni tantummodo opem ferre possit ad res servandas, nummos dare eidem licet, ut tibi potius opem ferat, quam alteri, qui nihil dare potest, vel tot dare nequit. Idem intelligitur de alio quocunque periculo; ad quod depellendum ope aliena indiges. Similiter si tu & alter in communi periculo imploratis opem tertii, licet tibi offerre rationes particulares, quibus te aliis commendes, ut eum permoveas ad auxilium tibi potius, quam alteri ferendum, modo non dehorteris, ne opem ferat alteri.

§. 594.

Si duo in presenti periculo sint, ex quo uterque extrahi minime potest, talem actum suscipere licet ejus servandi causa, qui ferendo uni vel solus sine electione servari potest, vel cui magis obligaris, quo cum discralteri eripitur effugiendi potestas. Quoniam enim impossibile minime alter est, ut uterque ex communi periculo extrahatur, per hypoth. rurs. ab utroque autem malum pro virili depellere obligaris (§. 613. part. 1. Jur. nat.), officia erga alios colliduntur (§. 206. part. 1. Phil. pract. univ.), adeoque illud vincit, ad quod major est obligatio (§. 230. part. 1. Phil. pract. univ.). Quamobrem ab eo periculum depellere debes, cui magis obligaris, quam alteri (§. 208. part. 1. Phil. pract. univ.), cumque necessitas irresistibilis licitum faciat actum, qui alias foret illicitus (§. 700. part. 1. Jur. nat.), quando fit medium unicum satisfaciendi obligationi tuæ (§. 573.), periculum

ut depellas suscipere licet talem actum, quo alteri adimitur effugiendi potestas. *Quod erat unum.*

Quodsi vero unus saltem sine electione servari possit, ipsa necessitas hunc præferre jubet alteri, cum ad impossibile minime obligeris (§. 209. *part. 1. Phil. pract. univ.*), si vel maxime alias alteri magis obligeris, ut is esset præferendus *per demonstrata*. Quamobrem alterum in præsentī discrimine destituere ac illius liberandi causa talem actum suscipere licet, quo alteri adimitur effugiendi potestas. *Quod erat alterum.*

Exempla, quæ modo dedimus, de servando seipso cum præsentī discrimine alterius, mutatis mutandis, facile huc aptantur. Ita mater dare potest nummos opem ferre valenti nonnisi uni, ut infantem suum flammis feralibus eripiat incendio furente, quam infantem matris alterius auxilium illius similiter flagrantis, sed quæ non habet, quod dare possit. Et pater in casu simili hoc facere potest, ut idem potius servet res filii sui, quam alterius. Similiter si quis stricto gladio duos fugientes persequatur, nec uterque servari possit, licet tibi eo in ædes tuas admissio, qui primus adest, fores claudere ac alterum in præsentī discrimine destituere, si vel maxime huic magis obligeris, quam illi, veluti si hic sit agnatus tuus, vel amicus intimus, ille autem homo tibi prorsus ignotus.

§. 595.

De rebus necessariis in extrema necessitate domino auferendis. Si quis destituitur penitus usu rerum necessariarum, nec in potestate ipsius sit, ut eas æquo pretio vel præstitis operis sibi comperet, neque etiam eas precibus ab aliis impetrare possit; in statu naturali eas alteri inscio ac invito auferre, immo usque ere licet, quæ iisdem carere potest. Etenim si quis penitus destituitur usu rerum necessariarum, adeoque illatur, sine quibus vita ac sanitas conservari nequit, nec anima perfici potest (§. 499. *part. 1. Jur. nat.*), nec in potestate ipsius sit, ut eas æquo pretio

pretio vel præstitis operis sibi comparet; is tanta rerum inopia laborat, ut delint ea, quæ extrema vitæ necessitas exigit. Quodsi ergo porro res necessarias precibus ab aliis impetrare non possit, nisi eidem penitus ablatus esse debeat rerum necessariorum usus, non aliud superest in statu naturali, in quo nemo alterius potestati subiectus est (§. 143. 147. *part. 1. Jur. nat.*), medium obligationi naturali vitæ atque sanitatis conservandæ (§. 350. 393. *part. 1. Jur. nat.*), aut animam perficiendi (§. 180. *part. 1. Jur. nat.*), quam ut alteri vel inscio ac invito, vel vi res necessarias eripiat. Quamobrem cum dominia cum tacita hac restrictione introducta intelligantur, ut, si in casu emergente contingat alicui penitus auferri necessarium rerum usum, eidem jus aliquod competat in eas res, quæ sunt in dominio (§. 563.), necessitas vero irresistibilis licitum efficiat actum, qui alias foret illicitus, quando est medium unicum satisfaciendi obligationi indispensabili (§. 573.); quamvis alias illicitum sit alteri invito rem suam auferre (§. 497. *part. 2. Jur. nat.*), consequenter nec vi eripere permixtum, si quis tamen destituitur penitus usu rerum necessariorum, nec in potestate ipsius sit, ut eas æquo pretio vel præstitis operis sibi comparet, neque etiam eas precibus ab aliis impetra e possit, in statu naturali eas alteri inscio ac invito auferre, immo vi eripere licet. Enimvero si par malum imminet, nobis potius, quam alteri consulere debemus (§. 574.), consequenter usum rerum necessariorum alteri concedere non debemus, si eodem carere minime possumus. Quamobrem nec domino inscio ac invito rem suam auferre, vel vi eripere licet res necessarias, quibus ipse carere nequit, consequenter non nisi ei auferre, vel vi eripere licet, qui eisdem carere potest.

Quid sit juris in statu naturali quoad usum rerum necessariorum in suprema necessitate, ideo demonstrandum fuit, ut

suo loco ostendi possit, quid conveniat statui civili: jus enim in eodem obtinens metiendum est ex jure, quod in statu naturali competit ad extremam necessitatem reductis, & quando status naturalis reviviscit, ut eodem jure uti liceat. Idem enim institutum secuti sumus hactenus etiam in aliis.

§. 596.

An rei ablacione furtum committatur.

Quoniam qui usu rerum necessariarum penitus destituitur, nec eas sibi a quo præstari præstitis operis comparare, neque etiam precibus easdem ab aliis impetrare potest, ei in statu naturali eas in scio ac invito auferre licet (§. 595.), consequenter jus easdem auferendi habet (§. 170. part. 1. Phil. pract. univ.), cum dici nequeat eum abstulisse rem alienam, consequenter eam, ad quam jus nullum habet (§. 146. 120. part. 2. Jur. nat.), furtum vero non sit, nisi quis auferat rem alienam domino in scio ac invito animo eam sibi habendi, consequenter ad quam jus nullum habet (§. 498. part. 2. Jur. nat.); furtum minime committit.

Nimirum suprema necessitas in hypothesi propositionis præsentis, communione primæva quoad eum, qui illa ad rem auferendam adigitur, reviviscente facit eandem communem domini ac auferentis, ut adeo uterque pari jure gaudeat (§. 4. part. 2. Jur. nat.). Non igitur auferitur res aliena, sed ea apprehenditur, ad quam auferenti jus est eadem utendi. Suprema necessitas extinguit jus singulare, & rem restituit communioni primævæ (§. 562.).

§. 597.

An rapina committatur, si res vi eripiat.

Quoniam in eadem hypothesi rem, cujus usum extrema necessitas exigit, vi eripere licet (§. 595.), rapina vero non est, ad quam eripiendam jus habemus (§. 505. part. 2. Jur. nat.); rapina quoque non committitur, quando in eadem hypothesi alteri res vi eripitur.

Nimi-

Nimirum qui alteri rem, quam tenet, vi eripit ob extremam necessitatem, hoc facit jure suo (§. 170. part. 1. *Phil. pract. univ.*), adeoque in ejus exercitio impediri nequit a tenente (§. 180. part. 1. *Phil. pract. univ.*). Quamobrem si qui rem tenet impedire velit, quo minus eadem utatur, qui ad extremam necessitatem redactus: quin eum vi adigere possit dubitandum non est. Suprema necessitas facit rem communem ejus, qui eandem tenet, & alterius, qui eadem indiget (*not.* §. 596.). Quomodo itaque in communione primæva homini competit jus perfectum non patiendi, ut alter ipsum quocunque modo impedire conetur, ne rebus, prouti opus fuerit, utatur (§. 49. part. 2. *Jur. nat.*); ita etiam hoc jus competit ei, qui ad extremam necessitatem redactus est. Jus vero perfectum utique involvit jus cogendi seu vi adigendi alterum, ut patiatur hunc re, quam ipse tenet, uti. Qui vi utitur adversus impediendum jus suum, rem incorporalem (§. 498. part. 1. *Jur. nat.*), defendit adversus eum, qui idem ipsi rapere vult (§. 690. part. 2. *Jur. nat.*). Prædonis igitur nomen magis meretur, qui usum rei in extrema necessitate alteri denegar, dum ipse pari necessitate minime premitur, quam qui vi adigit alterum ad concedendum rei usum, quem extrema necessitas exigit (§. 506. part. 2. *Jur. nat.*). Probe hæc notanda sunt, cum sine iis jus belli publici intinuius inspicere non detur.

§. 598.

Quia extrema necessitas indigenti facit usum rei necessariæ, quo dominus carere potest, licitum (§. 595.); si res jus istud fuerit talis, quæ usu consumitur, eandem consumere licet; quod si extendendum vero ea usu non consumatur, sinito usu restituenda.

Jus, cui extrema necessitas locum facit, metiendum est ex jure communis primævæ, utpote ab eodem minime differens, sed potius idem cum eodem (*not.* §. 596.). Enimvero si in communione primæva tu re quadam in singulari, quæ usu consumitur, actu uteris nemo alius ejusdem usum licite prætere tendere potest, consequenter patiendum, ut res ista a te consuma-

sumatur : si vero uteris re, quæ usu non consumitur, finito usu jus ad eam aliis, quod habent, adimi nequit (§. 35. 38. *part. 2. Jur. nat.*). Quamobrem si usus rei, qua dominus carere potest, in extrema necessitate tibi patet; rem consumere licet, quæ usu consumitur, quod si vero usu non consumatur, finito usu, cum tunc nullum amplius jus ad eandem competat, domino res utique restituenda. In casu nimirum primo dominium rei in te transit, cum sine eo non detur usus ejusdem (§. 508. *part. 4. Jur. nat.*); in casu autem altero, dominium rei manet apud dominum, quoniam jus utendi, quod tibi competit, illo salvo subsistere potest. Quemadmodum commodatarius, cui non nisi usus rei concessus (§. 421. *part. 4. Jur. nat.*), rem in specie restituere tenetur commodanti, finito usu (§. 445. *part. 4. Jur. nat.*); ita in præsentī quoque casu, is, cui necessitas non majus jus tribuit, quam commodans commodatario, perinde ac hic finito usu rem restituere debet. Immo in præsentī casu concessio usus rei, quæ eodem non consumitur, revera non est aliud quam commodatum necessarium: neque enim inter illam & hoc alia differentia intercedit, quam quod in domini voluntate positum sit, num rem suam alteri commodare, adeoque usum ejus concedere (§. 418. *part. 4. Jur. nat.*) velit (§. 425. *part. 4. Jur. nat.*), nec is ad commodandum cogi possit (§. 426. *part. 4. Jur. nat.*), in casu autem præsentī concessio usus non sit voluntatis, sed necessitatis, ac nolens ad eum concedendum cogi queat (§. 595.).

§. 599.

*Vis necessi-
tatis in jus
petendi res
necessarias
vel earum
usum.*

Quoniam usu rerum necessariarum penitus destitutus, quando eas æquo pretio vel præstitis operis tibi comparare nequis, eas alteri inscio ac invito auferre, immo vi eripere licet, siquidem eas precibus ab aliis impetrare non possis (§. 595.); *necessitas extrema jus petendi vertit in jus cogendi, ut detur.*

Natura-

Naturaliter homini competit jus petendi ab aliis, ut sibi inserviant, non vero jus alterum ad id cogendi (§. 234. *part. 1. Phil. pract. univ.*). Quamobrem cum homines introductis dominiis sibi mutuo ad dandum obligentur, prouti unusquisque re alterius indiget (§. 124. *part. 3. Jur. nat.*); dominiis introductis tibi competit jus petendi ab altero, ut det rem, qua indiges. Quando vero hoc jure tibi non consulitur, necessitas extrema venit jus petendi in jus cogendi. Atque adeo apparet, cur eidem non ante locus sit, quam ubi jus petendi locum invenire nequit. Quamdiu itaque aliquis adhuc superest, a quo rem petere possis; neminem ad dandum cogere licet.

§. 600.

In extrema necessitate jus commune ad res reviviscit. In *De jure* extrema enim necessitate penitus destitutus es usu rerum necessariarum, nisi alteri invito & inscio rem auferas, vel vi eidem eripias: quod cum facere liceat (§. 595.), tibi patet usus rei necessariæ necessarius, perinde ac si juri singulari seu proprio subjecta non esset (§. 119. *part. 2. Jur. nat.*), consequenter ac si esset communis (§. 110. *part. 2. Jur. nat.*). In extrema itaque necessitate jure communi cum uti liceat, jus commune reviviscit.

Nimirum per dominia sublatum quidem est jus commune, adeoque extinctum, ut eodem uti minime liceat, domino omni usu rei suæ alios excludente (§. 120. *part. 2. Jur. nat.*); quoniam tamen eadem introducta non intelliguntur nisi cum tacita hac exceptione, ut, si in casu emergente contingat alicui penitus auferri necessarium rerum usum, eidem jus aliquod competat in eas res, quæ sunt in dominio (§. 563.), extrema utique necessitas juri communi denuo locum facit quoad eos, qui eadem premuntur. Sane nisi in extrema necessitate tibi hoc jus competeret, per dominia introducta tibi ablatum esset jus commune, consequenter connatum (§. 10. *part. 2. Jur. nat.*): quod cum auferri non possit (§. 64. *part. 1. Jur. nat.*), in extrema necessitate

(*Wolffii Jur. Nat. Pars VI.*) Mmm tibi

tibi utique adhuc competere debet. Quamprimum adeo ad extremam necessitatem redigeris, jus commune reviviscit.

§. 601.

Quale hoc sit.

Jus commune ad res in extrema necessitate reviviscens est jus necessitatis ex communione primæva residuum. Etenim dominia introducta intelliguntur cum tacita hac restrictione, ut, si in casu emergente contingat alicui penitus auferri usum rerum necessariarum, eidem jus aliquod competat in cas res, quæ sunt in dominio (§. 563.), consequenter, in quas omni jure ceteros omnes excludit dominus (§. 120. part. 2. *Jur. nat.*). Quoniam igitur huic juri sola locum facit necessitas, ut jam licitum sit, quod alias licitum non est, propterea quod alias obligationi tuæ indispensabili satisfacere haud quaquam potes (§. 595.), jus autem necessitatis est, cui sola necessitas locum facit ad actus quosdam alias non licitos, propterea quod sine iis obligationi cuidam indispensabili satisfacere minime potes (§. 564.); jus commune ad res in extrema necessitate reviviscens jus necessitatis est. *Quod erat unum.*

Quoniam dominium, tanquam jus proprium (§. 118. part. 2. *Jur. nat.*), absorpsit jus illud commune (§. 2. part. 2. *Jur. nat.*), quod natura hominibus competeat (§. 7. part. 2. *Jur. nat.*), in extrema tamen necessitate idem reviviscit (§. 600.), in introductione dominiorum tacite exceptum (§. 563.); jus commune in extrema necessitate reviviscens est jus ex primæva communione residuum (§. 561.). *Quod erat alterum.*

Non omne jus necessitatis ex communione primæva residuum est; sed tantummodo illud, quod extrema necessitas nobis dat ad rem alterius, tanquam si adhuc esset communis, ut adeo in eam idem jus nobis competat, quod erat in communione primæva, antequam dominia introducerentur. Ita inter-

interfectio alterius in casu defensionis jus quidem necessitatis est, at minime ex communione primæva residuum, quippe quod nobis competit etiam stante communione primæva. Sane in communione primæva si quis ad usum necessarium rem quandam apprehendit, nemini licet eam eidem invito eripere (§. 36. *part. 2. Jur. nat.*), neque etiam eripere licet, si apprehensam ad futurum usum necessarium servat (§. 93. *part. 2. Jur. nat.*), immo ei vi resistere licet, qui quocunque modo impedire conatur, quo minus usum rei apprehensæ necessarium faciat (§. 52. *part. 2. Jur. nat.*). Stante igitur adhuc communione primæva homini competit jus res ad usum necessarium apprehensas defendendi (§. 690. *part. 2. Jur. nat.*), & hoc jus in casu necessitatis extenditur ad interfectionem ejus, qui rem apprehensam eripere vult (§. 54. 699. *part. 2. Jur. nat.*). Atque adeo satis patet, propositionem præsentem minime converti posse. Immo analogum juris necessitatis, quod ex primæva communione residuum est, observatur jam in ipsa communione primæva, quatenus qui res apprehensas in futurum usum servat, earum usu excludere nequit alios, qui extrema necessitate urgentur: id quod in propositione sequente demonstrare lubet.

§. 602.

*Si quis penitus destituitur usu rerum necessariorum in communione primæva & alius quidam res necessarias in usum futurum servat; eas inscio ac invito auferre, immo vi eripere licet. Quoniam enim in communione primæva usus rerum necessarius promiscue patet omnibus (§. 19. *part. 2. Jur. nat.*), si quis ulu rerum necessariorum, adeoque illarum, sine quibus vita ac sanitas conservari, aut anima perfici nequit (§. 499. *part. 1. Jur. nat.*), prorsus destituitur, necesse est, ut res nulla amplius inveniri possit, quam non jam ad usum suum aliquis apprehenderit. Quoniam vero nemo excludi potest jure utendi re quacunque (§. 103. *part. 2. Jur. nat.*); si quis res*

De jure necessitatis in communione primæva.

M m m 2 necessa-

necessarias ad futurum usum servat, quamvis alias easdem ipsi eripere non liceat, si usu consumuntur (§. 93. *part. 2. Jur. nat.*), cum tamen in præsentī casu aliud medium non suppetat se aut sanitatem suam conservandi, consequenter obligationi suæ satisfaciendi (§. 350. 393. *part. 1. Jur. nat.*), quam usus rei ab alio asservatæ in usum futurum, necessitas vero irresistibilis licitum efficiat actum, qui alias foret illicitus, quando est medium unicuique satisfaciendi obligationi indispensabili (§. 573.), qualem naturalem esse constat (§. 142. *part. 1. Phil. præf. univ.*); si quis penitus destituitur usu rerum necessariarum, quæ usu consumuntur, & alius quidam res necessarias in futurum usum servat, in communione primæva eas in scio ac invito auferre, immo vi eripere licet.

Quod si vero res usu non consumantur, cum interea temporis, quo qui eas servat iisdem non utitur, earum usum aliis concedere teneatur (§. 93. *part. 2. Jur. nat.*), multo minus dubitari potest, quin in casu propositionis præsentis eas in scio ac invito auferre, immo vi eripere liceat.

Non licet excipere, quod, si quis res, quas in usum futurum servat, consumptibiles alteri concedere debeat usus præsentis causa, fieri possit, ut ipsemet posthac usu rerum necessariarum penitus destituatur, adeoque in eandem necessitatem incidat, qua alter nunc premitur. Præterquam enim quod hoc non semper meruendum sit, multo minus semper certus sit metus, ac in communione primæva, in qua usus rerum per universum terrarum orbem patet singulis (§. 94. *part. 2. Jur. nat.*), futuræ necessitati facile prospici possit; hic probe considerandum est, quid juris unicuique tribuat natura in statu originario, non vero quid huic velisti utilius sit, aut magis commodum. In statu originario, in quo communio rerum primæva obtinet (§. 11. *part. 2. Jur. nat.*), homines omnes æquales sunt (§. 130. *part. 1. Jur. nat.*), adeoque tantundem juris

juris competit uni, quantum alteri (§. 78. *part. 1. Jur. nat.*), consequenter nemo alteri usum præsentem rei necessariæ auferre potest usus futuri causa. Sicuti commune est commodum, quando tanta rerum copia suppetit, ut sufficiat omnibus; ita quoque commune est periculum, quod ex illarum inopia venit, cui avertendo tempestive unusquisque pro virili operam dare tenetur. Et quamvis si par malum imminet, nobis potius, quam aliis consulere debeamus (§. 574.); id tamen locum non habet, nisi quando usus rei, quo ipse in præsentem carere deberes, concedendus foret alteri, ita ut v. gr. tibi sit esuriendum, si esurienti cibum, quem habes, dare deberes. Sane si quis ob usum futurum auferret alteri usum præsentem necessarium, ei alterum ab usu rei necessario arcere liceret, quod tamen minime licet (§. 20. *part. 2. Jur. nat.*).

§. 603.

Si quis penitus destituitur usu rerum necessariorum & iis re- De rebus u-
bus uti potest ad vitæ necessitatem, quibus alter non utitur nisi tilibus & vo-
ad utilitatem vel jucunditatem; eas alteri infcio ac invito auferre, impravius
immo vi eripere licet in communione primæva. Etenim si quis ob vitæ ne-
penitus destituitur usu rerum necessariorum & iis rebus uti cessitatem
potest ad vitæ necessitatem, quibus alter utitur non nisi ad alteri eripi-
utilitatem vel jucunditatem; huic uti non licet ad utilitatem endis in
vel jucunditatem, quibus ille indiget ad vitæ necessitatem communitio-
(§. 101. *part. 2. Jur. nat.*). Quamobrem ob vitæ commo- ne primæva.
ditatem vel jucunditatem nemo alterum privare potest usu
rerum, quibus ad vitæ necessitatem indiget. Necessitas igitur
eximit res ab altero apprehensas e numero rerum usus
necessarii causa apprehensarum. Quamobrem etsi alias rem
ab altero apprehensam eidem invito eripere minime liceat
(§. 36. *part. 2. Jur. nat.*); in præsentem tamen usus ejus adhuc
patet ei, qui alias usu rerum necessariorum penitus destitue-
retur, consequenter cum nemo ab eodem arceri possit (§. 20.

part. 2. Jur. nat.), rem istam alteri infcio ac invito auferre, im-
mo vi capere licet.

In communione primæva nemo majorem vitæ commodita-
tem aut jucunditatem præindere potest altero (§. 100. *par. 2. Jur. nat.*), adeoque commoditatem ac jucunditatem vitæ
suz non potest præferre necessitati vitæ alterius. Quando
itaque commoditas ac jucunditas vitæ tuæ colliditur cum ne-
cessitate alterius, quemadmodum res necessariæ præferendæ sunt
utilibus ac voluptuariis (§. 502. *part. 1. Jur. nat.*), ita etiam
necessitas vitæ alterius præfertur commoditati ac jucunditati
vitæ tuæ. Sane communio primæva, quæ omnibus idem jus
dat ad res omnes (§. 3. 9. *part. 2. Jur. nat.*), non finit res esse
in utilium vel voluptuariarum numero, quibus quis indiget ad
vitæ necessitatem. Qui adeo rebus indiget ad vitæ necessita-
tem, quibus alter non utitur nisi ad utilitatem vel jucundita-
tem, cum alias penitus destitueretur usu rerum necessario, eas
spectat tanquam res necessarias, quibus ille non indiget, &
quas adeo in sui præjudicium apprehendere minime potuit.

§. 604.

*Quale sit
jus necessi-
tatis ex
communio-
ne primæva
residuum.*

*Jus necessitatis ex communione primæva residuum jus perfe-
ctum est.* Etenim necessitas jus petendi convertit in jus co-
gendi (§. 599.), adeoque jus necessitatis ex communione
primæva residuum conjunctum est cum jure cogendi alte-
rum, qui obligationi suæ satisfacere non vult. At jus per-
fectum est, quod conjunctum cum jure cogendi alterum, si
obligationi suæ satisfacere noluerit (§. 235. *part. 1. Phil. pract. univ.*). Ergo jus necessitatis ex communione primæva resi-
duum jus perfectum est.

Ostenditur etiam hoc modo. In extrema necessitate
jus commune ad res reviviscit (§. 600.), adeoque jus neces-
sitatis ex communione primæva residuum idem est cum jure,
quod unusquisque habet in communione primæva. Enim-
vero

¶ Ius in res communes cuilibet competens in communione primæva jus perfectum est (§. 47. *part. 2. Jur. nat.*). Jus itaque necessitatis ex communione primæva residuum jus perfectum est.

A vero igitur aberrat *Puffendorfius* lib. 2. c. 6. §. 5. quando putat jus necessitatis ex communione primæva residuum ex imperfecta duntaxat obligatione oriri, quod ex virtute humanitatis fluat, ut quis teneatur alteri in extrema necessitate constituto rebus suis, quibus ipse pari modo non indiget, subvenire. Etenim extrema necessitas, quæ ablationem rei invito domino factam efficit licitam, tum demum adesse intelligitur, quando nemo adfuerit, qui petenti rebus suis subvenire voluerit, consequenter officio suo satisfacere. Ea autem quando adest, jus petendi in jus cogendi vertit (§. 599.) & juri necessitatis ex communione primæva residuo locum facit. Quamobrem opus non est, ut demum lege positiva obligatio imperfecta in perfectam & isti respondens jus in perfectum mutetur, quemadmodum visum est *Puffendorfo*. Verum enimvero quæ circa leges positivas hac in parte observari debeant, ea discutere non est hujus loci, ubi nonnisi ea demonstramus, quæ in statu naturali adventitio, postquam scilicet dominia, sed nondum imperia introducta supponuntur, obtineant.

§. 605.

Si res, quæ jure necessitatis ex communione primæva residuo De finito usus, usu non consumitur; finito usu restituenda, modo noveris, res, quæ usui cujusnam ea sit, vel non adit alia causa, quæ restitutionem im- non *consilio-* *possibilem efficit.* Quoniam enim jus necessitatis ex communione primæva residuum est jus commune ad res, quod in extrema necessitate reviviscit (§. 601.), non plus juris tibi in rem competit, quam in communione primæva competere poterat. Enimvero in communione primæva nemo utitur rebus tanquam suis, sed tanquam communibus (§. 37. *part.*

part. 2. Jur. nat.). Quamobrem in extrema quoque necessitate re non uteris nili tanquam tui ac domini communi. Enimvero cum in jure necessitatis usum licitum faciat necessitas (§. 564.), necessitate cessante jus quoque tuum expirat, consequenter res tui ac domini non amplius communis est, adeoque domini solius. Quodsi ergo res usu non fuit consumpta, finito usu rem alienam in potestate tua habes (§. 461. *part. 2. Jur. nat.*), & quinam sit ejus dominus tibi non ignotum *per hypoth.* Quamobrem cum is, qui rem alienam in potestate sua habet & novit, cujusnam ea sit, eam domino restituere debeat, sive hic norit, quod in ipsius potestate sit, sive ignoret (§. 467. *part. 2. Jur. nat.*); qui jure necessitatis ex communione primæva residuo usus rem domino infcio abstulit, vel invito vi eripuit (§. 595.), finito usu eandem domino restituere debet. *Quod erat primum.*

Enimvero si quis ignoret, quinam sit dominus, nec resciscere possit, quinam sit, etiamsi omni diligentia inquirat, quemadmodum debebat (§. 468. *part. 2. Jur. nat.*); restitutio rei efficitur impossibilis. Quamobrem cum nemo obligetur ad id, quod impossibile (§. 209. *part. 1. Phil. pract. univ.*); nec rem restituere obligatur, qui jure necessitatis eandem domino infcio abstulit, vel etiam invito eripuit, etiamsi ea usu non consumatur. *Quod erat secundum.*

Idem eodem modo patet, si restitutio usu finito quacunq; alia de causa efficitur impossibilis. *Quod erat tertium.*

Equidem propositionem præsentem jam supra intulimus per modum corollarii (§. 598.), quoniam nulla ratio est, cur res, quæ usu non consumitur, tua fieri debeat, utpote cujus nonnisi usum domino invito licitum facit necessitas; non tamen inconsultum duximus eandem hic uberius demonstrare, ut
tante

tanto clarius appareat restituendi obligatio. Dari autem casus, in quibus ignoratur, cujusnam ea res, qua usus fuisti, sit, vel alia etiam de causa restitutiq̃ efficitur impossibilis, ex subsequentibus patebit.

§. 606.

Si res, qua jure necessitatis ex communione primæva residuo De restitu-
usus es, usu fuerit consumpta, & necessitate cessante eam in gene-
re restituere possis, in genere restituenda est. Quoniam enim *qua usu con-*
sola necessitas juri necessitatis locum facit (§. 564.), id ul-
sumitur. terius extendendum non est, quam necessitas exigit. Quoniam itaque nemo tenetur alteri gratis dare vel facere, si is vicissim dare vel facere possit (§. 268. *part. 4. Jur. nat.*), consequenter nec dare rem, quæ usu consumitur, sine onere restitutionis in genere, si accipiens eandem in genere restituere possit (§. 486. *part. 4. Jur. nat.*); nec necessitas, quæ dat jus rem domino incio vel invito ablatam, vel vi ereptam (§. 595.) consumendi (§. 598.), id dare potest sine onere restitutionis in genere, si quidem consumiens cessante necessitate eandem in genere restituere possit. Quamobrem si res, qua jure necessitatis ex communione primæva residuo usus es, usu fuerit consumpta & necessitate cessante eam restituere in genere possis, in genere restituenda est.

Grotius l. 2. c. 2. §. 6. jus necessitatis ex communione primæva residuum deducit ex eo, quod mens eorum, qui primi dominia singularia introduxerunt, credenda sit talis fuisse, ut quam minimum a æquitate naturali recesserit. Unde porro infert §. 9, jus istud non esse plenum, sed restrictum cum onere restituendi, ubi necessitas cessaret, cum tale jus sufficiat ad servandam naturalem æquitatem contra rigorem dominii. Enimvêro introductione dominiorum nemini auferri potuit penitus usus rerum necessarius (§. 562.), adeoque non a voluntate eorum, qui primi dominia singularia introducebant, pendet.

(Wolffii Jur. Nat. Part VI.) Nnn de

debat, utrum ea introducere vellent cum tacita hac exceptione, ut in extrema necessitate reviviscat jus quoddam commune in res dominio subjectas (§. 600.), nec ne; sed nonnisi cum ista exceptione eadem introduci potuerunt. Jus igitur istud non voluntate humana, sed ipsa natura constitutum est, quemadmodum per demonstrationes nostras evidens est. Immo per demonstrationem quoque propositionis præsentis patet, ipsam naturæ legem non dare in extrema necessitate jus in res dominio subjectas nisi cum onere eas in genere restituendi, si necessitate cessante, postquam usu consumptæ sunt, in genere restitui possint. Sunt qui negant, eum, qui extrema necessitate adactus alteri rem suam eripuit, ad restitutionem esse obligatum, quia hoc fecit jure suo. Enimvero hi non perpendunt jus necessitatis ex communione primæva residuum in se tale esse, ut onus restituendi contineat, nec ab eo liberari nisi eum, cui restitutio cessante necessitate impossibilis. Jus nimirum hoc analogum est mutuo, a quo nonnisi in eo differt, quod a domini voluntate pendeat, utrum mutuo dare velit, nec ne (§. 539. *part. 4. Jur. nat.*), nec mutuatarius ad mutuo dandum eum cogere possit (§. 540. *part. 4. Jur. nat.*), ast in extrema necessitate concessio usus rei, quæ usu consumitur, sit necessaria, ita ut ad eam cogi possit dominus; si concedere nolit (§. 599.). Jus igitur, de quo loquimur, in eo casu, quo cessante necessitate restitutio fieri potest, mutuum necessarium est. In altero casu, quo restitutio impossibilis, idem jus analogum est eleemosynæ, a cujus datione nonnisi in eo differt, quod a domini voluntate pendeat, utrum eleemosynam dare velit, nec ne (§. 224. *part. 4. Jur. nat.*), nec is ad dandum cogi possit (§. 223. *part. 4. Jur. nat.*), præsentem autem casu ad dandum cogi queat (§. 599.), ut adeo jus necessitatis in præsentem casu sit eleemosynæ exactio necessaria. Nimirum in genere notandum est, jus necessitatis ex communione primæva residuum convertere contractus & actus mere beneficos, qui voluntarii sunt, in necessarios. Atque hoc est principium beneficium, quo si utamur, nihil occurreret in omni jure necessita-

cessitatis ex communione primæva residuo, quod non sit expediatum. Quodsi quis theoriam hujus juris omnibus numeris absolutam condere velit, in quam arenam nobis jam descendere minime licet, is de fecunditate istius principii non dubitabit. Neque vero existimandum est, inutilem fore illam theoriam: mirifice enim prodest cum ad condendas leges positivas, tum ad definiendum, quid liceat in bello, ne ab æquitate recedatur ultra quam par est.

§. 607.

Quoniam rem in genere restituere debes, necessitate cessante, si res, qua jure necessitatis ex communione primæva repretium rei, siduo usus es, usu fueris consumpta, & necessitate cessante eam consumpta in genere restituere possis (§. 606.), perinde vero est, siue præstandum rem in genere restituas, siue pretium ejus præstes; si cessante necessitate necessitate rem in genere restituere nequeas, pretium tamen ejus cessante præstare possis, ad hoc præstandum teneris, consequenter deficientibus etiam nummis rem aliam restituere licet, qua tantundem valet.

Nimirum tum actus, ad quem necessitas jus dat, non est mutuum necessarium, sed quod erat ab initio necessarium mutuum ex postfacto abit in emtionem necessariam (§. 937. part. 4. Jur. nat.), vel necessariam permutationem (§. 879. part. 4. Jur. nat.). Facile autem patet, si emptorem rei, quam pro re ex necessitate consumpta dare velis, invenire possis, vendendam potius esse eam, quam accipere nolenti obtrudendam (§. 200. part. 4. Jur. nat.).

§. 608.

Si quis penitus destituatur usu rerum necessariarum, nec qui Quando iis abundans pro æquo pretio eas ipsi dare velint; in statu naturali extrema ne easdem alteri, qui iisdem abundas, infcio ac invito auferre, vel cessitate res vi eripere ac pretium æquum solvere licet. Introductis enim do- pro æquo miniis homini competit jus res ab alio sibi comparandi (§. pretio ab in-

vito compa- 126. *part. 3. Jur. nat.*), qui ipse iisdem non indiget (§. 127.
viri possint. *part. 3. Jur. nat.*), cumque nemo alteri gratis dare teneatur
 quidpiam ei, qui vicissim quid dare potest (§. 268. *part. 4.*
Jur. nat.), pretio æquo oblato (§. 321. *part. 4. Jur. nat.*),
 consequenter res, quibus indiget ab alio emendi (§. 938.
part. 4. Jur. nat.). Quodsi vero quis penitus destituatur usu
 rerum necessariarum, ac qui iis abundant pro æquo pretio
 eas ipsi dare nolint; in statu naturali non aliud datur me-
 dium necessitati extremæ consulendi, quam si vel infcio ac
 invito res auferatur, vel vi eripiat & æquum pretium de-
 inceps solvatur. Quamobrem cum dominia introducta in-
 telligantur cum tacita hac restrictione, ut, si in casu emer-
 gente contingat alicui penitus auferri necessarium rerum usum,
 eidem jus aliquod competat in eas res, quæ sunt in domi-
 nio (§. 563.), necessitas vero irresistibilis licitum efficiat
 actum, qui alias foret illicitus, quando est medium unicum
 satisfaciendi obligationi indispensabili (§. 573.); quamvis
 alias illicitum sit alteri invito rem suam auferre (§. 497. *part.*
2. Jur. nat.), consequenter nec vi eripere permittitur, si quis
 tamen destituatur usu rerum necessariarum, nec qui iis abun-
 dant pro æquo pretio easdem dare ipsi velint, in statu natu-
 rali easdem alteri, qui iisdem abundat, infcio ac invito au-
 ferre, vel vi eripere ac pretium æquum solvere licet.

Nimirum quando æquum pretium pro re, qua indiges,
 solvere potes; extrema necessitas non ante adest, quam si ne-
 mo, qui rebus necessariis abundat, æquum pretium offerenti
 rem dare velit. Quamobrem si plures sint, qui abundant, ac
 unus dare renuat, adeundi quoque sunt ceteri, antequam dici
 possit, te in extrema necessitate constitui. Ferendum enim,
 si quis naturali libertate abusus officio suo satisfacere nolit,
 quamdiu jus perfectum tuum non violat (§. 156. *part. 1. Jur.*
nat.), quod tibi non competit, antequam extrema necessitas
 ad-

adfuert (§. 601. 604.). Ubi vero omnes, qui dare poterant, officio suo defuncti, necessitas demum locum facit juri tuo, quo uti potes adversus eum, a quo tutius rem consequi potes. Immo cum ad pretium solvendum obligeris, si rem inscio auferas, loco rei deponendum est pretium, modo sat tutum ibidem deponatur, vel metuendum non sit, ne auferatur ab alio, cui non debetur.

§. 609.

Quoniam si penitus destitueris usu rerum necessariarum, *Quando pro* nec qui iis abundant pro æquo pretio tibi eas dare voluerint, *re alia.* in statu naturali easdem alteri, qui iisdem abundat, inscio ac invito auferre vel vi eripere ac pretium solvere licet (§. 608.), perinde vero est si pretium æquum solvas, si rem aliam præstes, quæ tantundem valet; *deficientibus nummis pro re, quam vel inscio ac invito auferas, vel vi eripis in extrema necessitate tibi constituto dare nolenti, cum possis, rem aliam, qua tantundem valet, dare potes.*

Necessitas non facit locum juri majori adversus rigorem dominii, quam sufficit, ut eidem consulatur. Quodsi ergo pretium æquum dare possis pro re, quæ domino aufertur, vel vi eripitur, non licet eandem auferre aut eripere sine pretio, nec dare loco pretii rem aliam. Quodsi vero pretium dare non possis, dare tamen adhuc queas rem aliam; non licet eam eripere, vel auferre nihilo dato. Et si statim nec pretium, nec rem aliam dare commode possis, necessitate autem cessante rem in genere restituere, eam auferre, vel rapere non licet nisi cum onere restituendi, nec licet restituere speciem aliam, si in genere restituere potes, quod abstulisti, vel rapuisti. Hæc omnia manifesta sunt per ea, quæ in anterioribus demonstravimus, eaque æquitati maxime consentanea esse minime dubitabit, qui ad principia demonstrandi, quibus usi fuimus, animum attendit.

§. 610.

*Vis necessi-
tatis in jus
aquo pretio
rem sibi
comparandi
ab alio.*

Similiter quia æquum pretium solvere tenetur pro re, quam quis jure necessitatis alteri infcio ac invito aufert, vel vi eripit (§. 608.), aut rem aliam præstare, quæ tantundem valet (§. 609.); *necessitas extrema jus æquo pretio sibi ab alio comparandi*, quod introductis dominiis unicuique competit (§. 322. part. 3. *Jur. nat.*), *versis in jus cogendi, ut pro æquo pretio res detur, aut pro re, quæ tantundem valet*, consequenter obligationem mutuam dandi, quæ imperfecta est (§. 354. part. 3. *Jur. nat.*) perfectam, adeoque *§. jus æquo pretio rem ab alio sibi comparandi, quod imperfectum est* (§. 355. part. 3. *Jur. nat.*), perfectum efficit (§. 235. 236. part. 1. *Phil. pract. univ.*).

Extrema necessitas non ante adest, quam ubi nemo fuerit, qui officio suo facere vult satis. Quoniam vero obligatio perfecta ad officia humanitatis libertati naturali repugnat (§. 660. part. 1. *Jur. nat.*), ut tamen alter officio suo satisfaciat est medium unicum satisfaciendi obligationi tuæ indispensabili *ut hypoth.* aut tu omittere debes id, ad quod faciendum obligaris, aut committere aliquid, quod est contra libertatem, adeoque jus quoddam alterius, consequenter obligatio tua cum jure, aut rectius abusu juris alterius colliditur (§. 206. part. 1. *Phil. pract. univ.*). Quamobrem cum lex præceptiva collidatur cum permissiva (§. 164. 165. part. 1. *Phil. pract. univ.*), in hac collisione autem lex præceptiva vincit (§. 211. part. 1. *Phil. pract. univ.*); tibi utique permissum est cogere alterum ad officium humanitatis, adeoque necessitas juri cogendi ad id præstandum, quod alias tibi non competit, (§. 658. part. 1. *Jur. nat.*), locum facit. Ex hoc pacto jus rem æquo pretio, aut, deficientibus nummis, pro re alia sibi ab alio comparandi perfectum evadit. Quæ hic dicuntur, probe perpendi velim, ut origo juris necessitatis penitus perspicatur. Oritur nimirum per modum exceptionis ex collisione legum naturalium, ac inde necessitas vim acquirit jus imperfectum in perfectum mutandi. Simile quid observare datur in agentibus

ribus necessariis: quando enim unumquodque agit id, ad quod per essentiam & naturam suam aptum est, adeoque juxta præscriptam quasi sibi legem, in eorundem tamen concursu propter collisionem actionum natura per modum exceptionis producit effectum extraordinarium, necessitate locum malo physico faciente. Ast hæc uberius explicare non est hujus loci: sufficit excitasse attentionem illorum, qui veritatem intimius perspicere gestiunt.

§. 61 F.

Si in navigatione aut obsidione defecerint cibaria, quod quis- De cibariis que habet in commune conferre debet. Quando enim in navigatione aut obsidione deficiunt cibaria, cum sine iis corpus conservari nequeat (§. 380. part. 1. Jur. nat.), adeoque eadem in rerum necessariorum numero sint (§. 499. part. 1. Jur. deficientibus. nat.), nisi quod quisque habet in commune conferatur, quidam destituuntur penitus usu rerum necessariorum, quas aliunde sibi comparare minime possunt. Quoniam itaque extrema adest necessitas, in hoc autem jus commune ad res reviviscit (§. 600.); si in navigatione aut obsidione defecerint cibaria, quod quisque habet, id commune est, conferenter cum omnibus, ad ea simul sumta, quæ adsunt, idem jus sit (§. 2. part. 2. Jur. nat.), scilicet quoad usum eorundem (§. 21. part. 2. Jur. nat.), quod quisque habet id utique in commune conferre debet.

Postquam in genere demonstravimus, quale sit jus necessitatis ex communione primæva residuum; casus quosdam particulares expendere lubet, ut tanto facilius intelligatur, quomodo principia generalia ad casus particulares applicentur, utque tanto major lux iisdem affundatur. Facile autem patet, quod hic de cibariis in navigatione aut obsidione deficientibus ostenditur, idem etiam valere de cibariis deficientibus alio quocunque in loco, veluti in itinere per loca deserta, aut alia,

in

in quibus cibi copia haberi nequit, aut in annonæ caritate. Quæ vero in præfenti casu porro addenda erant de restitutione, necessitate cessante, ea ex antecedentibus haud difficulter petuntur, ut non opus sit, nos in hisce explicandis esse prolixiores.

§. 612.

*Quale tum
competat
jus.*

Quoniam deficientibus in navigatione, obsidione aut alio quocunque casu cibariis, quod quisque habet in commune conferre debet (§. 611.), jus vero necessitatis ex communione primæva residuum jus perfectum est (§. 604.), adeoque conjunctum cum jure cogendi alterum, ut faciat, quod debet (§. 235. part. 1. Phil. pract. univ.); si in navigatione, obsidione vel alio quocunque casu defecerint cibaria, quod quisque habet ut in commune conferat cogi potest.

Hoc probe notandum est, ut suo loco pateat, quid in istiusmodi casibus liceat in statu civili.

§. 613.

*De jure ne-
cessitatis ad
res, quæ in
navi sunt.*

Si in navigatione nemo, qui in navi est, cibariis deficientibus, habeat quod in commune conferre possit; res comestibiles, quæ in navi sunt, alio transportandas consumere, quantum ad famem duram depellendum sufficit: immo si navi ad littora appulsa deficiant nummi, ut æquo pretio cibaria comparari possint, res quasdam, quæ in navi sunt, etsi alio transportanda, vendi possunt. Etenim si in navigatione nemo, qui in navi est, cibariis deficientibus, habeat, quod in commune conferre possit; unicuique medium sui conservandi iis, qui in navi sunt, suppetit, ut rebus comestibilibus, quæ in navi sunt, alio transportandis famem duram depellant. Quoniam itaque extrema adest necessitas, & in hac jus commune ad res reviviscit (§. 600.); ad famem duram depellendam licebit consumere

res

res comestibiles, quæ in navi sunt, etiam si alio transportandas. *Quod erat unum.*

Quod si navi ad littora appulsæ deficiant nummi, sine iis tamen cibaria comparari non possint; medium ea comparandi, consequenter in itinere ulteriori se conservandi medium unicum est, ut vendantur quædam merces, quæ sunt in navi, alio transportandæ. Patet igitur ut ante, eas cibariorum comparandorum causa vendi posse. *Quod erat alterum.*

In casu adeo priori necessitas dat jus ad res alienas consumendas; in posteriori ad easdem vendendas.

§. 614.

Si quis ab invasore impetitur, nec via salutis ulla supersit, De equo a-
nisi ut fuga arripiatur, adit vero ad manum equus alienus; eo- lieno ad su-
dem in fuga inconsulto domino uti potest. Quod si peregrinus ver-
gam cape-
setur in regione ignota, nec dominus nascatur, & equus longius sendam ad-
fit abducendus, aut alia de causa quacunque restitutio redditur habito in ex-
impossibilis, equum restituere non tenetur. Si quis enim ab in-
trama ne-
vasore injusto impetitur, nec via salutis ulla supersit, nisi ut
cessitate,
fuga arripiatur, quam sine equo capessere nequit; medium
unicum periculum evadendi superest, ut equo, qui ad ma-
num est, alieno utatur. Extrema adeo adest necessitas: in
qua cum jus commune ad res reviviscat (§. 600.), equo a-
lieno, qui ad manum est, uti licet tanquam communi, con-
sequenter domino inconsulto (§. 37. part. 2. Jur. nat.). Quod
erat unum.

Enimvero si in extrema necessitate re aliena usus es, nec noveris, cujusnam ea sit, aut alia quacunque de causa restitutio reddatur impossibilis, eam restituere non teneris (§. 605.). Quamobrem si is, qui ad capeSSendam fugam
(Wolffii Jur. Nat. Pars VI.) Ooo equum

equum alienum adhibet, peregrinus versetur in regione ignota, nec noscatur dominus, aut alia quacunque de causa restitutio reddatur impossibilis, equum restituere non tenetur. *Quod erat alterum.*

Si noscatur dominus, nec equus longius sit abducendus; qui eodem ad capeffendam fugam usus non modo equum restituere (§. 605.), verum etiam, cum nemo alteri gratis dare debeat, si vicissim dare potest (§. 268. part. 3. *Jur. nat.*), mercedem pro usu equi æquam solvere tenetur, ut adeo necessitas ultra id non extendenda, quod sufficit (§. 279. *Ontol.*), locationem conductionem saltem efficiat necessariam (§. 1194. part. 4. *Jur. nat.*). Quoniam tamen jure suo usus, dum inconsulto domino equum quasi conduxit, non tenetur ad id, quod interest, equum non fuisse abductum. Quodsi noscatur dominus, equus vero longius abductus, ut sine magno vel nimio sumtu restitui minime possit; æstimatio ejus præstanda. Quamdiu nimirum æquitati naturali locus est, nulla necessitati in eam vis est.

§. 615.

De usu armorum alie- *Si adversus invasorem se defensus armis defensionis, ad-*
morum alie- *sint vero ad manum arma aliena; ea domino inconsulto seu non*
morum ad *rogato, immo contradicente arripere licet. Patet eodem, quo ante*
sui defen- *(§. 614.), modo. Immo interri id etiam potest ex eo, quod*
sionem. *supra demonstravimus (§. 595.).*

Tenendum nimirum, quando periculum nullam fert moram, ut usus armorum a domino præsentem peti possit, necessitatem quoque excludere jus petendi, quemadmodum idem valet, si armorum præsentium dominus non noscatur. In casu particulari ex circumstantiis præsentibus haud difficulter colligitur, quibus limitibus contineatur necessitas, nimirum omne id, quod per circumstantias præsentis fieri nequit, ei tribuendum.

§. 616.

§. 616.

Si ad restinguendum incendium rebus, vel instrumentis alienis fuerit opus, ut uti licet infcio, immo etiam contradicente domino, qua primum ad manus sunt. Patet eodem modo, quomodo ante (§. 614.) & ex eo quoque per modum corollarii subsumi potest, quod supra demonstratum (§. 595.).

De usu instrumentorum alienorum in incendio restinguendo.

Licet tum ædes alienas ingredi & ex iis petere instrumenta necessaria, vel etiam res, veluti equos, si ad aquas advehendum iis fuerit opus. Probe tamen hic præpendenda sunt, quæ modo de necessitatis requisitis annotavimus (not. §. 614.), ne quis usum rei alienæ sibi arroget præter necessitatem. Quemadmodum vero in præsentia jus necessitatis non consideramus, nisi quale obinet in statu naturali; ita hic omittimus, quomodo in statu civili lege positiva caveatur, ne necessitas habeatur pro extrema, quæ non est, nec jus necessitatis ultra suos limites extendatur, & ne eodem quis utatur in præjudicium domini. Incendium ædes vastat & res, quæ in iis sunt, concremantur. Incendium adeo restinguere idem est ac res suas defendere. Quale adeo jus necessitas dat ad defensionem rerum suarum in res alienas; idem etiam locum habet in incendio restinguendo.

§. 617.

In annona difficultate, qui frumento abundant, ad vendendum cogi possunt. Quoniam enim in annonæ difficultate frumentum difficulter haberi potest; plurimi destituuntur usu rei maxime necessariæ ad vitam conservandam, nec æquo pretio sibi eandem comparare possunt, consequenter si qui frumento abundant, id æquo pretio vendere nolint, suprema adest necessitas. Quoniam itaque medium unicum est sui conservandi, ne scilicet multis sit fame pereundum, ut, qui frumento abundant, id vendant, necessitas vero actum facit licitum, qui alias illicitus foret, si sit medium unicum

De venditione frumenti in annona difficultate.

Ooo 2

fatis

satisfaciendi obligationi sui (§. 573.), qualis est obligatio se conservandi (§. 349. *part. 1. Jur. nat.*); quamvis alias a domini voluntate unice pendeat, num dominium rei suæ in alium transferre (§. 12. *part. 3. Jur. nat.*), consequenter etiam eam vendere velit (§. 939. *part. 4. Jur. nat.*), in annonæ difficultate, qui frumento abundant, ad vendendum cogi possunt.

Necessitas non facit jus alteri rem suam vi eripiendo sine pretio, nisi quando in eadem constitutus pretium non habeat, quod solvere possit (§. 606.). Quando itaque necessitati aliorum subvenitur, modo frumentum vendatur; necessitas quoque nonnisi venditionem necessariam facit, ut, qui vendere debet, sed non vult, vendere cogatur.

§. 618.

*De pretio
frumenti
determinando in an-
nona incen-
dio.*

Qui annonam incendit, ad æquo pretio frumentum vendendum cogi potest. Qui enim annonam incendit, pretio iniquo frumentum vendere vult lucri sui causa, consequenter pretium majus, adeoque plus habere vult, quam habere debet (§. 321. *part. 4. Jur. nat.*). Quoniam itaque locupletior fieri vult cum damno aliorum (§. 486. 582. *part. 2. Jur. nat.*); nemo autem locupletior fieri debet cum damno alterius (§. 585. *part. 2. Jur. nat.*), & in annonæ difficultate qui frumento abundat ad vendendum cogi potest (§. 617.); qui annonam incendit, ad frumentum æquo pretio vendendum cogi potest.

Quomodo pretium æquum ab iniquo discernatur, per ea patet, quæ alibi demonstrata sunt (*not. §. 321 part 4 Jur. nat.*). Neque metuendum est, ne sic iniuria fiat venditori: quando enim frumenti minor copia est, consequenter in annonæ difficultate, pretium quoque majus licitum est, quam si annona fuerit laxior (§. 305. *part. 4. Jur. nat.*). Ablic itaque

ur

ut tibi persuadeas, in statu naturali hoc modo determinationem pretii conferri in arbitrium emptoris. Variatis circumstantiis pretium æquum esse potest, quod sub circumstantiis aliis erat iniquum (§. 325. *part. 4. Jur. nat.*). Naturaliter obligatur pretium æquum solvere, qui rem sibi ab alio comparare vult (§. 323. *part. 4. Jur. nat.*). Hanc autem obligationem non tollit necessitas, si quis pretium æquum solvere possit: neque enim necessitatis ulla vis est, nisi quando id, quod fieri debebat, fieri minime possit (§. 209. *part. 2. Phil. pract. univ.*).

§. 619.

Immo in genere necessitas extrema jus æquo pretio rem sibi De vine comparandi ab alio, quod in se imperfectum est, in perfectum concessit im vertit. Naturaliter homines obligantur ad res pro æquo jus æquo pretio sibi invicem communicandas (§. 322. *part. 4. Jur. nat.*), pretio sibi & qui rem sibi ab alio comparare vult, æquum pretium offerre tenetur (§. 323. *part. 4. Jur. nat.*). Jus igitur, quod comparandi homini competit, dominiis rerum introductis, res ab alio sibi comparandi (§. 126. *part. 3. Jur. nat.*), involvit onus solvendi pretium æquum. Enimvero quoniam a domini voluntate pender, utrum dominium rei suæ, quod in te transferendum, si rem ab eo tibi comparare velis (§. 125. *part. 3. Jur. nat.*), in te transferre velit, necne (§. 12. *part. 3. Jur. nat.*); ad transferendum a te cogi nequit, consequenter jus æquo pretio rem sibi comparandi ab alio non conjunctum habet sibi jus cogendi dominum. Imperfectum vero jus est, cum quo jus cogendi conjunctum non est, ubi alter obligationi, quæ eidem responder, satisfacere non vult (§. 237. *part. 1. Phil. pract. univ.*). Jus itaque æquo pretio rem sibi comparandi ab alio in se imperfectum est. *Quod erat unum.*

Si extrema necessitas adfuerit, aliud medium non suppetit eidem subveniendi, quam ut rem ab alio tibi æquo pretio

pretio compares, consequenter eundem, si nolit, ad transferendum in te dominium ejus cogas (§. 125. *part. 3. Jur. nat.*). Quoniam itaque necessitas irresistibilis actum licitum efficit, qui alias foret illicitus, quando est medium unicum satisfaciendi obligationi indispensabili, id quod in extrema necessitate obtinet (§. 573.); in extrema necessitate ad dominium rei suæ in te transferendum alterum cogere potes, rem æquo pretio tibi ab eodem comparaturus, si consentire nolit. Enimvero jus perfectum est, quod conjungitur cum jure cogendi alterum, si obligationi suæ satisfacere nolit (§. 235. *part. 1. Phil. pract. univ.*). Ergo jus æquo pretio rem sibi comparandi ab alio, quod in se imperfectum est (*per demonstrat. n. 1.*), necessitas extrema in perfectum convertit. *Quod erat alterum.*

Propositionem hanc jam aliter ostendimus in superioribus (§. 610.). Placuit tamen hic eandem adhuc aliter demonstrare methodi addiscendæ causâ, præsertim cum hoc usui esse possit etiam in jure civili, seu positivo, leges particulares ad universales revocando, ut menti legislatoris conformiter casus etiam alii definiantur sub lege non comprehensi: id quod mirifice conducit ad interpretationem extensivam (§. 516.) & scientiam juris civilis amplificandam. Sane non inutilem operam sumeret, si quis jus civile Romanum ad principia maxime generalia revocaret: ast methodi demonstrandi apprimè peritus esse debet, qui opus tam arduum ac difficile aggredi voluerit: neque enim existimandum est, hoc levi brachio agi posse. Mirum videri poterat post tot commentatores in Pandectas & compendiorum confarcinatores neminem adhuc de re tam utili cogitasse: ast mirari desinet, qui intellexerit, inanem operam sumi, nisi quis in arte demonstrandi fuerit artifex ac in philosophia satis versatus.

§. 620.

Si vim injustam depellere possis, res aggressoris perdendo; De rebus perdere licet. In aggressorem tantundem licet, quantum læ-
 aggr^{ss}oris sioni arcendæ sufficit (§. 980. *part. 1. Jur. nat.*) &c, si leniora *perdendis*.
 media defensionis sufficiunt, non utendum durioribus (§. 982.
part. 1. Jur. nat.), consequenter ea, quibus malum minus in-
 fertur aggressori, præferenda sunt iis, quibus malum majus
 infertur (§. 981. *part. 1. Jur. nat.*). Quodsi ergo vim inju-
 stam depellere possis, rem aggressoris perdendo, &c, si pe-
 riculum vitæ vel mutilationis membrorum aliter evitari non
 possit, quam illum interficiendo, eum interficere liceat
 (§. 1013. *part. 1. Jur. nat.*), per se autem evidens sit, minus
 malum inferri aggressori, si res ejus perdantur, quam si in-
 terficiatur; quin res ejus perdere liceat, si vim injustam de-
 pellere possis, res ipsius perdendo dubitandum non est.

Ita e. gr. Si gladium e manu aggressoris extorquere, & vel
 frangere, vel in flumen projicere possis; hoc facere utique li-
 cet: immo debes (§. 992. *part. 1. Jur. nat.*), ipsa etiam pru-
 dentia jubente (§. 258. *part. 1. Jur. nat.*), ut medium tutius in
 depellenda vi injusta præferatur medio minus tuto, seu cum
 majore periculo conjuncto (§. 257. *part. 1. Jur. nat.*). Idem
 intelligitur de armis quibuscunque aliis. Similiter si fuga sibi
 consulere possis, rebus aggressoris ignes injiciendo; injicere
 licet. Immo eodem fine interficere licet equum aggressoris, im-
 mo etiam alium quemcunque, si hoc modo impedire possis,
 ne satis celeriter te fugientem persequatur. Non addimus
 casus alios, quos sub propositione præsentis tanquam particula-
 res comprehendendi facile apparet.

§. 621.

*Si commune periculum aliter depelli non possit, quam rem Dere aliena
 alienam perdendo; eam perdere licet, damnum vero commune es- incommuni
 se debes.* Quodsi enim periculum commune est, id tam re-
 pericula
 bus *perdenda*.

bus tuis, quam alienis imminet, quod per se patet. Ego pariter ac tu obligamur ad damnum, quod rebus nostris imminet, quantum in nobis est, avertendum (§. 493. 495. *part. 2. Jur. nat.*). Enimvero cum periculum commune aliter depelli, adeoque nec damnum a rebus averti aliter possit, quam rem alienam perdendo, scilicet ut ego perdam tuam, aut tu meam. *per hypoth.*, necessitas vero faciat actum licitum, qui alias illicitus foret, quando est medium unicum satisfaciendi obligationi suæ (§. 573.); si commune periculum aliter depelli non possit, quam rem alienam perdendo, eam utique perdere licet. *Quod erat unum.*

Quoniam vero utrique nostrum jus æquale est ad commune periculum depellendum, *per demonstrata*, & ego non minus obligatus sum damnum a rebus tuis avertere, quam tu a meis, quantum in potestate est (§. 495. *part. 2. Jur. nat.*), nulla sane ratio est, cur unus solus damnum ferre debeat, cuius rebus perditis res alterius servantur, quin potius commune esse debet damnum, si commune periculum depellitur res alterius perdendo, quod aliter res unius servari minime poterant. *Quod erat alterum.*

Communis periculi depulsio finis est, ad quem consequendum uterque nostrum obligatur tam ratione sui, quam ratione alterius, quantum in potestate utriusque est (§. 493. 495. *part. 2. Jur. nat.*). Quamobrem cum aliter periculum depelli non possit, nisi res alterius perdendo; necessitas quasi societatem inducit, ut damnum & lucrum sit commune (§. 1318. *part. 4. Jur. nat.*). Et quamvis alias societas mutuo consensu perficiatur (§. 1320. *part. 4. Jur. nat.*); in præsentī tamen casu jus necessitatis contractum societatis facit necessarium, perinde ac quando casu quidam incidunt in communionem (§. 564. *part. 5. Jur. nat.*). Casus adeo propositionis præsentis non inepte

inepte reduci potest ad societatem, aut, si mavis, quasi societatem.

§. 622.

Quoniam damnum commune est, si commune periculum Quomodo
perdendo rem alienam depellitur (§. 621), singuli damnum *damnum*
pro rata participant (§. 135. part. 3. Jur. nat.), quæ cum ali- *commune di-*
ter æstimari non possit, quam ex pretio rerum, quas unus- *videndum.*
quisque habuit, in ratione pretii rerum, quas unusquisque habu-
it, *damnum commune dividendum.*

E. gr. Ponamus res tuas, quæ perdendo res alterius servatæ sunt, valere 10000, alterius vero res, quæ perditæ sunt 5000, pretia rerum erunt ut 1 ad 2, adeoque damnum commune 5000 dividendum in ratione subdupla per regulam societatis (§. 314. Arithm.). Damnum igitur tuum erit $3333\frac{1}{3}$, alterius $1666\frac{2}{3}$, adeoque tu alteri restituere teneris $3333\frac{1}{3}$, ut adeo quod perdendo res alienas tibi servatum sit $6666\frac{2}{3}$. Quod si non res omnes alterius perditæ sint, sed saltem pars earundem, veluti quarta, ut damnum commune sit 2500; idem ut ante dividetur in ratione 1 ad 2, & invenietur damnum tuum $1666\frac{2}{3}$, alterius vero $833\frac{1}{3}$, ut adeo quod tibi servatum sit $8333\frac{1}{3}$ & alteri resarciens damnum dare tenearis $1666\frac{2}{3}$, atque hoc pacto alteri supersint $4166\frac{2}{3}$. Immo si utriusque res quædam fuerint perditæ, ut servatæ fuerint reliquæ, damnum commune, quod conflatur ex pretio rerum utriusque perditarum, adhuc dividendum est in ratione pretii rerum, quas uterque habuit, veluti si in exemplo dato res perditæ unius, qui 5000 habuit, sint ut 2000, alterius vero, qui 10000 habuit, ut 600, erit damnum commune 2600, consequenter quod illi ferendum, erit $866\frac{2}{3}$, quod autem ferendum huic, $1733\frac{1}{3}$ adeoque illi hic restituere debet $1133\frac{1}{3}$. Etenim ob jacturam rerum suarum illi restituere deberet $1333\frac{1}{3}$, sed ille huic eadem de causa 200; facta igitur compensatione, hoc est, 200 ex $1333\frac{1}{3}$ subductis restat quod

(Wolffii Jur. Nat. Pars VI.) Ppp resti-

restituendum 1133 $\frac{1}{3}$. Atque adeo patet, quomodo computetur damnum refarciendum ei, cujus res perdendo alterius servatz fuerunt, vel si inæquali jactura res utriusque fuerunt servatz. Quamvis enim plures, quam duo, ad damnum commune concurrant; hoc tamen minime obstat, quin per communem regulam societatis definatur, quid unusquisque contribuere debeat: regula enim illa docet, quomodo quantitas data, quale est hic commune damnum, sit dividendum in ratione data, seu, ut JCti loquuntur, pro rata.

§. 623.

*De electione
facienda, si
perdendo res
quasdam
servanda
alia.*

Quoniam damnum commune est, quando in communi periculo res aliter servari nequit quam rem alterius perdendo (§. 621), quilibet autem cum a se, tum ab alio damnum avertere debet, quantum in se est (493. 495. part. 2. Jur. nat.): in periculo communi non licet perdere rem pretiosorem, ut servetur minus pretiosa, si pretiosior servari possit perdendo rem minoris pretii; consequenter si quis perdidit res alterius pretiosiores, ut servaret suas minus pretiosas, cum suas perdendo has servare posset, cum huic damnum dederit culpa sua (§. 488. part. 2. Jur. nat. & §. 696. part. 1. Phil. pract. univ.) huic damnum refarcire tenetur; consequenter ut constet quid sit refarciendum, fingendum est, quod si res minoris pretii perditæ fuerint, servatis pretiosioribus, & ex illarum pretio æstimandum est damnum commune pro rata, seu in ratione pretii rerum utriusque dividendum (§. 622).

E. gr. Ponamus perditas esse res, quarum pretium est 10000, ut salvæ essent res, quarum pretium est 5000, cum his perditis illæ servari potuissent, & culpa quidem ejus, cujus sunt res vilioris pretii. Quod si res vilioris pretii perditæ fuissent, damnum ejus, cujus sunt pretiosiores, foret 3333 $\frac{1}{3}$ (not. §. 622), consequenter eidem restarent 6666 $\frac{2}{3}$, qui igitur eas perdidit 6666 $\frac{2}{3}$ huic restituere tenetur, adeoque non mo-

modo jacturam facit rerum suarum omnium, verum etiam præterea adhuc solvere tenetur 1666 $\frac{2}{3}$, cum alias damnum ipsius non fuisset nisi 1666 $\frac{2}{3}$, consequenter retinuisse 3333 $\frac{1}{3}$ (not. §. 622). Nimirum damnum 3333 $\frac{1}{3}$ casui imputandum; damnum vero 6666 $\frac{2}{3}$ ei, qui culpa sua id dedit.

§. 624.

Cum in eo casu, quo in communi periculo perdendo res *De tertio pretiosiores servatæ sunt res minoris pretii, cum has perden-* *cumme* do illæ servari potuissent, damnum casuale distinguendum sit *periculum* ab eo, quod dolo vel culpa datum (§. 623), damnum vero *ab aliis de-* culpa datum refarciendum sit ab eo, qui dedit (§. 580. *part. pellente.* 2. *Jur. nat.*); *si tertius quidam in periculo communi, qui ad id depellendum obligatur, vel sua sponte id avertere conatur, res pretiosiores perdit, ut salva sint viliores, cum viliores perdendo pretiosiores servare potuisset, damnum culpa datum ipse refarcire tenetur.*

Qui rem alienam servat perdendo rem alienam, is proprio motu sine mandato domini vel dominorum, negotium alienum gerit, adeoque negotiorum gestor est (§. 513. *part. 5. Jur. nat.*). Quamobrem cum negotiorum gestor damnum dolo vel culpa sua datum domino refarcire teneatur (§. 516 *part. 5. Jur. nat.*); mirum videri minime debet, quod damnum refarcire teneatur, quod non casui, sed culpæ debetur, qui res pretiosiores perdidit, ut salvæ essent viliores, cum has perdendo illas servare potuisset. Aliter sese res habet, si mora non ferat electionem, vel adsint aliæ circumstantiæ, quæ eam reddunt impossibilem, aut nimis difficilem; cum damnum totum tunc casui sit imputandum.

§. 625.

Si evitari naufragium aliter nequit nisi merces quasdam ex De jacture navi in mare jaciendo; eas jacere licet, & damnum commune est rum evi- *omnium, qui merces in navi habent, ac ejus, cujus navis est, di-* *tandi nan-*

Ppp 2

viden-fragii causa

videndum in ratione pretii rerum, quas unusquisque habuit, ac ipsas navis. In naufragio enim cum ipsa navi res omnes, quæ in navi sunt, interire possunt, adeoque periculum, quod imminet, commune est omnium eorum, qui merces in navi habent, ac ipsius domini navis. Quodsi ergo naufragium aliter evitari nequit, quam merces quasdam ex navi in mare jaciendo, merces reliquæ cum ipsa navi servari aliter nequeunt, nisi res alienæ perdantur, adeoque commune periculum depelli aliter non potest, nisi perdendo res alienas. Quoniam itaque rem alienam perdere licet, si periculum aliter averti nequit, quam eam perdendo, tumque damnum commune est ejus, cujus res perditæ, ac alterius, cujus servata (§. 621); si evitari naufragium aliter non potest, nisi res quasdam ex navi in mare jaciendo, eas jacere licet, & damnum commune est omnium, qui merces in navi habent, ac domini navis. *Quod erat primum & secundum.*

Enimvero si communis periculi evitandi causa res aliena perditur, damnum commune dividendum in ratione pretii rerum, quas unusquisque habet, scilicet amissarum & servatarum (§. 622). Quamobrem cum jactu mercium naufragii evitandi causa factum commune periculum eorum, qui merces in navi habent, ac domini navis depellatur; damnum commune in casu quoque propositionis præsentis dividendum est in ratione pretii rerum, quas unusquisque habuit, ac ipsius navis. *Quod erat tertium.*

Naturalem hanc æquitatem observarunt Rhodii in legibus navalibus, per universum tractum maris mediterranei propter æquitatem tanquam jus gentium cultis. Legem adeo Rhodiorum eadem de causa etiam receperunt Romani. I. Rhod. de jactu. Leges Rhodias navales a *Peckio* collectas recenset *Müllerus* ad *Stravii* Syntagma Jurisprudentiæ Exercit. 20. §. 16. not. β. Interest non minus domini navis, ut navis serveretur, quam eorum,

rum, qui merces in navi habent, ne merces omnes intereant, sed, cum servari omnes non possint, saltem serventur, quot servari possunt. Quamobrem cum jactu mercium servetur etiam navis, alias interitura; damnum ut dominus navis quoque pro rata sentiat æquitati maxime consentaneum. Nulla enim ratio est, cur quis pari debeat res suas perdi navis conservandæ causa in communi periculo, ut damnum sit solum ipsius. Jactu mercium levatur navis: metuendum autem est naufragium, si saxo vel fundo allidatur navis, vel procella tam vehementer eam jactet, ut adversus fluctuum insultus exsurgere nequeat, nisi jactu levetur. Atque hinc pater jactus necessitas, tanquam unicum medium servandi navim cum iis, quæ in eadem sunt, siquidem non prorsus impossibile ut servetur. Ideo l. 2. de L. R. de jactu jactura facta dicitur necessario tempestate orta.

§. 626.

Quoniam eventus rerum nemo hominum certo prævi- *Quando ne-*
dere (§. 1191 *part. 1. Jur. nat.*), nec casum minime præsum cessitas ja-
vitare potest (§. 460. *part. 2. Theol. nat.*) consequenter orta *ctus adesse*
procella gravi non semper certo constar, utrum sine jactu *putetur*
navis cum iis, quæ in ea sunt, salva esse possit, nec ne; id-
eo jactu navem levare licet, si probabile fuerit, sine eo navem
& merces, quæ in ea sunt, nullas servari posse, vel, naufragi-
um evitari minime posse, consequenter si experientia constet in
istiusmodi casu, qualis nunc emergit, naufragium contingere sole-
re (§. 248. *part. 2. Jur. nat.*), & propterea determinatio jactus
illorum arbitrio relinquenda, qui majorem experientiam istiusmo-
di rerum habent.

Recte igitur jam ab aliis observatum est, jactum non esse
restringendum ad extremam & gravissimam necessitatem. Suf-
ficit nimirum adesse rationes probabiles, ob quas naufragium
metuendum, nisi navis jactu levetur. In rebus humanis e-
nim standum est plerumque probabilitate ac propterea eligen-

dum, quod tutius, ut damnum minus majori etsi non prorsus certo præferatur.

§. 627.

Quinam ad resarciendum damnum contribuent.

Quoniam damnum commune est domini navis & eorum qui merces in navi habent (§. 625.), ei vero resarciendum, cujus res ejectæ, utpote qui alias damnum solus pateretur, non vero pro rata; *ad resarciendum damnum contribuere debent dominus navis & ii, quorum merces servata sunt, & tantum quidem unusquisque contribuere debet, quanta est rata damni.*

E. gr. Si quis tertiam damni partem præstare debeat, ac pretium rerum amissarum sit 300; is 100 contribuere tenetur.

§. 628.

Quantum

Similiter quia commune damnum dividendum est in ad computationem pretii navis & rerum, quas unusquisque in navi habuit (§. 625.); ut computatio fieri possit, seu determinari, quantum contributionis unusquisque contribuere debeat ad damnum resarciendum ei, cujus requirantur res amissæ, æstimari debent merces tam amissæ, quam servatæ, atque navis cum instrumentorum apparatus.

Hisce cognitis quomodo per regulam societatis fiat computatio, supra docuimus (not. §. 622.), ut adeo non opus sit exemplo eam hic denuo illustrari.

§. 629.

Nautum quid sit.

Nautum dicitur merces, quæ solvitur pro vectura in navi, nimirum ut merces in locum destinatum devehantur. Quod si ergo merces in locum destinatum salvæ non perveniant, nec nautum pro iis debetur, veluti si in naufragio res fuerint amissæ, vel navis cum mercibus a piratis capta, aut alio casu infelici interierit.

Casui tribuendum, quod res fuerint amissæ: eidem quoque

que tribuendum, quod naulum amittatur. Damnum utrumque casuale est (§. 491. *part. 2. Jur. nat.*). Casum cum nemo prævidere ac evitare possit (§. 460. *part. 2. Theol. nat.*), damnum casuale patienter ferendum ei, qui damnum in re vel lucro suo contraxit (§. 593. *part. 1. Jur. nat.*). Non licet excipere, quoniam merces pro rata debetur operarum locatori, qui partem aliquam operarum præstitit, casu autem impeditur, quominus integras præstare possit (§. 1262. *part. 4. Jur. nat.*), naulum quoque pro rata deberi pro vectura usque ad eum locum, ad quem navis cum mercibus in mari salva pervenit. Dispar enim utrobique ratio est. Etenim in casu priori ex parte operarum præstatarum conductor eam capit utilitatem, quæ ex illa operarum parte habetur; ast in posteriori nulla est ejus, cujus sunt merces, utilitas ex vectura, nisi merces salvæ devehantur in locum destinatum: in negotio igitur præsentis cum casus removeri nequeat, utpote nulla arte humana prævidendus atque evitandus (§. 460. *part. 2. Theol. nat.*); uterque contrahentium aleam subire tenetur, (§. 291. *part. 5. Jur. nat.*) nisi iisdem aliud placuerit. Quemadmodum enim ita conveniri potest, ut unus sociorum sit particeps lucri, sed non particeps fiat damni (§. 1328. *part. 4. Jur. nat.*); ita quoque conveniri potest, ut, si merces casu interire contingat, naulum debeatur pro ea itineris parte, qua salvæ vectæ fuerunt. Alias casus saltem liberat a damno, quod in mercibus contingit, refarciendo.

§. 630.

Quoniam naulum non debetur, si in naufragio res fuerint amissæ (§. 629.), consequenter si jactu periculum naufragii depellitur; non minus naulum, quam merces, quæ in navi sunt, una cum navi conservatur, adeoque eadem est ratio, cur naulum in contributionem venire debeat, quam cur in eandem veniat navis (§. 625. 627.). Quiaobrem si jactu mercium evitanda naufragii causa navis levata fuit, ad refarci-

*An naulum
in contribu-
tionem ve-
niat.*

sarciendum damnum ejus, cujus merces jacta sunt, pro rata quoque naulum in contributionem venire debet.

Naturalis hæc æquitas etiam comparet in lege Rhodia de jactu, quippe qua cautum est, ut, si levandæ navis gratia jactus mercium factus est, omnium contributione sarciantur, quod pro omnibus datum est. Per ea autem, quæ de naulo demonstravimus, abunde patet, non minus pro eodem datum esse, quod e navi ejectum, quam pro mercibus in navi retentis & pro ipsa navi. Unde & *Wernerus* in dissert. de contribut. propter jactum th. 65. casum proponens vecturam quoque perinde ac navim æstimat, ut computatio fieri possit, quantum unicuique sit contribuendum.

§. 631.

De naulo, Quia mercibus deperditis naulum non debetur (§. 629.); deperditis si datum fuerit, restituendum est, adeoque ab eo, qui dedit, repeti mercibus re- potest.stituendo.

Quando naulum pro vectura solvitur, antequam advectæ fuerint merces, utique sub hac conditione solutum, ut restituatur, si advectæ non fuerint, sicuti conductor mercedem ante operarum præstationem solvens eandem non aliter solvisse intelligitur nisi sub tacita hac conditione, ut, si forsan contingat locatorem operas promissas præstare non posse, eandem restituatur.

§. 632.

De quantitate nauti in betur (§. 629.), immo datum restituendum est (§. 631.) idem contributio- vero in contributionem venit, si jactus mercium evitandi nem veni- naufragii causa factus (§. 630.); mixtæ navis pro toto naulo, ensis. seu pretio vectura tam promisso, quam jam accepto (§. 629.), conferre debet.

Non est, quod excipias, naulum ei, cujus merces amissæ sunt, esse restituendum, etiamsi jam datum fuerit (§. 631.): quoniam

niam enim contributione refarcitur; quod amissum est, ita ut nonnisi damni partem pro ratâ ferre teneatur, qui merces amisit (§. 630.), consequenter perinde sit ac si res ejus servatæ fuissent & damnum tantummodo casu quodam in iisdem contigisset, ideo pro eo, quod servatum est, adhuc naulum debet, perinde ac ceteri, quorum merces salvæ sunt. Quemadmodum itaque damnum contigisse sumitur in omnibus mercibus pro rata, ita quoque in naulo.

§. 633.

Cum magister navis pro toto naulo conferre debeat, si *Quomodo in jactus mercium naufragii evitandi gratia factus (§. 632.); 10. contributio- tum naulum, seu totum vecturæ pretium, in computanda contribu- sione accensetur mercibus, quæ sunt in navi.*

Nimirum perinde est, ac si magister navis merces haberet in navi, quæ tantundem valent, quantum est naulum, quod pro vectura mercium solvitur.

§. 634.

Res tam amissa, quam servata eo pretio æstimandæ sunt, quo De æstima- vendi potuissent ac vendi possunt loco destinato. Quoniam enim *sione rerum.* jactu quarundam mercium servantur reliquæ; is, cujus merces ejectæ sunt, non deterioris esse debet conditionis, quam ceteri, quorum res servatæ sunt, cum damnum omnium, qui merces in navi habent, commune esse debeat (§. 625.). Sed merces, quæ servatæ sunt, loco destinato venduntur non eo pretio, quo emtæ sunt, sed quo ibidem vendi possunt. Necessè igitur est, nisi damnum majus sentire debeat, qui jactu suarum mercium servavit merces ceterorum, ut ejus quoque merces æstimentur non eo pretio, quo fuerunt emtæ, sed quo vendi possunt loco destinato. Patet itaque tam res amissas, quam servatas eo pretio æstimandas esse, quo vendi potuissent vel vendi possunt loco destinato.

(Wolffii Jur. Nat. Pars VI.)

Qq9

Equi.

Equidem secundum legem Rhodiam res amissæ æstimandæ sunt, quanti fuerint emtæ, servatæ vero, quanti peritorum virorum arbitrio loco destinato vendi possunt l. 2. §. 4. de L. R. de jactu; est hoc æquitati minime convenit, quicquid alias de æquitate legis Rhodiæ dicatur. Ratio enim, quæ redditur l. e. quod detrimenti, non lucri fiat præstatio ei, cuius merces sunt amissæ, ceteris tantum revera lucrum ex alterius ejectione percipientibus, quanti res loco destinato venduntur, nulla omnino est, cum hoc pacto in damno communi dividendo non observetur æqualitas, quæ parem facit communionem omnium, qui merces in navi habent. Omnium eadem est obligatio patiendi, ut perdendo res suas serventur ceteræ, ac inde resultat æquale jus ad res suas servandum perdendo alienas. Æqualitas igitur, quæ aderat, cum periculum commune esset avertendum, ut tollatur postea, ubi aversum fuit unius damno & hoc refarciendum, nulla prorsus ratio suadet, eadem manente obligatione ferendi partem damni, sine qua periculum averti non poterat, & eodem subsistente jure percipiendi utilitatem ex periculo averso, cui res omnes æqualiter subiacebant. Æquitas propositionis præsentis statim per se in oculis incurrit, ut propterea communi omnium consuetudine hodie a distinctione, quam facit lex Rhodia quoad æstimationem inter res amissas & servatas, recedatur. Et quamvis *Wetzius* in *Tractatu von Avarien* hoc usu observari scribat, ut, si jactura mercium facta sit, antequam dimidium itineris navis confecerit, merces amissæ non pluris æstimentur, quam quanti emtæ sunt, dimidio vero itineris jam superato eo æstimentur pretio, quo venditæ fuissent loco destinato, & idem monibus Belgarum, Britannorum & Francorum dudum observatum notetur a *Milero* ad *Struvium* Exerc. 20. th. 19. n. β. hæc ipsa tamen differentia æstimandi res amissas prorsus arbitraria est, omni ratione naturali destituta, quippe quæ per antecedentia eadem est, five jactura fiat, antequam navis dimidium itineris nondum confecerit, five demum fiat, dimidio itineris jam superato. Quod damnum commune esse debeat, a quantitate itineris confecti mini-

minime pendet, sed quod commune periculum sine damno averti nequeat. Eadem igitur ratio, cur damnum pro rata commune esse debeat, subsistit, quacunque itineris parte periculum ingruat nonnisi jactu quarundam mercium avertendum, ad quod adeo avertendum unusquisque conferre debet pro ratione utilitatis, quam ex ejus averfione percipit. Jus de jactu pertinet ad jus ex communione primæva residuum, quæ nullam admittit inæqualitatem (§. 19. 27. *part. 2. Jur. nat.*).

§. 635.

In contributionem propter jactum veniunt etiam res, quæ navi non multum onerant, veluti gemmæ ac nummi. Quoniam res in communi jactu mercium servantur ceteræ, quæ in navi inaneant; tributionem pretium ejectarum spectatur tanquam datum pro mercibus veniant, omnibus, quæ in navi sunt, servandis. Quamobrem cum non minus res, quæ navim non multum onerant, quam ponderosæ servatæ fuerint; pretium istud non minus datum intelligitur pro mercibus servandis, quæ navim non multum onerant, quam pro ponderosioribus. Enimvero omnes contribuere debent, pro quibus illud datum est. In contributionem igitur veniunt propter jactum etiam res, quæ navim non multum onerant, veluti gemmæ ac nummi.

Convenit hoc legi Rhodiæ, quæ expresse cavetur, ut omnium contributione sarciantur, quod pro omnibus datum est l. 1. de L. R. de jactu: unde *Paulus* l. 2. §. 2. h. t. recte infert, jacturam præstare etiam debere, qui tales merces imposuere, quibus navis non oneratur, velut gemmas, margaritas, quia id tributum ob servatas res debetur. Equidem res pretiosæ, quæ navem parum onerant, quales sunt gemmæ ac margaritæ, nihil ad periculum conferunt, cujus avertendi gratia jactus mercium fit, consequenter nec is, qui tales merces navi imposuit, ad periculum avertendum quicquam conferre debere videtur; hoc tamen dubium facile removetur, modo cogitemus casum, qui contingit, non tribuendum esse mercibus

ponderosioribus, quibus onusta est navis, sed procellis, quæ jactant navem, aut causis aliis, ob quas navis saxo vel fundo alliditur, ut adeo periculum non magis imputandum sit iis, qui navi merces ponderosas imposuere, quam illis, qui minus ponderosas in eo habent, hoc est, nulli eorum, cujus in navi merces sunt. Omnium vero interest, ut periculum, quod navi ac mercibus in ea contentis, imminet, avertatur, & quo quis pretiosiores merces in navi habet, eo magis ejus interest, ne naufragium fiat. Necessitas jus facit in res alienas, ut eas perdendo serventur propriæ. Eodem igitur medio perinde utuntur ad res minus ponderosas, etsi ponderosis multo pretiosiores, servandum, qui tales merces in navi habent, quam qui ponderosas eidem imposuere ad has servandum. Obligatio contribuendi non nascitur ex qualitate mercium, sed ideo ad contribuendum unusquisque obligatus est, quod jactu rerum alienarum suæ fuerunt servatæ. Et ea de causa plus omnino conferre debet, qui majorem ex jactu utilitatem percepit, quam qui minorem. Qui merces suas navi imponunt, eidem casui easdem committere tenentur, qui in mari contingere possent, qualescunque tandem illæ fuerint. Atque ideo tacite consentire censentur in commune periculum, quod forsan imminere in itinere potest, communi sumtu avertendum, consequenter in contributionem pro rata ad damnum jactu mercium quarundam datum refarciendum.

*An servi
in contribu-
tionem ve-
niant.*

§. 636.

In contributionem ob jactum veniunt servi: servi autem, qui in mari periit, non sit estimatio. Patebit suo loco, servos certo pretio perinde ac merces vendi posse, consequenter si servi ob jactum servantur, perinde est domino, ac si merces, quas in navi habuisset, servatæ fuissent. Quoniam itaque merces omnes, quæ servatæ fuerunt, in contributionem veniunt (§. 627.), in eandem quoque venire debent servi. *Quod erat unum.*

Enim-

Enimvero si servus in mari perit, cum is non fuerit ejectus levanda navis gratia, consequenter ut servantur res ceteræ, quæ sunt in navi, damnum, quod sentit dominus, qui eam certo pretio emit ac vendere rursus poterat, non pertinet ad damnum commune, quod mercium servandarum causa subeundum fuit. Quoniam itaque cessat ratio, ob quam damnum datum per jactum refarciendum, quando de eo, quod eo fine contribuendum, disquiritur; servi, qui in mari periit, nulla habenda ratio est, adeoque nec ejus fit æstimatio. *Quod erat alterum.*

Servus adeo, qui in mari perit, suo domino perit, ita ut ipse solus damnum pati teneatur, nec quicquam ceteri ad id refarciendum conferre debeant. Per se autem patet, mercium conservandarum gratia servos e navi in mare ejici non posse, cum neminem occidere liceat (§ 743. *part. 1. Jur. nat.*). Quodsi ergo servus in mari perit, hoc absque facto eorum, qui in navi sunt, ac præter eorundem intentionem accidit, ut adeo perinde sit, ac si quis æger in navi moreretur, & ejus cadaver in mare projiceretur. Quemadmodum vero merces æstimantur eo pretio, quo vendi possunt loco destinato (§. 634.); ita quoque servi eodem pretio æstimari debent, minime vero, quanti fuerint emti. Quamvis enim dominus eos non vendat; sufficit tamen, quod eos vendere possit, quemadmodum quoque merces æstimantur eo pretio, quo vendi possunt, si vel maxime dominus eas vendere nolit, sed proprio usui reservat. Sufficit merces esse servatas, quæ destinato loco tanto pretio vendi possunt.

§. 637.

Vectōr dicitur, qui in aliena navi pretio vehitur. Hoc *Vectōr* quinomine quoque compellatur, qui in equo, vel plauistro alieno vehitur pretio. *nam dicitur.*

Vehere proprie dicitur de navi, equo vel aliis jumentis &
C99 3 curru

curru, seu plaustro. Vectores autem non modo active sumitur de eo qui vehit; sed etiam passive de eo, qui vehitur: unde Ovidio vectores dicitur nomine generali, qui speciali eques appellatur.

§. 638.

An vectores in causa vis levanda gratia jactus fieri debet, vectores non minus in causa sint, ut nascuntur, quam merces navi imposita. vis levatur.

Nimirum navis levanda ideo, quia pondere eorum, quæ in navi sunt, nimis gravatur. In levanda igitur navi cum spectetur solum pondus, perinde est ac si vectorum loco in navi essent merces tanti ponderis, quantum est pondus vectorum. E. gr. Ponamus vectorum pondus esse sexcentarum librarum; eodem modo gravatur navis, ac si merces totidem librarum eidem impositæ fuissent. Immo quidni etiam contingere potest, ut loco mercium imponantur vectores, quæ alias impositæ fuissent.

§. 639.

De vectorum pondere ac merces ac propterea pretium pro vectura solvunt (§. 637.); æstimando. pondus eorum aliquid æstimabile est, & valor æquipollet pretio mercium, quæ in illorum locum substitui potuissent habita ratione saltem ponderis.

Homo liber cum non sit in commercio, quemadmodum servus, seu certo pretio sicuti hic vendi nequeat; ejus quoque æstimatio nulla est. Non tamen hinc sequitur, pondus ejus non esse aliquid æstimabile, ubi ob pondus res æstimantur, consequenter homines & res ponderosæ sibi invicem substitui possunt. Neque hoc a communibus abhorret notionibus, quippe cum non modo propter spatium, quod in navi occupant vectores, verum etiam propter pondus, quo eadem oneratur, pretium pro vectura solvant. Non est quod excipias, vectores solve-

solvere pretium pro deportatione sui in locum destinatum, adeoque mercedem pro præstita opera, consequenter pondus ipsorum spectari minime posse tanquam aliquid æstimabile, quando æstimandæ sunt res navi impostæ communi quadam de causa, veluti ob jactum mercium factum. Id enim saltem obtinet, quoties navis mercibus non oneratur, sed vectores saltem recipit, qui adeo mercium loco tum esse nequeunt. Quod æstimationem attinet, cum hominis liberi in se spectati nulla sit æstimatio, atque adeo nonnisi pondus ejus, quo gravatur navis, æstimari possit; ut æstimatio fieri possit, cum iis rebus comparandus, in quibus taxandis nauli definiendi gratia ponderis saltem habetur ratio, nulla vero attenditur pretiositas. E. gr. Ponamus navim oneratam esse nonnisi frumento. Æquitati minime repugnat, ut pondus hominis 130 librarum æstimetur, quanti valet frumentum totidem librarum, propterea quod tantam frumenti copiam navi immittere potuisset magister, nisi homini in eadem locum concessisset. Quamvis autem rigor juris naturalis nimiam in æstimando hoc pondere subtilitatem requirere videatur; ad eam tamen recurrere in praxi non est opus, cum consilio peritorum ac expertorum facile definiatur pretium, quod lege positiva efficitur constans. Immo cum in hac æstimatione nonnisi ponderis habenda ratio est, si ab homine, qui in navi est, ratione ponderis sui quid contribuendum, quid ratione ponderis contribuendum sit, computandum, siquidem omnes, qui merces in navi habent, ratione ponderis contribuere deberent, & id a summa contributionis subducendum, ut constet, quid contribuendum sit a ceteris, qui merces in navi habent, pro ratione pretii earundem, quemadmodum supra ostendimus. Hoc maxime naturale est & cum exemplo convenit, quod paulo ante dedimus, ac locum habere debere nemo non videt, si merces omnes ejusdem sint pretii. Cessat nimirum ratio in homine æstimando, quæ obstat, quo minus in computando eo, quod contribuendum, saltem attendatur pondus, sed cur potius respici debeat pretium mercium. In ratione ponderis contributio fieri nequit

quit, nisi quando merces omnes ejusdem sunt pretii, quod tunc attendendum minime venit, cum pretium tum sit ut pondus. Quamobrem cum hominis nullum statui possit pretium, nisi qua servi; quoad hominem liberum non aliter fieri potest computatio, quam si nec in mercibus attendendum foret pretium, sed solum pondus. Hoc pacto omnia expedita sunt, nec ulla accusanda est scrupulositas, nisi quis Arithmeticae fuerit imperitus, ut nec in ratione pretiorum computationem facere possit.

§. 640.

*An homines
liberi in
contributio-
nem veniant
propter ja-
ctum.*

*Naturaliter non repugnat, ut propter jactum in contributio-
nem etiam veniant homines liberi, seu vectores.* Etenim si na-
vis levandæ gratia jactus fieri debet, vectores non minus in
causa sunt, quam merces navi impositæ (§. 638.), & per se
patet, jactu non minus periculum a vectoribus depelli, quam
ab iis, qui merces in navi habent, consequenter damnum,
quod jactu datur, commune est vectorum atque eorum, qui
merces in navi habent, cum nemo gratis facere teneatur
ei, qui vicissim quid dare potest (§. 268. part. 4. J. r. nat.),
adeoque nec gratis depellere ab altero periculum, hoc est
perdendo rem suam servare alterum, si is damnum sui ser-
vandi causa datum refarcire possit. Quamobrem cum da-
mnum jactu datum dividendum sit inter eos, a quibus peri-
culum aversum, in ratione pretii rerum, quas unusquisque
habuit in navi (§. 625.), vectorum autem pondus sit aliquid
æstimabile ejusdemque valor æquipolleat pretio mercium,
quæ in illorum locum habita ratione ponderis substitui po-
tuisent (§. 639.); naturaliter non repugnat, ut etiam ve-
ctores pro ratione ponderis sui ad damnum jactu datum re-
farcendum quid conferant, consequenter & propter jactum
in contributionem veniant.

Ostenditur etiam hoc modo. Quoniam vectores pon-
dere

dere suo navem onerant, perinde est in præsentī casu, in quo navis levanda, ac si merces tanti ponderis in navi haberent. Enimvero si merces in navi haberent, eadem in contributionem venirent propter jactum (§. 627.). Ergo etiam vectores ratione ponderis sui, quod æstimari perinde ac merces potest (§. 639.), in contributionem venire debent.

Nemo non agnosceret, æquitati naturali minime adversari hanc contributionem, cum in rata vectorum computanda tantummodo spectetur pondus, quo navis levanda oneratur. Neque ullum est dubium, quin eandem agnovissent omnes, nisi dubium movisset, quod homines liberi æstimari non possint, quemadmodum servi. Quoniam vero ostendimus pondus hominis liberi in præsentī casu esse aliquid æstimabile, ut quoad pondus mercibus, quæ in navi sunt, comparari ac inde rata contributionis computari possit (§. 639.); dubium hoc nos minime moratur. Juris adeo mere positivi est, quod liber homo ab onere contribuendi excipiat. Sed quæ hic adstruimus tantummodo valent de vectoribus, non vero de hominibus, qui navigandi causa in navi sunt. Horum enim nonnisi opera utuntur ceteri, adeoque damnum casuale, quod sine culpa ipsorum contingit, ad eos non pertinet.

§. 641.

Quoniam vectores naturaliter in contributionem veniunt (§. 640.), pro locis autem, quæ conduxerunt, locarium solvunt, quemadmodum qui merces in navi habent naulum (§. 629.), & naulum totum in contributionem venit (§. 632.); *naturaliter quoque locarium, quod vectores solvunt pro locis conductis, in contributionem venit.* *De locario vectorum.*

Quodsi ad naulum etiam referas locarium, quod vectores solvunt, ut hoc cum ipso in contributionem veniat, ab hac autem excipiantur vectores; magister navis plus oneratur, quam æquum est, cum perinde sit vectorum, quæ antea ostendimus, (Wolffii Jur. Nat. Pars VI.) Rrr ac

ac si pro toto naulo contribuere deberet, etsi ab onere contribuendi certæ quædam merces exciperentur. Quamobrem si ab eodem excipiantur vectores, locarium quoque, quod pro locis in navi conductis solvunt, excipiendum.

§. 642.

*An vestes in
contributionem veni-
ant.*

Quoniam vestes, quas vectores corpori suo applicuerunt, & alia, quæ ordinario cultui atque amictui corporis serviunt, ad vectores pertinent, nec ab iis tanquam res diversæ considerantur in casu præsentis, ubi nonnisi ponderis habetur ratio, cum homines nudi non incedant, vectores autem in contributionem pro ratione ponderis sui veniunt naturaliter (§. 640.); ideo *vestes, quas vectores corpori suo applicuerunt & alia, quæ ordinario cultui atque amictui corporis serviunt, propter jactum ratione pretii in contributionem minime veniant*, quemadmodum res servatæ aliæ (§. 625.).

Ex principiis naturalibus facile patet, cur vestes & alia, quæ ordinario cultui atque amictui serviunt, in contributionem ob jactum minime veniant pretio suo seorsim taxatæ. Qui vero nolunt hominem liberum in contributionem venire, quod ejus nulla sit æstimatio; illi non eadem facilitate vestes quoque, quas corpori applicuerunt, & alia, quæ ordinario cultui & amictui serviunt, ab onere contribuendi excipiunt, cum res hæc utique æstimabiles sint, licet homines ipsi non sint æstimabiles, ac propter jactum etiam servatæ.

§. 643.

*De rebus
præsertim
preciosis ve-
storum.*

Annuli, quos vectores in digitis gerunt, & res præsertim pretiosa aliæ, quas penes se habent, et jactum in contributionem veniunt. Res enim istæ, quocumque tandem nomine veniant, & cuicumque usui inserviant, minime referri possunt ad ipsam personam, quemadmodum vestimenta corpori applicata, quibus nemo carere potest, ut sub pondere eorum una compre-

prehendantur; sed potius rebus annumerandæ, quas quis in navi habet. Quamobrem cum in contributionem propter jactum veniant etiam res, quæ navim non multum onerant, veluti geminæ ac nummi (§. 635.); quin etiam annuli, quos vectores in digitis gerunt, & res pretiosæ aliæ, quas penes se habent, ob jactum in contributionem venire debeant, dubitandum non est.

Non est, quod excipias, si naturaliter vectores ipsi in contributionem veniant (§. 640.), non opus esse, ut annuli & res præsertim pretiosæ aliæ, quas secum habent, a persona ipsorum distinguantur. Etenim modus contribuendi quoad personam differt a modo contribuendi quoad res. Personæ enim contribuunt pro ratione ponderis (§. 639.); res autem in contributionem veniunt in ratione pretii (§. 625.). Magna adeo differentia inter utrumque contribuendi modum intercedit, si ve pretium ponderis personarum æstimare velis ut rerum, pro quarum pondere solvitur nauticum locario pro loco conducto præstando æquale (§. 639.), si ve pondus referas ad pondus omnium rerum simul sumtarum, quæ sunt in navi (*not. cit.*).

§. 644.

Locarium, quod solvitur ministris navium, & modicum illud, De locaria in quo sibi rem gerere ipsis conceditur in contributionem non venit. ministri-
Ministri enim navium sunt locatores operarum & damnum, *rum navis*
quod propter jactum datur, casuale est, quod per se patet. *& eo, in quo*
Quamobrem cum locator operarum non teneatur de casu, *rem sibi ger*
quem nulla ipsius culpa antecedit (§. 1277. *part. 4. Jur. nat.*). *runt.*
nec ministri navium tenentur ob jactum mercium, confe-
quenter nil conferre debent ad refarciendum damnum eo-
dem datum, adeoque locarium, quod iisdem solvitur, in
contributionem non venit. *Quod erat unum.*

Quoniam modicum illud, in quo sibi rem gerere mini-

stis navium conceditur, pro parte locarii habetur, locarium vero in contributionem minime venit, *per demonstrata*; nec modicum illud, in quo sibi rem gerere conceditur ministris navium, in contributionem venit. *Quod erat alterum.*

Locarium, quod ministris navium solvitur, vocatur *Bootsmanns-Hüte*; modicum vero, in quo rem sibi gerere ipsis conceditur, *des Volcks Führung* appellari solet. Præstant ministri operas suas, sive jactus fieri debeat, sive eodem non sit opus, nec ipsis imputari potest periculum, cujus evitandi gratia jactus fieri necesse est; iniquum adeo foret eos sine omni culpa sua defraudari parte mercedis meritæ.

§. 645.

An cibaria consumendi in contributionem ob jactum minime veniunt. In itinere enim maritimo necesse est ut cibaria, quibus quotidie indigent, qui in navi sunt, sint in navi, & quædam contingit in navigatione deficere cibaria, quod quisque habet in communione conferre debet (§. 611.). Atque adeo non modo omnium eorum, qui in navi sunt, verum etiam illorum, qui merces in navi habent, interest, ut sufficiens cibariorum copia in navi sit. Cibaria igitur, quæ consumendi in itinere causa navi imponuntur, minime referri debent inter ea, quæ ad locum quendam destinatum vehenda sunt, consequenter nec accenterari possunt iis rebus, quæ ut servantur, aliæ e navi ejiciuntur. Jactus adeo cum non fiat pro cibariis conservandis, etsi cibaria conservanda sint propter homines, qui in navi sunt; nec propter cibaria, quæ quis in itinere consumendi causa navi imposuit, ad refarciendum damnum, quod jactu datur, quicquam conferre tenetur, adeoque cibaria ista propter jactum in contributionem minime veniunt.

Cibaria, quæ in itinere consumendi causa navi imponuntur,

tur, distinguenda sunt a rebus comestibilibus, quæ ad destinatum locum deportanda, ut ibidem instar mercium aliarum vendantur: has enim mercibus ceteris accensendas esse per se patet, cibaria vero, quæ in itinere consumuntur, non sunt res lucrativæ, quæ de loco in locum vehuntur, & necessitas imperat, ut navi imponantur, nisi omnibus, qui in navi sunt, sis pereundum, consequenter si navis ad locum destinatum deduci debet.

§. 646.

Si jactus fieri debet, prius ejiciendæ res majoris ponderis & De electione minoris pretii, n. si periculum in mora sit, ut illa ejicienda sint, rerum ejici- quæ proxime ad manum sunt: qui vero præter necessitatem res mi- endarum, noris ponderis & majoris pretii ejicit, cum posset ponderosiores ac viliores ejicere, partem damni, quam dedit, refarcire tenetur. Etenim jactus fit navis allevandæ causa. Quamobrem cum res ponderosiores ejiciendo navis magis allevetur, quam si leviores ejiciantur, consequenter minorem quantitatem mercium perdi necesse sit, ponderosioribus ejectis; utique prius ejiciendæ res majoris ponderis. Quoniam tamen jactus mercium fit naufragii evitandi, adeoque communis periculi declinandi causa, in periculo autem communi non licet perdere rem pretiosiorē ut servetur minus pretiosa, si pretiosior servari possit perdendo rem minoris pretii (§. 623.); non sufficit, ut tantummodo ratio habeatur ponderis, verum etiam pretium attendendum. Atque adeo patet, si jactus fieri debet, prius ejiciendas esse res majoris ponderis & minoris pretii. *Quod erat primum.*

Enimvero si periculum sit in mora, medium unicum allevandæ navis, adeoque evitandi naufragii est jactus mercium, quæ proxime ad manus sunt, quod per se patet. Quare cum navis allevanda sit, ut cum ipsa servantur merces,

quot servari possunt, ac homines, qui sunt in navi (§ 493. 495. *part. 2.* & §. 350. 641. *part. 1. Jur. nat.*), & necessitas irresistibilis licitum efficiat actum, qui alias foret illicitus *per demonstrata n. 1.* quando est medium unicum satisfaciendi obligationi indispensabili (§. 573.); si periculum in mora sit, merces ejicere licet, quæ proxime ad manum sunt. *Quod erat secundum.*

Denique si quis præter necessitatem res minoris ponderis ac pretii majoris ejicit, cum ejicere posset ponderosiores ac viliores, is res pretiosiores perdit servandarum minus pretiosarum causa. Sed qui hoc facit, damnum rescire tenetur (§. 624.). Quamobrem qui præter necessitatem res minoris ponderis ac pretii majoris ejicit, cum ejicere posset res majoris ponderis & pretii minoris, is eam damni partem, quam dedit, rescire tenetur. *Quod erat tertium.*

Periculum commune sine damno averti minime potest: sed propter obligationem damni cum a se, tum ab aliis avertendi (§. 493. 495. *part. 2. Jur. nat.*), non licet majore damno depellere periculum, quod minori cum damno evitari poterat. Qui adeo majus damnum causatur, quam necessarium fuerat, is tenetur ad damnum rescarciendum, in quantum majus dedit, quam necesse fuerat. Damnum nimirum, quod tunc datur, duplex est, alterum casuale, alterum culposum: casuale æstimatur ex pretio rerum ponderosiorum ac viliorum, quæ ejici potuissent ac debuissent; culposum vero ex excessu pretii rerum ejectarum supra pretium illarum, quæ ejici debuissent.

§. 647.

De rebus Si cista jacta fuerit, in qua mercator ait contentas fuisse res pretiosas an-pretiosas, quas tamen ante jactum non indicavit; contenta in eate jactum dem ad communia bona referuntur. Quoniam enim pro diversitate mercium diversum solvitur naulum, a contractibus vero fraus

tis.

ro fraus omnis procul abesse debeat (§. 149. *part. 5. Jur. nat.*); qui merces navi imponit, indicare debet, quales sint, cumque pro vero habendum, quod indicavit (§. 427. *part. 3. Jur. nat.*), contenta in cista in eorum bonorum numerum referenda, qualia esse dixit mercator, cum eam locaret. Quodsi ergo in cista contenta fuerint res pretiosæ, quas ante jactum non indicavit; contenta omnia ad communia bona, qualia scilicet esse dixit, cum contraheret, referenda.

Sibi imputare debet damnum, quod incurrit injusta æstimatione cistæ ejectæ, qui defraudandi animo noluit indicare res pretiosas in eadem contentas, scilicet ut nautum ac vestigal minus solveret. Sane si cista ejus ejecta non fuisset; nonnisi pro pretio rerum communium contribuisset, fraudem sibi minime nocuam non confessurus. Contentus igitur etiam esse debet, quod pro pretio bonorum communium ipsi refarciatur damnum, si cista jacta fuerit. Non est, quod excipias, si probare possit post jactum, quales res pretiosæ in cista fuerint contentæ, æquum omnino esse ut in æstimanda cista earundem habeatur ratio. Quoniam enim prius ejiciebat sunt res minime pretiosæ (§. 646.); ante jactum constare debet, quales res in cista contineantur, atque adeo mature, non demum post jactum indicandæ. Qui res pretiosas retinet, is eas pro talibus haberi vult, quales indicavit, aut quales vi contractus videri voluit.

§. 648.

Ab æstimatione rerum ejectarum detrahenda sunt impensæ, De eo, quod velut vectura, gabella &c. antequam contributio computari possit, ab æstimatione. Etenim res æstinari debent eo pretio, quo venduntur loco *one rerum* destinato (§. 634.). Pretium vero hoc continet etiam im-*detrahenda* pensas, quas si facere non debuisset mercator, minoris ven-*dum,* dere potuisset. Quoniam itaque contributio non fit pro eo, quod impensum est, sed pro eo, quod servatum; ab æstima-
tione

tione rerum detrahendæ sunt impensæ, antequam contributio computari possit.

Nimirum mercatori servatur fors, quæ consistit in pretio, quod pro mercibus emtis solutum, & præterea lucrum, quod percipit, dum destinato loco venduntur, non autem intelligitur nisi deductis impensis. Obiter notamus, gabellarum nomine venire certam tributi & exactionis speciem. Ita in Gallia hoc nomine appellatur vectigal, quod pro vino & sale solvitur.

§. 649.

De vestimentis cistæ inclusæ vel quæ pro sarcina sunt, in contributionem veniunt. Etenim vestimenta cistæ inclusæ, vel quæ pro sarcina sunt, non referuntur ad personam, veluti ea, quæ corpori applicata aut amictui ordinario inserviunt, sed rebus accensentur, quibus oneratur navis. Quamobrem cum res omnes, quæ in navi sunt, quocunque tandem nomine veniant, in contributionem veniant (§. 625.); in eam etiam venire debent vestimenta cistæ inclusæ, vel quæ pro sarcina sunt.

Pro vectura vestimentorum cistæ inclusorum, vel eorum, quæ pro sarcina sunt, perinde merces solvitur, ac pro rebus aliis, quibus navis oneratur, adeoque tum non spectantur tantquam vestimenta, sed tantquam res, quæ navi impositiæ sunt. Quamobrem quoad contributionem inter istiusmodi vestimenta & res quascunque alias navi impositas nulla est differentia. Attendendum vero est pretium, quo vendi possunt, non quo comparatæ fuerunt, cum spectandum sit in contributione, quod unicuique jactu servatum fuit.

§. 650.

Si plurimum mercis fuerint jacta, quod a reliquis, quorum res mercis jacta servata sunt, contribuitur, inter ipsos dividendum est in ratione meriti.

mercium amissarum. Quod enim ii contribuunt, quorum res per jactum salvæ sunt, id debetur illis, quorum merces amissæ, ut damnum commune non patiantur nisi pro rata (§. 625). consequenter spectari potest tanquam lucrum commune, quod adeo singuli pro rata participant (§. 135. *part.* 3. *Jur. nat.*). Inter ipsos itaque in ratione rerum amissarum dividendum.

Per regulam adeo societatis (§. 314. *Aritbm.*) computatur, quid de eo, quod a reliquis confertur, unusquisque eorum accipere debeat, cujus res jactæ fuerunt. E. gr. Si quod a reliquis confertur sit 48, merces autem amissæ a duobus æstimantur ut 5 ad 3; 48 dividere tenemur in ratione 5 ad 3, adeoque priori ex contributione debentur 30, alteri 18.

§. 651.

Si propter jactum res quedam deteriorantur; damnum dete De rebus *deteriorationis commune est omnium, qui res in navi habent & ejus, propter jactum ejus est navis.* Etenim quando res alicujus, quæ in navi remanserunt, deteriores fiunt, cum jactus de nave fit, veluti *oratis*, quod propter jacta nudata sunt; damnum ideo subsequitur, quia depellendi communis periculi causa jactus fieri debuit, consequenter perinde est ac si aliqua pars mercium, quæ pretio deteriorationis æstimantur, jactata, altera vero, quæ æstimantur pretio rerum præsentis, servata fuisset. Quoniam itaque damnum jactu datum commune est eorum omnium, qui res in navi habent, & ejus, cujus est navis (§. 625.); damnum quoque deteriorationis commune esse debet omnium, qui res in navi habent, & ejus, cujus est navis, si quis propter jactum res deteriores habere cœperit.

Sane unum idemque est, siue pars rerum, quas quis in navi habet, propter jactum amittatur, siue propter eandem res quædam ipsius deteriores: utrumque enim damnum jactu datur, (Wolffii *Jur. Nat. Pars VI.*)

§§

adeo

adeoque eo fine subeundum, cujus gratia fit jactus, nimirum ut commune periculum avertatur. Quemadmodum iraque ei subvenitur, qui res suas perdidit; ita quoque subveniendum ei, qui propter jactum res deteriores habere cepit. Æquitatem hanc agnoscit *Callistratus* l. 4. de L. R. de jactu §. 2. in fine. Eodem igitur modo contribuendum ob rerum propter jactum deteriorationem, quam ob earundem amissionem.

§. 652.

De computanda contributione rebus non nullis per jactum deterioratis. Quoniam si propter jactum res quadam deterioratae, damnum deteriorationis commune est omnium, qui res in navi habent & ejus, cujus est navis (§. 651.), perinde ac si res quaedam e navi jactae fuissent (§. 625.); in computando eo, quod ab unoquoque contribuendum, pretium deteriorationis accensetur pretio rerum amissarum, & summa aestimatur damnum communc.

Non igitur opus est subtiliori distinctione, quid plus sit, in damno, an in collatione, quam adhibendam esse *Papirius* respondit *Fronto*, probante *Callistrato* l. c. quemadmodum illa distinctione non habemus opus, si pars major rerum, quas quis in navi habuit, de ea jacta fuerit, minor autem in navi remanserit,

§. 653.

De aestimatione rerum deterioratarum in computanda contributione. Cum rebus quibusdam propter jactum deterioratis in computando eo, quod ab unoquoque contribuendum, pretium deteriorationis accensetur pretio rerum amissarum, & summa aestimetur damnum commune (§. 652.), ut vero determinari possit, quantum unusquisque contribuere debeat propter jactum, aestimari debeant tam res amissae, quam servatae (§. 628.); si propter jactum res quadam deterioratae, eadem in computando eo, quod ab unoquoque contribuendum, aestimantur eodem pretio, quo integra.

Si

Si cujus merces fuerint 100, & jactæ fuerint 130; in computatione contributionis jactæ & servatæ simul æstimantur 100; ut adeo pro 100 contribuat ad damnum commune resarciendum, qui 30 perdidit. Quodsi ergo merces integræ fuerint 100 & pretium deteriorationis pretio rerum jactarum accensendum sit 30, ut constet de damno communi dividundo (§. 652.); is, cujus res deterioratæ sunt, itidem conferre debet pro 100, cum in computatione nulla attendatur differentia inter res amissas & servatas quoad pretium earundem (§. 634.). Nihil in hisce difficultatis est, modo Arithmeticæ vulgaris non sis ignarus, ut constet, quomodo damnum commune inter socios pro rata sit dividendum per regulam vulgarem societatis. Neque hac ratione metuendum est, ut duplici damno oneretur is, cujus res deterioratæ sunt, nimirum & damno collationis, & quod res deteriores factæ sunt; sicuti nec duplici damno oneratur ille, cujus quædam merces de nave jactæ sunt, quædam in ea remanserunt, propterea quod in computando eo, quod ipsi contribuendum, totum rerum pretium tam amissarum, quam servatarum sumitur.

§. 654.

Si res jactæ recuperatæ, nec deteriores factæ fuerint, contributio cessat: si quædam saltem recuperatæ fuerint, collatio deminuitur pro pretio rerum præsentium, si quidem deteriores factæ. Quorum jactantiam res jactæ manent dominorum suorum (§. 427. part. 2. Jur. nat.); si recuperatæ fuerint, nec deteriores factæ, perinde est ac si jactæ non fuissent, consequenter cum earum jacturam non fecerit dominus (§. 487. part. 2. Jur. nat.), damnum cessat (§. 486. part. 2. Jur. nat.). Quamobrem cum ad damnum jactu datum resarciendum fiat contributio (§. 627.); si res jactæ recuperatæ, nec deterioratæ fuerint, contributio cessat. Quod erat primum.

Quodsi res omnes non fuerint recuperatæ, sed saltem nonnullæ; perinde est, ac si res pauciores jactæ fuissent,

consequenter cum damnum in rebus amissis consistat (§. 486. 487. *part. 2. Jur. nat.*), damnum commune inter omnes, quorum interest jactum factum fuisse, dividendum (§. 625.), minus evadit. Quoniam itaque ad damnum refarciendum fit contributio (§. 627.); si rerum jactarum quædam recuperentur, contributio deminuitur. *Quod erat secundum.*

Quodsi res, quæ recuperantur, fuerint deteriores factæ, damnum deteriorationis adhuc commune est (§. 651.). Quamobrem ut constet, quantum sit hoc damnum, res recuperatæ æstimandæ sunt, quanti nunc vendi possunt loco destinato (§. 634.), adeoque damnum jactu datum deminuitur pro pretio rerum recuperatarum præsentis, si deteriores factæ, consequenter cum parti damni unicuique ferendi respondeat, quod unusquisque conferre debet, etiam collatio pro pretio rerum recuperatarum præsentis deminuitur, si deteriores factæ. *Quod erat tertium.*

Damnum propter jactum æstimatur pretio rerum amissarum, quod per se patet. Quodsi ergo res omnes, quæ jactæ fuerant, recuperentur, nec deteriores factæ sunt, cum idem adhuc sit earum pretium, quod ante jactum fuerat, damnum nullum est. Quodsi deteriores factæ, cum præsens pretium minus sit, quam quod fuerat antea, damnum in decremento pretii consistit, quasi res tanti pretii jactæ fuissent. Unde porro intelligitur, quantum deminuat damnum, si res quædam recuperatæ vel deteriores factæ fuerint, vel non. Contributio vero consistit in pretii parte, quam unusquisque conferre debet, ut damnum ei refarciatur, cujus res de navi sunt jactæ.

§. 653.

Si contributio jam facta.

Quoniam contributio cessat, si res jactæ integræ recuperentur, aut exonerantur, si saltem nonnullæ, vel deteriores factæ recuperentur (§. 654.); contributio non fit, nisi sub tacita

tacita hac conditione, ut rebus recuperatis restituatur quod collatum fuit, vel quod plus collatum. Quamobrem si contributione jam facta res jacta recuperata, nec deteriores facta fuerint, quod collatum est totum restituendum: si quædam recuperata fuerint, vel, qua recuperantur, deteriores facta, quod plus datum restituendum.

Nimirum quod recuperatur, spectatur tanquam lucrum commune, & eadem ratione dividitur inter omnes, qui contulerunt, quo ante divisum fuerat damnum commune. Aut, quod perinde est, damnum deminuitur eo, quod recuperatum est, & damnum minus ut ante dividitur inter eos, qui contulerunt, ut ex collatione ejus, quod datum est, cum eo, quod debuisset, si contributio nunc demum fieri deberet, appareat, quidnam plus datum. Arithmeticæ vulgaris peritus facile dicta intelligit, cujus si quis imperitus fuerit, eum pudeat, quod non didicerit ea, sine quibus juris quædam capita intelligi nequeunt.

§. 656.

Si quis rerum, qua de navi jactæ sunt, recuperandarum gratia impensas facere coactus fuerit; ad eas conferre debent omnes, quorum interfuit jactum fieri. Quoniam enim contributio vel prorsus cessat, vel saltem deminuitur, siquidem res jactæ recuperentur vel omnes, vel saltem nonnullæ (§. 654.), omnes autem contribuunt, quorum interfuit jactum fieri (§. 625.); omnium quoque interest, ut impensæ fiant, sine quibus res jactæ recuperari nequeunt. Impensæ igitur istæ non minus communes esse debent, quam damnum, quod jactu datum fuerat (§. cit.). Quamobrem ad eas quoque conferre debent omnes, quorum interfuit jactum fieri.

Antequam res recuperarentur, damnum consistebat in rebus amissis: at ubi factis impensis recuperantur, idem non consistit nisi in impensis factis, consequenter damnum majus in

minus convertitur. Quemadmodum vero damnum majus commune erat, ita quoque minus commune esse debet. Sane si ad impensas rerum recuperandarum gratia factas conferre non deberent omnes, quorum interfuit jactum fieri; nec ob res recuperatas contributio deminui posset: quod tamen absurdum (§. 654.). Impensæ adeo eadem ratione dividuntur, quemadmodum damnum ob jactum datum antea fuerat divisum.

§. 657.

De navi non obstante jactu inter-
ente. Si jactu facto navis tamen statim interit, nulla sit contributio, etiam si quis in naufragio res quasdam suas servaret. Jactus enim fit communis periculi avertendi gratia, ac ideo damnum jactu datum commune est, quia eodem commune periculum avertitur (§. 625.). Enimvero si navis statim interit, jactu licet facto, periculum commune eodem avertitum non est, adeoque perinde ac si jactus non fuisset. Cessante igitur ratione contributionis, nimirum quod perdendo res alienas suæ fuerint conservatæ, ipsa quoque cessat contributio (§. 118. Ontol.). *Quod erat unum.*

Quodsi vero dum naufragium contingit, quidam res quasdam suas servant, id non jactuitribuendum, sed ipso-
rum operæ, qua eadem res easdem servare potuissent, etiam si res nullæ de navi jactæ fuissent. Nulla igitur ratio est, cur ad refarciendum damnum ejus, cujus res jactæ fuerunt & qui easdem amisisset naufragio, etiam si in navi remansissent, aliquid contribuant, consequenter omnis contributio adhuc cessat. *Quod erat alterum.*

Perinde est, quomodocunque res servantur, & num id fiat sine impensis, an vero impensæ faciendæ sint, veluti si submersæ per urinatores extrahantur.

§. 658.

De rebus jactis si navis interit. Quoniam si jactu facto eadem tamen tempestate navis interit,

teris, nulla fit contributio, & res naufragas quisque sibi servat (§. 657.); res quoque jactæ, quæ quomodocunque recuperantur, manent dominis suis, nec quisquam alius, qui res in navi habuit, de iis quicquam participat.

Eadem omnium, qui res navi imposuerunt, esse debet conditio, & quando naufragium jactu vitari non potest, res e navi ejus levandæ causa ejectæ naufragio accensetur. Quod igitur juris est circa res naufragas, id etiam esse debet circa res jactas in hoc casu.

§. 659.

Si navis jactu mercium in tempestate levata postea alio in loco, orta iterum tempestate, vel alio casu inevitabili perierit; illi, quorum res perierunt, a contributione liberantur, ast hi, qui a levata, liquid quocunque modo servarunt, pro eo, quod servatum est, pro-intercunt. pter jactum adhuc conferre tenentur. Quoniam enim jactus mercium fit eo fine ut navis cum rebus, quæ in ea sunt, servetur, adeoque salva ad locum destinatum deduci possit; contributio quoque non fit nisi sub tacita hac conditione, si eodem obtineri posset, ut navis cum iis, quæ in eadem remanent, salva in locum destinatum perveniat. Hæc igitur conditio cum non existat, si navis postea alio in loco, orta iterum tempestate, vel alio casu inevitabili perierit, una cum iis, quæ in eadem sunt; illi, quorum res perierunt, adeoque salvæ in locum destinatum pervenire non potuerunt, propter jactum quoque nihil contribuere debent, tenentur tamen hi, qui aliquid quocunque modo servarunt pro eo, quod servatum est (§. 468. part. 3. Jur. nat.).

Totum iter marinum periculosum est, & tempestates ingruere possunt in quovis maris loco aliique accidere casus navigantibus funestini non uno saltem in loco. Qui igitur vult, navim vel merces suas in navi salvas esse, is non tantummodo vult, ut serventur eo in loco, ubi periculum in præsentia navi immi-

imminet, sed ut salvæ perveniant in locum destinatum. Quamobrem jactus quoque non tantummodo fit eo animo, ut præsens periculum depellatur; verum etiam sub spe fore, ut, ubi navis præsens periculum evaserit, postea salva in locum destinatum ventura sit. Non igitur absconum videri debet, quod contributio, quæ propter jactum, quo servatur navis, facienda, conditionata intelligatur, scilicet ut sit præstanda, siquidem navis cum iis, quæ in eadem sunt, salva in locum destinatum pervenerit. Jactus enim non prodest nisi iis, quorum res salvæ in locum destinatum perveniunt. Sane si jactus non fuisset factus, sed res jactæ in navi mansissent; navi laborante, dum casus alius funestus contingit, eidem periculo expositæ fuissent, cui nunc exponuntur res ceteræ, quæ tum in navi remanserunt adeoque his pereuntibus una periissent. Nulla igitur ratio est, cur ii, quorum res nunc pereunt, conferre debeant illi, cujus res per jactum amissæ. Propter jactum factum perinde est, ac si iis, cujus res de navi jactæ sunt, tantum adhuc in navi haberet, quantum ipsi conferendum de iis, quæ per jactum servata sunt, ut adeo massa bonorum, quæ in navi habet, constituatur quasi ex partibus rerum servatarum. His adeo rebus pereuntibus perit quoque ipsi massa bonorum in periculo priori, cujus avertendi gratia jactus fieri necesse fuerat, ipsi quasi servatorum, quod vero ipsi conferendum fuerat de rebus, quæ secundum periculum evaserunt, adhuc subsistit, consequenter nulla ratio est, cur non sit adhuc conferendum. Enimvero si impensas facere debuit, qui res quasdam servavit, veluti si mercedem solverit urinatoribus, ut merces submersas extraherent, a pretio mercium hæ impensæ utique subducendæ, sicuti & pretium deteriorationis, quando deteriores factæ sunt: neque enim servatum dici potest, nisi quod adhuc in lucro est. Quod si hoc modo singula perpendas, nihil superasse puto, quod possit esse obscurum. Eundem si nobis prolixioribus esse liceret, ac jam propositum esset exasciatam juris marini theoriam condere singula accuratius demonstrari poterant: quoniam vero de jactu navis levandæ gratia faciendo non agimus, nisi quatenus ad hanc te-

lam

lam pertendendam nos invitavit jus necessitatis ex primæva communione residuum, ideo sufficit aperire fontes, unde deducenda sunt, quæ ad casus huc spectantes definiendum usui esse possunt. Non licet excipere, quod res naufragæ v. gr. ab urinatoribus extractæ non fuerint servatæ per jactum, sed per urinatores: etsi enim jactus non sit causa proxima, cur servatæ fuerint, causa tamen remota est, sine qua proximæ non fuerat locus, quatenus nimirum propter jactum navis delata in eum locum, ubi res submersæ extrahi potuerunt.

§. 660.

Quoniam si navis jactu levata orta iterum tempestate vel *Derecuperatio rerum*
 alio casu funesto postea interit, illi, quorum merces periit, *si postea alio*
 nihil ei conferunt, qui per jactum suas amiserat (§. 659.); *casu navis*
 si contingat merces quasdam jactas recuperari, dominus earum *interit.*
 dem nihil conferre tenetur iis, quorum res postea naufragio pe-

Horum enim res, cum naufragio perierint, nihil ad hoc conserunt, quod res jactæ fuerint servatæ, consequenter nulla ratio est, cur damnum ipsorum ei, cujus res jactæ sunt, commune esse debeat, adeoque nec quicquam hic ad damnum istud resarciendum conferre tenetur. Ast si hujus res quædam de navi dejectæ recuperatæ fuerint, id prodest ei, cujus res naufragæ recuperatæ sunt, cum, quod hic illi conferre debet (§. 659.), jam sit minus (§. 654.).

§. 661.

Si navis levanda causa merces quadam in scapham fuerint *Derebus nau-*
 trajectæ, veluti ut portum intrare possit, & scapha submergatur, *vis levanda*
 navi salva; illi, qui merces in navi habent, contribuere tenen- *causa in sca-*
 tur ad damnum resarciendum. Sed si scapha salva navis intereat, *pham tra-*
 hi, quorum merces in scapha salvæ sunt, illis nihil conferre te- *jeclis.*
 nentur, quorum merces cum navi interierunt. Etenim si navis
 (Wolfii Jur. Nat. Pars VI.) Ttt levand-

levandæ causa merces quædam in scapham trajiciantur, hoc fit naufragii evitandæ causa, consequenter si scapha submergitur, perinde est ac si res navis levandæ causa de navi jactæ fuissent in mare. Enimvero si naufragii evitandæ causa jactus fiat, damnum commune est, ac omnes, quorum res in navi salvæ sunt, ad id refarciendum contribuere tenentur (§. 623.). Ergo etiam commune erit damnum & ad id refarciendum contribuere tenentur omnes, quorum res in navi salvæ sunt, si navis levandæ, adeoque naufragii evitandæ causa merces quædam in scapham fuerint trajectæ, scapha vero submersa fuerit. *Quid erat unum.*

Quodsi scapha salva intereat navis, perinde est ac si navis jactu levata eadem tamen tempestate intereat, is vero, cujus res jactæ sunt, eas recuperet. Enimvero quando hoc contingit res recuperatæ manent domini sui, nec quicquam de iis conferre tenetur ad refarciendum damnum reliquorum (§. 658.). Quamobrem si scapha, in quam navis levandæ causa res trajectæ, salva navis intereat; hi quoque, quorum res in scapha salvæ sunt, nihil iis conferre tenentur, quorum res cum navi perierunt. *Quid erat alterum.*

Ratio contributionis in casu priore manifesta est. Nisi enim res trajectæ fuissent in scapham, sed in nave mansissent, non periissent, sed salvæ fuissent. Quoniam tamen ut merces in navi manentes servari possint, quædam in scapham trajiciendæ fuerunt; ideo earundem interitu servatæ sunt ceteræ. Ast hæc ratio cessat in casu posteriori, in quo merces in scapham trajectæ minime servatæ fuerunt ea de causa, quod quæ in navi manserunt, periire. Ratio numirum contributionis, cum qua jam nobis negotium est, hæc est, quod damno unius promoveatur commodum reliquorum, seu damnum ab iis avertatur. Ad hanc qui animus advertit, facile in quovis casu perspiciet, utrum locum habeat contributio, nec ne.

§. 662.

Factus temerarius dicitur, si quis culpa sua in mare quid *Differentia*
projecerit, veluti si calicem alterius per negligentiam in *ius*
profundum labi patiatur. *Lasivus* vocatur, si quis dolo
rem alterius in mare projecerit, veluti si nummos alteri ex-
cusserit, ut in mare cadant, aut animo perdendi res, quæ
sunt alterius, in mare projicit. *Meticulosus* appellatur, si
quis mari non adfuetus a periculo naufragii sibi metuit, ubi
metuendum non est, ac propterea navis levandæ causa ja-
ctum facit. *Factus* denique *non pure necessarius* vocatur,
quando periculum navi revera quidem imminet, sed casum
fortuitum culpa præcessit, aut periculo causam dedit, ut ja-
ctum fieri necesse sit. Unde patet *jactum necessarium* eum
dicendum, qui fieri debet, quando periculum navi revera
imminet, cui nulla culpa causam dedit, aut quod culpa
nulla præcessit.

Casus, in quibus fit jactus, probe distinguendi sunt, ut appareat, quando necessarius sit existimandus, consequenter contributioni locus sit, ne ad damnum refarciendum contributione communi cogantur, qui nihil contribuere debent.

§. 663.

Ob jactum temerarium, lascivum, meticulosum & non pure Quando ob
necessarium contributio non fit; sed damnum eodem datum resar- jactum ces-
cire solus tenetur, qui in causa fuit, cur factus fuerit jactus, aut set contribu-
fieri debuerit. Quodsi enim jactus fuerit temerarius, lascivus, 110.
 meticulosus, vel non pure necessarius, damnum, quod eod-
 dem datum, vel dolo, vel culpa datum (§. 662.). Quam-
 obrem cum damnum dolo vel culpa datum sit refarciendum
 ab eo, cujus dolo vel culpa datum (§. 580. part. 2. *For. nat.*)
 is solus damnum refarcire tenetur, qui in causa fuit, cur ja-
 ctus

ctus factus, aut fieri debuerit, consequenter ob jactum temerarium, lascivum, meticulosum & non pure necessarium contributio non fit.

Exempla, quæ modo dedimus de singulis jactus speciebus, propositionem præsentem satis illustrant. Ex jactu temerario & lascivo nullum percipere commodum eos, qui res in nave habent, nec per eandem servari alias perituras, per se pater, ut adeo superfluum videatur hunc jactum contributioni subtrahere. Si jactus meticulosus fuerit, cum is ab imperitia proficiscatur; dubium saltem videri poterat, num imperitia projicienti imputari possit. Quod si navicularius is fuerit, cum in navigando se artificem profiteatur, imperitia ejus culpæ accensetur (§. 1273. part. 4. *Jur. nat.*): si alius fuerit, urique ipsi imputandum, quod proprio motu fecerit, quæ non sine consilio & suffragio aliorum se peritorum, quos in nave adesse noverat, facere debebat. Ceterum ne lis moveri possit, utrum jactus fuerit meticulosus, an necessarius; lege positiva cautum est, ne jactus fiat nisi explorata prius voluntate mercatorum & institorum, si qui in nave adsint, aut si præsentem consentire nolint in jactum, reliquorum navalium sociorum, qui majore istiusmodi rerum experientia instructi sunt. Culpa nautæ casum, quo naufragii periculum imminet navi, non vno modo præcedere potest, veluti si nulla tempestate coactus, sed sola imperitia sua navim ad scopulos deducit, si sola avaritia ductus, vel absque ulla prægnante causa loca devia sectatur, si debito tempore navim e portu non solvit, vel si solvit media tempestate. *Wetters* in dissert. de contrib. propter jact. th. 35. culpam nautæ ad tres fontes reducit, nimirum si non facit, quod diligens facere solet; si contra pactiorem, & si fuit in mora. Sed talia discutere non est hujus loci, ubi saltem exempli causa quædam in medium proferuntur. Nulla concipi potest actio humana, circa quam non uno modo culpa committi possit. Culpæ igitur species in quolibet actionum genere committendas qui detegere voluerit, ei loco notionum directricium esse possunt, quæ de actionis rectitudine in genere & de cul-

pa

per generibus dicta sunt in parte prima Philosophiæ practicæ universalis, actionis vero illius, circa quam quot modis culpa committi possit disquiritur, notionem habere debet, quantum fieri potest, adæquatam, veluti in præsentî totius artis navigandi in mari. Latissimus hic aperitur campus, in quo utiliter versari possunt, qui Philosophiam practicam novis veritatibus ditare voluerint.

§. 664.

Si magister navim plus æquo oneravit, ac propterea jactum De navis feri necesse fuit; ipse damnum solus refarcire tenetur, nec ulla a plus æquo reliquis, qui merces in navi habent, fieri debet contributio. Etenim *onerata*, si navis levanda naufragii evitandi causa, quia magister eam plus æquo oneravit; cum is scire debeat, quantum navi onus imponi possit, culpa magistri jactus fit (§. 717. part. 1. Phil. pract. univ.), consequenter jactus non pure necessarius est, etsi evitandi naufragii causa fiat (§. 662.). Quoniam itaque ob jactum non pure necessarium nulla fit contributio, sed damnum datum solus refarcire tenetur, qui in causa fuit, cur jactus fieri debuerit (§. 663.); magister quoque navis, qui eam plus æquo oneravit, damnum jactu datum solus refarcire tenetur, nec ulla a reliquis, qui merces in navi habent, fieri debet contributio.

Num navis plus æquo fuerit onerata non modo inde intelligitur, si meruendum sit, ne nimio pondere submergatur navis, ubi alias istiusmodi periculum metuendum non est; verum etiam colligitur ex pondere rerum in navi residuarum jactu facto, quando tempestas naufragium minabatur. Ast in hæc inquirere non est huius loci.

§. 665.

Si communis periculi avertendi gratia armamenta navis, De armamentis, anchora, rudentes dejiciuntur, vel caduntur; damnum communis mentis na-

vis deign- mune est domini navis ac omnium, qui res in nave habent, divi-
estis, vel ce- *dendum adeo inter eos eodem modo, quo damnum jactu datum*
sis. *druiditur. Ostenditur eodem prorsus modo, quo supra de-*
monstravimus, damnum jactu datum commune esse atque
dividendum in ratione pretii rerum, quas unusquisque in
nave habuit, ac ipsius navis (§. 625.).

Nimirum perinde ac in jactu hic res propriæ unicuique servantur perditis alienis. Atque adeo huc applicari debent, quæ in genere de rebus perdendo alienas servatis demonstrata sunt (§. 621.), quemadmodum ea ad casum jactus applicavimus. Ceterum hic non tantummodo intelligitur periculum naufragii, quemadmodum in casu jactus; verum etiam aliud quodcunque, quod navi ac omnibus, quæ in ea sunt, tam personis, quam rebus una imminet, veluti si nauta navim a periculo ab hoste vel piratis imminente liberaturus anchoram detruncare cogitur, cum eidem ex profundo extrahendæ mora nulla superfit.

§. 666.

De casu in Si casus quidam in nave vel rebus eidem impositis contingit,
nave vel vel naufragium factum fuerit, quod evitari non poterat; da-
mercibus munum est solius domini: si quis ex naufragio quocunque modo quid
contingente. servat, id sibi servat. Quodsi enim casus quidam in nave,
 vel rebus eidem impositis contingat, cum magister navis locet operam suam iis, qui res suas navi imposuerunt, scilicet ut eas in locum destinatum vehat (§. 1194. *part. 4. Jur. nat.*); in casu priori perinde est, ac si locator operarum instrumentum operas præstando frangit, vel perdit, in posteriore autem, ac si damnum in materia conductoris operarum contingit casu, quæ ad faciendum ex materia ista opus conductæ sunt. Enimvero si locator operarum fregerit vel perdidit instrumentum, operas promissas præstando, damnum ipsius est (§. 1267. *part. 4. Jur. nat.*), si vero opera alterius con-

conducatur ad faciendum opus ex materia tua, damnum in materia casu datum tuum est (§. 1266. *part. 4. Jur. nat.*). Ergo etiam si casus quidam in nave vel rebus eidem impositis contingit; damnum est solius domini, nimirum si casus contingat in nave, domini navis, si in rebus eidem impositis, domini istarum rerum. *Quod erat primum.*

Quodsi naufragium factum fuerit, quod evitari non poterat, casus tam in nave, quam in rebus eidem impositis contingit. Quamobrem cum in casu priori damnum sit domini navis, in posteriori vero domini rerum naufragarum; si naufragium factum fuerit, quod evitari non poterat, damnum, quod in nave datur, est domini navis solius, quod vero datur in rebus eidem impositis domini rerum. *Quod erat secundum.*

Cum res naufragæ maneat dominorum suorum (§. 428. *part. 2. Jur. nat.*), quemadmodum si naufragio, quod evitari non poterat, amittantur, damnum solius domini est, *per demonstrata n. 2.*

Si casus in nave contingat, quod tum perinde sit ac si locator operarum instrumentum aliquod perdit, vel frangit operas præstando; nemo facile in dubium revocaverit. Enimvero erunt forsitan nonnulli, quibus dubium videtur, num perinde haberi possit, ac si casus contingat in materia, ex qua locator operarum opus conficere debet, quando casus contingit in rebus navi impositis. Velim igitur cogitent, in utroque casu amitti vel deteriorari rem conductoris, circa quam operas promissas præstare debet locator. Sive igitur casu quodam mere fortuito amittantur, sive deteriorentur res conductoris, id sine ullo facto locatoris contingit, sive ex iis opus quoddam tanquam ex materia conficere debeat, sive eas in locum quendam destinatum vehere. Quodsi vero quispiam res naufragas quocunque modo servet, cum non servantur interitu ceterarum, quæ

quæ una in navē fuerunt, contributionis ratio cessat, quæ propter jactum fieri debet.

§. 667.

*De nave a piratis red-
emta & re-
bus aliquo-
rum ex ea
allatis.*

*Si navis mercibus quibusdam datis tota redimatur a piratis, vel hoste; damnum commune omnium contributione refarciendum, quemadmodum propter jactum. Quodsi vero quis res suas saltem redemit, ceteris nihil conferre tenetur. Et, si pirata uni, vel alteri aliquid abstulerint, damnum ejus solius est; cujus sunt res. Etenim si navis tota mercibus quibusdam datis redimatur a piratis vel hoste, perinde omnino est, ac si communis periculi causa perderentur res alienæ, aut, si navis, evitandi naufragii causa merces quædam de nave dejicerentur. E-
nimvero si communis periculi depellendi causa res alienæ perduntur, damnum commune est (§. 621.), &, si evitandi naufragii causa jactus fit, damnum commune est domini navis & eorum, qui merces in nave habent (§. 625.), communi contributione refarciendum (§. 627.). Quamobrem si navis mercibus quibusdam datis tota redimatur a piratis vel hoste, damnum quoque omnium contributione refarciendum, quemadmodum propter jactum. Quod erat primum.*

Si nave a piratis vel hoste capta unus saltem vel alter res suas redemit, cum tunc perinde sit ac si res suas, quas amiserat, recuperasset certis impensis factis, nulla sane ratio est cur ceteris, qui res suas non redemerunt, aliquid conferre debeat. Nihil adeo conferre debet (§. 70. Ontol.). Quod erat secundum.

Denique si piratæ uni, vel alteri aliquid abstulerint, tum casus in rebus navi impositis contingit, nullo quippe facto eorum, qui in nave sunt. Quodsi vero casus in rebus navi impositis contingit, damnum est solius domini (§. 666.).

Ergo

Ergo etiam damnum solius domini esse debet, si piratæ res, quas in navi habebat, abstulerint. *Quod erat tertium.*

Nimirum quando mercibus quibusdam datis redimitur tota navis, eadem pro omnibus dantur, qui merces in nave habent, & ipso domino navis: at quando quis merces suas tantummodo redemit, nec ipse quidpiam dat pro aliis, nec ceteri, qui merces suas non redimunt, pro ipso quidpiam dederunt. In casu adeo priori manifesta est ratio contributionis, in posteriori nullam adesse apparet.

§. 668.

Quoniam perinde est, sive pro redimenda tota navi dentur merces quædam, quæ in navi sunt, sive certa pecuniæ summa, quando vero navis tota mercibus quibusdam datis redimitur a piratis, vel hoste, damnum commune omnium contributione resarciendum, quemadmodum fit propter jactum (§. 667.); *si navis a piratis, vel ab hoste tota redimatur certa pecuniæ summa, cum domino navis omnes, qui res quasdam in nave habent, contribuere tenentur, consequenter si nauta pro promissa pecuniæ summa, qua navis tota redempta, interim captus manet, omnium contributione liberandus.*

De nave pecunia redempta.

Eadem etiam hic est ratio, quæ fuit in contributione propter jactum, nimirum ut omnes contribuant ad hoc, per quod res eorum servatæ sunt, & in hoc solutio pecuniæ, qua redimitur navis, convenit cum jactu, quo eadem levatur: utrumque enim est medium averrendi periculum res omnes amittendi.

§. 669.

Si nauta præter necessitatem secetur loca devia aut non tuta; De nauta lo-
damnum, quod contingit, ipse solus resarcire tenetur. Etenim ea devia vel
si nauta præter necessitatem secetur loca devia aut non tuta, minus tuta
ac damnum ideo datur; damnum hoc datur culpa ipsius, secante.
Quamobrem cum damnum culpa datum is resarcire tenea-
(Wolfii Jur. Nat. Pars VI.) Uuu tur,

tur, qui dedit (§. 580. *part. 2. Jur. nat.*); nauta quoque solus damnum refarcire tenetur, si præter necessitatem sectetur loca devia, aut non tuta, ac damnum ideo datur.

Per se patet, notorium esse debere, quod loca sint minus tuta, cum ignorantia invincibilis nautæ imputari non possit (§. 550. *part. 1. Phil. pract. univ.*).

§. 670.

De mercibus vitio navis deterioratis.

Si vitio navis merces deteriorentur, damnum magister navis refarcire tenetur. Magister enim navis curare debet, ne vitio navis merces deteriores fieri possint, consequenter, si non fecerit, negligentem se præbet (§. 750. *part. 1. Phil. pract. univ.*). Quamobrem cum negligentia culpa sit (§. 758. *part. 1. Phil. pract. univ.*); si vitio navis merces quædam madescant ac deteriorentur, damnum culpa magistri datur. Quoniam itaque damnum quod quis culpa sua dat, refarcire tenetur (§. 580. *part. 2. Jur. nat.*); magister quoque navis damnum refarcire tenetur, si vitio navis merces deteriorentur.

Huc pertinet, si navis non bene stipata fuerit, aut non integra præstita. Quandocunque nimirum damnum datur culpa, id refarciendum est ab eo, cujus est culpa, nec propterea conferre debent alii, qui merces in navi habent. Non igitur opus est, ut plures casus afferamus, in quibus ob damnum vel in navi, vel in mercibus contingens cessat contributio.

§. 671.

Avaria quid sit.

Contributio, quæ datur ob jactum mercium, vel ad refarciendum damnum, quod quis in itinere maritimo aliter navis & omnium causa, qui res in nave habent, sustinuit, vocatur vocabulo barbaro *avaria*, idiomate patrio *Haveren*. Dividi vulgo solet in *grandem* & *communem*, in die *grosse und gemeine*. *Avaria grandis* vocatur, quando etiam na-

vis in contributionem venit: *communis* autem, quando tantummodo contribuunt, qui merces seu res in nave habent. Grandis etiam *grossa* appellatur.

Haveren sine omni dubio descendit a vocabulo *Haven*, quod portum significat, quemadmodum a vocabulo *Eclave* derivatur *Eclaverey*, a vocabulo *Zauberer* venit *Zaubereren*, & ita porro. Solet etiam quemadmodum in nomine Latino *h* a nonnullis omitti, ut loco *Haverey* dicatur *Averey*, vel minus recte *Averie*, quasi vocabulum Germanicum formandum esset e Latino, cum tamen vice versa Latinum formatum sit a Germanico. *Grossa* autem dicitur avaria a vocabulo itidem Germanico *gross*. Ad avariam communem, referri solet, norante *Müllero* ad *Struviun* Exerc. 20. §. 16. not. 8: 1. pecunia, quæ piscatoribus & aliis personis locorum gnaris a magistro navis datur, ut navem salvam cum mercibus in tuto constituent, vulgo *loothmanegeld*, nisi excedat sex marcas flandricas, cum alias pertineat ad avariam grossam: 2. quod datur ab eodem, dum prætervehuntur arces sive in fluminibus, sive in portubus: 3. quod solvitur pro navibus ex flumine & portu educendis. Sed nostrum jam non est ea discutere, quæ sunt juris positivi. Terminos tamen explicari hic consultum duximus, ut facilius appareat, quænam ex antea demonstratis ad avariam sint referenda, ne de hoc juris capite nihil prorsus dixisse videamur. Naturaliter ad avariam communem referenda facile agnoscuntur, quod scilicet ea non tam navis cum rebus, quæ eidem imposita sunt, servandæ causa data sint, quam ut merces in locum destinatum salvæ perveniant. Sequentem adeo addere lubet propositionem.

§. 672.

Qua non tam navis, quam mercium saltem gratia quacun- Quando na- que de causa impenduntur; ad ea tantummodo conferre debent, qui vis non ve- res navi imposuerunt, non vero dominus navis quicquam confer- nias in con- re tenetur. Quoniam enim qui res suas navi imponunt, cum tributionem.

Uuu 2

magi-

magistro navis conveniunt, ut eas pro mercede promissa in locum destinatum deferat; magister quoque navis non obligatur nisi ad navem huic usui aptam præstandum & ad præstandum operas advehendum navem necessarias (§. 428. *part. 3. Jur. nat.*). Quod si ergo necesse fuerit, ut quacunque de causa mercium saltem gratia quædam fuerint impendenda; ad ea nihil conferre tenetur magister, vel dominus navis. Cum vero intersit omnium eorum, qui merces aut res quasdam in nave habent, impensas istas fuisse factas; ad id, quod omnium causa datum est, conferre quoque omnes debent.

Hinc facile deducitur, utrum navis in contributionem venire debeat, nec ne, in casu quodam dato, consequenter ea discernuntur, quæ ad avariam grossam & quæ ad communem pertinent. Ita pecunia, quæ datur personis locorum gnatis a magistro navis, ut navem salvam cum mercibus in tuto constituent, naturaliter ad avariam grossam referenda: jus natura enim non distinguit inter majus & minus, sed in magno & parvo idem jus est, nisi aliunde differentia veniat. Juris ad eo mere positivi est, ut pecunia ista non referatur ad avariam grossam, nisi quando sex marcas standricas excedit.

§. 673.

De impensis solius navis causa factis. *Quæ in navem reficiendam, armandam & ministris necessariis instruendam impenduntur; ad ea nil conferre tenentur, qui merces in nave habent.* Quoniam enim magister navis vel solam operam locat ad res in locum destinatum nave vehendas, vel ipsam navem; in casu posteriori ipse suo sumtu navem præstare debet huic usui aptam, ad quem conducitur (§. 430. *part. 4. Jur. nat.*), in priori autem navis armata & ministris necessariis instructa spectatur tanquam instrumentum, sine quo operæ promissæ præstari nequeunt, consequenter necesse est, ut in eodem quoque navem aptam præ-

præstet ad res in locum destinatum vehendas. Quodsi ergo navis reficienda, armanda aut ministris necessariis instruenda, quicquid est hujus negotii, id ad magistrum navis solum pertinet, consequenter nec ad ea, quæ eo fine impendenda, qui res in nave habent, quicquam conferre tenentur.

Idem omnino etiam observandum & observari solet, quando res curru vel plauistro vehuntur, ubi quæ in equos & currum impendit auriga, ad ea nihil conferunt, qui res curru imposuerunt, & damnum, quod in equis ac curru contingit, solius aurigæ est. Conveniunt sane vestura marina & terrestris in eo, quod res pro certa mercede salvæ deferri debeant in certum locum: mirum igitur non est, quod utrobique æquale jus sit, nisi quatenus in mari quædam accidunt, quæ in terra locum non habent, nec ad commune quoddam genus reduci possunt.

§. 674.

Si navis defendenda causa in conflictu cum piratis, aut in ministerio navis quis vulneratus fuerit, impensa in curationem facta cum plena mercede ab omnibus pro rata restituenda. Idem tenendum de impensis in sepulturam, si occisus fuerit. Quando enim navis contra piratas defenditur, id fit communis periculi avertendi causa, ne scilicet navis cum iis, quæ in eadem sunt, capiat, consequenter dominus navis navem, qui res in nave habent, res suas amittant. Quamobrem si quis vulneratus fuerit navis defendendæ causa, damnum hoc spectatur tanquam medium, quo commune periculum depelli necesse fuit, adeoque perinde ac damnum ex jactu emergens censei debet, quod in curationem impenditur. Quoniam itaque ad damnum jactu datum pro rata contribuere tenentur, qui res in nave habent & dominus ipse navis (§. 627.), ad impensas quoque in curationem factas

De eo, qui in conflictu cum piratis, vel ministerio navis vulneratur, aut occiditur.

conferre debent, quotquot res in nave habent ac dominus navis pro rata. *Quod erat primum.*

Enimvero quoniam vulneratus operas prestare nequit, quia navis cum rebus eidem impositis defendendæ causa periculum subiit, si mercede ob operas, quas prestare non potuit, antequam vulnus curatum fuerat, carere deberet, damnum hoc pati deberet omnium eorum causa, qui res in nave habent, ac ipsius domini navis causa, perinde ac si is solus damnum pati deberet, cujus res communis periculi avertendi causa de nave dejectæ sunt. Quamobrem cum ad damnum jactu datum omnes, qui res in nave habent, ac dominus navis contribuere debeant (§. cit.), ad eam quoque mercedem, qua propter vulnerationem carere deberet, conferendum tenentur omnes, quorum merces in nave sunt, ac ipse dominus navis, pro rata, ut plenam adeo mercedem accipiat, qui vulneratus fuerat. *Quod erat secundum.*

Quodsi quis in ministerio navis vulneretur, periculum hoc subire cum debuerit omnium causa, nimirum ut navis cum mercibus servetur, consequenter commune periculum avertatur; eodem, quo ante modo patet, ad impensas in curationem factas cum plena mercede omnes conferre debere, qui res in nave habent, atque ipsum dominum navis pro rata. *Quod erat tertium.*

Denique si quis in conflictu cum piratis, aut in ministerio navis occiditur; impensæ in sepulturam eadem de causa sunt, qua fieri debent in curationem, si tantummodo vulneratus. Quamobrem cum impensæ in curationem factæ pro rata restituendæ sint ab omnibus, quorum res in nave sunt ac ipso domino navis *per demonstrata*; impensæ quoque
in

in sepulturam eodem modo restituendæ, si quis occisus fuerit in conflictu cum piratis, vel in ministerio navis. *Quod erat quartum.*

§. 675.

Pecunia in ipsam navem credita, bodemeria contracta, ob jactum vel casum alium similem in contributionem non venit. Bodemeria enim contrahitur, si nauta in itinere pecunia indiget, ut sine ea navem ducere non possit (§. 425. part. 3. *Jur. nat.*). Quamobrem pecunia, quæ mediante hoc contractu in ipsam navim creditur (§. 420. part. 5. *Jur. nat.*), ad impensas in iter faciendas pertinet, adeoque ad ea, quæ in itinere consumuntur, consequenter cibariis æquiparantur, quæ in itinere consumendi causa navi imponuntur. Quoniam itaque cibaria, quæ quis in itinere consumendi causa navi imposuit, in contributionem ob jactum minime veniunt (§. 645.); ideo nec pecunia in ipsam navem credita, bodemeria contracta, ob jactum, vel alium casum similem in contributionem venit.

*De pecunia
in navem
credita.*

Offenditur etiam hoc modo. Qui pecuniam in navem credit, is nullas navi imponit merces, quæ eandem onerant, ut propterea jactus fieri debeat navis levandæ causa, nec pecunia ista, quando navis cum mercibus a piratis redimenda, redimitur: in utroque nimirum casu nulla ejus habetur ratio. Immo quæcunque fiunt navis ac rerum eidem in positarum conservandarum causa, eodem prorsus modo fieri debent, siue pecunia in navem fuerit credita, siue minus, & nihil horum sit ea intentione, ut debitum bodemeriale servetur, adeoque solvi possit. Quoniam itaque nec jactus fit, nec aliud damnum subitur, quod subeundum, ut navis una cum rebus eidem impositis salva in locum destinatum per-

pervenire possit, in gratiam ejus, qui pecuniam in navem credidit; nulla quoque ratio est, cur creditor bodemerialis quicquam conferre debeat ad damnum istud refarciendum, adeoque pecunia in ipsam navem credita bodemeria contrahita ob jactum vel casum alium similem in contributionem non venit.

Ex demonstratione priori liquet, ab ipsa pecunia in navem credita nullam desumi posse rationem, cur ea in contributionem venire debeat. Pecunia hæc referenda ad impensas, sine quibus navis in locum destinatum duci nequit. Impensæ autem in contributionem venire nequeunt, cum propter eas non fiat jactus, vel navis a piratis redimatur, aut simile quid fiat, nec adeo pro iis datum intelligatur, quod amissum est. Ex demonstratione autem posteriori patet, nec a creditore bodemeriali desumi posse rationem, cur quid ob jactum vel alium casum similem contribuere debeat, etsi ejus interfit, ut navis ac merces servantur (§. 421. pars. 5. Jur. nat.). Etenim non nisi per accidens fit, ut jactus profit creditori bodemeriali, quemadmodum assecutorii. Observari etiam hoc solet, ut pecunia ista a contributione libera sit. Unde dici solet Bodmerq glebt nicht Havereq.

§. 676.

De nave in retia impulsæ. Si navis mea impulsæ fueris in retia alterius, ea discindere licet, si aliter explicari nequit. Etenim si navis mea in retia aliena impulsæ aliter explicari nequit, nisi ea discendantur; medium unicum explicandæ navis, adeoque eam servandi est retium discissio. Quamobrem etsi nemini liceat rem alterius destruere (§. 647. pars. 2. Jur. nat.), consequenter nec retia discindere; cum tamen dominia introducta intelligantur cum tacita hac restrictione, ut, si in casu emergente contingat alicui penitus auferri usum rerum necessariarum, eidem jus aliquod competat in eas res, quæ sunt in domi-

dominio (§. 563.), necessitate licitum efficiente actum, qui alias illicitus foret (§. 573), quin discindere liceat retia alterius, in quæ navis mea impulsæ est, si aliter explicari nequeat, dubitandum non est.

Dominus rem suam nulla urgente naturali obligatione destruere, corrumpere vel deteriore reddere non debet (§. 648. *part. 2. Jur. nat.*), consequenter si navis in retia fuerit impulsæ, danda quoque opera est, ut explicetur. Actus igitur explicandæ navis jure naturali non modo licitus, sed etiam debitus. Quodsi adeo retia aliena discindere non liceret, tibi penitus ablati esset usus rei, qua carere minime potes, siquidem obligationi tuæ satisfacere volueris. Quamobrem dubitandum non est, casum præsentem sub tacita ista restrictione, sub qua dominia introducta intelliguntur, contineri. At casu, quo navis mea in retia tua impulsæ, commune nobis periculum imminet, cum aut navis destruenda sit, aut retia discindenda. Enimvero in communi periculo, quo res sua servari nequit, nisi perdendo alienam, res minoris pretii perdenda, ut servetur pretiosior (§. 623.). Quamobrem retia potius discindenda, ut explicetur navis, quam navis destruenda, uti salva sint retia. Damnum minus præferendum majori & ut hoc fiat, utriusque interest, quia ex antecedentibus abunde patet, damnum pro rata commune esse debere, siquidem casu impulsæ fuerit navis: alias enim damnum dolo, vel culpa datum refarciendum (§. 580. *part. 2. Jur. nat.*).

§. 677.

Sæviente incendio, ædificium vicini destruere licet, ut servetur propria; damnum vero commune contributione eorum savorum vicini de-
ciendum, ad quorum ædes probabiliter ignis pervenire potuerat. struendis com-
Quod enim incendio sæviente ædibus meis ac vicini immine-
ret periculum, commune est. Enimvero si commune peri-
culum aliter depelli nequit, quam rem alienam perdendo, dendo suas.
eam perdere licet ac damnum commune est, eorum scilicet,
(Wolffii Jur. Nat. Pars VI.) *Xxx* *qui-*

a quibus periculum aversum (§. 621.). Quamobrem si incendio orto periculum imminet ædibus meis ac ulterioribus, ædes vicini destruere licet, ut servantur propriæ ac ulteriores, damnum vero commune est ejus, cujus ædes dirutæ, ac eorum, quorum ædes fuerunt servatæ. *Quod erat unum.*

Enimvero quoniam damnum commune est, adeoque pro rata inter dominum ædium destructarum & eos, quorum servatæ sunt ædes, dividendum pro rata (§. 134. *part. 3. Jur. nat.*); damnum communi contributione eorum sarcindum, ad quorum ædes probabiliter ignis pervenire potuerat. *Quod erat alterum.*

Casum hunc ad extensionem legis Rhodiæ referunt interpretes Juris Romani vi interpretationis extensivæ (§. 516.). Enimvero casus præsens non minus particularis est, quam alter de jactu navis levandæ causa factus, qui cum hoc sub eadem lege generali continetur (§. 621.). In Jure igitur naturæ ex hac deducenda ejus definitio, minime autem is reducendus ad casum de jactu. Hoc tamen non obstante quæ de contributione ob jactum facienda demonstrata sunt, ad casum quoque præsentem applicari possunt, nec ea denuo repeti opus est.

§. 678.

*Quoniam
restrictio hic
non admit-
tenda.*

Quoniam ædificium vicini incendio sæviente destruere licet, ut servantur propriæ (§. 677.), consequenter si periculum imminet & vicini ædibus, ac propriis, per se autem patet, talia certo prævideri minime posse, atque adeo iudicio probabili esse standum; ideo *contributio non cessat, etiamsi ignis de ædibus jam combustis non transeat usque ad eas, quæ destructæ sunt, consequenter ædes tam meæ, quam vicini salvæ manserint sine destructione: neque etiam attendendum, utrum quodammodo certum fuerit, nec ne, ædes dirutas nihilominus perituras fuisse.*

Nimirum ædes vicini diruntur, non quod certo constet, nisi iis dirutis ceteras remotiores servati minime posse; sed ob
metum

metum justum, ne ad eas quoque transeat feralis flamma. Sufficit adeo adesse rationes probabiles, ob quas metuendum, ne hoc fiat. Sed ne postea de contributione lis orietur; ideo consultum est, ut in eandem consentiant, qui sibi metuunt, ne ædes suæ comburantur. Quoniam vero ædium paulo remotiorum non idem est periculum, quod propiorum; ideo in æstimando eo, quod unicuique contribuendum, habenda quoque ratio est magnitudinis periculi. Sed cum difficilis sit hujus determinatio, ideo quoque consultum est, ut unusquisque, qui in destructionem ædium alienarum conservandarum propriarum gratia consentit, declaret, quantum contribuere velit. In statu civili, quando lege positiva definiendum quid conveniat, ne ab æquitate nimis recedatur, ex magnitudine periculi, a posteriori probabiliter æstinanda, definienda est rata contributionis, nisi utilitas publica aliud suaserit: quod ideo monendum esse duximus, ne perperam ad statum civilem trahantur, quæ naturali conveniunt.

§. 679.

Si ædibus vicinis destructis tuæ nihilominus comburantur; contributio cessat. Etenim si ædibus vicini destructis nihilominus comburantur; illarum destructione tuæ non fuerunt servatæ, ac cum flamma tuas corripere non potuisset nisi deflagratis ædibus vicini, huic in gratiam tui nullum damnum datum intelligitur. Nulla igitur ratio est, cur ad resarciendum damnum illius quicquam conferre debeas, aut conferre debeat alius, qui nullum commodum ex ædium destructione percepit. Quamobrem si ædibus vicini destructis tuæ nihilominus comburantur; contributio cessat.

Casus hic assimilatur ei, quo jactu mercium facto navis nihilominus naufragio interit (§. 657.). Quamobrem huc etiam applicari poterat demonstratio, quam de eo dedimus (§. cit.). Ratio nimirum contributionis quemadmodum in jactu hæc est, quod damno alterius commune periculum fuit

depulsum. Hoc igitur ubi factum non fuerit, contributionis ratio nulla est, consequenter ipsa contributio cessare debet.

§. 680.

De domo incendii extinguendi causa diruta.

Si domus incendii extinguendi causa diruatur, quæ jam ardet, vicini nihil conferre tenentur. Quodsi enim domus alicujus ardeat, incendium extinguendum est, quod per se patet. Quodsi ergo incendii extinguendi causa sit diruenda, ne conflagrando flamma alatur; domus utique diruenda. Quamobrem cum domus in hoc casu non diruatur, ut ab ea ac ædibus vicinorum periculum commune avertatur, sed tantummodo caveatur, ne interitu ædium conflagrantium damnum faciãt vicinæ; nulla quoque ratio est, cur vicini aliquid ad refarciendum damnum ejus, cujus domus incendii extinguendi causa diruta, conferant, adeoque nihil conferre tenentur (§. 70. Ontol.).

Aliud omnino est periculum commune damno unius avertere, aliud cavere, ne damno unius dampnum faciat alter. Quoniam quilibet obligatur ad damnum ab altero, quantum in se est, avertendum (§. 495. part. 2. Jur. nat.); quilibet etiam cavere debet, ne damno suo damnum faciat alter, quantum fieri potest. Atque adeo quilibet obligatur ad diruendum domum suam incendii extinguendi causa, siquidem metuendum sit, ne alias flamma ædes vicinas corripiat. Sane id intenditur, quocunque modo incendium restringatur, nec propterea illi, quorum interfuit, incendium restringui quicquam conferre tenentur ad refarciendum damnum incendio datum. Omne autem damnum, quod incendii restringendi causa patitur dominus, cujus domus ardet, incendio eidem datum intelligitur, nec ullo modo aliis imputari potest. Ast si damnum uni datur, ut reliquorum damna avertantur; tunc demum contributioni locus est, cum nemo damno suo damnum alienum avertere teneatur.

§. 681.

§. 681.

Is, cujus dolo vel culpa incendium ortum, ei, cujus domus si incendiarum conservandarum causa diruta, damnum datum refarcire um dolo vel tenetur: quodsi facere possit, ceteri, quorum ædes conservatae sunt, culpa alicuius contributione liberantur. Quoniam enim is, qui dolo vel jussorium. culpa sua damnum dat, id refarcire tenetur (§. 580. part. 2. Jur. nat.); is etiam, cujus dolo vel culpa incendium oritur, damnum omne refarcire tenetur, quod eodem datur aliis, consequenter etiam ei, cujus domus diruenda fuit aliarum conservandarum causa. *Quod erat primum.*

Quodsi ergo damnum refarcire possit, cum tum nihil amplius superfit, quod refarciendum, nec ceteri, quorum ædes destructione domus unius servatae sunt, quicquam amplius conferre tenentur, consequenter a contributione sua liberantur. *Quod erat secundum.*

Enimvero cum & is, cujus dolo vel culpa incendium ortum fuit, per demonstrata n. 1. & ceteri, quorum ædes servatae sunt, ad damnum datum refarciendum teneantur (§. 677.); per hoc, quod ipse solvendo non sit, non liberantur ceteri ab obligatione sua, cum damnum nondum sit reparatum, quemadmodum contingit, si ille refarcire damnum potuerit, per demonstrata n. 2. Quamobrem adhuc id conferre tenentur pro rata, ad quod conferendum erant obligati. *Quod erat tertium.*

Refarciendi damni ejusdem duplex obligatio est, una quæ nascitur ex delicto, vel quasi delicto, seu ex facto dolo, vel culpato alterius; altera vero, quæ nascitur ex communis periculi averse damno unius facta, quod impensis communibus averrendum erat. Item damnum nonnisi semel refarciri potest, quemadmodum debitum unum nonnisi semel solvi. Quodsi ergo is damnum refarcivit, cujus dolo vel culpa datum;

contributio illorum cessat. quorum ædes destructione domus unius servatæ sunt. Enimvero cum duo hic sint ad idem damnum refarciendum obligati, ita ut unius solutione liberetur alter; ratio utique aliqua esse debet, cur unus principaliter, alter vero minus principaliter, adeoque nonnisi in subsidium obligetur. Tenendum itaque, obligationem, quæ ex facto dolo, vel culposo oritur, jam extare, antequam de communi periculo damno unius avertendo cogitari possit. Quando igitur casus emergit, quo hoc faciendum, obligatio damni communi contributione refarciendi non nascitur nisi sub hac conditione, si is, qui dolo, vel culpa sua dedit damnum, id refarcire non potuerit: neque enim propterea quod hoc facere non possit ædes suas conflagrare malunt ii, quorum ædibus periculum imminet, quam ejus avertendi causa quidpiam conferre. Immo cum omne damnum a se avertere obligentur (§. 493. part. 2. Jur. nat.); id malle debent.

§. 682.

Innoxia utilitas dicitur, quæ percipitur sine detrimento alterius, ac molestia. Et *Res innoxia utilitatis* appellatur, quæ accipienti utilis, tantem tamen non gravat, seu nullum ei detrimentum, aut molestiam affert.

Huc e. gr. refertur non prohibere aquam profluentem, pari ab igne ignem capere, consilium fidele deliberanti dare, erranti viam rectam monstrare, non perdere rem necessariam, cujus copia nobis suppetit, sed eam aliis relinquere, quibus usui esse potest, manum lapsa porrigere.

§. 683.

De rebus innoxie utilitatis alteri indulgendis.

Quod innoxie utilitatis est, alteri lubenter indulgere debemus. Quod enim innoxie utilitatis est, id accipienti quidem utile, tantem tamen non gravat, ita ut sine hujus detrimento ac molestia dare aut facere alter possit (§. 682), consequen-

sequenter eo, quod datur, dans non ipse opus habet, & ei qui facit, facere omnino vacat. Quoniam itaque homines sibi mutuo ad dandum, vel faciendum obligantur, prouti unusquisque indiget re vel opera alterius (§. 124. *part. 3. Jur. nat.*), & si qui dare debet, re ipse opus non habet (§. 127. *part. 3. Jur. nat.*), aut qui facere debet, eidem vacat (§. 129. *part. 3. Jur. nat.*); quod innoxie utilitatis est, alteri lubenter indulgere debemus.

Notandum hic est facere sub se comprehendere etiam permittere aut pati, ut aker quid faciat, veluti si permitto, aut patior, ut quis in area mea vestimentum madefactum soli exponat. Quando igitur non adsunt rationes singulares, ob quas accessus in aream meam mihi accidit molestus, vel alia in eadem peragenda minime obstant, quo minus locum concedere possim vestimento soli exponendo; indulgere alteri utique teneor, ut vestimentum madefactum in area mea soli exponat, nisi alibi eadem commoditate facere possit. Ita ignem capere de igne meo res innoxie utilitatis est, quando hoc fieri potest absque molestia mea: etsi enim nullum mihi detrimentum afferatur, si hoc fiat, molestum tamen non una de causa accidere potest, ut quis candelam accensurus ad me accedat. Hoc ubi fit, res, quæ in se spectata erat innoxie utilitatis, quatenus nullum mihi adfert detrimentum, talis esse definit (§. 682.). Quamvis enim tibi denegare non debeam, quod sine detrimento meo fieri potest, *vi præsentis*; tu tamen vicissim obligaris ad molestiam mihi non creandam (§. 723. *part. 1. Jur. nat.*). Nisi ergo extrema adsit necessitas, ut scilicet tibi aliter consulere non possis, a me petere non debes, quod cum molestia mea conjunctum est (§. 573.). Non est quod nimiam scrupulositatem in rebus exigui, vel nullius fere momenti accuses; etenim jus naturæ non distinguit inter magnum & parvum, sed eandem actionis rectitudinem semper ac ubivis requirit (§. 189. *part. 1. Phil. præct. univ.*). Quando demonstratur, quid debitum, quid licitum, quid illicitum sit; demonstratio semper proce-

procedit absque hac restrictione, nisi res fuerit exigui, aut nullius fere momenti. Ita e.gr. quando demonstratur, te alteri nullum tedium, seu molestiam nullam creare debere (§. 723. *part. 1. Jur. nat.*), haud quaquam sumitur, eam non esse debere exigui momenti, aut contemnendæ fere parvitat. Etiam alias monuimus (*not. §. 580 par. 2. Jur. nat.*), jus naturæ non attendere differentiam inter magnum & parvum, quando jubet damnum culpa datum resarcire, sed reparationem damni urgere, quaecunque & quantumcunque fuerit, & quacunque culpa fuerit datum, cujus nullos gradus admittit. Patebit quoque suo tempore in Philosophia morali, quantum interfit, ut etiam in minimis nos honestos & erga alios justos ac æquos præbeamus, quemadmodum Deus in minimis maximus.

§. 684.

*De jure in
rem innoxia
utilitatis.*

Quoniam obligamur ad lubenter indulgendum alteri, quod innoxia utilitatis est (§. 683.), ex obligatione autem passiva nascitur alteri jus ad id, ad quod alteri obligati sumus (§. 23. *part. 1. Jur. nat.*); *naturaliter homini competit jus ad res innoxie utilitatis, quæ sunt alterius.*

Ita tibi jus competit ad capiendum ignem de igne meo, nisi accessus ad eundem mihi accidat molestus. Similiter jus tibi competit a me petendi, ut viam rectam erranti tibi monstrem, aut ut tibi indigenti potius dem rem, qua uti ego non possum, aut cujus molesta mihi est asservatio, quam ut eandem corrumperem.

§. 685.

*Jus innoxia
utilitatis
quodnam sit.*

Jus, quod nobis competit ad res innoxie utilitatis, quæ sunt alterius, dicitur *Jus innoxie utilitatis.*

Ita jus capiendi ignem de igne alterius jus innoxie utilitatis est. Tale etiam est jus ad eas res, quas alter non curat, quia ipsi nulli sunt usui, quæ autem tibi usui sunt, itemque jus ad aquam profluentem, qua sitim restringere vis.

§. 686.

§. 686.

Dominia rerum introduci non potuerunt nisi salvo jure innoxie utilitatis. Etenim in communione primæva finito rei usu, quæ usu non consumitur, alius quicumque eadem licite uti potest (§. 38. *part. 2. Jur. nat.*), nec rerum, quæ usu consumuntur, major copia tibi concessa, quam quanta indiges (§. 27. 28. *part. 2. Jur. nat.*), nec etiam impedire potes, ut alii volentes participent usum rei, quem tu actu facis, si alii adhuc eundem una participare possunt (§. 40. *part. 2. Jur. nat.*). Quoniam igitur dominiorum introductione jus commune in proprium abiit (§. 118. *part. 2. Jur. nat.*), ut adeo eodem excludantur ceteri omnes, in quorum dominio res non est (§. 120. *part. 2. Jur. nat.*), naturaliter vero homo homini obligetur ad alterius commoda perinde ac sua promovenda, quantum in se est (§. 608. *part. 1. Jur. nat.*); dominia introduci non potuerunt nisi cum tacita hac exceptione, ut alteri indigenti concessus esse debeat usus rei, quam sine detrimento ac molestia domini facere potest, consequenter innoxie rei usus (§. 682.). Quamobrem cum hoc sit jus innoxie utilitatis (§. 685.); dominia rerum introduci non potuerunt nisi salvo jure innoxie utilitatis.

Introductione dominorum sublata est communio primæva (§. 111. 118. *part. 2. Jur. nat.*): quod etsi non invita lege naturæ fieri potuerit (§. 109. *part. 2. Jur. nat.*), cum tamen jus connatum sit (§. 10. *part. 2. Jur. nat.*), quale auferri homini non potest (§. 64. *part. 1. Jur. nat.*), dominia quoque introduci non potuerunt, nisi ut exercitium ejus restringeretur, quantum necesse erat, ut hoc jure, quod ultra usum necessarium rerum non extenditur (§. 21. *part. 2. Jur. nat.*), tutius & abundantius frui possent, consequenter jus istud non magis restringi potuit, quam necesse erat, ut dominia subsisterent. Quoniam itaque innoxia utilitas ex re alterius percipitur sine domini detrimento ac molestia (§. 682.), res communes ma-

(Wolffii Jur. Nat. Pars VI.)

Yyy

nere

nere debuerunt, quatenus innoxiam præbent utilitatem. Atque adeo patet domicilia rerum introduci non potuisse, nisi salvo jure innoxie utilitatis. Ceterum quod dixi, dominia rerum introducta fuisse, ut jure per naturam communi tutius & abundantius frueremur, facile intelliget, qui communionem primævam penitus inspexit. Etenim in communione primæva nemo excluditur a jure utendi re quacunque (§. 103. *part. 2. Jur. nat.*), ac nemo majorem vitæ commoditatem & jucunditatem prætere de potest altero (§. 100. *part. 2. Jur. nat.*). Vis autem omnis licita in eum, qui quocunque modo impedit usum rerum necessarium actualem, sine qua conatus irritus fieri nequit (§. 54. *part. 2. Jur. nat.*), ac ubi fecerit, eundem punire licet (§. 55. *part. 2. Jur. nat.*), jusque puniendi infinitum est (§. 56. *part. 2. Jur. nat.*). Licet etiam servare res in usum futurum, nisi alterius necessitati præsentis derogeretur (§. 93. *part. 2. Jur. nat.*). Metuenda igitur sunt continua bella (§. 1102. *part. 1. Jur. nat.*): quibus cum amplius locus non sit, si res sint in dominio (§. 118. 120. *part. 2. Jur. nat.*), dominiis introductis jure natura communi tutius frui utique datur. Præterea in communione primæva res etiam industriales & artificiales sunt communes (§. 29. *part. 2. Jur. nat.*), nec ei, cuius curæ, industriæ ac labori debentur, plus juris in easdem competit, quam alii cuicunque (§. 32. *part. 2. Jur. nat.*). Quamobrem cum singuli operam dare debeant, ne deficiat sufficiens copia rerum necessariorum, utilium & voluptuariarum, sive industrialium, sive artificialium (§. 511. *part. 1. Jur. nat.*); facile intelligitur, perpaucos fore, communionem primævam subsistente qui huic officio satisfaciant, ut adeo multiplicato genere humano valde metuendum sit, ne rerum sufficiens copia deficiat, quibus homines indigent. Unde porro intelligitur dominiis introductis jure, quod per naturam erat commune, abundantius frui posse homines. Non est, quod ea hic urgeamus, quæ quotidiana, immo momentanea experientia suggerit.

§. 687.

Jus innoxie utilitatis est jus ex communione primæva resi-
duum. Dominia enim rerum introduci non potuerunt, nisi *Jus innoxia*
 salvo jure innoxie utilitatis (§. 686.). Quamobrem cum *utilitatis*
 jus innoxie utilitatis nobis competat ad res, quæ sunt alte-
 rius (§. 685.), ex communione autem primæva residuum est
 jus, quod, postquam dominia rerum introducta sunt, nobis
 adhuc competit in eas res, quæ sunt in aliorum dominio (§.
 561.); jus innoxie utilitatis, quo nonnisi salvo dominia re-
 rum introduci potuerunt, est jus ex communione primæva
 residuum.

Jus innoxie utilitatis non ante datur, quam ubi dominia fu-
 erunt introducta. Cum enim in communione primæva unicui-
 que competat jus ad rem quamlibet, prouti usus ejusdem ipsi
 necessarius est (§. 27. 2§. part. 2. *Jur. nat.*); dominis intro-
 ductis, saltem jus est ad res innoxie utilitatis: quod tamen ne
 in nimium extendatur contra jus dominii, probe perpendenda
 sunt, quæ ad jus innoxie utilitatis requiruntur, nimirum ut u-
 tilitas percipiatur sine ullo detrimento domini, nec usus rei ipsi-
 us ullam eidem afferat molestiam (§. 682.). Quamprimum
 enim alterutrum horum obtinet, utilitas definit esse innoxia,
 consequenter nec juri innoxie utilitatis locus est.

§. 688.

Si flumina dominio subiecta sunt, nemo prohiberi potest aqua *De jure in a-*
profluente, nimirum ne bibi haurique possit. Etenim cum aqua *quam pro-*
 in flumine continuo profluat ac tandem in mare decurrat, in *fluentem*
 ejus autem locum, quæ decurrit alia continuo succedat; ni- *flumine pro-*
 hil detrimenti patitur is, cujus est flumen, si quis alius aquam *prio facto.*
 inde hauriat, vel ut bibat, vel ad usum quandam alium. Ac
 per se patet, nullam molestiam afferri ei, cujus est flumen,
 quod quis alius aquam inde hauriat. Quoniam itaque uti-

Yyy 2 litas

litas innoxia est, quæ ex re aliena percipitur sine detrimento ac molestia domini (§. 682.), adeoque & ipsa aqua in flumine profluens res innoxie utilitatis (§. cit.), naturaliter autem homini competit jus ad res innoxie utilitatis, quæ sunt alterius (§. 684.), quo nonnisi salvo dominia introduci potuerunt (§. 686.); si flumina dominio subiecta sunt, nemo prohiberi potest aqua profluente, nimirum ne bibi hauriri que possit.

Si utilitatis innoxie esse debet aqua profluens, non promiscue omnis usus ejus alii concessus intelligitur. Sane si ad hauriendum aquam per hortum alterius accedere velis; aditus non conceditur jure innoxie utilitatis, utpote domino molestus, adeoque per accidens quoque haustus aquæ tum minime concessus intelligitur. Et, si quis ex flumine aquas deducere velit, quo illud fiat deterius, id permissum non est. Innoxie vero utilitatis est usus aquæ profluentis ad aquandum, aut lavandum, adeoque prohiberi nequit.

§. 689.

*De transitu
per terras &
flumina pro-
pria conce-
dendo.*

Transitus ad causas justas per terras & flumina dominio subiecta denegari non potest, nisi merus justus damni ac sit. Etenim per se patet, per flumen navigando nullum detrimentum adferri ei, cujus est flumen, atque idem fieri absque ulla ipsius molestia, consequenter transitum per flumen in se esse innoxie utilitatis (§. 682.). Quodsi transitus fiat ob justas causas, nihil a transeunte intenditur, quod officiis erga se vel alios repugnet, aut juri alicujus contrarietur: id enim per causas justas indigitamus. Quamobrem nec metuetur, ut concedendo transitum concurras ad actum illicitum. Quoniam itaque naturaliter nobis competit jus ad res innoxie utilitatis, quæ sunt alterius (§. 684.), nec dominia introduci potuerunt, nisi hoc jure salvo (§. 686.) transitus.

situs ad causas justas per flumina dominio subjecta denegari non potest. *Quod erat primum.*

Cum transitus per terras dominio subjectas sine ullo detrimento fiat, nec ulla ii, quorum in dominio sunt terræ molestia afficiuntur, si quis via ordinaria incedat, aut vehatur; idem quoque ad res innoxie utilitatis pertinet (§. 682.). Cumque fiat ad causas justas, *per hypoth.* denuo metuendum non est, ne ad actum illicitum concurras. Patet igitur ut ante, transitum quoque ad causas justas per terras dominio subjectas denegari nemini posse. *Quod erat secundum.*

Enimvero quam primum non vanus est metus fore, ut transitus iis, in quorum dominio sunt terræ vel flumina, sit damnosus, adeoque multo magis, si certum periculum illis inde imminet; transitus ille non amplius erit ad res innoxie utilitatis referendus (§. 682.). Cumque damnum quodvis a nobis avertere debeamus (§. 493. *part. 2. Jur. nat.*); nobis quoque jus est denegandi transitum per terras nostras ac flumina nostra (§. 159. *part. 1. Phil. pract. univ.*). Quamobrem aliis transitum ad justas causas per terras & flumina nostra concedere non tenemur, nisi quando justus damni metus abest. *Quod erat tertium.*

In concedendo transitu per terras ac flumina nostra duo considerata sunt, nimirum primo an nobis sit innocuus, deinde secundo an petatur ob causas justas. Prima inquisitione opus est, ut constet, num transitus pertineat ad jus innoxie utilitatis: alterum vero requiritur, ne tibi imputari possit factum akerius, quod cum in pedire posses, impedire noluisti (§. 678. *part. 1. Phil. pract. univ.*). Quoniam lex naturæ nobis non dat jus nisi ad ea, sine quibus obligationi naturali satisfieri nequit (§. 159. *part. 1. Phil. pract. univ.*); ideo nec dat jus ad

transitum innocuum per alienas terras ac flumina nisi ob causas justas, consequenter nec is concedendus nisi in eo casu. *Grattus* de J. B. & P. lib. 2. c. 2. §. 13. huc refert, si finibus suis expulsi quaerunt terras vacuas, aut si qui commercium experunt cum seposita gente. Huc etiam refert, si qui quod suum est justo bello petunt. Sed de eo rectius agetur, quando de Jure Gentium agemus: ubi etiam accuratius discutienda erunt, quæ ad transitum ob commercium cum seposita gente concedendum spectant. Hic exempli loco esse potest, si quis valitudinis recuperandæ, vel studiorum gratia, aut sui perficiendi causa in alienas regiones excursurus transitu per terras nostras vel flumina opus haber: tum enim alterum adjuvare debemus, ut finem intentum consequatur, quantum in nobis est (§. 637. 643. *part. 1. Jur. nat.*). Quoniam inquirendum est in causas transitus alteri per terras ac flumina nostra concedendus; causæ istæ connexæ esse possunt cum officio transeunti debito veluti in exemplo, quod modo dedimus, atque tunc obligatione concedendi transitus efficitur major, & rationes particulares ab officio erga transeuntem naturali petendo demonstratio efficitur evidentior, ac in consensu extorquendo fortior. Constat olim Sineses aditum in terras suas denegasse omnibus exteris, ita ut pœna capitali afficeretur, si quis intra fines eorum deprehenderetur. Videtur hoc repugnare juri, quod hactenus stabilivimus. Nec forsitan deerunt, qui mirabuntur, cur tam severe prohibuerint accessum peregrinorum ad terras suas Sineses, qui tamen præ aliis gentibus omnem moverunt lapidem, ut virtutum studio ac prudentia civili eminerent. Enimvero si rationes penitus inspiciamus, ob quas peregrinis aditum ad terras suas denegarunt; in propatulo est, eam non sine ratione ipsis visum fuisse damnosum, ut adeo citra injuriam exteris promiscue denegari potuerit. Sed cum illas penitus inspicere non liceat, nisi jure civitatis cognito atque perspecto, eas alio loco rectius discutere dabitur.

§. 690.

De transitu

Quoniam homines sibi mutuo ad dandum obligantur,
pro-

prouti unusquisque indiget re alterius (§. 124. part. 3. *Jur. mercibus nat.*), adeoque commercia colere cum gente seposita illicitum non est (§. 170. part. 1. *Jur. nat.*), consequenter hoc ad causas justas referri debet, transitus autem ad causas justas per terras & flumina dominio subjecta denegari non potest, nisi metus justus damni adsit (§. 689.); ideo etiam *mercibus concedendus est transitus per terras ac flumina dominio subjecta, nisi metus justus damni adsit.*

Quando metus justus damni adsit, ut mercibus transitus propterea denegari possit, suo loco disertius docebitur, quando de commercis ex instituto agetur in Jure Gentium.

§. 691.

Si in refectionem viarum, pontium & fluviorum ac secarum De eo; satem transeuntibus præstandam impensa faciendæ; illi, quorum quod contra mercibus transitus conceditur, ad eas aliquid contribuere debent. buendum
Nemo alteri gratis præstare tenetur, qui vicissim quid præ-*ob transitum* stare potest (§. 268. part. 4. *Jur. nat.*). Quamobrem illi, *mercibus* quorum sunt terræ ac fluvii, in gratiam eorum, quorum mercibus conceditur transitus, vias, pontes ac fluvios reficere *concessum.* gratis non tenentur, ut commodus ac securus sit transitus, nec ea impendere, quæ præterea ad securitatem transeuntibus præstandam impendenda sunt. Illi igitur, quorum mercibus transitus conceditur, ad impensas aliquid contribuere debent, quæ in refectionem viarum, pontium & fluviorum ac securitatem transeuntibus præstandam faciendæ sunt.

Ex hoc principio suo loco deducetur vectigal pro transitu mercium licite exigendum: quod quantum esse debeat, ne sit injustum, suo loco disquiremus.

§. 692.

§. 692.

De jure morandi in terris dominio subjectis.

In terris dominio subjectis ob justas causas aliquantisper commorari licet. Etenim si quis justas ob causas commoretur in terris dominio subjectis, cum nil faciat, nisi quod citra violationem juris eorum, quorum sunt terræ fieri potest, & quod officii erga se ac alios convenit, quodque adeo pro virili promovere illi ipsi tenentur, quorum sunt terræ (§. 608. *part. 1. Jur. nat.*); nullum detrimentum ac molestiam hisce affert, consequenter ibidem morari innoxie utilitatis est (§. 682). Quamobrem cum dominia rerum introduci non potuerint nisi salvo jure innoxie utilitatis (§. 686.), unicuique naturaliter competente (§. 684. 685.); quin in terris dominio subjectis ob justas causas aliquantisper commorari liceat, dubitandum non est.

Quamdiu commorari liceat, ex ipsa causa, ob quam ibidem moramur, definiendum: neque enim idem temporis spatium una quæque causa exigit. E. gr. Quilibet operam dare teneatur, ut sanitati restituatur, quando morbo laborat (§. 413. *part. 1. Jur. nat.*), immo si quid ad hoc conferre poterimus, id alteri denegare non licet (§. 758. *part. 1. Jur. nat.*). Valerudinis ergo causa morari in terris dominio subjectis justa causa est, nec id alteri denegari potest. Patet autem tamdiu morari licere, donec sanitas fuerit restituta. Nec minus patet, nullum afferri iis, quorum sunt terræ, detrimentum, nec molestiam ullam, quod quis in hisce valerudinis suæ causa moretur. Huc etiam referri debet, quod liceat studiorum causa in terris aliorum commorari, ac tamdiu id licere intelligitur, quamdiu quis ibidem studiis literariis operam navare voluerit. Et prætervehentibus ac prætereuntibus cum jus transitus sit concedendum, iisdem quoque morari licet quietis commodæ capiendæ causa.

§. 693.

De perpetua

Qui sedibus suis expulsi receptum querant, iis perpetua habitatio.

habitatio in terris dominio subiectis denegari nequit, nisi obstant rationes singulares. Nemo enim hominum habet jus seipsum sedibus ex-
vita privandi (§. 353. part. 1. Jur. nat.): quamdiu vero vi-
vit, necesse est alicubi terrarum habitet. Quoniam vero
introductione dominiorum nemini penitus auferri potuit u-
sus rerum necessarius (§. 562.); nec terræ ita dominio sub-
jici potuerunt, ut alicui nullibi perpetua habitatio concedatur.
Et cum dominia introducta intelligantur cum tacita hac restri-
ctione, ut, si in casu emergente contingat alicui penitus aufer-
ri rerum necessarium usum, eidem jus aliquod competat in
eas res, quæ sunt in dominio (§. 563.); nec terræ dominio
subjici potuerunt nisi cum tacita hac restrictione, ut, si quis
sedibus suis expulsus receptum quærat, ei competat jus do-
micilium sibi constituendi in terris dominio subiectis. Quam-
obrem eidem habitatio perpetua in iisdem denegari non pot-
est. *Quod erat unum.*

Enimvero si obstant rationes singulares, cur in his ter-
ris habitatio perpetua eidem concedi nequeat; tum perinde est
ac si quis in communione primæva rem apprehendit ac apprehen-
sa actu utitur. Quoniam itaque tamdiu nemo usum rei lici-
te prætendit, qua alter actu utitur (§. 35. part. 2. Jur. nat.); ita
etiam nemo qui receptum quærit prætereundum potest, ut habi-
tatio perpetua ipsi concedatur ibidem locorum, ubi cur con-
cedi non possit rationes singulares prostant. *Quod erat alterum.*

Ponamus e. gr. terram, in qua receptum quærunť sedibus su-
is expulsi, vix alere posse incolas suos. Cum tunc perinde
sit, ac si quis re sua ipsemet indigeat, qua indiget alter, ne-
mo vero alteri dare teneatur id, quo ipse indiget (§. 127.
part. 3. Jur. nat.); habitationem quoque fixam concedere mi-
nime tenemur iis, qui receptum quærunť, quando terra vix a-
lere potest incolas suos. Possunt alix quoque dari rationes,
ob quas habitationem fixam denegare licet receptum quæren-
(*Wolffii Jur. Nat. Pars VI.*) Zzz tibus

tribus, etsi iisdem jus competat domicilium sibi constituendi in aliqua terra dominio non vacua. Quoniam vero eadem a jure civitatis pendent, de iis rectius dicitur alibi.

§. 694.

*De jure res
sibi in aliis
terrīs com-
parandi.*

In terris dominio aliorum subjectis permittendum est aliis, ut æquo pretio sibi comparent res, quibus illi, quorum sunt terra, non indigent. Postquam enim dominia rerum introducta sunt, homines naturaliter obligantur ad res sibi invicem pro æquo pretio communicandas (§. 322. *part. 4. Jur. nat.*), & unicuique competit jus res sibi alio comparandi (§. 126. *part. 3. Jur. nat.*), siquidem ipse iisdem non æque indigeat (§. 128. *part. 3. Jur. nat.*). In communione primæva cui-libet excurrere licebat in regionem quamcunque, ut inde peteret res, quarum usus sibi ac ceteris, qui una cum ipso in eadem terra habitabant, necessarius videbatur (§. 94. 43. *part. 2. Jur. nat.*). Quoniam itaque communio primæva tanquam jus connatum (§. 10. *part. 2. Jur. nat.*), quod homini auferri nequit (§. 64. *part. 1. Jur. nat.*), introductione dominiorum restringi non potuit ultra id, quod necesse erat, ut dominia subsisterent; postquam hæc introducta sunt in terris dominio aliorum subjectis unicuique adhuc licet sibi æquo pretio comparare res, quibus incolæ non ipsimet indigent, adeoque ab his hoc permittendum (§. 910. *part. 1. Jur. nat.*).

Nonnulli jus hoc ad res in alieno territorio æquo pretio sibi comparandas restringunt ad res saltem necessarias: *Grotius* l. 2. c. 2. §. 18. extendit usque ad utiles. Enimvero cum homini jus sit ad omnia, quæ ad vitæ commoditatem ac jucunditatem faciunt & ad actus omnes huc requisitos (§. 468. 482. *part. 1. Jur. nat.*); nulla sane ratio est, cur jus istud ad certas quasdam res restringere velimus, præsertim cum dominia non alio

alio sine introduci potuerint, quam ut exercitium juris communis ab omni incommodo liberaretur, quod alias stante communione post se trahit, quemadmodum jam antea monuimus (not. §. 686.). Immo cum maxime innocua sit utilitas rem sibi æquo pretio comparare ab alio, qua ipse non indiget (§. 682.), dominia vero introduci non potuerint nisi salvo jure innoxie utilitatis (§. 686.); quin dominio subiectis terris saluum manserit jus res sibi ab incolis æquo pretio comparandi, quibus ipsimet non indigent, tanto minus dubitandum.

§. 695.

Introductis dominiis unicuique liberum est, utrum res quasdam ab alio sibi comparare velit, nec ne, pro æquo pretio. In res sibi ab communione primæva uniuscujusque judicio relinquendum; alio comparandi. in quantum usus rerum sit ipsi necessarius, & quanta sit indigentia ipsius (§. 43. part. 2. Jur. nat.), ac quilibet rebus uti potest, quibus uti voluerit (§. 44. part. 2. Jur. nat.). Quoniam itaque dominiis introductis jus istud rebus, quibus quis indigere sibi videtur, transit in jus res ab alio, quibus ipse non indiget, sibi comparandi pro æquo pretio (§. 126. part. 2. & §. 322. part. 4. Jur. nat.); uniuscujusque etiam judicio relictum esse debet, utrum res quasdam, nec ne, pro æquo pretio sibi ab alio comparare velit, adeoque liberum ipsi est utrum velit, nec ne.

Pendet hoc a libertate naturali, vi cujus unicuique permittendum, ut in determinandis actionibus suis suum sequatur judicium, quamdiu contra jus alterius nil quicquam facit (§. 156. part. 2. Jur. nat.). Unde etiam libertas rem quandam pro æquo pretio sibi ab alio comparandi immediate inferri poterat.

§. 696.

Quoniam introductis dominiis unicuique liberum est, utrum res quasdam ab alio sibi comparare velit, nec ne, pro alteri vendendo.

æquo pretio (§. 695.), rem autem ab alio emit, qui pro æquo pretio eandem sibi ab eo comparat (§. 937. *part. 4. Jur. nat.*); *unicuique liberum est, utrum rem quandam, quam alius eidem vendere vult, ab eo emere velit, nec ne, consequenter nemini competit jus ad rem alteri invito vendendam.*

Magna adeo differentia intercedit inter jus rem, qua indigemus, alter vero non indiget, ab eodem emendi, & inter jus rem, qua ipsimet non indigemus, alteri vendendi.

*Idem porro
expenditur.*

§. 697.

Quia unicuique liberum est, utrum rem, quam alter vendere vult, emere velit, nec ne, ac nemini competit jus ad rem alteri invito vendendam (§. 696.); *nemini quoque competit jus ad res suas in terris dominio subjæctis, invito is, quorum sunt terra, vendendas, consequenter si hi permittere nolint, ut vendantur, venditionem prohibere licet.*

Principiis hisce utemur suo loco, quando jus commerciorum demonstrabimus aliaque ad jus civitatis pertinentia.

§. 698.

Qualia sunt jura morandi, domicilium sibi constituendi & res sibi pro æquo pretio comparandi in terris dominio subjæctis est jus ex communione, habitandæ primæve residuum. Etenim in communione primæva homines sibi mini morari ac habitare licet ubivis terrarum, ubi libuerit *comparandi* & quamdiu libuerit (§. 66. *part. 2. Jur. nat.*), & si quis in *in terris do-* iis locis, ad quæ accedit, videt ædes a nemine inhabitatas, *minio sub-* aut quæ plures habitatores recipere possunt, in iis habitandi jus habet, quamdiu ipsi opus visumque fuerit (§. 67. *part. 2. Jur. nat.*). Licet etiam excurrere in regionem quamcunque, ut inde petantur res, quarum usus sibi necessarius (§. 94. *part. 2. Jur. nat.*). Quamobrem cum hæc jura dominiorum introductione, consequenter terras dominio subjiciendo aboleri

oleri non potuerint, sed in terris etiam dominio subjectis ob justam causam morari aliquantisper (§. 692.), immo perpetuo ibidem habitare (§. 693.), ac præterea æquo pretio res, quibus incolæ non indigent, sibi comparare liceat (§. 694.); jus morandi, domicilium sibi constituendi & res sibi pro æquo pretio comparandi in terris dominio subjectis tacite reservatum fuit, quando dominia fuerunt introducta. Quoniam vero jus, quod nobis adhuc competit in eas res, quæ sunt in aliorum dominio, postquam dominia introducta sunt, est jure ex communione primæva residuum (§. 561.); jus morandi, domicilium sibi constituendi & res sibi pro æquo pretio comparandi in terris dominio subjectis est jus ex communione primæva residuum.

Jura ex communione primæva residua non ejusdem prorsus sunt generis. Alia enim manserunt, qualia in communione primæva obtinuerunt, alia immutata fuerunt, in quantum opus fuit, ut cum dominiis subsistere possent. Quamobrem jura quoque ista non semper eodem prorsus modo exerceri possunt, quo in communione primæva ea exercere datur; sed ea otius cautione, ne dominium violetur (§. 910. pars. 1. Jur. nat.). Introductis quoque imperiis publicis, in istorum juri-um exercitio semper attendendum, ne quid committatur, quod imperio adversatur (§. cit.), quippe quod eadem quoque alterat, quemadmodum suo loco videbimus.

§. 699.

In transitu per terras peregrini commodè quietis causa in do- Quid im-
mum recipiendi, ubi commodè recipi possunt, cibisque ac potus sa- transitu de-
lubris una cum operis, quibus indigent, pro æquo pretio præ- transitu de-
stari debet. Etenim qui per terras dominio subjectas trans- grinis.
grediuntur, iis competit jus aliquantisper ob causas justas ibidem
morandi (§. 692.) & iis permittendum est, ut æquo pretio

sibi comparent res, quibus indigent; illi autem, quorum sunt terræ, non ipsi met opus habent (§. 694.), consequenter etiam operas, quæ dominiis introductis rebus æquiparantur, quæ sunt in dominio (§. 437. *part. 2. Jur. nat.*), ut perinde ad operas sibi invicem communicandas obligentur homines, quemadmodum ad dominia rerum transferenda (§. 123. *part. 3. Jur. nat.*), prouti unusquisque indiget opera alterius (§. 124. *part. 3. Jur. nat.*). Quoniam igitur iusta morandi causa est, si quis commodæ quietis ac cibi & potus capiendi causa alicubi moretur, ut vero morari possit in domum aliquam recipiendus, ubi commodè recipi potest; quin in transitu per terras peregrini commodæ quietis causa in domum sint recipiendi, ubi commodè recipi possunt, cibusque ac potus salubris una cum operis, quibus indigent, pro æquo pretio iisdem præstari debeat, dubitandum non est.

Hactenus jus ex communione primæva residuum tantummodo consideravimus, quatenus a dominio pender, & nondum supposuimus homines in populos consociatos imperia civilia introduxisse. Dominium enim per se ab imperio independens est & ejus tuendi gratia imperium demum introductum. Quemadmodum itaque primo loco ostendimus, quale jus ad res ab aliis nobis præstandas natura competat, ac inde deduximus, cur dominia fuerint introducenda & in quantum per ea jus commune fuerit sublatum; ita quoque porro ostendendum erat, quale jus ex communione primæva saluum esse debuerit, cum dominia introducerentur, ne ea in præjudicium alicujus extenderentur, quam demonstraremus, quomodo idem jus introductione imperiorum fuerit alteratum, quidque adeo conveniat statui civili. Neque enim alias jura ista, qualia vigent in statu civili, intime perspicere datur.

CAPVT V.

De officiis erga mortuos & jure
sepulturæ.

§. 700.

Quamprimum homo moritur, jus omne amittit, ac omnis e-
jus obligatio cessat. *Effectus mortis quo-
ad jus & obli-
gationes.* Quamprimum enim homo mo-
ritur, omni potentia agendi privatur, seu agere am-
plius nequit. Quamobrem cum jus sit facultas seu potentia
agendi moralis (§. 156. part. 1. Phil. pract. univ.), obligatio
necessitas agendi vel non agendi moralis (§. 118. part. 1. Phil.
pract. univ.), consequenter etiam sub se comprehendit, omis-
sionem actionis physice possibilis, cum ad impossibile nulla
detur obligatio (§. 209. part. 1. Phil. pract. univ.); quamprimum
homo moritur, jus nullum, nec obligatio ulla in ipso tan-
quam subiecto subsistere potest, adeoque jus omne amittit,
ac omnis ejus obligatio cessat.

Jura & obligationes hominum sunt, quos ex corpore & a-
nima constare novimus. Homo quando moritur, homo esse
definit, cessante quippe commercio, quod inter animam &
corpus intercedit. Ergo nec amplius ullum esse potest ipsius
jus, nec ulla in ipsum cadit obligatio. Quamvis vero certum
sit, animam cum corpore non interire (§. 730. Psych. rat.),
consequenter nec vim activam, quæ ipsi essentialis est (§. 66.
Psych. rat.), per mortem tolli; qualis tamen sit ejus postmorte
status, nemo hætenus ex principiis rationis demonstrare
potuit. Quando igitur in Jure naturæ demonstratur, quæ-
nam homini competant jura, quænam in ipsum cadant obliga-
tiones, nonnisi de jure ac obligatione sermo est, cui in hac vi-
ta locus est, in qua actiones corporis sunt dependentes a vo-
luntate animæ. Ceterum in propositione præsentè omne jus
intel-

intelligitur, siue fuerit connatum, siue acquisitum, quemadmodum etiam omnis obligatio, siue connata fuerit, siue contracta. Absit tamen ut hinc inferas, quod jus amissum extinguatur, ac cessante obligatione tollatur omne jus, quod ex ea alteri oritur. Contrarium enim patebit per ea, quæ mox demonstrabuntur.

§. 701.

An dominium a moriente amittatur.

Quoniam homo amittit omne jus, quamprimum moritur (§. 700), dominium vero, quod in rebus suis habet, jus est (§. 118. part. 2. Jur. nat.); quamprimum moritur, dominium quoque amittit, quod habuit in rebus, consequenter res omnes, quæ erant ipsius, ejusdem esse desinunt, ac jus omne aliud in re, quod ipsi competebat.

Quantæcunque igitur fuerint ipsius opes, cum viveret, post mortem tamen nihil amplius habet, atque adeo inter ditissimum ac pauperrimum post mortem nulla amplius differentia est. Et si vel maximeingas, quod tamen fingi non potest, cum mortuus dominii capax non sit, mortuum adhuc esse rerum suarum dominum, res tamen, quibus abundat, nulli prorsus eidem usui erunt, nec ab ipso possideri possunt, quemadmodum mox patebit.

§. 702.

De possessione per mortem amissa.

Quamprimum homo moritur, possessionem omnium rerum suarum amittit. Quando enim homo moritur, non amplius physice possibile est, ut dominium siue per se, siue per alium exerceat, cum de re non amplius disponere possit ullo modo pro arbitrio suo, quemadmodum ad dominii exercitium requiritur (§. 118. part. 2. Jur. nat.). Quoniam itaque deficit potentia proxima ad eos actus, in quibus dominii exercitium consistit, sine ista autem possessio retineri non potest (§. 742. part. 2. Jur. nat.); quamprimum homo moritur, possessionem omnium rerum suarum amittit.

Esti

Et si fingas, quod tamen nullo modo probari potest; hominem morientem habere animum rem sibi adhuc habendi, eundemque post mortem retinere; cum tamen voluntatis suæ nullam amplius significationem edere possit, adeoque nec exercere dominium per alium, solo autem animo possidendi possessio non retineatur (§. 742. part. 2. *Jur. nat.*); ideo necesse est possessionem amitti. Quod hic ex ipsa notione possessionis demonstratur, quemadmodum in *Jure naturæ* fieri debet (§. 2. part. 1. *Jur. nat.*); a posteriori abunde constar, ut nemo sit, qui de eo dubitet.

§. 703.

Quando homo moritur, jus possidendi omne amittit. Amit- *De jure pos-*
tit enim dominium, quod habuit in rebus suis, quamprimum moritur (§. 701.), adeoque dominus esse desinit (§. 121. *mortem a-*
part. 2. Jur. nat.). Quamobrem cum jus possidendi non com- *missio.*
petat nisi domino (§. 157. part. 2. *Jur. nat.*), adeoque cum dominio amittatur; quando homo moritur, jus possidendi omne amittit.

Quod possessionem amittat mortuus, facile patet a posteriori: non vero æque obvium est, quod jus possidendi amittat, cum possessio possit amitti, salvo hoc jure. Quamobrem superfluum videri non debet, quod hic demonstratur, jus possidendi a mortuo amitti, ut pateat, possessionem bonorum defuncti non contrariari juri ipsius, etiamsi ipse non disposuerit de translatione domini sui in eventum mortis: de qua dispositione suo loco agemus.

§. 704.

Quamprimum homo moritur, amittit omne jus ad rem, seu De jure ad
ad id, ad quod faciendum vel dandum aliis ipsi obligantur, nec ipse rem & obli-
amplius ad quod præstandum aliis obligatur Etenim quamprimum moritur, jus omne amittit, qualecunque tandem qua istud
(*Wolffii Jur. Nat. Pars VI.*) A a aa illud oritur.

illud fuerit (§. 700). Quamobrem cum jus ad rem sit jus quoddam, utpote certa juris species (§. 781. *part. 3. Jur. nat.*); quamprimum homo moritur, jus quoque omne ad rem, seu ad id, ad quod dandum, vel faciendum alii ipsi obligantur, amittit. *Quod erat unum.*

Similiter quando quis moritur, omnis ejus cessat obligatio (§. 700.). Quoniam itaque obligatio ista, qua quis tenetur alteri ad aliquid præstandum, est obligatio; hæc quoque cessare debet, consequenter nec homo mortuus amplius ad quid præstandum aliis obligatur. *Quod erat alterum.*

Monuimus jam ante (*not. §. 700.*), ex eo, quod jus amittatur, inferri non posse, quod idem extinguatur, nec ex eo, quod obligatio cesset, inferri posse, quod omne jus ejus tollatur, quod ex ista obligatione alteri oritur. Quamobrem etsi mortuus amittat jus ad rem; non tamen propterea idem extinguitur, nec alii ab obligatione sua, ex qua oritur, liberantur. Et quamvis mortuus ad quid præstandum aliis non amplius obligetur, non tamen propterea extinguitur jus illorum, quibus quid præstandum. Nimirum jus, quod mortuus amittit, transire potest in alium, in quo tanquam in subiecto subsistat, & similiter obligatio, quam amittit mortuus, transire potest in aliud subiectum, cui inhæreat.

§. 705.

De translatione domini & juris in alium in eventum mortis.

Homo non modo dominium rei suæ, verum etiam jus quodcumque aliud in re, vel ad rem in eventum mortis in alium transferre potest, nisi personale fuerit. Etenim dominus dominium & jus quodcumque aliud suum in alterum transferre potest, quomodo seu quacunque lege voluerit (§. 111. *part. 3. Jur. nat.*). Quamobrem etiam non modo dominium rei suæ, verum etiam jus quodcumque aliud in re, vel ad rem in eventum mortis in alium transferre potest. Enimvero si jus

si jus personale fuerit, morte ejus expirat (§. 542. *part. 3. Jur. nat.*), consequenter in nullum alium in eventum mortis transferre potest, qui eodem fruitur. Homo itaque & dominium rei suæ, & jus quodcunque aliud in re, vel ad rem in eventum mortis in alium transferre potest, nisi personale fuerit.

Ita in eventum mortis in te transferre possum dominium prædii mei, ut scilicet tu ejus fias dominus, quamprimum me mori contingat. Aft usufructus tibi ad dies vitæ in re mea concessus jus personale est (§. 1420. *part. 5. Jur. nat.*). Eundem itaque in eventum mortis in alium transferre nequis. Similiter si tibi promisi quotannis centum, quamdiu in Academia vixeris, & determinate quidem in annos quinque, quos in academia consumere debes, tu vero anno primo moreris; jus ad centum thaleros quotannis percipiendum pro residuo tempore non potes transferre in alium, nec valet pactum, quo convenitur, ut, si ante elapsum quinquennium te mori contingat, pro tempore residuo alius percipiat, quod a te adhuc percipi poterat, nisi mortuus fuisses.

§. 706.

Jus transmissibile appellamus, quod amissum ab eo, qui *De Jure* habuit, in alium abit: *non transmissibile* vero, quod a-*transmissum* ab eo, qui habuit, in alium abire nequit. Quando *bili & non* itaque contigit, eum mori, qui jus habuit, in casu priori *transmissi-* *jus morte ejus in alium transmitti* dicitur: immo dicimus et- *bili.* *iam, morientem jus suum transmittere in alium.*

Nimirum jus non modo amitti potest morte, sed aliis etiam de causis, veluti si quis jure suo se abdicat, quod transmissibile est in alium: quale quid obtinet in regnis successoriis usufructuariis, de quibus suo loco.

§. 707.

Quoniam jus personale ita ad personam, cui competit, *An jus per-*
Aa aa 2 *restrin-*

sonale sit transmissibile. restringitur, ut ab ea in aliam transferri nequeat (§. 539. *part. 3. Jur. nat.*), adeoque morte ejus extinguatur (§. 542. *part. 3. Jur. nat.*); id quoque ab eo, qui habet, in alium abire nequit, consequenter cum jus transmissibile non sit, quod amissum ab eo, qui habuit, in alium abit (§. 706.), *jus personale morte sua in alium transmitti non potest.*

Non est, quod dicas, posse usufructum in aliquo prædio tibi ac liberis tuis constitui, ita ut, te mortuo, vel jus tuum abdicante, usufructus competat liberis tuis, consequenter tum jus tuum, quod amittis, & quod personale fuerat (§. 1420. *part. 5. Jur. nat.*), abire in liberos tuos, consequenter in hos transmitti (§. 706.). Etenim tum jus personale constitutum est pro pluribus personis, qui certo ordine eodem frui debent, adeoque personale jus est respectu omnium istarum personarum, quæ suo ordine in id succedere debent, consequenter tum omnes istæ personæ simul sumptæ considerantur tanquam una persona moralis, & quod de jure personali demonstratur, de personis omnibus simul sumtis intelligendum. Non igitur jus personale ab una persona transmittitur in alteram, quatenus personale est; sed quia successive hoc jure frui debent personæ plures diversæ certo ordine sibi invicem succedentes. Transmittitur adeo ab una persona in aliam, quatenus pro pluribus personis sub certa transmissionis lege constitutum, consequenter tanquam jus successive pluribus personis debitum. Neque enim repugnat, ut jus personale, quod tibi confertur, quando a te amittitur, conferatur personæ alii. Et quemadmodum hoc fieri potest, quando a te fuit amissum, ita etiam quando tibi confertur, aliis quoque conferri potest sub ea conditione, quando a te amissum fuerit. Certum tamen semper manet, jus personale non egredi personam ejus, pro quo constitutum, consequenter cum ipsa persona extingui, in adeo, si pro pluribus personis successive fuerit constitutum, id omnibus mortuis extinguatur, nec in aliam quandam transmittatur.

§. 708.

Si quis dominium rei suæ, aut jus quoddam aliud in re, vel ad rem in alium transfudit in eventum mortis; jus in alterum mortis suæ transmittit. Etenim quando quis moritur, cum dominium & jus quodcunque aliud in re (§. 701.), tum etiam jus quodcunque ad rem amittit (§. 704). Quoniam tamen dominium, ut jus aliud in re, vel etiam ad rem in eventum mortis transfudit in alium *per hypoth.* cum hoc facere potuerit (§. 705.), quamprimum moritur, jus istud in eum abit, in quem in eventum mortis fuit translatum. Quamobrem cum jus morte in alium transmittatur, quando ab eo, qui habuit, amissum in alium abit (§. 706.); si quis dominium rei suæ, aut jus quoddam aliud in re, vel ad rem in alium transfudit in eventum mortis, jus in alterum morte sua transmittit.

Si quis dominium transfert in eventum mortis, is non ante vult eum fieri dominum, nisi quando fuerit mortuus, atque adeo dominium in eum actu transire nequit, nisi post mortem illius. Quando transferens moritur, dominium amittit: quoniam vero in alterum transire debet, voluntate ejus, qui antea habuerat, in eundem statim abit. Atque hoc modo morte transferentis transmittitur in ipsum. Idem eodem modo intelligitur de jure quocunque alio in eventum mortis translato in alium. Quodsi alicui usufructus constituatur in eventum mortis; tunc morte constituentis transmittitur jus, quod personale esse incipit in eo, in quem transmittitur, non vero personale fuerat in constituente. Absit itaque, ut existimes, in hoc casu jus personale in alium transmitti. Aliud enim est transmittere jus, quod personale erat; aliud vero quod personale evadit, dum transmittitur.

§. 709.

Quoniam dominium, aut jus aliud in re vel ad rem morte sua transmittit in alium, qui in eventum mortis id in a moriente
 Aa aa 3 ipsum amissum

non extinguatur. ipsum transtulit (§. 708.), dum autem moritur, ipse jus istud amittit (§. 701. 704.); *si quis dominium, aut jus aliud in re, vel ad rem in eventum mortis in alium transfert, quando moritur, jus, quod amittit, non extinguitur.*

Patet adeo, ex eo, quod moriens amittat jus omne, minime inferri posse, quod idem extinguatur, cum transmissibile ubi fuerit; ab eo amissum adhuc superfit & in alio subjecto subsistat.

§. 710.

De trans- In genere jus post mortem ejus, cujus fuerat, alteri debitum
missione ju- morte ipsius in eum transmittitur, cui debetur. Ostenditur eo-
ris alteri dem prorsus modo, quo antea demonstravimus, jus in eum
a morte tua transmittit ab illo, qui jus in eventum mortis in eum transtulit.
debiti.

Jura defuncti deberi etiam posse aliis, etiamsi in eventum mortis expressa illius voluntate non fuerint translata, patebit suo loco,

§. 711.

Quod a se Quoniam in genere jus post mortem ejus, cujus fuerat,
amissum alteri debitum, morte ipsius in eum transmittitur, cui debe-
non extin- tur (§. 710), amittitur autem ab eo, qui moritur (§. 701.
guatur. 704.); ideo patet, *jus a morte tua alteri debitum, dum a te amittitur, non extinguui.*

Unde denuo patet, ex eo, quod moriens jus omne amittat, inferri minime posse, quod extinguatur.

§. 712.

De jure ad Si defunctus tibi obligatus erat ad aliquid dandum; tibi com-
bona defun- petit jus ad res ab ipso relictas, ut ex eis consequaris, quantum ti-
cti. bi debetur. Etenim si quis tibi obligetur ad aliquid dandum, ejus obligatio, quamprimum moritur, cessat (§. 701.), ut
adeo

adeo ab eo consequi non possis, quod tibi debetur. Enimvero si quod tibi debetur a debitore tuo consequi non possis, loco ejus eidem auferre licet ex rebus ipsius rem aliam, quæ tantundem valet (§. 1112. *part. 3. Jur. nat.*), consequenter tibi competit jus ad res debitoris tui, ut inde consequaris, quantum tibi debetur. Quamobrem si defunctus tibi obligatus fuerat ad aliquid dandum, tibi competit jus ad res ab ipso relictas, ut ex iis consequaris, quantum tibi debetur.

Homo mortuus non est subiectum dominii & obligationum capax. Quemadmodum dominium exercere nequit; ita nec alteri quicquam præstare potest. Quamvis autem homo mortuus solvere non possit, quod vivus debebat, nec opus sit, ut solutione liberetur, quem mors ab obligatione sua liberavit, non tamen propterea quod sibi debetur amittit creditor, cum expleione juris consequi possit, quod suum fieri debebat. Naturaliter habet jus ad eas res, quæ sunt in dominio debitoris creditor, quia expletio juris naturaliter licita (§. 1114. *part. 5. Jur. nat.*). Licet adeo mortuus dominium amiserit, non tamen ideo extinctum est jus creditoris ad res ab eo relictas, quod quidem rebus non inhæret, quemadmodum jus in re, iisdem tamen adhæret, quatenus earum pretium impendi potest in debitum extinguendum.

§. 713.

Quoniam si defunctus tibi obligatus erat ad aliquid *Quando* dandum, tibi competit jus ad res ab ipso relictas, ut ex iis *morte debi-* consequaris, quantum tibi debetur (§. 712.); *si defunctus toris debi-* res nullas relinquit, aut res ab eo relictæ tantundem non valent, tum *tolla-* quantum tibi debetur, debitum extinguitur, seu interit, siue *tur.* totum, siue pars ejus, & tu jus tuum amittis, ad id scilicet, quod debebatur, vel tuum fieri debebat.

Obligationem debitoris mors perimit (§. 701.), sed salvo
tuo

tuo jure ad res, quæ erant in dominio defuncti (§. 712.), ut pote quibus id inseparabiliter adhæret, sine iis autem per se subsistere nequit. Quodsi adeo res nullæ adsint, quibus adhæreere debebat, nec ipsum subsistere potest, consequenter nec mortui obligatio eodem salvo tolli potuit. Cum ea igitur una perimitur jus tuum ad res defuncti. Et quia id, quod tibi debetur, non nisi beneficio hujus juris consequi potes; cum eodem una interit jus tuum ad id, quod debebatur, vel tuum fieri debebat. Quamdiu homo vivit, etsi solvendo non sit, obligatio tamen ejus non perimitur, nec jus tuum ad id, quod tibi debetur, amittis. Quodsi enim ad meliorem fortunam perveniat, ut, qui solvendo non erat, cum solvere deberet, nunc sit solvendo, adhuc solvere tenetur. Quando vero homo moritur, cum tunc obligatio ejus cesseret (§. 701.), jus tuum ad id, quod debetur, sustineri nequit nisi jure ad res, quæ ipsius fuerant. Hæ igitur si nullæ sint, jus quoque tuum ad id, quod tuum fieri debebat, subsistere nequit. Quæ hætenus demonstravimus, ex ipsis rerum notionibus consequuntur, ut ad sustinendum jus creditoris mortuo debitore nulla fictione opus sit, nec assumenda sint principia precaria, per quæ idem evincatur. Principiis vero jam demonstratis utemur, quando de successione in bonis defuncti acturi sumus.

§. 714.

Debitor defuncti curantur debitor defuncti, hujus nunc sunt debitor. Etenim si *jusnam fiat* jus defuncti morte ipsius in alium transmittitur, jus, quod *debitor a* erat defuncto ad id, quod ipsi debebatur, nunc est ejus, in *morte illius.* quem fuit transmissum. Quamobrem cum is exigere posset debitum a debitore suo; nunc idem facere potest is, in quem defuncti jus transmissum fuit. Quoniam itaque jus exigendi debitum nascitur ex obligatione præstandi (§. 23. *part. 1. Jur. nat.*); debitor eidem ad præstandum, quod debet, consequenter ad solvendum obligatus est (§. 659. *part. 5. Jur.*

§. Jur. nat.). Qui adeo erat debitor defuncti, nunc est debitor ejus, in quem defunctus morte sua jus suum transmissit (§. 96. part. 3. Jur. nat.).

Si omne jus, quod homo amittit, quando moritur, extingueretur, una cum eo periret obligatio debitoris, sine qua jus ad id, quod debetur, subsistere nequit, consequenter debitor morte creditoris liberaretur. Enimvero quoniam jus, quod habuerat defunctus qua creditor ad id, quod ipsi debebatur, non extinguitur, quando transmittitur vel in eum, in quem in eventum mortis fuerat translatum (§. 709.), vel in eum, cui alia quacunque de causa post mortem illius debetur (§. 711.); obligatio quoque debitoris defuncti morte creditoris tolli nequit, neque adeo debitor hujus morte liberari potest. Equidem ex iis, quæ hæc tenus demonstravimus, tantummodo sequitur, morte creditoris non liberari debitorem, quando jus ipsius transmittitur in alium; nondum tamen constat, an nullus prorsus detur casus, in quo morte creditoris liberetur debitor, quia nondum patet, utrum detur aliquis casus, nec ne, in quo jus defuncti in neminem transmittitur. Sed de eo demum dispiciendum erit, quando de successione in bonis defuncti acturi sumus.

§. 715.

Laudem alteri, quam meretur, etiam post mortem tribuere Officium debemus, ac operam dare, ut famam, quam meretur, consequamur, aut ut ea conservetur, quam consecutus est. Tantum enim laudis alteri tribuere debemus, quantum meretur (§. 648. part. 1. Jur. nat.). Quoniam facta ex virtutibus intellectualibus ac moralibus profecta laudem pariunt (§. 551. part. 1. Jur. nat.) ac laude dignum probant (§. 552. part. 1. Jur. nat.), ac in eorundem commemoratione laus consistat (§. 541. part. 1. Jur. nat.); post mortem quoque alteri laus adhuc tribui potest, cumque quæ quis vivus fecit morte non reddantur infecta, laudem quoque post mortem adhuc meretur, (Wolffii Jur. Nat. Pars I.) Bb bb

retur, quam quis vivus merebatur. Quamobrem alteri quoque post mortem laudem tribuere debemus, quam meretur.

Quod erat unum.

Similiter operam dare debemus, ut qui merentur famam consequantur (§. 650. *part. 1. Jur. nat.*). Cum fama consistat in communi hominum sermone de virtutibus intellectualibus & moralibus alterius (§. 553. *part. 1. Jur. nat.*), consequenter de factis, per quæ nobis illæ innotescunt; fama superesse potest, homine licet mortuo, & mortuus adhuc consequi eam potest, quam vivus quidem meruerat, sed consecutus non fuerat. Quamobrem operam quoque dare debemus, ut famam, quam merentur, consequantur etiam mortui, aut, si eam vivi jam consecuti fuerunt, ut conferretur. *Quod erat alterum.*

Facta hominum infecta fieri nequeunt, adeoque semper verum manet, te hoc fecisse, consequenter te instructum fuisse iis virtutibus intellectualibus ac moralibus, ex quibus facta ista profecta fuerunt. Quamdiu igitur eorum memoria conservatur, adhuc subsistere intelliguntur, ut, qui mortuus est, virtutibus istis conspicuus inter nos quasi adhuc vitam degat. Cessant officia cetera, quibus commoda alterius quomodocunque promovemus, quamprimum quis moritur, quod per se patet: ast laudis officium etiam mortuo debetur. Illa nimirum mors efficit impossibilia; hoc minime. Sane si fieri posset, quod tamen fieri non posse manifestum est, ut illa quoque officia mortuo præstare possemus; obligatio præstandi minime cessaret, quin potius omnia officia, quæ vivo debemus, mortuis quoque deberemus. Quamobrem non est, quod miremur, nos mortuis eandem laudem ac eandem curam circa famam ipsorum debere, quam vivis debeamus, quamdiu scilicet factorum memoria superest. Hac enim evanescente, officium quoque laudis efficitur impossibile.

§. 716.

Bonum bono referre possumus alteri etiam in iis, quos amat. Quod bonum
 Qui enim alterum amat, is eundem considerat tanquam se-*num bono*
 ipsum (§. 659. *Psych. empir.*). Quodsi ergo bonum aliquod *referri ali-*
 in hunc conteras, perinde est ac si ideum in ipsum contulis-*cui possit in*
 ses. Quamobrem cum bonum bono referatur, si quis tibi *aliis.*
 causa boni existit, cui tu causa boni extitisti, quia extitisti,
 seu, quod perinde est, si in te bonum aliquod conferat, quia
 tu in ipsum prior contulisti (§. 797. *part. 1. Jur. nat.*); bo-
 num utique bono referre possumus alteri etiam in iis, quos
 amat.

Convenit hoc non modo notioni amoris, vi cujus ex alte-
 rius felicitate voluptatem percipimus (§. 633. *Psych. empir.*) at-
 que voluntatem alterius, consequenter quod ipsi bonum est
 (§. 558. *Psych. empir.*), appetimus (§. 650. *Psych. empir.*); ve-
 rum etiam notionibus communibus, cum nil frequentius sit,
 quam ut dicamus, nos beneficium alteri, quem amamus, prae-
 stitum eodem loco habituros, ac si nobis ipsis praestitum fu-
 isset.

§. 717.

Quoniam amicos amamus (§. 625. *part. 1. Jur. nat.*), *Idem porro*
 bonum vero bono referri nobis potest etiam in iis, quos a-*expenditur.*
 mamus (§. 716.); *bonum bono nobis referri potest in amicis*
nostris.

Quodsi hinc inferas, bonum bono nobis referri, si cuique
 alteri benefaciat is, quem nos beneficio affecimus, quia nos
 ipsi benefecimus, cum omnes homines amare debeamus tan-
 quam nosmetipsos (§. 619. *part. 1. Jur. nat.*), consequen-
 ter ipsis amicis esse (§. 625. *part. 1. Jur. nat.*); id pro absur-
 do habendum non est, etsi vulgo non agnoscatur. Quoniam
 enim officio amoris universalis parum satisfaciunt homines, id-
 eo nec sibi praestitum esse beneficium putant, quando praestatur

tur alii cuicunque, multo minus existimant, gratiam sibi rependi posse in alio quocunque homine, etiam si quis profiteatur, se benefacere aliis, propterea quod nos ipsi benefecimus. Hoc tamen non obstante beneficia nobis præstita motivum esse debent beneficiorum in alios quoscunque conferendorum.

§. 718.

De obligatione bonum bono alteri referre debemus in iis, quos amat, veluti in amicis. Bonum bono alteri referre debemus (§. 806. *part. 1. Jur. nat.*). Quamobrem cum bonum bono alteri referre possimus etiam in iis, quos amat (§. 716.), veluti in amicis (§. 717.); bonum quoque bono alteri referri debemus in iis, quos amat, veluti in amicis.

Obligatio bonum bono referendi minime restringitur ad personam ejus, qui bene nobis fecit. Quin potius abundeliquet, siquidem modum, quo obligatio ista inducitur, perpendere velimus (*not. §. 806. part. 1. Jur. nat.*), nos bonum bono alteri referre debere quocunque modo, consequenter cum referri possit etiam in aliis, referre quoque in aliis debere. Nec obstat, quod modo (*not. §. 717.*) concesserimus, bonum bono referri posse alteri in homine quocunque: naturaliter enim omnino hæc obligatio oritur eodem prorsus modo, quo eam induci alias ostendimus (*not. §. 806. part. 1. Jur. nat.*). Et quamvis amor universalis jam contineat obligationem juvandi alium quemcunque ope nostra indigentem, ut consequatur animi, corporis ac fortunæ bona, quantum in potestate nostra est (§. 612. *part. 1. Jur. nat.*), nec hoc obstat, ut alia adhuc de causa obligemur ad idem, ad quod antea jam eramus obligati: hoc enim modo fortior efficitur obligatio, ita ut turpius sit contra eam quicquam committere.

§. 719.

De eadem obligatione. Bonum bono referre debemus etiam in iis, quos vitæ amamus. Etenim bonum bono alteri referre debemus in iis, quos

quos amarunt (§. 718.). Quamobrem cum hoc fieri possit, *respectu* etiam si alter, cui bonum referri debet bono, jam fuerit mortuus; morte ipsius obligatio hæc non extinguitur. Bonum igitur bono referre etiam mortuis debemus in iis, quos vivi amarunt. *MORTUUS IN IIS.*

Obligatio tamdiu subsistit, quamdiu eidem satisfieri potest. Enimvero sive vivas, sive mortuus fueris, bonum bono tibi referri potest in iis, quos amas, vel amasti vivus. Obligatio igitur bonum bono referendi in iis, quos vivus amasti, te mortuo adhuc subsistit. Mors non delet memoriam boni, quod a defuncto in te profectum est. Quoniam itaque id ipsum motivum est bonum bono eidem referendi (§. 797. *part. 1. Jur. nat.*); motivum hoc faciendi mortuo benefactore adhuc superest, consequenter voluntas tua obligationi præsentis satisfaciendi eodem modo determinati potest, quo determinatur, si adhuc ille in vivis esset (§. 889. *Psych. empir.*). Mors adeo benefactoris in adimplendo hoc officio nil quicquam immutat.

§. 720.

Qui habet animum bonum bono referendi, gratus est erga De grato a-
benefactorem. Etenim qui animum habet bonum bono refe- *nimo erga*
rendi, is vult alteri existere causa boni, quia ipse sibi exti- *benefacto-*
tuit (§. 797. *part. 1. Jur. nat.*), consequenter animum habet *rem.*
bonum in alterum conferendi, quia alter prior in se contulit,
adeoque beneficium tribuendi ei, a quo accepit, propterea
quod sibi beneficium tribuit (§. 3. 17. *part. 4. Jur. nat.*).
Quoniam itaque animum habet beneficium reddendi (§. 32.
part. 4. Jur. nat.), qui vero animum habet beneficium red-
dendi, erga benefactorem gratus est (§. 20. 43. *part. 4. Jur.*
nat.); qui habet animum bonum bono referendi, erga be-
nefactorem gratus est.

Reddere beneficium & bonum bono referre, fere unum idem-

que sunt. Quodsi actum externum spectes, nulla prorsus intercedit differentia, cum utrobique bonum conferatur in eum, qui prior contulit, seu officium quoddam humanitatis præstatur ei, qui prior nobis præstitit. Motivum quoque, si actus internos spectes, utrobique idem est, nempe bonum ab altero in nos collatum, seu beneficium ab altero in nos profectum: at si finis differt. Quando enim beneficium reddimus, id fit ea intentione, ut declaremus, nos memores esse beneficii accepti; quando vero bonum bono referimus, id potissimum significare intendimus, quod nolimus gratis in nos collatum esse beneficium, sed præstitum nobis officium alio officio compensare velimus, quantum nobis datur. Quamvis enim beneficium gratis præstetur (§. 19. *part. 4. Jur. nat.*), ut adeo pro eo, quod nobis præstatur, nihil vicissim recipiat benefactor (§. 18. *part. 4. Jur. nat.*), neque hic ex conventionem nascatur aliqua obligatio ad aliquid pro eo, quod nobis præstitum, vicissim præstandi, cum ipsiusmodi conventio a beneficio absit, quod per se patet; nihilominus beneficiarius sese obligatum agnoscit ad beneficium vicissim præstandum, siquidem occasio sese obtulerit, non secus ac si promittendo benefactori perfecte sese ad id obligasset (§. 393. *part. 3. Jur. nat.*). Reddit adeo beneficium bonum bono referre cupiens tanquam debitum. Non abhorrent ea, quæ hic dicuntur, a notionibus communibus. Quando enim benefactori bonum bono referimus, dicere solemus, nos ad multo majus eidem esse obligatos, quam quod eidem præstamus.

§. 721.

*De officio
gratitudinis
erga mor-
tuos.*

Erga benefactores mortuos grati esse debemus. Etenim etiam mortuis bonum bono referre debemus in iis, quos amaverunt (§. 719.). Enimvero qui habet animum bonum bono referendi, is gratus est erga benefactorem (§. 720.). Erga benefactores itaque mortuos grati esse debemus.

Gratus animus duo continet, nimirum memoriam beneficiorum

orum acceptorum & voluntatem vicem reddendi. Benefactor licet mortuo, & memoriam beneficiorum acceptorum servare, & voluntatem vicem reddendi habere possumus, cum bonum bono referri possit in iis, quos amavit mortuus. Animo igitur grato adhuc locus esse potest, benefactor licet mortuo. Ecce ergo eodem mortuo non subsistere debet obligatio nos gratos benefactori præbendi?

§. 722.

Benefactoribus mortuis gratias agere possumus, beneficia nobis Quomodo tributa narrando & prædicando. Per se patet, mortem benefactoris in nobis non delere memoriam beneficiorum acceptorum. Quamobrem illo licet mortuo beneficia nobis tributa aliis adhuc narrare ac prædicare valemus, quando occasio de iis dicendi sese offert. Quamobrem cum gratum animum significemus erga mortuum, quando beneficiorum acceptorum adhuc nos memores esse eaque agnoscere declaramus (§. 31. part. 4. Jur. nat.), gratias vero benefactori agit, qui verbis significat gratum animum (§. 44. part. 4. Jur. nat.); benefactori mortuo gratias agere possumus beneficia nobis tributa narrando & prædicando.

Gratitudo consistit in dilectione benefactoris ob beneficia in nos collata (§. 31. part. 4. Jur. nat.). Quamobrem cum dilectio consistat in constante ac perpetua voluntate felicitatem alterius promovendi (§. 617. part. 1. Jur. nat.); gratitudo duo involvit, nimirum memoriam beneficiorum acceptorum & voluntatem benefactoris felicitatem promovendi, siquidem a nobis fieri possit, cujus voluntatis motivum sunt beneficia nobis tributa. Mortui felicitatem promovere non amplius datur, adeoque voluntas non subsistit, nisi quatenus eidem bonum bono referri, aut, si mavis, gratia rependi potest in aliis, quos amavit (§. 719.): quod tamen memores adhuc simus beneficiorum in nos collatorum eademque agnoscamus, verbis declarare possumus. Ad gratiarum adeo actionem, benefactor

ctore mortuo sufficit narrare ac prædicare beneficia accepta. U-
berius de modo gratias agendi dicemus suo tempore in Philo-
sophia morali.

§. 723.

*De obligati-
one gratias
agendi.*

Benefactoribus mortuis gratias agere adhuc debemus. Bene-
ficiarius enim obligatur ad gratias benefactori agendas (§.
45. part. 4. Jur. nat.). Quamobrem cum benefactoribus
mortuis gratias agere possimus beneficia nobis tributa nar-
rando & prædicando (§. 722.); quin benefactoribus mor-
tuis gratias agere adhuc debeamus, dubitandum non est.

Non abhorret hoc a notionibus communibus. Quando e-
nim beneficium petentes declarare volumus, nos fore erga dan-
tem gratos, dicere solemus, quod accepti memores simus futu-
ri idemque prædicaturi, quamdiu vixerimus. Duratio igitur a-
nimi grati non restringitur ad ætatem benefactoris, sed bene-
ficiarii, propterea quod probe noverimus, memoriam benefi-
ciorum acceptorum & propensam in benefactorem voluntatem
adhuc subsistere in nobis posse, etiamsi benefactor dudum
mortuus fuerit, & nos ad significandum animum gratum ad-
huc obligatos agnoscimus etiam post fata ipsius. Immo ne-
mo non gratum in benefactorem animum in dubium vocaret,
si quis asseveraret, se memoriam beneficiorum acceptorum
non depositurum, quamdiu benefactor vixerit.

§. 724.

*Quid obser-
vandum, si
gratia re-
penditur
mortuis in
iis, quos a-
marunt.*

*Si benefactoribus mortuis bonum bono referimus in iis, quos
vivi amarunt; declarare debemus id fieri ob beneficia in nos colla-
ta ab illis.* Etenim non minus obligamur ad gratias agen-
dum benefactoribus mortuis (§. 723.), quam ad bonum bo-
no iisdem referendum in iis, quos vivi amarunt (§. 719.).
Quamobrem cum benefactoribus mortuis gratias agamus
beneficia in nos collata narrando & prædicando (§. 722.),
bonum vero bono referatur alteri propter beneficia in nos
colla-

collata (§. 797. *part. 1. Jur. nat.*), consequenter occasio mortuis gratias agendi offeratur, quando iisdem bonum bono referri datur in iis, quos vivi amarunt; quando benefactoribus mortuis bonum bono referimus in iis, quos vivi amarunt, utique declarare debemus id fieri ob beneficia in nos collata.

Grati esse debemus erga benefactores mortuos (§. 721.). Gratos autem nos iisdem præbemus, cum quatenus memoriam beneficiorum nobis præstitorum nos habere declaramus, tum quatenus propensam remunerandi voluntatem significamus. Utrumque quando fieri potest, omnes omnino animi grati partes adimplere debemus. Nos memores esse beneficiorum ab altero nobis datorum significamus ea narrando ac prædicando; propensam vero remunerandi voluntatem declaramus ipso facto, dum bonum bono referimus in eo, quem amavit vivus. Quodsi ergo ex assè satisfacere velis officio gratitudinis erga benefactores mortuos, quando hoc faciendi occasio sese offert; utique necesse est, ut, dum bonum bono iisdem refers in iis, quos vivi amarunt, id fieri significes propter beneficia in te collata. Neque obstat adesse rationes, cur etiam alteri benefacere, etiamsi nulla istiusmodi beneficia ab alio in te fuissent collata: cum enim unius actus plura esse possint motiva, siquidem hæc indicari necesse fit, omnia simul indicari possunt.

§. 725.

Fama ac laudi mortuorum detrahere non debemus. Etenim *Detrahere* laudem alteri, quam meretur, etiam post mortem tribuere *fama ac* debemus ac operam dare, ut famam, quam meretur, con- *laudi mortuorum* sequatur, aut ut ea conservetur, quam consecutus est (§. *omni illicitum.* 715.), consequenter laudem ac famam alterius diminuire non licet (§. 722. *part. 1. Jur. nat.*). Quamobrem cum famæ ac laudi alterius detrahat, qui eam diminuire conatur (*Wolfii Jur. Nat. Pars VI.*) Cccc (§. 870.

(§. 870. *part. 1. Jur. nat.*); famæ ac laudi mortuorum detrudere non debemus.

Non est quod excipias, mortuo noceri amplius non posse, consequenter parum referre, quicquid de eo dicatur. Nullam inde molestiam percipere mortuum, si vel ea narrentur, quæ famæ ipsius adversa sunt. Sufficit nimirum noceri famæ, quam integram conservari interest eorum, quibus ob benefacta defuncti beneficia præstanda, & qui alio quocunque modo famam illius participant. Neque ratio prohibitionis de non detrahendo famæ ac laudi alterius est nocumentum vel modestia animi inde proveniens, quamvis in philosophia morali inter motiva referri talia possint, cur ab actu hoc vitioso sit abstinendum; sed quod contrarietur officio de cura famæ alienæ (§. 650. *part. 1. Jur. nat.*).

§. 726.

*De non propalanda
facta famæ
mortuorum
adversis.*

Quoniam laudi mortuorum detrudere non debemus (§. 725.), facta autem ex virtutibus intellectualibus & moralibus profecta laudem pariunt (§. 551. *part. 1. Jur. nat.*), consequenter his contraria eam diminuunt, si ad illa accedant; facta mortuorum virtutibus intellectualibus & moralibus adversa aliis parum nota propalanda non sunt, nec, qua oblivioni jam tradita, eorum memoria renovanda.

Recte hinc vulgo dicitur, de mortuis nil nisi bene: quod non ita intelligendum est, quasi de iis dicenda sint veritati adversa, sed ut minus recte, vel male facta reticeantur, quæ autem recte ac bene facta sunt commemorentur. Veritati nimirum semper litandum: id quod in casu præsentis fit, si tantummodo commemorentur recte ac bene facta, nulla facta mentione eorum, quæ male aut minus recte facta sunt.

§. 727.

*De male factis
mortuorum.*

Si male facta mortui notoria sunt, ea dicere licet ad instruendam alios. Quodli enim facta notoria sunt, eorum memoriam

am delere non possumus, nec a nobis dependet, ut aliis *noto- rum noto- riis.* ta non sint. Quamobrem cum exempla mala sequi minime debeamus (§. 931. *part. 1. Jur. nat.*), consequenter dehortari etiam alios, ne sequantur; si de male factis mortuorum notoriis occasio dicendi sese offerat ad instruendum alios, quin salvo officio de non detrahendo iisdem de fama sua (§. 725.) illa dicere liceat dubitandum non est.

Sane in codice etiam sacro commemorantur mala facta eorum, quorum virtutes laudantur, quia ad instruendum alios faciunt. Et hoc nomine etiam excusantur Historici quod prava quoque facta posteritati mandent, & qui exempla vitiorum in usum moralem describunt. Sane quos pœniter male factorum, ubi resipiscunt, ipsimet volunt, ut alii ex ipsorum factis sapere discant. Et hoc convenit charitati, ut, qui quam noxia sint vitia expertus fuit, alios exemplo suo hoc doceat, ut sibi tempestive caveant. Quanta enim sit exemplorum vis in hominibus emendandis, alibi dudum demonstravimus.

§. 728.

Male aut minus recte facta mortuorum excusanda, quantum De excu-
datur. Etenim famæ ac laudi mortuorum detrahere non *sandis male*
debemus (§. 725.), consequenter eam non diminuere (§. *factis a mor-*
870. *part. 1. Jur. nat.*). Quoniam per se patet male aut *tuus.*
minus recte facta de fama ac laude alicujus detrahere, aut minus detrahere, quatenus excusationem merentur; male aut minus recte facta mortuorum excusanda, quantum datur.

Historicorum ideo est ea etiam narrare, quæ ad excusationem facti faciunt: alias enim peccant, utpote ipsimet de fama ac laude eorum detrahentes, quorum facta *narrant.* Quando dicitur, omnia in bonam partem esse interpretanda, non aliud significatur, quam ut facta excusentur, quantum datur: excusatio enim ultra veritatem, aut in casu dubio ultra verisimilitudinem

dinem non extendenda. Ipsa autem demonstratio loquitur, quod, quæ hic de mortuis dicuntur, ea etiam de vivis intelligenda sint. Atque tum tanto magis ad excusandum sumus obligati, si quæ adversus nos commissa sunt ab iisdem excusentur adductis rationibus, ob quas ea excusationem merentur. Merito igitur reprehendi solet, si quis contrario modo omnia in malam partem interpretetur, nec excusationem admittere velit, etiam si rationes sufficientes in medium afferantur.

§. 729.

*Quamdiu
officium lau-
dis debetur
mortuis.*

Officium laudis debetur mortuis, quamdiu factorum memoria manet. Etenim officium laudis debetur mortuis ob facta ex virtutibus intellectualibus & moralibus profecta (§. 551. *part. 1. Jur. nat.*). Quamobrem tamdiu fieri potest, ut laus, quam merentur, iis tribuatur, quamdiu horum factorum memoria manet. Quoniam itaque obligatio præstandi officii non ante expirat, quam quando impossibile est, ut eidem satisfiat (§. 209. *part. 1. Phil. pract. univ.*); officium laudis utique debetur mortuis, quamdiu factorum manet memoria.

Obligatio quæ a lege naturæ venit, necessaria & immutabilis est (§. 142. *part. 1. Phil. pract. univ.*), adeoque per se nunquam definere potest. Enimvero extenditur ad impossibile adeoque eidem nullus amplius locus esse potest (§. 209. *part. 1. Phil. pract. univ.*), quamprimum contingit, ut eidem satisfieri non possit. Quod si memoria factorum perpetuo duraret, officium quoque laudis propterea debitum semper maneret. Sed quoniam ætas illam delet, laudis quoque officium perpetuum esse nequit. Facile autem patet, memoriam non deleri debere nostra culpa, cum ad eam vitandam obligemur (§. 299. *part. 1. Jur. nat.*). Quamdiu factorum memoria manet, moraliter adhuc vivit, &, si ex factis ejus aliquod adhuc commodum in nos redundat, perinde est, ac si nobis quid faceret, suoque facto nos sibi obligaret ad grati animi officium præstandum. Enimvero quando factorum memoria deletur,

mora-

moraliter quoque moritur, qui physice dudum erat mortuus, tumque omne prorsus jus, quod ad officia laudis habebat, amittit, ut perinde sit ac si nunquam inter homines extitisset, & natura nunquam jus quoddam eidem tribuisset.

§. 730.

Mortuis injuria fieri nequit; peccari tamen in eos potest. An mortuis
Quoniam enim mortuus jus omne amittit (§. 700.); nul- *injuria fieri*
lum quoque jus perfectum ipsi competit, consequenter nec *in eos pec-*
quisquam jus ejus violare potest. Quamobrem cum injuri- *cari possit.*
am alteri faciat, qui contra jus perfectum quid facit (§. 859.
part. 1. Jur. nat.); mortuo injuria fieri nequit. *Quod erat*
primum.

Enimvero quoniam obligamur naturaliter ad laudem meritam mortuis tribuendum, & famam eorum servandam (§. 715.), tum etiam ad nos gratos iisdem præbendum (§. 721.) & ad gratias agendum (§. 723.) immo ad gratiam rependendam in aliis (§. 724.), & ad omittendum quæ hisce contrariantur (§. 722. *part. 1. Jur. nat.*); si mortuis laudem meritam non tribuimus, nec eorum famæ studemus, neque gratos nos iisdem præbemus, aut hisce prorsus contraria facimus, actiones nostræ tam negativæ, quam positivæ legi naturæ contrariantur. Quamobrem cum is peccet, cujus actio legi naturæ contraria (§. 440. *part. 1. Jur. nat.*); omissio officiorum mortuis debitorum atque actio iisdem contraria peccatum est. Quoniam vero in eum peccamus, cui officium naturaliter debitum negamus, aut quod eidem contrariatur facimus; in mortuos peccari posse patet. *Quod erat alterum.*

Patet adeo, quantum fallantur, qui sibi persuadent, in mortuos quidvis sibi licere, propterea quod se impune hoc facere posse vident, ita ut mortuo insultare leoni haud raro sibi glo-

riolum existiment. Æque tamen turpe est, deesse officio erga mortuos, quam erga vivos. Atque ipsi naturæ humanæ quasi insita est turpitudinis hujus notitia, cum qui a partium studio procul remoti sunt reprehendant unanimiter eum, qui contra officium mortuo debitum quid facit, immo reprehendant viri boni non sine indignatione. Mortui quoad ea officia, quæ ipsis adhuc post fata præstari possunt, ac debentur, æquiparantur vivis, ut adeo perinde sit, sive defis officio erga vivos, sive erga mortuos, aut contra id quicquam committas.

§. 731.

*De infamia
mortuis ad-
spersa &
ignominia,
qua afficiun-
tur.*

Mortuis infamiam adspargere non licet, nec eos ignominia afficere licet. Nemo enim alteri infamiam adspargere (§. 866. part. 1. Jur. nat.), nec ignominia alterum afficere quisquam debet (§. 829. part. 1. Jur. nat.). Quamobrem cum ex ipsa notione ignominia ac infamiae pateat, mortuis quoque infamiam adspergi eosque ignominia affici posse (§. 811. 862. part. 1. Jur. nat.); nec mortuis infamiam adspargere, nec eos ignominia afficere licet (not. §. 729.).

Ex antea demonstratis satis patet, ea, quæ quoad honorem aliis debemus naturaliter, mortuis quoque deberi, & quæ naturaliter quoad eundem prohibita sunt, ea nec in mortuos licere. Quamobrem opus non est, ut de hisce prolixius dicamus, cum quæ de hisce demonstrata sunt in parte prima Juris naturæ ad mortuos facile applicentur: eos enim spectare debemus tanquam vivos, quatenus officia ad honorem spectantia iisdem adhuc debentur, & illis contraria prohibentur (not. §. 729.). Quicquid hac in parte lege naturali præcipitur, vel prohibetur, respectu vivorum & mortuorum unum prorsus idemque est. Eadem enim lege consulitur honori ac famæ tam vivorum, quam mortuorum.

§. 732.

An mortuus

Mortuus injuria specialiter dicta affici, seu injuriari potest.
Etenim

Etenim ex notione infamiae ac ignominiae patet, quod mor-*injuriari* tuus ignominia affici, ac infamia eidem adspergi possit (§. *possit.* 811. 862. *part. 1. Jur. nat.*). Cum famam alterius lædat, qui eidem infamiam adspergit, honorem vero lædat, qui ignominiam facere conatur (§ 867. *part. 1. Jur. nat.*), læsio autem honoris ac famae sit injuria specialiter dicta (§. 874. *part. 1. Jur. nat.*); mortuus quoque injuria specialiter dicta affici, seu injuriari potest.

Injuria dividitur in realem & verbalem, quarum illa factis, hæc verbis committitur (§ 875. *part. 1. Jur. nat.*). Verbis injuriam fieri posse etiam mortuis, palam est. Enimvero erunt forsitan, qui dubitaturi sunt, num etiam injuria realis committi possit adversus mortuos, utpote qui in rerum natura non amplius existunt. Hos igitur perpendere velim, injuriandi animo corpus quoque mortui verberari aut fustibus cædi posse, perinde ac vivi: neque enim in injuria inferenda spectatur dolor, quem sentit injuriatus, sed læsio honoris, aut famae, quæ facto intenditur. Similiter quemadmodum injuria realis est, si quis alterius domum ut debitoris possidet (*not. §. cit.*); quidni etiam si mortui domum ut debitoris possidere velit, injuria realis esse debet? Dantur etiam facta injuriola alia in mortuos, etsi rariora, aut saltem non adeo manifesta, quæ adhuc locum habent, etiam si corpus defuncti dudum fuerit corruptum. Exempli loco esto, si quis animo injuriandi, quem prodere vult, injuriam realem inferat liberis defuncti, aut si quis eodem animo aures asininas appingit imagini defuncti.

§. 733.

Corpora mortuorum ex iis locis, in quibus vivi degunt, remo- De remo-
venda. Corpus mortuum putredine corrumpitur, atque fo- *vendis cor-*
 tore suo non modo molestiam creat, verum etiam veren- *poribus*
 dum est, ne sanitati viventium nocumentum adferat. Quo- *mortuis.*
 niam itaque operam dare debemus, ut omnem molestiam
 quan-

quantumlibet exiguam evitemus (§. 451. *part. 1. Jur. nat.*) & ut sanitatem conservemus, quantum datur (§. 393. *part. 1. Jur. nat.*), ac utrumque aliis quoque debeamus (§. 608. *part. 1. Jur. nat.*); corpora mortuorum ex iis locis removenda sunt, in quibus vivi degunt.

De jure sepulturæ cum jam nobis sit agendum, gradatim progrediendum est: alias enim fieri non poterit, ut hoc jus evincamus. *Grotius* de J. B. & P. lib. 2. c. 19. §. 1. hoc jus ad jus gentium voluntarium refert, quod scilicet ex voluntate humana ortum habet; hos tamen gentium mores communes naturali rationi consentaneos agnoscit. Quodsi vero naturalis detur ratio, cur mortui sint sepeliendi; in eam hic inquirendum, non vero ad tacitam gentium voluntatem provocandum. Naturalis illa ratio si inducat necessitatem moralem mortuos sepeliendi; ad mortuos sepeliendos naturaliter obligamur, consequenter jus sepulturæ erit juris naturalis, minime juris gentium voluntarii. Paret itaque jus sepulturæ a *Grotio* non satis fuisse expensum; sed idem altius repetendum esse. Quid igitur principiis juris naturæ hic conveniat, a nobis demonstrandum. In præsentī propositione ostendimus, rationem a corporis mortui natura desumptam inducere necessitatem moralem, adeoque obligationem mortuos ex iis locis removendi, in quibus viventes degunt: nondum autem definimus modum, quo removendi sunt, sed in eum ulterius jam erit inquirendum. Ista autem obligatio nos tenet non minus quoad cadavera brutorum, quam quoad corpora humana mortua, quemadmodum ex demonstratione abunde liquet, quippe quæ tota subsistit, etiamsi in locum corporum humanorum mortuorum cadavera brutorum substituas. Et hæc forsitan ratio est, cur quædam gentes, præsertim barbaræ, in modo removendi a viventibus corpora mortuorum & cadavera brutorum nullam differentiam admiserint, sed idem sibi licere in corpora hominum mortuorum, quod in cadavera brutorum licet, existimari fuerint. Hoc præjudiciū ut tollatur, sequentem addimus propositionem.

§. 734.

Corpora mortuorum hominum cadaveribus brutorum non æquiparanda sunt. Etenim mortuis hominibus debentur adhuc *bus humanis* certa officia (§. 715.), ita ut etiam injuria specialiter dicta *mortuis* iisdem inferri possit (§. 732.), in ipsorum etiam corporibus *brutorum* (not. §. cit.). Quoniam vero ex demonstratis facile patet, *cadaveribus* eadem non valere de brutis mortuis; homines mortui & *non æquiparandis.* bruta mortua in eundem censum venire minime possunt, adeoque nec corpora mortuorum hominum cadaveribus brutorum æquiparanda sunt.

Negari equidem non potest, corpora mortua hominum & cadavera brutorum physice non differre a se invicem, ac eodem modo corrumpi. Ast inde minime sequitur, quod nec moralis quædam differentia intercedat: quin potius contrarium patet per antea demonstrata & iisdem innixam demonstrationem præsentem. Quando igitur inquiritur in modum removendi a se corpora mortua humana; ad differentiam istam utique animum advertere debemus, nec a modo, quo cadavera mortuorum removemus, argumentari licet ad modum removendi corpora mortua hominum. In illo nimirum tantummodo rationem nostri habemus; in hoc vero ratio quoque habenda est hominum mortuorum, ne quid committatur, quod officio erga ipsos repugnat.

§. 735.

Quoniam cadaveribus brutorum minime æquiparanda *Quid inde* sunt corpora hominum mortuorum (§. 734.); ea *non eodem modo sequatur.* e conspectu nostro removenda, quo cadavera brutorum *removere solent,* consequenter cum cadavera brutorum canibus ac feris abjiciantur, & sub sole putrescant, *corpora hominum mortua canibus ac feris non abjicienda, nec patiendum, ut sub sole putrescant.*

Constat gentes barbaras mortuos volucribus ac feris devorandos
(Wolffii Jur. Nat. Pars VI.) Dd dd

randos abjecisse; sed hæ fuerunt, quæ inter corpora hominum mortuorum & cadavera brutorum nullam differentiam agnoverunt, ad physicas tantummodo rationes, quæ in omnium oculis statim incurrunt, animum advertentes, non vero ad rationes morales in sensum non incurrentes illum attendentes. Nemo facile erit, qui existimaturus est, nihil in eo committi, quod sit a ratione alienum, si corpora humana mortua feris devoranda abjiciantur, consequenter morem illarum gentium, quæ hoc fecerunt, reprehendi minime posse: qui enim ita sentit, cum præjudicio a prima ætate contracto non occæcatum possideat animum, quemadmodum gentes barbaræ, quarum is mos fuit, omni amore in alios vacuum habere debet animum, quoniam alias æquo animo non laturus, ut is, quem vivus dilexerat, post fata brutis æquiparetur.

§. 736.

*An amor,
quo alterum
prosequi-
mur, morte
ipsius extin-
guatur.*

Si is, quem amamus, moritur; morte ipsius amor in nobis minime extinguitur, sed tantummodo effectu suo orbatur. Amor enim est dispositio animæ ad percipiendam voluptatem ex alterius felicitate (§. 633. *Psych. empir.*), consequenter ex eo, quo ipse voluptatem percipit (§. 636. *Psych. empir.*). Quando quis moritur, impossibile quidem efficitur, ut voluptatem mortuo creemus, ac tædium ab eo avertamus, qui effectus amoris est (§. 652. *Psych. empir.*), non tamen propterea tollitur illa dispositio animæ, in qua amor consistit, quippe cum mors alterius minime obstat, quo minus velimus, ut adhuc in vivis esset, ac ipsi voluptatem creandi occasio sese nobis offerret. Amor itaque morte illius, quem amamus, non extinguitur. *Quod erat unum.*

Enimvero quoniam fieri non potest, ut mortuo voluptatem creemus, vel tædium ab eo avertamus, in quo effectus amoris consistit *per demonstrata*; si is, quem amamus, moritur, amor, etsi minime extinguatur *per demonstrata*, effectu tamen suo orbatur. *Quod erat alterum.* Amo-

Amo-

Amoris effectus ab ipso amore probe distinguendus. Non semper nobis datur, ut ei, quem amamus, voluptatem creare, vel tedium aliquod seu molestiam ab eo avertere actu studeamus: hoc tamen non obstante amor subsistit. Absolum sane foret, si quis durationem amoris restringere vellet ad actum, quo voluptatem alteri creare, vel tedium ab eo avertere studemus. Nec, quod hic dicitur de amore, singulare quid est; sed quod omni virtuti tam intellectuali, quam morali, immo in genere omni habitui convenit. Neque hoc abhorret ab experientia. Amamus sane eos, qui dudum mortui sunt, & quos vivos impense amavimus, ita ut, quando occasio offertur, qua ipsis voluptatem creare, seu officia grata præstare poteramus, si adhuc in vivis essent, optemus: utinam adhuc in vivis essent! ac amoris misceatur aliquid tristitiæ, quod voti nostri minime compotes fieri queamus. Immo quis est, qui nesciat, quomodo amore prosequamur imagines eorum, quos vivi amavimus, mortuos amantes in ipsorum imaginibus. Cumque amor oriatur ex eo, quod nobis placet in altero (§. 649. *Psych. empir.*); amorem erga eum, qui dudum mortuus est, nasci in nobis experimur, quando placent facta, quorum memoria superest. Quodsi ergo amor erga dudum mortuum nasci potest, quidni subsistere possit erga eum, quem vivum jam amavimus, quando moritur? Sane res etiam inanimatas amare possumus atque solemus (§. 654. *Psych. empir.*). Quidni igitur etiam mortuum, quem quoad animam adhuc superstitem novimus, corpore licet corrupto (§. 744. *Psych. rat.*), & quem adeo spectare possumus tanquam procul absentem, tamdiu tamen adhuc viventem, quamdiu memoria ejus nobis superest?

§. 737.

Quia morte ejus, quem amamus, amor non extinguitur *De duratione* (§. 736.), hominem autem quemcunque amare debemus *amoris uni-* tanquam nosmetipsos (§. 619. *part. 1. Jur. nat.*), *universalis versalis o-* quoque amor, quo homines in universum omnes prosequi debemus, *minim* *extin-*

Dd dd 2

minum.

extingui in nobis minime debet, quamdiu memoria ipsorum nobis superest, quando mortui fuerunt.

Constat olim plerasque gentes amorem illum universalem, lege naturæ nobis præceptum (§. 619. *part. 1. Jur. nat.*), non agnovisse, sed ad eos solos restrinxisse, qui nobiscum in eadem societate civili vivunt: quæ perversa opinio ipsorum etiam Judæorum animos occupaverat, a Christo autem vehementer improbata fuit. Quid ergo mirum, si non agnoverint, amorem illum subsistere debere in nobis, etiamsi homines fuerint mortui, quamdiu memoria eorum adhuc superest. Multo minus autem mirari debemus, si gentes barbaras hoc non agnovisse deprehendimus, consequenter fecisse, quod quomodo-cunque eidem adversatur, vel parum convenit.

§. 738.

*De obligati-
one edendi
signa amo-
ris erga
mortuos.*

Quoniam etiam homines mortuos quoscunque amare debemus tanquam nosmetipsos, quamdiu memoria eorum superest (§. 737.); *si qua sese offerat occasio quomodo-cunque edendi signa amoris erga mortuum, ea edere debemus.*

Non deesse signa, quibus palam facimus amorem erga mortuum, dubitandum non est. Sane dantur actus externi, quibus amorem in res inanimatas significamus, etsi revera amor effectu proprio destituatur (§. 653. *Psych. empir.*). Quamvis adeo amor erga mortuum effectu destituatur (§. 736.); hoc tamen minime obstat, quo minus actibus quibusdam externis eundem significemus. Pertinet huc pretium affectionis, quod statuimus imagini defuncti, vel rei ab eo nobis, cum viveret, donatæ, aut quæ quondam fuerat ipsius, nunc vero quocunque titulo ad nos pervenit. Sane pretium istud tanquam licitum defenditur amore, quo defunctum adhuc prosequi fas est (§. 159. *part. 1. Phil. pract. univ.*). Quodsi amor defuncti foret illicitus, aut absurdus; pretium quoque affectionis, de quo nobis sermo est, illicitum, aut absurdum dici deberet, ac minimum pro stulto habendus esset, qui pretium istiusmodi rei

rei a defuncto profectæ statueret: id quod tamen nemo facile dixerit.

§. 739.

Quia signa amoris erga mortuum edere debemus, *De signo a-*
quando occasio quæcunque nobis offertur (§. 738.); *si sic moris in ve-*
ri possit, ut in modo, quo corpus mortui e conspectu nostro remove-
mus, signum quoddam amoris erga ipsum edamus, id edere utique pote mortui
debemus. edendo.

Atque adeo vel hinc patet, non prorsus indifferens esse,
quocunque modo corpus mortui e conspectu nostro remove-
atur: si quis enim datur, qui signa amoris erga mortuum ad-
huc continet, is utique præferendus erit ceteris, qui signis isti-
usmodi destituuntur.

§. 740.

Quoniam amor universalis lege naturali ad ipsos et- *De dictis ad*
iam inimicos extenditur (§. 632. part. 1. Jur. nat.), idem *inimicos ex-*
vero in nobis extingui minime debet, quamdiu mortuorum *tendendis.*
memoria nobis superest (§. 737.), ejusque signa edere te-
nemur quacunque occasione oblata (§. 738.), etiam in eli-
gendo modo, quo corpora mortuorum e conspectu nostro
removentur (§. 739.); *inimicos etiam mortuos amare debemus,*
quamdiu eorum memoria nobis superest, ejusque signa edere tene-
mur, quacunque occasione oblata, qua id fieri potest, etiam in eli-
gendo modo, quo corpora mortuorum e conspectu nostro removentur.
Idem etiam valet de iis, qui indifferenti in nos sunt animo.

Officium amoris universalis, quod homo homini debet,
ab amicitia & inimicitia prorsus independens est, cum in na-
tura hominis unice fundatum sit, nullo habito respectu ad eo-
rum amicitiam, vel inimicitiam. Quæcunque igitur ex amo-
re universali fluunt, ea non minus ad inimicos, quam amicos
pertinent, vel etiam eos, qui indifferenti in nos sunt animo.

Dd dd 3

Immo

Immo ex eadem ratione in amore universalis ac iis, quæ inde fluunt, non attenditur, qualis quid sit, utrum bonus, an malus. Quamvis enim facta prava a nobis improbentur, non tamen propterea cessant officia, quæ ipsi tanquam homini debentur. Hæc imprimis probe notanda sunt in præsentis, ubi de jure sepulturæ agendum, ne hoc jus arctioribus limitibus constringatur, quam par est, & ut intelligatur cur hoc jus a veteribus nonnullis vocetur jus humanitatis.

§. 741.

Cuinam mortuus est benefactor ejus, in quem morte sua dominium rerum suarum & jura ad rem, vel in re sibi competentia transmittit.

Qui enim dominium rerum suarum & jura ad rem vel in re sibi competentia transmittit, is bona sua gratis dare eadem intelligitur (§. 448. 451. part. 2. Jur. nat.). Quamobrem cum hic actus mere beneficus sit (§. 3. 4. 18. part. 4. Jur. nat.), qui in præsens absolvitur, quod per se patet; istiusmodi autem actus beneficium sit (§. 17. part. 4. Jur. nat.); qui morte sua dominium rerum suarum & jura ad rem, vel in re sibi competentia in alterum transmittit, maximum in eum beneficium confert, quod conferre potest. Benefactor alterius est, qui beneficium dat (§. 20. part. 4. Jur. nat.). Mortuus igitur est benefactor ejus, in quem morte sua dominium rerum suarum & jura ad rem, vel in re sibi competentia transmittit.

Non semper hoc agnoscitur, cum multi sibi persuadeant, quasi bona defuncti accipiant tanquam debita, non tanquam beneficium, nec mortuo deberi gratias, cum non amplius existat. In utroque autem oppido falluntur; quid in priori errori tribuendum sit, suo loco clarius elucescet, quando de successione ab intestato acturi sumus: mortuis autem gratias agi ac rependi posse, ex antea demonstratis abunde patet.

§. 742.

§. 742.

Quoniam mortuus est benefactor ejus, in quem mor- *De grato a-*
 tue sua omnia bona sua transmittit (§. 741.), erga benefa- *nimo ejus in*
 ctorem vero etiam mortuum grati esse debemus (§. 721.) *quem defun-*
 eidemque gratias agere (§. 723.); *in quem bona sua defun-* *ctus bona sua*
ctus morte sua transmittit, vis erga defunctum gratias esse ac eidem transmittit.
gratias agere debet.

Maximum omnino beneficium est, quod ab alio accipere possumus, si dat, quicquid habet, ut nihil prorsus sibi retineat. Hoc autem obtinet, si defunctus omne jus suum, aut, si maluit, omnia bona sua in nos transmittit. Quamobrem etiam eidem ad gratias agendas prae aliis beneficiariis nos obligatos existimare debemus. Si qua adhuc dubitatio suboriri potest, quae a modo aestimandi beneficia dependet; ea tum expendenda, quando in philosophia morali modum beneficia aestimandi explicaverimus. Multo omnino hic consideranda veniunt, de quibus dici paucis non potest.

§. 743.

Quoniam mortuus est benefactor ejus, in quem morte *Quod ille*
 sua dominium rerum suarum & jus omne reliquum transmit- *hunc amare*
 tit (§. 741.), beneficiarius vero benefactorem amare debet *debeat.*
 (§. 39. part. 4. *Jur. nat.*), & amare potest etiam mortuum
 (§. 736.); *is, in quem defunctus dominium rerum suarum & jus*
omne reliquum transmittit, defunctum amare debet, consequen-
 ter *signa amoris erga eum edere, si qua edendi occasio sese offert*
 (§. 738.), *etiam in modo, quo corpus mortui a conspectu nostro re-*
movendum, siquidem fieri possit (§. 739.).

Quicquid de amore in genere valet, id etiam valet de amore beneficiarii erga benefactorem, adeoque & de amore ejus, in quem defunctus morte sua omnia bona sua transmittit.

§. 744.

§. 744.

Sepeliri & *Mortuus sepeliri* dicitur, qui quoquo modo conditur; in *humari* quid specie autem *humari*, qui humo contegitur. *Quis adeo humatur, sit.* is *sepelitur*; *est non omnis, qui sepelitur, humatur.*

Differentiam hanc inter sepulturam & humationem tradidisse *Plinius* Hist. nat. lib. 7. c. 54. ac ideo *Cicero* de modo, quo mortui a viventibus removendi (§. 733.) dicturus humationem & sepulturam conjungit. Quoniam autem non alius fere modus sepeliendi apud nos usu receptus est, quam humatio; ideo sepeliri dicuntur termino generali, qui humanantur, quasi *humari* & *sepeliri* prorsus unum idemque sint.

§. 745.

De mortuo Quoniam sepeliuntur mortui, si quocunque modo conduntur (§. 744.); qui vero mortuos comedunt, eos in se-
in se sepulto. ipsis condunt; *qui mortuos comedunt, eos in seipsis sepeliunt.*

Constat olim gentes quasdam mortuos suos comedis- & *Moschion* existimat, humationi causam dedisse gigantem feritatem mandendi homines. Vid. *Grotius* l. 2. c. 19. §. 2. Si significatum vocabuli *sepelire* generalem retinere volueris, quemadmodum fas est, ubi nulla necessitas nos cogit ab eodem recedere; dicendum utique mortuos comedere esse quandam sepeliendi modum, saltem imperfectum, quatenus non totum corpus mortuum, sed caro saltem comedi potest. Non tamen ideo sequitur, hunc sepeliendi modum legi naturæ esse consentaneum.

§. 746.

Sepultura & *Sepultura* dicitur actus, quo mortui a vivis remoti con-
sepulchrum. duntur. *Sepulchrum* vero locus est, in quo corpus mortuum conditur, vel ossa cremati cum cineribus conduntur.

Quodsi ergo mortui comedantur, ossibus ac ceteris, quæ non comeduntur, in loco quodam conditis; sepulchrum erit

erit partim corpus ejus, qui comedit, partim locus, in quo ossa cum ceteris reliquiis condita fuerunt. Duplex nimirum hic actus est, quo mortuus conditur, ut e conspectu viventium tollatur, & duplex etiam locus, in quo conditur. Quodsi vero ossa tanquam res nullius usus abjiciantur, & reliquæ, quæ non comeduntur, canibus ac feris projiciantur; actus, quo mortui a vivis remonentur, erit mixtus, aut, si mavis, compositus ex sepultura & alio, qui sub ea comprehendi nequit, quemadmodum obtinet, si mortui cremati ossa cum cineribus demum conduntur.

§. 747.

Monumentum in genere dicitur, quicquid memoriam rei *Monumentum* præteritæ conservat, aut posteritati mandat. Unde *Monumentum* & *Epitaphium* mortui seu ejus causa factum dicitur res, quæ mortui *Epitaphium* memoriam posteritati mandat. *Epitaphium* vero est inscriptio supra sepulchrum, seu in monumento in laudem, vel *quid sit.* memoriam mortui facta.

Quando monumento additur inscriptio, sub vocabulo epitaphii una comprehendi solet. Monumentum tamen multo latius patet. Ita monumentum fit, si ad memoriam posteritatis scriptor celebres laudes alterius in scriptis suis propagat.

§. 748.

Exequia vocantur actus solennis, quo corpus mortui effertur in eum locum, ubi conspectui vivorum subducendum, & *funus* veluti ad sepulchrum, si mortui sepeliuntur, vel ad rogam, *quid sint.* si comburi solent. *Funus* vero dicitur pompa exequiarum, *Donato* interprete, ut adeo ad funus referantur actus omnes, qui corporis sepeliendi causa fiunt.

Sebardius in Lexico: Funus, inquit, generalius est, quam exequiæ. Est enim tota pompa tam domestica, quam extrinseca: Exequiæ vero tantum in via, dum funus procedit, (Wolffii Jur. Nat. Pars VI.) Ee ee Item:

Item: Exequiæ sunt funeris celebratio, dum corpus effertur, sicuti funus pompa exequiarum.

§. 749.

*De funero
imaginario
& legitimo.*

Funus imaginarium vocatur, quod ducitur cadavere absente. Græci *Cenotaphion* vocant, nos ein *Leichenbegängnis* dicimus. *Legitimum* vero dicitur *funus*, quando cadaver, seu corpus defuncti adest. *Funus* adeo *imaginarium* dicitur, sepultura jam clam sine ulla pompa facta.

Funera imaginaria etiam inter nos frequentantur non una de causa. Apparet vero, ea esse antiquissima, cum apud Græcos jam usu fuerint recepta.

§. 750.

*Quando
mortuos
mandere
non liceat.*

Mortuos mandere non licet, nisi in extrema necessitate. Et enim carne cadaverum humanorum vesci, si homines non eo sine fuerunt trucidati, ut in pabulum cedant, non contrariatur juri naturali communi, contrariatur tamen legi naturali perfectivæ (§. 388. part. I. *Jur. nat.*), atque vesci licet, si desit cibi alterius copia (§. 390. part. I. *Jur. nat.*). Mortuos igitur mandere non licet, nisi si desit cibi alterius copia, ut vel fame sit pereundum, vel carne cadaverum humanorum corpus pascendum nostrum, adeoque non licet mandere, nisi in extrema necessitate.

Extra casum necessitatis extremæ nemo facile appetet carnem cadaveris humani, nisi a prima infantia hoc cibo fuerit pascuus, ut adeo superfluum videri possit talia hic demonstrari, nisi instituti ratio urgeret, ut de more mortuos in vivis sepeliendi olim usitato apud barbaras quasdam gentes hic quoque dicemus.

§. 751.

An mortuos

Mortuos mandere non est modus sepeliendi aptus. Etenim
is esse

is esse debet modus sepeliendi mortuos, ut non modo illi, in *mandere sit* quos defunctus morte sua transmittit omnia bona sua (§. *apertus sepe-* 743.); verum etiam alii, qui eundem amarunt & promiscue *liendi mo-* homines quicunque signa amoris erga defunctum in eodem *das.* edere possint (§. 739. 737.), & quo corpus humanum mortuum a cadaveribus brutorum distinguitur (§. 734. 735.). Enimvero si mortuorum carne corpora vivorum pascuntur, officium istud amoris cessat, cumque dubitandum non sit, quin carne etiam cadaverum aliorum vescantur, qui a carne cadaverum humanorum non abhorrent, cadavera hominum & brutorum eodem loco habentur. Mortuos adeo mandere non est aptus sepeliendi modus.

Non igitur mirum, quod nonnisi gentes feræ ac barbaræ eundem probarint; ab eodem vero abhorreant non modo cultiores, verum etiam barbaræ, quæ ferinis moribus destituuntur. Vesci carne cadaverum humanorum ferinis moribus utique accensendum: etenim feræ, sive quadrupedes fuerint, sive volucres, quæ carne pascuntur, inter cadavera brutorum ac hominum non distinguunt. Perinde igitur est, sive corpus humanum mortuum carnibus ac feris abjiciatur, sive homines mortuos mandent. Quamobrem cum illud facere non debeamus (§. 735.); nec hoc nobis permixtum censeripotest. Neque est, quod dubitemus, morem mandendi mortuos conjunctum fuisse cum more abjiciendi cadavera eorum canibus ac feris, propterea quod nec mortuos totos mandere potuerunt, ut adeo reliquæ fuerint abjiciendæ, nec omnium promiscue mortuorum caro commodum pabulum corporis humani præbet, ut cadaver totum tanquam inutile fuerit abjiciendum. Neque enim existimandum est, homines feros ac barbaros, qui cadavera hominum ac brutorum eodem loco habuerunt, peculiarem curam adhibuisse in condendis reliquiis cadaverum, vel integris cadaveribus, quæ in pabulum cedere non poterunt.

§. 752.

*Quomodo
mortuis ho-
nor d. f. ra-
tur.*

Honor mortuis deferitur, quando facta quodam declaramus, nos facta ipsorum ex virtutibus intellectualibus ac moralibus profecta agnoscere. Etenim facta ex virtutibus intellectualibus & moralibus profecta honore dignum probant (§. 552 part. 1. Jur. nat.). Quamobrem cum alteri honorem deferamus, si nostrum de iis iudicium actibus externis significamus (§. 538. part. 3. Jur. nat.); honor mortuis deferitur, quando facta quodam declaramus, nos facta ipsorum ex virtutibus intellectualibus ac moralibus profecta agnoscere.

E. gr. Honorem mortuis deferre licet in ipsorum imaginibus, quas in conspectu nostro locamus memoriz causa, quas osculamur, ornamus ac pretio affectionis tanquam rem pretiosissimam æstimamus, nec sine voluptate intuemur, & alio quovis modo possibili colimus. In alia facta non inquirimus, quibus etiam mortuis honorem deferre valemus. Sufficit enim vel unico declarasse, delationem honoris, quæ mortuis fieri debet, non esse impossibilem.

§. 753.

*Quod sit de-
ferendus.*

Honorem etiam mortuis, quem merentur, deferre debemus. Unusquisque alteri honorem exhibere debet, quem meretur (§. 648 part. 1. Jur. nat.). Quamobrem cum impossibile non sit, ut etiam post fata ipso facto declarem, nos facta mortui ex virtutibus intellectualibus ac moralibus profecta agnoscere (not. §. 752.), quando vero hoc fit, honor mortuo deferitur (§. 752.), quem meretur (§. 552. part. 1. Jur. nat.); honorem etiam mortuis, quem merentur, deferre debemus.

Vide quæ supra de obligatione naturali annotavimus (not. §. 729.) dum ostendimus, quamdiu officium laudis debeatur mortuis,

§. 754.

§. 754.

Honorem mortuis deferimus, si exequias comitemur. Quando enim exequiæ celebrantur, corpus mortui ad sepulchrum, vel, ubi mos est cremandi mortuos, ad rogam delatatur mortuis. fertur (§. 748). Qui adeo exequias comitantur, mortuum ad sepulchrum, vel rogam, seu eum locum comitantur, ubi conspectui vivorum subducendus, consequenter ipso facto significant, quod bene de eo existimant. Quamobrem cum in actibus externis, quibus existimatio significatur, honor consistat (§. 538. *part. 1. Jur. nat.*); quin honorem mortuis deferamus, si exequias comitemur, dubitandum non est.

Non est, quod objicias, fieri posse, ut quis exequias comitetur, etiam male de defuncto existimet. Sufficit enim, nos exequias comitari posse, quia bene existimamus de defuncto. Cum non aliud hic demonstrare intendamus, quam quod comitando exequias mortuo honor deferri possit. Si quis hoc facit in eorum gratiam, qui funus faciunt, vel amicorum aut agnatorum causa, quos habet, defunctus; sane nec hi aliud intendunt, quam ut mortuo honor deferatur, quorum adeo judicio ac voluntate stamus. Fieri omnino potest, ut etiam vivis perhibeatur honor, quem non merentur, sive animo sincero, sive simulato; id tamen ipsum actum, quo perhibetur, non efficit ineptum ad honorem tribuendum. Neque abhorret a notionibus communibus, quod, quando ad exequias honestas convenitur, id honori mortui imputetur. Quando enim ad eundem exequias invitamus, dicere solemus, rogari eos, qui invitantur, ut ultimum honorem perhibeant defuncto.

§. 755.

Quoniam honorem mortuis deferimus, si exequias comitemur (§. 754.), honorem vero etiam mortuis deferre debemus, quem merentur (§. 753.), obfacta scilicet ex invitati-
An invitati debemus, quem merentur (§. 753.), obfacta scilicet ex invitati-
amur.

tutibus intellectualibus & moralibus profecta (§. 552. *part. 1. Jur. nat.*); si ab iis, qui funus faciunt, vel amicis defuncti ad comitandum exequias invitamur, ac defunctus hunc honorem meretur; exequias comitari debemus, nisi iusta causa impediamur.

Nemo adeo malus est, ut nihil prorsus in eo deprehendatur boni, & propterea in casu dubio hoc præsumitur. Quamobrem cum illud bonum, qualecunque & quantumcunque sit, etiam agnoscere debeamus, & quod illud agnoscamus verbis ac factis declarare, quando occasio offertur, si quidem honorem alteri debitum denegare nolimus (§. 648. 538. *part. 1. Jur. nat.*), in casu autem dubio standum sit præsumptione; non facile dabitur casus, in quo comitatum exequiarum invitati, nec alias impediri licite denegamus, quasi defunctus indignus prorsus sit, cujus exequias præsentia nostra cohonestemus.

§. 756.

*De exequiis
mortuo de-
bitis.*

Quia honorem mortuis deferimus, si exequias comitemur (§. 754.), honorem vero etiam mortuis deferre debemus, quem merentur (§. 753.), ob facta scilicet ex virtutibus tam intellectualibus, quam moralibus profecta (§. 552. *part. 1. Jur. nat.*), consequenter etiam ob beneficia nobis præstita, & amicitiam, quam nobiscum coluerunt; *mortuos exequiis spoliare non debemus, sed eas potius celebrare.*

Quemadmodum hominibus omnibus non idem debetur honor; ita etiam exequiæ non celebrantur eadem pompa. Non tamen æquum est, ut quis exequiis spoliatur, & instar cadaveris brutorum cadaver ipsius ad sepulchrum deferatur.

§. 757.

*Idem porro
expenditur.*

Quoniam exequiis nemo spoliari debet (§. 756.), exequiæ autem celebrantur, quando corpus defuncti non sine omni solennitate ad sepulchrum deferatur (§. 748.); *cada-*
ver

ver humanum non absque omni solennitate ad sepulchrum deferendam.

Non tamen hinc inferendum, quasi eadem solennitate mortui omnes ad sepulchrum sint efferendi: sunt enim tam in statu naturali, quam in civili rationes sufficientes diversitatis solennitatum. In statu naturali, quemadmodum in omni alio casu, ita etiam hic veritati unice liatur: in statu autem civili multum, immo plurimum dandum est opinioni, quemadmodum suo loco patebit. Exequiæ ducuntur honoris causa: non autem omnibus idem debetur honor, cum unicuique debeatur is, quem meretur (§. 648. part. 1. Jur. nat.). Honor autem verus, cui in statu naturali locus unice est, plurimum differt a civili: quam differentiam suo loco exposuimus. Ceterum cum homini jus sit ad omnes actus, quibus honorem alteri deferre, adeoque quanti eum faciat declarare potest (§. 159. part. 1. Pbil. pract. univ.); ab arbitrio quoque hominum dependet, quas honorandi mortui causa solennitates in efferendis mortuis ad sepulchrum introducere velint.

§. 758.

Comitatus exequiarum ad funus pertinet. Quoniam enim exequiæ consistunt in modo solenni, quo mortui ad sepulchrum, vel ubi eos cremare mos est, ad rogam deferuntur (§. 748.); comitatus exequiarum ad earundem pompam referendus. Quamobrem cum in pompa exequiarum consistat funus (§. cit.); comitatus earundem ad funus pertinet.

De comitatu exequiarum.

Obscurum ac difficile videri poterat, quomodo ea, quæ sunt exequiarum, ab illis distinguenda sint, quæ ad funus pertinent. Tenendum itaque est in exequiis potissimum spectari actum elationis, quatenus distinguitur ab eo, quo cadavera brutorum e conspectu nostro remouentur (§. 735.), ut ex eo appareat, nos inter homines mortuos & brutorum cadavera distinguere, & quatenus amoris universalis erga homines in universum omnes indicium est (§. 737. 739.) Quæ vero actui elationis ad-

utrum-

utrumque significandum apto præterea accedunt, ad pompam exequiarum faciunt, adeoque ad funus pertinent. Pertinent huc vestes, quibus mortui induuntur & loculo immittuntur, ipse etiam locus & ejus ornamenta, ac alia istiusmodi pro diversis gentium moribus diversa, veluti pulsus campanarum funebri & ita porro. Unde facile patet funus multo latius patere, quam exequias, quæ in se spectatæ pompa omni destituuntur.

§. 759.

Honor humanitatis quid sit.

Honor humanitatis dicitur, qui homini deferretur quatenus homo est, consequenter *in actibus consistit*, quibus significamus, nos agnoscere, quod alter sit homo.

Equidem cum honor consistat in actibus, quibus nostrum de perfectione alterius iudicium significamus (§. 538. *part. 1. Jur. nat.*) & facta ex virtutibus intellectualibus ac moralibus profecta hominem honore dignum probent (§. 552. *part. 1. Jur. nat.*), dubitari poterat, num homini ea sola de causa honor aliquis deferri possit, quia homo est: attamen hoc fieri utique posse non amplius dubitabit, qui rem penitus inspicere voluerit. Datur enim perfectio naturalis hominis, qua is distinguitur a rebus omnibus aliis, quam agnoscere ac ipso facto, quod eam agnoscamus, significare utique possumus. Actus autem, quibus hoc significatur, ad honorem utique referendi, qui talis est, qualem humanitas exigit, diversus utique ab eo, qui alia de causa exhibendus, nec ipse idem est in omni casu. Commendat lex naturæ hominem homini, ut eundem amet tanquam seipsum (§. 632. *part. 1. Jur. nat.*), consequenter tanquam amore nostro dignum. Quamobrem si actibus externis declaramus, nos hominem qua hominem amore nostro dignum existimemus, tum ipsi honorem exhibemus, qui humanitati deferri potest. Nec honor, qui humanitati exhibetur, repugnat notionibus communibus. Reprehendimus enim eos, qui homines alios brutorum loco habent, immo abjectius de iisdem, quam de brutis existimant, manifesto indicio, humanitatis admitti contemptum. Qui vero contem-

rum

tum humanitatis admittit, is etiam honorem admittere tenetur, qui homini propter humanitatem, seu ideo, quod homo est, defertur (§. 787. part. 1. *Jur. nat.*).

§. 760.

Humanitatis honorem unicuique exhibere debemus. Ete. Quod sit nim natura homines omnes æquales sunt (§. 81. part. 1. *Jur. præceptus nat.*), adeoque unumquemlibet spectare debemus tanquam *lege natura-* æque hominem. Homines omnes amare debemus tan- *li.* quam nosmetipsos (§. 632. part. 1. *Jur. nat.*), adeoque eos considerare debemus tanquam amore nostro dignos. Homines denique perfectione naturali superant res creatas omnes, quod per se patet, adeoque agnoscere debemus, eos esse præstantissimos omnium creaturarum. Quoniam itaque obligantur ad actionum rectitudinem (§. 189. part. 1. *Phil. pract. univ.*), ad eandem vero etiam requiruntur actus externi internis consentanei (§. 80. part. 1. *Phil. pract. univ.*); actibus quoque externis significare debemus, quod homines alios quoscumque spectemus tanquam æque homines, amore nostro dignos & omnium creaturarum præstantissimos. Quamobrem cum in his actibus consistat honor humanitatis (§. 759.); humanitatis honorem unicuique exhibere debemus.

In honore, qui humanitati debetur, non spectantur nisi ea, quæ ad humanitatem spectant, seu homini, qua homini competunt. Ne autem eundem violemus, quotiescunque nobis cum altero negotium est, probe perpendendum nobis cum eo esse negotium, quem natura nobis æqualem fecit (§. 81. part. 1. *Jur. nat.*), adeoque eadem tribuit jura, quæ nobis (§. 78. part. 1. *Jur. nat.*), ita ut nemini prærogativa ulla comperat (§. 94. part. 1. *Jur. nat.*), & quem amore nostro dignum declarat (§. 632. part. 1. *Jur. nat.*). Dum lex naturæ præcipit, ut quod jure connato tibi fieri vis, id alteri cuicumque facias (*Wolffii Jur. Nat. Pars I.*) Ff ff (§. 102.

(§. 102. *part. 1. Jur. nat.*), & ex aduerso prohibet, quod jure connato tibi fieri non vis, ne facias alteri (§. 101. *part. 1. Jur. nat.*); honorem utique urget, qui humanitati debetur. Quibus paradoxa videntur, quæ de honore humanitati debito hic dicuntur; ex distinctis notionibus de re quacunque statuere nondum didicerunt, sed confusis notionibus intenti actus externos, quibus honoris exhibitionem sibi repræsentant, ad alienum casum transferunt, immo honorem imaginarium cum vero confundunt. Ceterum haud invitus largior, honorem, qui humanitati debetur, inter ea esse referendum, ad quæ paucissimi animum attendunt, etsi negari non possit, neglectum hujus officii actus humanos contaminare, quando ipsis cum aliis negotium est.

§. 761.

*De honore
humanitatis
mortuis de-
ferendum
inremoven-
dis cadave-
ribus ipso-
rum.*

Quoniam honorem humanitatis unicuique exhibere debemus (§. 760), adeoque externis actibus significare, quod agnoscamus alios esse homines (§. 759.), honor vero etiam mortuis, quem merentur, deferendus (§. 753.); *in modo, quo corpora mortuorum e conspectu nostro removemus, honorem humanitatis mortuis deferre debemus.*

Hinc sequitur, quod supra jam ostendimus, non eodem modo cadavera humana e conspectu nostro removenda esse, quo cadavera brutorum remouentur (§. 735.). Sane gentes, quæ hoc fecere, vel hodiernum faciunt, dignitatem naturæ humanæ non præspiciunt, ac seipsos ad brutorum consortium deprimunt. Agnovit dubio procul honorem hunc, qui mortuis promiscue exhibetur, dum sepeliuntur, *Cicero*, agnovit *Quintilianus* & *Lactantius*, qui sepulturæ officium humanitatem vocant, notante *Grotio* l. 2. c. 19. §. 1. Immo huc imprimis facit, quod apud eundem *Spartianus* tales esse sine reverentia humanitatis affirmet, qui mortuorum corpora sepeliri vetant in odium illorum. Quamdiu nimirum negare non potes, alterum esse hominem; tamdiu quoque honorem,

norem, aut si majoris reverentiam humanitatis eidem denegare non potes.

§. 762.

*Funus defuncti parare ac exequias ducere eodem modo licet, De aquilif-
sive cadaver cremetur, sive humetur, aut in crypta recondatur. lentia cada-
Quando enim exequiæ ducuntur, cadaver defuncti non sine vera cre-
solennitate effertur ad eum locum, in quo e conspectu vi- mandi & se-
ventium removendum, & funus paratur, dum ea fiunt, quæ peliendi.
ad pompam exequiarum faciunt (§. 748.). Quodsi cada-
ver cremandum, ad rogum effertur; si vero humandum, aut
in crypta recondendum, ad sepulchrum. Quamobrem fa-
cile patet, nil prorsus ob stare, quo minus eodem modo ad
rogum & ad sepulchrum efferatur, & eadem pompa in u-
troque casu. Funus adeo defuncto parare ac exequias du-
cere eodem modo licet, sive cadaver cremetur, sive hume-
tur, aut in crypta recondatur.*

Apud nos corpora humanantur, quædam etiam in crypta re-
conduntur. Ponamus, ea rogo esse imponenda, ut crementur
quamprimum ad eum locum delata sunt, ubi sepeliendi. Ec-
quis non videt, hoc fieri posse, etiamsi ea omnia facta fue-
rint, quæ facta fuerunt, antequam ad sepulchrum deferretur
cadaver. Nemo igitur dubitare potest, quin in funere paran-
do ac exequiis ducendis nihil prorsus immutandum sit, sive ca-
daver sit rogo imponendum, sive humandum, aut in crypta
recondendum. Funus igitur atque exequias si spectes, quoad
utrumque modum mortuos e conspectu vivorum removendi
nulla prorsus datur differentia.

§. 763.

*Eorum, quæ funeris causa fiunt, ratio desumenda est ab of- Ratio eorum,
ficiis erga mortuos. Quoniam enim funus continet actus omnes, quæ funeris
qui corporis sepeliendi, aut in genere a viventibus remo- causa fiunt.*

Ff ff 2

yendi

vendi causa fiunt (§. 748.); in parando funere satisfaciendum est officiis erga mortuos, quæ in modo cadavera humana a viventibus removendi observanda sunt (§. 735. 739. 743. 753. 754.). Quæ igitur funeris causa fiunt, cur fiant potius, quam non fiant, ex officiis istis intelligi debet. Quamobrem cum id, per quod intelligitur, cur quid potius fiat, quam non fiat, sit ratio ejusdem (§. 56. *Ontol.*); eorum, quæ funeris causa fiunt, ratio desumenda est ab officiis erga mortuos.

Si nulla essent hominis erga defunctos officia, temerarium foret parare funus & exequias celebrare, nec jure naturæ id approbari poterat, quod omnem actum temerarium damnat (§. 278. *part. 3. Jur. nat.*), ac perinde foret, quocunque modo mortui a vivis removerentur, cum modus eadem removendi præter rationem physicam non haberet aliam, nimirum ne, dum corruptuntur, fetore suo viventibus molestiam creent, nec sanitati nocumentum adferant. Ob hanc rationem physicam: cum lex naturæ præcipiat remotionem cadaverum humanorum ex iis locis, in quibus vivi degunt (§. 733.); siquidem nulla prorsus essent erga mortuos officia, eadem nobis jus daret ad quemlibet actum, quo removeri possunt (§. 159. *part. 1. Phil. pract. univ.*). Quoniam vero ipsa urget officia quædam erga mortuos; ideo nec jus dat nisi ad modum removendi cadavera humana a viventibus, in quo officiis istis satisfieri potest, illum vero damnat, qui iisdem adversatur. Exequiæ igitur ac funus cum pertineant ad modum, quo cadavera humana a viventibus removenda; quæ exequiarum ac funeris causa fiunt, eorum utique ratio aliunde desumenda non est, quam ab officiis erga mortuos. Hic quidem agitur de eo, quod naturalis ratio suggerit: quæ enim religio suadet, aut jubet, ea non sunt hujus fori, attamen non contraria illis, ut, quæ ejus nomine accedunt, cum istis consistere possint, eademque firment, immo mediantibus principis juris naturæ, quæ jam evincuntur, demonstrantur. Sane dignitatem hominis,

- minis, qua nititur honor humanitatis in ipso quoque modo, quo cadavera humana e conspectu nostro tolluntur, mortuis deferendus (§. 761.), religio christiana magis conspicuam facit, & amorem illum universalem, qui in præsentī casu non negligendus (§. 739.), magis firmat. Ast ea, quæ ex principiis theologicis demonstranda sunt, Theologis discutienda relinquimus, immo relinquere debemus, ne extra oleas evagmur.

§. 764.

Cadavera humana cremare ac cineres cum ossibus, si quæ super sint. An cadaver persint, condere ductis exequiis ac funere jure naturali permittitur; ra mortuo non tamen aq̃e commodum est ac eadem humo condere. Etenim rum cremati cadavera cumentur, nulla viventibus molestia creatur, nulle liceat. si cadavera cremantur, nulla viventibus molestia creatur, nullum sanitati periculum imminet a foetore, quando corrumpuntur, quod per se patet. Quamobrem cum ea de causa mortuorum corpora ex iis locis, in quibus degunt, sint removenda (§. 733.); cadaverum crematione obligationi huic naturali satisfi. Enimvero lex naturæ quoque urget certa officia defuncto præstanda in modo, quo a viventibus cadaver ejus removetur, *per antea demonstrata*, adeoque dat jus ad eum modum, quo officiis istis satisfieri potest (§. 159. part. 1. Phil. pract. univ.). Quamobrem cum defuncto funus parari ac exequiæ duci possint, si cadaver ipsius rogo impositum cremetur (§. 762.), & eorum, quæ funeris causa fiunt, ratio desumenda sit ab officiis erga mortuos (§. 763.); lex naturæ quoque dat jus ad cadavera humana cremanda & cineres cum ossibus, si quæ supersint, condendum, funere ac exequiis ductis, consequenter jure naturali hoc permittitur (§. 165. part. Phil. pract. univ.). *Quod erat unum.*

Enimvero cum non modo magna lignorum quantitas requiratur ad corpus defuncti cremandum, cineres vero cum ossibus, si quæ supersunt eodem modo condendi, quo corpus

pus prouti est condi potest, ac præterea multum temporis spatium requiratur, antequam comburetur, cum cadaver facillime condatur; modus cadavera humana cremandi ac cineres demum cum ossibus, si quæ supersunt, condendi non æque commodus est, ac modus eadem humandi. *Quod erat alterum.*

Constat olim apud plerosque Græcos mortuos crematos fuisse. Nostrum igitur esse duximus, ut ostenderemus, morem hunc minime adversari juri naturæ. Sumtuosus vero est in iis præsertim locis, ubi lignorum magna copia non suppetit, ac fere impossibilis efficitur, ubi lignorum magna penuria est, ut ea præter necessitatem consumenda non sint. Quamvis adeo legi naturæ per se non adversetur mos cremandi cadavera humana; non tamen propterea promiscue eandem ubivis permittit, ut adeo dici nequeat eum universaliter jure naturæ approbari. Si quibus mos iste horridus videatur, id quidem inde est, quod incendiorum idea animo obversetur & apud nos in pœnam maximorum delictorum cadavera decollatorum comburi soleant.

§. 765.

De mortuorum humatione.

Mortuos humare jure natura permissum & modus hic eos e conspectu viventium removendi omnium commodissimus. Cum mortui humantur, corpora eorum humo teguntur (§. 744.). Quando itaque in putrefactionem abeunt, nullo fœtore inficitur aer, qui vel molestiam creare viventibus, vel eorum sanitati insidiari possit, quemadmodum diuturna experientia dudum comprobatum est. Atque adeo satisfieri potest hoc modo obligationi mortuos removendi ex iis locis, ubi sunt vivi (§. 733.). Præterea quoque exequiæ ac funus duci possunt mortuis humandis eodem modo, quo duci possunt, si cremantur (§. 762.), consequenter & in humanis mortuis satisfacere datur officiis erga eosdem (§. 763.). Quo-

Quoniam itaque lex naturæ dat nobis jus ad eos actus, sine quibus obligationi naturali satisfacere nos non possumus (§. 159.), consequenter si plures fuerint, quibus eidem satisfieri potest, ad singulos; nobis utique etiam jus dat ad mortuos ductis exequi ac sepelire humandos. Jure adeo naturæ permissum humare mortuos (§. 165. *part. 1. Phil. pract. univ.*)

Quod erat unum.

Humatio mortuorum minus sumptuosa est, quam crematio, nec ceteris incommodis obnoxia, quæ crematio secum trahit: id quod per se satis patet. Est igitur modus magis commodus mortuos e conspectu viventium tollendi, quam crematio. Enimvero quoniam cadavera humana feris ac volucris non abjicienda, nec permittendum, ut sub sole putrescant (§. 735.), neque etiam eos mandere licet, ut intra viscera nostra condantur (§. 750. 751.); non alius modus superest mortuos e conspectu vivorum tollendi, ut sint contra feras ac volucres tuti, quam ut vel crementur, vel humentur, aut, quod perinde est, in crypta quadam recondantur. Mortuos itaque humare est modus omnium commodissimus eos a conspectu viventium removendi. *Quod erat alterum.*

Non est quod excipias, posse quoque cadavera in fluminibus submergi. Præterquam enim quod non ubivis locorum flumina vicina sint, in quibus hoc fieri possit, me tacente abunde patet, quanta sese offerant incommoda, si facere velis, ut ideo nulla unquam gens extiterit, quæ cadavera humana fluminibus commiserit. Quodsi ergo sub dio non relinquenda, necesse omnino est, ut vel crementur, vel humo tegantur, aut, quod perinde est, in crypta quadam recondantur. Neque est, quod objicias, posse eadem muris includi: facile enim patet, hunc morem universaliter recipi minime posse. Manet igitur ratum, non dari nisi duos modos mortuos e numero viventium.

ventium tollendi, quos probat jus naturæ, nimirum ut cadavera vel cremantur, vel humo tegantur, modum vero posteriorem ubivis locorum ac tempore omni esse commodissimum. Ponamus e. gr. magnam stragem dari in prælio. Facile aliquot millia hominum humo teguntur, non autem eadem facilitate tot cadavera cremantur. Idem patet, si pestilentia cattervatim stragem det.

§. 766.

*Quo jure
mortui hu-
mandi.*

Jure natura perfectivo mortui sunt humandi. Etenim humare mortuos non modo jure naturæ permissum; verum etiam hic mos omnium commodissimus mortuos e conspectu vivorum tollendi (§. 765.). Quamobrem cum lex naturæ nos obliget ad id, quod altero melius, eidem præferendum (§. 192. part. 1. Phil. pract. univ.), sitque hæc lex naturæ perfectiva (§. 193. part. 1. Phil. pract. univ.), jure naturæ perfectivo mortui sunt humandi.

Atque adeo patet, jure naturæ non tantummodo permissum esse, ut mortuos humemus; sed nos etiam ad eosdem humandos obligari, etsi dici simpliciter nequeat peccare eos, qui cremant mortuos, cum cremare quoque sit permissum, quamvis nulla prorsus adsit obligatio, ut morem istum præferamus æque licitis aliis.

§. 767.

*An sepul-
tura mortuis
debita.*

Quoniam jure naturæ perfectivo mortui sunt humandi (§. 766.), consequenter ad eosdem humandos obligamur (§. 118. part. 1. Phil. pract. univ.), id vero alteri debetur, ad quod faciendum eidem sumus obligati (§. 170. part. 1. Phil. pract. univ.); *humatio mortuis debetur*, cumque actus, quo humanantur mortui, sepultura sit (§. 744.), *sepultura mortuis debetur*.

Sepulturam spectari debere tanquam debitam, sunt qui dubitant. Unde ipse Grotius eandem ad jus gentium voluntari-
um

um refert, quasi mos sepeliendi mortuos a sola hominum voluntate veniat. Contrarium tamen ex iis, quæ hæcenus demonstrata sunt, patere puto. Cum nostro ævo apud plebrasque gentes mortui humantur, quando de sepultura loquimur, humationem intelligimus: sit ita quod etiam inos cremandi mortuos significatu latiori sub hoc termino contineatur (§. 744.), quam jure naturæ permissam esse, etsi non debitam simpliciter, antea demonstravimus (§. 764.).

§. 768.

Quoniam ad mortuos humandos jure naturæ perfecti- *Andetur jus*
vo obligamur (§. 766.), ex obligatione autem nascitur jus *sepulturae.*
mortuis ad id, quod facere ipsis tenemur (§. 23. *part. 1. Jur.*
nat.); *mortuis competit jus ad sepulturam.*

Atque adeo liquet, jus sepulturæ esse jus naturale, seu quod homini natura competit, adeoque posita essentia & natura hominis ponitur, consequenter connatum est (§. 28. *part. 1. Jur. nat.*), ac ideo illi auferri nequit (§. 64. *part. 1. Jur. nat.*). An vero auferri possit in prænam, suo loco disquirendum.

§. 769.

Jus sepulturae humanitati debetur, seu homini ideo competit, Fundamen-
quia homo est. Quando enim homo sepelitur, vel prouti est *tum juris*
cadaver conditur, vel ideò crematur & cineres cum ossibus, *sepulturæ.*
si quæ supersunt, conduntur (§. 764.). Non igitur intar
cadaverum brutorum sub dio relinquitur, ut sub sole putrescat ac feris & volucris in pabulum cedat. Sepultura
igitur distinguitur a brutis, & eadem significatur, quod agnoscamus, mortuum fuisse æque hominem, ac nos sumus, consequenter humanitatis honorem ei exhibemus (§. 759.). Quoniam itaque hominibus mortuis debetur sepultura (§. 767.); jus sepulturæ homini ideo competit, quia homo est, adeoque humanitati debetur.

(*Wolffii Jur. Nat. Pars VI.*)

Gg gg

Ideo

Ideo nimirum homo mortuus sepeliendus, quia homo est, ne cum brutis, qui feris ac volucris abjiciuntur & sub sole putrescunt, in eundem censum referatur. Quamobrem nunc multo clarius patet, cur sepulturæ jus vocetur jus humanitatis. Quoniam homines mortuos sepeliendo honorem humanitati deferimus (§. 759.); in humanitatem injurii sunt, qui mortuos sepultura privant, nisi fiat in justam pœnam eorum, qui sese sepultura indignos reddiderunt, in statu scilicet civili, de quo suo loco.

§. 770.

*Quinam
sint sepeli-
endi.*

Quoniam jus sepulturæ debetur humanitati, seu homini ideo competit, quia homo est (§. 769.); *homines omnes sunt sepeliendi, sive fuerint amici, sive inimici, sive indifferenti in nos animo, & cujuscunque tandem fuerint conditionis, consequenter neminem sepultura privare debemus (§. 64. part. 1. Jur. nat.).*

Ostendimus paulo ante, neminem exequiis esse spoliandum (§. 756.). Exequiæ igitur ducendæ sunt, quando sepeliendus. Quamvis vero exequias comitando honorem mortuis deferamus (§. 754.), honorem vero mortuis, quem merentur, denegare non debemus (§. 753.); exequiæ tamen duci possunt etiam sine comitatu, utpote qui ad funus, adeoque ad pompam exequiarum pertinet (§. 758.). Humanitati debentur exequiæ (§. 757. 748.), quemadmodum sepultura (§. 769.); pompa vero earundem non in humanitate, sed in officii aliis erga mortuos rationem sufficientem habet (§. 763.), adeoque cum exequiis non inseparabiliter coheret. Hæc igitur etsi absit, non tamen in humanitatem peccatur, consequenter necesse non est, ut omnibus hominibus non sine pompa ducantur exequiæ, nec sine ea sepeliantur. Immo quoad eandem in sepeliendis mortuis ac exequiis ducendis diversitatem locum habere posse immo debere, ex iis, quæ de officiis erga mortuos in anterioribus demonstrata sunt, intelligitur.

§. 771.

§. 771.

Quoniam jus sepulturæ humanitati debetur (§. 769.); *Cuiam pro-*
officium sepeliendi non tam homini, quam humanitati, hoc est, prae-
non tam persone, quam naturæ humanæ præstatur. *statur officium*

Atque ideo *Seneca* de Benef. lib. 5. c. 20. & *Quintilianus* *sepultus æ.*
 Decl. 6. sepulturæ officium vocant humanitatem publicam,
 quæ scilicet universis debetur, sive fuerint pauperes, sive divi-
 tes, sive plebeji, aut rustici, sive nobiles, cum natura huma-
 na conveniat singulis. Præstatur adeo mortuo a vivis tan-
 quam naturæ consorti, ne velut probro afficiatur post mor-
 tem, si cadaver nudum confluat. Dignitatem humanæ naturæ non
 prospiciunt, qui humanitatis honorem, quem diximus (§. 759.),
 non capiunt.

§. 772.

Quoniam jus sepulturæ omni homini competit, quia *Jus sepultu-*
 homo est (§. 769.), jus autem universale est, quod homi-
 ni cuilibet competit, quia homo est (§. 13. part. 1. *Jur. nat.*); *ra quale sit.*
jus sepulturæ jus universale est.

Recte itaque dicitur *jus generis humani*, cumque naturæ hu-
 manæ cohæreat qua tali (§. 771.), generis humani proprium
 est, nec ad jus naturæ commune, hominum scilicet ac bruto-
 rum, sed ad jus hominum proprium pertinet (§. 162. part. 1.
Phil. præct. univ.).

§. 773.

Cæmeterium dicitur locus, ubi corpora mortuorum pro- *Cæmete-*
 miscue humari solent, vel ubi sunt sepulchra. Vocatur etiam *rium vel se-*
Sepulchretum. Idiomate patrio dicitur *der Kirchhof*, si locus iste *pulchretum*
 fuerit juxta ædes sacras; *der Gottes-Acker*, si fuerit extra *quid sit.*
 portam, vel loco intra urbem a templo remoto.

Cæmeterium Latine dormitorium sonat, adeoque locum
 denotat, in quo dormitur vi originis. Scriptores adeo christia-

Gg gg 2

nilo-

ni locum publicum, in quo humanantur corpora mortuorum, cœmeterium dicere maluerunt, quam sepulchretum, quia propter resurrectionem mortuorum mortem cum somno compararunt, ut adeo mortui in sepulchris quasi dormiant, donec in die extremo voce divina resuscitentur.

§. 774.

*Ubi mortui
sint sepeli-
endi.*

Naturaliter mortuum sepelire licet, ubi placuerit: introductis autem dominiis, nemo mortuum inferre potest nisi in locum proprium; in locum autem alium mortuus inferri nequit, nisi consentiente domino. Mortuos enim sepelire debemus (§. 767.). Quamobrem cum sepeliantur, ubi humo injecta conduntur (§. 744.); officium hoc humanitatis mortuo præstatur, ubicunque sepelitur. Naturaliter adeo mortuum sepelire licet, ubi licuerit. *Quod erat primum.*

Enimvero cum de usu loci disponat, qui mortuum eadem infert, utpote sepulturæ eandem destinans, hoc vero jus ad dominium pertineat (§. 136. part. 2. *Jur. nat.*), quo dominus ceteros omnes excludit (§. 120. part. 2. *Jur. nat.*); nemo quoque dominiis introductis mortuum inferre potest in locum alienum, adeoque nemo eum inferre potest nisi in proprium. *Quod erat secundum.*

Quoniam tamen quilibet jus quoddam suum in alterum transferre potest voluntate sua (§. 12. part. 3. *Jur. nat.*); alteri quoque permittere potest, ut in locum suum inferat mortuum. Cum tamen hoc siuapte sponte facere non possit infcio ac inconsulto domino, *per demonstrata*; in locum alienum mortuum inferre non licet, nisi consentiente domino. *Quod erat tertium.*

Romanis locus dicebatur religiosus, in quem mortuus illatus fuerat l. 6. ff. de rer. div. Et Cicero l. 11. de Leg. referente, ea loca, in quæ mortuus illatus fuerat; neque arari, neque

que coli jus fuit. Notandum tamen, quod *Celsus* monet l. 2. §. 2. de relig. non totum locum, qui sepulturæ destinabatur, religiosum factum fuisse, sed quatenus corpus humarum est. Quod vero Romani noluerint, locum sepulturæ destinatum alii adhuc usui destinari tanquam rem promiscui usus; id factum videtur ex reverentia humanitatis, mortuis in sepultura præstanda (§. 761.).

§. 775.

Quoniam naturaliter mortuos sepelire licet, ubicunque libuerit, introductis tamen dominiis in loco nonnisi proprio (§. 774.); cœmeterium vero locus est, qui sepulturæ mortuorum promiscue destinatur, & in quo adeo plura sunt sepulchra (§. 773.); *in statu naturali*, quo solo jure naturæ utuntur homines (§. 124. part. 1. *Jur. nat.*), *nulla dantur cœmeteria.*

Ancæmeteria dantur in statu naturali.

Immo nec necesse est, ut sint cœmeteria, seu sepulchreta in statu civili, siquidem commode fieri possit, ut locum quendam in agro privato sepulturæ destinet unusquisque. Sed de eo plura dicenda erunt suo loco. Quamvis vero naturaliter mortuum humare licet, ubicunque placuerit (§. 774.); per se tamen patet, si qua loco insit ratio, quæ honori humanitatis in sepultura mortuo deferendo adversatur, eum ibidem humari non debere. Ita si quis locus destinatus sit cadaveribus brutorum; cadaver humanum ibidem humare officio sepeliendi utique contrariatur.

§. 776.

Dominiis introductis pluribus sepulchrum, vel sepulchretum ali- *De sepulchro quod commune esse potest.* Etenim introductis dominiis non reputat, ut plures in re indivisa dominium conjunctim habeant, *ut sepulchro commune* adeoque communionem positivam introducant (§. 126. *muni. part. 2 Jur. nat.*). Quamobrem cum de usu rei disponere, adeoque eam sepulturæ destinare sit actus domini (§. 135.

136. *part. 2. Jur. nat.*), actus vero domini consensu omnium eorum, qui in communione sunt, efficiatur validus (§. 131. *part. 3. Jur. nat.*); plures locum communem unanimi consensu sepulturæ destinare possunt. Quamobrem cum locus, in quo mortuus sepelitur, sit sepulchrum (§. 746.), & locus, ubi plura sunt sepulchra sepulchretum (§. 273.); dominiis introductis sepulchrum, vel sepulchretum aliquod pluribus commune esse potest.

Sepulchrum & sepulchretum commune utique differunt. Etenim commune est sepulchrum, si eidem sepulchro plura cadavera inferuntur; aut sepulchretum commune est, si in eodem fundo plura cadavera humanantur, sed unumquodque in loco peculiari, ita ut unicuique sit suum sepulchrum.

§. 777.

De officio erga seipsum respectu mortuorum. Operam dare debemus, ut exemplis bonis defunctorum nos addamus; mala vero ne sequamur. Etenim defunctis etiam laudem, quam merentur, tribuere debemus (§. 715.). consequenter in facta eorum, quæ ex virtutibus intellectualibus & moralibus profecta, adeoque & in ipsas virtutes intellectuales & morales, quibus præditi fuerunt, inquirere (§. 551. *part. 1. Jur. nat.*). Quamobrem cum singularia sub notionibus universalibus comprehensa, quatenus ea, quæ notioni universali insunt, intuenda exhibent, exempla sint (§. 250. *part. 2. Phil. pract. univ.*), eaque bona, quibus virtutes intellectuales ac morales docemur & ad eas incitamus (§. 929. *part. 1. Jur. nat.*); bona mortuorum exempla cognoscere ac nobis proponere debemus. Enimvero exemplis bonis etiam nos addere debemus (§. 931. *part. 1. Jur. nat.*). Operam igitur dare tenemur, ut exemplis bonis defunctorum nos addamus. *Quod erat unum.*

Exempla mala contraria sunt bonis (§. 929. *part. 1. Jur.*)

Jur. nat.). Enimvero si ad hoc faciendum obligaris, ad contrarium non faciendum simul obligaris (§. 722. *part. 1.*

Jur. nat.). Quoniam itaque operam dare debemus, ut exemplis bonis defunctorum nos addamus, *per demonstrata n. 1.* operam quoque dare debemus, ne mala eorum exempla sequamur. *Quod erat alterum.*

Fluit idem ex generali quoque obligatione cognoscendi alios, quoad animam, corpus atque statum illorum externum (§. 194. *part. 1. Jur. nat.*). Nimirum inquirere debemus, quænam sint perfectiones ac imperfectiones animæ & corporis statusque externi aliorum, & quemnam usum facultatum suarum faciant in illis promovendis, his vero arcendis, itemque in non usum & abusum earundem, quo illarum jacturam faciunt, in hæc vero incidunt (§. 193. *part. 1. Jur. nat.*). Quamobrem cum hoc etiam fieri possit, etiamsi alter fuerit defunctus; obligatio ista etiam subsistit respectu mortuorum. Quoniam vero hac cognitione non aliud intenditur, aut intendi debet, quam ut ex alieno exemplo discas, quæ facienda, quæ vitanda sint; exemplis bonis defunctorum te addere, mala vero minime sequi debes. Quantum possit cognitio aliorum in cognoscendo seipso, alibi jam monuimus (*not. §. 193. part. 1. Jur. nat.*), & quantum adjumenti adferant ad virtutis studium, abunde demonstravimus alias (§. 260. 265. *Et seqq. part. 2. Phil. pract. univ.*). Officium vero hoc erga nosmetipsos arcto admodum vinculo connexum est cum laudis officio, quod mortuis debetur, ut ab eo divelli minime possit, quemadmodum ex propositionis præsentis demonstratione liquet.

§. 778.

Quoniam operam dare debemus, ut exemplis bonis defunctorum nos addamus (§. 777.), consequenter ea facimus, quæ recte ac bene ab ipsis facta sunt (§. 929. *part. 1. Jur. nat.*), adeoque ad eadem facienda nos incitant, quæ a defunctis recte ac bene facta sunt (§. *cis.*); *exempla bona defunctorum*

Et *eorum nos excitare debent ad ea facienda, quæ ab ipsis recte ac bene facta sunt*, consequenter cum alterum imitetur, qui actionem suam ad alterius actionem conformat (§. 204. part. 2. Phil. pract. univ.), *defunctos in iis, quæ recte ac bene fecerunt, imitari debemus.*

Hoc pacto mortui profunt vivis, cumque ad exempla bona aliis præbenda obligemur (§. 930. part. 1. Jur. nat.), ex sepulchro quasi nos adhortari dicendus est defunctus, ut simus imitatores ipsius,

§. 779.

*In quibus
mortuos
imitari non
liceat & de
usu exem-
plorum ma-
lorum.*

Similiter quoniam operam dare debemus, ne mala defunctorum exempla sequamur (§. 777.), consequenter ne ea faciamus, quæ minus recte ac male ab ipsis facta sunt (§. 929. part. 1. Jur. nat.), eadem vero per se ad vitia perpetranda incitant (§. cit.); *cavere debemus, ne exempla defunctorum nos incitent ad ea facienda, quæ ab ipsis minus recte ac male facta sunt*, consequenter cum alterum imitetur, qui actionem suam ad alterius actionem conformat (§. 204. part. 2. Phil. pract. univ.), *defunctos in iis, quæ minus recte ac male fecerunt, imitari non debemus, sed omni potius studio talia vitare.* Idem etiam ostendi poterat hoc modo. Exempla bona defunctorum nos incitare debent ad ea facienda, quæ ab ipsis recte ac bene facta sunt, ac in his eos imitari debemus (§. 778). Quoniam itaque, si ad hoc faciendum obligaris, ad contrarium non faciendum obligaris (§. 722. part. 1. Jur. nat.); *cavere utique debes, ne exempla defunctorum te incitent ad ea facienda, quæ ab ipsis minus recte ac male facta sunt, nec in his eos imitari debes, sed omni studio in id eris, ut talia vitas.*

Hoc etiam pacto mortui profunt vivis, cumque ad exempla mala non prodenda obligemur (§. 930. part. 1. Jur. nat.), ex sepul-

sepulchro quasi nos dehortari dicendus est defunctus ab iis, quæ ipse minus recte ac male fecit.

§. 780.

Opera nobis danda est, ut memoria eorum, quæ recte ac bene De memoria fecit defunctus, conservetur. Etenim defunctum imitari debemus in iis, quæ bene ac recte fecit, & facta hæc nos in- *a defuncto* citare debent ad talia facienda (§. 778.). Per se patet, hoc *factorum* fieri minime posse, nisi memores simus factorum istorum. *conservan-* Quamobrem opera nobis danda est, ut memoria eorum, quæ *da.* recte ac bene fecit defunctus, conservetur.

Debemus hoc officium mortuis propter nosmetipsos, ut adeo officium erga mortuos simul contineat officium erga nosmetipsos. Nimirum continet officium laudis ac famæ conservandæ, quod mortuis debemus (§. 715.), ac officium emendationis nostræ ac profectus in bono (§. 778.), immo officium quoque eidem inest erga alios, quatenus etiam aliis perinde ac nobis mortuorum exempla prodesse possunt (§. 637. *part. 1. Jur. nat.*). Officia erga nosmetipsos atque alios, tam vivos, quam defunctos, indivulso quodam nexu inter se cohererent, ita ut, si actionum rectitudinem curæ cordique habeas, non possis satisfacere uni, nisi simul satisfiat alteri.

§. 781.

Quoniam opera nobis danda est, ut memoria eorum, *De memoria* quæ recte ac bene fecit defunctus, conservetur (§. 780.), si *defuncti* vero facta notoria sunt, ut, quando defuncti meminimus, etiam *conservan-* ista memoriam nostram subeant, quod hic vel a posteriori *da.* tanquam satis cognitum sumere licet; *si facta defuncti recta* atque bona notoria sint, opera saltem danda est, ut memoria defun- *Eti conservetur.*

E. gr. Si quis multa beneficia accepit a defuncto, quoties meminit defuncti, toties etiam recordatur beneficiorum ab eo
(*Wolffii Jur. Nat. Pars VI.*) Hh hh acce-

acceptorum. Quodsi ergo saltem det operam, ut memoria defuncti conservetur; verendum non est, ne memoria beneficiorum ab eo acceptorum deleatur. Ubi memoriam defuncti conservare studemus, tum ut eidem officium laudis debitum tribuamus (§. 715.), tum ut eundem imitemur in iis, quæ laudem merentur (§. 778.); nec verendum est, ne, dum defuncti meminimus, animum a factis ejusdem avertamus, quæ una occurrunt, atque adeo horum in nobis memoriam successu temporis deleamus, sublato nexu inter ideas personæ & factorum, sine quo una alteram resuscitare nequit (§. 117. *Psych. empir.*). Ita qui imaginem benefactoris sibi comparavit, quia ejus meminisse dulce est; conspecta imagine recordabitur beneficiorum acceptorum, nec adeo facile erit, ut nexum inter ideas personæ benefactoris ac beneficiorum ab eo acceptorum dissolvat.

§. 782.

Facta illustria quænam sint.

Factum illustre dicitur, quod eminentem, aut minime vulgarem gradum virtutis cujusdam intellectualis, aut moralis supponit. Quoniam facta a virtutibus intellectualibus & moralibus profecta laudem pariunt (§. 551. *part. 1. Jur. nat.*), adeoque magnitudo laudis a gradu virtutis intellectualis, aut moralis dependet, unde proficiscitur, *facta* vero *illustria* eminentem, aut minime vulgarem gradum virtutis cujusdam intellectualis supponunt, *vi def. eadem quoque laudem insignem ac minime vulgarem pariunt.*

Hinc Cicero conjungit factum illustre ac gloriosum. Illustre exemplum eleemosynæ est illius viduæ, quæ unicum obulum, quem habebat, dedit. Neque enim in facto illustri attenditur dignitas personæ; sed saltem gradus virtutis, qui eximius esse potest etiam in persona vilioris conditionis.

§. 783.

De usu facti

Quoniam *facta illustria* eminentem ac minime vulgarem

rem gradum virtutis cujusdam intellectualis, aut moralis supponunt (§. 782.), eadem decet, ad quem gradum virtutes intellectuales ac morales recto facultatum humanarum usu perducantur. *horum illustrium.* consequenter nobis incitamento sunt, ne in aliquo inferiori subsistamus, quasi ulterius progredi non detur, adeoque ad perfectum in bono faciant.

Nihil frequentius est, quam ut de infirmitate humana conquerantur homines, ac propterea sibi persuadeant, ad hunc vel illum virtutis sive intellectualis, sive moralis gradum hominem pervenire non posse, sed supra vires humanas eundem positum esse. Erroris adeo sui non rectius convincuntur, quam per facta aliorum illustria. Et quamvis non omnibus eundem virtutis cujusdam sive intellectualis, sive moralis gradum attingere detur, nihil tamen intentatum relinquere debemus (§. 197. part. 1. Jur. nat.). Quinam vero usus sit philosophiæ moralis verioris in factis illustribus rite expendendis, suo constabit tempore, quando eandem pertractaverimus.

§. 784.

Quoniam facta illustria insignem ac minime vulgarem laudem pariunt (§. 782.), cum ob eadem inter eos, qui eadem virtute sive intellectuali, sive morali præditi sunt, emineat, consequenter plus laudem mereatur ceteris. *De factis illustribus de-* Erroris adeo sui non rectius convincuntur, quam per facta aliorum illustria. Et quamvis non omnibus eundem virtutis cujusdam sive intellectualis, sive moralis gradum attingere detur, nihil tamen intentatum relinquere debemus (§. 197. part. 1. Jur. nat.). Quinam vero usus sit philosophiæ moralis verioris in factis illustribus rite expendendis, suo constabit tempore, quando eandem pertractaverimus. *functorum.* Erroris adeo sui non rectius convincuntur, quam per facta aliorum illustria. Et quamvis non omnibus eundem virtutis cujusdam sive intellectualis, sive moralis gradum attingere detur, nihil tamen intentatum relinquere debemus (§. 197. part. 1. Jur. nat.). Quinam vero usus sit philosophiæ moralis verioris in factis illustribus rite expendendis, suo constabit tempore, quando eandem pertractaverimus. *facta illustria imprimis defunctorum post eorum obitum commemorare debemus.*

Præcipuam laudem quis meretur propter facta illustria (§. 782.), cum ob eadem inter eos, qui eadem virtute sive intellectuali, sive morali præditi sunt, emineat, consequenter plus laudis mereatur ceteris. Ad virtutes intellectuales referuntur etiam artes cujusunque generis, consequenter etiam opificia & artes manuarum vilissimæ. In quacunque igitur harum si quis excellit, quod facta ipsius probant, inter homines ejusdem conditionis eminet ac laudem meretur non infimam, quod

personam suam tueri noverit. Mors homines, quos natura æquales (§. 81. *part. 1. Jur. nat.*), fortuna inæquales fecerat, iterum æquales efficit (§. 700.). Post fata igitur non amplius quaeritur, quinam quis fuerit, sed quomodo in hoc mundi theatro personam suam gesserit. Rex, qui male imperavit, nullam post fata laudem meretur: ast mendico, qui omni mendici officia adimplevit, adeoque personam suam rite gessit, sua debetur laus. Nullius laudi imputari potest, qualem personam in hoc mundo theatro gerendam ipsi tribuit inevitabile fatum: sed quando laudandus, quaeritur quomodo personam gesserit. Post fata laudatur *Lazarus* in extrema egestate ac miseria Deum amans, eidem confidens, in voluntate ejus acquiescens, nec diviti epuloni delicias invidens; ast non laudatur *Sardanapalus*, non laudatur *Nero*, qui imperantis munera ac officia minime executi sunt.

§. 785.

De factorum illustrium memoria conservanda.

Operam dare debemus, ut factorum illustrium memoria post obitum hominum conservetur. Etenim facta illustria merentur laudem insignem ac minime vulgarem (§. 782.), & ad profectum in bono faciunt (§. 783.). Quamobrem cum non modo mortuis cam tribuere laudem debeamus, quam merentur (§. 715.), verum etiam in his eos imitari, quæ ab ipsis recte ac bene facta sunt (§. 778.), adeoque quam maxime in factis illustribus (§. 782.); operam omnino dare debemus, ut factorum illustrium memoria post obitum hominum conservetur.

Mors homines omnes æquales facit; sed facta, quæ infecta fieri nequeunt, & mortuos comitantur, inæquales faciunt. Quodsi ergo remotis iis, quæ fortunæ tribuenda, post fata homines consideres; fieri omnino potest, ut homo infimæ sortis præferendus sit aliis in summa fortuna natis, vel cum viverent constitutis. Facta illustria cum etiam esse possint hominum infimæ sortis, ea post fata eosdem supra alios extollunt, quos vi vos fortuna in summum fastigium evexerat. Sive itaque officium

cium laudis, quod mortuis debetur (§. 715.), sive officium imitamenti, quod tibi ipsi debes (§. 778.), spectes; alio omnino loco habendi sunt mortui, quam vivi.

§. 786.

Virtus una tam intellectualis, quam moralis præstat altera, De præstanti ad felicitatem hominum majus adfert adjumentum, aut materia virtutis jorem ipsis præbet utilitatem. Quoniam enim custodia legis unius præ naturalis, adeoque beneficio virtutis (§. 321. part. 1. Phil. altera. præf. univ.), felicitatem consequimur (§. 396. part. 1. Phil. præf. univ.), & conservamus (§. 397. part. 1. Jur. nat.), nec sine virtute felices esse possumus (§. 400. part. 1. Jur. nat.); virtutes intellectuales ac morales sunt media felicitatem consequendi & conservandi (§. 937. Ontol.). At nemo non negabit, præstare medium istud altero, quod majus adjumentum adfert ad finem consequendum, quam quod minus. Quamobrem virtus una tam intellectualis, quam moralis præstat altera, prouti ad felicitatem hominum majus adfert adjumentum. *Quod erat unum.*

Porro virtus consistit in habitu actiones suas legi naturali conformiter dirigendi (§. 321. part. 1. Phil. præf. univ.) consequenter cum jus naturæ utilitati hominum consulat (§. 263. part. 1. Phil. præf. univ.), quamvis non ex utilitate solummodo constitutum sit ab hominibus jus (§. 266. part. 1. Phil. præf. univ.), virtus quoque tam intellectualis, quam moralis spectari potest ac debet tanquam medium utilitatem hominum promovendi (§. 937. Ontol.). Unde porro ut ante patet, virtutem tam intellectualem, quam moralem unam præstare altera, prouti hominibus majorem præbet utilitatem. *Quod erat alterum.*

Utilitas hic accipitur in ea latitudine, quam vocabulo tribuimus (§. 262. part. 1. Phil. præf. univ.), adeoque non restrin-

gendus est vocabuli significatus, quemadmodum in contractibus fit, ad eam utilitatem, quæ in pecunia consistit, vel pecunia æstimari potest (§. 717. *part. 4. Jur. nat.*). Hoc ideo monendum fuit, ne quis forsitan existimet, nos virtuti pretium ex quæstu statuere velle, dum eam alteri præstare affirmamus, quæ majorem altera hominibus utilitatem præbet. Sane jus naturæ in significato latiori, qui a communi usu loquendi minime abhorret, etiam utile dici potest, quatenus ad felicitatem hominis omne affert adjumentum. Et ipse Apostolus in significato hoc latiori pietatem ad omnia utilem dicit. Sed prolixum nimis foret, nec præsentis loci est, ut de utilitate virtutis disertius hic dicamus. Talia enim pertinent ad philosophiam moralem, sive Ethicam. Sufficit hic tantummodo adhuc notasse, quod facta ex eadem virtute profecta nunc pluribus, nunc paucioribus utilia esse possint: quod in præsentia attendi meretur

§. 787.

*De præstantia factorum illustrium & diver-
sitate hunc o-
rientis laudis.*

Quoniam virtutum tam intellectualium, quam moralium una præstat altera (§. 786.), facta vero illustria ex emittente gradu virtutis cujusdam moralis vel intellectualis proficiscuntur (§. 782.); *factorum quoque illustrium unum præstat altero*, consequenter cum facta quidem illustria mereantur laudem insignem ac minime vulgarem (§. *cis.*), unicuique tamen sit tribuenda laus, quam meretur (§. 648. *part. 1. Jur. nat.*), *factorum illustrium laudes pro præstantia eorundem differre debent.*

Jus naturæ requirit veritatem in laude, quatenus nos obligat ad actionum rectitudinem (§. 189.80. *part. 1. Phil. pract. univ.*), nec sine ea satisfieri potest officio de laude merita unicuique tribuenda. Laus consistit non in nuda factorum recensione, sed in oratione, qua nostrum de perfectione alterius judicium significamus (§. 541. *part. 1. Jur. nat.*). Facta igitur illustria quando præbent materiam laudis, eorum quoque præstantia perinde

inde ac gradus virtutis, quem supponunt, indicari debet, consequenter ea commemoranda sunt, quæ ad præstantiam facti evincendam faciunt.

§. 788.

Quia factorum illustrium alia aliis præstant (§. 787.), De conservandâ operam vero dare debemus, ut factorum illustrium memoria post obitum conservetur (§. 783.); *conservanda memoria factorum illustrium præstantium potior esse debet cura.*

Conservatio memoriæ factorum illustrium duas habet rationes, quarum una respicit agentem, altera alios. Illa est laudis meritiæ attributio, hæc vero profectus in bono. Quod si utramque rationem perpendere libuerit, non amplius obscurum videbitur, cur factorum illustrium præstantium memoriæ conservandæ potior quædam esse debeat cura. Non vanitati servit jus naturæ, atque ideo laudem quoque unius, profectum in bono quoad alios intendit, qui, quo major est, eo magis quoque eandem urget.

§. 789.

Facta alia multis profunt, alia paucioribus: alia præsentem tantummodo utilitatem promovent, alia vero futura quoque consulant. Sumimus hæc tanquam a posteriori nota, modo animus attendere velis ad ea, quæ quotidie fiunt. E. gr. Qui artem aliquam & opificium exercet, quamvis in arte sua, vel opificio excellat, nonnisi tamen paucis prodesse potest, ac quæ facit, ea ad præsentem tantummodo utilitatem nonnullorum spectant. Qui munere ecclesiastico cum eminente laude fungitur, pluribus prodest, sed tantummodo in præsens, quamdiu nimirum vivit. Ast *Euclides*, qui elementa Matheseos puræ scripsit & in iis genuinam demonstrandi rationem conspicuam fecit, plurimis insigniter prodest, & opus ipsius ejusdem utilitatis manet in futura quævis secula, nimirum

mirum non modo utile illis, qui ad Matheseos cognitionem adspirant, quocunque fine; verum etiam omnibus, qui accuratam demonstrandi methodum curæ cordique habent, sine qua in nullo cognitionis genere veritatem intimius inspicere datur.

De hac factorum humanorum differentia disertius dicendum in philosophia morali, ubi praxis debitæ laudis ac gratiæ rependendæ officii explicanda. Ad eam vero animum attendere debemus, si officiis erga mortuos satisfacere velimus. Deprehenditur vero etiam in iis factis, quæ futuræ utilitati consulunt, multiplex adhuc differentia, non solum quoad magnitudinem utilitatis & quod ea ad plures, vel pauciores diffundatur, verum etiam quoad durationem ejusdem & quod ea humanum genus minus carere possit, quam alia. Neque ullum superesse potest dubium, quin ad omnem istam differentiam animum adverti opus sit, siquidem officia laudis ac gratiæ rependendæ mortuis rite exequi velimus. Qui animo comprehendit ea, quæ ad actionum humanarum rectitudinem requiruntur, ei nihil supererit obscuritatis, vel difficultatis.

§. 790.

De monumento sepulchrali.

Monumentum sepulchrale vocamus monumentum mortui, quo ejus corpus, vel ossa, aut, si corpora cremari mos est, cineres continentur. Quamobrem cum locus, in quo corpus mortui conditur, vel si cadavera humana cremari mos est, cineres ac ossa, si quæ reliqua fuerint, conduntur, sepulchrum sit (§. 746.); *monumentum sepulchrale sepulchrum continet*. Ideo monumentum sepulchrale sepulchrum dici solet, quamvis cum sepulchrum esse possit etiam sine monumento, & frequentius sine monumento sit, monumentum sepulchrale ab ipso sepulchro rectius distinguatur.

Sepulchrale dici solet, quicquid ad sepulchrum pertinet. Monumentum itaque, quod ad sepulchrum pertinet, recte dicitur sepul-

sepulchrale. E. gr. Ponamus structuram fieri supra terram & ei includi loculum, in quo jacet corpus defuncti, extus vero accedere ornatum architectonicum cum statuis & imagine defuncti, nec non tabula, in qua conspicitur inscriptio in honorem ac memoriam defuncti facta: erit hoc opus monumentum sepulchrale, quia ipsum corpus defuncti in eodem continetur. Quodsi vero supra sepulchro eadem structura fieret eodem prorsus, quô ante modo, cum auferri possit sepulchro salvo, quod sub humo est; monumentum sepulchrale dici non poterit, si accurate loqui velis. Quodsi adhuc animum attendas, quæ modo dicta sunt, monumentum sepulchrale ab alio monumento mortui facile distingues, etiamsi extrinsecus non appareat differentia, nisi quatenus tabulæ affixæ eidem inscriptio docet, corpus defuncti intra hanc structuram conditum fuisse, vel traditione hujus rei notitia propagetur.

§. 791.

Cenotaphium dicitur monumentum mortui, quo ejus corpus vel ossa, aut, si cadavera cremari mos est, cineres non continentur. Quoniam istiusmodi monumentum strui etiam potest alio in loco, quam ubi corpus defuncti, aut, si cadavera cremari mos, cineres ac ossa, si quæ superfunt, conduntur; *cenotaphium alicui extrui potest, ubi is sepultus non est.* *De cenotaphio.*

Differentiam *Cenotaphii* a monumento sepulchrali, quod diximus (§. 790), tradit *Florentinus* l. 42. ff. de relig. *Cenotaphium* vi originis sonat sepulchrum inane. Dicitur etiam subinde tumulus inanis, nec non sepulchrum honorarium, a nonnullis etiam imaginarium, quod a sepulchrali monumento non differat nisi in eo, quod illud corpus defuncti contineat, hoc minime. Ita *Suetonius* in Claudio c. 1. refert, exercitum *Druso* tumulum honorarium excitasse, cui nimirum *cenotaphium* extructum fuerat in Germania, cum corpus ejus Romam devectum esset.

§. 792.

Ubi & quando extrui possit.

Quoniam cenotaphium non continet corpus vel ossa defuncti (§. 791.); *cenotaphium alicui externi potest in loco quocunque, etiam a sepulchro remotissimo, & quocunque tempore ab obitu ejus elapso, immo eidem in pluribus locis cenotaphia excitari possunt.*

Eadem differentia inter cenotaphia & monumenta sepulchralia intercedit, quæ inter funus imaginarium & legitimum (§. 749.). Sane funus imaginarium ducere licet quocunque in loco etiam ubi quis non fuerit mortuus, & quocunque ab obitu die. Nec repugnat, ut alicui funus imaginarium ducatur in patria, qui mortuus est in loco peregrino, ibidemque sepultus, & ducto funere excitetur cenotaphium, aut, si dicere mavis, sepulchrum imaginarium struatur.

§. 793.

De oratione funebri.

Oratio funebri dicitur, quæ habetur in funere in laudem ac memoriam defuncti. Dicitur hodie etiam in significato strictiori *Parentatio*, idiomate patrio *Abdankung*, quia in eadem gratias agi quoque solet iis, qui exequias comitantur eorum nomine qui easdem mortuo celebrant, vel nomine cognatorum. Quoniam facta ex virtutibus intellectualibus ac moralibus profecta laudem pariunt (§. 551. *part. 1. Jur. nat.*), ac facta illustria laudem insignem ac minime vulgarem (§. 782.), alterumque laudans suum de perfectione alterius, adeoque de virtutibus tam intellectualibus, quam moralibus judicium verbis significat (§. 541. 550. *part. 1. Jur. nat.*); *in oratione funebri commemoranda sunt facta ex virtutibus intellectualibus ac moralibus profecta, ac predicandæ virtutes, ex quibus ista profecta.* Quoniam vero oratio funebri etiam habetur in memoriam defuncti; *in eadem quoque commemoranda sunt facta defuncti.*

Cum

Cum denique mortuos in bono imitari debeamus (§. 778.); orationi funebri inferenda quoque sunt, quæ ad imitationem eorundem faciunt.

Mores Romanorum in funerandis mortuis diversi fuerunt a nostris, qui nec ubivis iidem sunt. Peragebatur illorum moribus sacrificium, quod humanum appellat *Festus*, & hoc sacrificium *Iustorum* nomine veniebat. Unde funus ducere & iusta facere conjungit *Ulpianus* l. 2. ff. de in jus voc. Qui parentibus vita defunctis iusta persolvebat, sacrificando nimirum ipsorum manibus, parentare dicebatur. Postea tamen vocabulum latiore significato accepit, ut parentare etiam diceretur, qui avorum, majorum aliorumque manibus sacrificaret. Inconstantia tamen loquendi nec apud Romanos fixum ac determinatum satis admittit significatum illarum vocum, quibus usi sunt ad significandum diversos actus in humatione mortuorum fieri solitos. Verba igitur Romanorum a mores nostros humandi mortuos propter aliquam analogiam, vel quatenus alii actus in locum aliorum successerunt, tantummodo aptari possunt. In Jure naturæ ad nullos prorsus gentium mores respicimus; sed ea saltem tradimus, quæ ex officii erga mortuos eodem jure præscriptis demonstrari possunt: unde judicium deinde fieri debet de moribus humandi mortuos gentibus usitatis. Necessè igitur est, cum nova fingere vocabula non liceat, vocabulis apud Romanos in præsentī negotio usurpatis tribuere significatum ad denotandum eos actus, quos Jus naturæ approbat, propter analogiam quandam, seu convenientiam, eumque fixum, quem solum admittit methodus nostra. Quodsi ergo orationem funebrem appellare velis parentationem, aut hanc ab illa distinguere, tuo per nos abundabis sensu. Si quis vero circa vocabula licet nobis intendere velit, eam nostram non facimus. Nobis sufficit, quod vocabulis utamur in eo significato, quem ipsis tribuimus, ut a quocunque intelligi possimus. Ad orationem autem funebrem vi Juris naturæ alia non requiruntur, quam ea, de quibus oratori dicendum esse ostendimus. Prin-

cipia hic tradimus generalia, quæ æternæ sunt veritatis, ac ubi valent, aut valere debent, & quamvis ea hic insuper habeamus, quæ a religione veniunt, hæc tamen, quatenus vera sunt, vel tanquam vera sumuntur, iis non repugnant, aut repugnare non debent.

§. 794.

*Ceremonia
funebres.*

Ceremoniæ funebres dicuntur, quæ in funeratione adhibentur. Quoniam ceremoniæ sunt signa eorum, quorum in executione propositi alicujus meminisse debemus (§. 442. part 2. Phil. pract. univ.); ceremoniæ funebres nobis in memoriam revocare debent ea, quorum meminisse debemus, quando funus ducitur ac mortui corpus humo conditur, seu quando mortuus sepelitur, vel memoriæ imprimere ea quorum posthac meminisse debemus.

Retinemus vocabuli significatum, quem in genere eidem tribuimus loco citato, eumque laxiorem, cum ceremoniæ alias dicti tantummodo fuerunt ritus sacri: unde in significato hoc laxiori ceremoniæ distinguendæ sunt in sacras atque profanas. Apud christianos ceremoniæ funebres a religione ortum recte ducunt, non tamen apud omnes in principiis quamvis consentientes eadem sunt. Immo inter Protestantés alii ceremoniæ funebres damnant & ad superstitionem referunt, quibus alii sine offendiculo utuntur. Præcipitantur autem judicia, quod non ex notione distincta ceremoniarum, qua vel destituuntur, vel ad quam animum non attendunt, de iisdem judicent. Quodsi vero ea tibi perspecta fuerint, quæ de ceremoniis prolixè demonstravimus (§. 443. part. 2. Phil. pract. univ.), in iis trutinariis haud facile a vero aberrabis, modo scilicet non sis ignarus principiorum religionis, si in iisdem rationem habeant (§. 56. Ontol.). E. gr. In patria mea, quæ Vratislavia est, quando funus ducitur, arcæ, cui corpus defuncti inclusum, præferuntur candelæ cereæ accensæ in altitudinem elatæ. Constat christianos credere, quod animæ pie defunctorum cum Deo agant, apud quem nullæ sunt tenebræ,

ac co-

ac cognitione ipsius intuitiva frui, seu videre Deum, qui est. Hujus status animæ post mortem meminisse debemus, non una de causa in quam jam inquirere non vacat, quando mortuum ad sepulchrum efferri videmus ac perpetuis quasi tenebris immergi. Quidni igitur liceat sine superstitione & absque temeritate præferre mortuo, dum funus eidem ducitur, ducuntur exequiæ, candelas cereas accensas ad significandum statum ejus post mortem, quem pie defunctum præsumimus, in usum eorum, qui exequias comitantur aut spectatorum numero sunt? Et quidni candelas istas in altum extollere liceat, ut ab omnibus spectari possint. Quousque excipias ceremoniam destitui hoc effectu; idtribuendum est culpæ hominum, qui usum, quem habere debent, facere negligunt, minime autem hinc inferre potes, ipsam ceremoniam esse temerariam, aut ineptam, aut ridiculam, aut superstitiosam. Meminisse statum futuri, quoties videmus mortuum ad sepulchrum efferri, nemo christianorum reprehender, cum ad profectum in pietate faciat ejus memoria, quavis adeo occasione renovanda. Ad eam renovandam cum faciat ceremonia, de qua diximus; ecquis jure eandem reprehendere poterit? Tum demum ceremonia superstitiosa dici potest, si erronea de Deo opinione nitatur (§. 1255. *part. 1. Jur. nat.*): id quod de præsentis dici minime potest. Non potest dici temeraria, cum sine, qui recte intenditur, non destituatur (§. 277. *part. 3. Jur. nat.*): nec dici potest inepta, cum ex ipso negotio, in quo adhibetur, possit reddi ratio, cur candelis accensis & in altum datis ad significandum statum defuncti post mortem utamur (§. 483. *part. 2. Phil. pract. univ.*): multo minus autem ridicula dici potest, quasi adhibeantur candelæ accensæ ad monstrandum mortuo viam, qua sit eundem, cum nemo sanus de eo vel per somnium cogitaverit. Unicum hoc exemplum satis clare docet, quomodo ceremoniæ in funere ac sepultura passim obviæ sub incudem sint revocandæ.

§. 795.

Quorum facta illustria præstantia multis profuerunt, ac in Quibusnam primis monumenta

*sepulchralia primis posterorum quoque utilitatem promovent; iis monumenta se-
& cenotaphia pulchralia ac cenotaphia extruere licet.* Curæ nobis esse debet,
extrui pos- ut factorum illustrium præstantium memoria conservetur (§. 788.), illorum præsertim, quæ posterorum utilitatem pro-
sint. movent, ac mortuis honorem, quem merentur, deferre debe-
mus (§. 753). Quamobrem cum per monumenta mortuorum
memoria posteris commendetur (§. 747.), ac inter monumen-
ta ista emineant sepulchralia ac cenotaphia (§. 790. 791.),
quæ non cuivis extrui posse per se patet, mortuis vero defe-
ratur honor, quando facta quodam declaramus, nos facta
ipsorum ex virtutibus intellectualibus ac moralibus profe-
cta agnoscere (§. 752.); monumenta sepulchralia ac ceno-
taphia sunt media apta non modo conservandi memoriam
factorum illustrium præstantium, quæ multis profuerunt, ac
inprimis posterorum quoque utilitatem promovent, verum
etiam honorem meritum iis deferendi, qui adeo præclare
de aliis meriti sunt. Quoniam itaque lex naturæ dat nobis
jus ad istiusmodi actus, sine quibus obligationi nostræ natu-
rali satisfacere non possumus (§. 159. part. 1. *Phil. pract.*
univ.); nobis etiam dat jus ad extruendum monumenta se-
pulchralia & cenotaphia iis, quorum facta illustria præstan-
tia multis profuerunt, ac inprimis posterorum quoque utili-
tatem promovent.

Monumenta mortuorum plurimum differre posse, nemo est
qui nesciat. Sunt quædam sumtuosa & magnifica, ad quæ
referenda monumenta sepulchralia & cenotaphia. Hæc omni-
no decent eos, quorum facta illustria præstantia sunt, quique
de multis optime meriti sunt, ac ipsorum posterorum etiam
post obitum utilitatem promovent. Hi sunt, quorum præcla-
ra in Remp. aut humanum genus extant merita. Sed quæ
statui civili conveniunt, hoc loco doceri nondum possunt, ubi
ultra ea non progredimur, quæ in statu naturali locum ha-
bent.

bent. Facile autem patet ad monumenta sepulchralia & cenotaphia excitanda nos minime obligari, cum alia etiam dentur monumenta, quibus memorix ac honori eorum consuli-mus, quorum merita in alios eminent. Naturaliter saltem nobis competit jus monumenta sepulchralia & cenotaphia excitandi, siquidem commodum ac utile visum fuerit. Atque adeo nobis demonstrandum fuit, quonam in casu jus istud competat, ne quid fiat, quod jure naturali parum convenit, & ne vanitati tribuantur, quæ jure fiunt. Quemadmodum vix res ulla datur, qua non abuti possis; ita nec monumenta sepulchralia & cenotaphia ab abusu sunt remota. Quodsi vero ea perpendere libuerit, quæ hic demonstrantur, usus ab abusu facile discernetur. Non datur monumentum præstantius, quod in gratiam mortui extrui potest, quam monumentum sepulchrale ac cenotaphium, quod istud æmulatur. Atque adeo intelligitur, istiusmodi monumentum non nisi iis extruendum esse, qui ab aliis hominibus ejusdem conditionis ob eminentia merita sunt distinguendi. Nisi enim rariora manerent, utrique vilescerent, nec amplius eum habere possent usum, quem habere debent.

§. 796.

Quoniam monumenta sepulchralia & cenotaphia iis *Cur adden-* extruenda, qui factis illustribus ac multis, ipsis etiam poste- *da sint epi-* ris, adhuc utilibus eminent (§. 795.), monumentis vero istis *saphia,* factorum illorum memoria conservanda (§. 747.); *monu-* mentis sepulchralibus ac cenotaphiis addenda est tabula, in qua *fa-* *cta mortui illustria extantia breviter indicanda.* Quamobrem cum inscriptio in monumentis in laudem ac memoriam defuncti facta sit epitaphium (§. 747.); *monumenta sepulchralia ac cenotaphia epitaphiis destitui non debent.*

Facile patet, breves esse debere istiusmodi inscriptiones; sed paucis multa dici possunt etiam per sola epitheta. Immo si in historicorum monumentis conservatur memoria facto-
rum,

rum, subinde nomen solum sufficere videtur una cum iis, quæ personam ab aliis distinguunt (§. 781.), cum facta tum æquiparentur notoriis.

§. 797.

De jure erigendi monumenta & epitaphia.

Monumenta & epitaphia excitare licet iis, qui multa bene ac recte fecerunt, seu qui laudem merentur præ aliis. Etenim eorum, quæ bene ac recte fecit defunctus, memoria ut conservetur, opera nobis danda (§. 780.), cumque imitari debemus (§. 778.). Quoniam itaque monumenta & epitaphia memoriam eorum, quæ quis bene ac recte fecit, conservant (§. 747.), eaque ad imitamentum nos excitare potest (§. 204. part. 2. *Phil. præct. univ.*), lex autem naturæ dat nobis jus ad ea, sine quibus obligationi nostræ naturali satisfacere non possumus (§. 159. part. 1. *Phil. præct. univ.*); eadem quoque dat nobis jus ad excitandum monumenta & epitaphia iis, qui multa bene ac recte fecerunt, consequenter excitare licet (§. 170. part. 1. *Phil. præct. univ.*).

Ostenditur etiam hoc modo. Unicuique etiam post facta tribuere debemus laudem, quam meretur (§. 715.). Quamobrem cum monumenta & epitaphia faciant ad laudem defunctorum (§. 747.); inde porro ut ante patet, monumenta & epitaphia iis excitandi jus nobis esse, qui multa bene ac recte fecerunt.

Monumenta & epitaphia excitare iis, qui multa bene ac recte fecerunt, seu laudem merentur præ aliis, non obligamur, sed tantummodo jure facere possumus. Quamobrem non opus est, ut promiscue omnibus, qui laudem aliquam merentur, monumentum aliquod, vel epitaphium excitetur; sed si jure nostro uti velimus, quemadmodum debemus, iis potissimum excitare debemus, quorum sunt multa bene ac recte facta, seu qui insignem aliquam laudem merentur. Ita præstando mortuis officium simul non desumus officio erga nosmet ipsos

iplos atque alios vivos, quibus exempla mortuorum sunt incitamentum ad imitamentum (§. 778.). Facile adeo patet, quandonam monumenta & epitaphia mortuis excitari consilium sit, si juxta mortuos etiam vivorum rationem habeamus.

§. 798.

Benefactoribus suis monumenta & epitaphia excitare licet. Idem porro
Etenim benefactoribus etiam post fata animum gratum exhibere debemus (§. 721.), adeoque etiam eundem non modo verbis, sed & facto declarare. Quamobrem cum facto declarem animum gratum in benefactores, si monumenta & epitaphia in signum animi grati iisdem excitemus, lex vero naturæ det nobis jus ad ea, sine quibus obligationi nostræ satisfacere non possumus (§. 159. part. 1. Phil. pract. univ.); benefactoribus suis monumenta & epitaphia excitandi jus nobis competit, adeoque iisdem excitare licet.

Non opus est, ut promiscue benefactoribus excitemus monumenta vel epitaphia, cum alii adhuc dentur modi, quibus animum gratum in eos etiam post fata declarare valeamus: immo nec semper fieri potest, ut in signum animi grati id faciamus. Modus significandi animum gratum per monumenta & epitaphia est maxime illustis, adeoque pro extraordinario habendus, ut adeo insignia supponat beneficia in nos a defuncto collata. Quando vero hoc modo animum gratum in defunctum præstare volueris; necesse est ut monumento inscribatur aut epitaphio inseratur, monumentum hoc, vel epitaphium fuisse excitatum in signum animi grati, subscripto nomine tuo.

§. 799.

Quoniam parentes sunt benefactores maximi liberorum suorum, quod hic sumimus, alibi demonstrabimus, mortuus vero est benefactor ejus, in quem morte sua dominium rerum suarum & jura ad rem, vel in re sibi competentia trans-

*Quibusnam
potissimum
monumenta
vel epitaphia
excitanda.*

(Wolffii Jur. Nat. Pars VI.) Kk kk

transmittit (§. 741.), benefactoribus autem suis monumenta & epitaphia excitare licet (§. 798.); *liberi parentibus & ii, in quos morte sua dominium rerum suarum & jura ad rem, vel in re sibi competentia transmittit defunctus, hoc est, heredes ejus, ipsi monumentum, aut epitaphium erigere possunt.*

Dico erigere posse, non vero erigere debere. Ratio patet tum ex iis, quæ ad propositionem præcedentem (not. §. 798.), tum quæ ad anteriores (not. §. 795. 796.) annotata sunt. Dum vero monumentum vel epitaphium extruimus in signum animi grati, eo ipso significamus animum bonum bono referendi, seu gratiam rependendi.

§. 800.

*Cuinam oratio funebris omnibus haberi potest, qui laude aliqua ac
tio funebris imitatione digni sunt, aut singularia fata experti.* Etenim *haberi possit,* alteri quoque post mortem laudem, quam meretur, tribuere debemus (§. 715.), & eos in bono imitari debemus (§. 778.). Ac nemo est, qui nesciat, quod fata singularia, quæ quis expertus est, non uno modo faciant ad profectum in bono: prouti suo tempore ex Philosophia inorali clarius elucescet. Quamobrem cum in oratione funebri commemoranda sint facta, quæ ex virtutibus intellectualibus ac moralibus profecta (§. 793.), adeoque defuncto laus, quam meretur, tribuatur (§. 541. part. 1. Jur. nat.), eaque recenscantur, in quibus ipsum imitari debemus (§. 778.), ac præterea fata singularia, quæ per omnem præsemit vitam suam expertus est (§. 793.); oratio funebris haberi potest omnibus, qui laude aliqua ac imitatione digni sunt, aut singularia fata experti.

In Jure naturæ omnia referuntur ad officia. In oratione itaque funebri spectanda sunt, quæ pertinent ad officium erga defunctum & ad officia etga vivos respectu defuncti. Defunctis

tis debetur officium laudis (§. 715.); vivorum est imitari defunctos (§. 778.), cumque factorum alienorum, præsertim singularium, seu non quotidie obviatorum noticia multis modis prodesse nobis possit, fata defunctorum singularia contemplari & ad eum usum transferre eorundem noticiam, quem suo tempore passim in Philosophia morali tradituri sumus. Ratio igitur orationis funebris habendæ est meritum laudis ac imitamenti factorumque singularitas. Quodsi adeo defunctus nulla laude dignus, nec ea sint ejus facta, quæ imitari debemus, neque fata, quæ expertus est, singulare quid habeant; cessat ratio orationis funebris, de qua in præsentī demonstratur, quid Juri naturæ circa eam conveniat, non quid moribus. Mores enim plurimum haud raro abire solent ab eo, quod Juri naturæ consentaneum, etsi eidem confirmari deberent. Et quamvis moribus vivatur juxta illud pervulgatum: Si fueris Romæ Romano vivito more; ita tamen moribus vivendum, ne quid a nobis committatur, quod Juri naturæ seu officiis repugnet. Neque adeo hoc obstat, quo minus necesse sit, ut etiam in iis, in quibus mores dominantur, cognoscamus, quæ Juri naturæ consentanea sint. Nullus tamen dubito fore, ut, quæ de oratione funebri hic demonstrantur, modo satis ea perspexeris, quæ de officiis erga mortuos & respectu mortuorum erga nosmetipsos ac alios simul ostendimus, usui quoque sint oratoribus funebris. Quamvis enim hic quoque standum sit moribus, iidem tamen præceptis Juri naturæ eos temperare possunt ac debent, siquidem recta esse debet oratio funebris. Lex naturæ, quæ nos in genere ad actionum rectitudinem, seu ad recte agendum obligat (§. 189. *part. 1. Phil. pract. univ.*), rectitudinem quoque exigit in oratione funebri, nec fert defectum rectitudinis, vel ex parte intellectus, vel voluntatis ac voluntatis, vel etiam locomotivæ facultatis. Quamobrem orator funebris observare utique tenetur, quæ de materia orationis præcipit lex naturæ, ne adsit defectus aliquis ex parte intellectus; observare quoque debet, quæ de officiis erga mortuos tam positivis, quam negativis demonstrata sunt, ne quid.

desiderari possit ex parte voluntatis. Jus adeo naturæ instruit intellectum, rectificat voluntatem ac voluntatem oratoris, ne mores ac præcepta artis oratoriæ eundem in transversum agant. Insunt hisce, quæ de oratione funebri modo diximus, principia generalia ad alia quævis negotia humana applicanda, ad quæ animum attendi utile est.

§. 801.

*Quotupli-
ces esse pos-
sint cere-
monia fune-
bres.*

*Ceremonia funebres tam ceremonia de præsentī, quam de fu-
turo esse possunt.* Etenim ceremoniæ funebres nobis in me-
moriā revocare debent ea, quorum meminisse debemus,
quando funus ducitur ac corpus mortui humo conditur, vel
memoriæ imprimere ea, quorum posthac meminisse debe-
mus (§. 794.). Enimvero ceremonia de præsentī est, quæ
nobis in memoriā revocat quidpiam, cujus nunc meminis-
se debemus, vel etiam in determinationem actus præsentis
quomodocunque influunt, de futuro autem ceremonia est,
quæ nobis memoriæ insigit quidpiam, cujus posthac recor-
dari debemus (§. 491. part. 2. *Phil. pract. univ.*). Ceremo-
niæ itaque funebres tam ceremoniæ de præsentī, quam de
futuro esse possunt.

Propositioni huic ideo hic locum facimus, ut ad funebres
etiam ceremonias applicari possint, quæ de ceremoniis de præ-
sentī ac de futuro alibi demonstravimus (§. 492. & seqq. part.
2. *Phil. pract. univ.*), ne opus sit eadem hic repeti, aut denuo
in casu particulari demonstrari.

§. 802.

*Quales esse
debeant.*

Ceremoniæ funebres aptæ ac convenientes esse debent. Quodsi
enim in ceremoniis nihil desiderari debet quoad significa-
tum earundem determinandum, aptæ ac convenientes esse
debent (§. 488. part. 2. *Phil. pract. univ.*). Quamobrem cum
lex naturæ urgeat ceremoniarum rectitudinem (§. 500. part.
2. *Phil.*

2. *Phil. pract. univ.*), adeoque exigit, ne in imponendo significatu, qui ceremoniam facit (§. 481. *part. 2. Phil. pract. univ.*), quicquam desiderari possit ex parte intellectus, voluntatis ac nolitatis (§. 79. *part. 1. Phil. pract. univ.*), ceremoniæ autem funebres sint ceremoniæ (§. 794.), nec in ceremoniis adeo funebribus quicquam quoad significatum earundem determinandum desiderari debeat; ceremoniæ utique funebres aptæ ac convenientes esse debent.

Differentiam inter ceremoniam aptam & ineptam, convenientem ac inconvenientem alibi exposuimus (§. 483. 485. *part. 3. Phil. pract. univ.*), & quam ad convenientiam ac aptitudinem requirantur, demonstravimus (§. 486. 487. *part. 2. Phil. pract. univ.*). Ad ea igitur recurrendum, ubi ceremoniæ funebres instituendæ, vel abrogandæ, vel de iis, quæ usu receptæ sunt, iudicium ferendum. Absit itaque ut tibi persuadeas, nonnisi cum nominibus hic nobis rem esse.

§. 803.

Ceremonia funebres universales sunt, quæ in omni functione adhiberi possunt: ast *singulares*, quæ personam mortui in singulari respiciunt. Quoniam ceremoniæ nobis in salubrem memoriam revocare debent ea, quorum meminisse debemus, quando funus ducitur ac cadaver sepulchro infertur (§. 794.); ceremoniæ universales significare nequeunt nisi ea, quæ de morte hominum in genere tenenda & quæ ad executionem officiorum erga mortuos atque erga nosmetipsos respectu mortuorum faciunt, particulares vero merita singularia ac fata defuncti significare possunt.

Indicare lubet fontes ceremoniarum funebrium, siquidem rationales, hoc est, aptæ ac convenientes esse debeant, quales probat Jus naturæ (§. 802.). Christiani longe alia de morte hominum tenent, quam quæ rationi obvia sunt. Eorum adeo ceremoniæ doctrinæ suæ conformes esse debent. Quoni-

am Deus in omnibus actionibus colendus (§. 1124. part. 1. *Jur. nat.*); ipsi etiam Juri naturæ convenit, ut colatur in exequiis & sepultura mortuorum. Christiani vero suo eundem colunt modo. Quamobrem in ceremoniis funebribus generalibus habenda quoque ratio est eorum, quorum cultus hujus gratia meminisse debemus & quæ in determinationem actionum ad eundem pertinentium influunt.

§. 804.

An naturaliter liceat ceremonias funebres instituire.

Quoniam ceremoniæ ea nobis in memoriam revocant, quæ de morte hominum tenenda & quæ ad executionem officiorum erga mortuos & erga nosmetipsos respectu mortuorum faciunt (§. 803.), ceremoniarum vero institutio legi naturali conformis, si ad bene & recte agendum profunt (§. 501. part. 2. *Phil. pract. univ.*), & lex naturalis nobis dat jus ad eas instituendas (§. 503. part. 2. *Phil. pract. univ.*), quin jure naturali ceremoniæ funebres institui possint, dubitandum non est.

Vulgo non agnoscitur, ceremonias legi naturæ subesse, sed pro indifferentibus habentur, quas lex ista prorsus intactas relinquit. Enimvero qui ita sentiunt amplitudinem Juris naturæ non prospiciunt, sed ærtis nimium limitibus idem constringunt. Lex naturæ non modo nobis dat jus ad ceremonias instituendas, verum etiam earundem institutionem regit. Inde est, quod non omnes probari possint, quod aliæ aliis sint præferendæ & quædam prorsus rejiciendæ, adeoque detur juris illius tam abusus, quam usus, quorum iste ceremoniam facit illicitam. Puto hoc abunde patere ex theoria generali, quam de ceremoniis tradidimus (§. 442. & *seqq. part. 2. Phil. pract. univ.*), & ex hisce quoque liqueret, quæ de funebribus in specie nunc dicta sunt. Plurimum falluntur, qui sibi persuadent, ceremonias funebres esse superfluas ac homines mortuos absque omni ceremonia esse sepeliendos.

§. 805.

§. 805.

In statu naturali unicuique jus est ceremoniis funebribus utendi, quibus uti libuerit. Etenim lex naturæ dat hominibus jus ad ceremonias funebres instituendum (§. 804.). Enimvero natura homo omnis liber est (§. 146. part. 1. Jur. nat.), & vi libertatis naturalis permittendum, ut unusquisque in determinandis actionibus suis suum sequatur judicium, quamdiu contra jus tuum nil facit (§. 156. part. 1. Jur. nat.). Quamobrem cuilibet quoque permittendum est, ut, quando funus mortuo suo parat & exequias ducit, iis utatur ceremoniis, quibus uti voluerit. In statu itaque naturali unicuique jus est ceremoniis funebribus utendi, quibus uti libuerit.

De natura
li libertate
quoad cere-
monias.

Quoniam nemo hominum habet jus sine ulla restrictione faciendi, quod libet (§. 148. part. 1. Jur. nat.), nec libertas tollit obligationem naturalem (§. 159. part. 1. Jur. nat.); nec in statu naturali jus ceremoniarum funebrium eousque extendi potest, ut ex sine omni discrimine recte adhibeantur. Cum enim jus naturæ ceremoniarum quoque institutionem regat (§. 804.); in statu quoque naturali unicuique perpendendum, quid hoc jure fieri debeat, vel conveniat. Ceremoniæ igitur ineptæ, inconvenientes, absurdæ ac superstitiosæ non minus reprehenduntur, quam in statu civili. Horum statuum diversitas nihil variat in judicio de ceremoniis ferendo. In statu tamen naturali permittendum, ut alter in electione ac usu ceremoniarum suo steterit judicio (§. 156. part. 1. Jur. nat.), nec is rationem reddere ulli tenetur, cur hisce ceremoniis uti velit, si vel maxime sint improbandæ (§. 158. part. 1. Jur. nat.), quemadmodum ipse quoque liberum unicuique relinquere debet, ut de ceremoniis, quibus uti eidem libuit, judicent, quemadmodum unicuique visum fuerit, modo judicium non sit cum injuria erga utentem conjunctum (§. 156. 886. part. 1. Jur. nat.). Quemadmodum libertas naturalis actiones homines subducit voluntati alterius (§. 152. part. 1. Jur. nat.), non vero legi naturæ (§. 166. part. 1. Jur. nat.); ita quoque jus ce-
remo-

remoniarum funebrium unicuique in statu naturali competens id tantummodo operatur, ne in iis stare quis teneatur voluntate alterius, ac ab aliis permittendum sit, ut iis utatur, quibus uti voluerit, ceteris conscientiae ejus relictis (§. 157. part. 1. *Jur. nat.*).

§. 806.

Ceremoniis singularibus funebribus utendi, quibus uti libuerit (§. 803.), ceremoniarum autem singulares personam mortui in specie respiciunt (§. 803.); in statu naturali ceremoniarum singularibus locus est.

Si tibi liberum non est ceremoniis funebribus uti, quibus volueris; nec in eorum significatu respicere potes ad merita vel fata personae defuncti; sed ut hoc fieri possit, necesse omnino est, ut in iis non dependeas a voluntate alterius, quae certae ceremoniae funebres praescriptae sunt, pro libitu suo non immutandae. Equidem non repugnat, ut in statu quoque civili libertas naturalis quoad ceremonias funebres vel prorsus non, vel non tota restringatur; vix tamen consultum est, ut hoc promiscue fiat. Quamobrem ceremoniis singularibus semper quidem locus est in statu naturali; non tamen hinc inferre licet, quod nullus prorsus locus eidem esse possit etiam in statu civili.

§. 807.

Ritus in genere & funebres in specie quid sint. *Rituum* nomine in genere veniunt, quae ab actu quodam abesse possunt, moribus tamen in eodem recepta sunt. Hinc *Ritus funebres* dicuntur, quaecunque moribus introducta sunt in sepeliendis mortuis, sine quibus tamen sepeliri possunt.

Ita e. gr. comitatus exequiarum est ritus funebris, cum sine eo in sepulchrum honesto modo inferri possit mortuus. Similiter pulsus campanarum, dum funus & exequiae ducuntur, est ritus funebris, cum sine isto funus ac exequiae duci possint.

Ad

Ad ritus etiam refertur oratio funebris, & quæ sunt hujus generis alia.

§. 808.

Quoniam ad ritus referendum, quicquid in sepeliendi mortuis introductum, sine quibus tamen sepeliri possunt *De discrimine rituum* (§. 807.), ceremoniæ autem funebres non alio fine adhibentur, quam ut nobis in memoriam revocent; quorum meminisse debemus quando funus ducitur ac corpus mortui humo conditur (§. 794.), adeoque ab hoc actu abesse possint; *ceremoniæ funebres moribus introductæ in numero rituum sunt*: quia tamen non omnia, quæ moribus in humandis mortuis introducta sunt, significatum quendam habent, quemadmodum ceremoniæ (§. cit.), ritus quoque omnes non sunt ceremoniæ, sed ceremoniæ tantummodo sunt ritus significativi.

Equidem vulgo ritus ac ceremoniæ non distinguuntur, sed promiscue tanquam synonyma usurpantur; in Jure tamen naturæ consultum est, ut a se invicem distinguantur, cum non eodem modo de ceremoniis, quemadmodum de ritibus aliis sit ratiocinandum. Immo ceremoniæ arctioribus limitibus constringuntur, quam ritus alii, in quibus arbitrium humanum liberius dominatur, cum hominum opinio actioni cui-dam tribuere possit valorem, quem per se non habet. Ita e. gr. honori mortui imputatur pulsus campanarum, in quo tamen per se honorem consistere non posse patet (§. 538. *port. i. Jur. nat.*), opinio tamen pulsus campanarum efficere potest modum mortuo honorem deferendi.

§. 809.

Ritus funebres non esse debent temerarii; sed officiis erga mortuos convenientes, aut etiam officiis erga nosmetipsos respectu debent rituum mortuorum. Quoniam enim nil temere faciendum (§. 278. *Wolffii Jur. Nat. Pars VI.*) *Quales esse ritus.*

part. 3. Jur. nat.); nec ritus funebres temerarii esse debent.
Quod erat unum.

Enimvero quod temere non fit, certo fine fieri debet (§. 277. *part. 3. Jur. nat.*). Quamobrem etiam ritus funebres certo fine fieri debent. Quoniam ritus accedunt ad humanationem mortuorum, a qua abesse possunt (§. 807.), eorum autem, quæ funeris causa sunt, ratio defumenda est ab officiis erga mortuos (§. 763.), ritus funebres alio fine fieri non debent, quam ut officiis erga mortuos satisfaciamus, cumque defunctos imitari debeamus in iis, quæ recte ac bene fecerunt (§. 778.), quin præterea per ritus etiam intendi possit hic finis, dubitandum non est. Patet itaque ritus funebres officiis erga mortuos, aut etiam officiis erga nosmetipsos respectu mortuorum convenientes esse debere. *Quod erat alterum.*

Quodsi ergo ea perpendere velis, quæ de officiis erga mortuos in anterioribus demonstrata sunt, tum etiam ea, quæ de officiis erga nosmetipsos respectu mortuorum dicta; de ritibus haud difficulter judicium feres. Et quamvis jam antea (*not. §. 808.*), monuimus, in ritibus multum dari posse opinioni; necesse tamen est, ut hæc quoque ad officia ista referatur, siquidem jure naturæ permissum esse debet, ut eidem pareamus. Exemplo esse potest pulsus campanarum, quem, ut modo diximus, opinio fecit modum mortuo honorem deferendi.

§. 810.

*An homines
 nudi sint se-
 peliendi.*

Homines non sunt sepeliendi nudi, sed veste quadam induti nudi sint se- aut linceo aliquo involuti. Etenim in sepultura, quam humanitati debemus (§. 771.), cadaver humanum distinguendum est a cadaveribus brutorum (§. 735.). Quamobrem cum cadavera brutorum abjiciantur, prouti sunt, immo pelliculis detrahatur, quæ vestimenti loco est; mortuos sepulchro infer-

inferre, quales in lucem editi sunt, non convenit, consequenter iidem nudi sepeliendi non sunt. *Quod erat unum.*

Enimvero vestimenta, quæ natura homini nulla dedit, ars parat, non modo adversus injurias tempestatum corporis muniendi (§. 445. *part. 1. Jur. nat.*), verum partium obscenarum velandarum causa (§. 448. *part. 1. Jur. nat.*). Quamobrem cum homines in eo a brutis distinguantur, quod vestibus induti incedant, aut partes saltem obscenas velare soleant; cadaver humanum cadaveri brutorum æquiparari videtur, si nulla veste indutum, aut saltem linceo aliquo non involutum sepulchro immittatur. Quamobrem cum corpora hominum mortuorum cadaveribus brutorum non sint æquiparanda; homines mortui veste quadam induti, aut linceo aliquo involuti sunt sepeliendi. *Quod erat alterum.*

Ad honorem humanitatis, quem mortuis promiscue exhibere debemus (§. 760.), pertinet, ne nudi, sed ut veste quadam induti, aut linceo aliquo involuti sepeliantur. Consistit enim honor humanitatis in actibus, quibus significamus, quod alter sit homo (§. 759.). Quamobrem cum id significemus, quemadmodum ex demonstratione intelligitur, si mortuum veste quadam indutum, aut linceo quodam involutum in sepulchrum inferimus, & honorem mortuis etiam in modo, quo eorum corpora e conspectu nostro remouentur (§. 761.), consequenter in sepultura (§. 746.), deferre debeamus; honorem humanitatis eisdem utique exhibemus, si corpus ejus veste quadam indutum, aut linceo aliquo involutum sepulchro inferamus. Immo etiam moribus tantummodo tribuas, quod homines vestibus induti incedant, aut ubi nudi incedere solent, partes saltem obscenas velent, ita ut nulla adsit naturalis ratio, cur hoc facere debeant; negari tamen minime potest, opinionioni hominum convenire, ut per vestes, aut saltem velamina partium obscenarum a brutis distinguantur. Quamobrem cum ad honorem humanitatis deferendum etiam sufficiat

opinio hominum communis & quicquid contra eam fit eidem adversetur; admittendum utique erit, quamdiu standum hac opinione, homines quoque mortuos nonnisi veste quadam indutos, aut linteo quodam involutos in sepulchrum inferri debere. Qui ad gentium barbararum mores provocare voluerit, is audiendus non est: neque enim ea, quæ Juri naturæ consentanea sunt, ex moribus gentium sunt dijudicanda, sed de his porius ex principiis Juris naturæ statuendum. Quid de sepultura militum in prælio occisorum tenendum sit, alio loco dicendum.

§. 811.

Quales vestium aut velaminum ratio, quibus cadavera humana infles mortuis dantur, aut involvuntur, quales nimirum esse debeant, desumenda est ab officiis erga mortuos. Per se patet, quod cadavera mortuorum vestibus induantur, aut linteo quodam involvantur, id ad ea referri debere, quæ funeris causa sunt. Enimvero eorum quæ funeris causa sunt, ratio desumenda est ab officiis erga mortuos (§. 763.). Ergo etiam vestium & velaminum ratio, quibus cadavera humana induuntur, aut involvuntur, quales nimirum esse debeant, desumenda est ab officiis erga mortuos.

Cum nihil temere sit faciendum (§. 278. part. 3. *Jur. nat.*); certo quoque sine cadavera mortuorum veste aliqua sunt induenda, aut linteo quodam involvenda (§. 277. part. 3. *Jur. nat.*), qui alius esse nequit, nisi ut officio cuidam erga mortuos, vel officiis pluribus satisfacias, aut saltem animum iisdem satisfaciendi significes, cum obligationi naturali satisfacere utique teneamur (§. 142. part. 1. *Phil. pract. univ.*). Actus hominum liberos, qualescunque tandem sint, regit lex naturæ, ad quam adeo tanquam ad normam sunt exigendi. Quibus scrupulosas nimia videtur in istiusmodi hominum actionibus attendere rationes morales, hi nondum capiunt, quæ de vita morali hominis perfecta alibi demonstravimus (§. 9. & seqq. part. 2. *Phil. pract. univ.*).

§. 812.

§. 812.

Quoniam ratio, cur his potius vestibus induamus mortuos, quam aliis, aut linteo potius involvamus, quam vestimento quodam induamus, desumenda est ab officiis erga mortuos (§. 811.), ex anterioribus autem abunde patet, non unum esse officium, quod mortuis præstandum, & quædam talia esse, ut promiscue omnibus sint præstanda, quædam vero istiusmodi, ut uni magis convenient quæ secundum ea fiunt, quam alteri; ideo *neceffe non est, ut cadavera humana linteo aliquo potius involvantur, quam veste quadam induantur, nec ut eodem modo vestiantur omnia, sed pro diversitate circumstantiarum fieri debet, quod officiis in dato casu magis convenit.*

Quæ de differentia officiorum erga mortuos sumimus, facile intelliget qui ad ea advenire voluerit. E. gr. Honor humanitatis officium est promiscue omnibus præstandum (§. 760.), officium animi grati nonnisi benefactoribus præstari potest (§. 721.), & quamvis laudem etiam mortuo præstare debeamus, quam meretur (§. 715), cum tamen non omnes eandem mereantur, nec omnibus eadem tribui potest: officium vero commemorandi facta illustria non omnibus debetur (§. 782, 784.), & quoniam factorum illustrium laudes plurimum differre possunt (§. 787.), ob eadem non omnibus eadem laus debetur. Quodsi officium præstandi honorem humanitatis solum respicias, cum mors homines iterum æquales efficiat omnes, quemadmodum natura fecerat, ac mortui non opus habeant veste, nisi ad velandas partes corporis obscenas, non vero ut eadem muniantur adversus injurias tempestatis; maxime omnino convenit, ut cadavera saltem linteo quodam involvantur, aut veste linteâ induantur. Ex adverso si quis ob laudem, quam meretur, ab aliis hominibus sit distinguendus; quin vestitu quoque cadaveris id significari possit, dubitandum non est. Idem dicendum est, si eodem vestitu amorem, vel animi gratum erga defunctum significare velimus.

§. 813.

Quando vestitus mortuorum ad ceremoniam referendus.

Si vestitu mortui significare velimus nostrum in eum amorem, vel animum gratum, aut merita ejusdem præclara; vestitus ad ceremonias funebres referendus. Etenim si vestitus est signum amoris, vel animi grati erga defunctum, aut præclarorum ejusdem meritorum, adeoque eodem hæc spectantibus insinuare volumus; erit is utique ceremonia (§. 442. part. 2. *Phil. præct. univ.*), cumque ea in funeratione adhibeatur, ceremonia funebris (§. 794.).

Facile patet, si hoc fiat non ea intentione, ut amor vel animus gratus in defunctum, vel ejus merita præclara significentur, nec intentio hæc spectantibus cadaver vestitum sit nota, sed tantummodo ut mori obsequamur; vestitum nudum saltem esse ritum, qui quidem reprehendi nequit, cum in genere spectatus ratione legitima minime destituatur, cui tamen non multum tribuendum, quamdiu significatus iste negligitur, qui tamen in dubio præsumitur, nisi adsint conjecturæ probabiles in contrarium. Viria nimirum hominum, quemadmodum actiones ceteras hominum contaminant, non modo licitas, verum etiam debitas, ita quoque in determinationem vestitus influere possunt. Hinc etiam subinde vestitus cadaveris cujusdam humani recte reprehenditur.

§. 814.

Quando mortuorum corpora spectanda exponi debent.

Si vestitu mortui significare velimus nostrum in eum amorem, vel animum gratum, aut ejusdem etiam merita; cadaver vestitum oculis spectatorum exponendum, aut locus, in quo situm, antequam in sepulchrum demittitur, aperiendus, ut ab æstantibus spectari possit. Per se omnino patet, nullo modo fieri posse, ut ipsis mortuis significemus nostrum in eos amorem, vel animum gratum, aut quod eorum merita agnoscamus. Quamobrem si vestitu eorundem significare velimus nostrum in eos amorem, vel animum gratum, aut eorum merita; id significan-

ficandum est aliis viventibus. Quoniam vero hoc fieri nequit, nisi cadaver vestitum videant; ideo omnino necesse est, ut vel oculis spectatorum exponatur, aut loculo saltem aperto, antequam in sepulchrum demittatur, adstantibus conspiciendum præbeatur.

Utrumque hinc inde usitatum est, ac posterius iis præsertim in locis commode fieri potest, ubi qui funus comitantur prope sepulchrum tamdiu stare solent, donec locus in idem fuerit demissus.

§. 815.

Lugere dicimur, quando actibus externis tristitiam indicamus. Unde *Luctus* dicuntur actus externi, qui tristitiam indignant. Actus illi vel *naturales* sunt, qui per essentialam ac naturam corporis humani tristitiam comitari solent, veluti vultus, gestus, vox & verba tristitia, ac sletus & ejulatus, vel *voluntarii*, quatenus quibusdam actibus significatum tristitiæ imponimus, veluti si veste lugemus.

Luctus quid sit.

Ita lugemus fata adversa tam domestica, quam aliena, quando vultu tristi de iisdem conquerimur. Quemadmodum vero tristitia gradu differt, ita quoque luctus suos habet gradus & pro diversitate eorundem variat. Et sicuti actus externi, qui affectibus seu passionibus animi respondent, pro diversitate subjectorum variant in eodem affectu; ita quoque non omnes eodem lugent modo. Constat autem experientia, nos lugere adhuc posse, etiamsi tristitia jam cesser, quatenus actus externus imperari a nobis potest, cum tristitia perinde ac ceteri affectus imperio animæ subsint. Sunt vero quidam actus externi ita comparati, ut aliis quoque affectibus convenient, non tristitiæ soli, ut adeo ex iis solis laus non intelligatur.

§. 816.

Mortuos amicos, benefactores ac eos, quorum insignia in *Am mortuos*
lios

*lugere sit
prohibitum.*

lios sunt merita, lugere non prohibemur. Quando amicis, benefactoribus ac iis privamur, qui bene de nobis merentur, nemo non agnoscit statum nostrum reddi imperfectiorem, consequenter jacturam eorundem ad mala fortunæ esse referendam (§. 565. 567. *Psyh. empir.*). Quamobrem cum homini naturale sit, ut ex representatione mali præsentis tristitia oriatur (§. 623. *Psyh. empir.*); naturale quoque eadem est, ut ob mortem amicorum, benefactorum ac eorum, qui bene de ipso & aliis meriti sunt, contristetur, consequenter cum actus externi tristitiam comitantes luctus sint (§. 815.), ut mortem amicorum, benefactorum ac eorum, qui bene de ipso ac aliis meriti sunt, lugeat. Enimvero lex naturæ nos non obligat ad id, quod impossibile (§. 209. *part. 1. Phil. pract. univ.*), consequenter nec obligare potest ad mortem amicorum, benefactorum atque eorum, quorum insignia in alios sunt merita non lugendum. Lugere igitur non est prohibitum.

Loquimur hic de luctu naturali, qui imperio animæ non magis subest, quam tristitia, & adeo in quem non major vis nobis competit, quam in affectus, quos quidem moderari & sedare possumus, sed non extirpare. Quatenus tamen luctus subsistit, tristitia sedata, quoad actus tales, qui etiam a voluntate animæ dependent, jam major in eundem vis est. Ast luctus voluntarius a nostra voluntate prorsus dependet. Quamobrem nunc porro inquirendum nobis erit, quid liceat quoad eos actus, qui liberi sunt. Ceterum dum affirmamus luctum esse homini naturalem, si amicus, benefactor ac aliquis de nobis atque aliis bene meritis moriatur; non negamus fieri posse, ut aliqui ob mortem eorundem non contristentur. Fieri enim potest, ut jacturam, quam faciunt, boni non perpendant, vel ut eandem alio modo statim refarciri posse sibi persuadeant, vel ut mortem aliterius quocunque modo sibi tanquam bonam repræsentent, veluti si fiant hæredes multorum bonorum, quo-

quorum possessionem dudum optarunt. In præsentì seponimus ea omnia, quæ vitii cujusdam labe infecta sunt, nec sumimus nisi ea, quæ homini per essentiam & naturam suam insunt, vel inesse possunt, nullo præcedente facultatum abusu.

§. 817.

Luctus voluntarius & quatenus talis etiam naturalis ob mortem amicorum, benefactorum & bene de nobis ac aliis meritorum voluntarius licitus, seu jus lugendi nobis competit. Nemo in dubium resistit licitus. vocare potest, quin lugendo mortem amicorum, benefactorum, ac bene de nobis atque aliis meritorum testemur, nos esse memores amoris, beneficiorum ac meritorum eorum. Quoniam itaque honor mortuis defertur, quando factò quodam declaramus, nos facta ipsorum ex virtutibus intellectualibus ac moralibus profecta agnoscere (§. 752.), & gratias agimus mortuis, quando beneficia ab iis in nos profecta narramus ac prædicamus (§. 722.), ac per se patet, perinde esse, siue hoc verbis fiat, siue factis; qui mortem benefactorum, amicorum & bene de se atque aliis meritorum luget, honorem post obitum iisdem defert ac gratias agit. Quamobrem cum etiam mortuis honorem, quem merentur, deferre debeamus (§. 753.), & benefactoribus mortuis gratias adhuc agere (§. 723.), nec lugere mortuos lege naturali prohibitum (§. 816.), lex autem naturæ det nobis jus ad istiusmodi actus, quibus obligationi naturali satisfacimus (§. 159. part. 1. *Phil. pract. univ.*); nobis quoque eadem dat jus lugendi mortem amicorum, benefactorum & bene de nobis atque aliis meritorum, consequenter lugere licet. Atque adeo patet, luctum quoque voluntarium, & quatenus talis, etiam naturalem, ob mortem amicorum, benefactorum ac bene de nobis atque aliis meritorum licitum esse.

Aliud est, num quid tale sit, ut prohiberi non possit, aliud vero, num jus faciendi nobis comperat, seu num jure quid fieri possit. Atque adeo luctus naturalis a voluntario utique distinguendus, atque propterea non modo ostendendum erat, illum prohibitum non esse, verum etiam demonstrandum, hunc esse licitum. Quemadmodum vero actiones naturales & liberæ multis modis a se invicem dependent, atque hinc fieri potest, ut etiam in naturales aliquid vitiosum derivetur a liberis; ita etiam luctus naturalis labe affici potest, quatenus actualitas ejusdem ab actionibus quibusdam vitiosis præteritis dependet. At hic consideramus actus humanos, quales in se sunt, ac quales liberi esse debeant vi legis naturæ. Quomodo vero labe quadam inficiantur, quæ in se spectatæ ab eadem immunes sunt; in Philosophia morali ostendendum & quodammodo ex iis jam patet, quæ de actionum humanarum dependentia a libertate animæ demonstravimus (§. 16. *Esseq. part. 1. Phil. pract. univ.*). Quoniam vero actiones hominum externæ, quæ in se spectatæ bonæ sunt ac licitæ, a vitiis labem contrahunt; ita haud quam mirum videri potest, si luctui idem accidit. Quod si in eodem observentur, quæ ad rectitudinem actionum humanarum requiruntur (§. 80. *part. 1. Phil. pract. univ.*); metuendum non erit, ne labe quadam sit infectus.

§. 818.

An veste lugere liceat mortuos.

Quoniam luctus voluntarius ob mortem amicorum, benefactorum & eorum, qui de nobis ac aliis bene meriti sunt, licitus (§. 817.), ad eum vero pertinet, si veste lugeamus mortuos (§. 815.); *veste lugere mortuos licet.*

Pertinet huc ritus, ut aliis, quam vestibus ordinariis, utamur in exequiis, & ut cognati, agnati atque affines veste lugeant defunctum, qui in se juri naturæ minime repugnat.

§. 819.

Scctio cada-

verum est actus, quo corpora & membra ita disse-

dissecantur, ut singula organa & horum partes a se invicem *verum vel* separentur. Dicitur vulgo solet *Anatomia.* *anatomia*

Constat a Medicis sectionem cadaverum humanorum fieri. *quid sit.*
 Quoniam sepulturae jus humanitati debetur (§. 769.); dubium
 videri poterat, an citra injuriam cadaver hominis secare liceat.
 Quamobrem cum nobis proposuerimus ostendere, quicquid
 in actionibus humanis sit boni, vel mali, liciti, vel illiciti; non
 inconsultum quoque duximus de jure secandi cadavera humana
 hic agere.

§. 820.

Quoniam si corpora & membra ita dissecantur, ut sin- *usus anatomi-*
 gula organa & horum partes a se invicem separentur, non *ae.*
 modo notionem distinctam partium, ex quibus corpus hu-
 manum constat, verum etiam totius structurae corporis hu-
 mani acquirimus (§. 682. Log.), actus vero, quo corpora &
 membra eorum ita dissecantur, ut singula organa & horum
 partes a se invicem separentur, sectio cadaverum humano-
 rum, seu anatomia est (§. 819.); *sectio cadaverum, seu ana-*
tomia distincta notio totius corporis humani & singularum ejus par-
tium acquiritur, consequenter cum in structura essentia cor-
 poris humani consistat (§. 276. Cosmol.), *essentia corporis huma-*
ni cognoscitur.

Sine sectione cadaverum ad distinctam corporis humani
 cognitionem nos pervenire non posse, nemo est qui dubitat;
 nec alio fine istiusmodi sectiones fiunt a Medicis: sit ita quod
 non omnes agnoscant, corporis humani totius in structura e-
 jusdem & singularum partium, quae itidem corpora organica
 sunt, essentiam in eorundem structura contineri.

§. 821.

Quoniam ratio eorum, quae corpori organico, conse- *Sanitatis ac*
 quenter etiam humano & singulis ejus organis vel actu in- *morborum*
 Mm mm 2 sunt,

cognitio unde pendeat. sunt, vel inesse possunt, in structura continetur (§. 277. *Cosmol.*), & in eadem quoque deprehenditur ratio, cur singula organa ad functiones suas apta sint (§. 278. *Cosmol.*), consequenter quandonam munere suo rite fungantur, & quando ad suos usus, quibus destinantur, apta non sunt, status autem corporis, quo singula ipsius partes munere suo rite funguntur, sanitas est (§. 345. *part. 1. Jur. nat.*), eidem autem oppositus, quo una vel plures ad usus suos, quibus destinantur, aptæ non sunt, morbus (§. 346. *part. 1. Jur. nat.*); *sine structura corporis humani & singularum ejus partium nec sanitas, nec morbi, quibus laborat, distinde cognosci possunt, adeoque anatomia, seu cadaverum sectio ad sanitatis ac morborum cognitionem necessaria (§. 820.).*

Satis hoc exploratum est medicis peritis, ut anatomiae necessitas non vocetur in dubium, nisi ab iis, qui in empiricorum, quam Medicorum rationalium numero esse malunt. Et quis ignorat, quot dentur casus, in quibus anatomiae imperitus non caute procedere potest in operationibus chirurgicis, ut sapissime plus noceat, quam profit ei, qui opem ipsius efflagitat? Anatomia veluti basis est totius theoriae medicae rationalis, immo & chirurgiae. Nec Physicus in anthropologia proferet, quæ rationi consentanea sunt, siquidem anatomiae fuerit imperitus. Qui adeo contendit, Medicinam & chirurgiam rationalem esse debere, qui Physiologiam seu anthropologiam a Physico rite tradi jubet; is anatomiam seu sectionem cadaverum non posse negligi ultro fatebitur. Ceterum cum sine autopsia ad solidam structuræ corporis humani & organorum ejusdem cognitionem perveniri vix detur; ideo necesse est, ut sectionibus intersint qui ad istam cognitionem adspirant, consequenter etsi plures prostant de anatomia libri, sectiones tamen cadaverum adhuc hodie sunt instituendæ, tamdiu repetendæ, quamdiu non deerunt, qui structuram corporis humani ac singularum ejus partium perspicere gestiunt.

§. 821.

§. 822.

*Homo obligatur Deum cognoscere etiam ex structura corporis De obligati-
humani & cognoscere, qualis hæc sit.* Deum enim cognoscere *one ad stru-*
debet ex contemplatione hujus universi & eorum, quæ in *Eturam cor-*
eodem sunt (§. 1131. *part. 1. Jur. nat.*), & obligatur ad con- *poris nostri*
templandum hoc universum & ea, quæ in eodem sunt, & ad *& ex ea De-*
cognoscendum, qualia sint. Quoniam itaque homo est in *um cogno-*
eorum numero, quæ sunt in universo; Deum quoque co- *scendum.*
gnoscere debemus ex structura corporis humani & hanc con-
templari & qualis ea sit ut cognoscamus inquirere.

Quomodo creaturæ in universum omnes, adeoque etiam
humanum corpus, Deum repræsentent, dudum demonstravi-
mus (§. 799. & *seqq. part. 1. Theol. nat.*). Atque inde abunde
intelligitur, quomodo ex structura Corporis humani ac singu-
larum ejus partium Deus sit agnoscendus. Quo magis igitur
structura illa nobis fuerit perspecta; eo clarius quoque evadit
Dei ex ista derivata cognitio. Corpus humanum omnium
confessione est machina omnium artificiosissima, quam in hoc
universo nobis cognoscere datur. Equis vero non ultro lar-
gitur, si quis velit agnoscere artificem, opus ejus præstantissi-
mum considerandum esse. Multum quoque influit hæc co-
gnitio in praxi officiorum erga Deum, quemadmodum suo
tempore in Philosophia morali ostendemus.

§. 823.

Cadavera humana secare licet, seu anatomia naturaliter lici-
ta. Etenim sine sectione cadaverum humanorum distinctam *mia sit na-*
corporis humani ac singularum ejus partium notionem ac- *turaliter*
quirere non licet (§. 820.). Enimvero natura homini jus *licita.*
est in res naturales, consequenter etiam in cadavera huma-
na, quoad omnem usum, qui ad earum cognitionem facit
(§. 1136. *part. 1. Jur. nat.*). Ergo natura quoque ipsi com-
petit jus cadavera humana secandi, adeoque eadem secare

Mm mm 3

licet

licet (§. 170. *part. 1. Phil. pract. univ.*), consequenter anatomia naturaliter licita (§. 819.).

Ostenditur etiam hoc modo. Homo obligatur Deum cognoscere etiam ex structura corporis humani (§. 822.), consequenter eidem jus est ad eos actus, sine quibus cognitioni isti non datur locus (§. 159. *part. 1. Phil. pract. univ.*). Quamobrem cum sine sectione cadaverum humanorum notionem structuræ corporis humani distinctam acquirere non possimus (§. 820.); jus quoque nobis est secandi cadavera humana, adeoque secare licet.

Immo etiam ita demonstratur. Homo sanitatem suam conservare (§. 393. *part. 1. Jur. nat.*), & morbos, quantum in potestate sua est, evitare (§. 394. *part. 1. Jur. nat.*), quodsi vero in morbum incidat, operam dare tenetur, ut sanitati restituatur (§. 413. *part. 1. Jur. nat.*). Cognoscere igitur debet, quid sit sanitas, quid sint morbi. Quamobrem cum sine cadaverum sectione sanitas & morbi cognosci nequeant (§. 821.); lex quoque naturæ nobis dat jus cadavera humana secandi (§. 159. *part. 1. Phil. pract. univ.*), adeoque secare licet.

Si nulli darentur morbi, nulli quoque darentur Medici; neque sanitatis ac morborum causa structuræ corporis humani ac singularum ejus partium cognitio foret necessaria: non tamen propterea negligenda esset anatomia, cum adhuc supersit obligatio Deum ex structura corporis humani ac singularum ejus partium agnoscendi, cui absque anatomia satisfieri nequit. Qui Deo gratias agere vult, quemadmodum debet, quod corpus suum admiranda arte sit constructum; is nosse utique debet, quæ sit structura ejusdem. Equidem nostris moribus anatomix operam non navant, nisi qui Medicinæ se devoverunt, qui vero Theologiæ se consecrarunt, eam tanquam sibi inutilem negligunt; non tamen moribus metiri veritatem debemus

mus, quippe quos ab eadem non infrequenter recedere nemo est qui nesciat. Nostrium adeo fuit non uno modo demonstrare jus secandi cadavera humana.

§. 824.

Sceletus dicitur cadaver decarnatum, sola ossium compage constans. *Sceletus* adeo facit ad cognitionem ossium corporis & ejus membris animalis, veluti humani, & modi, quo per totum corpus distribuitur ac inter se junguntur.

Hæc de ossibus doctrina *Osteologia* dici solet, ut adeo sceleti fiant in usum osteologiæ. Sceleti humani arte parantur, qua singula ossa eodem ordine inter se junguntur, ac connectuntur, quo in cadavere juncta & connexa deprehendebantur.

§. 825.

Quoniam sceletus integram ossium compagem nobis *Sceletorum* inspiciendam sistit, qualem in cadavere non decarnato spectare non datur (§. 824.), sine ea tamen structura corporis humani cognosci minime potest, quod per se patet, *sceletorum fabricatio ad perspicendam structuram corporis humani necessaria.*

Per se patet sceletorum eandem esse necessitatem ad cognoscendam structuram corporis animalis cujuslibet. Quoniam tamen aliorum animalium cognitio magis curiosa, quam utilis habetur, de iis fabricandis non admodum solliciti sunt historiarum animalium conditores. Cognitio enim Dei ex creaturis haurienda etsi defendatur, vulgo tamen creditur, ad eam sufficere, ut ignorantia pariat admirationem, atque hac satisfieri posse officiis erga Deum existimatur. Qui vero ad animum revocaverit ea, quæ de modo, quo res naturales Deum repræsentant, demonstravimus (§. 799. & seqq. part. 1. Theol. nat.), longe aliter sentiet.

§. 826.

*De jure fabricandi
sceletum.*

Natura hominibus competit jus sceletos fabricandi. Quoniam sceletorum fabricatio, perinde ac cadaverum humanorum sectio (§. 820.), ad perspiciendam structuram corporis humani necessaria (§. 825.); hominibus natura competere jus sceletos fabricandi eodem modo ostenditur, quo ante demonstravimus, iisdem competere jus secandi cadavera humana (§. 823.).

Ostenditur etiam hoc modo. Homini natura competit jus ad omnes actus, quibus rerum naturalium cognitio promovetur (§. 1138. *part. 1. Jur. nat.*). Ad cognitionem rerum naturalium etiam pertinet structura corporis humani, quod per se patet, & sceletorum fabricatio eandem promovet (§. 825.). Quamobrem natura quoque hominibus competit jus sceletos fabricandi.

Cadavera humana secare & sceletos fabricare mos inveteratus est. Quamobrem forsitan non deerunt, qui existimaturi sunt, non opus esse, ut demum demonstretur, hoc fieri licite, cum nemo de eo dubitet. Enimvero non quæritur, num hoc permissum sit in Rep. ac toleretur; sed num jure naturali hoc fieri possit. Id vero moribus non probatur, sed rationibus ex principiis Juris naturæ desumptis. Quodsi dicas ex eo, quod homini competat jus ad omnes actus, quibus rerum naturalium cognitio promovetur, tuto inferri non posse jus secandi cadavera humana & sceletos fabricandi, cum jus illud restringi debeat ad actus per se licitos, consequenter ante demonstrandum esse, quod actus secandi cadavera humana & sceletos fabricandi nihil illiciti in se contineat; tenendum erit quod, si quis velit uti actu ad promovendum rerum naturalium cognitionem, quem aliunde constat illicitum esse, tum lex prohibitiva collidatur cum lege permissiva, adeoque actus iste excipendus sit (§. 211. *part. 1. Phil. pract. univ.*).

§. 827.

Non licet secare homines vivos. Qui enim hominem vi- *An sectio ho-*
vum secat, facto suo mortem eidem consciscit, adeoque cum *minum vi-*
occidit (§. 741. *part. 1. Jur. nat.*). Enimvero ne volentem *vorum lici-*
quidem occidere licet (§. 745. *part. 1. Jur. nat.*). Ergo non *ta.*
licet secare homines vivos.

Sectionem vivorum nemo non illicitam agnoscit, ob ean-
dem, quam dedimus, rationem. Pugnat enim ea cum jure
hominis, cum lex naturæ securitatem vitæ præstat (§. 743. *part.*
1. Jur. nat.), & hanc juri ejusdem subducit (§. 351. *part. 1.*
Jur. nat.). Quamvis adeo sectio hominis vivi tibi prodesse
poterat ad scientiam, non tamen ideo licita est (§. 1138 *part.*
1. Jur. nat.), cum aliunde constet, eam esse illicitam.

§. 828.

Sectio cadaverum humanorum non repugnat honori humanitatis. *An sectio ca-*
Quando enim cadavera humana secamus, id fit eo fine, ut *daverum*
distinctam totius corporis humani ac singularum ejus parti- *humanitatis*
um notionem acquiramus (§. 820.), consequenter hoc facto *honori repu-*
minime significamus, hominem, cujus cadaver secatur, non per- *gnet.*
inde ac nos esse hominem, & quoad humanitatem a nobis
differre. Quamobrem cum honor humanitatis consistat in
actibus, quibus significamus, nos agnoscere, quod alter sit
homo (§. 759.); sectio cadaverum humanorum non re-
pugnat honori humanitatis.

Quamvis adeo unicuique honorem humanitatis exhibere de-
beamus (§. 760.), nec hoc officium post obitum alterius cesset
(§. 761.); hoc tamen minime obstat sectioni cadaverum hu-
manorum.

§. 829.

Cadavera dissecta, sectione absoluta, sunt sepelienda. Per se *An cadavera*
patet, sectione absoluta obventum esse finem, cujus gratia *dissecta sepe-*
(*Wolffii Jur. Nat. Pars VI.*) Nn nn *cada-* *liri debeant.*

cadaver dissecabatur (§. 820.). Quamobrem cum jam perinde sit sive cadaver integrum, sive dissectum e conspectu vivorum removeas, jus vero sepulturæ humanitati debeatur, ut promiscue omnes sint sepeliendi, ac nemo sepultura privari possit (§. 769. 770.); sectione absoluta cadavera dissecta sepelienda sunt.

Paret adeo homini mortuo honorem humanitatis, quem in modo cadaver ejus e conspectu vivorum removendi debemus (§. 761.), eidem adhuc deferri posse, etiamsi cadaver fuerit dissectum & partes ejus a se invicem separatæ. Cadaver humo conditum putredine consumitur, ut adeo nihil interfit, sive integrum condatur, sive dissectum. Cumque nihil detrahatur famæ mortui, etiamsi ad augendam vel amplificandam scientiam cadaver secetur (§. 553. 870. *part. 1. Jur. nat.*), adeoque dissectum humo condatur; sectio cadaverum juri ad sepulturam minime adversatur. Loquimur hic de sectione cadaverum humanorum in statu naturali, in quo singula nonnisi ad veritatis normam exiguntur. Quoniam vero in statu civili multum dandum est opinioni ac quoad veritatem quoque nonnulla mutantur; ideo quæ hic dicuntur non crude applicari debent ad sectionem cadaverum in statu civili, qui hominum inæqualitatem non invito jure naturæ introduxit, quemadmodum suo loco ostendemus, ut alia jam taceamus.

CAPVT VI.

De nondum natis & officiis erga posteros.

• §. 830.

*An nondum
natus jus
quoddam*

Nondum natus nullum jus habere potest. Qui enim nondum natus est, aut in utero adhuc materno est, aut ne a matre quidem conceptus est. Quod ut a matre ne qui-

ne quidem conceptus est, in rerum natura non existit, ad-*habere pos-*
 eoque agere nequit. Qui vero in utero adhuc materno est, *sit.*
 nihil adhuc inter homines agere potest. Quamobrem cum
 jus sit facultas moralis agendi (§. 156. *part. 1. Phil. pract. univ.*),
 ut scilicet salva actionis rectitudine seu salvis officiis erga se
 atque alios, agere possit, quod physice agere potest (§. 157.
part. 1. Phil. pract. univ.); nondum natus jus nullum habere
 potest.

Homo nondum natus non est subjectum juris capax, quo-
 niam jus supponit agendi facultatem (§. 156. *part. 1. Phil. pract.*
univ.). De iis, qui ne in utero quidem concepti sunt,
 neminem fore existimo, qui dubitet. Quamdiu vero fœtus in
 utero existit, pars matris est, & sanguine ipsius nutritur, nec
 in lucem editur, nisi ubi perfectus fuerit, ut hominibus asso-
 ciari possit. Atque tum demum opus habet alimentis & alio-
 rum hominum auxilio indiget, ut ipse nondum aliis prodes-
 se possit. A nativitate igitur incipit frui jure hominum. Ita
 e. gr. in statu naturali, quamprimum natus est, ipsi perinde ac
 aliis competit jus ad usum rerum quarumvis necessarium, ut-
 ur id per se nondum exercere possit.

§. 831.

Quoniam *nondum natus* jus nullum habere potest (§. *An nondum*
 830.); *jus* quoque *nullum acquirere potest*, consequenter cum *natus* *jus*
fœtus in utero materno existens nondum natus sit, idem *jus nul-*
lum acquirere potest. *possit.*

Sane si ponamus fœtum in utero materno jus quoddam ac-
 quirere; evidens est, quod nondum natus jus aliquod habeat:
 id quod tamen fieri minime potest (§. 830.).

§. 832.

Quoniam fœtus in utero materno existens jus nullum *An domini-*
 acquirere potest (§. 831.), dominium autem jus est (§. 118. *um acquire-*
part. 2.
 N n n 2

re possit (sæ. part. 2. Jur. nat.); *quandiu factus in utero materno existit, do-*
tus in utero. minime nullius rei acquirere potest. Idem valet in genere de
 nondum nato (§. 831.).

Dominium rerum factus in utero materno existenti prorsus
 inutile est, cum nulla re in eodem indigeat. Nec est quod
 excipias, non inutile manere, quando in lucem editus fuerit.
 Quandiu enim in utero materno est, nondum certo constat,
 utrum perfectus ac vivus in lucem sit proditurus, nec ne. Suf-
 ficit adeo dominium, si quod acquirere debet, tum ab eodem
 acquiri, quando ipsi utile.

§. 833.

An jus in e- Porro quia *factus quandiu in utero materno existit*, domi-
um trans- nium nullius rei (§. 832.), immo nec jus aliud quodcunque
ferri possit. acquirere potest (§. 831.); *dominium quoque rei nullius, im-*
mo nec jus aliud quodcunque transferri potest in eum. Idem valet
 in genere de nondum nato (§. 831.).

Repugnat utique transferre jus in eum, qui ejus capax
 non est. In Jure naturæ rationes ultimæ petendæ sunt ab ipsa
 natura humana (§. 135. part. 1. Phil. præf. univ.). Ubi ergo
 ratio ista deficit, nec juri locus esse potest. Nihil adeo agitur,
 quando dominium rei alicujus. vel jus quoddam aliud in sæ-
 rum, qui adhuc in utero materno subsistit, transfertur. Non
 est, quod excipias, nasciturum per fictionem haberi posse pro
 nato. Neque enim admittendæ sunt fictiones temerariæ (§.
 278. part. 3. Jur. nat.), quales sunt, quæ naturæ factui repu-
 gnant. Quodsi enim prospicere velis futuræ utilitati, quando
 scilicet in lucem editus fuerit; sufficit jus acquiri posse, quan-
 do nascitur.

§. 834.

Quomodo Si quis dicat, se jus quoddam transferre in nondum natum
intelligen- veluti in factum in utero adhuc existentem; id velle intelligitur, ut
dum sit, idem ab eo acquiratur, quando nascitur, seu per nativitatem. Et-
 enim

enim nemo jus quoddam transferre potest in nondum natum, veluti in foetum in utero adhuc existentem (§. 833.). *transfere*
 Quodsi ergo dicat, se hoc velle, cum aliquid agere voluisse intelligatur, id utique ita intelligendum est, ut, quando quis jus acquirere potest, idem in ipsum translatum esse debeat (§. 483.). Quoniam itaque jura utilia esse incipiunt, quamprimum quis nascitur, etsi interea per alios sint exercenda, donec ipse exercere possit, adeoque jura acquirere quis possit, quamprimum nascitur; qui dicit se jus quoddam transferre in nondum natum, veluti foetum adhuc in utero existentem, id velle intelligitur, ut id ab eodem acquiratur per nativitatem, seu quando nascitur. *si quis se dicit.*

Non est, quod excipias, posse quoque jus in utilitatem foetus in utero adhuc existentis exerceri per alium, consequenter nil ob stare, quo minus in eum transferatur, ac perinde esse, sive ante nativitatem, sive post eandem ab eodem acquiratur. Enimvero quamprimum quis natus est, jus eidem utile esse incipit, etsi incertum sit, num tamdiu sit victurus, ut ipse per se hoc exercere possit: quando vero foetus adhuc in utero materno existit, incertum adhuc est, num vivus sit in lucem proditurus, consequenter jus utile ipsi futurum, nec ne, neque ulla adhuc affulget spes fore, ut ipse per se aliquando jus exercere possit. Dispar adeo utrobique ratio est. Præterea nec ratio suadet, cur jus transferatur in foetum adhuc in utero existentem contra naturam, cum idem prorsus sit juris effectus, si sub ea lege conferatur, ut per nativitatem acquiratur, siquidem utilitatem nascituri spectes. Quodsi enim vivus in lucem non edatur, nullam inde utilitatem percipere potest. Quodsi casus occurrat, in quo, jure in nasciturum translato, quatenus per fictionem habetur pro nato, alterius cujusdam utilitati in eventum incertum consulitur, id alio adhuc modo fieri potest, cum a transferentis voluntate pendeat, quomodo jus quoddam in alium transferre velit (§. 11. *part. 3. Jur. nat.*). Sed de eo dispiciemus suo loco.

§. 835.

De jure tibi ac descendens Si jus aliquod confertur tibi ac iis, qui a te descendunt (per nativitatem scilicet), ac id tibi & a te descendenti una competere potest, qui a te descendit idem acquirunt, quamprimum in lucem edito, quod collato, quod tur. Quod si enim jus aliquod confertur nondum natis, conferens id velle intelligitur, ut id ab iis acquiratur, quando nascuntur (§. 634.). Quoniam igitur nondum natis confertur jus, quod iis confertur, qui a te per nativitatem descendunt; si hoc tibi ac a te descendenti una competere potest, jus, quod tibi ac a te descendens confertur, statim acquirit is, qui a te descendit, quamprimum in lucem editur.

Ira si tu cum omnibus descendens a te per nativitatem eleveris ad nobilitatem; filius, qui tibi nascitur, statim fit nobilis. Ac idem eodem modo intelligitur de nepote ac pronepote tuo, te licet adhuc vivo. Neque enim repugnat, ut tu ac filius tuus, vel nepos aut pronepos tuus eadem dignitate sitis conspicui.

§. 836.

De jure morte possidentis in illi trans- Si jus in te transfertur certa lege in nondum natos, dum trans-
morte possidentis in illi nascuntur ius acquirunt in jus in te translatus succedendi, condi-
alium trans-tione lege definita existente; quamprimum vero concipiuntur in
misso. materno utero, quasi spem acquirunt per nativitatem jus istud suc-
cedendi acquirendi. Quoniam jus, quod in te transfertur, vol-
untate transferentis, qui pro lubitu suo legem praescribere potest (§. 11. part. 3. Jur. nat.), successive in alios aliosque transmitti debet morte possidentis per hypothesein, antequam is, qui possidet, moriatur, nonnisi jus conditionatum succedendi in jus, quod in te translatus fuerat, habere possunt it, in quos transmittendum, ita ut mortuo possessore is succedat, in quem morte ipsius jus istud transmitti debet juxta legem præ-

præscriptam. Quoniam vero omnes, qui successive succedere debent, nondum nati sunt, quando jus in te transfertur, *per hypothesein*, nondum vero nati jus nullum habere possunt (§. 830.), nec jus istud succedendi ipsis competere potest, antequam nascantur. Enimvero quando jus aliquod confertur nondum natis, conferens velle intelligitur, ut id ab iis acquiratur, quando nascuntur (§. 834.). Quamobrem si jus in te transfertur, quod certa lege in eos, qui tempore translationis nondum nati sunt, morte possidentis transmittendum; quamprimum illi nascuntur, acquirunt jus succedendi in jus, quod fuerat in te translatum, conditione lege definita existente. *Quod erat unum.*

Enimvero quamprimum quis in utero materno concipitur, spes est eum natum iri, quod per se patet, & quamprimum nascitur, jus succedendi, de quo diximus, acquirit, *per demonstrata*. Habet ergo foetus in utero quasi spem acquirendi jus istud in utero materno, quamprimum spes aliqua affulget, ipsum natum iri, consequenter quamprimum concipitur, atque adeo quasi spem jus succedendi per natiuitatem acquirendi acquirit eo ipso, quo concipitur, momento. *Quod erat alterum.*

Jus succedendi conditionatum dicimus, quia pender a morte possidentis, qui jus in alium juxta legem præscriptam transmittere potest. Quodsi contingat hunc mori, antequam ille moriatur, aut jus, quod in te translatum fuerat, in ipsum transmittatur; conditio, sub qua in eum transmitti debet, non existit, nec unquam existere potest, consequenter hic quoque in jus, quod fuerat in te translatum, succedere nequit. Obrinet hoc in omni jure conditionato, quod evanescit, si is moriatur, cui competebar, antequam conditio existat.

§. 837.

Quasi spes acquirendi per natiuitatem jus conditionatum succeden- *Qualis sit*

*ista quasi
spes.*

cedendi in jus transmissibiliter in primum acquirentem collatum, fœtui in utero materno competens, æquipollet spei, quam habet promissarius ex promissione conditionata. Etenim quando quis in te transfert jus certa lege in nondum natos, dum transfertur, transmittendum; eo ipso declarat, quod, si quis horum, qui nondum nati sunt, nascatur, extemplo jus succedendi in jus in te translatum habere debeat, conditione nimirum lege definita existente (§ 836.). Fœtui igitur in utero quasi promittit, quod, si ipsum nasci contingat, jus istud conditionatum succedendi habere debeat (§ 361. *part. 3. Jur. nat.*). Quamobrem cum promissarius nonnisi spem habeat debitum iri, quamdiu nondum certum est, conditionem extare (§ 471. *part. 3. Jur. nat.*); fœtui in utero nonnisi quasi spes acquirendi jus succedendi in jus transmissibiliter in primum acquirentem translatum tribui potest ex quasi promissione transfærentis orta. Atque adeo patet, quasi spem acquirendi per nativitatem jus conditionatum succedendi in jus transmissibiliter in primum acquirentem collatum, fœtui in utero existenti competens, æquipollere spei, quam habet promissarius ex promissione conditionata.

Actus, quo jus aliquod transmissionis certa lege in aliquem confertur, non simplex est, sed ex gemino actu compositus. Alius enim est, qui respicit primum acquirentem, in quem jus actu transfertur; alius vero est, qui respicit eos, qui in jus istud juxta legem transmissionis succedere debent, sive jam nati sint, sive nondum nati. Translatio juris in primum acquirentem datio est, quæ in præsens absolvitur: ast actus, qui respicit eos, in quos certa lege jus istud transmittendum, cum in futurum promineat, & sub certa conditione lege transmissionis definita fiat, non potest esse alius nisi promissio conditionata (§ 393. 462. *part. 3. Jur. nat.*). Recte adeo fingitur, quasi nondum nati, quos respicit lex transmissionis, sint præsentēs & transferens iis promittat, quod per nativitatem jus succedendi

dendi in jus juxta legem transmissionis acquirere debeant. Hæc igitur promissio cum aliquem habere debeat effectum juris, antequam nascatur, qui tum nondum natus fuerat; effectum fortitur necesse est, quamprimum fœtus in utero concipitur, ut natum iri speretur. Voluntas adeo transferentis cum effectum quandam habeat, quamdiu quis nascitur, qui juxta legem transmissionis in jus in primum acquirentem collatum succedere potest; videtur transferens fœtui, postquam conceptus est, quasi promittere, quod siquidem eum nasci contingat, jus istud succedendi conditionatum habere debeat. Voluntas transferentis rite explicanda, ut appareat, quemnam effectum juris producat, seu quid operetur: jus enim eorum, in quos jus aliquid transmitti debet, ex ipsius voluntate metiendum. Disspar autem ratio est inter eum casum, quo per nativitatem acquiritur jus purum (§. 635.), & quo acquiritur jus nonnisi conditionatum (§. 636.), qui adeo casus a se invicem sunt distinguendi. In illo a te descendenti acquiritur simile jus, quale tu habes, per nativitatem; in hoc autem jus conditionatum succedendi in idem jus, quod in te fuit translatum.

§. 838.

Quoniam spes, quam habet promissarius ex promissione conditionata, invito adimi nequit (§. 477. *part. 3. Jur. utero adimi nat.*), quasi spes vero acquirendi per nativitatem jus conditionatum succedendi in jus in primum acquirentem transmissibiliter collatum fœtui in utero competens æquipollet spei, quam habet promissarius ex promissione conditionata (§. 837.); hæc quoque quasi spes fœtui adhuc in utero exstentis adimi nequit.

Fœtus in utero velle nequit, quod per se patet. Quando igitur spes ista eidem adimenda, quid de voluntate ipsius præsumi debeat, siquidem jam velle posset, quæritur. Id utique præsumendum, quod rati habiturus præsumitur, quando ad usum rationis pervenerit, judicio maturo acquisito. Nemo præsumitur velle, sibi jus quoddam adimi. Quamobrem cum fœtui in utero ademta spe acquirendi jus succedendi in jus trans-

(Wolffii Jur. Nat. Pars VI.)

O o o o

missi:

missibile, ubi in lucem editus fuerit, ademtum sit jus succedendi; fœtus in utero nolle præsumitur, ut spes, de qua nobis in præsentī sermo est, eidem adimatur. Adimeretur adeo invito, adeoque adimi nequit.

§. 839.

Si quid fœtui in utero datum tibi tradatur.

Si quid datur fœtui in utero existenti & tibi traditur; id tibi datum intelligitur sub modo, ut des infanti, quando nascitur. Et enim qui dicit se quid dare fœtui in utero existenti, is dicit se dominium ejus rei, quæ traditur, in ipsum transferre (§. 675. part. 2. *Jur. nat.*), consequenter jus aliquod (§. 118. part. 2. *Jur. nat.*). Quoniam itaque qui dicit se jus transferre in fœtum adhuc in utero existentem id velle intelligitur, ut id ab eo acquiratur, quando nascitur (§. 834.); qui dicit se dare fœtui in utero, quod tibi tradit, vult ut a fœtu acquiratur, quando nascitur. Quamobrem cum tibi tradatur, *per hypoth.* perinde omnino est, ac si tibi daretur eo fine, ut des infanti quando nascitur, consequenter sub hoc modo datum tibi intelligitur, ut des infanti, quando nascitur (§. 557. part. 3. *Jur. nat.*).

Unum adeo idemque est, siue dicam, quod tibi trado do fœtui in utero, siue do tibi hoc, ut sit infantis, qui nascitur, vel ut des eidem. Minime autem dici potest, in hypothesi propositionis præsentis tibi tantummodo committi dationem, ut scilicet meo nomine in recens natum infantem dominium rei traditæ transferas. Qui enim dicit se dare, is utique vult, ut dominium rei a se abeat in alium, cum datio in actuali translatione dominii consistat (§. 675. part. 2. *Jur. nat.*). Quoniam vero transire nequit in fœtum in utero (§. 833.); transeat necesse est in eum, in quem traditione transfertur possessio (§. 23. part. 3. *Jur. nat.*). Quia tamen hujus esse non debet, sed dans vult, ut sit infantis, qui expectatur, & quem natum iri præsumit; non sine modo datum intelligi potest, adeoque sub

sub hoc modo, ut infanti detur, quando nascitur, sive possessio maneat apud eum, qui accepit, sive transferenda sit in alium, qui infantis nati nomine possidet. Ab utroque casu distinguendus est tertius, quo quid tibi datur, quia infans expectatur. Quamvis enim in hoc casu respiciatur utilitas infantis, veluti ut habeas, quod in educationem ipsius impendere possis; id tamen statim tuum est, ac tuum manet, nec dominium ejus in infantem transit, dum nascitur. Subtiliter omnino distinguendi sunt casus, ut de jure ac obligationibus ex actu dantis resultantibus accuratum fieri possit judicium. Sane si ponamus foetum in utero existentem non nasci, sed vel in utero mori, vel praegnantem foeminam abortum facere; non idem erit juris in omni isto casu, immo nec erit, si infans vivus in lucem edatur. Ceterum nec a notionibus Juris Romanorum abhorret, ut quod datur ei, qui domini capax non est, datum intelligatur alteri, qui ejusdem capax est, veluti quando servus alienus haeres instituitur.

§. 840.

Si quid datur foetui in utero esistenti & tibi traditur, dominium ejus in infantem transit, quando nascitur: quod si vero non nascitur, tu, quod tibi traditum, restituere teneris. *Effectus*
 Si quid enim datur foetui in utero esistenti & tibi traditur, id tibi datum intelligitur sub modo, ut des infanti, quando nascitur (§. 839.). Quamobrem quando infans nascitur, tu ad id, quod tibi traditum, dandum, seu dominium ejusdem in eum transferendum obligaris (§. 556. *part. 3. Jur. nat.*). Quoniam itaque hoc fieri intelligitur, quando infans nascitur; dominium quoque rei traditae in infantem, quando nascitur, statim transit. *Quod erat unum.*

Enimvero si infans non nascitur, qui expectabatur, veluti si mulier abortum faciat, aut foetus in utero moriatur; fieri non potest, ut quod tibi traditum des infanti nato, con-

sequenter modus adimpleri nequit. Quando vero modus non adimpletur, tu ad restituendum obligaris (§. 556. *part. 3. Jur. nat.*). Quamobrem si quid datur foetui in utero existenti & tibi traditur, infans vero minime nascitur, tu, quod tibi traditum, restituere teneris. *Quod erat alterum.*

Non est, quod excipias, per te non stare, ut modum adimpleas, consequenter perinde esse ac si eundem adimplevisses, adeoque quod tibi traditum tuum manere, quando infans, qui expectabatur, non nascitur. Dans enim infantis unice respicit utilitatem, non tuam, consequenter dum tibi dat eo fine, ut des infanti, quando nascitur, tacita subest conditio, ut restituatur, nisi nascatur. Neque vero etiam est, quod existimes hoc pacto perinde esse ac si tibi tantummodo committatur, ut des infanti, siquidem eum nasci contingat. Manifesta enim est diversitas in utroque casu. Quando enim das, ut detur, dominium transit a te in accipientem, antequam is detur: quando vero tantummodo mandas, ut detur, tu dominus manes & ante dationem perfectam revocare potes mandatum. Prolixum nimis foret; si singula accuratius demonstrare velimus, quæ pro varietate casuum diversa sunt: sed non opus est ut simus prolixiores, cum eorum gnarus, quæ de actibus humanis, qui aliis utiles sunt, demonstravimus, facile in datu casu definire possit, quale jus & qualis obligatio ex actu nascatur.

§. 841.

De quasi spe, Si quid datur foetui in utero existenti & tibi traditur, foetus si factus in competat quasi spes dominium ejus, quod datum acquirendi & hac utero detur. spes, si adimi nequit. Etenim dans vult, ut dominium ejus rei, quam dicit se dare foetui in utero ac tibi tradit, in ipsum transeat, quamprimum nascitur (§. 839. 840.) Quamobrem cum quod semel datum est, repeti non possit; irrevocabiliter vult, ut hoc fiat, nec in tuum confert arbitrium, utrum infanti

nato

nato dare, an vero antequam nascatur, restituere velis. Fœtui igitur in utero quasi promittit, quod, si ipsum nasci contingat, dominium rei tibi traditæ in eundem transire debeat. Quamobrem ex istiusmodi promissione nascitur quasi spes acquirendi rem tibi traditam infanti (§. 471. *part. 3. Jur. nat.*). *Quod erat primum.*

Quoniam vero spes ex promissione conditionata nata promissario adimi nequit (§. 477. *part. 3. Jur. nat.*); spes quoque acquirendi id, quod tibi traditur & fœtui in utero dari dicitur, adimi nequit. *Quod erat alterum.*

Datur quid fœtui, ut sit ejus, quamprimum ejus esse potest. Quoniam dando dominium transfertur (§. 673. *part. 2. Jur. nat.*), id in dante remanere nequit, adeoque in te, cui traditur, subsistit, tanquam debitum irrevocabiliter fœtui, quamprimum in lucem prodit. Necesse igitur est, ut eidem quid competat, ob quod interea temporis, dum in utero existit, nec a dante, nec a te, cui traditum fuerat in gratiam dantis, dominii translatio in infantem natum irrita effici potest. Id vero aliud esse nequit, quam quasi spes suo tempore, nimirum quando infans nascitur, jus verum excitatura, quæ aliunde nasci haud quaquam potest, nisi ex promissione vel quasi conditionata. Vide, quæ paulo ante annotavimus (*not. §. 837.*).

§. 842.

Juri per te in nondum natos transmittendo renunciare potes An pro non-pro te & nondum natis citra injuriam nondum natorum, non tamen dum natis pro factu in utero. Nondum enim nati nullum adhuc habent *facta renun-* jus succedendi in istud jus, quod per te in ipsos transmittendo *ciatio sit va-* dum (§. 836.), &, si quidem in utero nondum sunt, nec *lida.* quasi spem habent acquirendi jus istud succedendi (§. *cit.*). Quando itaque renuncias juri per te in nondum natos, nec adhuc in utero existentes transmittendo pro te & nondum

natis, nihil ipsis adimitur, quod citra injuriam adimi nequit (§. 336. *part. 2. Jur. nat. §. 838. b.*). Quamobrem juri per te in nondum natos transmittendo renunciare potes citra eorum injuriam cum pro te, tum pro nondum natis, quamdiu eorum quis nondum in utero est. *Quod erat unum.*

Enimvero quamprimum foetus in utero concipitur, eidem competit quasi spes per nativitatem acquirendi jus succedendi in jus per te in ipsum transmittendum (§. 836.), & hæc ipsi adimi nequit (§. 838.). Quamobrem juri per te in nondum natum transmittendo pro foetu renunciare nequis, qui in utero est. *Quod erat alterum.*

Renunciatio pro se ac nondum natis duplicem actum continet, quorum alter respicit te, alter vero nondum natum. Actui priori renunciatur juri, quod in te transmittendum, aut juri in istud succedendi conditione lege transmissionis definita existente; posteriori autem juri in nondum natos jus transmittendi. Prius licitum est naturaliter unicuique (§. 118. *part. 3. Jur. nat.*): posterius facere licet, quamdiu nemo adhuc existit, cui competit quasi spes jus succedendi in jus transmissibile acquirendi, quæ ipsi adimi nequit (§. 838.). Renunciatio nimirum tamdiu licita, quamdiu nil fit contra jus tertii (§. 118. *part. 3. Jur. nat.*), adeoque nec contra spem jus aliquando verum excitare aptam, quæ juris jam aliquid continet (§. 44. *part. 3. Jur. nat.*), consequenter nec contra spem, quæ num jus sit excitatura, nondum exploratum est (§. 477. *part. 3. Jur. nat.*). Enimvero spes ista nondum existit, quando foetus in utero non est, quippe qui spei hujus subiectum est. Quamobrem si renunciatur juri jus quoddam in nondum natos transmittendi, nec horum jus quoddam, nec spem probabiliter jus excitaturam, quæ jus quasi embryonatum est, violatur, consequenter huic quoque renunciare potes (§. 118. *part. 3. Jur. nat.*). Quodsi vero jam destitutus es jure transmittendi jus succedendi conditionatum in jus quoddam, nec id in
eum

eum, qui tibi posthac nascitur, transferre potes, cumque per nativitatem jus nullum acquirere possit, nec spes acquirendi eidem competere potest, dum in utero existit. Patet adeo in renunciatione pro nondum natis facta, nisi quis jam sit conceptus, nihil contineri, quod injustum dici possit.

§. 843.

Naturaliter non repugnat, ut, si quis renunciaret juri per se An renunci- in nondum natos transmittendo, sibi reservet jus idem in nondum natis fieri natos transmittendi. Etenim si quis renunciat juri per se in *possit salvo* nondum natos transmittendo, is sufficienter declarat, quod *jure nondum* habere nolit jus succedendi in jus transmissibile certa lege *natis acqui-* (§. 103. part. 3. *Jur. nat.*). Ab eo autem diversum est *jus reudo.* transmittendi jus transmissibile, cum utique diversa sint nolle, ut jus aliquod in se transmittatur, & velle, ut per se transmittatur in alios. Quamobrem cum fieri possit, ut quis simul illud nolit, hoc velit; minime repugnat, ut, si quis juri per se in nondum natos transmittendo renunciaret, sibi reservet jus idem in nondum natos transmittendi.

Ita e. gr. renunciare potes ea lege, ne renunciatio noceat filio, si quem tibi nasci contingat; consequenter quamprimum nascitur, in ipsum transmittas jus succedendi in jus transmissibile, quod ipse habere volebas. In quaestionibus juris rite definiendis singula ad vivum resecanda, ne quid affirmetur, nisi quod principiis manifestis convenit, nec negetur, nisi quod iisdem repugnat. Absit itaque, ut nimiam scrupulositatem accuses, si tamdiu distinguantur jura, quamdiu aliqua differentia manifesta est.

§. 844.

Quoniam naturaliter non repugnat, ut, si quis renunciaret *An renuncii-* juri per se in nondum natos transmittendo, sibi reservet jus *atio pro non-* idem in nondum natos transmittendi (§. 843.); *juri per se in dum natis non-*

expresse esse nondum natos transmissibili renunciaturus expresse pro se & nondum natis renunciare tenetur.

Patet per ea, quæ de renunciatione pro se & pro nondum natis modo annotavimus (not. §. 842.), duos esse actus diversos, quorum altero pro se, altero pro nondum natis renunciatur, ac ostendimus eos a se invicem separari posse (§. 843.). A renunciatione igitur pro se argumentum peti nequit pro renunciatione pro nondum ex se natis. Expresse igitur dicendum, renunciationem quoque fieri pro nondum ex se natis: alias ratio nulla est, cur ad eos extendatur. Non licet excipere, si renuncies juri succedendi in jus transmissibili juxta legem transmissionis, te jus istud non habere (§. 103. part. 3. *Jur. nat.*), consequenter quod non habes, id te in alium transferre non posse. Differre enim jam vidimus jus succedendi in jus transmissibile & jus transmittendi in alium. Non igitur hoc reservato per nativitatem in alium transfers, quod ipse non habes, quasi alteri daturus, quod non habes.

§. 845.

De repudiatione juris in nondum natos transmissibilis. Si quis jus transmissibile per se in nondum natos repudiat, hoc non obstante in nondum natos adhuc transmittere potest, nisi eidem pro nondum natis expresse renunciatur. Quando enim quis jus per se in nondum natos transmissibile repudiat, is declarat, quod jus sibi juxta legem transmissionis delatum habere nolit (§. 111. part. 3. *Jur. nat.*). Eo ipso autem nondum significat, quod habere etiam nolit jus transmittendi jus istud per se transmissibile in nondum natos. Quamobrem necesse est ut expresse significet, se etiam hoc habere nolle. Quoniam vero tum renunciat juri certa lege transmissibili per se etiam pro nondum natis (§. 103. part. 3. *Jur. nat.*); ideo patet, expresse renunciatione pro nondum natis opus esse, si jus per te in nondum natos repudies ac nolis id per te in eos transmitti posse, consequenter id per te in nondum natos non obstante repudiatione transmitti posse, nisi eidem pro nondum natis expresse renunciatur.

Nihil

Nihil in hoc difficultatis erit, modo perpendas renunciationem a repudiatione non differre nisi in eo, quod renunciatur juri futuro, repudietur vero jus præsens (§. 103. 111. *part. 3. Jur. nat.*), consequenter ad repudiationem transferri debere, quod de renunciatione demonstratum. In renunciatione casus præsentis jus conditionatum, quatenus suspenditur a conditione, pro futuro habetur; at in repudiatione, cum conditio existat, jus præsens est, quippe purum, non amplius conditionatum.

§. 846.

Si quis repudiat jus per se in factum, qui in utero est, trans- *An repudia-*
missibile; non obstante repudiatione id in ipsum per nativitatem *non noceat*
adhuc transmittitur. Etenim foetus in utero jam habet speciem *factui in u-*
per nativitatem acquirendi jus transmissibile (§. 836.), quæ *tero.*
ipsi adimi non potest (§. 838.). Quamobrem repudians
istud jus simul renunciare nequis juri id transmittendi in foetum, qui in utero est (§. 118. *part. 3. Jur. nat.*). Quoniam itaque repudiatione non obstante jus in nondum natos adhuc transfertur, nisi eidem valide fuerit pro iisdem renunciatum (§. 844.); non obstante repudiatione jus in foetum, quando nascitur, adhuc transmittitur.

Ex iis, quæ hæcenus demonstravimus, in dato quovis casu, ubi de jure transmissibili quæstio est, facile definitur, quando nam factum ejus, per quem jus transmittendum in alium, nondum natis noceat, quando nam vero non noceat.

§. 847.

Jus, quod certa lege in aliquem transmittitur, dicitur *De jure pro-*
providentia majorum quasitum. Quoniam qui jus in alium *videntia*
transmittit, non sua voluntate hoc facit, sed necessario trans- *majorum*
mittit, idem habet non a transmittente, sed a primo acqui- *quisito.*
rente, in quem certa lege transmissionis collatum fue-
rat, quique adeo acquisiverat, non tantummodo pro se,
(*Wolffii Jur. Nat. Pars VI.*) Pp pp ve-

verum etiam pro iis omnibus, qui sub lege transiitionis continentur. Atque adeo patet, *nos ius providentia majorum quæsitum habere a primo acquirente, non vero ab eo, a quo in nos transmittitur.*

§. 848.

*Posterii qui-
nam sint.*

Posterii in genere dicuntur, qui mortuis iis, qui jam vivunt, demum nascuntur. Unde in specie *Posterii tui* dicuntur, qui te mortuo per nativitatem a te descendunt. Atque adeo patet, *posteris quantocunque gradu distare posse ab iis, qui nunc vivunt, in infinitum.*

Ita Judæi, qui nunc vivunt, sunt posterii eorum, qui ex Ægypto migrarunt, sunt posterii *Jacobi* Patriarchæ, a quo omnes per nativitatem descendunt. Nos sumus posterii veterum Germanorum, a quibus per nativitatem descendimus.

§. 849.

*Majores
quidam sint.*

Majores ex adverso dicuntur, qui ante parentes nostros vixerunt. Atque adeo patet, *majores quantocunque gradu a nobis distare posse in infinitum.* Apud Romanos, *Paulo* Jcto teste l. 10. §. 7. ff. de grad. parentes usque ad tritavum proprio vocabulo nominabantur: ultiores, qui speciale nomen non habebant, *majores* appellabantur.

Significatu latiori sub majoribus continentur, etiam avi qui his sunt superiores: id quod usui quoque loquendi apud nos convenit, qui majores nostros *unsere Vorfahren*, sicuti posteros *unsere Nachkommen* appellamus. Singulorum majores & posterii simul summi sunt majores & posterii universi: unde & majores ac posterii dicuntur respectu totius generis humani, qui ante eos, qui nunc vivunt, vixerunt, & post eos vivunt. Arque hic significatus latissimus convenit juri naturæ, ubi de officiis erga posteros agimus, nisi in specie nominentur majores, vel posterii respectu alicujus personæ.

§. 850.

§. 850.

Si quod officium posteris præstare possumus, ad id præstandum sumus obligati. Etenim omnem tenemur facere facultatum nostrarum usum, qui ad perficiendum animam, corpus & statum hominum aliorum & ad arcendum omnem imperfectionem ab eorum anima, corpore & statu requiruntur, quatenus id absque neglectu officii erga se ipsum fieri potest (§. 609. part. 1. Jur. nat.), consequenter quodvis omni homini præstare officium, quo citra neglectum officii erga se ipsum præstari potest (§. 224. 152. part. 1. Phil. pract. univ.). Quamobrem cum posteri sint homines, qui nobis mortuis in locum nostrum succedunt (§. 848.); si quod officium iis præstari a nobis potest, ad id præstandum utique obligati sumus. Principium generale de officiis erga posteros.

Posteri nondum vivunt, quando nos vivimus, adeoque non ea iis præstare possumus officia promiscue, quæ vivis præstantur, neque etiam officia nostra nondum natis profunt, si præsentem utilitatem spectes. Enimvero impossibile non est, ut posteris quoque consulamus, quatenus dantur facta, quorum effectus durat, nobis licet mortuis, immo dudum mortuis, in infinitum. Hinc & istiusmodi factis de posteris bene mereri dicimur.

§. 851.

Posteros quoque amare debemus tanquam nosmetipsos. Al-
 terum enim amat is, cujus animus dispositus est ex illius felicitate voluptatem percipiendi (§. 633. Psych. empir.). Quamobrem ad posterorum felicitatem nobis repræsentemus, atque adeo ex eadem voluptatem percipiamus; posteros quoque amare possumus. Amare alterum tanquam seipsum officium quoddam est, quod aliis præstamus (§. 619. part. 1. Jur. nat.). Quoniam itaque ad præstandum quoque posteris officium sumus obligati, quod iisdem præ-
Al-Universalis hominum amor ad posteros extensus.

Pp pp 2

stare

stare possumus (§. 850.); posteros quoque amare debemus tanquam nosmetipsos.

Nimis arctis limitibus amorem universalem omnium hominum includunt, qui eum ultra eos, qui nunc vivunt, non extendunt, & plurimum falluntur, qui sibi persuadent, qui nondum vivunt, immo demum nascuntur, quando dudum fuerimus mortui, amari non posse, propterea quod nobis profus sunt ignoti. Amor enim non requirit, ut tibi notus sit, quem amas. Sane amare possumus homines, qui in locis procul remotis vivunt, & eorum adversa dolere, quæ nobis narrantur, ita ut si per nos staret, ab omni calamitate eos liberaremus. Similiter ei, qui posteros amat, in votis esse potest, ut sint ab omni calamitate immunes, immo ne fata adversa experiantur, quæ nos premunt, & ut fortunam habeant sibi faventem, quæ nobis favet. Nec repugnat amor posterorum notionibus communibus. •Laudamus enim eum, qui posteris bona quævis apprecatur, & ex adverso reprehendimus illum, qui iisdem diras imprecatur, adeoque laudamus amantem, reprehendimus odio prosequentem posteros.

§. 852.

De cura circa scientiam & artes posterorum. Operam dare debemus, ut scientiæ ac artes ad posteros propagentur & si quæ suppeditare possumus, quæ faciunt ad ultiores progressus, ea suppeditemus. Officii enim nostri est, ut in propagandis virtutibus intellectualibus, consequenter scientiis atque artibus (§. 240. 261. part. 1. Jur. nat.), seduli simus (§. 638. part. 1. Jur. nat.). Quamobrem cum nemo sit, qui dubitet, scientias ac artes etiam ad posteros propagari posse, si quod vero officium præstare posteris possumus, ad id præstandum obligati sumus (§. 850.); operam omnino dare debemus, ut scientiæ ac artes ad posteros propagentur. *Quod erat unum.*

Est etiam officii nostri efficere, si in potestate nostra fuerit,

erit, ut alii consequantur bona animi, quæ ipsimet pro rerumstrarum statu consequi minime possumus (§. 646. *port. 1. Jur. nat.*), consequenter ut ultiores quoque in scientiis ac artibus faciant progressus, quam nobis facere datur. Patet igitur ut ante, si qua suppeditare possumus, quæ posteris profunt ad ultiores in scientiis ac artibus progressus, ea nos suppeditare debere. *Quod erat alterum.*

Nos sane ad eas scientias non pervenissemus, quæ hodie inter nos florent, nisi eas antiqui ad nos propagassent. Immo si ulterius progressi sumus, nobis non parvisset via ad ultiora, nisi nobis cognita atque perspecta fuissent, quæ a veteribus inventa fuerunt. Sane Geometria ad sublimem illum gradum evecta a nobis non fuisset, nisi *Euclidis* imprimis, *Apolonii* ac *Archimedis* auxilio adjuti fuissetmus. Astronomiam ad præsentem perfectionis gradum perducere prorsus impossibile fuisset, nisi veterum monumenta nobis conservata fuissent. Neque est quod dubites, fuisse quoque inter veteres, qui posteris prodesse voluerunt, ac id præcise intenderunt, ut posteris ad eam scientiam perveniant, quæ ipsis negabatur. Sane *Hipparchus* occasione stellæ novæ, quæ ipsius tempore apparebat, catalogum fixarum condidit, in quo posteris annumeravit stellas, ut iisdem præteret, num fixæ quoque sint mutationi obnoxie, aliis intereuntibus, aut conspectui nostro sese subducentibus, aliis de novo orientibus, aut in conspectum nostrum prodeuntibus. Neque nostro tempore desunt, qui eodem cum *Hipparcho* sunt animo. Exempli loco esse potest *Hallejus*, qui anno 1742. diem supremum obiit. Is enim cum reperisset, quantum observatio transitus Veneris per solem, qui anno 1761 continget, inservire possit distantie solis a terra accuratius, quam hæcenus fieri potuit, definiendæ, consequenter quantum inde incrementum Astronomia habere possit; tempestive de eo monuit Astronomos & ad phænomenon adeo rarum observandum adhortatus est, etsi probe gnarus sibi non licere esse tam felici, ut ad solidiorem cognitionem

nem systematis nostri Planetarii, quæ inde pendet, perveniat. Equidem non nego, raram admodum esse hanc virtutem, qua procurare intendimus, ut posterius ad majorem scientiam perveniant, quam nobis datur, nec nego, haud raro citra intentionem ejus, qui viam posteris ad ulteriora sternit, hoc fieri; non tamen putandum est, genus humanum adeo corruptum esse, ut nemo prorsus sit, qui virtute tam præclara excelsat. *Consuevit*, cum a discipulis suis supra omnes mortales extolleretur, ultro confitebatur, venturum aliquem, qui ipso fururus sit superior, si non in amplissimo Sinarum imperio, at tamen in alio terrarum loco. Neque ullus dubito, si præclaro huic Philosopho datum fuisset efficere, ut posterius in universum omnes ipsum scientia ac virtute superarent, quod id quam lubentissime facturus fuisset.

§. 853.

De veritatibus ac artibus ac arti- Quoniam operam dare debemus, ut scientiæ ac artes ad posterius propagentur (§. 852.); *si quis veritatem quandam generibus humano humano cognitu utilem, aut artem quandam invenit, eam celare ac generi utili- ut secum intereat pati minime debet, consequenter in posterius bus non re-* injuriæ sunt, qui quæstus gratia, aut vana quadam alia de causa, *tucendis.* arcana quadam scientiæ ac artis revelare nollunt.

Forſan huc referre licet arcana quadam Medicorum, quæ, cum generi humano plurimum prodeſſe prædicent, nota tamen aliis facere recuſant, ob lucrum, quod ex iis ſperant, quamdiu vivunt. In eundem cenſum veniunt artiſices, qui arcana artis non modo propalare nollunt, quamdiu vivunt, ſed nec curæ cordique habent, ut poſt obitum ſuum aliis innotefcant.

§. 854.

An virtutes Virtutes morales ad poſteros propagare poſſamus, veritates morales ad morales inveniendo, exempla virtutum præclara memoria poſteropoſteros pro-rum mandando & ad ſtudium virtutis eos, qui nunc vivunt, ad-pagare liceat dneen-

ducento. Etenim veritates morales faciunt ad virtutis cognitionem & quomodo hæ sint acquirendæ, conservandæ ac augendæ nos instruunt. Quamobrem cum veritates inventæ perpetuum habeant usum, inventoribus dudum mortuis, qui veritates morales invenit, virtutes morales ad posteros etiam propagare potest. *Quod erat primum.*

Exemplorum magna vis est in virtutibus propagandis (§. 266. 269. 270. 273. 275. 277. & seqq. part. 2 Phil. pract. univ.). Quamobrem si exempla virtutum præclara memoriæ posterorum mandamus; virtutes quoque morales ad posteros propagare possumus. *Quod erat secundum.*

Quodsi operam demus, ut, qui nunc vivunt, sint virtuti dediti, & a prima pueritia virtutis amor tenellis animis jam insinuetur, ut hic rursus alios ad virtutis studium adducere possint; virtus quasi per traditionem ad posteros propagari potest. *Quod erat tertium.*

Nemo dubitat, scientias ac artes ad posteros propagari posse. Quodsi quæsieris, quomodo hoc fiat; non difficilis est responso, quam obvia unicuique experientia suggerit, nimirum quod veritates inventæ litteris consignentur, & hoc pacto memoriæ posterorum mandentur, aut quod ætate majores eas continuo doceant minores, quomodo in primis artes inter homines propagari solent. Artes adeo ac scientiæ propagantur partim per scripturam, partim per traditionem, utroque modo etiam ad posteros. Plura sane majoribus nostris debemus, quam iis, qui nunc vivunt, sive veritatum utilium cognitionem, sive artes quascunque spectes. Immo qui scientias amplificarunt, aut artes perfecerunt, id præstare haud quaquam potuissent, nisi a majoribus inventa sive per scripturam, sive per traditionem ad nos propagata fuissent. Videmus adeo tam veritatum cognitionem, quam praxin cum per scripturam, tum per traditionem ad posteros propagari posse. Ecquis ergo dubitet,

bitur, eodem prorsus modo tam veritatum moralium notitiam, quam praxin virtutum, aut si mavīs virtutes ipsas ad posteros propagari posse. Sunt utique rationes, quæ homines magis impellunt ad artes, quam ad virtutes propagandas: ast inde minime conficitur, has non eodem modo, quo illas propagari posse. Nihil adeo asserimus, quod sit a ratione alienum, nec experientiae consentaneum. Absit autem ut tibi persuadeas, perinde esse, sive in propagandis scientiis, artibus ac virtutibus moralibus, præsentium saltem utilitatem ac felicitatem intendas, sive etiam posterorum rationem habeas, quasi utilitas posteris inde expectanda per se in eosdem redundet. Contrarium enim patebit suo loco in Philosophia morali, ubi talia explicatius tradenda, quæ quomocunque ad praxin virtutum faciunt.

§. 855.

De virtutibus moralibus ad posterorū propagandis. Operam dare debemus, ut virtutes morales etiam ad posteros propagentur. Officii nostri est, ut in propagandis virtutibus moralibus seduli simus (§. 638. part. 1. Jur. nat.), ac fieri potest, ut easdem ad posteros quoque propagemus (§. 854.). Enimvero si quod officium posteris præstare possumus, ad id præstandum obligamur (§. 850.). Quamobrem etiam obligamur virtutes morales ad posteros propagare, consequenter operam dare debemus, ut propagentur.

Non una sane de causa contingit praxin hujus officii esse difficilem, & difficultates haud raro obijci insuperabiles: id quod suo loco in Philosophia morali patebit, quando impedimenta virtutis & causas vitiorum demonstraturi sumus. Quamvis autem conatus noster eventus, quem optamus, destruitur; id tamen minime nos liberat ab obligatione nostra. Faciendum, quod nostrum est ac a nobis fieri potest; cetera committenda providentiæ divinæ. Neque tamen existimandum est, quod, si plures satisfacerent omni animi contentione huic officio, nullum prorsus fore effectum. Sed quicquid hu-

jus

jus sit, nobis hic saltem docendum est, quid sit officii nostri, non vero in presenti disquirendum, quo effectu eidem satisfiat. Sane nemo diffitetur, recte in Jure naturæ demonstrari, quod homines in universum omnes unusquisque amare debeat tanquam seipsum, etsi rarissima sint hujus amoris exempla, nec fieri a nobis possit, ut omnium omnino animis amor iste infunderetur. Ecquis ergo jure reprehenderit, quod virtutis ad posteros propagationem urgeamus, quia videmus quam multa sint, quæ conatus nostros irritos facere possunt?

§. 856.

Quoniam sine virtute nemo felix esse potest, nec felicitas a virtute sejungi potest (§. 400. *part. 1. Phil. pract. univ.*), licitatis operam vero dare debemus, ut virtutes morales etiam ad posterorum. felicitatem propagentur (§. 855.); nobis quoque opera danda est, ut felicitatem posterorum promoveamus.

Convenit hoc maxime amoris universali, quo etiam posteros prosequi debemus (§. 851.). Quodsi enim posteros amamus, voluptatem percipimus ex eorum felicitate (§. 633. *Psych. empir.*) & amor nos impellit, ut ad felicitatem illorum conferamus (§. 652. 636. *Psych. empir.*), quicquid a nobis proficisci potest.

§. 857.

Arbores fructiferae posterorum causa plantandæ, immo etiam De arboribus sylvestres, ubi verendum, ne posteris desit lignorum sufficiens copia, bus ingratiac eorundem causa lignis parce utendum. Officii enim nostri est, am posterorum, ut, quicquid ad hoc conferre valeamus, ne aliis desint ea, rum plantarum ad vitæ necessitatem faciunt, multiplicando scilicet re-tandis. rum necessariorum proventum, quas natura sua sponte non profert (§. 506. *part. 1. Jur. nat.*) & plantare arbores sylvestres, si natura sua sponte non profert tantam lignorum copiam, quanta omnibus sufficit ad vitam conservandam & commode transigendam (§. 509. *part. 1. Jur. nat.*). Nemo (Wolffii Jur. Nat. Pars VI.) Qq qq igno-

ignorat, fructus arborum ad cibos referendos esse, adeoque vitæ necessitati inservire, non autem semper fieri posse, ut, arborum, quas plantas, fructus ipse percipias. Posteris adeo consultitur arbores fructiferas plantando. Ac idem patet de arboribus sylvestribus, quarum pleræque tarde admodum crescunt, antequam cædi possint. Quoniam itaque ad præstandum officium posteris obligamur, si quod iisdem præstare valemus (§. 850.); arbores fructiferas posterorum causa plantandæ sunt, immo etiam sylvestres, ubi verendum, ne posteris desit lignorum sufficiens copia. *Quod erat unum.*

Lignorum usu homines carere non posse, si vitæ necessitati ac commoditati prospicere velint, nemo est qui nesciat, ut adeo ligna sint in numero rerum tam necessariarum, quam utilium (§. 499. 500. *part. 1. Jur. nat.*). Lex naturæ omni homini tribuit usum rerum necessariarum & utilium necessarium (§. 14. *part. 2. Jur. nat.*), adeoque arbores sylvestres non modo destinantur usui eorum, qui nunc vivunt, sed etiam posterorum. Quamobrem lege naturæ permisum esse nequit, ut lignorum usu priventur posterius, si quidem is iisdem conservari potest. Quodsi ergo metuendum, ne posteris desit sufficiens lignorum copia, eorundem causa lignis parce utendum. *Quod erat alterum.*

De posteris adeo bene merentur; cum qui arboribus sylvestribus plantandis operam dant, ubi verendum, ne desit lignorum sufficiens copia posteris, tum qui lignorum parsimoniam docent, inquirendo in artem lignis parce utendi. Lignorum abusus non defendunt dominia, neque enim hæc introduci potuerunt in præjudicium posterorum. Natura res communes facit toti generi humano, neque consultit tantummodo iis, qui nunc vivunt, verum etiam posteris. Postquam adeo dominia introducta sunt, rebus ita utendum, ne posteris auferatur, quod ipsorum aliquando esse debet. Amori posterorum

rum

rum adversatur, cum in forum detrimento suæ prospicere utilitati. Et iustitiæ universali convenit, ut actiones nostras etiam referamus ad utilitatem posterorum, quantum datur (§. 934. part. 1. *Jur. nat. & §. 850. b.*). Sed nolumus in explicandis officiis erga posteros esse prolixiores: qui enim amore posterorum indulgere voluerit (§. 851.) & ad animum revocaverit, se ad omne officium posteris præstandum obligari, quod a se in ipsos proficisci potest (§. 850.), is per se agnoscat, quid posteris debeat, quoties sese occasio offert iisdem officium aliquod præstandi.

CAPUT VII.

De officiis & jure Eruditorum.

§. 858.

Eruditos vocamus eos, qui rerum cognitionem ac scientiam habent. Pro diversitate rerum, quarum quis cognitionem ac scientiam habet, speciale sortitur nomen. Ita *Jur. nat.* appellatur, qui juris cognitionem ac scientiam habet: *Medicus*, qui sanitatis ac morborum & modi illam conservandi, hos curandi cognitionem ac scientiam habet: *Physicus*, qui rerum naturalium cognitionem ac scientiam habet: *Literator*, qui linguarum cognitionem ac scientiam habet: *Historicus*, qui rerum singularium, factorum imprimis hominum in singulari, cognitionem habet: *Rhetor*, qui artis oratoriæ cognitionem ac scientiam habet, & ita porro.

*Eruditi qui-
nam dicantur.*

Norio eruditi communi loquendi usu non satis determinata est: hic vero vocabulum ad significatum fixum fuit reducendum, qui ab usu loquendi non abhorreat. Communis loquendi usus exigere videtur, ut quis cognitioni ac scientiæ rerum se unice dedat, nec aliud vitæ genus primario sectetur,

Qq qq 2

tur,

tur, quin potius sua rerum cognitione ac scientia aliis inservire studet, nisi in otio liberario consenescere malit. Videtur etiam idem requirere, ut quis recepto inter nos more rerum cognitioni ac scientiæ acquirendæ operam navaverit, ut alia taceamus. Immo sunt qui putant, neminem esse posse eruditum, nisi calleat linguam Latinam, vel etiam Græcam aut Hebraicam. Enimvero talia nobis insuper habenda sunt, ubi vagus ac inconstans loquendi mos minime ferendus. Illud autem per se patet, non statim eruditi nomen mereri, qui unius, vel alterius rei cognitionem, aut scientiam habet; sed requiri ad eruditum, ut saltem rerum certi generis, veluti juris, aut modi conservandi sanitatem ac curandi morbos cognitionem ac scientiam habeat. Ideo eruditi minime appellantur artifices ac opifices, quamvis cognitionem habeant illarum rerum, quæ ad artem suam, vel opificium pertinent, nec eruditus vocatur miles, utut habeat cognitionem illarum rerum, quæ ad bellum gerendum necessariæ sunt. *Scaliger* dixit eruditum esse, qui norit rerum differentias ac possit unumquodque proprio suo nomine efferre: quod si rite explicetur, eruditos ab iis, qui non sunt, facile distingues, ac definitionem *Scaligeri* cum nostra consentire deprehendes. Qui enim rerum cognitionem habet, eas a se invicem distinguit, earundemque adeo differentias novit. Quod vero ad res a se invicem distinguendas requirantur vocabula tanquam signa, per quæ indigitantur, abunde constat. Enimvero quoniam non modo ea, quæ cognoscuntur, ad certa genera reduci possunt, verum etiam diversus datur facultatum usus, quo cognitio acquiritur; ideo eruditi pro varietate objectorum, circa quæ versantur, in varia genera distribuuntur, & in iis pro diverso cognitionis gradu, seu diverso usu facultatum ad cognitionem acquirendam adhibendo in suos ordines dividuntur. Quod genera eruditorum attinet, exempli loco quædam eorum commemoravimus, nec nostrum est, accurate enumerare singula, cum ad præfens institutum nihil faciat ista enumeratio. Sufficit igitur eruditos cujusvis generis distinguere in suos ordines.

§. 859.

Eruditorum alii ea, quæ cognoscunt, memoria saltem *De Erudito-*
comprehendunt; alii vero intellectu: alii denique pollent *runt ordini-*
habitu ex iis, quæ intellectu comprehenderunt, investigare *bns.*
alia, quæ nondum cognita sunt. Illi cognitione rerum non-
nisi historica (§. 3. *Disc. pralim.*); ii philosophica, immo
etiam mathematica instructi (§. 6. & 4. *Disc. pralim.*); hi de-
nique inventorum numero sunt (§. 454. *Psych. empir.*). *Erudi-*
ti i. finis ordinis sunt, qui historicam saltem rerum cognitio-
nem habent. Atque hi vocantur *Eruditi vulgares*, seu *tri-*
viales, idiomate patrio *gemeine Gelehrten*, item *Gedächtnis-*
Gelehrten, quatenus memoria tantum comprehendunt
ea, quæ cognoscunt. *Eruditi secundi*, seu *medi ordinis* sunt,
qui philosophicam, immo etiam mathematicam rerum co-
gnitionem habent. Hi dicuntur *solide eruditi*, sermone no-
stro *gründlich Gelehrte*. *Eruditi denique primi ordinis* sunt,
qui habitu veritates adhuc latentes inveniendi pollent. Et
hi dicuntur *Inventores*, lingua nostra *die grosse Gelehrten*.
In omnibus ordinibus diversis admodum dantur gradus, qui
tam ab objecto cognitionis, quam a subiecto dependent.

Equidem non ignoro, esse haud paucos, quibus vulgarium,
seu trivialium eruditorum appellatio odiosa, & qui acre fe-
runt, de ipsis scientiam negari; falluntur tamen, quod sibi per-
suadeant, per contemptum hoc fieri. Quæ enim distincta sunt,
ea quoque a se invicem distinguenda sunt, & qui veritati con-
sentanea dicit, non habet animum alterum contemnendi, nec
veritas fert animum adulandi, cumque ad certam rerum cogni-
tionem fixus ac determinatus requiratur vocabulorum signifi-
catus, ex notionibus quoque fixis ac determinatis ferendum
judicium. Arrogantis vero est, affectare laudem, quæ in
ipsum non cadit (§. 566. 550. *part. 1. Jur. nat.*). Non desti-
tuuntur sua laude etiam eruditi infimi ordinis: aliud enim

est vulgus eruditorum, aliud vulgus imperitum. De aliis quoque bene mereri possunt, qui cognitionem rerum historicam tantummodo habent, ut inter inutilia terræ pondera minime sint referenda. Immo fieri potest, ut sola cognitione historica instructus aliis magis utilis sit, quam qui philosophica, immo etiam mathematica instructus est, & vel inter primi ordinis eruditos principem quandam locum tenet. Laus vero hæc diversa est ab ea, quæ a gradu cognitionis petitur, neque adeo cum hac confundenda.

§. 860.

*De loco inter
eruditos ob-
tinendo.*

Quilibet eruditus operam dare debet, ut locum quendam teneat in eo ordine in quo aliquem obtinere potest. Etenim ordines eruditorum distinguuntur usu facultatum, quo rerum cognitionem acquirunt (§. 859.), consequenter ab habitu facultatum cognoscendi pender locus, quem inter eruditos in ordine quodam quis tenet. Quoniam itaque quilibet eruditus obligatur ad consequendum omnem habitum facultatum cognoscendi acquisitu sibi possibilem (§. 211. *part. 1. Jur. nat.*); quilibet quoque operam dare debet, ut locum quendam teneat in eo ordine, in quo aliquem obtinere potest.

Eruditorum omnino est, ut habitus facultatum cognoscendi acquirant, cum ipsorum sit rerum cognitionem sibi acquirere (§. 858.). Non vero liberati tuæ relictum est, quousque progredi velis; sed lex naturæ præcipit, quo usque sit progrediendum. Qui gradum sistit, cum ulterius progredi possit, peccat (§. 440. *part. 1. Phil. pract. univ.*). Quodsi vero quærat, num ulterius progredi possis; non solum animum attendere debemus ad dispositiones naturales, quæ animæ insunt, & accedente exercitio ad habitum evehi possunt (§. 430. *Psych. empir.*); verum etiam ad opportunitatem habitum aliquem acquirendi, quæ fortunæ subest, nec nostræ potestati subjecta. Quis enim est qui nesciat, nos non omnia agere posse, ad quæ usus facultatum nostrarum sufficeret, nisi

nobis

nobis otium sit ac cetera faveant, quæ extra nos sunt. Satisfecit adeo officio suo, qui fecit, quantum facere potuit (§. 209. part. 1. *Phil. pract. univ.*).

§. 861.

Quoniam *quilibet eruditus* operam dare debet, ut lo- *Idem porro*
cum quendam teneat in eo ordine, in quo aliquem obtine- *expenditur.*
re potest (§. 860.); *in gradu ussum subsistere non debet, qui*
in secundum ascendere potest, nec in secundo is, cui patet ad pri-
imum aditus.

Gloriam affectantes, quam nondum merentur, in gradu inferiori subsistere solent, cum, nisi maturius comparere mallent, in superiorem ascendere possent. In hunc censum veniunt, qui alios docere volunt, quæ nondum didicerunt, & ex aliorum libris/exscribunt, quæ ipsemet nondum intelligunt, quamvis non destituantur aptitudine & opportunitate ad illa addiscenda, hæc intellectu comprehendenda. Ita sunt, qui inventores agere volunt, antequam ab aliis inventa sciant, ac oleum ac operam perdunt, tempus fallunt. Sed dantur adhuc aliæ causæ, cur multi in eum ordinem non veniant, in quem venire potuissent. Ita huc pertinet illud pervulgatum: multi ad scientiam pervenissent, nisi se jam pervenisse putassent. Sed de his expressius dicere, non est hujus loci.

§. 862.

Similiter quia eruditus *quilibet* operam dare debet, ut *De continuo*
locum quendam teneat in eo ordine, in quo aliquem obti- *progressu ad*
nere potest (§. 861.), & cum amplissima sit rerum cognitio, *cognitionem*
in unoquoque dentur gradus (§. 859.); *in gradu inferiori ulterio-rem.*
subsistere non debet, qui ad altiore-rem ascendere potest, consequen-
ter *eruditus cujuscunque ordinis continuo ulterius progredi debet,*
nec in ea rerum cognitione ac scientia acquiescere, quam acquisivit.

Officio huic satisfaciunt, qui morti vicini discendi animum nondum depofuerunt. Discendum, quamdiu vivimus, ad quam-

quamcunque tandem ætatem pervenerimus. Nemo enim est, qui affirmare possit, se jam omnia didicisse, quæ scitu sibi utilia, quantamcunque demum rerum cognitionem ac scientiam acquisiverit & in quocunque rerum cognoscibilem campo versetur. Peccant igitur, qui, quam acquisiverunt rerum cognitionem atque scientiam, amplificare nolunt, aut ne ulterius progredi possint sibi metipsis obstacula opponunt. Recte tibi imputatur, cum, quæ tibi impedimento sunt, ab iis abstinere & potuisses, & debuisses, abstinere tamen nolueris. Lex naturæ nos obligat ad omnem perfectionem consequendam, quæ in potestate nostra est (§. 180. *part. 1. Jur. nat.*). Quamobrem arbitrii tui non est, quantam rerum cognitionem ac scientiam acquirere velis, sed danda tibi opera est, ut eam acquiras, quam potes. Equidem qui amore scientiarum ducuntur, sua veluti sponte ad ulteriora progrediuntur, immo subinde dolent, quod non omni rerum cognitioni vacare possint, quam sibi comparare vellent; negari tamen propterea nequit, eos non facere, nisi ad quod faciendum æterna lege obligantur. Immo si in rectitudine actionis eorundem nihil desiderari debet, hoc, ad quod naturali quasi quodam impetu feruntur, facere non debent sine sensu officii. Sane non alio fine officia eruditorum hic demonstramus, quam ut eruditum sensum etiam officii instillemus in iis, quæ pro lubitu suo facere sibi videntur. Sensus enim hic officii multum influit in appetitum, eundemque rectificat, ne ex eo, quod bene a nobis factum, vitiosi quidpiam contrahat. Quantumcunque ad incrementum scientiarum contuleris; nihil tamen fecisti, nisi quod facere debuisti. Utinam sensus iste officii, quo maxima pars eruditorum destituitur, omnium animis instillari posset! Nullus dubito fore, ut pessimi quidam eruditorum mores reformentur.

§. 863.

De rerum Eruditi conjunctis viribus rerum cognitionem ac scientiam cognitione & promovere debent. Etenim eruditi rerum cognitioni ac scientiæ

tiæ vacant (§. 858.), adeoque ipsorum est rerum cognitio-*scientia con-*
nem ac scientiam promovere (§. 184. *part. 1. Jur. nat. j. junctis viri-*
Quamobrem cum per se pateat, conjunctis viribus rerum *bus promo-*
cognitionem ac scientiam rectius ac abundantius promove-*venda.*
ri posse, quam disjunctis; eruditi omnino obligantur ad re-
rum cognitionem ac scientiam conjunctis viribus promio-
vendam.

Datur etiam lex naturæ perfectiva, quæ nos obligat ad id,
quod altero melius, eidem præferendum (§. 192. 193 *part. 1.*
Phil. pract. univ.) Quamobrem cum in dubium revocari mi-
nime possit, conjunctis viribus rerum cognitionem ac scienti-
am melius propagari posse, quam si unus alterius opera uti
nolit; dubitari quoque nequit, lege saltem perfectivæ nos obli-
gati ad rerum cognitionem ac scientiam promovendam. E-
quidem non desunt, qui arroganter affirmant, se sibi solis om-
nia debere, nihil aliis, quorum adeo judicio opus esse non
videtur, ut ad rerum cognitionem ac scientiam promovendam
eruditi vires suas conjungant; nemo tamen est, qui frivola isti-
usmodi jactantia se decipi patitur, nisi qui prorsus ignarus fu-
erit, qualis sit in scientiis progressus. Ingratus est in alios, qui
fateri non vult, se ab aliis profecisse: injurius est in alios, qui
sibi tribuit, quod aliis acceptum ferre debebat. Conjungunt
autem vires suas eruditi non uno modo ad rerum cognitio-
nem arque scientiam promovendam. Conjunctio alia indeli-
berata est, quatenus quæ unus publici juris facit, alter emer-
dat magisque perficit, aut iisdem utitur ad ulterius progredi-
endum, vel etiam occasionem inde arripit ad alia addenda, de
quibus alias non cogitasset. Alia vero deliberata est, quando
unus utitur alterius consilio & auxilio, aut quæ a se inventa
sunt, alterius judicio & examini subjicit, vel etiam quando sci-
entiarum amplificandarum & propagandarum causa societas
contrahitur. Huc etiam pertinent commercia literaria eum in
finem celebrata. Quæ vero paulo ante (*not. §. 862.*) anno-
ravimus de sensu officii; eadem quoque hic tenenda sunt,
(*Wolffii Jur. Nat. Pars VI.*) Rr rr quem-

quemadmodum in casibus aliis bene multis. Non tamen opus est, ut semel dicta sæpius repetantur. Quodsi enim demonstratum fuerit, nos lege naturæ ad quidpiam obligari; per se patet a praxi abesse non debere sensum officii, hoc est, eo animo id a nobis fieri debere, ut obligationi naturali satisfaciamus, & ubi factum fuerit, firmiter teneamus, nos non fecisse, nisi quod debeamus.

§. 864.

De adiuvandis aliis nem ac scientiam promovere debent (§. 863.); si quis suppetat quædam possit, quæ aliis ad ulterius progrediendum profunt, cognoscenda, ea suppetat ut tenetur, & si quem consilio & auxilio juvare possit vel desegen- in rerum cognitione ac scientia acquirenda, vel in veritate adhuc da. latente descendenda, id libenter facere debet.

Qui ad ea animum attendit, quæ de conjungendis viribus eruditorum ad rerum cognitionem ac scientiam promovendam modo annotavimus (not. §. 863.); facile animadvertet, quomodo hæc inde inferantur. Officii hujus præstatio plurimum facit ad scientias propagandas, perficiendas & augendas. Convenit id amoris universali, quem omni homini debemus: convenit etiam amoris scientiarum. Vir eruditus, qui alios amat, vix veritatem quandam cognovit, quin nihil magis in votis habeat, quam ut ea etiam aliis sit perspecta. Et quo ea majoris momenti est aut utilitatis, eo ardentius idem desiderat. Qui scientias amat, is ex earum propagatione ac incremento voluptatem percipit (§. 654. *Psych. empir.*), & ad perfectionem earum promovendam pronus est (§. 655. *Psych. empir.*). Amor igitur tam aliorum eruditorum, quam scientiarum, officium, de quo nobis sermo est, imperat. Nec desunt illustria exempla eorum, qui huic officio satisfecerunt. Ita *Bessarion* Cardinalis, cum meliorem versionem Latinam *ptolemai*, quam quæ tunc temporis extabat, meditaretur, sed ob alia negotia publica perficere non posset, suavit *Georgio Purbachio*, ut *Ptolomæi* Alma-

Almagestum brevius lucidiusque facere conaretur. Enimvero cum is vix absolutis sex libris quasi in medio cursu (constat enim opus præclarum libris tredecim) vitam finiret, paulo ante, quam e vita discederet, *Joanni Regiomontano*, discipulo suo, cum in manibus & gremio moribundum teneret, continuatiorem operis cæpti commendavit: Vale, inquit, mi *Joannes*, vale, &, si quid apud te pii præceptoris memoria poterit, opus *Ptolemæi*, quod ego imperfectum relinquo absolute, hoc tibi ex testamento lego: *Bassarion* vero eundem hortabatur, ut grande opus prosequeretur. Atque ita factum est, ut hodie-num habeamus opus, in quo sententiæ *Ptolemæi* clariores sunt redditæ & Geometrarum more divisæ, ut & apertius intelligantur & facilius mandentur memoriæ, & tenacius hæreant. Nostro ævo *Leibnizi*us, cum in omni eruditionis genere esset versatissimus, aliorum conatus lubentissime adjuvit, & alios ad præclara præstanda incitavit, ita ut, quemadmodum ipse de se dicere solebat, fungeretur loco cotis. Similiter *Joannes Bernoulli*, cujus eminentia in Mathesi sublimiorem merita grata venerabatur posteritas, non modo iis, qui disciplinæ ejus se dederunt, fideliter communicavit omnia, quæ in schedis habuit suis, ac artificia a se inventa Analyseos recentioris publice nondum extantia, ut pareretur aditus ad ea, ad quæ alias pervenire ipsis datum non fuisset; verum etiam aliis, qui literis eum compellarunt, in consilio & auxilio se facilem præbuit, ut non tantum per se, sed & per alios scientiam promoveret, errantesque in viam reduceret. Utinam hæc exempla sequerentur alii, quemadmodum debent (§. 931. part. 1. Jur. nat.)! Cui cognitum atque perspectum est, quantum intersit fidum habere ducem in via non satis trita & tempestive a deviis in rectum tramitem revocari; is ultro favebitur, ad scientiarum propagationem ac incrementum mirifice conducere officium præstans.

§. 865.

Quoniam eruditi superioris ordinis rectius intelligunt, *De consilio* quid ab iis fieri possit, qui sunt ordinis inferioris, quam eruditis insipsumet, *ferioris or-*

Rr rr 2

dinis dando ipsimet, eruditus autem unus alteri consilio suo, in propa-
ab iis, qui ganda & promovenda rerum cognitione ac scientia deesse
sunt superi- minime debet (§ 863.); *eruditi superioris ordinis docere eos,*
oris. *qui sunt inferioris, debent, quid ad promovendam rerum cogniti-*
nem ac scientiam conferre utiliter possint.

Quemadmodum unusquisque eum laborem seligere debet, cui obeundo se parem sentit (§. 528 *part. 1. Jur. nat.*); ita quoque eruditus ad promovendam rerum cognitionem ac scientiam conferre debet, quod potest, ne subeat onus humeris suis impar. Haud raro vero eruditi plus sperare solent de facultatibus suis, quam in iis est, atque adeo irritò conatu aggrèdiantur opus, quod aut prorsus non perficere, aut saltem rite perficere non valent. Necessè igitur est, ut doceantur ab aliis, quid ab iis præstari possit. Possunt autem eruditi etiam infimi ordinis prodesse illis, qui sunt superioris. E. gr. Non inutile foret Geometris primi ordinis, qui veritati operam dant, si theoremata omnia, quæ hæcenus inventa sunt, ordine alphabetico sine demonstratione digesta haberent, cum constet haud raro facilius ad quædam, quæ quæruntur, per calculum algebraicum patere aditum per theorema quoddam jam cognitum, immo subinde & parare aditum ad inaccessible. Sufficit his colligendis Geometra infimi ordinis, qui historicam saltem Geometriæ cognitionem habet, aut selecta saltem *Euclidis* theoremata vi demonstrationum intellectu comprehendit. Quodsi ergo quis hoc labore defungeretur, qui sufficiente librorum apparatu instructus est; is auxilium non contemnendum ferret Geometris etiam primi ordinis, præsertim iis, qui non toti omnem ætatem in lineis ac calculis consumere possunt.

§. 866.

Quid faci- *Qui per se statuere nequit, quid sit faciendum; i*
endum in peritos consulere ac eorum consilium sequi debet. Qui enim pe-
rebus dubi- se statuere nequit, quid sit faciendum, is alterius consilio in-
is. diget (§. 983. *part. 1. Theol. nat.*). Quamobrem cum quolibet

libet homo alterum ope ipsius indigentem juvare debeat, ut consequatur animi, corporis ac fortunæ bona, quantum in potestate sua est (§ 612. *part. 1. Jur. nat.*), consequenter etiam periti obligentur consilio adjuvare ejusdem inopes, & unusquisque obligetur ad actionum rectitudinem, seu recte agendum (§ 189. *part. 1. Phil. pract. univ.*); qui per se statuere nequit, quid sit faciendum, peritos consulere ac eorum consilium sequi debet.

Amor universalis, quem lex naturæ urget (§ 619. *part. 1. Jur. nat.*), homines omnes arctissimo vinculo copulavit, ita ut, qui alterius ope indiget, eundem spectare possit tanquam unum cum seipso. Quodsi ergo vi intellectus tui statuere nequis, quid sit statuendum; intellectus alterius, qui statuere valet, est tibi loco intellectus tui. In hoc nimirum casu intellectum tuum cum intellectu alterius unit amor universalis, ut perinde sit, ac si intellectus alterius tibi inesset, aut quæ inest alteri scientia inesset tibi. Ex obligatione alterius ad consilium ejus inopi impertiendum nascitur jus ad idem ab eodem expetendi (§ 23. *part. 1. Jur. nat.*): ex obligatione vero ad recte agendum (§ 189. *part. 1. Phil. pract. univ.*) descendit obligatio ad juris ipsius usum, ut adeo non amplius tantummodo licitum sit consilium periti expetere, verum istud expetere &, ubi datum fuerit, sequi debeas. Non igitur tantummodo adest physica quædam necessitas, ut de eo, quid faciendum sit, per alios statuat, qui per se statuere nequit, quando in necessitate agendi constitutus est; sed necessitas etiam moralis, ut statuere debeat, si vel maxime indispensabilis agendi necessitas non adsit. Alteri aurem opem ferimus non minus quoad actum intellectus, quam quoad actus externos, ut adeo nemini dubium videri debeat, utrum ex eo, quod obligati sumus ad opem ferendum eadem indigenti (§ 612. *part. 1. Jur. nat.*), recte inferatur, nos etiam obligatos esse ad dandum consilium ei, qui consilii inops est. Consilium vero, quo ex dubitationum fluctibus eripitur animus, cum nos ab ignorantia

liberet, seu impotentia facultatibus animæ utendi, adeoque malo animi (§. 755. part. 1. Jur. nat.), bonum quoddam animi confert (§. 756. part. 1. Jur. nat.), adeoque qui consilium dat consilii inopi, huic fert operam, ut animi quoddam bonum consequatur. Hæc quidem addere visum est, ne quis hæreat circa demonstrationem propositionis præsentis. Ipsa autem propositio principium generale est, quod ad omnem casum spectat, quo quis per se ex dubitationum fluctibus emergere nequit.

§. 867.

Quando eruditus aliorum consilio adscientias amplificandas vel propagandas, vel amplificandas quid conferre debeat.

Quoniam qui per se statuere nequit, quid sit faciendum, is peritos consulere ac eorum consilium sequi debet (§. 866.); eruditus quoque, qui ad scientias propagandas, vel amplificandas pro virili aliquid conferre vult, ipse tamen per se statuere nequit, quid conferre debeat, vel possit, eruditos alios consulere ac eorum consilium sequi debet.

Supponimus urique, consilium, quod datur, esse bonum ac rectum: alias per se patet, consilia prava nos sequi minime debere, cum id contrarietur obligationi nostræ naturali. Quando enim sumimus, consilium dantem esse peritum, utique supponimus eum nosse, quid sit faciendum. Et quando de officiis hominum erga alios agitur, nil quicquam dolose fieri ubi vis supponitur. Nulla igitur foret objectio, quod inde sequatur, nos consilium quoque malum, aut temerarium sequi debere. Porro quando de officiis agitur, quid iisdem consentaneum sit demonstratur. Quamvis adeo sequi debeamus peritorum consilium, quando per nos de eo, quod faciendum, statuere nequimus; non tamen inde inferri potest, ab eo nobis imponi necessitatem sequendi, ac ei competere jus ad id sequendum nos cogendi. Libertati enim nostræ permittere tenetur, utrum sequi velimus, nec ne (§. 156. part. 1. Jur. nat.), cum alia sit obligatio interna, quæ a lege naturæ venit, alia vero externa, qua alteri tenemur, & qualis dari in præsentis casu nequit, utpote libertati adversa. Nihil adeo hic asseritur, quod contrarietur pervulgato isti: consilium non necessitat.

§. 868.

§. 868.

Eruditi in rerum cognitione ac scientia acquirenda, propaganda & amplificanda certum finem intendere debent, officiis minime ab eruditis adversum. Quoniam enim nihil temere faciendum (§. 278. intendendo. part. 3. Jur. nat.); nec eruditus rerum cognitioni ac scientiæ propagandæ & amplificandæ vacare temere debet. Quamobrem cum certo fine faciendum sit, quod temere fieri non debet (§. 277. part. 3. Jur. nat.); eruditi quoque in rerum cognitione ac scientia propaganda & amplificanda certum finem intendere debent. Quod erat unum.

Enimvero officia consistunt in actionibus, quas ita, non aliter juxta legem naturæ determinare obligamur (§. 224. part. 1. Phil. pract. univ.). Quamobrem cum nemo ab obligatione sua se liberare possit (§. 674. part. 3. Jur. nat.), & obligatio, quæ a lege naturæ venit, prorsus immutabilis sit (§. 142. part. 1. Phil. pract. univ.); nil quicquam intendere licet, quod officiis sit adversum (§. 170. part. 1. Phil. pract. univ.). Eruditi itaque in rerum cognitione ac scientia acquirenda, propaganda & amplificanda intendere non debent finem, qui sit officiis adversus. Quod erat alterum.

Temere rerum cognitioni ac scientiæ vacat, qui aliud non intendit, nisi ut eam possideat: id quod rarius quidem contingit, non tamen inter ea referendum, quæ contingere nequeunt. Plerumque in rerum cognitione acquirenda, subinde etiam in eadem propaganda, tantummodo intenditur lucratio panis. Inde est, quod indies audias, hanc vel istam rerum cognitionem ac scientiam non esse de pane lucrando. Manat hinc neglectus studii mathematici ac philosophici in Academicis. Et haud raro ideo censuram incurrunt Mathematici ac Philosophi, quod omnem ætatem consumant in iis, quæ de pane lucrando non sunt, quasi ea non digna sint, quæ ab aliis discan-

cantur, ut adeo genus humanum illarum rerum cognitione tuto carere possit. Plurimi eruditorum in rerum cognitione ac scientia acquirenda, propaganda & amplificanda hunc unice finem sibi poposuit habent, ut laudem ac gloriam consequantur, toti adeo ambitioni dediti (§. 570. part. 1. *Jur. nat.*). Commune hoc eruditorum vitium multorum malorum fons est, quæ enumerare nimis prolixum foret, quotidiana vero experientia abunde loquitur. Plurimum autem eadem variant pro diversitate eruditorum in quolibet ordine. Oprandum itaque foret, ut officii sui esse perpenderent eruditi in universum omnes, quod hic demonstratur, atque cognoscerent, quid debeant generi humano. Veri eruditi est gloriam spernere & recte factorum conscientiam ut habeat contentum esse: vera enim gloria sequetur fugientem. Vere nimirum dictum est: qui gloriam spreverit, veram habebit. Ast hæc in philosophia morali accuratius sunt discutienda.

§. 869.

De utilitate cognitionis ac scientie rerum. *Rerum cognitio ac scientia alia ad intellectum, alia ad voluntatem, alia denique ad artes perficiendum utilis, quæ generi humano ad vitæ necessitatem, commoditatem ac jucunditatem profunt.* Hæc sumere possumus tanquam a posteriori fatis certa & explorata. Sane constat, veritates quasdam inservire aliis demonstrandis, vel etiam detegendis, si adhuc latent, etiamsi præterea alium usum non habeant, qui nobis sit cognitus atque perspectus. Juvant igitur intellectum in veritate cognoscenda ac invenienda. Cuique intellectus non perficiatur, nisi exercitio (§. 199. part. 1. *Jur. nat.*); veritatum demonstratu aut inventu difficultium cognitio intellectum omnino perficit, nec sine ea ad eundem perfectionis gradum eundem evehere licet. Non modo veritatem moralium, quæ in Jure naturæ, Philosophia morali atque civili demonstrantur, ad voluntatem perficiendam faciunt; verum cum voluntatis emendatio a perfectione intellectus depen-

dependeat, quemadmodum suo loco in Philosophia morali demonstratum sumus, veritatum quoque theoreticarum cognitio ac scientia, ipsarummet mathematicarum, ad perfectionem voluntatis quædam conferre potest. Artes supponere quandam rerum cognitionem, nemo est qui nesciat. Illarum vero rerum dari quoque scientiam & hac ipsa artium theoriam perfici posse experientia dudum comprobatum est. Ast ipsas artes generi humano utiles esse ad vitæ necessitatem, commoditatem ac jucunditatem, obvia experientia docetur. Nihil adeo hic sumitur, quod sit ab experientia alienum, modo eam consulere velimus, ac possimus: neque enim experientia omnis in cujusvis potestate est.

Qui vel Elementa Euclidis evolvit, is animadverteret, propositionum aliarum usum esse in demonstrando, aliarum vero in efficiendo, ut adeo inutiles censei nequeant, quæ non ad praxin quandam per se tendunt. Ita qui hodie inter Geometras primi ordinis eminent de lineis curvis multa tradunt, quorum cognitione genus humanum tuto carere posse videtur: non tamen ideo sine omni utilitate in veritatibus, quarum cognitio ad nihil utilis videtur, tam operose investigandis ætatem consumere dicendi sunt, quatenus artificiiis, quibus utuntur, artem inveniendi augent, quam summam esse intellectus perfectionem nemo est qui nesciat, & quatenus fieri potest, ut oblata occasione alii utantur iisdem artificiiis ad detegendum veritates, quæ manifestam generi humano utilitatem præstant. Non igitur est, quod dubites ipsa etiam rerum cognitione ac scientia intellectum perfici posse. Quod vero inter ea, quæ cognosci possunt, dentur etiam quæ docent modum facultatibus cognoscendi rite utendi in omni rerum aliarum cognitione, verior docet Logica, ut adeo opus esse non duxerimus, ad præcepta logica hic provocari. Monendum potius erat, non solum eorum, quæ Logica docet, cognitionem facere ad intellectus perfectionem; verum etiam aliarum cognitionem ad eandem requiri. Sed de his plura dicemus in Phi-

(*Wolffii Jur. Nat. Pars VI.*)

Ss ss

loso-

losophia morali, quando intellectus perficiendi praxin traditur sumus. In eadem quoque expressius docebitur, quænam veritatum cognitio influat in voluntaris perfectionem, & quænam artium sit usus in perficiendo statu hominum externo, ut vitam commodè ac jucundè agere possit.

§. 870.

*Quales fines
ab eruditis
recte inten-
dantur.*

Quoniam eruditi in rerum cognitione acquirenda, propaganda & amplificanda certum finem intendere debent officii minime adversum (§. 868.), rerum autem cognitio ac scientia alia ad intellectum, alia ad voluntatem, alia denique ad artes perficiendum utilis, quæ generi humano ad vitæ necessitatem, commoditatem ac jucunditatem profunt (§. 869.), officiis autem convenit, ut intellectum ac voluntatem (§. 212. part. 1. Jur. nat.), ac artes perficiamus, quorum usus esse potest etiam in perfectione corporis ac status externi promovenda (§. 261. part. 1. Jur. nat.), consequenter quæ utiles sunt ad vitæ necessitatem, commoditatem atque jucunditatem, utpote quarum quævis nobis curæ cordique esse debet (§. 349. 466. 471. part. 1. Jur. nat.); eruditi in rerum cognitione perfectionem intellectus, voluntatis ac artium, quæ humano generi ad vitæ necessitatem, commoditatem ac jucunditatem profunt, recte intendunt tanquam finem.

Rerum cognitio non propter se appetenda, sed tanquam medium satisfaciendi officiis cum erga seipsum, tum erga alios, erga ipsum etiam Deum (§. 868.). Homo constat anima & corpore, ac certa ideo sunt officia, quæ cum sibi, tum aliis quoad animam & quoad corpus debet. Indiget quoque rebus aliis, siquidem officiis istis satisfacere debet, ac aliorum opera & auxilio. Unde nascuntur quoque officia erga seipsum atque alios quoad statum externum, quibus sine arte satisfieri ex asse nequit. Rerum adeo cognitio recte refertur cum ad animæ ac corporis, tum ad status externi & hujus intuitu ad artium perfe-

perfectionem. Quamdiu adeo horum finium aliquis rerum quarundam cognitione obtineri potest, ea dici nequit inutilis. Non vero necesse est, ut idem finis obrineatur quoad homines in universum omnes: neque enim fieri potest, nec interest generis humani, ut omnes eandem perfectionem acquirant. Nemo hominum sibi soli nascitur, sed unus alteri utilis esse debet. Quoniam vero non eadem est utilitas, quam unus alteri præstare potest, nec omnem præstare possunt omnes; ita quoque non eadem perfectio requiritur in uno quovis homine, sed quilibet sese perficere debet, ut ad certam quandam utilitatem aliis præstandam aptus sit. Ipsa natura ideo diversas hominibus indidit dispositiones ac inclinationes, ut omni omnium utilitati consulatur. Quando igitur iudicium ferendum est de fine, qui ab erudito intendi debet; nemo ex se de eodem statuere debet. Quoad enim tibi nulli usui est, id propterea non etiam est aliis. Quamvis adeo respectu tui nullus intendi possit finis, intendi tamen adhuc poterit respectu aliorum. Non nego, finem, qui intendi poterat immo debebat, non semper intendi. Enimvero quis est, qui nesciat, non semper facere homines quod facere debent, ac ipsorum actiones non modo carere ea rectitudine, quæ omnem defectum moralitatis arceret, verum etiam labe quadam infici, quando animus vitii quibusbusdam contaminatus. Hic vero nobis docendum est, ad quidnam naturaliter homines obligentur, dum rerum cognitioni acquirendæ, propagandæ ac amplificandæ operam navant. Et quamvis alii veritates invenerint & publici juris fecerint, non intento fine, qui intendi poterat ac debebat; alii tamen iisdem ad finem istum consequendum uti debent. Ut enim cognitio veritatis sit medium consequendi aliquem finem, seu utilitatem quandam habeat, non ab eo pendet, quæ eandem invenit, vel aliis notam fecit. Et vitium, quod contaminat actum inventoris ac propagatoris, cum veritatis cognitione non transit in alios: ipsa veritas per se ab omni labe immunis est, semperque manet.

§. 871.

*Artium di-
visio.*

Artes liberales dicuntur, quæ usu facultatum cognoscen-
di exercentur. Opponuntur *manuarias*, quæ manuum ope-
ra exercentur. Sunt etiam nonnullæ ex utrisque *mixtæ*,
quarum aliæ ad liberales, aliæ ad manuarias propius acce-
dunt, ac inter liberales ac manuarias quasi mediæ sunt.

Ita artibus liberalibus annumerantur *Grammatica*, quæ do-
cet modum recte loquendi scribendi; *Poësis*, quæ docet modum
carmina pangendi; *Arts oratoria & bomiletica*; *Medicina*, quæ
etiam *Arts salutaris* appellatur, & consistit in habitu curandi
morbos. Sunt equidem medici, quibus invisum est artis
nomen; sed hi nec distinctam artis in genere notionem ha-
bent, nec differentiam inter artes liberales atque manuarias per-
spiciunt, saltem ad utrumque animum non attendunt. Ad
artes manuarias referenda sunt omnia opificia, quocunque tan-
dem nomine veniant, immo etiam artes hisce viliores, veluti
ars secandi ligna. Sumitur enim vocabulum artis in significa-
tu latissimo, quem eidem tribuimus (§. 260. part. 1. *Jur. nat.*).
Ad artes mixtas refero Artem pingendi, statuariam, architectu-
ram, artem musicam & ejus generis alias.

§. 872.

*De vitæ ge-
neribus, quæ
eruditi se-
quantur.*

Dantur etiam diversa vitæ genera, quæ eruditi sequun-
tur. Alii enim docent alios, qui certam rerum cognitionem
ac scientiam sibi acquirere volunt, vel ad eam perducendi
sunt, veluti *Professores, Concionatores, Doctores*. Alii certam re-
rum cognitionem, quam habent, ad casus obvios applicant,
veluti *Judices & Advocati*, qui leges ad facta applicant, ut
uniquique jus suum tribuatur, & *Medici*, qui morbis curandis
operam navant, seu artem salutarem exercent. In eundem
censum veniunt, qui negotia publica agunt rerum civilium
cognitionem ac scientiam, quam habent, ad eadem appli-
can-

cantes, veluti *Consilarii* Regum ac Principum, alique *Magistratus*. Alii denique in otio literario vivunt, & vel contenti sunt voluptate, quam ex certa rerum cognitione percipiunt, vel in veritatibus cognitis in usum aliorum propagandis, aut novis inveniendis operam suam collocant.

Diversa vitæ genera, quæ eruditi sequuntur, ad statum civilem pertinent, maxima saltem ex parte, atque adeo de iisdem alibi ex instituto erit agendum. Hic tantummodo eorum mentio fieri debuit, ut in genere demonstrari possit, quidnam officii sit eorum eruditorum, qui certo vitæ generi sese consecrant.

§. 873.

Eruditi, qui certum vitæ genus sequuntur, eam rerum cognitionem ac scientiam sibi acquirere debent, qua in eodem opus habet eruditum. Etenim eruditi, qui certum vitæ genus sequuntur, vel qui certum docent alios, qui certam rerum cognitionem ac scientiam vitæ genus sibi acquirere volunt, aut ad eam perducendi sunt, vel rerum sequuntur cognitionem, quam habent, ad casus obvios applicant, vel denique in otio literario vivunt (§. 872.). Nemo docere potest alios, nisi ea, quæ ipse novit ac scit: nemo veritates universales ad casus obvios applicare valet, nisi qui easdem cognitas atque perspectas habet. Qui vero in otio literario vivunt genio suo indulgere possunt, prouti sua unumquemque eorum trahit voluptas. Quoniam itaque unusquisque eam scientiam acquirere debet, qua in eo, quod sequitur, vitæ genere maxime opus habet (§. 241. part. 1. Jur. nat.), diversæ autem vitæ genera diversarum rerum cognitionem ac scientiam exigunt (§. 872.); eruditus quilibet, qui certum vitæ genus sequitur, eam rerum cognitionem ac scientiam acquirere debet, qua in eodem opus habet.

E. gr. Qui alios docere vult philosophiam, vel ejus quam partem, ipse in philosophia, vel ea, quam docere vult, parte multum versatus esse debet. Qui jus naturæ docere vult alios, juris hujus cognitione imbutum habere debet animum. Similiter concionatores, qui scripturam sacram interpretari aliis & ex ea credenda atque agenda docere eosdem debent, arte interpretandi sacras literas & credendorum atque agendorum notitia instructi esse debent. Quamvis vero hæc adeo manifesta sint, ut de iis nemo dubitare auit; nihil tamen frequentius accidit, quam ut in ordinem docentium importune se ingerant, qui in discipulorum numero esse debebant. Immo videas Professores, qui eorum, quæ docere alios debent, nihil adhuc didicerunt, immo opportunitate ea adhuc addiscendi destituuntur, omni spe iisdem ademta fore, ut aliquando si non cum laude, utcumque tamen munere suo fungi possint. Plurimi quoque sunt eruditi, qui non intelligunt, quænam rerum cognitio ac scientia ad istud vitæ genus sequendum requiratur, quod elegerunt. Quanrum vero inde damnum redundet in Remp. non est hujus loci dicere disertius. Hinc intelligitur, quanti intersit, ut eruditi in universum omnes, qui certum vitæ genus eligunt, quod sequantur, omni animi contentione præfenti officio satisfaciant. Qui in otio literario agunt, suo quidem genio indulgere possunt, atque hoc vi libertatis naturalis ipsis permittendum est ab aliis (§. 156. *part. 1. Jur. nat.*); cum tamen libertas naturalis non tollat obligationem naturalem (§. 159. *part. 1. Jur. nat.*), & unusquisque hominum cum labore seligere debeat, cui obeundo se parem sentit (§. 528. *part. 1. Jur. nat.*), qui in otio literario ætatem omnem consumunt, illarum rerum cognitioni vacare debent, ad quam maxime apti sunt.

§. 874.

De eligendo certo vita genere. Eruditus, qui certum vita genus sequi vult, aut necesse habet, id genus vitæ eligere debet, ad quod maxime aptus est. Et enim unusquisque hominum eligere debet vitæ genus, ad quod

quod aptus est (§. 533. *part. 1. Jur. nat.*). Quamobrem cum etiam eruditi certum vitæ genus sequantur (§. 872.); eruditus, qui certum vitæ genus sequi vult, aut necesse habet, id genus vitæ eligere debet, ad quod maxime aptus est.

Quemadmodum homines ceteri, ita etiam eruditi plerumque panis lucrandi gratia certum vitæ genus sequuntur. Atque ideo haud raro accidit, ut de eodem eligendo ex lucro isto statuant. Non desunt istiusmodi exempla etiam inter Professores in Academiis.

§. 875.

Eruditus operam dare debet, ut facultatibus cognoscendi De usu fa-
prompte uti possit. Etenim rerum cognitioni ac scientiæ ac-
 quirendæ operam dat (§. 858.), eandemque vel alios doce-
 re, vel ad casus particulares obvios applicare tenetur (§. 872.), immo etiam pro virili promovere debet (§. 863.). Quoniam itaque cognitionem rerum ac scientiam acquirimus facultatibus cognoscendi (§. 53. & *seqq. Psych. empir.*), & ex Logica constat, ad illam non modo acquirendam, verum etiam applicandam ac docendam requiri certum facultatum cognoscendi, inprimis operationum intellectus usum; eruditus omnino operam dare debet, ut facultatibus cognoscendi prompte uti possit.

Equidem intellectus homini datus est, ut veritatem cognoscere ac cognitam applicare possit; usus tamen intellectus carere nequit ministerio facultatum cognoscendi inferiorum. Qui Psychologiam empiricam didicit, & in Logica versatus est, is satis perspicit, quomodo usus operationum intellectus dependeat ab usu facultatum cognoscendi inferiorum. Quamvis vero eruditi infimi orditis ea, quæ cognoscunt, memoria saltem comprehendunt; ad historicam tamen rerum cognitionem; quam acquirunt (§. 859.), intellectus quoque usu opus habent. Cumque ea, quæ ipsimet cognovere, alios etiam doce-

docere ac ad casus obvios applicare teneantur (§. 872.); intellectus usu carere nequeunt. Absit adeo, ut tibi persuadeas, eruditos infimi ordinis in solo facultatum inferiorum, sensuum scilicet, imaginationis atque memorie usu acquiescere posse. Quamobrem cum Logica doceat non modo usum intellectus in veritate cognoscenda, verum etiam in eadem cum aliis communicanda & ad usus vite dextre applicanda; Logica quoque historicam saltem cognitionem habere debent eruditi etiam infimi ordinis. Ad veritatem applicandam sufficit historica ejusdem cognitio: neque enim hic attenditur demonstratio, quæ scientiam parit (§. 594. *Log.*). Si veritatis applicationem spectes, perinde est, siue historicam saltem, siue scientificam habeas cognitionem. Ea saltem differentia intercedit inter eruditum infimi ordinis & ordinis superioris, quod ille sumat verum esse, quod pro vero venditur; hic vero veritatis convictus sit. In veritate cognita adeo applicanda eruditus infimi ordinis sumit aliquid verum esse, quia asserunt alii; eruditus autem ordinis superioris, quia recordatur se, quod verum sit, agnovisse. Pater hic eruditos infimi ordinis non minus sibi ac aliis, consequenter in statu civili Reip. utiles esse posse, quam eruditos ordinis superioris. Immo cum non rerum quarumvis cognitio eandem utilitatem præstet generi humano, eruditi inferioris ordinis magis utiles esse possunt aliis, ac pluribus, quam vel in ordine supremo supra omnes eminens. Aliter enim judicandum est, quando de gradu perfectionis intellectus quaestio est; aliter vero, quando de utilitate, quam eruditus suarum cognitione præstat aliis, ac in statu civili Reip. disquiritur.

§. 876.

Eruditorum in intellectu Quoniam facultatibus cognoscendi ut prompte uti possit, eruditus operam dare debet (§. 865.), eandem autem *ut perficiendo officium.* perficiuntur acquirendo habitus iisdem utendi (§. 209. *part. 1. Jur. nat.*); *eruditi facultates cognoscendi, adeoque etiam intellectum* (§. 275. *Psych. empir.*), *perficere debent,* cumque quilibet

bet homo obligetur, ad consequendum omnem habitum intellectus acquiritu sibi possibilem (§. 211. *part. 1. Jur. nat.*), *eruditus quilibet intellectum perficere debet, quantum potest.*

Inde est quod, qui aliquem inter eruditos locum obtinere volunt, iis promiscue commendetur Geometriæ saltem elementaris ac Logicæ studium. Logica nimirum præcepta dat; Geometria exempla suppeditat & ad praxin Logicæ manuducit fidelissima magistra. Pertinet huc discursus de intellectu per studium Matheseos perficiendo, qui legitur Tomo quinto Elementorum nostrorum Matheseos universæ. Ostendimus paulo ante in infimo gradu eruditorum subsistere non debere eum, qui in secundum ascendere potest (§. 861.), nec in eodem ordine in gradu inferiori eum, qui ad altiorem ascendere potest (§. 862.). Huic officio ut satisfiat, plurimum contribuit Geometriæ saltem elementaris ac Logicæ verioris studium. Ea enim Logica genuina, seu verior est, quæ praxi veterum Geometrarum conformis (§. 26. *Log.*). Prostant nimirum hodie plurimi de Logica libri, qui usum genuinum intellectus in veritate cognoscenda potius pervertunt, quam docent, propterea quod sibi supra alios sapere videntur auctores, qui vel ipsimet intellectus sui operationibus uti nondum didicerunt, vel saltem distincta illius usus notione adhuc destituuntur, immo quod haud raro Logicam, quæ nomen suum tuetur, nondum didicerunt, aut, si didicerint, non satis intellexerunt. Logicam satis intelligere ac multo magis præcepta ejus ad praxin transferre arduum omnino est, nec adeo leve, quemadmodum vulgo putatur. Sed præjudicia, quæ hic regnant, hoc loco evertere non est præsentis instituti.

§. 877.

Quilibet eruditus obligatur ad eam cognitionem consequendam, quæ ad bona vera ab apparentibus, mala itidem vera ab apparentibus discernenda sufficit, ad acquirendam itidem boni & mali ad appetitum legumque naturalium, quantum eidem sufficit, atque ad eum.

(Wolffii Jur. Nat. Pars VI.)

Tt cc

vir.

virtutem omnem colendam, vitia omnia fugienda. Quilibet enim homo ad hæc singula obligatus est naturaliter, seu quia homo est (§. 242. 266. 278. *part. 1. Jur. nat.*). Ergo etiam eruditus ad hæc singula obligatur.

Quamvis adeo liberum est unicuique, qui inter eruditos locum aliquem in aliquo eorum ordine affectat, statuere, qualium rerum cognitioni ac scientiæ sese consecrare velit vi libertatis naturalis (§. 156. *part. 1. Jur. nat.*), nisi quod vi legis naturæ ei sese mancipare debeat, ad quam sibi comparandam maxime aptus est & quam genus viræ, quod sequi decrevit, exigit (§. 873. 874.); quoad veritates tamen ac virtutes morales non eadem libertas est, sed peccant eruditi, si veritatum moralium cognitionem insuper habent ac studium virtutum prorsus negligunt, quasi ipsorum sit intellectum tantummodo perficere, ac virtutibus intellectualibus operam dare, iis præcipue, quæ theoriam respiciunt. Negandum equidem non est, quod hoc præjudicium occupaverit plurimos eruditos, ut propterea in proverbium abierit, tanto unumquemque esse pejorem, quanto sit eruditior, idiomate patrio, je gelehrter, je versierter; dolendum tamen est, quod præjudicium hoc, si quod aliud, noxium non dudum fuerit ex animo eruditorum evulsum.

§. 878.

Quanta sit Eruditi obligatio ad acquirendam boni ac mali scientiam & ad ejus obligationem virtutem omnem colendam major est, quam aliorum hominum. Etenim eruditi rerum cognitioni ac scientiæ acquirendæ sese consecrant (§. 858.) & ideo operam dare tenentur, ut facultatibus cognoscendi prompte uti possint (§. 875.), consequenter ad boni ac mali scientiam acquirendam magis apti sunt ac eandem sibi facilius comparare possunt hominibus aliis, qui alio labore tempus contumere tenentur, nec facultates cognoscendi, præsertim intellectum, adeo perficere possunt. Quamobrem cum is ad plura præstanda obligetur, cui

cui amplior est facultatum, virium ac rerum usus, & auxilium alienum majus, quam alter (§. 177. *part. 1. Jur. nat.*); eruditi omnino obligatio ad acquirendam boni ac mali scientiam major est, quam aliorum hominum. *Quod erat unum.*

Quoniam eruditi in rerum cognitione acquirenda certum finem intendere debent (§. 868.), cognitio autem boni ac mali ad virtutis culturam requiritur (§. 321. *part. 1. Phil. pract. univ.*); in acquirenda boni ac mali scientia virtutis culturam intendere debet. Quoniam itaque ad virtutem omnem colendam obligatur (§. 877.); boni ac mali scientiam ideo sibi acquirere debet, ut virtutem omni animi contentione colere possit. Quamobrem cum major sit ejus obligatio ad acquirendam boni ac mali scientiam, quam aliorum hominum, *per demonstrata*; major quoque ejus esse debet obligatio ad virtutem colendam, quam aliorum hominum. *Quod erat alterum.*

Major hæc obligatio ad cognoscendum bonum atque malum hunc habet effectum, ut ignorantia, quæ ab erudito facilius evitari poterat, eidem magis imputetur: major vero obligatio ad colendam virtutem hoc operatur, ut gravius peccet eruditus, quam vulgus imperitum, ac majorem censuram & reprehensionem mereatur. Quantum unusquisque eruditorum perfectione intellectus præstat ceteris, tantum quoque eos virtute superare debet. Equidem eruditi plurimi virtutis studium prorsus negligunt tanquam ad se minime pertinens, nec vitia ac pravos mores sibi ignominie ducunt; diffieri tamen nequit, nil absurdius cogitari posse. Obligatio, quæ a lege naturæ venit, immutabilis est ac necessaria (§. 142. *part. 1. Phil. pract. univ.*), adeoque ab ea non liberatur eruditus, quod rerum certarum cognitioni sese consecravit, quæ ad virtutis culturam nil facit. Obligatio ista manat ex natura humana, & essentia (§. 143. *part. 1. Phil. pract. univ.*), adeoque ad virtutem colendam tamdiu obligatus manes, quamdiu homo man-

nes. Ecquis ergo dicere ausit, eruditum exuere essentiam ac naturam hominis, ne amplius ad virtutem colendam maneat obligatus? Repugnat essentiae atque naturae hominis, ut sit exlex (§. 167. *part. 1. Jur. nat.*). Quamobrem nec eruditus somnare potest, sibi competere privilegium licentiae (§. 165. *part. 1. Jur. nat.*), ut sine ulla restrictione faciendi jus habeat (§. 150. *part. 1. Jur. nat.*). Quamvis vero vix quencquam fore puto, qui tam absurda statuere videri velit; plurimorum tamen eruditorum, eorum etiam, qui ad nominis famam contendunt, tales sunt mores; qui abunde probant, quam altas radices in ipsorum animis egerit absurda ista opinio. Ignominiae sibi ducunt, si quis ipsis imputet ignorantiam cujusdam rei, vel errorem; ast parum curant, si defectum virtutis aut vitia, quibus laborant, publice produnt. Tanto vero turpius est vitium, quanto is eruditior, in quo conspicitur, cum major sit ejus ad istud fugiendum obligatio, quam aliorum hominum, *vi praesentis*. Intellectus perfectio auget turpitudinem vitiorum, nec demonstratu difficile est, defectum virtutum moralium majorem ignominiam asserere erudito, quam lapsum quendam in rerum cognitione: sit ita quod vulgo aliter opinentur eruditi.

§. 879.

*Obligatio
eruditi ad
voluntatem
perficien-
dum.*

Eruditi voluntatem ac noluntatem perficere obligantur. Obligantur enim ad colendam virtutem omnem ac fugienda vitia omnia (§. 877.) & major ad hoc faciendum est eruditi obligatio, quam hominum aliorum (§. 878.). Virtutes sunt habitus morales utendi, vitia vero habitus abutendi facultate appetendi & avertendi, in primis rationali, seu voluntate & noluntate (§. 276. 277. *part. 1. Jur. nat.*). Quamobrem cum facultates animae perficiantur acquirendo habitus iisdem utendi (§. 209. *part. 1. Jur. nat.*), adeoque voluntas atque noluntas perficiatur acquirendo virtutes morales, a quibus fuga vitiorum abesse nequit (§. 321. 322. *part.*

1. Phil.

1. *Phil. pract. univ.*); eruditi voluntatem ac noluntatem perficere obligantur.

Videmus adeo eruditos non tantummodo obligari ad intellectum perficiendum (§. 876.), quemadmodum vulgo putatur; sed eos etiam obligari ad voluntatem ac noluntatem perficiendam. Perfectio voluntatis ac noluntatis a perfectione intellectus nunquam sejungenda, sed pari passu utraque progredi debet. Officio suo nondum ex parte satisfacit eruditus, qui ad hanc consequendam non desiderari patitur industriam suam, illam vero parum curat, nec eidem consequendæ ac augendæ indies operam ullam impendit. Sunt qui alios semieruditos vocant vago quodam vocabuli significato, quem unusquisque eidem tribuit, prouti sibi visum fuit, vel fastus & ambitio suadet, aut suam unusquisque amat Minervam. Forsitan vero præstaret *Semieruditos* appellare eos, qui cum cultura intellectus voluntatis ac noluntatis culturam minime conjungunt. Duæ nimirum sunt eruditi partes, cultura intellectus & cultura voluntatis ac noluntatis, quæ conjunctim efficiunt vere eruditum, aut, si mavis, eruditum integrum. Hæc igitur ubi abest, semieruditorum merito dixeris. Neque hoc contrariatur notioni eruditi, quem diximus eum, qui rerum cognitionem ac scientiam habet. In numero enim cognoscibilium est etiam bonum ac malum, quorum illud nosse ac scire debemus, ut virtutem sectemur, hoc vero, ut vitia fugiamus. Boni ac mali cognitio ab erudito inseparabilis, cum obligatio ad eam acquirendam tolli nequeat nisi sublata essentia & natura hominis (*not.* §. 878.): in rebus ceteris cognoscendis, cum nemo unus sufficiat omnium rerum cognitioni acquirendæ, plus relictum est arbitrio ejus, ut adeo propterea semieruditus vocari nequeat, quod ea non didicit, quæ scit alter, qui vel aliud vitæ genus sequitur, vel quem ad aliam rerum cognitionem sua trahit voluptas, aut etiam in eum ordinem ascendere nequit, in quo alter constituitur, vel in eodem ordine ad eundem cum altero gradum ascendere non potest.

§. 880.

*Studere
quid sit.*

Studere dicitur, qui rerum cognitioni ac scientiæ acquirendæ operam dat. Dicitur etiam subinde cum addito *studere literis*, ac in specie pro diversitate rerum cognoscibilium & ad certum inprimis vitæ genus cognitu necessariorum *studere Theologiæ, Jurisprudentiæ, Medicinæ, Philosophiæ* & ita porro. Et *Studiosus* appellatur, qui studet, seu rerum cognitioni ac scientiæ acquirendæ operam dat. Unde in specie vocantur *Studiosi Theologiæ, Jris, Medicinæ, Philosophiæ* ac ita porro. Quoniam itaque studiosus rerum cognitioni ac scientiæ acquirendæ operam dat, eruditus vero est, qui rerum cognitionem ac scientiam habet (§. 858.); *studiosus eruditus fieri vult*, consequenter cum varii sint eruditorum ordines (§. 859.), ac varia vitæ genera, quæ eruditi sequuntur (§. 872.), *studiosus in aliquo eruditorum ordine aliquem locum obtinere vult ac certum vitæ genus sequi decrevit.*

Ita qui Medicinæ operam dat, vel artem salutarem exercere intendit, vel Medicinam docere alios, ad Professionem Medicam adspirans.

§. 881.

*Quomodo
sit studen-
dum.*

Quoniam studiosus quilibet eruditus fieri vult (§. 880.), quivis autem eruditus facultates cognoscendi, inprimis intellectum (§. 876.), & voluntatem ac noluntatem perficere debet (§. 879.); *studiosus quilibet omni animi contentione id agere debet, ut non modo facultates cognoscendi, inprimis intellectum, verum etiam voluntatem ac noluntatem perficiat* (§. 861.).

Quam parum vulgo agnoscat, quænam sint studiosi partes, experientia academica pro dolor! abunde loquitur. Equis enim est, qui nesciat, fingi licentiam quandam vivendi, quæ libertatis academicæ nomine celebratur, quasi studiosus omnes

omnes sui officii partes adimpleverit, si tantum rerum cognitioni acquirendæ operam navat, neglecta prorsus omni voluntatis ac noluntatis cultura, faciendo ea, ad quæ unumquemque trahit voluptas sua? Pauci sunt, qui Philosophiæ morali operam navant, pauciores vero adhuc, qui virtutes acquirere & contra vitia sese muniri atque ab iis, in quæ prolapsi sunt, sese liberare conantur. Immo ex adverso potius virtutem, si quam habent, dediscunt, vitia, a quibus adhuc liberi erant, addiscunt & mores bonos pessime corrumpunt. Cum si non omnes, plerique tamen certum vitæ genus olim sequi decreverint, quo profunt aliis; ut munus suum rite obeant, nisi voluntas fuerit emendata, fieri haud quaquam potest. Sane *Vitruvius* lib. 1. c. 1. in Architecto requirit, ut etiam Philosophiæ moralis sit peritus. Mirum hoc videtur nonnullis, qui sibi persuadent, ad ædificiorum extructionem non requiri virtutem, sed scientiam architectonicam, non attendentes, ut recte facias opus, haud quaquam sufficere, ut noris quomodo recte facias, sed etiam requiri animum recte facienti, quem vitia non una de causa in transversum agunt. Nihil facere debemus sine sensu officii, nec sine animo eidem satisfaciendi, ac tum demum certi esse possumus, nihil a nobis committi, quod jure reprehendi possit.

§. 882.

Eruditi etiam qua eruditi ad exemplum bonum aliis præbendum obligantur. Quoniam enim eruditorum est rerum cognitionem ac scientiam habere (§. 858.), & intellectum perfectum (§. 876.); illiterati præsumunt, quod ea, quorum ipsi bonum præconvicti non sunt, eruditi rectius intelligant, adeoque cobendum. rum tanto facilius stant iudicio, ubi appetitus sensitivus intellectum in assensum trahit. Ipsorum igitur exemplo sese addere solent, præsertim si malum fuerit. Quoniam itaque exempli mala prodere non debemus, bona vero aliis præbere tenemur (§. 930. part. 1. *Jur. nat.*); eruditi inprimis, atque

atque adeo qua eruditi, ad exemplum bonum aliis præbendum obligantur.

Non nego, præsumtionem istam non satis firmo niti talo. Cum enim eruditi omnes non eandem habeant rerum cognitionem; quamvis in suo genere inter eos, qui primi ordinis sunt, emineant, non tamen ideo de rebus aliis ad se non pertinentibus sanum iudicium ferre possunt, multo minus autem eorum scientia in appetitum influit & ab ea, qua pollet, intellectus perfectione emendatio voluntatis pendet. Ponamus aliquem inter Analystas recentiores principem locum tueri, atque ingenio, acumine ac profunditate intellectus excellere. Quodsi tamen totus in lineis ac calculis omnem ætatem consumit, nec ad philosophiam practicam animum unquam appellit, nec virtuti aliam operam navat, quam vulgus imperitum, is quoque virtuti non magis deditus esse potest, quam vulgus imperitum, nec de rebus moralibus rectius judicare, immo fieri potest; ut absurdus iudicet. Enimvero cum hic de facto sermo sit, adeoque non quærat, quid præsumi debeat, sed quid præsumatur; obiectio ista demonstrationem præsentem minime ferit. Illud potius observandum est, in præsentis casu de eruditis omnis generis non eandem esse præsumtionem. Ita rustici mores, virtutis defectus ac vitia Analystæ excellentis parum offendunt alios, nec quisquam facile reperitur, qui ejus exemplo sese rueatur. Alio tamen modo sibi ac scientiæ, quam colit, nocet. Illorum enim eruditorum, qui rerum aliarum cognitioni vacant, nec non eorum, qui vulgo imperito acutiores sunt, contemptum & sibi, & scientiæ affert, ut etiam hoc nomine ad exempla bona præbenda aliis obligetur, cum nemo seipsum ac scientiam, quam colit, in contemptum adducere debeat. Naturalis nimirum obligatio propter nexum officiorum ob officia quædam nonnullis propria augetur, quatenus iisdem inducitur obligatio ad quid præstandum, etiamsi non alia de causa ad idem præstandum jam quis obligatus esset.

§. 883.

Quoniam eruditus etiam qua eruditus, adeoque non *De neglecta*
solum qua homo (§. 930. *part. 1. Jur. nat.*), obligatur ad ex- *hujus officii.*
empla bona aliis præbenda (§. 882.), consequenter non so-
lum obligatione communi, verum etiam propria ad id tene-
tur (§. 186. *part. 1. Jur. nat.*); si eruditus desit officio suo in præ-
bendis exemplis bonis, aut ex adverso mala prodat, gravius aliis
peccat (§. 440. *part. 1. Phil. pract. univ.*).

* Cum ex magnitudine obligationis hic æstimeretur peccati gra-
vitas; probe tenendum est, eruditorum quoque alios ad exem-
pla bona præbenda, mala vero non prodenda aliis magis obli-
gari. Venit hoc imprimis a diversitate generis vitæ, quod eru-
ditus sequitur, vel quatenus ob id magis scire præsumitur, quid
bonum, rectum, æquum, justum ac licitum sit, quam aliis
constare poterat, vel quatenus ipsum vitæ genus etiam exigit,
ut exemplo suo alios doceat. Qui ea, quæ de officiis in Jure natu-
ræ demonstravimus, ac quæ in posterum in Philosophia etiam
morali ac civili demonstraturi sumus, si Deo ita visum fuerit,
animo comprehenderit; de magnitudine obligationis erudito-
rum ad præbenda exempla bona, mala vero non prodenda
haud difficulter statuet. Quænam vero ratio sit, ut huic offi-
cio adeo parum satisfaciant eruditi; ex iis elucescet, quæ suo
tempore in Philosophia morali demonstraturi sumus.

§. 884.

Erudito non competit jus ad ambiendum munus, nisi ad quod De jure ad
ministrandum aptus est. Etenim eruditus, qui munus quod- *munus am-*
dam ambit, quod nonnisi ab erudito administrari potest, *biendum.*
certum vitæ genus sequi vult, quod per se patet. Ast eru-
ditus, qui certum vitæ genus sequi vult, eam rerum cogni-
tionem ac scientiam sibi acquirere debet, qua in eodem o-
pus habet (§. 873.), ac id vitæ genus eligere, ad quod ma-
xime aptus est (§. 874.), consequenter si munere quodam
(*Wolffii Jur. Nat. Pars VI.*) • Uu uu fungi

fungi velit, ad id administrandum aptus esse debet. Quoniam itaque jus nascitur ex obligatione (§. 23. *part. 1. Jur. nat.*), erudito non competit jus ad ambiendum munus, nisi ad quod administrandum aptus est.

In ipsa aptitudine consistit jus imperfectum ad munus, vicius meretur, ut eidem præstetur. Hoc autem jus imperfectum non confundendum est cum jure perfecto ambiendi munus, quod fluit ex obligatione non appetendi munus, nisi ad quod rite obeundum aliquis aptus est, adeoque illud præsupponit. Monuimus jam supra (*not. §. 874.*), quod eruditi haud raro ad ambiendum munus, ad quod obeundum parum apti sunt, adducantur lucro panis, nec desint hac ex parte exempla etiam inter Professores academicos. In horum censum veniunt illi, quos supra jam notavimus (*not. §. 873.*), cum de officio eruditorum, qui certum vitæ genus sequuntur, ageremus. Pertinent huc etiam, qui, cum non sine laude quadam docere possent, ad alia docenda sese obtrudunt, quæ multo rectius ac utilius ab aliis doceri poterant, partim honoris civilis, partim lucri cupidine ducti, non perpendentes quantum distet honor verus ab eo, quem hominum opinio genuit, multo minus autem perpendentes, quid in munere administrando debeant aliis. Tanto turpius autem peccant, si satis sibi conscii sunt, se munus, quod ambiunt, non ea cum laude administrare posse, cum quæ munus, quo funguntur, administrant, immo nec suæ, quam adamant, Minervæ valedicendi animum habent. Qui munus ambiunt, ad quod administrandum parum apti sunt; non modo nullo jure hoc faciunt, verum etiam aliis, quorum jus imperfectum violant, iniquos se præbent (§. 239. *part. 1. Phil. pr. et. univ.*). Non est, quod excipias, eruditos etiam de facultatibus suis plus sperare solere, quam in iis est. Justa enim non censenda est ignorantia, quæ excusationem mereatur, ubi quis sibi probe conscius est motivorum, cur aliud munus, quam quo in præsentia fungitur, ambiat. Raro enim continget, ut quis existimet, se majorem aliis utilitatem præstiturum, quam nunc præstare possit, consequenter quod aliud

aliud munus ideo ambiat, quia aliis magis utilis esse potest, aut etiam pluribus, siquidem ignoraverit, qualis ad munus aliquod rite obeundum aptitudo requiratur. Immo qui nondum satis convictus est, quod de aptitudine ad munus aliquod administrandum per se statuere possit, peritos consulere debet (§. 866.); quod ubi neglexerit, tanto minus excusabitur, quod se aptum existimaverit, cum non sit.

§. 885.

Quoniam nemo eruditorum habet jus ambiendi mu- *De com-*
nus, ad quod administrandum parum aptus est (§. 884.); *mendatione*
nulli quoque *erudito compesit* jus petendi commendationem ab *a-* ab alio *pe-*
lio, *etiamsi intelligat, eam sibi maximo usui fore, si ad munus ad-* *tenda.*
ministrandum non satis aptus sit, consequenter si commendatio
ipsi denegetur, vel alius, qui magis aptus est, commendetur, id
inique ferre non debet (§. 239. *part. 1. Phil. pract. univ.*).

Absurdum est petere a me, ut te commendem, si ad munus, quod ambis, obeundum non aptus es: quando enim te commendo, significare teneor, te esse aptum ad munus, quod ambis. Quoniam ad verum dicendum obligatus sum, quid mihi videatur, de tua aptitudine dicendum est, non quid videatur tibi (§. 427. *part. 3. Jur. nat.*). Non multum tibi prodesset commendatio mea, si dicerem, te tibi videri aptum ad munus quod ambis, sed me ob has, vel istas rationes sentire aliter, si vel maxime in dubio relinquerem, utrum tuum, an meum judicium verius sit. Salva igitur amicitia tibi denegare possum commendationem meam; tantum abest, ut tu inde colligere possis inimicum in te animum. Injuriam mihi facis, ubi conquestus fueris, quasi commodum tuum promovere nolum & a te ornando alienus sim. Ceterum probe tenendum est, si de aptitudine ad munus, quod quis ambit, judicandum, non sufficere, ut quis imbutum habeat animum illarum rerum cognitione, quæ ad istud rite administrandum requiruntur; sed necesse esse, ut iis etiam virtutibus instructus sit, sine quibus utiliter administrari nequit.

§. 886.

An comm- Nemo eruditum, qui munus aliquod ambit, commendare de-
mentare li- bet, de cujus aptitudine ipsi non constat, adeoque multo minus hoc
ceat eum, de facere licet, quando nobis certum est, eum aptum non esse. Ete-
cujus aptitu- nim qui alterum commendat, is dicit, eum aptum esse ad
dine nobis munus, quod ambit. Quodsi ergo ipsi certum est, eum ad
non constat. munus illud non esse aptum, moraliter falsum loquitur (§.

152. *part. 3. Jur. nat.*). Quoniam vero ejus, cui quis com-
 mendatur, interest, ut norit, utrum ille aptus sit ad munus,
 quod ambit, administrandum, nec ne, quod per se patet,
 adeoque commendans ad verum dicendum eidem obliga-
 tur, quando vero ad verum dicendum obligamur, falsum lo-
 qui non licet (§. 164. *part. 3. Jur. nat.*); si quis certus est,
 eum, qui munus aliquod ambit, ad id administrandum non
 esse aptum, eum commendare non licet. *Quod erat unum.*

Quodsi de aptitudine ejus, quem commendare debes,
 non satis constet, dubius adhuc es, utrum aptus sit, nec ne,
 vel etiam idem prorsus ignoras, consequenter moraliter ve-
 rum non loqueris, si dicis, eum aptum esse (§. 152. *part. 3.*
Jur. nat.). Patet igitur ut ante, te eum commendare non
 debere. *Quod erat alterum.*

Inter eum, qui aliquem commendat, & alterum, cui is com-
 mendatur, intercedit quasi contractus de dicendo vero. Ere-
 nim aut aliquem commendas ei, qui vult ut commendes; aut
 tua sponte hoc facis. Qui vult ut commendes, sufficienter in-
 dicat sese velle, ut dicas verum, & præsumat, te hoc facturum,
 alias enim a te non peteret, ut aliquem commendares, nisi com-
 mendationi tuæ fidem sese habere posse crederet. Teum adeo
 quasi contrahit, ut verum dicas (§. 504. *part. 1. Jur. nat.*).
 Quodsi tua sponte commendes, tu vis, ut commendatione
 tuæ fidem habeas, adeoque ipso facto significas te verum di-
 cere, quod, cum ille hoc a te præsumat, utpote qui velle nequit,

ut

ut falsum dicas, contra te pro vero habetur (§. 427. *part. 2. Jur. nat.*), consequenter nec tu præsumere aliter potes, quam quod velis, te verum dicere. Atque adeo denuo patet, te cum ipso quasi contrahere, quod verum dicere velis (§. 504. *part. 5. Jur. nat.*). Quamobrem eum ex quasi contractu alteri obligeris ad id, ad quod obligatus fuisses, si revera contraxisses (§. 505. *part. 5. Jur. nat.*); ex quasi contractu etiam ei, cui aliquem commendas, obligeris ad dicendum verum, consequenter ad non commendandum eum, de cujus aptitudine tibi non constat, vel quem aptum non esse ad munus, quod ambit, administrandum certo nosti. Ex hoc igitur quasi contractu alteri perfectum jus nascitur a te exigendi, ut dicas verum, consequenter si moraliter falsum dicas, jus ejus perfectum violas, atque adeo injuriam ei facis (§. 859. *part. 1. Jur. nat.*). Non igitur tantummodo officii est, ut verum dicas; sed ad verum dicendum quoque alteri te obligasti. Quodsi falsum dicas, fidem datam fallis (§. 758. *part. 3. Jur. nat.*). Hæc ideo addere visum est, ut turpitudine commendationis ejus, qui aptus non est, tanto manifestior fiat. Eam vero perpendere debent non modo illi, qui alios commendant, ne in commendando nimis faciles se præbeant; verum etiam hi, qui ab aliis petunt, ut commendentur, ne justam commendationis denegationem ægre ferant, nec sine jure eandem petant.

§. 887.

Immo in genere nemo alterum commendare debet ad aliquid præstandum, quem ad id præstandum aptum non esse novit, aut datione in de cujus aptitudine isti non constat. Ostenditur eodem modo, quo idem de eruditis demonstravimus (§. 886.).

Pertinet huc commendatio artificum, opificum, operariorum, famulorum. Et in genere subsistit quoque demonstratio de quasi contractu inter commendantem & eum, cui quis commendatur inito (not. §. 886.). In casu particulari commendatio injusta aliis quoque officiis contrariari potest, ex quibus nascitur obligatio naturalis ne commendes: quo in casu fortior efficitur obligatio.

U u u u 3

§. 888.

§. 888.

De laude

merita eru-
dito unicui-
que tribuen-
da.

Unicuique erudito tantum laudis tribuere debemus, quam meretur. Etenim unusquisque alteri tantum laudis tribuere debet, quantum meretur (§. 648. part. 1. Jur. nat.). Quamobrem cum eruditi, qui non modo intellectum (§. 876.), verum etiam voluntatem perficere debent (§. 879.), consequenter virtutes intellectuales ac morales sibi acquirere (§. 547. 209. part. 1. Jur. nat.), laudem mereantur, prouti huic obligationi naturali magis aut minus satisfecerunt (§. 550. part. 1. Jur. nat.); unicuique etiam erudito tantum laudis tribuere tenemur, quantum meretur.

Tribuimus alteri laudem, quam meretur, si virtutes ejus intellectuales ac morales commemoramus & per facta ex iisdem profecta probamus (§. 550. 551. part. 1. Jur. nat.). Cum non eadem sit rerum cognitio ac scientia, quam eruditi habent (§. 858.), nec omnes sint ejusdem ordinis (§. 859.), nec qui certum vitæ genus sequitur (§. 872.) eadem aptitudine instructus, neque etiam in eo, quod ipsi agendum, easdem virtutes morales, quæ ad recte agendum requiruntur, prodant; ideo diversa admodum laus est, quam eruditi merentur. Quamobrem non adeo facile est, unicuique eam tribuere laudem, quam meretur. Quæri hic poterat, utrum etiam Poëtæ ac Oratores officio laudis aliis tribuendæ satisfacere teneantur, nec ne. Cum officium hoc pertineat ad omnes homines (§. 648. part. 1. Jur. nat.), Poëtæ quoque ac Oratores excepti non videntur ob immutabilitatem obligationis naturalis (§. 142. part. 1. Phil. præf. univ.) Quoniam vero nemini laus vera, adeoque ea, quam meretur, tribui potest nisi ab intelligente (§. 542. part. 1. Jur. nat.), obligatio Poëtarum ac Oratorum in laudando ad impossibile extendi videtur, id quod tamen absurdum est (§. 209. part. 1. Phil. part. univ.). Vulgo dicitur: Poëtis ac Oratoribus mentiri, hoc est, falsum dicere licet. Quod si intelligatur in eo casu, quo falsum dicere velle præsumun-

sumuntur, vel quia non intelligunt, quænam laus alicui sit tribuenda, vel quia ad laudandum conducti sunt, vel ob rationes probabiles alias in dato casu manifestas, admittendum utique est, nec officio laudis merita alicui tribuendæ adversatur. Etenim tum perinde est, ac si quis diceret, se rem falsam dicturum. Si quis vero dicit, se rem falsam dicere, is falsum non loquitur (§. 173. *part. 3. Jur. nat.*), aut, quod vulgo dicitur, non mentitur. Exempli loco adduci solet illud *Ovidii* lib. 10. Met. 302. Desit in hac mihi parte fides, nec credite factum. Lex naturæ in laudando alio veritatem logicam præcipit pariter ac moralem. Quando vero quaeritur, an Poëtis ac Oratoribus falsum dicere liceat, seu mentiri; de veritate morali tantummodo quaestio est, siue veritatem logicam norint, siue ignorent.

§. 889.

Quoniam unicuique eruditorum tantum laudis tribui *De jure eruditorum* debet, quantum meretur (§. 888.), consequenter laus, *distorum ad* quam non meretur, tribui non debet (§. 722. *part. 1. Jur. nat. si laudem.* *nemini eruditorum jus est ad laudem, quam non meretur* (§. 23. *part. 3. Jur. nat.*), consequenter, *quando ea eidem non tribuitur, aut denegatur, de iniquitate, vel injustitia* (§. 239. *part. 1. Phil. pract. univ.*), *aut de injuria sibi facta conqueri nequit* (§. 859. *part. 1. Jur. nat.*).

Ita erudito infimi ordinis, qui nonnisi historicam rerum cognitionem habet (§. 859.), tribui nequit scientia, in sensu scilicet philosophico (§. 594. *Log.*); si vero tribuatur in significato vulgari, quo scientia etiam pro simplici rerum notitia sumitur, perinde omnino est, ac si scientiam ei competere negares. Atque adeo puerile est affectare laudem scientiæ, ut videaris esse, qui non es, si quis forsitan ad significatum vocabuli non attendit animum, quando tibi scientia tribuitur. Injustæ vero sunt querelæ, quas moves, quando in significato philosophico negatur, tibi scientiam competere, cum ipsemet fate-

fateri cogaris, nonnisi simplicem rerum, quas cognoscis, **notitiam** tibi esse. Vide, quæ supra eam in rem jam annotavimus (*not.* 859.). Similiter Geometra, etsi primi ordinis, eam laudem affectare nequit, quæ tribuitur erudito ob præclara in Remp. merita, quemadmodum absonum foret, si hic sibi tribui vellet laudem, quæ Geometræ primi ordinis debetur. Uterque sua frui debet laude, nec laus unius cum laude alterius quicquam commune habet. Aliud enim est excellere rerum geometricarum scientia & arte veritates geometricas inveniendi, aliud prorsus bene mereri de Rep. Similiter qui laudem boni Oratoris meretur non eam affectare potest laudem, quæ Philosopho propria. Et laudem exigui Theologi perperam affectat, qui linguarum orientalium peritia excelsit. Ecquis non rideret Medicum, qui ob rerum medicarum scientiam videri vellet egregius Jctus, aut Analysta? Præterea hic notandum est, non posse inter se comparari eruditos, qui diversarum prorsus rerum cognitionem ac scientiam habent. Laudes enim, quas merentur, heterogeneæ sunt, quæ ad invicem rationem habere nequeunt (§. 126. *Arithm.*), ut perinde sit, si quæsieris, cuinam major laus debeatur, ac si in Geometria quæreres, quamnam rationem habeat punctum ad lineam, linea ad superficiem, vel superficies ad solidum. Longe vero alia quæstio est, si quæratur, cujusnam eruditi majora sint in Remp. aut genus humanum merita, tum enim Geometræ ac Jcti merita in Remp. communem quandam mensuram habent. Quodsi vero ob merita in Remp. laudandi sint eruditi, vel ob merita in genus humanum; fieri omnino potest, ut eruditis infimi ordinis majorem laudem mereatur erudito vel primi ordinis, immo in primo ordine inter eruditos sui generis principem locum obtineatis. Videmus adeo, quam arduum sit de jure ad laudem alicujus eruditi pronunciare sententiam & quam difficile sit non fieri arrogantem, si quis nondum didicerit gloriam spernere, ne scilicet existimationem, honorem ac laudem intendant tanquam finem (§. 562. *part. 1. Jur. nat.*). Quid de honore civili tenendum sit, suo docebitur loco: quæ enim ad statum civilem pertinent, ea nunc seponimus.

§. 890.

Quoniam unicuique eruditorum tantum laudis tribui debet, quantum meretur (§. 888.), ac nemini eorum competit jus ad laudem, quam non meretur (§. 889.); *nemo* quoque *eruditorum alteri invidere debet laudem, quam meretur.*

*De laude
merita alte-
ri non invidenda.*

Invidia commune eruditorum vitium est, ut in proverbium abierit: Figulus figulum odit. Maxime autem laudi ac gloriæ invideri solet. Ipsa vero invidia laudis atque honoris abunde loquitur, quam sint a virtute alieni, qui eadem torquentur, & quod destituantur palmario quodam veri eruditi requisito (*not.* §. 879.), ut adeo propriam laudem deterant, dum alienæ invident.

§. 891.

Unicuique permittendum est, ut alteri tribuat laudem, quam-De laude im-
cunque & quantamcunque velit, etiamsi eam non mereatur, modo *merita ali-*
id non faciat in contemptum sui. Permittendum enim est, ut *rum.*
unusquisque in determinandis actionibus suis suum sequatur
judicium, quamdiu contra jus tuum nil facit (§. 156. *part. 1.*
Jur. nat.). Permittendum itaque est, ut unusquisque in lau-
dandis aliis suo stet judicio, consequenter ut alteri tribuat
laudem, quamcunque & quantamcunque velit, etiamsi eam
non mereatur, quamdiu nil facit laudator, quod est contra
jus tuum. Quamobrem cum contentus fiat contra jus per-
fectum tuum (§. 857. *part. 1. Jur. nat.*); unicuique permit-
tendum est, ut alteri tribuat laudem, quamcunque & quan-
tamcunque velit, etiamsi eam non mereatur, modo id non
faciat in contemptum tui.

Meritam alteri tribuere laudem difficile est, cum nemo lau-
dari possit nisi ab intelligente (§. 542. *part. 1. Jur. nat.*).
Quamobrem nihil frequentius, ut eruditus unus alteri tribuat
laudem, quam non meretur, cum eruditi non omnes sint ejus-
dem ordinis, nec in eodem ordine ejusdem gradus (§. 859.),
(*Wolffii Jur. Nat. Pars VI.*) X x x & pro-

& prouti diversa vitæ genera sequuntur (§. 872.), *diversarum* quoque rerum cognitione imbutum habeant animum (§. 973.) Quemadmodum vero in quolibet actionum genere *affectus* homines in transversum agunt; ita etiam in laudandis aliis plurimum iisdem tribui solet. Accedit, quod multi laudem intendant tanquam finem, quod facere minime debebant (§. 562. *part. 1. Jur. nat.*), atque adeo sibi placeant, modo laudentur ab aliis, five laudem, quæ ipsis tribuitur, mereantur, five eadem digni non sint, consequenter alios laudent, ut laudentur. Quicquid horum fiat, id te parum movere debet, quamdiu laus, quæ alteri tribuitur, conjuncta non est cum contemptu tui, ubi contemptum tui ferre non debes, nisi silentio possis vindicari, tanquam ab eo profectum, a quo contemni præstat, quam laudari. Nec est, quod excipias veritatem esse defendendam. Ecquis enim tibi dedit jus veritatem laudis defendendi, quam natura non habes, *vi presentis*. Aut quis te constituit judicem actionum alienarum, quæ te minime tangunt?

§. 892.

*Eadem porro
expenditur.*

Quoniam unicuique permittendum est, ut alteri tribuæ laudem, quancunque & quantamcunque velit, etiam si non mereatur, modo id non faciat in contemptum tui (§. 891.); *nam* quoque alteri *invidere* debes laudem *immeritam*.

Nimirum si quis alterum laudat in contemptum tui, duo sunt affectus a se invicem probe distinguendi, unus, quo laudatur alius, alter vero, quo tu contemneris. Cum laude aliena nihil tibi negotii est, sed tantummodo cum contemptu tui. Quamobrem etsi necesse sit, ut contemptum tui vindices, non tamen propterea tibi jus est laudem alteri tributam impugnandi, sed eam potius in medio relinquere debes, nisi contemptus tui, quem vindicare teneris, sine refutatione laudis immeritæ vindicari possit. Vindicatio contemptus sui res ardua est, nisi quicquam committere velis, quod officio cuidam erga reipsum, vel alios adversatur, quando is cum laude tertii indivulso quodam nexu cohaeret. Ast in hæc inquirere non est præsentis instituti.

§. 893.

Nemo eruditorum alterius fama ac laudi siue merita, siue De non de-immerita detrudere debet. Etenim nemo eruditorum alteri *trahendo* invidere debet laudem, quæ ipsi tribuitur, siue eam merea- *laudi alteri-* tur (§. 890.), siue minus (§. 892.): consequenter nec id *us.* agere, ut laudem alteri tributam diminuatur. Quamobrem cum laudi alterius detrahat, qui eam diminuere conatur (§. 870. *part. 1. Jur. nat.*); nemo eruditorum alterius laudi detrudere debet. *Quod erat unum.*

Quoniam fama est communis hominum aliorum sermo de virtutibus intellectualibus ac moralibus ejusdem (§. 553. *part. 1. Jur. nat.*), virtutes vero intellectuales ac morales laudem pariunt (§. 551. *part. 1. Jur. nat.*); fama est quasi laus, quæ in omnium ore versatur. Quoniam itaque nemo eruditorum alterius laudi, siue merita, siue immerita detrudere debet, *per demonstrata*, nemo quoque alterius famæ detrudere debet, siue eam mereatur, siue minus. *Quod erat alterum.*

Commune eruditorum vitium est, eorum præsertim, qui ad nominis gloriam contendunt, laudem tanquam finem intendentes, aliorum famæ ac laudi detrudere. Invidia plerumque in causa est, quando famæ ac laudi merita detrahitur, eaque maxime torquet eos, qui paria præstare nequeunt, aut qui suam tantummodo, quam colunt, magnam videri volunt Minervam. Deducet invidia eruditos (§. 890. 879.). Ac ideo famæ ac laudi propriæ multum detrahunt apud æquos rerum æstimatores, qui alienæ detrudere conantur. Quantum enim sint a vera virtute alieni, & quid in virtutibus intellectualibus desideretur, ipsi aperte probant ac abunde perspiciunt rerum moralium intelligentes. Quando in Philosophia morali signa virtutum ac vitiorum demonstraverimus, confido fore, ut etiam hi id perspiciant, qui sibi persuadere solent, quasi quoad ea, quæ

Xx xx 2

in ani-

in animo latent, facillime aliis imponi possint, modo voluerit attentionem afferre ad ea, quæ sine attentione percipi non possunt.

§. 894.

De fama *Erudito competit jus famam suam adversus alios, qui eandem*
defensione. lacerant, defendendi. *Extremum homini omni competit jus fa-*
mam suam defendendi (§. 1033. part. 1. Jur. nat.). *Ergo*
etiam erudito hoc jus competit.

Quoniam nullus eruditus alterius famæ ac laudis, etiam eam non mereatur, detrudere debet (§. 983.), adeoque multo minus alterius famam lacerare (§. 867. part. 1. Jur. nat. nemo quoque eruditorum privilegium habet laudibus ac factis alterius obrectandi. Natura ipsi hoc datum non est, nec contra naturam hoc sibi acquirere potuit. Quamobrem nec j defendendi famam suam adversus obrectatores erudito adertum, quod natura ipsi tributum (§. 1033. part. 1. Jur. nat. Quæ itaque de defensione famæ prolixè demonstravimus (§. 1039. & seqq. part. 1. Jur. nat.); ea etiam ad eruditos pertinent, ut adeo opus non sit eadem repeti. Optandum tantummodo foret, ut jure defendendi famam quoque uterentur, quæ admodum permissum, eruditi, qui adversus obrectatores anim defendere volunt, ne abusu juris sui famam, quam defendere volunt, ipsimet contaminarent. Turpe omnino est eruditus videri nolit se habitu quodam intellectus carere, non in eo gradu eundem possidere, quemadmodum putatur, deesse tamen sibi virtutem & ex adverso esse animorum labe infectum ipso facto ostendat, cum non minus ligetur ad voluntatem ac noluntatem, quam ad intellectum perficiendum (§. 879.), ac celebritas nominis, quæ virtutis intellectualibus debetur (§. 553. part. 1. Jur. nat.), virtutis moralibus demum nitescat. Defensio famæ alia verbalis et alia realis (§. 1048. part. 1. Jur. nat.), quarum illa non utdum, ubi hæc sufficit (§. 1052. part. 1. Jur. nat.). Quæ am eruditi aliorum famam lædere conantur, obijciendo: perfectionem intellectus; ideo si qua opus est defensione, maxime realis convenit, ut factis contrariis ostendatur, re ista

tellectus imperfectione non laborare. Obrectatores plerumque ex errore quodam admissio imperfectionem quandam intellectus arguunt; sed oppido falluntur, cum non una de causa contingat, ut usus intellectus, qui in potestate erat, a facultatibus inferioribus, subinde etiam appetitu sensitivo atque aversatione sensitiva impediatur, ut adeo in proverbium abierit, bonum etiam subinde dormire *Homerum*. Nonne absurdum foret ex errore calculi inferri, te esse Arithmetice imperitum, & nonne rideretur, qui ob eundem te Arithmetice imperitum argueret? Eadem vero facilitate erratur in cognitione rerum universalium, ut adeo æque absurdum sit, qui errantem imperfectionis intellectus redarguere ex errore quodam admissio audet, ac æque sese intelligentibus deridendum propinet, dum hoc facere non erubescit. Haud facile est reddere rationem, cur quis a vero aberraverit, etiamsi usus intellectus in potestate fuerit. Supponit enim distinctam facultatum animæ earundemque in usu ac non usu a se invicem dependentiæ, immo etiam dependentiæ ab appetitu sensitivo atque aversatione sensitiva, itemque omnium facultatum animæ a causis externis dependentiæ cognitionem: quæ an multis eruditis tribui possit, judicent alii. Immo si in Psychologia & veriori Logica versatissimos supponas, ut nihil eorum acumen atque attentionem effugiat; supererit tamen adhuc difficultas in applicatione, quæ talia haud raro supponit, quorum notitia in potestate nostra non est, ut etiam acutissimi judicium vix ac ne vix quidem ad aliquem probabilitatis gradum ascendere possit. Quod si in rationem erroris inquirere vellemus, aut possemus, haud raro puerile videretur ob eundem alterius laudi ac famæ detrudere velle. Immo subinde deprehendemus, errorem committi non potuisse nisi ab eo, qui insigni intellectus perfectione gaudet, ut ipse error præbeat materiam laudis. Si obrectatoribus laudis alienæ incumberet demonstrare, quomodo is, cui insultant, in errorem inciderit, aut saltem probabiliter de eo statuere; facile animadverterent, id in potestate sua non esse. Alteri vero imperfectionem intellectus tri-

buere & quod recte tribuatur ostendere non posse, non laudi ducitur, sed vitio vertitur. Atque hinc clarissime elucescit, quam puerile sit sibi persuadere, quod intellectus perfectione alterum vincat, qui errorem quendam ab altero commissum videt. Minus autem excusate peccat, si quis imperfectionem intellectus alteri tribuit, cujus contraria specimina multa dedit. Sed quemadmodum vulgo dicitur, multum esse in rebus inane; ita non immerito exclamaveris: Quantum est in eruditorum obrectationibus inane!

§. 895.

De fama per contemptum aliorum ad nominis gloriam contendere. Neminem enim contemnere deberis (§. 790. part. 1. aliorum ac- *Jur. nat.*), sed potius operam dare, ut sit existimatione & gnirenda, honore ac laude dignus (§. 545. 546. part. 1. *J. r. nat.*), consequenter ut virtutes intellectuales & morales acquirat (§. 549. 550. part. 1. *Jur. nat.*) & eas sibi esse factis ostendat (§. 551. part. 1. *Jur. nat.*). Quamobrem patet, quod non liceat per contemptum aliorum ad nominis gloriam contendere.

Frequens eruditorum vitium est, quod per contemptum aliorum ad nominis gloriam contendere velint. Maxime autem familiare est hoc vitium iis, qui nihil præclari præstare possunt. Quoniam videri volunt meliores iis, quos contemnunt; eos inprimis adoriuntur, quorum illustria sunt in Remp. literariam merita. Et qui supra omnes eminere volunt, aliorum dicta & facta omnia virgula censoria notant, quasi nihil recte dici ac fieri possit ab aliis. Quamobrem ab hoc vitio quoque non semper immunes sunt illi, quorum eminentia sunt merita, quando nimirum pares ferre non possunt, adeoque multo minus superiorem, etsi, cum laude sua frui possent, hoc pacto non parum eisdem detrahant (§. 879.). Si vis laudari, virum te præsta. Nulla laus tibi accedit ex eo, quod alii laude non sint digni. Multo minus autem, quod tu velis eos dignos non videri. Neque

que etiam meritis tuis ac laudi tuæ quicquam decedit, quod etiam aliorum merita celebrentur ac laus merita aliis tribuatur. Nemo solus omnia præstare potest, ac ideo eruditi conjunctis viribus rerum cognitionem ac scientiam promovere debent (§. 863.). Vere igitur erudito, hoc est ei, qui cum virutibus intellectualibus virtutes morales conjungit, nihil grarius esse debet, quam ubi viderit, alios quoque bene de scientia mereri, nec, qui scientiam amat, quicquam magis in votis habet, quam ut multi sint, qui de eadem bene mereantur. Laudabit igitur se multo inferiores, quod novit, laude incitari liberalia ingenia ad præclara præstanda, præsertim si laudentur ab iis, quorum illustria merita ipsis non sunt ignota.

§. 896.

Quoniam per contemptum aliorum non licet ad nationis gloriam contendere (§. 985.), sed unicuique laus, *studio circa quam meretur, tribuenda* (§. 888.); *nec nationis studio cum gloriam, contemptu aliarum nationum, vel detrahendo laudi exterarum nationi sua gloriam comparare licet.*

Nationi alicui omnino laudi cedit, si apud eandem promoveantur scientiæ ac artes, & si ea multos numeret in quovis eruditorum ordine ac genere supra alios excellentes. Universitati non licet, quod illicitum est singulis, & quod singuli singulis, id etiam universitas quædam akeri cuidam, adeoque nationi debet. Cujuscunque igitur gentis quis fuerit, ejus merita sunt prædicanda & merita laude condecoranda. Præposterum adeo est nationis studium, si eidem dediti fuerint eruditi. Quæ modo de singulis annotavimus (*not.* §. 893.); ea etiam applicanda sunt ad integras nationes. Quemadmodum vero nihil insolentius est, quam si quis eruditus alienam laudem sibi arrogat, vel quatenus videri vult ea invenisse, quæ ab alio detecta sunt, vel quatenus sibi solus omnia debere prætendit, quæ novit, aut scit; ideo quoque ferendum non est, si qui nationis studio eo sese adduci patiantur, ut vel ab exteris inventa
sua

sue nationi tribuant, vel eandem sibi omnia debere, nihil ab exteris accepisse contendant, etiamsi contrarium nullo negotio ostendi possit. Suorum quoque gloriæ magis nocent, quàm consulunt, si in aliquo scientiarum genere eminentes & laudem summam meritis immeritis quoque laudibus non sine detrimento scientiarum cumulent. Cum unicuique laudem, quam meretur, tribuere debeamus (§. 888.); minime reprehendendi sunt, qui nationis quoque sue merita in scientiam prædicant, sed propterea non excusantur, si aliorum in eandem meritis derogare non erubescant.

§. 897.

De laude . Non licet laudes exterorum extollere cum contemptu con-
exterorum raneorum. Etenim unicuique laudem, quam meretur, tri-
cum con- buere debemus (§. 888.), neminem vero contemnere (§.
temtu com- 790, *part. I. Jur. nat.*), nec cuiquam invidere laudem, quam
terraneo- meretur (§. 890.). Non igitur maiorem laudem tribuere
rum non ex- alicui debemus, quam meretur, quia extraneus est, nec lau-
tollenda. dem invidere alicui, quia conterraneus est, multoque minus
 eundem contemnere. Quamobrem non licet laudes exte-
 rorum extollere cum contemptu conterraneorum.

Vitium hoc eruditorum vix alibi notum est, quam in Germania. Et quamvis familiare potissimum sit eruditibus infimi ordinis; subinde tamen reperiuntur etiam nonnulli in ordinibus superioribus, qui ab eodem non sunt prorsus immunes. Neque hoc semper matrem agnoscit invidiam, quamvis sæpissime ex ea nascatur; sed dantur ejus causæ adhuc aliæ. Sunt enim, qui omnem gloriam in eo positam esse opinantur, quod libros exotica quadam lingua impressos, vel extra Germaniam editos legerint. Unde etiam satis laudari arbitrantur eum, quem libros exoticos legisse dicunt. Atque hi externos extollunt, conterraneos suos contemnunt, etsi parum competentes sint iudices, cum ultra historicam rerum cognitionem non progrediantur, nec in ordine infimo eruditorum emineant. Extollunt

rollunt nimirum, ut & ipsi laudentur præ aliis conterraneis suis, quos promiscue omnes exteris postponunt, quando honorifice de iisdem loquuntur. Ex re igitur esse duximus, hoc quoque virium non intactum relinquere. Mihi eruditi omnes, quacunque in regione degant, cum conjunctis viribus rerum cognitionem ac scientiam promovere debeant (§. 863.), sunt quasi socii, inter quos ipsa natura societatem instituit, quæ *Reip. literaria* nomine venire solet, & quos arctissimo legum vinculo inter se colligavit, quemadmodum ex iis liquet, quæ hæcenus demonstrata sunt. Concives itaque sunt, qui communi jure fruuntur, ut adeo nemo eorum pro extraneo haberi possit. Quemadmodum omnis homo hominem alium amare debet tanquam seipsum (§. 619. *part. 1. Jur. nat.*), nimirum tanquam æque hominem (§. 81. *part. 1. Jur. nat.*); ita quoque eruditus unusquisque qua eruditus, alterum amare debet tanquam seipsum, seu æque eruditum, sive in hac orbis terrarum parte habitet, sive in alia. Et quoniam eruditorum est veritatis partes agere, & ipsa natura eandem tutelæ ipsorum commisit; nil magis dedecet eruditos, quam si inter se veritatem non colant. Non minus igitur damanda est *Exteromania*, quam *Natiomania*; liceat enim mores barbaros vocabulis barbaris appellare. Cum vero turpe foret doctori, si culpa redargueret ipsum; absit ut etiam nos a veritatis tramite recedamus, dum aliis eandem sequi commendamus. Nemo igitur existimet, nos negare, quod in nationem seu gentem aliquam laus eruditorum, qui ejusdem gentis sunt, ab ipsis derivetur. Aliud vero est de gente quadam judicium; aliud vero de singulis, quod fertur, judicium, & alia sunt gentis cujusdam in scientiam merita, alia singulorum. Ast quoniam, ut dixi, quod genti competit, id nonnisi a singulis in eandem derivari; de gente qua erudita veritati consentaneum fieri nequit judicium, nisi ante constet, quid de singulis non dissentiente veritate prædicari possit.

§. 898.

Naturaliter unicuique erudito competit jus defendendi fa- De jure de-
(*Wolfii Jur. Nat. Pars VI.*) Yy yy *mam defendendi fa-*

*famam alio-
rum erudi-
torum.*

famam alterius contra obrectatores, si eam defendere possit. Ope-
ram enim dare debemus, ut, qui merentur, famam conse-
quantur (§. 650. *part. 1. Jur. nat.*), consequenter nec ferre
debemus, ut alterius fama lædatur vel laceretur, aut eidem
detrahatur (§. 867. 870. 722. *part. 1. Jur. nat.*). Quamobrem
cum ex obligatione nascatur jus (§. 23. *part. 1. Jur. nat.*), &
famam defendat, qui ostendit falsitatem eorum, quæ dicit
obrectator, aut veritatem contrarii (§. 1049. *part. 1. Jur.
nat.*); unicuique erudito competit jus famam alterius con-
tra obrectatores defendendi, si eam defendere possit (§.
209. *part. 1. Phil. pract. univ.*).

Quæ de fama defendenda tenenda sunt, ea alibi jam de-
monstravimus (§. 1039. & seqq. *part. 1. Jur. nat.*). Quodsi
quis famæ alienæ defensionem in se suscipit, is partes alterius
agit, adeoque non plus juris eidem competit, quam propriæ
famæ defensori. Non igitur opus est, ut hic demonstretur,
quænam defensoris famæ alienæ sint partes. Id vero per se
pater, defensionem famæ alienæ non esse posse nisi verbalem,
scælem vero non cadere nisi in defensore famæ propriæ (§.
1048. *part. 1. Jur. nat.*). Quoniam nemo laudem intendere
debet tanquam finem (§. 562. *part. 1. Jur. nat.*), ac mode-
stia, quæ appetitum circa honorem legi naturali convenienter
determinat (§. 563. *part. 1. Jur. nat.*), eruditum maxime de-
cet (§. 563. *part. 1. Jur. nat.* & §. 878. *b.*); defensio realis
maxime convenit defensori famæ propriæ, verbalis vero
rectius relinquitur aliis. Non confundenda vero est defensio
veritatis cum defensione famæ, quarum illa rem, hæc perso-
nam respicit, quamvis subinde ex parum a se invicem distent, ut
non cuius facile sit intra suos unamquamque coarctare limites.
Quodsi eruditi officio de conjungenda emendatione voluntatis
ac noluntatis cum studio perficiendi intellectum curatius satis-
fecerint (§. 881.), ut modestiæ exemplum illustre aliis præ-
beant (§. 882.); verendum non erit, ut in defendenda veritate
contra modestiam quicquam committant, nec in defensione famæ
sibi sumant, quod aliis rectius erat relinquendum.

§. 899.

Eruditorum secundi ac primi ordinis est disciplinas ad eam De disciplinæ certitudinis gradum evehere, ad quem evehi possunt, ac verum a nis ad certum falso separare. Etenim eruditi rerum scientiam promovere certitudinem debent (§. 863.), consequenter cum id demum sciamus, evehendis, quod demonstrare possumus (§. 594. Log.), certum vero sit, quod demonstrari potest (§. 568. Log.); eruditi operam dare debent, ut ea, quæ in disciplinis docentur, certa sint, adeoque disciplina ad certitudinem evehatur. Quoniam vero certa rerum cognitio non semper in potestate nostra est, quod a posteriori constat, adeoque hic sumendum, nemo autem ad impossibile obligatur (§. 209. part. 1. Phil. præf. univ.); eruditorum omnino est, disciplinas ad eum certitudinis gradum evehere, ad quem evehi possunt. Quod erat primum.

Enimvero quod demonstrari potest sive directe, sive indirecte verum est (§. 544. 557. Log.). Quamobrem cum eruditorum sit ea, quæ in disciplinis traduntur, demonstrare per demonstrata; eruditorum omnino est verum a falso separare. Quod erat secundum.

Enimvero eruditi infimi ordinis historicam saltem rerum cognitionem habent, eruditi autem secundi ordinis philosophicam & qui tertii ordinis sunt habitu veritates latentes inveniendi pollent (§. 859.), consequenter eruditi infimi ordinis tantummodo cognoscunt, quæ sunt atque sunt (§. 3. Disc. prælim.), adeoque tantummodo norunt, quod, quid dicatur, verum, non vero demonstrare possunt quid sit verum, sed hoc eruditis secundi ac primi ordinis reservatum (§. 6. 9. Disc. præl. & §. 457. 460. Psych. empir.). Quamobrem cum nemo obligetur ad ea facienda, quæ in potestate ipsius non sunt (§. 176. part. 1. Jur. nat.), cui vero amplior est

Y y y 2

facul-

facultatum, virium ac rerum usus, & auxilium alienum majus, is ad plura præstanda obligatur (§. 177. *part. 1. Jur. nat.*); disciplinas ad eum certitudinis gradum evehere, ad quem evehi possunt, ac verum a falso separare non eruditorum infimi ordinis est, sed eorum, qui secundi ac primi ordinis sunt. *Quod grat tertium.*

Eruditi infimi ordinis alieno negotio se ingerunt, si disciplinas ad majorem certitudinem evehere, vel verum a falso separare ausing. Non est, quod existimes, eos ab opere cæpro destituturos, ubiprehendunt, se id præstare non posse, quod voluerunt. Etenim cum nesciant, quid ferre possint humeris, quid ferre recusent, facillime sibi metipsis imponunt, ut sibi oneri ferendo pares videantur, quod ferre non possunt, ac præstitisse, quod præstare non poterant. Quodsi distinctam diversorum graduum intellectus notionem haberent, unde diversitas ordinum eruditorum dependet (§. 859.), non sibi viderentur qui non sunt, & peritorum consilium sequerentur, quemadmodum debent, quando per se statuere non possent, quid sit faciendum (§. 866.). At cum eruditorum ordines distinguere non didicerint, plus de facultatibus suis sperare solent, quam in iis est, & plures sunt causæ, cur vitia eruditæ familiaria, maxime iis, qui in ordine infimo subsistunt, vanam de se opinionem alant. Quamvis autem affirmemus, eruditorum secundi ac primi ordinis esse, ut disciplinas ad majorem certitudinem evehant & verum a falso separent; non tamen propterea existimandum est, quemvis promiscue eruditum secundi ac primi ordinis in quocunque disciplinarum genere ad verum a falso separandum & ad quamcunque disciplinam ad certitudinem evehendum aptum esse. Etenim in quolibet ordine eruditi distinguuntur in varia genera pro diversitate rerum, quarum cognitionem habent. Quamobrem in dies experimur, in aliquo genere excellentes de rebus aliis ad idem non pertinentibus pueriliter judicare. Neque insolens est, ut sibi etiam circa eas præstitisse videantur, quæ non præstiterunt, nec præsta-

præstare potuerunt. Ita fieri potest, ut Geometra & Analy-
sta in primo ordine eminens de rebus metaphysicis pessime ju-
dicet, vel causas physicas rerum quarundam naturalium sibi
detexisse videatur via vere analytica, cum qualis sit hæc via
protus ignoret. Consultum adeo foret, ut circa eas res sub-
sisteret, quarum cognitioni sese mancipavit, nec rebus aliis se
ingereret, quibus cognoscendis quod parem operam non impen-
derit sibi probe conscius est. Hoc nimirum pacto facile evita-
re poterat, ne opinionum commenta, quæ dies delet, pro
veritate venderet. Non inconsultum igitur duximus, propo-
sitionem sequentem addere.

§. 900.

Quoniam *eruditorum primi ac secundi ordinis* est discipli-
nas ad eum certitudinis gradum evehere, ad quem evehi
possunt, ac verum a falso separare (§. 899.), fieri autem non
potest, ut quis in rerum cujuscunque generis cognitione eod-
em modo sit versatus; *nemo quoque eorum sibi sumere de-
bet judicium de iis rebus, quarum cognitioni non eandem ope-
ram navavit, quam iis impendit, in quibus excellit, consequen-
ter nec velle disciplinas ad majorem certitudinem evehere, in qui-
bus nondum versatus est, aut non satis, ac in iis verum a falso di-
scernere.*

*Idem ulterius
expendi-
tur.*

E. gr. Nosti te disciplinæ cujusdam non esse peritum, aut
non esse satis, nec cognovisse ea, quæ ab aliis in eadem tra-
dita sunt, ut ea ad examen revocare possis. Inanem utique
operam sumes, si eam ad majorem certitudinem evehere vel-
lis ac in eadem verum a falso discernere, etsi in alia disciplina,
veluti in Geometria sublimiori te heroem præstiteris. Ita qui
in calculo algebraico excellit, in methodo tamen *Euclidis* ac ve-
terum Geometrarum excolenda nullam operam collocavit, non
præstat quod laudari mereatur, si ea, quæ per calculum eruta sunt,
synthetice demonstrare voluerit. Multo minus autem satis-
faciet methodi hujus peritis & rerum intelligentibus, si quæ ex-

tra sphaeram suam, demonstrare conetur. Non desunt exempla illustria, quibus confirmari poterant, quæ dicuntur; sed ne videamur aliorum laudi detrahere velle (§ 893.), ea commemorare nolumus: sit ita, quod laudi ducatur iis, qui sua sponte id agnoscunt. Magna sunt Newtoni viri summi in Geometriam sublimiorem ac Analysin merita, quod tamen ipse doluerit, se juvenem methodum demonstrandi Geometrarum veterum syntheticam non satis excoluisse, sed ad Algebram statim properasse, merita ejus non minuit, sed eadem potius illustriora efficit, quatenus animum ab omni arrogancia liberum (§ 566. part. 1. Jur. nat.) & ab omni fastu procul remorum (§ 583. part. 1. Jur. nat.) hac ipsa confessione probat,

§. 901.

De jure corrigendi ac refutandi aliorum errores.

Qui errores ab aliis commissos corrigere valet, vel refutare; ei jus est ad hoc faciendum. Exenim eruditi conjunctis viribus rerum cognitionem ac scientiam promovere debent (§ 863.). Quamobrem si viderint falsum pro vero ab aliquo venditari, operam dare debent, ut error agnoscatur, & veritas in aprium producat. Quoniam igitur hoc fit, si error refutetur (§ 1017. Log.) & corrigatur, lex naturæ autem dat jus ad eos actus, sine quibus obligationi naturali satisfacere nequit (§ 159. part. 1. Phil. pract. univ.); eadem quoque eruditus dat jus ad errores ab aliis commissos corrigendum, vel refutandum. Quoniam vero jus est facultas moralis agendi (§ 156. part. 1. Phil. pract. univ.), & naturæ lex nos obligat ad actionum rectitudinem (§ 189. part. 1. Phil. pract. univ.); ea quoque jus ad errores aliorum corrigendos, vel refutandos dare nequit nisi ei, qui hoc facere valet.

Nihil absurdius dici potest, quam alicui natura tributum esse jus, cujus capax non est, consequenter ei competere jus ad errores aliorum corrigendos, vel refutandos, qui nec corrigere,
nec

nec refutare valet. Nonne rideretur, qui contendere vellet futuri competere jus corrigendi picturam, aut defectus, quibus laborant, indicandi? Annon diceremus cum *Appelle*; ne tutor ultra crepidas? Veritas adeo propositionis præsentis in omnium oculos incurrit & ab unoquoque facile agnoscitur. Hoc tamen non obstante nihil frequentius fieri videmus, quam ut alios refutare velint, qui non modo illarum rerum, de quibus agitur, prorsus imperiti sunt, verum etiam eo facultatum usu destituuntur, qui ad refutandum errores requiruntur. In promptu ratio est. Plurimi eruditorum plus sperant de facultatibus suis, quam in iis est, ac sibi videntur, qui non sunt. Et quo quis indoctior, eo ad refutandum alios sibi videtur aptior. Insuit autem in præposterum refutandi studium etiam appetitus sensitivus non uno modo, quatenus hac, vel alia vitiorum labe infectus. Sed talia discutere non est præsentis instituti. Perrinet enim hoc ad praxin moralem, adeoque ad Philosophiam moralem, seu Ethicam. Negari tamen non potest, multum obesse incremento scientiarum præposterum refutandi studium, cum tamen illud unicuique erudito curæ cordique esse debeat (§. 863.) Inprimis hoc contingit, ubi nimis persequendi autorem ad refutandum ausum accedit: id quod haud raro fieri solet. Tum enim non id agitur, ut veritas in apicem producat, sed ut supprimatur, & vel ignorantia, vel errores falsæque opiniones, immo fabulæ pene aniles ad posteros propagentur.

§. 902.

Quoniam eruditi infimi ordinis nonnisi historicam re- *Quibus jus*
rum cognitionem habent (§. 859.), adeoque tantummodo *istud non*
morunt, hoc dici verum esse, & hanc esse ejus, quod fieri *competat.*
constat, rationem (§. 3. 8. *Disc. pralim.*), quod, autem ve-
rum sit, vel hæc illius sit ratio, demonstrare nequeunt, cum
hoc facere non possint nisi eruditi secundi ac primi ordinis
(§. 859. b. & §. 594. *Log.*); *eruditis infimi ordinis nullum com-*
petis

petit jus ad refutandum alios, multoque minus ad errores corrigendos (§. 901.).

Ordines eruditorum distinguuntur in quolibet cognoscibili-um genere, ut adeo fieri possit eruditum aliquem, si certum quoddam cognoscibile genus spectes, locum non infimum, immo superiorem quandam occupare in ordine superiori, qui infimum saltem occupat in infimo respectu aliorum cognoscibilium generum, immo prorsus nullum in eodem meretur, utpote rerum ad hoc genus pertinentium prorsus ignarum. Quamvis adeo ipsi competat jus ad errores corrigendos, vel refutandos in eo, quod colit, cognoscibilem genere; nullum tamen sibi arrogare potest in alio quodam genere. Ita Jctus vel etiam Theologus de rebus ad Astronomiam, vel Geographiam mathematicam spectantibus judicium ferre nequit, consequenter nec sibi arrogare potest jus Astronomorum placita refutandi. Etenim aut statuet ex notionibus communibus, ex quibus ea, quæ affirmant Astronomi, non deduxerunt, veluti si ea, quæ de distantis Planetarum & magnitudine semidiametri Telluris tradunt, se refutasse sibi persuadeat dicendo, quod nemo a Terra in Lunam ascendere, vel ad centrum usque terræ descendere potuerit, ut distantiam Lunæ a Terra, vel centri Terræ a loco superficiei, in quo consistit, mensura manu applicata metiri daretur; aut falsas, quas sôvent, opinionones iis, quæ affirmant alii, opponunt, veluti cum Patres quidam Ecclesiæ rotunditatem Telluris negarent, quod terram esse discum aquis innatantem a Præceptoribus suis didicerant; aut consequentias cumulant, quæ legitimis ratiociniis inferri nequeunt, veluti cum Patres quidam Ecclesiæ impugnarent antipodes, aut alii Theologi incolas Planetarum, quod unus tantummodo sit Christus Salvator totius generis humani, admis- sis autem antipodibus, aut Planetarum incolis plures fingendi sint Christi aut Christum non esse totius generis humani redemptorem. Hæc non alio fine a nobis exempli loco adducuntur, ut tanto manifestius appareat, quam sit periculosum sibi arrogare jus refutandi ac corrigendi errores, quod lex naturæ non

non tribuit, & ut ex alieno casu discatur, quid sit vitandum. Quamvis vero jus ad refutandum errores non conveniat eruditus infimi ordinis in aliquo rerum cognoscibilium genere; non tamen videmus ad refutandum proniores, quam hos ipsos. Nostis præsertim moribus refutando alios inclarescere conantur, qui vix discipulorum numero exempti sunt, aut qui præclari quidpiam præstare non possunt. Et vix unus impugnare cepit autorem quendam, præsertim talem, cujus vel magna est autoritas, vel celebritas, ac statim ingentem videas sociorum, qui refutatores videri volunt, catervam. Caninis enim utuntur moribus, ut latrante uno latrent quoque ceteri. Et coryphæus mirifice sibi placet, quod tot habeat sectatores, atque triumphum ante victoriam canit consensum multitudinis tantam argumentum invictum allegans, quod a parte sua stet veritas, non memor pervulgati illius, multitudinem errantium non parere errori patrocinium. Quodsi ergo vel de unica quæstione litigetur, intra paucos annos ingens prostat scriptorum eristicorum numerus, in quibus eadem vel centies repetuntur, quasi quæ obijciuntur iterata sapius repetitione acquirant pondus, quod per se non habent. In Logica impugnationem distinximus a refutatione (§. 1017. 1018. *Log.*), quam differentiam si omnes perpenderent, aut capere possent, qui ad refutandum alios adeo proclives sunt, numerus illorum, qui refutando alios inclarescere volunt, multum imminueretur. Differentiam istam omnino probe perpendere debet, qui alium refutare voluerit, cum ex aptitudine metiendum sit jus (§. 901.). De veritate disceptatio est, non de eo, quod tibi videtur. Nondum enim satis intellecta tanto absurdiora plerumque videntur, quanto quis ab iis intime perspiciendis remotior. Quo quis adeo imperitior, eo plura ipsi subnascuntur dubia, ut multa sibi habere videatur, quæ opponat, etsi nihil haberet, si iis intelligendis eandem operam impenderet, quam in refutando, aut potius impugnando collocat.

§. 903.

Alteram directe refutaturus demonstrare obligatur propositio- Obligatio
(Wolffii Jur. Nat. Pars VI.) *Zz zz* *nem ejus, qui di-*

recte refu-
tat.

nem veram falsæ oppositam, vel modum, quo is in errorem incidit aut utrumque. Obligamur enim ad recte agendum (§. 184. *part. 1. Phil. pract. univ.*). Quamobrem cum directe refutari non possit error, nisi demonstrando propositionem veram falsæ oppositam, vel modum, quo quis in errorem incidit (§. 1036. *Log.*); alterum refutaturus directe utique demonstrare obligatur propositionem veram falsæ oppositam, vel modum, quo quis in errorem incidit, aut utrumque.

In Logica demonstravimus, quomodo refutatio recte fit aut in Jure naturæ ostendendum, quod ad recte refutandum sumus obligati, ut adeo nemo existimare possit, quasi liber suæ relictum sit, utrum regulas in Logica præscriptas in recte observare velit, nec ne. Ipsam naturæ legem transgreditur, qui in eas impingit, adeoque peccat (§. 440. *part. 1. Phil. pract. univ.*). Peccat vero non modo, quatenus in recte agit, cum ab agendo abstinere potuisset, ac debuisset verum etiam quod sibi arroget jus, quod lex naturæ ei non tribuit (§. 901.): etsi hoc parum agnoscat, præsertim ab iis, qui ad refutandum adeo sunt proclives, non tamen propterea desinit esse verum. Eruditorum actiones promissæ omnes non minus subjacent æternæ isti ac immutabili legi quam humanæ aliæ, adeoque ad hanc normam exigendæ. quoque hoc nomine eruditi obligentur voluntatem juxta intellectum perficere. Ceterum per se patet, eum, qui contrariam propositionem demonstrat, errorem ab alio commissum corrigere; qui vero saltem ostendit modum, quo errorem incidit, eum simpliciter refutare alium, seu falsitatem ejus, quod asserit demonstrare.

§. 904.

Obligatio

ejus, qui in- tanquam verum & inde syllogismorum concatenatione inferre pro
directe re- tionem, quam ipse falsam agnoscit. Obligatur enim ad r
futur.

refutandum (§. 189. *part. 1. Phil. pract. univ.*). Quamobrem cum alter indirecte refutetur, si, quod asserit, sumatur tanquam verum, & syllogismorum concatenatione inferatur propositio, quam ipse falsam agnoscit (§. 1039. *Leg.*); alterum indirecte refutaturus obligatur sumere, quod alter asserit, tanquam verum & syllogismorum concatenatione inde inferre propositionem, quam ipse falsam agnoscit.

Quæ ad præcedentem propositionem modo annotavimus (*not. §. 903.*), eadem de præsentī quoque tenenda. Quoniam præter refutationem directam & indirectam non datur alia, lex autem naturæ nemini tribuit jus ad refutandum, nisi qui vel directe, vel indirecte errores ab aliis commissos refutare potest; ex iis, quæ de utroque refutandi modo demonstrata sunt, quemadmodum dijudicanda est aptitudo ad demonstrandum, ita quoque metiendum est jus ad refutandum alicui competens (§. 901.). Quodsi adeo demonstrationem propositionis præsentis ac præcedentis consideres, facile animadvertes jus ad refutandum originem suam deducere ex obligatione ad recte agendum. Indirecta autem refutatio non confundenda est cum praxi consequentiariorum (§. 1048. *Leg.*), quæ nisi daretur & pro refutatione vulgo vendicaretur, rari admodum forent refutatores, seu qui ad refutandum animum appellerent, cum defectum virium suarum facile agnoscerent, nec sibi viderentur, qui non sunt.

§. 905.

Refutator non alium finem intendere debet, quam ne pro vero habeatur, quod non est, aut de quo nondum certo constat, utrum futore in- verum sit, nec ne. Etenim eruditi conjunctis viribus rerum cognitionem ac scientiam promovere debent (§. 863.), adeoque operam dare, ut veritas detegatur, consequenter ut verum a falso, certum ab incerto separetur, cum rerum cognitionem ac scientiam habere nondum dici possit, qui non-

dum agnoscit, utrum propositio vera sit, an falsa, adeoque certum ab incerto ac verum a falso discernere non valet (§. 564. 505. *Leg.*). Quoniam itaque qui errat refutatur, ostendatur, falsam esse propositionem, quam pro vera habet (§. 1017. *Leg.*), consequenter etiam si ostendatur falsum esse quod certo jam constet, aliquam propositionem esse veram finis autem est id, propter quod agimus (§. 932. *Ontol.*) refutator alium finem intendere nequit, quam ne pro verum habeatur, quod non est, aut de quo nondum certo constat, utrum verum sit, nec ne.

Finis hic intenditur vel respectu errantis, ut is ab errore liberetur; vel respectu aliorum, ne ad errorem seducantur. que adeo facile judicari poterit, quandonam finis necessitat quendam imponat alterum refutandi. Equidem vix quisque erit, qui, cum ad refutandum animum appellat, videri non veritatis defensor; non tamen sufficit videri velle, cum refutatur. Oppido autem falluntur, qui sibi persuadent, se vicariis aliis, qui non sunt. Qui enim amore veritatis ad refutandum reducuntur, satis superque produnt, saltem acutioribus ac verum aestimatoribus fines, quos revera intendunt veritatis defendendæ prætextu, & quas dissimulare nondum didicerunt (§. 717. *part. 2. Phil. pract. univ.*). Omnium autem inepti sunt ad dissimulandum, qui verborum contumelias dicunt argumento ab invidia ducto utuntur (§. 1049. *Et not. §. 1049. Leg.*).

§. 906.

A quibus refutator abstinere debeat.

Quoniam refutator non alium finem intendere debet, quam ne pro vero habeatur, quod non est, aut de quo certo non constet, utrum verum sit, nec ne (§. 905.), convicia pro ad aliud non profunt, quam ut ignominia afficiatur, refutatur (§. 815. *part. 1. Jur. nat.*), & argumento ab invidia ducto in placita alterius odium concitatur, ut opprimatur (§. 1049. *Et not. §. 1049. Leg.*).

(§. 1049. *Log.*); *refutator a convitiis & argumento ab invidia ducto abstinere debet, consequenter & a praxi consequentiariorum* (§. 1046. & *seqq. Log.*).

Ostendimus jam in Logica, ea non convenire refutationi (§. 1046 & *seqq.* it. 1056.); hic vero ostendendum nobis erat, refutatore obligari ad abstinendum ab iisdem. Merito laudantur Scholastici *Grotio*, qui ipse a perversis multorum eruditorum moribus valde alienus erat, in Prolegom. ad libros de J. B. & P. §. 52. quod in ipso diversa tuendi studio laudabile præbeant modestiæ exemplum, rationibus inter se certantes, non convitiis, turpi factu impotentis animi, & hunc morem literas inquinare recte judicat (§. 879.). Cum refutatio tam directa, quam indirecta difficilis sit, nec conveniat nisi in eruditis secundi ac primi ordinis; ideo missa directa in praxin consequentiariorum convertitur indirecta & cum argumento ab invidia ducto conjungitur, præsertim cum in progressu augeatur fervor disputandi, nihil moderabile suadens. Et quoniam ad argumenta probabilia, præsertim extrinseca confugiunt, qui methodum demonstrandi ignorant, aut saltem ejus usum in potestate non habent; tanto liberius extra oleas evagantur, quod Logica probabilium nondum in formam artis redacta & certis regulis adstricta. Regnat igitur in bello literario eadem licentia, qualem in bello inter gentes indulget Jus Gentium voluntarium ac consuetudinarium, de quo suo loco dicemus. Et dolendum est, eam in statu civili tolerari, nec legibus positivis coerceri, quibus non minus securitati eruditorum, quam civium aliorum prospiciendum erat. Sed de eo dicemus apertius suo loco.

§. 907.

In rebus dubiis unicuique licet lubia sua modeste proponere. De dubiis
 Quandiu enim res dubiæ sunt, aut saltem adhuc videntur, *proponendis.*
 nondum satis constat, cuiam contradicitionis parti assensum præbere debeamus (§. 417. *part. 2. Theol. nat.*). Quoniam

itaque eruditi conjunctis viribus rerum scientiam promovēre debent (§. 863.); ideo si dubia quædam adhuc superfin quæ assensum aliorum remorantur, alii operam dare debent, ut eadem removeantur. Quamobrem cum remove non possint, nisi proponantur, lex vero naturæ det jus: eos actus, sine quibus obligationi cuidam naturali satisfacere nequit (§. 159. *part. 1. Phil. pract. univ.*); unicuique etiam rebus dubiis dubia sua proponere licet. *Quod erat unum.*

Enimvero quia modestia virtus est (§. 563. *part. 1. 3. nat.*), eruditi autem ad virtutem omnem colendam obligantur (§. 878.), immo etiam ad præbendum exemplum bonum aliis (§. 882.), ut gravius peccent aliis, si mala prædant (§. 883.); dubia quoque sua modeste proponere debent. *Quod erat alterum.*

Juri nimirum proponendi dubia adhæret obligatio ut nescite id fiat, quæ usum juris respicit. Juri per se non in obligatio, quemadmodum ex collatione definitionum juris obligationis patet (§. 118. 156. *part. 1. Phil. pract. univ.*); quatenus lex naturæ nos obligat ad recte agendum (§. 1 *part. 1. Phil. pract. univ.*), adeoque etiam ad recte utendum jure suo, ideo juri quoque obligatio quædam accedere potest. Quia tibi jus competit, ideo facere licet (§. 170. *part. 1. Phil. pract. univ.*); sed id te non liberat ab obligatione naturæ quæ prorsus immutabilis (§. 142. *part. 1. Phil. pract. univ.*) in exercitio juris quicquam committere liceat, quod alias citum. E. gr. Cum Geometriam indivisibilium publici jaceret *Cavalarius*; licebat Mathematicis, quibus dubia quædam circa eandem adhuc supererant, ea publice proponere: injuriam auctoris, quamvis ab ejus parte staret veritas, non id fieret modeste, neque idem hoc ægre ferre debebat.

§. 908.

De jure

Si quis hypotheses proponit, ubi veritas reperta nondum

est.

eruditis jus est ad eas examinandas & vel refutandas, vel ad du-circa hypo-
 bia, quibus urgentur, indicanda. Hypothesibus enim philoso- theses.
 phicis in philosophia locus concedendus, quatenus ad veri-
 tatem liquidam viam sternunt (§. 127. *Disc. pralim.*), conse-
 quenter hypotheses proponere licet, ubi veritas reperta
 nondum est, ut ad veritatem inveniendam via sternatur.
 Quoniam vero hypotheses hunc usum habere nequeunt, nisi
 examinentur, ut appareat, an ex iis sequatur, quod veritati
 sit adversum, aut num adsint rationes probabiles, cur ea,
 quæ sumuntur, tuto sumi non possint, ideo necesse est, ut
 examini subjiciantur, & vel falsitas earundem demonstretur,
 vel dubia, quibus urgentur, patefiant. Quamobrem cum
 eruditi conjunctis viribus rerum cognitionem ac scientiam
 promovere debeant (§. 863.), lex autem naturæ det iisdem
 jus ad eos actus, sine quibus huic obligationi satisfacere non
 possunt (§. 159. *part. 1. Phil. pract. univ.*); si quis hypothe-
 ses proponit, ubi veritas reperta nondum est, eruditis jus
 est ad eas examinandas, & vel refutandas, vel ad dubia,
 quibus urgentur, indicanda.

Necessitatem hypothesium, ubi ad veritatem liquidam per-
 venire non statim datur, dudum comprobavit Astronomia.
 Quodsi enim in eadem hypotheses admittere noluis-
 sent Astronomi, nunquam ad eam perfectionis gradum illa eve-
 cta fuisset, ad quem hodie perductam videmus, sed crassa omnino rerum
 astronomicarum ignorantia adhuc laboraremus. Docent vero
 etiam Astronomi exemplo suo, quomodo hypotheses sint exa-
 minandæ ac emendandæ, & earundem falsitas, vel veritas de-
 regenda. Qui adeo hypotheses omnes ex disciplinis elimi-
 nandas esse contendunt, illi aditum ad veritatem præcludunt.
 Hypotheses autem viam ad veritatem sternentes facile discer-
 nuntur ab opinionum commentis, quæ, cum dies eadem dele-
 at, refutatione non indigent, consequenter nec examine digna
 sunt, modo animum advertas ad ea, quæ sumuntur, & proba-
 bilitatis intrinsecæ notione non destituaris.

§. 909.

De libertate
philosophan-
di, unde nam
sis.

Libertas philosophandi eruditis natura competit. Etenim si-
ne libertate philosophandi nullus est scientiæ progressus (§. 169. *Disc. pralim.*). Quamobrem cum eruditi conjunctis vi-
ribus rerum cognitionem ac scientiam promovere debeant (§. 863.), lex autem naturæ tribuat jus ad satisfaciendum
obligationi naturali necessarium (§. 159. *part. 1. Phil. pract. aniv.*); libertatem quoque philosophandi eruditis largitur,
adeoque ea iisdem natura competit.

Libertas adeo philosophandi jus est, quod natura eruditis
competit, atque propterea ipsis adimi non potest (§. 64. *part. 1. Jur. nat.*). Quoniam philosophiæ objectum est omne co-
gnoscibile, quatenus cognoscibile, in statu ideali spectatum (§. 29. *Disc. pral.*); libertas philosophandi hic sumitur in signi-
ficatu latissimo, ut ad omnem rerum cognitionem, qualescun-
que tandem eadem fuerint, extendatur. Quodsi vero in si-
gnificatu hoc generali *Libertatem sentendi* dicere malis, per
nos hoc licet: nullus enim inde nasceretur in re dissensus.

§. 910.

Quid inde
sequatur.

Quoniam libertas philosophandi, aut si mavis, sentien-
di eruditis natura competit (§. 909.), libertas vero philoso-
phandi consistit in permissione publice proponendi de rebus
philosophicis, seu iis, quæ possibilis sunt, qua talibus (§. 29. *Disc. pral.*), sententiam suam (§. 151. *Disc. pral.*); na-
turaliter unicuique permittendum, ut de rebus philosophicis, seu,
de iis, qua cognoscibilia sunt, sententiam suam proponat, nec minus
permittendum est aliis, ut, quid sibi de ea videatur, publice dicant.

Qua tu uteris libertate, ea etiam competit ceteris eruditis,
adeoque ut ea utantur ipsis quoque permittere teneris, quare-
nus tibi cum re, non cum persona, negotium est. Quem-
admodum enim tibi permittendum, ut dicas, te hoc pro vero
habere,

habere, seu tibi hoc probabile videri; ita quoque permittere debes alteri, ut dicat, se hoc pro falso habere, seu sibi hoc probabile non videri. Cumque nihil asserendum sit sine ratione, quemadmodum tibi licet recensere rationes, cur hoc statuas, ita quoque alteri rationes asserre licet, cur idem statuere non possit. Et qui hoc faciunt, utuntur jure natura eruditibus tributo (§. 908.), ac uterque vestrum satisfacere conatur officio de rerum cognitione ac scientia conjunctis viribus promovenda (§. 863.). Quoniam vero jus hoc natura tribuit in rem, non in personam, quam potius tuetur (§. 888. 893.); lingua quoque temperanda est, ne verbis utaris, vel quando de re sermo est, quæ respectum quandam ad personam habent. Ita non ferendum, ut dicas, errorem esse puerilem, dignum, qui rideatur, non qui refutetur, neminem sanum sententiæ huic subscribere posse & ita porro. Aliud est judicare de veritate, vel probabilitate ejus, quod dicitur; aliud vero de persona, quæ hoc verum, vel probabile esse pronunciat. Jus in rem tributum non intelligitur etiam tributum in personam. Non est quod excipias, refutantem directe posse quoque ostendere modum, quo quis in errorem incidit (§. 903.): hoc quoque fieri potest ac debet ea linguæ moderatione, quæ a vituperio, multoque magis a conviciis atque contumelia prorsus immunis est. Quodsi linguam ita moderari nondum didiceris, tuum de sententiæ alterius judicium suspendere debes, donec linguæ impotentiam correxeris, neque enim natura, quæ prohibet vituperium (§. 848. part. 1. *Jur. nat.*), contumelias (§. 832. part. 1. *Jur. nat.*) & convicia (§. 833. part. 1. *Jur. nat.*), usum juris, quod eruditibus tribuit, concedere alicui potest, cum vituperio contumeliis ac convitiis conjunctum. Quando jus tribuit, nos quoque obligat ad idem recte exercendum (§. 189. part. 1. *Phil. pract. univ.*). Non quod una manu dat, altera aufert, quippe sibi nunquam contraria.

§. 911.

Libertas philosophandi, seu sentiendi non tollit obligationem Libertas naturalem eruditorum ac hominum promiscue omnium. Exenim philosophandi (Wolfii Jur. Nat. Pars VI.) Aa aa a obli- di nunc sit a

*natura re-
stricta.*

obligatio naturalis quæcunque, adeoque tam ea, qua eruditi tenentur, quam illa, quæ homines omnes in universum tangit, necessaria & immutabilis est (§. 141. 142. *part. 1. Phil. pract. univ.*). Quamobrem lege naturæ nobis tribui nequit jus, cujus exercitium eidem contrariatur. Quamvis adeo ea tribuat eruditis libertatem philosophandi, seu sentiendi (§. 909.); non tamen ideo eosdem liberat ab ulla obligatione, qua vel ut eruditi, vel ut homines tenentur. Libertas itaque philosophandi, seu sentiendi non tollit obligationem naturalem eruditorum ac hominum promiscue omnium.

Videmus adeo, quod naturaliter restringatur libertas philosophandi, seu sentiendi per officia tam eruditis in specie, quam hominibus omnibus in universum præscripta. Quomodo vero restringi debeat in civitate, suo ostendetur loco. Ast quoniam videmus, libertatem philosophandi, seu sentiendi per officia restringi naturaliter; ex his usus & abusus dijudicandus, & ne eadem abutaris, probe perpendendum est, an officio cuidam erga te ipsum, vel erga alios, vel etiam erga Deum repugnet, sententiam tuam publice proponere.

§. 912.

*An servi-
tus philoso-
phandi juri
natura ad-
versetur.*

Servitus philosophandi, aut, si major, sentiendi juri natura adversa. Etenim eruditis philosophandi, seu sentiendi libertas natura competit (§. 909.). Quamobrem cum ex collatione definitionum libertatis ac servitutis philosophandi pateat (§. 151. 152. *Disc. pral.*), illam cum hac consistere non posse; servitus quoque philosophandi juri naturæ repugnat.

Si natura tibi concedit libertatem philosophandi, alteri conferre nequit jus servitutem philosophandi tibi imponendi; quod

quod utique absurdum, cum, quod una manu daretur, altera rursus auferretur. Ceterum philosophandi servitus non confundenda est cum restrictione juris docendi in civitate, quod legibus civilibus subest, & de quo suo loco dicemus. Neque etiam confundenda est cum restrictione libertatis philosophandi in civitate, in qua superiori suum quoque jus est suo loco ac tempore enucleandum. Hic enim saltem docemus, quid naturaliter obtineat, circa respectum ad Rempulicam.

§. 913.

Quoniam servitus philosophandi, seu sentiendi juri naturæ adversa (§. 912.), ea autem consistit in coactione defendendi aliorum de rebus philosophicis, seu cognoscibilibus quibuscunque sententiam tanquam veram, utut nobis contrarium videatur (§. 152. *Disc. pralim.*); *nemo quoque cogi potest ut aliorum de rebus cognoscibilibus sententiam defendat tanquam veram, utut ipsi contrarium videatur.* *Quod inde sequatur.*

Non datur dictator in Rep. literaria, cujus judicio ceteris sit standum. Eruditis competit jus verum a falso discernendi (§. 899.) & errores refutandi ac corrigendi (§. 901.); ast nemo prætereundere potest, ut non habeatur pro vero, nisi quod ipse verum esse profiteretur, ac ut ceteri suæ subscribant sententiæ. Si istiusmodi jugum eruditis imponatur, progressus scientiarum nullus datur (§. 169. *Disc. pralim.*). Repugnat igitur servitus sentiendi officio de rerum cognitione ac scientia conjunctis viribus promovenda (§. 863.). Multo magis autem juri naturæ adversatur, si servitus sentiendi in tyrannidem degeneret, ut ob diversa tuendi studium aliquis venter ac misere affligatur, quasi hostis sit, qui aliter sentit, atque adeo in eum licita sint, quæ in hostem licere putantur. Sicuti absurdum est dictatorem agere velle; ita prorsus improbum est, esse persecutorem. Veritas defenditur rationibus, non vi.

§. 914.

De jure veritatem defendendi. *Eruditis competit jus veritatem defendendi adversus impugnatores.* Etenim eruditi rerum cognitionem ac scientiam promovere debent (§. 863.), consequenter nec pati, ut pro falso venditur, quod verum est (§. 722. *part. 1. Jur. nat.*). Quamobrem cum is, qui veritatem impugnatur, contendat, falsum esse, quod verum est, atque insufficienter probet (§. 1018. *Log.*); creditorum est demonstrare, quod propositio, quam veram esse constat, ab altero nec fuerit refutata, nec refutari potuerit. Quoniam itaque veritatem defendit, qui demonstrat, eam ab altero non fuisse refutata (§. 1058. *Log.*); eruditis urique competit jus veritatem defendendi adversus impugnatores.

Quomodo defendatur veritas, docuimus in Logica (§. 1059. *et seqq. Log.*). Hic saltem ostendendum erat, nos ad veritatem defendendum obligari. Quoniam vero obligamur ad recte defendendum (§. 189. *part. 1. Phil. pract. univ.*); ideo defensio fieri debet juxta regulas in Logica demonstratas, ubi ex ipsa notione defensionis deduximus, quomodo ea fieri debeat. Ibidem adeo demonstrata hic tota non repetimus. Ceterum non confundenda est defensio veritatis cum refutatione erroris, etsi adeo sibi invicem cognatae sint, ut saepissime invicem non distinguantur, ita ut praetextu veritatis sese tueri soleant qui eandem, impugnant. Etenim si quis contendit verum esse aut probabile, quod non est, eum refutamus vel impugnamus (§. 1017. 1018.): si quis vero veritatem impugnat, aut negat simpliciter, verum esse, quod pro vero venditur, vel quod errorem suum veritati opponat, vel quod refutationem non mereri existimet, quod verum dicitur, nos vero demonstramus, eam ab altero in casu priori non esse refutata, in posteriori non posse refutari; veritatem defendimus (§. 1058. *Log.*). Perperam igitur rixatores, qui tempus omne in controversiis agitandis consumunt,

munt, veritatis defensores videri volunt. Quemadmodum in bello defensoris partes non agit, nisi qui ab altero vi impetitur; ita quoque defensor veritatis non intelligitur nisi is, qui impugnatori ejusdem sese opponit.

§. 915.

Veritatis defensor non est, nisi qui demonstrare valet, eam Quinam sit ab altero non esse refutatam, aut refutari non posse. Etenim veritas defenditur, ubi demonstratur propositionem, quæ veritatis. ab altero impugnatur, non esse refutatam (§. 1058. Log.). consequenter si simpliciter negatur, veram esse, ostenditur, eam refutari non posse. Quamobrem veritatis defensor non est, nisi qui hoc demonstrare valet.

Distinguendum nimirum est, utrum quis habeat animum veritatem defendendi, an vero defendat. Qui habet animum defendendi, veritatis defensor esse vult, sed quia plus sperat de facultatibus suis, quam in iis est, defensor non est. Esse autem & velle esse utique differunt. Neque etiam propterea defensor veritatis es, quod tibi vel aliis imperitis esse videaris: nullibi enim facilius, quam in moralibus, contingere solet, ut sibi ac aliis esse videantur, qui non sunt. Quodsi vero genuinæ demonstrationis notionem habueris, quam integro capite sufficienter explicavimus (§. 549. Et seqq. Log.), & eam ad defensionem veritatis applicaveris; defensorem veritatis facile agnosces. Disputari potest de veritate alicujus propositionis, ubi unus defendentis aut respondentis partes agit: sed defendens in disputatione, seu bello literario non statim est defensor veritatis. Utinam hæc probe perpendere illi, modo ea trutinari decenter valerent, qui hoc sibi datum esse existimant, ut veritatem defendant, quasi publici defensores veritatis constituti, cum tamen ad nihil magis sint inepti, quam ad veritatem defendendam: judicium sibi sumentes de rebus, quas non intelligunt, nec intelligere possunt.

§. 916.

*Cuinam**competat jus
ad verita-
tem defen-
dendam.*

Quoniam veritatis defensor non est, nisi qui demon-
strare valet eam ab altero non esse refutatam, aut refutari
non potuisse (§. 915.), lex vero naturæ nos obliget ad
recte agendum (§. 189. *part. 1. Phil. pract. univ.*) & dat jus
ad ea, quæ ad recte agendum requiruntur (§. 159. *part. 1. Phil. pract. univ.*); eruditus quoque *jus ad defendendam veri-
tatem habere nequit, nisi demonstrare valeat, eam ab impugnato-
re non esse refutatam, aut refutari non posse.*

Rixatores itaque ac persecutores prætextu veritatis defen-
dendæ non excusantur. Superior in civitate nemini hoc jus
dare potest, quod lege naturæ tributum ipsi non est; sed
tantummodo impunitatem litigandi inter homines. Nec ubi
hoc facit, recte facit. Neque enim imperia civilia tam ac-
curate exercentur, ut a rectitudine nunquam deflectatur. Sed
de his expressius dicendum in sequentibus, quando de impe-
rio civili acturi sumus.

§. 917.

*An veritas
vi defen-
di possit.*

Veritas vi externa defendi nequit, nec defendenda est.
Qui enim veritatem defendere vult, is demonstrare tene-
tur, eandem ab impugnatore non fuisse refutatam, quem-
admodum sibi persuadet, aut aliis persuadere vult (§. 1058.
1018. *Log.*), consequenter cum certum sit, quod demon-
stratur (§. 568. *Log.*), tam impugnatorem, quam alios
convincere vult, quod adversus veritatem nil valeant, quæ
impugnator in medium protulit (§. 982. *Log.*), seu quod
is non ostenderit falsum esse, quod pro vero recte habetur.
Quamobrem cum in demonstrando nulli usui sit vis externa,
ut alter convincatur (§. 991. *Log.*); veritas quoque vi ex-
terna defendi nequit.

Quoni.

Quoniam vi externa defendi nequit veritas, *per demonstrata*, lex autem naturæ obligat ad recte agendum (§. 189. *part. 1. Phil. pract. univ.*), nec dat jus nisi ad ea, sine quibus obligationi naturali satisfacere non possumus (§. 159. *part. 1. Phil. pract. univ.*); nobis quoque eadem jus dare nequit ad veritatem vi defendendam, consequenter nec vi eandem defendere licet (§. 170. *part. 1. Phil. pract. univ.*). *Quod est aliterum.*

Absurdum omnino est, veritatem vi externa defendere velle. Qui enim veritatem defendit, non aliud intendere potest ac debet, quam ut alter assensum præbeat veritati. Assensus actus intellectus est, quo judicamus propositionem esse veram, falsam vel probabilem (*not. §. 1003. Log.*). Ecquis vero sibi persuaserit, judicium intellectus vi externa extorqueri posse? Vi externa equidem extorquere potes actum externum a libertate voluntatis pendentem, ast nullum actum internum. Quamobrem id quidem vi efficies, ut quis dicat, verum esse, quod falsum esse putat, consequenter ut moraliter falsum loquatur (§. 152. *part. 3. Jur. nat.*), nunquam vero efficies, ut veritatem agnoscat eidemque victas det manus. Alia vero quæstio est, an in civitate tolerandum sit, ut errores præsertim nocui disseminentur, & num vis externa licita sit in eos, qui disseminant. Sed de hac agendum erit suo loco.

§. 918.

Bellum literarium dicitur, quando duo eruditi vel plu- *Bellum literarium quid sit.*
res de veritate, vel fallitate alicujus propositionis inter se
disceptant. Quoniam eruditi conjunctis viribus rerum cognitionem ac scientiam promovere debent (§. 863.); si
disceptetur eo fine, ut veritas in aprium producat, ac ita
disceptetur, ut veritas tandem pateat, aut ad eam propior fiat
aditus, bellum literarium illicitum non est.

Quomo-

Quomodo gerendum sit bellum literarium, ut finis iste obtineri possit, per antecedentia ac ea, quæ in Logica demonstrata ibidem supponuntur, facile patet, ut adeo de jure in bello literario plura demonstrari non sit opus. Quemadmodum vero miles, qui in bello munere suo rite fungi debet, non destitui debet armis ac habitu ea tractandi; ita quoque qui in bello literario militat, & sufficiente rerum cognitione instructus esse debet, ac Logicæ non modo apprimitus, verum etiam pollere habitu regulis ejusdem rite ac dextre utendi. Sunt enim regulæ istæ arma eruditi & rerum cognitio tenet vicem rerum ad usum armorum necessariorum habitus vero regulas logicas rite ac dextre in tractandis controuersis applicandi respondet habitui arma recte tractandi. Quemadmodum vero in bello plurimum peccatur, nec in ea religione geritur, qua geri debebat; ita quoque bellum literarium non una labe inficitur, ut omnia permissa putentur quæ unicuique placuerint. Nullus tamen dubito fore, ut qui bellum literarium gerere voluerint, agnoscant, quid veritati ac sibi invicem debeant, si ea didicerint, quæ de officii ac jure eruditorum demonstravimus, ac diligentiam suam in officiis istis consequendis ac jure suo rite exercendo desiderari non patiantur.

Finis Partis VI Juris Naturæ.



CONSPI

CONSPECTUS

PARTIS VI.

JURIS NATURÆ

CAPUT I.

De Dominio utili & ejus speciebus quibusdam, P. 1.

CAPUT II.

De Feudo, 117.

CAPUT III.

De Interpretatione, 318.

CAPUT IV.

De Jure ex communione primæva residuo, & jure necessitatis in genere, 413.

CAPUT V.

De Officiis erga mortuos & Jure sepulturæ, 551

CAPUT VI.

De nondum natis & Officiis erga posteros, 650.

CAPUT VII.

De officiis & Jure Eruditorum, 858

FINIS CONSPECTUS.

(*Wolfii Jur. Nat. Pars VI.*)

Bb bb b

INDEX

I N D E X

VERBORUM ET RERUM PRÆCIPU- ARUM, IN QUO NUMERI PARAGRA- PHOS DENOTANT.

A.	L
Abdandung,	<u>793</u>
<i>Absurdum</i> num in interpretando vitan- dum, 483. <u>484.</u>	
<i>Accidentalibus contractibus</i> quænam dicantur, <u>u. 163.</u>	
<i>Accidentalibus feudis</i> quænam dicantur, 163	
<i>Actus irritos</i> quæ faciunt num sint odiosa, <u>498.</u>	
<i>Advocati,</i> 872.	
<i>Ædes superficiarias.</i> Definitio, <u>131.</u> an novas extruere liceat, veteribus <u>col. lapsis,</u> vel conflagratis, <u>132.</u> qua lege alienentur, <u>138.</u> an locari possint, <u>141.</u> an alienari, <u>143.</u> num in alienatione laudemium præstandum, <u>144.</u>	
<i>Ædes superficiarie,</i> in quibus dominum utile conceditur, quando fiant pleno jure domini soli, <u>139.</u>	
<i>Ædes vicinas</i> num levissime incendio destrui liceat, 677	
<i>Ædes vicine,</i> una domo incendii causa diruta, quando a contributione liberentur, <u>681.</u>	
<i>Æstimatio rerum</i> in contributione objectum, <u>628. 634.</u>	
<i>After Lehn,</i> 300.	
<i>Ufiter Lehnmann,</i> <u>300.</u>	
<i>Aggressoris res</i> num perdere liceat, 620.	
<i>Alienatio feudis</i> quomodo licite fiat, <u>169 & seq.</u>	
<i>Allodium.</i> Definitio, 19	
<i>Allodial-Gut,</i> 19	
<i>Amor alterius</i> num morte ejus extinguatur, <u>73.</u>	
<i>Amor universalis hominum</i> quamdiu duret, <u>737.</u> ad posterum extensus, <u>85.</u>	
<i>Amoris signa</i> num erga mortuos edentur, <u>738.</u> num in removendo corpore mortui e conspectu nostro edentur, <u>73.</u>	
<i>Amphibolia.</i> Definitio, <u>480.</u> quænam in interpretatione de ea notanda, 48 si aliquoties in pacto occurrant, <u>48.</u> si obscuritatem parit, quinam signi catus præferendus, <u>48.</u>	
<i>Anatomia.</i> Definitio, <u>819.</u> usus, 82	
<i>Anatomia cadaverum humanorum</i> num licita, <u>82.</u>	
<i>Animus bonum bono referendi</i> qualis, <u>72.</u>	
<i>Apprehensio rei feudalis,</i> <u>216.</u> quam ipsi contractui insit, 21	
<i>Arbores</i> in gratiam posterorum plantæ, 8.	
<i>Armorum alienorum</i> usus, <u>6.</u>	
<i>Armamenta navis</i> periculi communitati vitandi causa dejecta, vel cæsa non requirant contributionem, <u>61.</u>	

Index verborum & rerum precipuarum.

Artes ad posteros num propagandæ,
852. num generi humano utiles reticere liceat, 852.

Artes liberales. Definitio, 871.
manuaria. Definitio, 871.
mixta. Definitio, 871.

Artium divisio. 871.

Avaria. Definitio, 671.

Avaria communis. Definitio, 671.

Avaria magna, five grossa. Definitio, 671.

Aussagung des Lehns, 407.

Auständigung des Lehns, 407.

Auxilium quando uni ferre liceat cum discrimine alterius, 594.

B.

Belehnung, 219.

Bellum literarium quid sit, 918.

quænam ejus justa causa, 918.

Benefactoribus mortuis num gratias agere debeamus, 723.

Boden-Zins, 124.

Boden-Zinemann, 120.

Bonum bono referri num in aliis alicui possit, 716. 717. num ad hoc faciendum obligemur, 718. 719.

Bonum censiticum. Definitio, 110. quomodo liberum evadat, 116.

Bonum emphyteuticum. Definitio, 13. num in feudari possit, 299.

Breve testatum. Definitio, 226.

C.

Cadavera humana num cremare liceat, 764. num cremare & sepelire perinde sit, 762. num absque omni so-

lennitate ad sepulchrum deferenda,

757. num sepelienda, anatomia ab-

soluta, 829. num eorundem anatomi-

mia *honori* humanitatis repugnet,

828.

Canon. Definitio, 14. num præteritus

a novo superficiario sit solvendus,

145. de superficie non soluti pœna,

152. num subemphyteuticatione fa-

cta solvendus, 93.

Canon emphyteuticus. Definitio, 14.

quomodo determinetur, 16. quate-

nus solvi possit, 17. num fructibus re-

spondere possit, 21. si respondeat,

quid tum præsumendum, 21. in quo

consistat, 19. an augeri possit ob me-

liorationem, 18. num diminuendus.

ob partialem interitum, 77. an remit-

tendus ob utilitatem cessantem, 22.

quando remittendus & non remitten-

das, 23. quando solvendus, 20. qua-

li jure exigatur, 24. an non solu-

tus ab alio possessore exigi possit, 25.

an ob solutionem neglectam, vel de-

tractatam emphyteutis amittatur, 20.

Canon in feudo censuali non solutus num

fit feloniam, 440.

Casus a lege prohibitiva quinam excep-

ptus, 572.

Casus emergens, qui non satis convenit

cum officiis humanitatis, vel erga se-

ipsum, num excipiendus in pactis,

538. qui pugnat cum voluntate ob

rationem naturalem, num in pactis

& promissis excipiendus, 536.

Casus

Bb bb b 2

Index verborum & rerum precipuarum.

- Casus necessitatis* quando lege exceptus, 570.
- Cavillationibus* num sit locus in pactis & promissis interpretandis, 477.
- Cenotaphium*. Definitio, 791. 749. ubi & quando extrui possit, 792. 793. cui nam extruendum, 796.
- Censualis*. Definitio, 110. quale habeat dominium, 111.
- Census*. Definitio, 108. in quonam consistat, 113. quomodo determinandus, 114.
- Census constitutus*. Definitio, 108. reservatus. Definitio, 108.
- Ceremonia funebres*. Definitio, 794. earum usus, 794. quotuplices esse possint, 801. quales esse debeant, 802. num naturaliter liceat, 804.
- Ceremonia funebres universales*. Definitio, 803.
- Ceremonia funebres singulares*. Definitio, 803. ubi nam habeant locum, 806.
- Cibaria consumendi causa navi impasta* num propter jactum in contributionem veniant, 645.
- Clausula pactis* quoad interpretationem adjicienda, 475.
- Cimetorium*. Definitio, 773. num detur in statu naturali 775.
- Cognitio rerum* conjunctis viribus promovenda, 863.
- Cognitionis rerum utilitas* quotuplex, 869.
- Collisio eorum*, ad quas quis aequaliter obligatur, 547.
- Commendare* num liceat eum, de cujus aptitudine nobis non constat, 886.
- Commotio primæva* num locum faciat iuri necessitatis, 887.
- Computatio* ejus, quod contribuendum propter jactum, quid supponat, 648.
- Concionatores*, 872.
- Concordia inferiorum & superiorum textus* quamdiu observanda in interpretatione, 488.
- Conditionem accipere* quinam dicatur, 559.
- Conditionem offerre* quinam dicatur, 559.
- Conditionem offerentis, an accipientis verba* num in interpretatione magis attendenda, 560.
- Consilarii*, 872.
- Contractus* substantialia, naturalia & accidentalia quomodo differant, 163.
- Contractus censuales*. Definitio, 118.
- Contractus emphyteuticus*. Definitio, 16. an cum novo emphyteuta renovandus, 33. num renovandus mutato domino emphyteuseos, 41.
- Contractus feudalis*. Definitio, 171. objectum, 173. quando contineat traditionem & apprehensionem rei feudalis, 217. cur renovandus, 222. num cum vasallo novo renovandus, 209. num renovandus mutato domino, 240. 243. num immutari possit in renovatione, 242. quando mutato domino renovatione non fit opus, 243.
- Constructus libellarius*. Definitio, 98.

CONTRA.

Index verborum & rerum precipuarum.

Contractus subemphyteuticus qualis esse debeat, [90.](#) quatenus subsistat, [91.](#) quando rocus nullus, [92.](#)

Contractus subfeudalis, seu *subinfeudationis*. Definitio, [305.](#) quænam in eo substantialibus superaddi possint, [308.](#)

Contractus superficiarius. Definitio, [128.](#)

Contributio ob ædes incendio sæviente destructas, [677](#) & seqq.

Contributio ob jactum naufragii evitandi causa factum a quibusnam & quomodo fieri debeat, [627](#) & seqq. quomodo dividitur inter eos, quorum res e navi ejectæ, [650.](#) quomodo computanda, si res quædam per jactum deterioratæ, [652.](#) [653.](#) num facienda ob armamenta navis dejecta, vel cæsa [665.](#) an si navis a piratis redempta, [667.](#) [668.](#) & si quis suas saltem res redemit, aut piratæ unius, vel alterius res abstulerint, [667.](#) quando cesset [663](#) & seqq.

Contributio ob transitum mercibus concessum, [691.](#)

Conventio num intelligatur rebus sic stantibus, [535.](#)

Cultus divini interni obligatio in furioso & mente capto suspensa, [580.](#)

D.

Damnum *communis periculi depellendi causa datum*, re aliena perditæ, quomodo dividendum, [622.](#)

Damnum casu in navi datum ad quem pertineat, [666.](#)

Damnum culpa nauta datum ad quem pertineat, [669.](#) [670.](#)

Damnum destructione ædium vicinarum datum, incendio sæviente, a quonam resarciendum, [677.](#) [678.](#) quando non resarciendum, [679.](#)

Damnum jactu datum quando ad magistrum navis pertineat, [664.](#) cuiusnam sit, si res quædam deteriorescentur, [651.](#)

Debitor defuncti cuiusnam fiat debitor a morte ipsius, [714.](#)

Debitum quando morte debitoris tollatur, [713.](#)

Defensor veritatis quinam sit, [915.](#)

Defuncti memoria quando conservanda, [781.](#)

Denunciatio quando in alienatione emphyteuseos necessaria, [64.](#) quando sit fraudulenta, [65.](#) an ob eam emphyteusis amittatur, [66.](#) quid juris domino tum competat, [66.](#)

Deus ex structura corporis humani cognoscendus, [822.](#)

Didascali, [872.](#)

Dominii translatio in eventum mortis, [705.](#)

Dominiorum restrictio, quæ inest introductioni eorundem, [562.](#)

Dominium num amittatur a moriente, [701.](#)

Dominium directum. Definitio, [3.](#) quomodo constituitur, [10.](#) quomodo acquiritur, [11.](#) quando ab utili separabile, quando non, [257.](#) quo effectu ad utile accedat in *emphyteusi*, [61.](#)

Bb bb b 3 quomo-

Index verborum & rerum præcipuarum.

- quomodo differat a dominio emphyteuseos, n. 61. num sine consensu emphyteutæ transferri possit, 42. quomodo in feudo oblato restringi possit, 236. quomodo actu restringatur, 237. num in feudo alienari possit sine consensu vasalli, 258. quando alienatio invalida, 239. num usucapi & præscribi possit, 425. num amittatur per feloniam, 452. quomodo fiat commune in feudo, 293.
- Dominium utile.** Definitio, 1. quomodo constituatur, 10. quomodo acquiritur, 11. num in feudo præscribi & usucapi possit, 425. num sit cum jure possidendi conjunctum, 214. num in subinfeudatione totum transferatur, 314.
- Dominium utile** in ædibus superficiariis concessum, 139.
- Dominus census.** Definitio, 110.
- Dominus directus.** Definitio, 4. jus, 4. num sine consensu vasalli jus suum alienare possit, 238.
- Dominus emphyteuseos.** Definitio, 13. jus ejus quoad proprietatem unde metiendum, 27. quale jus ad rem emphyteuticam habeat, 56. quando fiat pleno jure dominus, 55. quando jus emphyteutæ auferre possit, 72. quodnam habeat jus, si res deterioretur, 71. num habeat jus protimiseos, si emphyteusis alienetur, 58. num si habet, idem alii cedere possit, 67. num ad oppignorationem requiratur ejus consensus, 84. quò effectu consentiat in oppignorationem juris, quoniam in oppignorationem rei emphyteuticæ, 83. an consensus in oppignorationem officiat juri protimiseos, 79. cujusnam sit ejus jus, si sine succellore moriatur, 62. & quomodo tum hoc acquiratur, 63. quod ab emphyteuta pro domino superiori recognoscendus, 32.
- Dominus feudi.** Definitio, 158. quale jus habeat in re feudali, 160. ad quam vasallo præstanda obligetur, 179. unde ejus jus & obligatio metienda, 172. an vasallo ad fidelitatem præstandam obligetur, 247. quomodo de rei feudalis substantia disponere possit, 343. quodnam sit ejus jus, si res feudalis deterioretur, 339. an feudo alienato jus protimiseos habeat, 396. an rei feudali servitutem imponere possit, 344. an consensus ejus requiratur ad subinfeudationem, 309. 318. num adversus vasallum præscribere possit, 428. quænam sit ejus obligatio in feudo de cavena, 265. item in feudo soldatæ, 269. & quamdiu hæc duret, 271.
- Dominus feudi notus** an vasallum compellere possit ad contractum feudalem renovandum, 241.
- Dominus feudi pignoratitii** si non solvat, quomodo satisfaciendum vasallo, 167.

Domi-

Index verborum & rerum precipuarum.

Dominus fundi, sive soli. Definitio, 120. unde jus ejus metiendum, 129.

Dominus juris libellarii. Definitio, 110. quale jus habeat, 182.

Dominus subfeudi. Definitio, 300. unde jus & obligatio ejus metienda, 306.

Dominus utilis. Definitio, 2. jus ejus, 2.

Domus incendit causa diruta, quæ jam ardet, 680.

Dubia quando proponere licitum erudit, 709.

E. Igenthümlich Gut, 192.

Emphyteusis. Definitio, 12. quot modis concedi possit, 29. quale sit jus, 43. qua lege alienetur, vel transmitatur, 50. num alienari possit sine consensu personarum, pro quibus constituta, 47. 48. num amittatur, si sine consensu domini alienetur, 31. num amittatur ob canonem non solum, 20. an ob rei emphyteuticæ deteriorationem, 71. 72. quando extinguatur, 60. 61. 46. an interitu rei extinguatur, 76. num domino remitti possit invito, 59. ea finita quid fiat, 55. an consolidatio fiat, 57.

Emphyteusos alienatio quando nulla, 30. 31. quando valida, ibid. quando domino denuncianda, 64. quando facta sub clausula, *salvo consensu domini*, 63. an hæc clausula a pena committi liberet, 69. quando denunciatio sit fraudulenta, 65. quinam hujus effectus, 46.

Emphyteusos remissio quomodo fiat, 59. quid operetur, 60. num ea facta consolidatio fiat, 60.

Emphyteusis ad certas personas restricta quando extinguatur, 45.

Emphyteusis perpetua si alienetur, 52.

Emphyteusis temporaria ad quod tempus alienari possit, 51. quando extinguatur, 44.

Emphyteuta. Definitio, 13. quale jus habeat quoad proprietatem rei emphyteuticæ, 27. quale in ea alienanda, 28. 30. 31. quale in re immutanda, 28. num rei emphyteuticæ servitutem imponere possit, 59. an sine consensu domini eandem oppignorare, 78. an in gratiam domini remittere, 59. an canonem solvere teneatur subemphyteuticatione facta, 93. an rem deteriorare ipsi sit permillum, 70. quod dominium superius recognoscere teneatur, 32.

Emphyteuta novus an laudemium solvere obligetur, 37.

Emphyteuta mortuo ante tempus, ad quod emphyteusis concessa, quid sit juris, 49.

Emphyteuticatio. Definitio, 87.

Epiaphium. Definitio, 747. 796. cur monumentis sepulchralibus & cenotaphiis addenda, 796.

Erbgur, 192.

Erb:hn, 12.

Erbzinegur, 13.

Erbzinemann, 13.

Erb,

Index verborum & rerum precipuarum.

Erbyinarecti, 12.
Erudit. Definitio, 858. eorum ordi-
 nes, 859. vitæ genera 873. quales fi-
 nes intendere debeant, 870. quorum-
 nam sit verum a falso separare, 899.
 quinam disciplinas ad certitudinem
 evahere debeant, 899. num cogi pos-
 sint ad aliorum sententiam ample-
 ctendam, si contrarium ipsi videatur,
 913. num virtutem colere debeant,
 878. an gravius peccent, si defuncti of-
 ficiis naturalibus, 883. num ipsi li-
 ceat per contemptum aliorum ad fa-
 mam contendere, 895. num famæ
 ac laudi aliorum eruditorum detrahe-
 re, 893. de quibusnam rebus judici-
 um sibi sumere debeant, 900. num li-
 ceat iisdem dubia sua adversus sen-
 tentiam aliorum proponere, 907.
Eruditorum jus circa hypothesen, 908.
 ad laudem, 889. ad famam defenden-
 dam, 894. ad veritatem defenden-
 dam, 914. quibusnam competat,
 916. ad refutandum errores, 901.
 quibus competat, 902. ad ambien-
 dum munus, 884. ad petendum com-
 mendationem ab alio, 885.
Eruditi obligatio quanta sit, 878: ad per-
 sciendam voluntatem, 879. ad bo-
 num exemplum præbendum, 882.
 ad juvandum alios in veritate cognos-
 cenda, vel detegenda, 864. ad locum
 aliquem in aliquo ordine obtinen-
 dum, 860. ad non subsistendum in
 eodem gradu, 261. 862.

Eruditi officium quoad usum facultatum
 cognoscendi, 875. quoad intellectum
 in specie, 876. quoad appetitum, 877.
 quoad voluntatem in specie, 879. in
 rerum cognitione & scientia promo-
 venda, 863. 864. si ignoret, quid ad
 scientias amplificandas, vel propagan-
 das conferre debeat, 867. in refutau-
 do, 903. & seqq.
Eruditorum officium, qui certum vitæ
 genus sequuntur, 873
Eruditi infimi ordinis, vulgares, triviales
 quinam sint, 859.
Eruditi mediæ sive secundi ordinis qui-
 nam sint, 859
Eruditi primi ordinis quinam sint, 859.
Eruditorum superioris ordinis officium
 in consilio dando iis, qui sunt inferi-
 oris, 865.
Etymologia. Definitio, 472.
Etymologi officium, 472
Exceptio quænam in omni officio erga
 alios, 575. quando in pactis & legi-
 bus facienda, 539. ob necessitatem
 inevitabilem ac irresistibilem a lege
 facienda, 566. ob impedimentum in-
 evitabile, sed resistibile non facienda,
 569. quando fieri possit per conven-
 tionem, 553. 554. num pactis adji-
 ci possit, 555. num sorti committi, 556.
Exceptiones in legum collisione faciende
 quale sint jus, 565
**Exceptionum in collisione pactorum faci-
 endarum regula generalis**, 557. an
 speciales præferendæ, 558.
 Exce.

Index verborum & rerum præcipuarum.

Exceptio tacita legum præceptivarum, 567.

Exequie. Definitio, 748. num mortuis debeantur, 756. num invitati eas • comitari debeant, 755. an hic comitatus ad funus pertineat, 758.

Exeromania quale vitium, n.897

Exteriorum eruditorum laudes extollere num liceat cum contemptu conterraneorum, 897.

F.

F*actorum differentia* respectu aliorum, 789.

Factorum defuncti memoria quamnam conservanda, 780.

Facta mortuorum famæ ipsorum adversa num propalare liceat, 726.

Factum illustre. Definitio, 702. quamnam laudem pariat, 702. cujusnam sit usus, 783. num unum altero præstet, 787. quod post obitum commemorandum, 784. ejus etiam memoria conservanda, 785-788.

Fama eruditi num detrahere liceat alteri, 893.

Famam per contemptum aliorum num acquirere licitum erudito, 895.

Famæ atrocitas num det jus alterum occidendi in summa cibi penuria, 587.

Favorabile quid dicatur, 494. quid sit in pactis, 495.

Felicitatis posterorum cura præcepta, 856.

Felentia. Definitio, 434. quot modis committatur, 435-436. a quonam committi possit, 437. in quo consistat, 438-439 & seqq. quomodo (*Wolffii Jur. Nat. Pars VI.*)

contra fidelitatem committatur, 443 & seqq. 443. & seqq. quomodo in non recognoscendo dominio directo, 451. in eodem alienando, 450. in subinfeudando, 449. num remitti possit, 453. num a patre commissa noceat filio, 456. num a vasallo commissa imputari possit ceteris, ad quos feudum certo ordine devolvi potest, 454. an noceat successor, si propter eam feudum amittatur, 455.

Feudum. Definitio, 155. ejus substantialia, 161. naturalia, 162. accidentalia, 163. quinam constituere possit, 165. an a non domino facta constitutio sit valida, 252. quomodo constituantur, 170. quot modis constituantur, 175. pro quibus personis constitui possit, 176. ad quodnam tempus, 177. num cum onere in gratiam tertii adjecto, 183. in quibusnam rebus constitui possit, 259. & seqq. num in re aliena, 251. an in re communi, 255. an in re communi, 255. an in rei communis parte indivisa, 256. an in jure, quod quis habet in re communi, 261. & quo effectu hoc fiat, si res communis postea dividatur, 262. num ignorant in re propria, 253. an & scienti, 254. an in jure percipiendi proventus metallicos, 260. num revocabiliter constitui possit, 180. num pure vel sub certa conditione revocabile, 181. num ejus qualitas ante constitutionem definiri possit, 225. quampriimum id acquiratur, 212, 213. num
Cc cc c com-

Index verborum & rerum præcipuarum.

committatur, contractu feudali non renovato, 211. num alienando species mutari possit, 206. num amittatur per feloniam, 450. num per eam finiri possit, 457. num extinguatur cessante præstatione conventa, 248. quando præscriptione extinguatur, 429. num finiatur rei feudalis interitu, 422. 423. quando morte vasalli finiatur, 419. num amittat qualitatem feudalem, domino directo sine hærede mortuo, 334. 335. eo finito quale jus competat domino, 326. num morte vasalli finitum revertatur ad dominum, 420.

Feudi alienatio num sine consensu domini fieri possit, 197. an sine consensu eorum, qui succedendi aliquam spem habent, 394. qua lege fiat, 202.

Feudi constitutio lucrativa, vel onerosa, 174.

Feudi promissio quo effectu fiat, 223. quale sit constituendum, acceptata ejus promissione, 224.

Feudi restitutio. Definitio, 407. quando refutetur domino, quando tertio, 407. si refutetur successori, 413. si remotiori, 412. si successor, cui refutatur, ante refutantem vasallum moriatur, 416. in gratiam extranei facta quid sit, 414. 415. quando domino fieri possit, 408. quando non, 409. 410.

Feudi revocatio ab eo facta, qui jus promissæ habet, 400. an fieri possit, vivo alienatore, 401. num ab eo, qui in alienationem consensit, 392. num & filio, si pater in alienationem consensit,

393. an ab eodem, si feudum a patre alienatum, 380. an si feudum sine ullius consensu alienabile, 375. an a remotiori, si proximior non revocat, 380. 389. an si domino refutetur, 411. remotiori refutatum quando revocari possit, 412. an possit revocari, si sine consensu successorum alienatum, 377. an si per feloniam amissum, 458. an si sine consensu eorum alienatum, ad quos devolvi poterat, 378. an si alienatum in remotiorem,

379.

Feudum revocans quid probare debeat, 385. num pretium restituere debeat emtori, 381. 382. an qui non revocat, quia possessori id relictum vult, potestatem revocandi sibi adimat, 390.

Feudum ab alio recognoscendum, quam a constituyente, 249.

Feudi apertura. Definitio, 329. quale per eam jus acquirat dominus, 330.

Feudum apertura proximum. Definitio, 331. quando fiat, 331. an alienari possit, 332. 376. an alienatum revocari, 376. an dominus pati teneatur, ut alienetur, 333. num oppignorari possit, 358.

Feudum antiquum. Definitio, 188.

Feudum de cavena. Definitio, 264. num constitui possit, 264. quo fundamento nitatur constitutio, 263. quænam in eodem sit domini obligatio & jus vasalli, 265. ad quænam res naturaliter extendi possit, 266. an subsistat, mortuo domino, 267.

Feudum

Index verborum & rerum præcipuarum.

- Feudum censuale*, seu *pensionarium*. Definitio, 184
- Feudum commune* quomodo constituitur, 292
- Feudum datum*. Definitio, 166
- Feudum emptum*. Definitio, 189
- Feudum semiteneum*. Definitio, 190. alienatio ejus, 205
- Feudum francum*. Definitio, 185
- Feudum habitationis*. Definitio, 274. num sit juris naturæ, 274. quodnam ejus fundamentum, 273
- Feudum ligium*. Definitio, 187.
- Feudum non ligium*. Definitio, 187.
- Feudum masculinum*. Definitio, 190. ejus alienatio, 205.
- Feudum mixtum*. Definitio, 190. ejus alienatio, 205.
- Feudum novum*. Definitio, 188.
- Feudum oblatum*. Definitio, 168. quomodo res in feudum offeratur, 167. quænam naturalia & accidentalia eidem adjicienda, 169
- Feudum pecunie*. Definitio, 281. quale sit feudum, 281. an datum & oblatum esse possit, 282. quomodo constituitur, 283.
- Feudum perpetuum* quo effectu alienetur, 204. si simpliciter constitutum, pro quibus personis constitutum intelligatur, 208. quando exinguatur, 208.
- Feudum pignoratitium*. Definitio, 191. ejus finis, 191. an sit juris naturalis, 191. quando finiatur, 365. & quonam effectu, 366. quando non alienabile, 368. 369. inalienabile quando lui possit, 368. quando idem cedi domino non solvente, 370. an bonis ceteris vasalli accenseatur, 371. quonam in eo succedat, 372
- Feudum precarium* quando finiatur, 418. quando revocari possit, 374
- Feudum repudiatum* ad quem devolvatur, 387
- Feudi revocabilis* alienatio, 207.
- Feudum Soldate*. Definitio, 268. ad quasnam res extendi possit, 268. quænam sit domini obligatio & quodnam jus vasalli in eodem, 269. quænam res in eo præstandæ, 270. in quo constituitur, 272
- Feudum sub conditione concessum* quando finiatur, 424.
- Feudum temporarium* quando finiatur, 421. in quem transferatur vasallo ante tempus mortuo, 201. ad quodnam tempus alienari possit, 263
- Fidelis* quonam dicatur in jure feudali, 154.
- Fidelitas* quid significet in jure feudali, 154. quomodo præstanda determinentur, 244. an jurato promitti debeant, 221. 222. quænam a domino præstanda vasallo, 246. quomodo contra eam feloniam committatur, 438. 443.
- Finis* ab eruditis intendendus, 868. qualis recte intendatur, 870.
- Fetus in utero* num dominium acquirere possit, 832. si ei quid detur & tibi tradatur, 839. quo effectu juris hoc fiat, 840
- in *Fraudem legis vel possi facere* quid signi-

Index verborum & rerum precipuarum.

significet, 521. an quæ sunt, fieri
voluerit legislator, 522. an fiant con-
tra legem, vel pactum, 523
Fraus legi vel pacto quomodo fiat, 521.
an licite fiat, 524. quomodo facien-
da reprimatur, 525
Freylehn, 185
Fructus rei feudalis num oppignorari
possint, 360. quam qualiter habent
percepti, 320. ad quem eorum
periculum pertineat, 321
Fundi immutatio quando vasallo non li-
cita, 341
Fundi emphyteutici immutatio quando
licita, 73
Fructuum periculum in emphyteusi ad
quem pertineat, 74. ad quem in feu-
do, 321
Fusus. Definitio, 748
Fusus imaginarius. Definitio, 749.
Fusus legitimus. Definitio, 749.
Furtum num committatur auferendo
domino res necessarias in extrema
necessitate, 596

G.

Gratia quomodo mortuis agatur, 722.
quomodo rependatur in aliis, 724.
Gratus animus in mortuos præceptus,
721. eius in defunctum, qui in bo-
nis ipsius succedit, 742
Grund-Eigentum, 3.
Grund-Zerr, 120.
Grund Recht, 120.
Grund-Zinse, 124

H.

Habitatio sede expulsi quando conce-
denda, 693. quale sit jus, 698

Haverey, 671.
Historicus, 858
Homines num nudi sepeliendi, 810.
Hominum vivorum sectio num licita, 827
Homonymia. *D. finitio*, 480. quænam
in interpretatione de eadem notanda,
480. si in textu aliquoties occurrat,
481. si obscuritatem parit, quinam si-
gnificatus præferendus, 482
Honestum magis num minori præferen-
dum, 550.
Honor quomodo mortuis deferatur,
725. quod sit deferendus, 753. quod
deferatur cõmitatu exequiarum, 754.
Honor humanitatis. Definitio, 759. in
quo consistat, 759. an unicuique de-
beatur, 760. an mortuis deferendus
in modo, quo eorum cadavera remo-
ventur, 761.
Hortus in solo alieno habendus, 148.
Humatio mortui. Definitio, 744. num
sit juris naturæ, 765. 766. num mor-
tuis debeatur, 767.

I.

Iactus verum evitandi naufragii causa
num licitus, 625. quando necessitas
eius adesse putetur, 626. si navis serva-
ri non possit, quid sit juris, 657. 658.
si servata postea intreat, 659. 660.
Iactus lascivus. Definitio, 662.
meticulosus. Definitio, 662.
non pure necessarius. Definitio, 662
temerarius. Definitio, 662
Ictus, 858
Impense solius navis causa factæ, cujus-
nam sint, 673. in merces, quæ sunt
in navi, factæ ad quem pertineant,
672.

Index verborum & rerum precipuarum.

672. in recuperationem rerum factarum factæ num exigant contributionem, **656.** in curationem vulnerati in conflictu cum piratis, aut in ministerio navis factæ, **674.**
Impedimentum inevitabile, sed resistibile num faciat exceptionem a lege, **569.**
Inæqualitas num in pactis odiosa, **496.**
Insudare quinam non possit, **297.**
Insudatio. Definitio, **156.** quomodo fiat, **156.**
Inimicos mortuos num amare debeamus, **740.**
Instrumentorum alienorum in restinguendo incendio usus, **616.**
Interpres verborum suorum num quis in pactis & promissis esse possit, **461.** quando quis esse possit, **462.**
Interpretatio. Definitio, **459.** cure a sit opus, **460.** num certas regulas requiratur, **464.** quænam rejicienda, **483.** **485.** quomodo ex non prævisis facienda, **515.** quomodo ex iis, quæ sunt origine conjuncta, **487.** quomodo in favorabilibus, **500.** quomodo in iis, quæ unam tantum partem onerant, vel plus onerant altera, **507.** quomodo in iis, quæ penam continent, **508.** & quæ actus irritos faciunt, vel de prioribus quid immutant, **510.**
Interpretationis regula generalis, **512.**
Interpretatio extensiva. Definitio, **516.** quidnam ejus causa investigandum, **517.** quid faciendum, si plures sint rationes voluntatem moventes, **518.** quomodo ratio in ea spectanda, **519.** quomodo facienda, **520.**
Interpretatio recta quænam sit, **465.**

Interpretatio respectiva num habeat locum, si rationem secundum potentiam moraliter consideratam sub se comprehendit, **552.**
Interpretatio restrictiva quomodo facienda ob utilitatem, vel æquitatem, **505.**
Interpretatio restrictiva. Definitio, **526.** quando locum habeat, **527-528** quomodo facienda, **529.** & seqq.
Inventores. Definitio, **859.**
Investitura. Definitio, **219.** num naturaliter requiratur ad feudum, **220.**
Investitura abusiva quænam dicatur, **n.** **219.**
propria quænam dicatur, *ibid.*
Iter quando jure superficiario comprehendatur, **142.**
Judices, **872.**
Jus in a moriente amittitur, **700.** in quem amissum transmittitur, **710.** quando idem non extinguatur, **709.** an transferri possit in eventum mortis, **705.** quando sic translatum in alium transmittatur, **708.** num transferri possit in nondum natos, **833.** quomodo intelligendum sit, si quis se jus in eum transferre dicat, **834.** quodnam competat in eum, qui antea nonam incendit, **618.** in aquam profluentem, proprio facto *flumine*, **688.** quale sit eorum, qui in eandem scapham in naufragio insiliunt, **588** & seqq.
Jus ad bona defuncti cuiusnam competat, **712.**
Jus ad rem num per mortem amittitur, **704.**

C c c c 3

Jus

Index verborum & rerum precipuarum.

- Jus a morte alteri debitum* num morte amissum extinguatur, 711
- Jus alienandi* quomodo restringatur, 7.
- Jus censuum.* Definitio, 108. quale sit jus, 109. quamdiu duret, 119. quomodo extinguatur, 118-119. pro quo pretio remittendum, 117
- Jus collatum sibi ac descendantibus suis* quando acquiratur, si vobis simul competere potest, 835.
- Jus commemorandi* in alienis terris, 692. quale sit, 698
- Jus comparandi* sibi res in aliis terris, 694. quale sit, 698.
- Jus commune* quando reviviscat, 600
- Jus commune ad res reviviscens* quale sit, 601
- Jus domini feudi* in genere, 160. ad exigendum renovationem contractus feudalis, 210.
- Jus emphyteuticarium* num oppignorari possit, 84. quomodo ejus oppignoratio differat ab oppignoratione rei, 80. & quernam effectum producat, 81.
- Jus erigendi monumenta & epitaphia,* 797 & seqq.
- Jus eruditi* ad munus ambiendum, 884. ad petendum commendationem ab alio, 885. ad famam defendendum, 894. ad defendendum famam aliorum eruditorum, 898
- Jus ex communione primæva residuum* quodnam dicatur, 561. an detur, 563
- Jus exigendi canonem emphyteuticum* quale sit, 24
- Jus exigendi laudemium* quale sit, 38
- Jus immutandi fundum* quomodo in feudo restringatur 195. quando restringatur utiliter, 8. quando inutiliter, 9.
- Jus in ades vicinas,* læviente incendio, 677.
- Jus in re feudali* quomodo usu capiatur & præscribatur, 426.
- Jus in re libellaria* quale sit, 104
- Jus in reia aliena,* in quæ navis impulsæ, 676
- Jus libellarium.* Definitio, 98. quodnam intervenire debeat, si constituitur, 99. quo effectu remittatur 106. quando extinguatur, 107
- Jus necessitatis.* Definitio, 564. in quo consistat, 564. num detur quoad officia erga Deum, 578. quodnam detur in communione primæva, 602. quam late pateat, 603. quodnam competat, cibariis deficientibus in navigatione vel obsidione 611. 612
- Jus necessitatis* in res aggressoris, 620. in res alienas, 595 & seqq. quousque hoc extendendum, 598. in rem alienam ob commune periculum, 621. in rem se moventem, veluti equum alienum, 614. in arma aliena, 615. in instrumenta aliena, incendio orto, 616. ad res, quæ in navi sunt, 613. in res comparandas, 608. 609. in venditionem frumenti, 617
- Jus necessitatis ex communione primæva residuum* quale sit, 604. quam contineat obligationem, 605. 606.
- Jus personale* num sit transmissibile, 707.
- Jus*

Index verborum & rerum precipuarum.

- Jus pignoris* in re emphyteutica quando extingatur, 85.
- Jus possidendi* num per mortem amittatur, 703. quomodo acquiratur a domino utili & vasallo, 215.
- Jus promissarii* ex recta interpretatione, 466.
- Jus protimiseos* num tollatur consensu in alienationem feudi, 402.405. num competat domino feudi, 396. num agnato, feudo alienato, 395. in quam alienatione locum habeat, 397. quo ordine sit exercendum, feudo alienato, 403.404.
- Jus protimiseos habens* quando feudi alienationem prohibere possit, 399. quando feudum alienatum revocare, 400. num vivo alienatore revocare possit, 401. quamdiu eodem uti possit feudo alienato, 406.
- Jure protimiseos utens*, feudo alienato, quod pretium offerre debeat, 398.
- Jus providentia majorum quasitum*. Definitio, 847.
- Jus sepultura* num detur, 768. quo fundamento nitatur, 769. an omnibus hominibus competat, 770. quale sit jus, 772.
- Jus servitutis emulum* quando a vasallo concedatur, 346.
- Jus succedendi in feudo* num renunciari possit, 417.
- Jus superficiesi*, seu *superficiarium*. Definitio, 120. quomodo constituitur, 121. 126. 127. an gratis constituitur, 123. a quonam constitui possit, 125. quando comprehendat iter, vel viam, 142. quando *extinguatur*, 137. an committi possit, 449. an ad aliam superficiem, quam conventam extendi, 150. num ad res alias extendi possit, 148.
- Jus transmissibile*. Definitio, 706.
- Jus non transmissibile*. Definitio, 706.
- Jus transmittendum morte possidentis in alium* quomodo acquiratur, 836.
- Jus vasalli* in re feudali, 159. in subinfudatione num augeri, vel minui possit, 316.
- Jus vendendi rem alteri*, 696. num in terris alienis alicui competat, 697.
- Jus vindicandi superficiem* num superficiario competat, 146.
- Jus utilitatis innoxie*. Definitio, 675. quod detur, 684. in introductione dominiorum exceptum, 685. quale sit, 687.
- L.
- L** *Acta interpretatio* quando locum habeat, 501.502.
- Laudemium*. Definitio, 34.228. in quam consistat, 35. 229. ejus quantitas quomodo determinetur, 230. quomodo jus ad idem acquiratur, 230. an mutato domino solvendum, 231. quando a novo vasallo solvendum, 232. quando nullum prestandum, 233. quo fine constituitur, 35. jus ad id quomodo determinetur, 36. quando exigendum, 39. 235. an debeat, mutato domino emphyteuseos, 40. an a novo emphyteuta *solvendum*, 37. num a successore in emphyteusi, 53. an si emphy-

Index verborum & rerum precipuarum.

phyteus alienata redit ad alienan-
tem, 54. an alienatis ædibus superfi-
ciariis, 144
Laudis factorum illustrium diversitas, 288
Laudis officium num mortuis debitum,
715. quamdiu debeat, 729
Laud eruditis quænam tribuenda, 888.
num immeritam tribui permitten-
dum, 891. num eidem detrudere li-
ceat, 893. num eandem alteri invi-
dere liceat immeritam, 891
Leges plures quando in eodem pacto
contineantur, 541
Legis positiva collisio in casu emergente
cum lege naturæ, 537
Legum collisio in casu emergente, 539
Legum præceptivarum tacita exceptio,
567
Lehn-Brief, 226
Lehn-Dienst, 186
Lehn-Empfangnis, 219
Lehn-Geld, 34
Lehn-Gut, 157
Lehn-Wahre, 34
Leichen-Beigångnis, 749
Liberi homines num in contributionem
veniant propter jactum, 640
Libertas comparandi sibi res alio æquo
pretio, 695
Libertas naturalis quoad ceremonias
funebres, 805
Libertas philosophandi an sit juris natu-
ræ, 909. quomodo naturaliter re-
stringatur, 911. an erudito unicui-
que concedenda, 910
Literæ investiture. Definitio, 226. an
iis sit opus, 227

Literator, 858
Locarium ministrorum navis num in
contributionem veniat propter jactum,
644
Locarium vectorum num in contributi-
onem veniat propter jactum, 641
Locatio adium superficiarum num per-
missa, 141
Locus inter eruditos ut obtineatur, o-
pera danda, 860. in quonam gra-
du subsistendum, 861. 862
Lucus. Definitio, 815.
Lucus mortuorum an licitus, 816. 817

M.

Magistratus, 872
Magister navis quando damnum ja-
ctu datum resarcire teneatur, 664
Majores quinam sint, 849
Male facta mortuorum num excusanda,
728. quo sine dicere liceat notoria, 727
Malum par si tibi & alteri imminet, quid
faciendum, 574
Medicus, 858. 872
Mehrere Eigenthum, 3
Membrum corporis insanabile num ab-
scindere liceat, 584. 585.
Memoria eorum quæ recte ac bene fecit
defunctus, quod conservanda, 780
Merces in nave quando non veniant in
contributionem, 673
Merces pro re feudali locata solvenda
quam qualitatem habeat, 323
Minder Eigenthum, 1
Mixta ex favorabilibus & odiosis quæ-
nam sint, 499
Munimentum. Definitio, 747. quibus-
nam

Index verborum & rerum præcipuarum.

nam erigendum, 798. 799. jus ad
erigendum num detur, 797
Monumentum sepulchrale. Definitio,
790. an sepulchrum contineat, 790.
cuinam extruendum, 795
Moram & moram nullam habentia si col-
lidantur, 551
Morborum cognitio unde pendeat, 821
Moriens cuinam bene faciat, 741
Mortui ubi sepeliendi, 774. quando in
sepeliuntur, 745. quales iis conve-
niant vestes, 811. an omnibus ex-
dem, 812. an injuriari possint, 732.
num iis injuria fieri possit, 730. num
eorum famæ ac laudi detrahere liceat,
735. an iisdem infamiam adsperge-
re, 731. quomodo gratiæ eis agantur,
722. an eos ignominia afficere liceat,
731. num mandere, 750. 751. num
veste lugere, 818
Mortuos humare num sit juris naturæ,
765
Mortuorum cadavera num cadaveribus
brutorum æquiparare liceat, 734. an
canibus ac feris abjici, 735. num ex
conspetu vivorum removenda, 733.
quando spectanda exponi debeant,
814
Mortuorum imitatio præcepta, 778. in
quibus illicita, 779
Mortuorum vestitus quando ad ceremo-
nias referendus, 813
N.
Nachkommen, n. 849
Natiomania quale vitium, n. 897.
Nationis studium circa gloriam illicitum,
896

(*Wolffii Jur. Nat. Pars VI.*)

Naturalia contractus quænam dicantur,
n. 163.
Naturalia feudi quænam dicantur, 162
Naulum. Definitio, 629. quando non
debeat, 629. an in contributio-
nem veniat propter jactum, 630.
quantum veniat, 632. quando resti-
tuendum, 631. quomodo in contri-
butione spectetur, 633
Navis quando non veniat in contributi-
onem ob damnum, 672
Navis si in retia aliena impellatur, num
ea discindere liceat, 676
Necessitas num liberet a peccato, 568.
quando faciat licitum, quod alias pro-
hibitum, 573. quamnam vim habeat
in jus æquo pretio res sibi compa-
randi ab alio, 610. in jus petendi res
necessarias, vel earum usum, 599
Necessitate cessante quando pretium rei
consumptæ restituendum, 607
Necessitas inevitabilis, cui resisti nequit,
num faciat exceptionem a lege, 566
Necessitas irresistibilis num detur respec-
tu cultus divini interni, 579. num
respectu ejus, quod prohibetur, 571.
quam vim habeat in cultum Dei ex-
ternum, 582
Nexus feudalis. Definitio, 431
Nondum nati num jus habent, 830. an
possint acquirere, 831. an in eos jus
transfieri queat, 833
Nullitas in interpretatione num admit-
tenda, 485
Ungbahr-Eigenthum, n.
O.
Obligatio num morte extinguatur,
Dd dd d 700.

Index verborum & rerum præcipuarum.

- 700, 704.** num detur ad actum internum, externo impedito, **583.** quænam sit ejus, cuius culpa, vel dolo incendium ortum, **681.** qualis contineatur in jure necessitatis quoad res, quæ usu. non consumuntur, **605.** quoad eas, quæ usu consumuntur, **606, 607.**
- Obligatio feudalis.** Definitio, **431.** ratio, **432.** quamdiu duret, **433.**
- Occidere** num liceat alterum ob factis atrocitatem in summa cibi penuria, **587.**
- Odiosa** quænam dicantur, **494.** quomodo interpretanda, **506.**
- Officium erga Deum** num in casu collisionis officio erga se, vel alios præferendum, **576.** qualis sit ejus observantia, **577.**
- Officium erga se, vel alios** num cultui Dei externo præferendum, **581.**
- Officium erga se ipsum** respectu mortuorum, **777.**
- Officium eorum,** qui per se de rebus statuere nequeunt, **866.**
- Officium erga posteros** quoad artes & scientias, **852.** ejus principium generale, **850.**
- Onera** in emphyteusi ad quem pertineant, **75.** ad quem in feudo, **354, 355.**
- Oner** feudo in gratiam tertii adjectum, **183.**
- Oppignoratio fructuum** rei feudalis, **360.**
- Oppignoratio juris** & rei emphyteuticæ quomodo differat, **80.**
- Oppignoratio rei feudalis** num fieri possit absque consensu successorum feudali-um, **359.** si fiat cum consensu domini, sed sine consensu successorum, **361.** **362.** quomodo tunc facta intelligatur, **363.** & quodnam jus inde consequatur creditor, **364.**
- Oratio sinebris.** Definitio, **793.** objectum, **793.** cuius haberi possit, **800.**
- P****acificentes** quomodo loqui teneantur, **467.**
- Pacta** quatenus legibus assimilantur, **540.** quando legi præceptivæ, prohibitivæ, permissivæ æquivalent, **542.** num in iis quilibet verborum suorum interpretari esse possit, **461.**
- Pactorum collisio** in casu emergente inter **6, 539.** cum lege naturæ, **537.** affirmativorum inter se, quando nihil fieri permittit, **552.** eorum cum diversis diverso tempore initis, **546.** jubentis & vetantis, **545.** permittentis & jubentis, **543.** permittentis & vetantis, **544.**
- Pfando Lebn,** **791.**
- Parentatio.** Definitio, **793.**
- Peccari in mortuos** num possit, **730.**
- Pecunia** quando manentem præster utilitatem, **277.** quomodo efficiatur quasi res inconsumibilis, **275.** quasi res, quæ uti frui datur, salva substantia, **278.** quomodo ad infeudandum apta efficiatur, **276.** quomodo infeudetur, **279.**
- Pecunia allodialis** quænam sit, **284.**
- Pecunia feudalis** quænam sit, **284.** an sit feudalis ea, pro qua feudum venditum, **285.** num quæ ad feudum emendum destinata, **287.** num quæ re feudali utendo fruendo acquisita, **324.**
- Pecunia ex feudo reducta,** quando feudum aliud emendum, **288.** quando hereditibus feudaliibus deferatur, **289.**

Index verborum & rerum precipuarum.

an in feudalem converti possit, 390.
Pecunia in navem credita num propter
 jactum in contributionem veniat, 675
Pensiones præmobiles quænam sint, 153
Peregrinus quid in transitu debeat, 699
Periculum quodnam alteri præferendum,
 586. quando vitare liceat cum præ-
 senti discrimine, 593. quando in eo-
 dem alterum destituere, 592
Periculum fructuum ad quem in emphy-
 teusi pertineat, 74. ad quem in feudo,
 321
Physicus, 858
Pignoris jus in re emphyteutica quando
 extinguatur, 85
Plag. & ceter, 120
Piscina in solo alieno habenda, 148
Penna ob non solutam pensionem annu-
 am a superficiario, 152
Pene conventionales num admittant ex-
 culationem in interpretando, 509
Penalia num sint odiosa, 497. quomodo
 interpretanda, 508
Possessio num per mortem amittatur, 702
Posterius quænam sint, 848. quænam tui, 848
Posterorum felicitatis cura præcepta,
 856.
Præscriptio vasalli adversus dominum,
 426. 427. 430. domini adversus vasal-
 lum, 426. 428
Pretium pro remissione juris censitici sol-
 vendum, 117. quodnam intervenire
 debeat in contractu libellario, 99
Principium beurificum de feudi vindica-
 tione, 384
Professores, 872
Progressus continuus ad cognitionem ul-
 teriorem præceptus, 862

Promissa quando non habeant tacitam
 conditionem, si res maneat, quo sunt
 loco, 333. 535. quando habeant, 334
Promissi jurati & non jurati collisio, 548.
Promissa liberalia quando strictè inter-
 pretanda, 511. 513. contra quem in
 iis verba restringenda, 514
Promissi penalis cum alio in casu emer-
 gente collisio, 549.
Promissarius num verba promittentis in-
 terpretari possit, 463.
Promissor num verborum suorum inter-
 pres esse possit, 461.
Proprietas quænam jura contineat, 5.
 quot modis restringi possit, 6. quomo-
 do restringatur ad alium quoad jus ali-
 enandi, 7. quomodo quoad jus immu-
 tandi fundum, 8. 9. quomodo in feu-
 do 193. 194. quomodo in emphy-
 teusi, 26.
Proprietas verborum quando in interpre-
 tatione non attendenda, 484. 486.
Protectio conventa si non præstetur, an sit
 feloniam, 442.

Q.

Quæsi spes acquirendi jus factus in utero
 qualis sit, 837. num ea eidem adimi
 possit, 838. si factus in utero quid de-
 tur, num eidem adimi illa possit, 841.

R.

Rapina num committatur, si domino
 invito vi eripiat res necessaria in
 extrema necessitate, 597.
Ratio eorum, quæ funeris causa sunt, un-
 de desumenda, 763.
Ratio in interpretatione extensiva quo-
 modo spectanda, 519
 Dd d d d 2 Ratio.

Index verborum & rerum præcipuarum.

- Rationi voluntatis* cur interpretatio conformanda, 489. si plures fuerint, quomodo interpretatio faciendæ, 490.
- Res interpretatio* quod jus conferat promissario, 466.
- Refutatoris* finis, 905. a quibusnam is abstinere debeat, 906.
- Refutatio feudi.* Definitio, 407. quænam de eadem tenenda, 408 & seqq.
- Regula generalis* exceptionis faciendæ in collisione pactorum, 557.
- Regula interpretandi* num sint necessaria, 464. quod demonstrandæ, 465.
- Rebtor*, 858.
- Renunciatio* pro nondum natis num expressa esse debeat, 844. an sit valida, 842. num fieri possit salvo jure nondum natis acquirendo, 843. num pro fœtu in utero sit valida, 842.
- Renunciatio juris succedendi* in feudo, 417.
- Repudiatio juris transmissibilis* num noceat nondum natis, 845. an fœtui in utero, 846.
- Rerum universitas* num infeudari possit, 310. num in feudum offerri, 311.
- Res* quando æquo pretio ab invito comparari possit, 608. 619. quando pro re alia, 609. quænam in contributionem veniant ob jactum, 635. quomodo in ea æstimentur, 634. num ad infeudandum offerri possit, 167. num una pluribus in feudum dari, vel offerri possit, 291. quænam ad infeudandum aptæ, 258. quænam infeudari non possint, 258. 294. an possit dari, ut feudum tertio in ea constitutur, 250. quomodo infeudetur ea, in qua dominium utile habemus, 298. quænam præstandæ in feudo soldatæ, 270.
- Res aliena* num ob commune periculum periri possit, 621. quænam electio tum faciendæ, 623. 624.
- Res allodialis.* Definitio, 192. cum feudali permixta num sit feudalis, 286.
- Res communes* adhuc natura num infeudari possint, 295. an rei communis pars infeudari possit, 256.
- Res consumptibilis* quomodo efficiatur quasi inconsumptibilis, 275. quomodo ad infeudandum apta, 276.
- Res dubia* si fuerint, quid faciendum, 866.
- Res deteriorate per jactum* quomodo in contributione æstimentur, 653.
- Res ejectæ* navis levandæ causa si recuperentur, quid contribuendum, 654 & seqq. quænam in iis servandus ordo, quando ejiciendæ, 646.
- Res emphyteutica*, seu emphyteuticaria. Definitio, 13. num sine consensu domini oppignorari possit, 78. 84. quomodo ejus oppignoratio differat ab oppignoratione juris, 80. & quo effectu fiat, 81. num servitus eidem imponi possit, 86. ejus interitus totalis, 76. particularis, 77.
- Res feudalis.* Definitio, 157. quomodo tradatur & apprehendatur, 216. num locari possit, 322. num oppignorari a vasallo, 356. 357. an alteri

Index verborum & rerum precipuarum.

veri in feudari, 299. num ejus interu feudum finiatu, 422. 423
Res in feudanda num alienabilis esse debeat, 296
Res libellaria. Definitio, 101. quale in eas jus habeatur, 104. an de ea disponi possit sine consensu domini, 105.
Res ministrorum navis num veniant in contributionem propter jactum, 644
Res necessarias num domino aufertur liceat in extrema necessitate, 595
Res pretiose navis levandæ causa ejectæ, si ante jactum non indicentur, quomodo spectentur, 647. numquæ, quæ sunt vectorum, in contributionem veniant propter jactum, 643
Res utilitatis innoxie. Definitio, 682. cur alteri indulgendæ, 683
Res trajecta in scapham navis levandæ causa quod habeant jus, 661
Reservationes mentales num in pactis & promissis interpretandis admittendæ, 476.
Retia aliena num discindere liceat, si navis in ea impellatur, 676
Revocatio feudis. Definitio, 373. quando fieri possit, quando non, 374 & seqq. quando eidem actu sit locus, 386. num sit vindicatio, 383. si feudum in unum ex pluribus pari gradu existentibus alienetur, ad quos devolvi poterat, 391
Witterdienst, 186.
Ritus. Definitio, 807. quando differant a ceremoniis, 808

Ritus funebres. Definitio, 807. quales esse debeant, 809
Rugischer Zinſen, 153

S.

Sanctis cognitio unde pendeat, 821.
Sceletus. Definitio, 824. usus, 824. necessitas, 825. jus fabricandi unde competat homini, 826.
Scientia rerum quotuplicem habeant utilitatem, 869. quod conjunctis vinibus promovendæ, 863. num ad posteros propagandæ, 852. an humano generi utiles reticere liceat, 853.
Sectio cadaverum. Definitio, 819. usus, 820. an sit licita, 823
Sententia orationis num divisim, an conjunctim accipienda, in interpretatione attendendum, 402.
Sepulchretum. Definitio, 773.
Sepulchrum. Definitio, 746. quando commune detur, 776.
Sepultura. Definitio, 744. 746. num mortuis debeat, 767
Sepultura officium cuinam præstetur, 771
Servi num veniant in contributionem propter jactum, 636
Servitia feudalia. Definitio, 186. quando & quanam a vasallo præstanda, 178. an non præstata sint feloniam, 439. an sit feloniam, militaria non præstare in bello injusto, 441.
Servitus philosophandi num juri naturæ adversetur, 912. quid inde sequatur, 913.
Servi

Dd dd d 3

Servi

Index verborum & rerum præcipuarum.

- Servitus prædialis* num rei emphyteuticæ imponi possit, 86. num rei feudali, 342. 344. quomodo eidem imponi possit, 345. quamdiu a vassallo imposita duret, 347. an a vassallo acquiri possit, 352. an acquisita remitti, 353.
- Significatus verborum & terminorum* quinam a paciscentibus attendendus, 468. quinam præsumatur in paciscendo, 469.
- Significatus etymologicus*, vel *grammaticus*. Definitio, 473. an in interpretando sit usui, 474.
- Significatus latior*. Definitio, 493.
- Significatus improprius* num in interpretatione favorabilium admittendus, 503.
- Significatus proprius* quamdiu in pactis & promissis interpretandis attendendus, 470. quando eidem strictissime inhærendum, 475.
- Significatus strictior*. Definitio, 493.
- Solarium*. Definitio, 124. num sit solvendum, 133. num novus superficialarius id solvere teneatur, 135. quale sit jus idem exigendi, 134.
- Solum*, cui impositæ ædes superficialiæ, qua lege alienetur, 138.
- Sortis usus* in determinanda exceptione in casu emergente, 556.
- Studere* quid significet, 880. quomodo sit studendum, 881.
- Studiosus*. Definitio, 880.
- Subemphyteusis*. Definitio, 87. quando perimatur, 96. quid ea finita contingat, 97.
- Subemphyteuticatio*. Definitio, 87. an naturaliter licita, 88. quomodo fiat, 89. num quid immutet in emphyteusi, 94. quale jus in ea transmittatur, 95.
- Subfeudum*. Definitio, 300. an denuo subinfeudari possit, 315. quando extinguatur, 336. si ad dies vitæ, vel precario constituatur, 337.
- Subinfeudatio*. Definitio, 300. num naturaliter licita, 307. quomodo perficiatur, 304. quando fieri nequeat, 317. a quonam fieri possit, 301. num requirat domini consensum, 309. 318. quando subinfeudando feloniam committatur, 449. num quid immutet in nexu feudali, 302. an in obligatione vassalli, vel domini, 303. quotuplex sit, 313.
- Subinfeudatio particularis rerum universitate infeudata*, 312.
- Subinfeudatus*. Definitio, 300.
- Substantialia contractus* quænam dicantur, in. 163.
- Substantialia feudi* quænam dicantur & sint, 161. quomodo aliz determinationes iisdem superaddantur, 164.
- Subvassallus*. Definitio, 300. ejus jus & obligatio unde metienda, 306. quænam onera ferre debeat, 335. quamnam utilitatem in re feudali percipiat, 319.
- Sucesso in feudo pignoratitio* vassallo mortuo, 372.
- Succesor in bonis defuncti* eum amare & signa amoris edere debet, 743.
- Succes-*

Index verborum & rerum precipuarum.

Succesor feudalit. Definitio, 327.
quid fiat, successore deficiente, 328
Superficiarius. Definitio, 120: jus
quodnam sit, 130: quale jus habe-
at in solo, 122: respectu soli, 140:
unde jus & obligatio ejus. metienda,
129. num solarium solvere teneatur,
133: num suis sumtibus superficiem
sartam testam servare debeat, 147.
quidnam possideat, 136: num su-
perficiem alienare possit, 143: num
jus suum ad aliam superficiem exten-
dere, 150: num usumfructum su-
perficie alii concedere, 151.
Superficiarius novus num canonem sol-
vere teneatur, 145.
Superficies num vindicari possit, 146:
cujus sumtibus sartam testam servanda,
147: num ejus usumfructus alii com-
cedi possit, 157
Sylvæ in solo alieno habenda, 148.

T.

T*ermini technici* quomodo inter-
pretandi, 478. quando laxius in-
terpretandi, 502.
Transitio num ad perfectionem feudi re-
quiri possit, 218. in quonam consistat,
216. quando ipsi contractui insit, 217
Transitus per terras & flumina propria
quando personis concedendus, 689.
quando mercibus, 698. an ob hunc
contribuendum, 698

V.

V*asallus.* Definitio, 158. ejus ob-
ligatio ad fidelitatem præstandam,
245, jus in re feudali, 159. unde

ejus jus & obligatio metienda, 172.
quamnam utilitatem ex re percipiat,
319. num a domino compelli possit
ad contractum feudalem renovan-
dum, 241. quomodo re feudali uti
debeat, 340. quando fundum immu-
tare nequeat, 341. num servitutum
rei feudali imponere possit, 342. an
deteriorare liceat, 338. num omnia
onera ferre debeat, 354: quænam ser-
vitutia & quando præstare teneatur,
178: num vitam domini propriæ præ-
ferre, 446. num feudum alienare pos-
sit, 196. quando non possit sine con-
sensu domini, 196. 197: quando non
sine consensu eorum, ad quos trans-
mitti poterat, 198: 199. 200. num feu-
dum subinfeudare possit, 301. num
rem feudalem oppignorare, 356. 357.
num usumfructum in ea concedere,
325. 348. an usum, 325. 349: num
rem feudalem meliorare, 350. num
immutare, 351. an servitutum prædi-
alem eidem acquirere, 352. an acqui-
sitam remittere, 353. quando feloniam
committat, 443 & seqq. 448 &
seqq: quando non, 446 & seqq. num
committat defensione violenta adver-
sus dominum, 447. an consensu do-
mini ad alienationem non requisito,

448

Vasalli jur in feudo de cavena, 265. in
feudo soldatæ, 269. si dominus feudi
pignoratitii non solvat, 367.

Vasallus novus quando laudemium solve-
re teneatur, 232. quid de eo in alie-
natione conveniri possit,

234

Vello.

Index verborum & rerum præcipuarum.

<i>Vectores.</i> Definitio, 637. an in causa sint, ut jactus fieri debeat navis levandæ causa, 638. an in contributionem ob jactum veniant, 639. 640.	do intelligatur ex absurdo, 529. quomodo ex cessatione rationis, 530. quomodo ex materiæ defectu, 531.
<i>Venditio frumenti</i> quando cogi possit, 617.	<i>Voisfahren,</i> n. 849.
<i>Veste</i> num lugere liceat mortuos, 818.	<i>Ufus</i> num in re feudali constitui possit, 325. an a vasallo concedi, 349.
<i>Vestes vectorum</i> quando in contributionem veniant propter jactum, 641.	<i>Uusufructus</i> num in re feudali constitui possit, 325. an a vasallo concedi, 348.
<i>Vestimenta</i> quænam in contributionem veniant propter jactum, 649.	<i>Uusufructus superficiei</i> num alii concedi possit, 151.
<i>Vestitus mortuorum</i> quando ad ceremonias referendus, 873.	<i>Ufus loquendi</i> quinam in pactis antiquis interpretandus, 471.
<i>Verba cum relatione ad aliquid sumta</i> quomodo interpretanda, 49.	<i>Utile magis</i> num minori præferendum, 550.
<i>Veritas</i> an vi defendi possit, 957.	<i>Utilitas cognitionis ac scientiæ rerum</i> quotuplex, 869.
<i>Via</i> quando in jure superficiario comprehendatur, 142.	<i>Utilitas innoxia.</i> Definitio, 682.
<i>Vinea</i> in solo alieno habenda, 148.	<i>Utilitas manens</i> quomodo ex pecunia percipiatur, 277.
<i>Vita genera</i> , quæ eruditi sequuntur, 872. quale ab unoquoque eligendum, 874.	<i>Vulneratus</i> navis defendendæ causa, vel in ministerio, cujusnam sumtu curandus, 674.
<i>Virtutes morales</i> num ad posteros propagari possint, 854. num debeant, 855. an una præstet altera, 786.	Z.
<i>Vocabula aliquid secundum gradus significantiæ</i> quomodo interpretanda, 479.	<i>Zins. Gut,</i> 110.
<i>Voluntatis originaria defectus</i> quomo-	<i>Zins. Herr,</i> ibid.
	<i>Zins. Mann,</i> ibid.

Finis Indicis Parris VI. Juris Naturæ.



1211195



